



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







*Robert Lenox Kennedy.*



DWED  
L35.T81  
LWY













*Robt. Ashmole*  
*January 1846*  
T. LIVII PATAVINI

# HISTORIARUM LIBRI,

QUI SUPERSUNT  
OMNES ET DEPERDITORUM FRAGMENTA.

EX RECENSIONE  
ARN. DRAKENBORCHII AD CODICUM BAMBERGENSIS  
ET VINDOBONENSIS FIDEM PASSIM REFICTA  
A IOANNE THEOPHILO KREYSSIG.

ANNOTATIONES CREVIERII, STROTHII, RUPERTI,  
ALIORUMQUE SELECTAS;  
ANIMADVERSIONES NIEBUHRII, WACHSMUTHII,  
ET SUAS ADDIDIT


TRAVERS TWISS, I. C. B.  
COLL. UNIV. SOCIUS ET TUTOR.

TOM. II.

OXONII,  
IMPENSIS D. A. TALBOYS,

MDCCCXI.

p. 23



8

T. LIVII PATAVINI  
HISTORIARUM  
AB URBE CONDITA  
LIBRI.

---

EPITOME LIBRI XXI.

*IN Italiam belli Punici secundi ortus narratur, et Hannibalis Poenorum ducis contra foedus per Iberum amnem transitus, a quo Saguntum, sociorum populi Romani civitas, obsessa octavo mense capta est. De quibus iniuriis missi legati ad Carthaginienses, qui quererentur. Quum satisfacere nollent, bellum iis indictum est. Hannibal, superato Pyrenaeo saltu, per Gallias, fusis Volscis, qui obsistere conati erant, ad Alpes venit; et laborioso per eas transitu, quum montanos quoque Gallos obvios aliquot proeliis repulisset, descendit in Italiam, et ad Ticinum amnem Romanos equestri proelio fudit: in quo vulneratum P. Cornelium Scipionem protexit filius, qui Africani postea nomen accepit. Iterumque exercitu Romano ad flumen Trebiam fuso, Hannibal Apenninum quoque, per magnam militum vexationem propter vim tempestatum, transiit. Cn. Cornelius Scipio in Hispania contra Poenos prospere pugnavit, duce hostium Magone capto.*

# T. LIVII PATAVINI

## LIBER XXI.

Belli Pu-  
nici secundi  
magnitudo.

Hannibal  
odium iurat  
in Roma-  
nos.

**I**N parte operis mei licet mihi praefari, quod in principio summae totius professi plerique sunt rerum scriptores, <sup>1</sup> bellum maxime omnium memorabile, quae unquam gesta sint, me scripturum; quod, Hannibale duce, Carthaginienses cum populo Romano gessere. Nam neque validiores opibus ullae inter se civitates gentesque contulerunt arma, neque his ipsis tantum unquam virium aut roboris fuit: et haud ignotas belli artes inter se, sed expertas primo Punico conserebant bello: et adeo varia belli fortuna ancepsque Mars fuit, ut propius periculum fuerint, qui <sup>2</sup> vicerunt. Odiis etiam prope maioribus certarunt, quam viribus: Romanis indignantibus, quod victoribus victi ultro inferrent arma; Poenis, quod superbe avareque crederent <sup>4</sup> imperitatum victis esse. Fama etiam est, Hannibalem annorum ferme novem, pueriliter blandientem patri Hamil- <sup>5</sup> cari, ut duceretur in Hispaniam, quum, perfecto Africo <sup>6</sup> bello, exercitum eo traiecturus sacrificaret, altaribus admotum, tactis sacris iureiurando adactum, se, quum primum posset, hostem fore populo Romano. Angebant ingentis <sup>7</sup>

<sup>1</sup> *Plerique . . . rerum scriptores*] In quorum numero Thucydidem haud dubie noster intelligit. MURETUS.

<sup>2</sup> *Propius periculum*] Ita legendum monent Gronov. et Muret. quorum hic plura exempla citat, supr. iv. 17. infr. xxv. 11. cf. Sil. Ital. i. 13.

<sup>3</sup> *Qui vicerunt*] Ut melius intelligatur haec sententia, lege ea quae de Cannensi clade disserit noster, infr. xxii. 54. Propiores periculo fuere post Cannensem cladem Romani, quam erant Poeni post pugnam in Africa, cui Hannibal succubuit. Ideo cessere Carthaginienses, non quia maius periculum erat, sed quia ipsi minores animos gessere. CREV.

<sup>4</sup> *Superbe avareque*] Haec spectant

praecipue ad Sardiniam, ut mox dicetur, a Romanis interceptam. CREV. cf. Polyb. iii. 2.

<sup>5</sup> *Annorum ferme novem*] De quo Muretus Var. Lect. xv. 14. "Illud recto ac vere notavit Glareanus, manifesto Livium sibi pugnare, cum Hannibalem vixdum puberem Hasdrubalis literis accersitum scribit, cum ex ipsis Livii verbis necessario colligatur, Hannibalem eo tempore annos non minus viginti tres natum fuisse."

<sup>6</sup> *Africo bello*] Quod Hamilcare duce Carthaginienses cum mercenariis militibus in Africa gesserunt. Hoc bellum Polybius describit ad finem libri i. CREV.

<sup>7</sup> *Angebant*] cf. Polybius iii. 11.

8 spiritus virum Sicilia Sardiniaque amissae: nam et Siciliam Hamilcar  
 9 nimis celeri desperatione rerum concessam, et Sardiniam bellum Ro-  
 inter motum Africae fraude Romanorum, stipendio etiam manum  
 insuper imposito, interceptam. His anxius curis ita se meditatur.  
 1 Africo bello, quod fuit sub recentem Romanam pacem, per  
 quinque annos, ita deinde novem annis in Hispania augendo  
 Punico imperio gessit, ut appareret, maius eum, quam quod  
 gereret, agitare in animo bellum: et, si diutius vixisset,  
 Hamilcare duce Poenos arma Italiae illaturos fuisse, quae  
 2 Hannibalis ductu intulerunt. Mors Hamilcaris peroppor- Moritur.  
 3 tuna et pueritia Hannibalis distulerunt bellum. Medius Hasdrubal  
 Hasdrubal inter patrem et filium octo ferme annos imperium gener ei  
 obtinuit; flore aetatis, uti ferunt, primo Hamilcari con- succedit.  
 ciliatus: genèr inde ob altam indolem provento annis ascitus,  
 4 et, quia gener erat, factionis Barcinæ opibus, quae apud  
 milites plebemque plus quam modicae erant, haud sane  
 voluntate principum, imperio potitus. Is, plura consilio,  
 5 quam vi, gerens, hospitii regulorum magis, conciliandisque  
 per amicitiam principum novis gentibus, quam bello aut  
 armis, rem Carthaginiensem auxit. Ceterum nihilo ei pax  
 tutior fuit. Barbarus eum quidam palam, ob iram interfecti Occisus.  
 ab eo domini, obtruncavit; comprehensusque ab circum-  
 stantibus haud alio, quam si evasisset, vultu, tormentis quo-  
 que quum laceraretur, eo fuit habitu oris, ut, superante  
 laetitia dolores, ridentis etiã speciem praeberit. Cum  
 hoc Hasdrubale, quia mirae artis in sollicitandis gentibus,  
 6 imperioque iungendis suo fuerat, foedus renovaverat populus  
 Romanus, ut finis utriusque imperii esset amnis Iberus,

Ipsè Hannibal hoc suum implacabile in Romanos odium Antiocho exponit, infr. xxxv. 19.

8 *Siciliam . . . concessam*] Pace ad Aegates insulas facta, de cuius conditionibus cf. Pol. i. 62, 63.

9 *Sardiniam*] Bellum alieno suo tempore, seu veris, seu fictis de causis a Romanis illatum, Carthaginienses suscipere nolentes, non modo cessere Sardinia, sed etiam, postulanti- bus Romanis, ad priorem summam, quam pepigerant foedere ad Aegates insulas icto, adiecerunt argenti talenta mille ducenta.

1 *Per quinque annos*] Bellum Africum Polybius i. 88. tribus annis tantummodo cum quattuor mensibus gestum esse scribit. CREV.

2 *Mors Hamilcaris*] Hamilcar in praelio quodam adversus Vetrones ferocissimos Hispaniae populos, fortissime dimicans occubuit. CREV. cf. Pol. ii. 1. Corn. Nep. in Vit. Hamilc.

3 *Pueritia Hannibalis*] Qui tamen octodecim annos iam tum habebat.

4 *Factionis Barcinæ*] Eius quae cum Hamilcare Barca contra partes Hannonis stabat. Barca autem, ut Niebuhrio iii. p. 718. videtur, non gentile cognomen erat, sed *fulgur* Poena lingua significabat, et Hamilcari ea ratione inditum est, qua apud Romanos Scipiadae illi *duo fulmina belli* vocitabantur.

5 *Hospitiis regulorum*] cf. Pol. ii. 36. Fabius quidem ap. Pol. iii. 8, haud scio an animo minime aequo, ut qui Romanus de Poeno scriberet, de crudelitate Hamilcaris et avaritia loquitur.

6 *Foedus renovaverat*] cf. Pol. iii. 13. In eo cavebatur, ne quicquam in ea regione quae trans Iberum esset, Romani, aut in ea quae cis Iberum esset, Poeni sibi iuris arrogarent; neve alteruter populus eum amnem belli causa transiret.

3.  
Ei succedit  
Hannibal.

Saguntinisque mediis inter imperia duorum populorum libertas servaretur. In Hasdrubalis locum haud dubia res fuit, quin praerogativam militarem, qua extemplo iuvenis 7 Hannibal in praetorium delatus, imperatorque ingenti omnium clamore atque assensu appellatus erat, favor etiam plebis sequeretur. Hunc vixdum puberem Hasdrubal 8 literis ad se arcessierat: actaque res etiam in senatu fuerat, Barcinis nitentibus, ut assuesceret militiae Hannibal, atque in paternas succederet opes. Hanno, alterius factionis princeps, 'Et aequum postulare videtur,' inquit, 'Hasdrubal, et ego tamen non censeo, quod petit,tribuendum.' Quum admiratione tam ancipitis sententiae in se omnes convertisset, 'Florem aetatis,' inquit, 'Hasdrubal, quem ipse patri Hannibalis fruendum praebuit, iusto iure eum a filio repeti censet: nos tamen minime decet, iuventutem nostram pro militari rudimento assuefacere libidini praetorum. An hoc timemus, ne Hamilcaris filius nimis sero imperia immodica et regni paterni speciem videat; et, cuius regis genero hereditarii sint relictis exercitus nostri, eius filio parum mature serviamus? Ego, istum iuvenem domi tenendum, sub legibus, sub magistratibus docendum vivere aequo iure cum ceteris, censeo: ne quandoque parvus hic ignis incendi 9 dium ingens exsuscitet.' Pauci, ac ferme optimus quisque, Hannoni assentiebantur: sed, ut plerumque fit, maior pars

Hannibalis  
dotes et in-  
genium.

meliolem vicit. Missus Hannibal in Hispaniam primo statim adventu omnem exercitum in se convertit. Hamilcarem iuvenem redditum sibi veteres milites credere; eundem vigorem in vultu, vimque in oculis, habitum oris, lineamentaue intueri. Dein brevi effecit, ut pater in se minimum momentum ad favorem conciliandum esset. 9 Nunquam ingenium idem ad res diversissimas, parendum atque imperandum, habilis fuit. Itaque haud facile decerneres, utrum imperatori, an exercitui, carior esset: neque Hasdrubal alium quemquam praeficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciae ad pericula capessenda, plurimum consilii inter ipsa pericula erat: nullo

7 *Praerogativam militarem*] Suffragium ante a militibus latum. cf. supr. iii. 51.

8 *Vixdum puberem*] Non facile intelligitur quomodo Livius *vixdum puberem* appellare possit iuvenem eum, qui, ut ex ipsius narratione colligitur, annum tunc 22. aetatis excesserat. Hannibal novem ferme annorum erat, quum Hamilcar in Hispaniam traiecit: novem annis in Hispania rem gessit Hamilcar: octo

ferme annis imperium obtinuit Hasdrubal, ex quibus si triennium detraxeris, quo sub eo imperatore meruit Hannibal, efficitur Hannibalem, tunc quum ab Hasdrubale arcessitus est, annum 23. egisse. CREV.

9 *Minimum momentum*] h. e. Minimam vim haberet patris gratia. Ita Iustinus xiii. 6. Olympias, inquit, mater Alexandri, non *mediocre momentum* partium. GRONOV.

labore aut corpus fatigari, aut animus vinci poterat. Caloris ac frigoris patientia par, cibi potionisque desiderio naturali, non voluptate, modus finitus: vigiliarum somnique nec die, nec nocte discriminata tempora. Id, quod gerendis rebus superesset, quieti datum: ea neque molli strato, neque silentio arcessita. Multi saepe militari sagulo operum, humi iacentem inter custodias stationesque militum, conspexerunt. Vestitus nihil inter aequales excellens: arma atque equi conspiciebantur. Equitum peditumque idem longe primus erat. Princeps in proelium ibat: ultimus conserto proelio excedebat. Has tantas viri virtutes ingentia vitia aequabant; inhumana crudelitas, perfidia plus quam Punica, nihil veri, nihil sancti, nullus deum metus, nullum iusiurandum, nulla religio. Cum hac indole virtutum atque vitiorum triennio sub Hasdrubale imperatore meruit, nulla re, quae agenda videndaque magno futuro duci esset, praetermissa.

Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque, ut patrem Hamilcarem, deinde Hasdrubalem, cunctantem casus aliquis opprimeret, Saguntinis inferre bellum statuit. Quibus oppugnandis quia haud dubie Romana arma movebantur, in Olcadum fines prius (ultra Iberum ea gens in parte magis, quam in ditione, Carthaginiensium erat) induxit exercitum, ut non petisse Saguntinos, sed rerum serie, finitimis domitis gentibus, iungendoque, tractus ad id bellum videri posset. Carteiam, urbem opulentam, caput gentis eius, expugnat diripitque. Quo metu percussae minores civitates, stipendio imposito, imperium acceperunt. Victor exercitus, opulentusque praeda, Carthaginem novam in hiberna est deductus. Ibi large partiendo praedam, stipendio praeterito cum fide exsolvendo, cunctis civium sociorumque animis in se firmatis, vere primo in Vaccaeos promotum bellum. Hermandica et Arbocala urbes vi captae. Arbocala et virtute

5.

Hannibal bellum inferre Saguntinis statuit. Sed prius Olcadibus bellum infert.

Tum Vaccaeis.

1 *Conspiciebantur*] Conspicua erant. cf. supr. i. 47. ii. 5. cf. Sil. Ital. i. 242.

2 *Ingentia vitia*] In recensendis Hannibalis vitiis haud dubie aliquid tribuendum est scriptoris erga infestissimum populi Romani hostem odio; moderatius certe ea stringit Pol. ix. 22. DOER.

3 *In Olcadum fines*] cf. Pol. iii. 13. Olcades inter Tagum et Boetim fluvios erant.

4 *In parte magis*] Magis intra limites foedere Romano Carthaginiensibus definitos, quam in eorum ditione. CREV.

5 *Iungendoque*] sc. Ut Saguntinos sibi iungeret.

6 *Carteiam*] Imo *Altheam* ex Pol. iii. 13. Carteia sita fuit in ora Oceani, ad fretum Herculeum. Ea autem urbs, de qua hic agitur, quum dicatur fuisse gentis Olcadum caput, non potuit longe abesse a Carthagine nova. CREV.

7 *Arbocala et virtute*] Ita quoque Pol. iii. 14.



et multitudine oppidanorum diu defensa. Ab Hermandica profugi, exsulibus Olcadum, priore aestate domitae gentis, quum se iunxissent, concitant Carpetanos: adortique Hannibalem, regressum ex Vaccaeis, haud procul Tago flumine agmen grave praeda turbavere. Hannibal proelio abstinuit; castrisque super ripam positis, quum prima quies silentiumque ab hostibus fuit, amnem vado traiecit: valloque 8 ita producto, ut locum ad transgrediendum hostes haberent, invadere eos transeuntes statuit. Equitibus praecepit, ut, quum ingressos aquam viderent, adorirentur. Peditum agmen in ripa, elephantos ante quadraginta disposuit. Carpetanorum cum appendicibus Olcadum Vaccaeorumque 9 centum millia fuere; invicta acies, si aequo dimicaretur campo. Itaque et ingenio feroces, et multitudine freti, et, quod metu cessisse credebant hostem, id morari victoriam 1 rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripae vis ingens equitum in flumen 2 immissa, medioque alveo haudquaquam pari certamine concursus; quippe ubi pedes instabilis, ac vix vado fidens, vel ab inermi equite, equo temere acto, perverti posset: eques, corpore armisque liber, equo vel per medios gurgites stabili, cominus eminusque rem gereret. Pars magna flumine absumpta: quidam, vorticoso amni delati in hostes, 3 ab elephantis obtriti sunt: postremi, quibus regressus in suam ripam tutior fuit, ex varia trepidatione quum in unum colligerentur, priusquam ex tanto pavore reciperent animos, Hannibal, agmine quadrato amnem ingressus, fugam ex 4 ripa fecit: vastatisque agris, intra paucos dies Carpetanos quoque in deditionem accepit. Et iam omnia trans Iberum, praeter Saguntinos, Carthaginiensium erant. Cum Saguntinis bellum nondum erat: ceterum iam belli causa certamina cum finitimis serebantur, maxime Turdetanis. Quibus quum adesset idem, qui litis erat sator, nec certamen 5 iuris, sed vim quaeri appareret; legati a Saguntinis Romam missi, auxilium ad bellum iam haud dubie imminens orantes.

Vaccae, et alii populi vincuntur.

6.

Saguntini Romam legatos mittunt.

8 *Valloque ita producto*] Et quum ita longe a ripa produxisset vallum, quum eo intervallo a ripa castra communisset, ut locum ad transgrediendum amnem hostes haberent. CREV.

9 *Cum appendicibus Olcadum Vaccaeorumque*] Cum adiunctis sibi Olcadibus et Vaccaeis, qui quidem appendicis loco erant, quum Carpetani praecipuum robur exercitus essent. CREV.

1 *Id morari victoriam rati, quod interesset amnis*] Rati id unum sibi morae esse ad victoriam, quod amnis

interpositus hostem a se dirimeret. CREV.

2 *Vis ingens equitum in flumen immissa*] Ab Hannibale. CREV.

3 *Vorticoso*] *Verticoso*, quod plur. codd. exhibent, Crevier. et Bekker. reposuerunt.

4 *Agmine quadrato*] sc. In proelium instructo.

5 *Quum adesset idem*] sc. Quum Hannibal, qui litem inter Saguntinos et Turdetanos serebat, Turdetanis contra Saguntinos adesset.

5 Consules tunc Romae erant P. Cornelius Scipio et Ti. Sem- U. C. 534.  
pronius Longus. Qui quum, legatis in senatum introductis, A. C. 218.  
6 de republica retulissent, placuissetque mitti legatos in His- P. Cornelio,  
paniam, ad res sociorum inspiciendas; quibus si videretur Ti. Sem-  
digna causa, et Hannibali denuntiarent, ut ab Saguntinis, pronio  
sociis populi Romani, abstineret, et Carthaginem in Afri- Coss.  
cam traicerent, ac sociorum populi Romani querimonias  
7 deferrent: hac legatione decreta, necdum missa, omnium Sagunti op-  
spe celerius Saguntum oppugnari allatum est. Tunc relata pugnatio.  
ex integro res ad senatum. Alii, provincias consulibus  
Hispaniam atque Africam decernentes, terra marique rem  
gerendam censebant: alii totum in Hispaniam Hanniba-  
lemque intendebant bellum. Erant, qui non temere moven-  
dam rem tantam, exspectandosque ex Hispania legatos cen-  
serent. Haec sententia, quae tutissima videbatur, vicit: Legati in  
legatique eo maturius missi, P. Valerius Flaccus et Q. Bae- Hispaniam  
bius Tamphilus, Saguntum ad Hannibalem, atque inde a Rom.  
Carthaginem, si non absisteretur bello, ad ducem ipsum in mittuntur.  
poenam foederis rupti deposcendum.

Dum ea Romani parant consultantque, iam Saguntum 7.  
summa vi oppugnabatur. Civitas ea longe opulentissima  
ultra Iberum fuit, sita passus mille ferme a mari. Oriundi  
a Zacyntho insula dicuntur, mixtique etiam ab Ardea  
8 Rutulorum quidam generis. Ceterum in tantas brevi  
creverant opes, seu maritimis, seu terrestribus fructibus, seu  
multitudinis incremento, seu sanctitate disciplinae, qua  
fidem socialem usque ad perniciem suam coluerunt. Han-  
nibal, infesto exercitu ingressus fines, pervastatis passim  
agris, urbem tripartito aggreditur. Angulus muri erat in  
planiore patentioreque, quam cetera circa, vallem ver-  
9 gens. Adversus eum vineas agere instituit, per quas aries  
moenibus admoveri posset. Sed ut locus procul muro Saguntini  
satis aequus agendis vineis fuit; ita haudquaquam prospere, fortiter re-  
1 postquam ad effectum operis ventum est, coeptis succedebat. pugnant.  
Et turris ingens imminebat: et murus, ut in suspecto loco,  
supra ceterae modum altitudinis emunitus erat: et iuventus  
delecta, ubi plurimum periculi ac laboris ostendebatur, ibi

5 Consules tunc . . . erant] Vide 15.  
infr. et ea quae ad illud annotabimus.  
CREV.

6 De republica retulissent] sc. Quum  
consulendum, quid e republica esset,  
proposuissent.

7 Necdum missa] Longe aliter Po-  
lybius iii. 15. rem narrat, qui legatos  
Romanos, re frustra apud Hanniba-  
lem tentata, a Sagunto Carthaginem  
ante bellum commissum traiecisse  
scribit.

8 Rutulorum quidam generis] Hinc,  
et quia urbs Tarraco Tyrrenam  
originem prae se gerit, gentem Pe-  
lasgicam usque in Hispaniam radices  
egisse censet Niebhr. i. n. 126; quippe  
Ardeam Pelasgica origine fuisse ex  
Virg. Aen. vii. 410. liquet.

9 Vineas agere] cf. Supr. ii. 17.

1 Ad effectum operis] sc. Postquam,  
vineis admotis, ad rem ipsam, h. e.  
murus ariete quatiendum, accesser-  
unt.

U. C. 534. vi maiore obsistebant. Ac primò missilibus summovere  
 A. C. 218. hostem, nec quicquam satis tutum munientibus pati.<sup>2</sup>  
 Deinde iam non pro moenibus modo atque turri tela micare,  
 sed ad erumpendum etiam in stationes operaque hostium  
 animus erat: quibus tumultuariis certaminibus haud ferme  
 Hannibal plures Saguntini cadebant, quam Poeni. Ut vero Hannibal  
 vulneratus. ipse, dum murum incautius subit, adversum femur tragula<sup>3</sup>  
 graviter ictus cecidit; tanta circa fuga ac trepidatio fuit, ut  
 non multum abesset, quin opera ac vineae desererentur.<sup>4</sup>  
 8. Obsidio deinde per paucos dies magis, quam oppugnatio,  
 fuit, dum vulnus ducis curaretur: per quod tempus ut quies  
 certaminum erat, ita ab apparatu operum ac munitionum  
 nihil cessatum. Itaque acrius de integro obortum est  
 bellum, pluribusque partibus, vix accipientibus quibusdam  
 opera locis, vineae coeptae agi, admoverique aries. Abun-  
 dabat multitudine hominum Poenus; ad centum enim quin-  
 quaginta millia habuisse in armis satis creditur. Oppidani<sup>4</sup>  
 ad omnia tuenda atque obeunda multifariam distineri coepti<sup>5</sup>  
 sunt: et non sufficebant. Iam enim feriebantur arietibus<sup>6</sup>  
 muri, quassataeque multae partes erant. Una continentibus<sup>8</sup>  
 ruinis nudaverat urbem: tres deinceps turres, quantumque  
 inter eas muri erat, cum fragore ingenti prociderant: cap-  
 tumque oppidum ea ruina crediderant Poeni; qua, velut si  
 pariter utrosque murus texisset, ita utrimque in pugnam  
 procursum est. Nihil tumultuariae pugnae simile erat,  
 quales in oppugnationibus urbium per occasionem partis  
 alterius conseri solent: sed iustae acies, velut patienti campo,  
 inter ruinas muri tectaque urbis modico distantia intervallo  
 constiterant. Hinc spes, hinc desperatio animos irritat:  
 Poeno cepisse iam se urbem, si paullulum annitatur, credente;  
 Saguntinis pro nudata moenibus patria corpora opponenti-  
 bus, nec ullo pedem referente, ne in relictum a se locum  
 hostem immitteret. Itaque quo acrius et conferti magis

<sup>2</sup> *Neo quicquam satis tutum munientibus*] Nec quicquam loci concedere munitoribus, ubi illi a iactu telorum satis tuti essent. DOER.

<sup>3</sup> *Tragula*] Tragula missile erat telum, sic dictum, si credimus Varro-  
 ni, de Lingua Lat. v. 24. *a traiciendo*. Festus autem tragulam ita dictam, quod scuto infixae trahatur. Validissima fuisse, et forma quodammodo tramata.

<sup>4</sup> *Satis creditur*] Illud *satis* in deliciis Livio fuisse, eumque id variis locutionibus iunxisse animadvertit Drak. cf. infr. 26. xxviii. 35. xxix. 37.

<sup>5</sup> *Multifariam distineri*] Multi-

modam adhibere artem, ut possent sese per omnia quae tuenda essent et obeunda, dispertire. CREV. cf. supr. iv. 59. ut *distinerent* Volscos.

<sup>6</sup> *Et non sufficebant*] sc. Labori. cf. infr. xxxvi. 45. *quoad sufficere remiges potuerunt*.

<sup>7</sup> *Iam enim feriebantur*] *Itaque iam feriebantur* e codd. Flor. et Cant. in textum recepit Bekker. *et non sufficebant, (iam enim feriebantur arietibus) muri*, I. Fr. Gronov.

<sup>8</sup> *Una continentibus*] In quibusdam codd. legitur, *Et una continentibus ruinis nudaverant urbem*. Continentibus, h. e. continuis, altera alteram excipiente ruina.

utrimque pugnabant, eo plures vulnerabantur, nullo inter  
 9 arma corporaque vano intercidente telo. Falarica erat U. C. 534.  
A. C. 218.  
 Saguntinis, missile telum hastili abiegno, et cetera tereti,  
 praeterquam ad extremum, unde ferrum exstabat. Id, sicut  
 in pilo, quadratum stuppa circumligabant, linebantque pice.  
 1 Ferrum autem tres longum habebat pedes, ut cum armis  
 transfigere corpus posset. Sed id maxime, etiamsi haesisset  
 in scuto, nec penetrasset in corpus, pavorem faciebat;  
 quod, quum medium accensum mitteretur, conceptumque  
 ipso motu multo maiorem ignem ferret, arma omitti coge-  
 bat, nudumque militem ad insequentes ictus praebebat. Quum  
 diu anceps fuisset certamen, et Saguntinis, quia praeter  
 spem resisterent, crevissent animi; Poenus, quia non  
 vicisset, pro victo esset: clamorem repente oppidani tollunt,  
 hostemque in ruinas muri expellunt; inde impeditum trepi-  
 dantemque exturbant; postremo fusum fugatumque in  
 castra redigunt. 9.

Interim ab Roma legatos venisse nuntiatum est: quibus Hannibal  
legatos  
Rom. non  
admittit.  
 obviam ad mare missi ab Hannibale, qui dicerent, nec tuto  
 eos adituros inter tot tam efferatarum gentium arma: nec  
 2 Hannibali, in tanto discrimine rerum, operae esse legationes  
 audire. Apparebat, non admissos protinus Carthaginem  
 ituros. Literas igitur nuntiosque ad principes factionis  
 Barcinae praemittit, ut praepararent suorum animos, ne  
 3 quid pars altera gratificari pro Romanis posset. Itaque, 10.  
 praeterquam quod admissi auditique sunt, ea quoque vana Legati  
Rom. Car-  
thaginem  
eunt.  
Hannonis  
oratio in  
Hanniba-  
lem.  
 atque irrita legatio fuit. Hanno unus adverso senatu causam  
 foederis, magno silentio propter auctoritatem suam, non as-  
 sensu audientium, egit. ‘Per deos, foederum arbitros ac  
 ‘ testes, monuisse, praedixisse se, ne Hamilcaris progeniem  
 ‘ ad exercitum mitterent. Non Manes, non stirpem eius  
 ‘ conquiescere viri: nec unquam, donec sanguinis nominis-  
 4 ‘ que Barcini quisquam supersit, quietura Romana foedera.  
 ‘ Iuvenem flagrantem cupidine regni, viamque unam ad id  
 ‘ cernentem, si ex bellis bella serendo succinctus armis  
 ‘ legionibusque vivat, velut materiam igni praebentes, ad  
 ‘ exercitus misistis. Aluistis ergo hoc incendium, quo  
 ‘ nunc ardetis. Saguntum vestri circumsident exercitus,

9 *Falarica*] Genus teli, missile, quo utuntur ex falis, id est, ex locis exstructis dimicantes. FESTUS.

1 *Ferrum autem tres longum habebat pedes*] Falarica ferrum habebat longum tres pedes. Sic passim loquitur Livius. Infr. 28. *Ratem unam ducentos longam pedes*. viii. 10. *Signum septem pedes altum*. et alibi saepius. CREV.

2 *Operae esse*] Legatos tamen ab eo admissos tradit Pol. iii. 15; sed antequam Saguntum oppugnari coeptum est. RUP.

3 *Gratificari pro Romanis*] Insolens haec dictio: Perizonii coniecturam, *gratificari populo Romano*, probat DRAK.

4 *Quietura*] h. e. Tuta fore a violatione, integra mansura esse. DOER.

- U. C. 534. unde arcentur foedere: mox Carthaginem circumsidebunt  
 A. C. 218. Romanae legiones, ducibus iisdem diis, per quos priore  
 bello rupta foedera sunt ulti. Utrum hostem, an vos, an  
 fortunam utriusque populi ignoratis? Legatos, ab sociis et  
 pro sociis venientes, bonus imperator vester in castra non  
 admisit, ius gentium sustulit. Hi tamen, unde ne hostium  
 quidem legati arcentur, pulsati ad vos veniunt, res ex foedere  
 repetunt. Publica fraus absit; auctorem culpae et reum  
 criminis deposcunt. Quo lenius agunt, segnius incipiunt;  
 eo, quum coeperint, vereor, ne perseverantius saeviant.  
 Aegates insulas Erycemque ante oculos proponite; quae  
 terra marique per quattuor et viginti annos passi sitis.  
 Nec puer hic dux erat, sed pater ipse Hamilcar, Mars alter,  
 ut isti volunt. Sed tunc Tarento, id est Italia, non ab-  
 stinueramus ex foedere: sicut nunc Sagunto non abstine-  
 mus. Vicerunt ergo dii hominesque; et id, de quo verbis  
 ambigebatur, uter populus foedus rupisset, eventus belli,  
 velut aequus iudex, unde ius stabat, ei victoriam dedit.  
 Carthagini nunc Hannibal vineas turresque admovet:  
 Carthaginis moenia quatit ariete. Sagunti ruinae (falsus  
 utinam vates sim) nostris capitibus incident, susceptumque  
 cum Saguntinis bellum habendum cum Romanis est.  
 Dedemus ergo Hannibalem? dicet aliquis. Scio, meam  
 levem esse in eo auctoritatem propter paternas inimicitias.  
 Sed et Hamilcarem eo perisse laetatus sum, quod, si ille  
 viveret, bellum iam cum Romanis haberemus; et hunc  
 iuvenem, tanquam furiam facemque huius belli, odi ac  
 detestor. Nec dedendum solum id piaculum rupti  
 foederis; sed, si nemo deposcat, devehendum in ultimas  
 maris terrarumque oras, ablegandumque eo, unde nec ad  
 nos nomen famaeque eius accedere, neque sollicitare quietae  
 civitatis statum possit. Ego ita censeo, legatos extemplo  
 Romam mittendos, qui senatui satisfaciant: alios, qui  
 Hannibali nuntient, ut exercitum ab Sagunto abducatur,  
 ipsumque Hannibalem ex foedere Romanis dedant:  
 tertiam legationem ad res Saguntinis reddendas decerno.
11. Quum Hanno perorasset, nemini omnium certare oratione  
 cum eo necesse fuit: adeo prope omnis senatus Hannibalis

5 *Publica fraus absit*] Concessio ex persona Romanorum; quasi diceret Hanno: foederis rupti et noxam et poenam non publicam esse Carthaginensium, sed solius Hannibalis propriam, Romani facile patiuntur. CREV.

6 *Aegates insulas*] Contra Lilybaeum sitas, ad quas priore bello victus est navali proelio Hamilcar: et postea praesidium Eryce pretio re-

demptum deducere coactus est. Pol. i. 60.

7 *Sed tunc Tarento*] *Sed Tarento* Bekker. De hoc foedere, ex quo Italia Carthaginenses, Sicilia Romanos abstinere oportebat, mentionem facit Pol. iii. 26.

8 *Accedere*] *Accidere*, licet codd. advers., ex emendatione Gronovii in textum reposuit Bekker.

erat; infestiusque locutum arguebant Hannonem, quam Flaccum Valerium, legatum Romanum. Responsum inde legatis Romanis est, 'Bellum ortum ab Saguntinis, non ab Hannibale esse. Populum Romanum iniuste facere, si Saguntinos vetustissimae Carthaginensium societati praeponat.'

U. C. 534.  
A. C. 218.  
Favet senatus Carthagin. Hannibali

Dum Romani tempus terunt legationibus mittendis, Hannibal, quia fessum militem proeliis operibusque habebat, paucorum iis dierum quietem dedit, stationibus ad custodiam vinearum aliorumque operum dispositis. Interim animos eorum nunc ira in hostes stimulando, nunc spe praemiorum accendit. Ut vero pro concione praedam captae urbis edixit militum fore, adeo accensi omnes sunt, ut, si extemplo signum datum esset, nulla vi resisti videretur posse. Saguntini ut a proeliis quietem habuerant, nec lacessentes, nec lacessiti per aliquot dies; ita non nocte, non die unquam cessaverunt ab opere, ut novum murum ab ea parte, qua patefactum oppidum ruinis erat, reficerent. Inde oppugnatio eos aliquanto atrocior, quam ante, adorta est: nec, qua primum aut potissimum parte ferrent opem, quum omnia variis clamoribus streperent, satis scire poterant. Ipse Hannibal, qua turris mobilis, omnia munimenta urbis superans altitudine, agebatur, hortator aderat. Quae quum admota, catapultis ballistisque per omnia tabulata dispositis, muros defensoribus nudasset; tum Hannibal, occasionem ratus, quingentos ferme Afros cum dolabris ad subruendum ab imo murum mittit: nec erat difficile opus, quod caementa non calce durata erant, sed interlita luto, structurae antiquae genere. Itaque latius, quam caederetur, ruebat: perque patentia ruinis agmina armatorum in urbem vadebant. Locum quoque editum capiunt: collatisque eo catapultis ballistisque, ut castellum in ipsa urbe velut arcem imminemtem haberent, muro circumdant: et Saguntini murum interiorum ab nondum capta urbis parte ducunt. Utrumque summa vi et muniunt, et pugnant: sed, interiora tuendo, minorem in dies urbem Saguntini faciunt. Simul crescit inopia omnium longa obsidione, et

Saguntinorum constantia.

9 *Vetustissimae Carthaginensium societati*] Iam U. C. 245. Carthaginenses cum Romanis foedus pepigerant; cf. Pol. iii. 22. et quae de hac re disseruit Heynius in Opusc. suis iii. p. 39.

1 *Catapultis ballistisque*] Antiquitus haec duo sedulo distingui mos erat. *Catapultis* tela, *ballistis* saxa torquebantur. Ballistae maioris erant molis, quam catapultae. Sed poste-

rioribus temporibus utrumque nomen confundi coeptum est. Vid. Lips. Poliorc. iii. § 2. et 3. CREV.

2 *Caementa non calce*] h. e. Iuncturae sive lapidum commissiones non calce duratae, sed tantum luto interlita erant.

3 *Latius, quam caederetur*] Itaque latior erat ruina, quam ea pars muri quae caesa sive icta fuerat. CREV.



U. C. 534. minuitur expectatio externae opis; quum tam procul Ro-  
 A. C. 218. mani, unica spes, circa omnia hostium essent. Paullisper  
 tamen affectos animos recreavit repentina profectio Hanni-  
 balis in Oretanos Carpetanosque: qui duo populi, delectus  
 acerbitate consternati, retentis conquisitoribus, metum de-  
 fectionis quum praebuissent, oppressi celeritate Hannibalis,  
 12. omiserunt mota arma. Nec Sagunti oppugnatio segnior  
 erat, Maharbale, Himilconis filio, (eum praefecerat Hanni-  
 bal) ita impigre rem agente, ut ducem abesse nec cives, nec  
 hostes sentirent. Is et proelia aliquot secunda fecit, et  
 tribus arietibus aliquantum muri discussit; strataque omnia  
 recentibus ruinis advenienti Hannibali ostendit. Itaque  
 ad ipsam arcem extemplo ductus exercitus, atroxque proe-  
 lium cum multorum utrimque caede initum, et pars arcis  
 capta est.

Pax frustra  
 tentata.

Tentata deinde per duos est exigua pacis spes, Alconem  
 Saguntinum, et Alorcum Hispanum. Alcon, insciis Sa-  
 guntinis, precibus aliquid moturum ratus, quum ad Hanni-  
 balem noctu transisset, postquam nihil lacrimae movebant,  
 conditionesque tristes, ut ab irato victore, ferebantur, trans- 4  
 fuga ex oratore factus, apud hostem mansit; moriturum  
 affirmans, qui sub conditionibus his de pace ageret. Postu-  
 labatur autem, redderent res Turdetanis; traditoque omni  
 auro atque argento, egressi urbe cum singulis vestimentis  
 ibi habitarent, ubi Poenus iussisset. Has pacis leges ab-  
 nuente Alcone accepturos Saguntinos, Alorcus, vinci ani-  
 mos, ubi alia vincantur, affirmans, se pacis eius interpretem 5  
 fore pollicetur. Erat autem tum miles Hannibalis; cete- 6  
 rum publice Saguntinis amicus atque hospes. Tradito  
 palam telo custodibus hostium, transgressus munimenta, ad  
 praetorem Saguntinum (et ipse ita iubebat) est deductus.  
 Quo quum extemplo concursus omnis generis hominum  
 esset factus, summota cetera multitudine, senatus Alorco  
 13. datus est: cuius talis oratio fuit. ‘Si civis vester Alcon,  
 Alorci ora- ‘sicut ad pacem petendam ad Hannibalem venit, ita pacis  
 tio de pace. ‘conditiones ab Hannibale ad vos retulisset, supervacaneum  
 ‘hoc mihi fuisset iter, quo nec orator Hannibalis, nec  
 ‘transfuga ad vos venissem. Quum ille, aut vestra, aut sua  
 ‘culpa, manserit apud hostem, (si metum simulavit, sua;  
 ‘vestra, si periculum est apud vos vera referentibus) ego,  
 ‘ne ignoraretis, esse aliquas et salutis et pacis vobis condi-

4 *Transfuga ex oratore factus]*  
 Orare desinens, sc. transfugam pro-  
 fessus est, quippe qui eas conditiones  
 civibus suis proponere non auderet.

5 *Alia]* Alia, ut saepe ap. Livium,  
 cetera dicuntur. Muros, armaque  
 intelligit Douiat.

6 *Ceterum publice Saguntinis ami-  
 cus atque hospes]* Ita quoque supr. v.  
 28. *Timasitheus Liparensis hospes  
 populi Romani factus est.* Ceterum  
 hospes id quod apud Graecos *ἑσπέρης*  
*ἑσπέρης* erat.



‘tiones, pro vetusto hospitio, quod mihi vobiscum est, ad U. C. 534.  
 ‘vos veni. Vestra autem causa me, nec ullius alterius, A. C. 218.  
 7 ‘loqui, quae loquor apud vos, vel ea fides sit, quod, neque  
 ‘dum vestris viribus restitistis, neque dum auxilia ab Ro-  
 ‘manis sperastis, pacis unquam apud vos mentionem feci.  
 ‘Postquam nec ab Romanis vobis ulla spes est, nec vestra  
 ‘iam aut arma vos, aut moenia satis defendunt, pacem afferro  
 ‘ad vos magis necessariam, quam aequam: cuius ita aliqua  
 ‘spes est, si eam quemadmodum ut victor fert Hannibal,  
 ‘sic vos ut victi audiatis: si non id, quod amittitur, in  
 ‘damno, (quum omnia victoris sint) sed, quicquid relin-  
 ‘quitur, pro munere habituri estis. Urbem vobis, quam  
 ‘ex magna iam parte dirutam, captam fere totam habet,  
 ‘adimit, agros relinquit, locum assignaturus, in quo novum  
 ‘oppidum aedificetis: aurum argentumque omne, publicum  
 ‘privatumque, ad se iubet deferri: coniugum vestraque  
 ‘corpora ac liberorum vestrorum servat inviolata, si inermes  
 8 ‘cum binis vestimentis velitis ab Sagunto exire. Haec  
 ‘victor hostis imperat. Haec, quanquam sint gravia atque  
 ‘acerba, fortuna vestra vobis suadet. Equidem haud de-  
 ‘spero, quum omnium potestas ei facta sit, aliquid ex his  
 ‘rebus remissurum. Sed vel haec patienda censeo potius,  
 ‘quam trucidari corpora vestra, rapi trahique ante ora  
 ‘vestra coniuges ac liberos belli iure sinatis.’

Ad haec audienda quum, circumfusa paullatim multitu- 14.  
 dine, permixtum senatui esset populi concilium; repente  
 primores, secessione facta, priusquam responsum daretur,  
 argentum aurumque omne, ex publico privatoque in forum  
 9 collatum, in ignem ad id raptim factum coniicientes, eodem  
 plerique semet ipsi praecipitaverunt. Quum ex eo pavor  
 ac trepidatio totam urbem pervasisset, alius insuper tumultus  
 ex arce auditur. Turris diu quassata prociderat: perque  
 ruinam eius cohors Poenorum impetu facto quum signum  
 imperatori dedisset, nudatam stationibus custodiisque solitis  
 hostium esse urbem; non cunctandum in tali occasione  
 ratus Hannibal, totis viribus aggressus urbem, momento  
 cepit, signo dato, ut omnes puberes interficerentur. Quod  
 imperium crudele, ceterum prope necessarium cognitum  
 ipso eventu est. Cui enim parci potuit ex iis, qui aut

Captum  
Saguntum.

7 *Vel ea fides sit*] Iam id fidem faciat. RUP.

8 *Cum binis vestimentis*] cf. Supr. 12. Hannibal postulat, ut cum singulis vestimentis Saguntini exeant. Itaque recte videtur Lipsius hic reponere: *cum privis*, i. e. singulis, *vestimentis*. Tametsi vox illa paullo rarioris est usus. CREV. cf. supr. vii.

37. sed Doering. per *bina* ea simul, quibus quisque indutus esset, intelligit.

9 *In ignem ad id raptim factum*] De simili Numantinorum facinore, cf. infr. xxviii. 23. *Nesactinorum*, infr. xli. 11. *Xanthenium*, Appian. 4. Plut. in Brut.

U. C. 534. inclusi cum coniugibus ac liberis domos super se ipsos con-  
A. C. 218. cremaverunt, aut armati nullum ante finem pugnae, quam  
15. morientes, fecerunt? Captum oppidum est cum ingenti  
praeda. Quanquam pleraque ab dominis de industria cor-  
rupta erant, et in caedibus vix ullum discrimen aetatis ira  
fecerat, et captivi militum praeda fuerant; tamen et ex  
pretio rerum venditarum aliquantum pecuniae redactum  
esse constat, et multam pretiosam supellectilem vestemque  
missam Carthaginem.

Octavo mense, quam coeptum oppugnari, captum Sagun-  
tum, quidam scripsere: inde Carthaginem novam in hi-  
berna Hannibalem concessisse: quinto deinde mense, quam  
ab Carthagine profectus sit, in Italiam pervenisse. Quae  
si ita sunt, fieri non potuit, ut P. Cornelius, Ti. Sempro-  
nius consules fuerint, ad quos et principio oppugnationis  
legati Saguntini missi sint, et qui in suo magistratu cum  
Hannibale, alter ad Ticinum amnem, ambo aliquanto post  
ad Trebiam, pugnaverint. Aut omnia breviora aliquanto  
fuere, aut Saguntum principio anni, quo P. Cornelius, Ti.  
Sempronius consules fuerunt, non coeptum oppugnari est,  
sed captum. Nam excessisse pugna ad Trebiam in annum  
Cn. Servilii et C. Flamini non potest: quia Flaminius  
Arimini consulatum iniit, creatus ab Ti. Sempronio consule;  
qui, post pugnam ad Trebiam ad creando consules Romam  
quum venisset, comitiis perfectis ad exercitum in hiberna  
rediit.

16. Sub idem fere tempus et legati, qui redierant a Cartha-  
gine, Romam retulerunt, omnia hostilia esse, et Sagunti  
excidium nuntiatum est: tantusque simul maeror Patres,  
Capto Sa-  
gunto tre-  
pidant Ro-  
mani. misericordiaque sociorum peremptorum indigne, et pudor  
non lati auxilii, et ira in Carthaginienses, metusque de  
summa rerum cepit, velut si iam ad portas hostis esset; ut,  
tot uno tempore motibus animi turbati, trepidarent magis,  
quam consulerent. Nam neque hostem acriorem bellico-

<sup>1</sup> *Quidam scripsere*] Inter hos Pol. iii. 37. et 56. quem ducem nisi deseruisset Livius, non ea tradidisset, quae ipse mox in dubium vocat, et quorum nodos ratione parum probabili solve conatur. Rup.

<sup>2</sup> *Aut Saguntum principio anni ... captum*] Omnino necesse est, ut Saguntum non principio huius anni, sed aliquanto ante finem superioris captum fuerit. His enim temporibus consules Idibus Martiis magistratum inibant. Vid. xxii. 1. xxvi. 1. xxvii. 7. Infra autem 21, Hannibalem videmus primo vere profectum esse ex Hispania, postquam totum tempus

hiemis renovandis quiete et otio militum corporibus animisque datum esset. Unde colligitur Hannibalem eodem fere tempore Carthagine Nova movisse, quo hi consules, P. Cornelius et Ti. Sempronius magistratum ini-erunt; Saguntum autem captum esse sub finem aestatis eius anni, quo M. Livius et L. Aemilius consules fuere. Atque ita habet Polybius, a quo hac in re discessisse Livium mirum est, qui eum hic passim fere exscribit. CREV.

<sup>3</sup> *Trepidarent magis*] Omnium incerti haererent, potius quam de re agenda consilium inirent.

sioremque secum congressum; nec rem Romanam tam de- U. C. 534.  
sidem unquam fuisse atque imbellem. Sardos, Corsosque, A. C. 218.  
4 et Istros, atque Illyrios, lacessisse magis, quam exercuisse,  
5 Romana arma: et cum Gallis tumultuatum verius, quam  
6 belligeratum. Poenum, hostem veteranum, trium et viginti  
annorum militia durissima inter Hispanas gentes semper  
victorem, primum Hamilcare, deinde Hasdrubale, nunc  
7 Hannibale duce acerrimo assuetum, recentem ab excidio  
opulentissimae urbis, Iberum transire: trahere secum tot  
excitos Hispanorum populos: concitum avidas semper  
armorum Gallicas gentes. Cum orbe terrarum bellum  
gerendum in Italia ac pro moenibus Romanis esse.

8 Nominatae iam antea consulibus provinciae erant; tum 17.  
sortiri iussi. Cornelio Hispania, Sempronio Africa cum Si- Belli appa-  
cilia evenit. Sex in eum annum decretae legiones, et so- ratus apud  
ciūm quantum ipsis videretur, et classis quanta parari posset. Romanos.  
Quattuor et viginti peditum Romanorum millia sunt scripta,  
et mille octingenti equites: sociorum quadraginta millia  
peditum, quattuor millia et quadringenti equites: naves  
9 ducentae viginti quinqueremes, celoces viginti deductae.  
Latum inde ad populum, 'vellent, iuberent, populo Car-  
'thaginiensi bellum indici.' Eiusque belli causa supplicatio  
per urbem habita, atque adorati dii, ut bene ac feliciter  
eveniret, quod bellum populus Romanus iussisset. Inter  
consules ita copiae divisae. Sempronio datae legiones  
duae, (ea quaterna millia erant peditum, et treceni equites)  
et sociorum sexdecim millia peditum, equites mille octin-  
genti: naves longae centum sexaginta, celoces duodecim.  
Cum his terrestribus maritimisque copiis Ti. Sempronius  
missus in Siciliam; ita in Africam transmissurus, si ad ar-  
cendum Italia Poenum consul alter satis esset. Cornelio  
1 minus copiarum datum, quia L. Manlius praetor et ipse  
2 cum haud invalido praesidio in Galliam mittebatur. Na-

4 *Lacessisse magis*] Cum his inter bellum Punicum primum et secundum Romani bella gesserant, lacessiti magis, ne quiescerent, quam armis exerciti.

5 *Cum Gallis*] Cisalpinis, qui proeliis magis tumultuariis, quam iustis rem gesserant.

6 *Trium et viginti annorum*] Tot enim anni inter primum et secundum bellum Punicum interfuerant.

7 *Assuetum*] sc. *Durissima militia*, ablativo rei.

8 *Tum sortiri iussi*] *Iussis* ex emendatione Gronov. in textum reposuit Bekker., interpunctione sublata.

9 *Celoces*] Levia navigia sine rostris. CREV.

1 *L. Manlius praetor*] Praetores hoc anno fuerunt, ut ex variis Livii locis colligitur, L. Manlius Vulso, M. Aemilius Lepidus, C. Atilius Serranus, C. Terentius Varro. Horum L. Manlius Galliam, M. Aemilius Siciliam obtinuerunt. C. Atilio videtur primo obtigisse peregrina iurisdictio, deinde, ingravescente bello, Ligures. C. Terentius urbanam iurisditionem sortitus, et, absente Atilio, peregrinam quoque exercuisse videtur. CREV. cf. Pol. iii. 40.

2 *In Galliam*] Cisalpinam.

U. C. 534.  
A. C. 218.

18.  
Legati  
missi Car-  
thaginem.

vium maxime Cornelio numerus deminutus. Sexaginta quinqueres datae (neque enim mari venturum, aut ea parte belli dimicaturum hostem credebant) et duae Romanae legiones cum suo iusto equitatu, et quattuordecim millibus sociorum peditum, equitibus mille sexcentis. Duas legiones Romanas, et decem millia sociorum peditum, mille equites socios, sexcentos Romanos Gallia provincia eodem versa in Punicum bellum habuit.

3

His ita comparatis, ut omnia iusta ante bellum fierent, legatos maiores natu, Q. Fabium, M. Livium, L. Aemilium, C. Licinium, Q. Baebium, in Africam mittunt ad percunctandos Carthaginienses, publicone consilio Hannibal Saguntum oppugnasset? et si, id quod facturi videbantur, faterentur, ac defenderent publico consilio factum, ut indicerent populo Carthaginiensi bellum. Romani postquam Carthaginem venerunt, quum senatus datus esset, et Q. Fabius nihil ultra, quam unum, quod mandatum erat, percunctatus esset; tum ex Carthaginiensibus unus: 'Praeceptis vestra, Romani, et prior legatio fuit, quum Hannibalem, 'tanquam suo consilio Saguntum oppugnantem deposce- 'batis: ceterum haec legatio verbis adhuc lenior est, re 'asperior. Tunc enim Hannibal et insimulabatur, et de- 'poscebatur: nunc ab nobis et confessio culpa exprimitur; 'et, ut a confessis, res extemplo repetuntur. Ego autem 'non, privato publicone consilio Saguntum oppugnatum sit, 'quaerendum censeam: sed utrum iure, an iniuria. Nostra 'enim haec quaestio atque animadversio in civem nostrum 'est; nostro, an suo fecerit arbitrio. Vobiscum una discep- 'tatio est, licueritne per foedus fieri. Itaque quoniam dis- 'cerni placet, quid publico consilio, quid sua sponte impe- 'ratores faciant; nobis vobiscum foedus est a Lutatio con- 'sule ictum: in quo quum caveretur utrorumque sociis, 'nihil de Saguntinis (necdum enim erant socii vestri) cau- 'tum est. At enim eo foedere, quod cum Hasdrubale 'ictum est, Saguntini excipiuntur. Adversus quod nihil 'ego dicturus sum, nisi quod a vobis didici. Vos enim, 'quod C. Lutatius consul primo nobiscum foedus icit, quia 'neque auctoritate Patrum, nec populi iussu ictum erat, 'negastis vos eo teneri. Itaque aliud de integro foedus

4

5

3 *Eodem versa*] *Eodem anno* Drak. et Crev. *Nondum versa* ex coniectura J. Fr. Gronov. in textum recepit Bekker.

4 *M. Livium*] Is, qui postea *Salinator* dictus est, xxix. 37. esse non potest, quod consul esset tum quum haec legatio missa est, aut, si posteriore anno missa est, reus vel damna-

tus, xxvii. 34. SIGON. cf. Pol. iii. 20, 21. et 33.

5 *Saguntini excipiuntur*] Nimirum e numero eorum, quibus, cum non cautum sit, arma inferre liceat. *Exceptio* enim, ut ait Cic. pro Balbo 14. *facit, ne liceat; ubi non est exceptum, ibi necesse est licere.* RASCHIG. cf. Pol. iii. 27.

‘publico consilio ictum est. Si vos non tenent vestra  
‘foedera, nisi ex auctoritate aut iussu vestro icta; ne nos  
‘quidem Hasdrubalis foedus, quod nobis insciis icit, obli-  
‘gare potuit. Proinde omittite Sagunti atque Iberi men-  
‘tionem facere, et, quod diu parturit animus vester,  
6 ‘aliquando pariat.’ Tum Romanus, sinu ex toga facto, U. C. 534.  
A. C. 218.  
‘Hic,’ inquit, ‘vobis bellum et pacem portamus; utrum  
‘placet, sumite.’ Sub hanc vocem haud minus ferociter,  
‘daret, utrum vellet,’ succlamatum est. Et quum is iterum  
sinu effuso ‘bellum dare’ dixisset, ‘accipere se’ omnes re-  
sponderunt, ‘et, quibus acciperent animis, iisdem se  
‘gesturos.’

7 Haec directa percunctatio ac denuntiatio belli magis ex 19.  
dignitate populi Romani visa est, quam de foederum iure Disceptatio  
de foede-  
rum iure.  
verbis disceptare, quum ante, tum maxime Sagunto excisa.  
Nam, si verborum disceptationis res esset: quid foedus  
Hasdrubalis cum Lutatii priore foedere, quod mutatum est,  
comparandum erat? quum in Lutatii foedere diserte addi-  
tum esset, ‘ita id ratum fore, si populus censuisset:’ in  
Hasdrubalis foedere nec exceptum tale quicquam fuerit, et  
tot annorum silentio ita vivo eo comprobatum sit foedus,  
ut ne mortuo quidem auctore quicquam mutaretur. Quan-  
8 quam, etsi priore foedere staretur, satis cautum erat Sagun-  
tinis, sociis utrorumque exceptis: nam neque additum  
erat, ‘iis, qui tunc essent:’ nec, ‘ne qui postea assume-  
‘rentur.’ Et quum assumere novos liceret socios, quis  
aequum censeret, aut ob nulla quemquam merita in amici-  
tiam recipi, aut receptos in fidem non defendi? tantum, ne  
Carthaginiensium socii aut sollicitarentur ad defectionem,  
9 aut sua sponte desciscentes reciperentur.

Legati Romani ab Carthagine, sicut his Romae impe- Legati Ro-  
mani in  
Hispaniam  
traiciunt.  
ratum erat, in Hispaniam, ut adirent civitates, ut in socie-  
tatem pellicerent, aut averterent a Poenis, traiecerunt. Ad  
Bargusios primum venerunt: a quibus benigne excepti,  
quia taedebat imperii Punici, multos trans Iberum populos

6 *Sinu ex toga facto*] Laciniis nempe togae ita collectis, ut sinus sive gremium fieret. cf. Sil. Ital. 384. Pol. iii. 33. DORR.

7 *Directa percunctatio*] Quum sine ambagibus rogaret, utrum pacem, an bellum vellent.

8 *Etsi priore foedere*] Hic intelligendum est foedus illud Lutatii, quod publico consilio ictum est, et prius vocatur, ob foedus Hasdrubalis, quod aliquot post annis secutum est. CREV.

9 *Desciscentes reciperentur*] Haec omnia, quae Romanorum causae favent, diligenter excerpsit e Polybio

Livius. At id omittere fortasse non debuerat, quod ille eximia fide commendatus scriptor addit: concedendum quidem necessario esse, Carthaginienses iniuste hoc bellum suscepisse, si quis huius belli originem et causam a solo Sagunti excidio ducat. Sin autem belli causa esse dicatur Sardinia, stipendio etiam mille et ducentorum talentorum superimposito, per fraudem intercepta; iuste omnino Carthaginienses occasione invitatos ab iis poenas exigere voluisse, qui per occasionem temporum ipsis nocuerant. CREV.

U. C. 534.  
A. C. 218.

20.  
Gallos ad-  
eunt.

ad cupidinem novae fortunae erexerunt. Ad Volcianos inde est ventum: quorum celebre per Hispaniam responsum ceteros populos ab societate Romana avertit. Ita enim maximus natu ex iis in consilio respondit: 'Quae verecundia est, Romani, postulare vos, uti vestram Carthaginiensium amicitiae praeponamus, quum, qui id fecerunt, Saguntinos crudelius, quam Poenus hostis perdidit, vos socii prodideritis? Ibi quaeratis socios, censeo, ubi Saguntina clades ignota est. Hispanis populis, sicut lugubre, ita insigne documentum Sagunti ruinae erunt, ne quis fidei Romanae aut societati confidat.' Inde extemplo abire finibus Volcianorum iussi, ab nullo deinde concilio Hispaniae benigniora verba tulere. Itaque nequicquam peragrata Hispania, in Gallias transeunt. In his nova terribilisque species visa est, quod armati (ita mos gentis erat) in concilium venerunt. Quum, verbis extollentes gloriam virtutemque populi Romani ac magnitudinem imperii, petissent, ne Poeno, bellum Italiae inferenti, per agros urbesque suas transitum darent; tantus cum fremitu risus dicitur ortus, ut vix a magistratibus maioribusque natu iuventus sedaretur. Adeo stolida impudensque postulatio visa est, censere, ne in Italiam transmittant Galli bellum,<sup>1</sup> ipsos id avertere in se, agrosque suos pro alienis populandos obiiicere. Sedato tandem fremitu, responsum legatis est, 'Neque Romanorum in se meritum esse, neque Carthaginiensium iniuriam, ob quae aut pro Romanis, aut adversus Poenos sumant arma. Contra ea audire sese, gentis suae homines agris finibusque Italiae pelli a populo Romano stipendiumque pendere, et cetera indigna pati.' Eadem ferme in ceteris Galliae conciliis dicta auditaque: nec hospitale quicquam pacatumve satis prius auditum, quam Massiliam venire. Ibi omnia, ab sociis inquisita cum cura<sup>3</sup> ac fide, cognita, 'praeoccupatos iam ante ab Hannibale Gallorum animos esse: sed ne illi quidem ipsi satis mitem gentem fore, (adeo ferocia atque indomita ingenia esse) ni subinde auro, cuius avidissima gens est, principum animi concilientur.' Ita peragratis Hispaniae et Galliae populis, legati Romam redeunt, haud ita multo post, quam consules in provincias profecti erant. Civitatem omnem in expectationem belli erectam invenerunt, satis constante fama, iam Iberum Poenos transmisisse.

21. Hannibal, Sagunto capto, Carthaginem novam in hiberna

<sup>1</sup> *In his*] sc. *Galliae populis*, quod hanc vocem, et delendam censet subaudiendum monent Strothius et Gronov. Doer.

<sup>2</sup> *Censere*] Pro *censendo*, h. e. proponendo. Doer. <sup>3</sup> *Ab sociis*] sc. Massiliensibus, de quorum fide cf. infr. xxvi. 22. et Pol. iii. 95. Rup.



concesserat: ibique, auditis, quae Romae, quaeque Carthagine acta decretaque forent, seque non ducem solum, sed etiam causam esse belli, partitis divenditisque reliquiis praedae, nihil ultra differendum ratus, Hispani generis milites convocat: 'Credo ego vos,' inquit, 'socii, et ipsos  
 'cernere, pacatis omnibus Hispaniae populis, aut finiendam  
 'nobis militiam, exercitusque dimittendos esse, aut in alias  
 'terras transferendum bellum: ita enim hae gentes non  
 'pacis solum, sed etiam victoriae, bonis florebut, si ex aliis  
 'gentibus praedam et gloriam quaeremus. Itaque, quum  
 'longinqua ab domo instet militia, incertumque sit, quando  
 'domos vestras, et quae cuique ibi cara sunt, visuri sitis, si  
 'quis vestrum suos invisere vult, commeatum do. Primo  
 'vere, edico, adsitis; ut, diis bene iuvantibus, bellum in-  
 'gentis gloriae praedaeque futurum incipiamus.' Omnibus fere visendi domos oblata ultro potestas grata erat, et iam desiderantibus suos, et longius in futurum providentibus desiderium. Per totum tempus hiemis quies inter labores, aut iam exhaustos, aut mox exhauriendos, renovavit corpora animosque ad omnia de integro patienda. Vere primo ad edictum convenere.

U. C. 534  
 A. C. 218.  
 Hannibalis  
 oratio ad  
 milites.

Hannibal, quum recensuisset omnium auxilia gentium, Apparatus  
 4 Gades profectus Herculi vota exsolvit: novisque se obligat Hannibalis  
 votis, si cetera prospera evenissent. Inde partiens curas ad bellum.  
 simul in inferendum atque arcendum bellum, ne, dum ipse  
 terrestri per Hispaniam Galliasque itinere Italiam peteret,  
 nuda apertaue Romanis Africa ab Sicilia esset, valido  
 praesidio firmare eam statuit. Pro eo supplementum ipse  
 ex Africa, maxime iaculatorum, levium armis, petiit; ut  
 Afri in Hispania, in Africa Hispani, melior procul ab domo  
 5 futurus uterque miles, velut mutuis pignoribus obligati,  
 stipendia facerent. Tredecim millia octingentos quinquas-  
 6 ginta pedites caetratos misit in Africam, et funditores  
 7 Baliares octingentos septuaginta: equites mixtos ex multis  
 gentibus mille ducentos. Has copias partim Carthagini  
 praesidio esse, partim distribui per Africam iubet. Simul  
 conquisitoribus in civitates missis, quattuor millia con-  
 scripta delectae iuventutis, praesidium eosdem et obsides,  
 duci Carthaginem iubet. Neque Hispaniam negligendam

22.

4 Gades] De celebri, quod Herculi Tyrio ibi exstructum fuit, templo multa collegit Bochart. Geogr. Sac. p. 166. 610. DOER.

5 Pignoribus obligati] cf. Pol. iii. 33. ἐκδοσμεύων τὴν ἑκατέρων πίστιν εἰς ἀλλήλους.

6 Pedites caetratos] Agiles, levis-

que armaturae, qui *peltastas* a Graecis dicuntur: caetra enim parvum Hispanorum et Afrorum scutum loreum, peltae simile. STRUTH. cf. infr. xxiii. 26. xxxi. 36.

7 Funditores Baliares] Peritissimae, ex insulis Baliaribus, sive Balearibus, hod. *Maiorca*, et *Minorca*.



U. C. 534. ratus, (atque ideo haud minus, quod haud ignarus erat, 8  
A. C. 218. circumitam ab Romanis eam legatis ad sollicitandos prin-  
cipum animos) Hasdrubali fratri, viro impigro, eam pro-  
vinciam destinat, firmatque eum Africis maxime praesidiis,  
peditum Afrorum undecim millibus octingentis quinquaginta, Liguribus trecentis, Baliaribus quingentis. Ad haec 9  
peditum auxilia additi equites Libyphoenices (mixtum Punicum Afris genus) trecenti, et Numidae Maurique ac-  
colae Oceani ad mille octingenti, et parva Ilergetum manus  
ex Hispania, ducenti equites: et, ne quod terrestris dees-  
set auxilii genus, elephanti quattuordecim. Classis prae-  
terea data ad tuendam maritimam oram, (quia, qua parte  
belli vicerant, ea tum quoque rem gesturos Romanos, credi  
poterat) quinquaginta quinqueres, quadriremes duae,  
triremes quinque: sed aptae instructaeque remigio triginta  
et duae quinqueres erant, et triremes quinque.

Somnium  
Hannibalis. Ab Gadibus Carthaginem ad hiberna exercitus rediit:  
atque inde, profectus praeter Etovissam urbem, ad Iberum  
maritimamque oram ducit. Ibi, fama est, in quiete visum 2  
ab eo iuvenem divina specie, qui 'se ab Iove' diceret  
'ducem in Italiam Hannibali missum: proinde sequeretur,  
'neque usquam a se deflecteret oculos.' Pavidum primo,  
nusquam circumspicientem aut respicientem, secutum;  
deinde, cura humani ingenii, quum, quidnam id esset, quod 3  
respicere vetitus esset, agitare animo, temperare oculis  
nequivisse; tum vidisse, post sese serpentem mira magni-  
tudine cum ingenti arborum ac virgultorum strage ferri, ac  
post insequi cum fragore coeli nimbum: tum, 'quae moles  
'ea, quidve prodigii esset,' quaerentem audisse: 'Vastita-  
'tem Italiae esse: pergeret porro ire, nec ultra inquireret,  
'sineretque fata in occulto esse.'

23.  
Hannibal  
Iberum  
transit.

Hoc visu laetus tripartito Iberum copias traiecit, prae-  
missis, qui Gallorum animos, qua traducendus exercitus  
erat, donis conciliarent, Alpiumque transitus specularentur.  
Nonaginta millia peditum, duodecim millia equitum Iberum 4  
traduxit. Ilergetes inde, Bargusiosque, et Ausetanos, et  
Lacetaniam, quae subiecta Pyrenaeis montibus est, subegit:  
oraeque huic omni praefecit Hannonem, ut fauces, quae

8 *Ideo haud minus*] *Ideo minus*  
ex coniectura Gronovii in textum re-  
cepit Bekker.

9 *Baliaribus quingentis*] Deerat  
numerus apud nostrum. Adiecit eum  
Sigonius ex Polybio, e quo haec om-  
nia desumpta sunt. CREV.

1 *Belli vicerant*] sc. Romani bello  
Punico primo.

2 *Ibi, fama est*] cf. Val. Max. i. 7.

Cic. de Div. i. 24. et, qui hanc simi-  
lesque fabulas ridet, Pol. iii. 48.  
RUP.

3 *Cura humani ingenii*] Pro ea,  
qua duci solent homines, res vetitas  
(novas quoque, insolitas et ignotas)  
sciendi cupiditate. DOER.

4 *Nonaginta millia*] De numero  
copiarum Hannibalis cf. Pol. iii. 35.

Hispanias Galliis iungunt, in potestate essent. Decem <sup>U. C. 534.</sup>  
 millia peditum Hannoni ad praesidium obtinendae regionis <sup>A. C. 218.</sup>  
 data, et mille equites. Postquam per Pyrenaeum saltum <sup>Pyrenaeum</sup>  
 traduci exercitus est coeptus, rumorque per barbaros ma- <sup>saltum su-</sup>  
 navit certior de bello Romano; tria millia inde Carpetanorum peditum iter averterunt. Constabat, non tam bello <sup>perat.</sup>  
 motos, quam longinquitate viae insuperabilique Alpium transitu. Hannibal, quia revocare aut vi retinere eos anceps erat, ne ceterorum etiam feroces animi irritarentur,  
 5 supra septem millia hominum domos remisit, quos et ipsos gravari militia senserat, Carpetanos quoque ab se dimissos simulans. Inde, ne mora atque otium animos sollicitarent, 24.  
 cum reliquis copiis Pyrenaeum transgreditur, et ad oppidum Illiberi castra locat. Galli quanquam Italiae bellum inferri audiebant, tamen, quia vi subactos trans Pyrenaeum Hispanos fama erat, praesidiaque valida imposita, metu servi-  
 6 tutis ad arma consternati, Ruscinonem aliquot populi conveniunt. Quod ubi Hannibali nuntiatum est, moram <sup>Gallos sibi</sup>  
 magis, quam bellum, metuens, oratores ad regulos eorum <sup>conciliat.</sup>  
 misit, 'colloqui semet ipsum velle cum his; et vel illi pro-  
 7 'pius Illiberi accederent, vel se Ruscinonem processurum,  
 'ut ex propinquo congressus facilius esset: nam et acceptu-  
 'rum eos in castra sua se laetum, nec cunctanter se ipsum  
 'ad eos venturum. Hospitem enim se Galliae, non hostem,  
 'advenisse: nec stricturum ante gladium, si per Gallos  
 'liceat, quam in Italiam venisset.' Et per nuntios quidem haec. Ut vero reguli Gallorum, castris ad Illiberim ex-  
 templo motis, haud gravate ad Poenum venerunt; capti  
 donis cum bona pace exercitum per fines suos praeter  
 Ruscinonem oppidum transmiserunt.

In Italiam interim nihil ultra, quam Iberum transisse 25.  
 Hannibalem, a Massiliensium legatis Romam perlatum  
 8 erat: quum perinde, ac si Alpes iam transisset, Boii, solli- <sup>Boii in Ita-</sup>  
 citatis Insubribus, defecerunt; nec tam ob veteres in <sup>lia rebel-</sup>  
 populum Romanum iras, quam quod nuper circa Padum, <sup>lant.</sup>  
 9 Placentiam Cremonamque colonias in agrum Gallicum deductas aegre patiebantur. Itaque, armis repente arreptis, in eum ipsum agrum impetu facto, tantum terroris ac

5 Quos et ipsos] Olim et ipse, sed Muretus et Gronovius et ipsos emendarunt. Militiam quoque legendam suadet Gronov. et probat Doer.

6 Ad arma consternati] Concitati ad arma capienda. Eodem modo locutus est Livius vii. 42. ad arma consternatum. Et saepius apud nostrum verbum consternare de furore dicitur, quam de pavore. Sic supr. viii.

27. tumultu etiam sanos consternante animos. CREV.

7 Ruscinonem] Hodie nomen regioni Roussillon. RASCH.

8 Boii, sollicitatis Insubribus] Uterque Galliae Cisalpinae populus erat, cf. supr. v. 34, 35.

9 Placentiam Cremonamque] cf. Liv. Epit. xx. Pol. iii. 40.

U. C. 534.  
A. C. 218.

Mutina ob-  
sessa.

Manlius  
praetor  
male rem  
gerit.

26.

tumultus fecerunt, ut non agrestis modo multitudo, sed ipsi triumviri Romani, qui ad agrum venerant assignandum, diffusi Placentiae moenibus, Mutinam confugerint, C. Lutatius, C. Servilius, T. Annius. Lutatii nomen haud dubium est: pro C. Servilio et T. Annio Q. Acilium et C. Herennium habent quidam annales: alii P. Cornelium Asinam et C. Papirium Masonem. Id quoque dubium est, legati, ad exostulandum missi ad Boios, violati sint, an in triumviro agrum metantes impetus sit factus. Mutinae quum obsiderentur, et gens, ad oppugnandarum urbium artes rudis, pigerrima eadem ad militaria opera, segnis intactis assideret muris, simulari coeptum de pace agi: evocatique ab Gallorum principibus legati ad colloquium, non contra ius modo gentium, sed violata etiam, quae data in id tempus erat, fide, comprehenduntur; negantibus Gallis, nisi obsides sibi redderentur, eos dimissuros. Quum haec de legatis nuntiata essent, et Mutina praesidiumque in periculo esset, L. Manlius praetor, ira accensus, effusum agmen ad Mutinam ducit. Silvae tunc circa viam erant, plerisque incultis. Ibi, inexplorato profectus, in insidias praecipitatus, multaque cum caede suorum aegre in apertos campos emersit. Ibi castra communita; et, quia Gallis ad tentanda ea defuit spes, refectioni sunt militum animi, quanquam sexcentos cecidisse satis constabat. Iter deinde de integro coeptum; nec, dum per patentia loca ducebatur agmen, apparuit hostis: ubi rursus silvae intratae, tum postremos adorti, cum magna trepidatione ac pavore omnium, octingentos milites occiderunt, sex signa ademere. Finis et Gallis territandi, et pavendi Romanis fuit, ut e saltu invio atque impedito evasere. Inde, apertis locis facile tutantes agmen, Romani Tanetum, vicum propinquum Pado, contendere: ibi se munimento ad tempus commeatibusque fluminis et Brixianorum Gallorum auxilio, adversus crescentem in dies multitudinem hostium, tutabantur. Qui tumultus repens postquam est Romam perlatus, et Punicum insuper Gallico bello auctum Patres acceperunt; C. Atilium praetorem cum una legione Romana et quinque millibus

1 *Legati*] Nullos legatos memorat Pol. iii. 40, sed triumviros, Mutinae clausos, cum colloquium a Boiis postulassent, ad eos fide accepta egressos, eaque violata comprehensos fuisse. Et Liv. ipse infr. xxvii. 21. non legatos, sed triumviros circa Mutinam, et xxx. 19. ad vicum Tanetum a Boiis captos tradit. Duk.

2 *Nisi obsides sibi*] Quos Pol. traditos dicit in exitu eius belli, quod descripsit, ii. 22—25. Rur.

3 *Quanquam sexcentos cecidisse*] *Quanquam accisas res* Drak., *quanquam ad centum* Stroth. *quanquam ad quingentos* Gronov. et Bekker. Quod si mss. prae se ferunt, *ad . . . cecidisse*, ut Gronovius testatur, fieri potest, ut in voce illa *ad*, incuria scribarum, lateat numerus  $\infty$  n, h. e. mille quingenti.

4 *Brixianorum*] Qui e principibus Cenomanorum populis erant.

sociorum, delectu novo a consule conscriptis, auxilium ferre U. C. 534.  
 Manlio iubent: qui sine ullo certamine (abscesserant enim A. C. 218.  
 metu hostes) Tanetum pervenit.

Et P. Cornelius, in locum eius, quae missa cum praetore P. Corne-  
 5 fuerat, transcripta legione nova, profectus ab urbe sexaginta lius Cos.  
 longis navibus, praeter oram Etruriae Ligurumque, et inde cum classe  
 6 Salyum montes, pervenit Massiliam, et ad proximum pervenit  
 ostium Rhodani (pluribus enim divisus amnis in mare Massiliam.  
 decurrit) castra locat: vixdum satis credens, Hannibalem  
 superasse Pyrenaeos montes. Quem ut de Rhodani quo-  
 que transitu agitare animadvertit, incertus, quonam ei loco  
 occurreret, necdum satis reffectis ab iactatione maritima  
 militibus, trecentos interim delectos equites, ducibus Mas-  
 siliensibus et auxiliariis Gallis, ad exploranda omnia visen-  
 dosque ex tuto hostes praemittit. Hannibal, ceteris metu  
 aut pretio pacatis, iam in Volcarum pervenerat agrum,  
 gentis validae. Colunt autem circa utramque ripam Rho-  
 dani: sed, diffisi citeriore agro arceri Poenum posse, ut  
 flumen pro munimento haberent, omnibus ferme suis trans  
 7 Rhodanum traiectis, ulteriorem ripam amnis armis obtine-  
 bant. Ceteros accolae fluminis Hannibal, et eorum ipso-  
 rum, quos sedes suae tenuerant, simul pellicit donis ad  
 naves undique contrahendas fabricandasque: simul et ipsi  
 traici exercitum, levarique quam primum regionem suam  
 tanta urgente hominum turba cupiebant. Itaque ingens  
 8 coacta vis navium est linciumque temere ad vicinalem usum  
 paratarum: novasque alias primum Galli inchoantes cava-  
 bant ex singulis arboribus: deinde et ipsi milites, simul  
 copia materiae, simul facilitate operis inducti, alveos in-  
 formes, (nihil, dummodo innare aquae et capere onera pos-  
 sent, curantes) quibus se suaque transveherent, raptim  
 faciebant. Iamque omnibus satis comparatis ad traicien- 27.  
 9 dum, terrebant ex adverso hostes, omnem ripam equis  
 virisque obtinentes. Quos ut averteret, Hannonem, Bomil- Hannibalis  
 caris filium, vigilia prima noctis, cum parte copiarum, stratagema.  
 maxime Hispanis, adverso flumine ire iter unius diei iubet;  
 et, ubi primum possit quam occultissime traiecto amni, cir-  
 cumducere agmen, ut, quum opus facto sit, adoriatur ab

5 *Profectus ab urbe*] Pedestri itinere usque ad Pisam, ubi classis commorabatur. DOER. Hic interpunctionem post *urbe* ponit. cf. Pol. iii. 41.

6 *Salyum montes*] De Salyum sive Salluviorum sedibus cf. supr. v. 34, 35. et Strab. iv. 1.

7 *Ulteriorem ripam*] h. e. Ripam Poenis, non Romanis, ulteriorem.

8 *Temere*] Sine arte et certo consilio, *ad vicinalem usum paratarum*, quibus non ad longinquam navigationem, sed ad res in vicina loca deportandas utebantur. STROTH.

9 *Equis virisque*] Sic Caesar. B. Civ. ii. 39. *capti homines equitesque producebantur*. GRON. *Equitibus virisque* legendum suadet Doer.

U. C. 534.  
A. C. 218.

Traicit  
Rhodanum.

28.

tergo hostem. Ad id dati duces Galli edocent, inde millia <sup>1</sup> quinque et viginti ferme supra, parvae insulae circumfusum amnem, latiore, ubi dividebatur, eoque minus alto alveo, transitum ostendere. Ibi raptim caesa materia ratesque fabricatae, in quibus equi virique et alia onera traicerentur. Hispani sine ulla mole, in utres vestimentis coniectis, ipsi <sup>2</sup> caetris suppositis incubantes, flumen tranavere. Et alius exercitus, ratibus iunctis traiectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportune exsequendum. Postero die, profecti ex loco, prodito fumo <sup>3</sup> significant, se transisse, et haud procul abesse. Quod ubi accepit Hannibal, ne tempori deesset, dat signum ad traiciendum. Iam paratas aptatasque habebat pedes lintres: <sup>4</sup> equites fere propter equos nantes navium agmen, ad exci- <sup>5</sup> piendum adversi impetum fluminis, parte superiore transmittens, tranquillitatem infra traicientibus lintribus praebebat. Equorum pars magna nantes loris a puppibus trahabantur, praeter eos, quos instratos frenatosque, ut ex templo egresso in ripam equiti usui essent, imposuerant in naves. Galli occursant in ripam cum variis ululatibus cantuque moris sui, quatientes scuta super capita, vibrantesque dextris tela: quanquam et ex adverso terrebat tanta vis navium cum ingenti sono fluminis et clamore vario nautarum et militum, qui nitebantur perrumpere impetum fluminis, et qui ex altera ripa traicientes suos hortabantur. Iam satis paventes adverso tumultu terribior ab tergo adortus clamor, castris ab Hannone captis. Mox et ipse aderat, ancepsque terror circumstabat, et e navibus tanta vi armatorum in terram evadente, et ab tergo improvisa premente acie. Galli, postquam, ultro vim facere conati, pel- <sup>6</sup> lebantur, qua patere visum maxime iter, perrumpunt, tre-

<sup>1</sup> *Millia quinque et viginti*] Polybium iii. 42. presso vestigio noster sequitur, quippe illius διακόσια στάδια ad amussim numero Liviano conveniunt. STROTH.

<sup>2</sup> *Sine ulla mole*] Sine ullo maiore apparatu.

<sup>3</sup> *Profecti ex loco, prodito fumo*] *Profecti, ex loco edito fumo significant*, quam lectionem coniecit Clericus, probant Rupert. et Stroth.

<sup>4</sup> *Lintres*] Per *lintres* intelligit noster τὰ μονόξυλα πλοῖα, et per *navium agmen* maiora navigia, quae *lentos* appellat Polyb. iii. 43.

<sup>5</sup> *Equites fere propter equos nantes*] *Navium agmen superiore fluvii*

*parte transmittens equites, qui fere, sive quorum plerique erant propter, seu prope equos nantes, tranquillitatem praebebat lintribus infra traicientibus.* Addit vocem *fere*, quia non omnes equites prope se habebant equos nantes. Siquidem, ut infra memoratur, aliquot equos instratos frenatosque in naves imposuerant. CREV.

<sup>6</sup> *Postquam, ultro vim facere*] *Postquam utroque*, id est, in utramque partem, tum in eos qui a fronte, tum in eos qui a tergo adoriebantur, *vim facere conati, pellebantur*, codicem Cantabr. secutus, cum Ruperto reposuit Stroth.

pidique in vicos passim suos diffugiunt. Hannibal, ceteris U. C. 534.  
copiis per otium traiectis, spernens iam Gallicos tumultus, A. C. 218.  
castra locat.

Elephantorum traiciendorum varia consilia fuisse credo: Elephantum  
certe variata memoria actae rei. Quidam, congregatis ad quomodo  
ripam elephantis, tradunt, ferocissimum ex iis irritatum ab traieci.  
rectore suo, quum refugientem in aquam nantem sequere-  
7 tur, traxisse gregem, ut quemque timentem altitudinem  
destituerat vadum, impetu ipso fluminis in alteram ripam  
8 rapiente. Ceterum magis constat, ratibus traiectos: id ut  
9 tutius consilium ante rem foret, ita, acta re, ad fidem pro-  
nuius est. Ratem unam, ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus validis retinaculis parte superiore ripae religatam, pontis in modum humo iniecta constraverunt; ut belluae audacter velut per solum ingrederentur. Altera ratis, aequae lata, longa pedes centum, ad traiciendum flumen apta, huic copulata est: et quum elephantum, per stabilem ratem, tanquam viam, praegredientibus feminis, acti, in minorem applicatam transgressi sunt; ex templo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repetiti ac traieci sunt. Nihil sane trepidabant, donec continenti velut ponte agerentur.  
1 Primus erat pavor, quum, soluta ab ceteris rate, in altum raperentur: ibi, urgentes inter se, cedentibus extremis ab aqua, trepidationis aliquantum edebant; donec quietem ipse timor circumspectantibus aquam fecisset. Excidere etiam saevientes quidam in flumen: sed, pondere ipso stabiles, deiectis rectoribus, quaerendis pedetentim vadis, in terram evasere.

Dum elephantum traiciuntur, interim Hannibal Numidas 29.  
equites quingentos ad castra Romana miserat speculatum, ubi, et quantae copiae essent, et quid pararent. Huic alae Equestre  
equitum missi, ut ante dictum est, ab ostio Rhodani tre- proelium  
centi Romanorum equites occurrunt. Proelium atrocius, inter Nu-  
quam pro numero pugnantium, editur. Nam praeter multa midas 500.  
vulnera, caedes etiam prope par utrimque fuit: fugaque et 300.  
pavor Numidarum Romanis, iam admodum fessis, victoriam

7 *Ut quemque timentem*] Prout quisque elephantorum timens altitudinem aquae, a vado destituebatur. CREV.

8 *Ratibus traiectos*] Pol. iii. 46. hanc solam traiectionem narrat.

9 *Id ut tutius*] Id ut, ante rem actam, tutius videri consilium debebat, ita nunc, quum acta res memo-

ratur, probabilius est, tale est ut credi facilius posset. CREV.

1 *Soluta ab ceteris rate*] Aut ab ceteris ratibus, quarum plures fuisse, quum inter se, tum ad ripam valide religatas, tradit Polyb. iii. 46. aut ab ceteris elephantis avulsi. CREV. Interpunctionem post *rate* tollit Bekker.



U. C. 534. dedit. Victores ad centum sexaginta, nec omnes Romani, 3  
A. C. 218. sed pars Gallorum: victi amplius ducenti ceciderunt. Hoc principium simul omenque belli, ut summae rerum prosperum eventum, ita haud sane incruentam ancipitisque certaminis victoriam, Romanis portendit.

30.  
Hannibal  
hortatur  
milites.

Ut, re ita gesta, ad utrumque ducem sui redierunt, nec Scipioni stare sententia poterat, nisi ut ex consiliis coeptisque hostis et ipse conatus caperet: et Hannibalem incertum, utrum coeptum in Italiam intenderet iter, an cum eo, qui primus se obtulisset Romanus exercitus, manus consereret, avertit a praesenti certamine Boiorum legatorum regulique Magali adventus: qui se duces itinerum, socios periculi fore, affirmantes, integro bello, nusquam ante libatis viribus, 4 Italiam aggrediendam censent. Multitudo timebat quidem hostem, nondum oblitterata memoria superioris belli: sed magis iter immensum Alpesque, rem fama utique inexpertis horrendam, metuebat. Itaque Hannibal, postquam ipsi sententia stetit pergere ire, atque Italiam petere, advocata 5 concione, varie militum versat animos castigando adhortandoque. 'Mirari se, quinam pectora semper impavida repens 'terror invaserit. Per tot annos vincentes eos stipendia 'facere; neque ante Hispania excessisse, quam omnes gentesque et terrae eae, quas duo diversa maria amplectantur, 'Carthaginensium essent. Indignatos deinde, quod, quicunque Saguntum obsedissent, velut ob noxam, sibi dedi 6 'postularet populus Romanus, Iberum traiecisse ad delendum nomen Romanorum, liberandumque orbem terrarum. 'Tum nemini visum id longum, quum ab occasu solis ad 'exortus intenderent iter. Nunc, postquam multo maiorem 'partem itineris emensam cernant, Pyrenaeum saltum inter 'ferocissimas gentes superatum, Rhodanum, tantum amnem, 'tot millibus Gallorum prohibentibus, domita etiam ipsius 'fluminis vi, traiectionem, in conspectu Alpes habeant, quarum 'alterum latus Italiae sit; in ipsis portis hostium fatigatos 'subsistere, quid Alpes aliud esse credentes, quam montium 'altitudines? Fingerent altiores Pyrenaei iugis: nullas 'profecto terras coelum contingere, nec inexsuperabiles 'humano generi esse. Alpes quidem habitari, coli, gignere

3 *Ad centum sexaginta*] *Ad centum quadraginta*, Polybium iii. 45. auctorem secutus, scribendum monet I. Fr. Gronov. qui librariorum hic peccasse, ut LX. pro XL. scriberent, pariter ac supr. x. 38. censet. cf. supr. vii. 19.

4 *Integro bello*] Bello nusquam ante tentato, cuius ex apparatu viribusque nihil delibatum aut imminu-

tum esset. CREV.

5 *Pergere ire*] cf. Cic. Acad. i. 1. Her. iii. 1.

6 *Quicumque Saguntum obsedissent*] Solum Hannibalem depoposcerant Romani. Sed hic Hannibal non tam spectat quid verum sit, quam quid invidiosum in Romanos, et ad suorum animos inflammandos efficax. CREV.

7 'atque alere animantes: pervias paucis esse, exercitibus U. C. 534.  
 'invias? Eos ipsos, quos cernant, legatos non pennis sub- A. C. 218.  
 8 'lime elatos Alpes transgressos: ne maiores quidem eorum  
 'indigenas; sed advenas Italiae cultores, has ipsas Alpes  
 'ingentibus saepe agminibus cum liberis ac coniugibus,  
 'migrantium modo, tuto transmisisse. Militi quidem  
 'armato, nihil secum praeter instrumenta belli portanti,  
 'quid invium aut inexsuperabile esse? Saguntum ut cape-  
 'retur, quid per octo menses periculi, quid laboris exhaustum  
 9 'esse? Romam, orbis terrarum caput, petentibus quicquam  
 'adeo asperum atque arduum videri, quod inceptum more-  
 'tur? Cepisse quondam Gallos ea, quae adiri posse Poenus  
 'desperet? Proinde aut cederent animo atque virtute  
 'genti, per eos dies toties ab se victae: aut itineris finem  
 'sperent campum interiacentem Tiberi ac moenibus Ro-  
 'manis.'

His adhortationibus incitatos corpora curare, atque ad 31.  
 iter se parare iubet. Postero die, profectus adversa ripa  
 1 Rhodani, mediterranea Galliae petit: non quia rectior ad Mediterranea Galliae  
 Alpes via esset, sed, quantum a mari recessisset, minus ob- petit.  
 vium fore Romanum credens: cum quo, priusquam in  
 Italiam ventum foret, non erat in animo manus conserere.  
 2 Quartis castris ad Insulam pervenit: ibi Isara Rhodanusque  
 3 amnes, diversis ex Alpibus decurrentes, agri aliquantum  
 4 amplexi, confluunt in unum. Inde mediis campis Insulae  
 5 nomen inditum. Incolunt prope Allobroges, gens iam inde

7 *Exercitibus invias?*] Oratoria vis augetur interrogatione, verum minuitur, si ex emendatione Strothii legeris, *nec exercitibus invias.* RUP.

8 *Maiores quidem eorum*] sc. Boiorum, de quorum immigratione in Italiam cf. supr. v. 35. Pol. iii. 48.

9 *Romam, orbis terrarum caput*] Prolepsis, haud bene conveniens Hannibali. STROTH.

1 *Non quia rectior*] Haec Livio ipsi, non Polybio debentur.

2 *Isara*] Optima emendatio ad fidem Polybii facta, quam I. Fr. Gronov. probavit, et in textum reposuit Bekker.

3 *Diversis ex Alpibus*] Arar autem ad Sequanos Helvetiosque tendit, Caes. B. G. i. 12. neque ex Alpibus, sed ex monte Vogeso, hodie *les Vosges*, ortum habet.

4 *Mediis campis Insulae*] Quis sit hic campus, mire dubitatur. Illi, quibus vox *Arar* non displicet, insulam illam, quae ad Araris et Rhodani confluentes est, in qua urbs Lugdunum sita est, intelligunt. Alii vero,

quibus vox *diversis* scrupulum iniicit, insulam ad Rhodani et Druentiae confluentes esse variis argumentis confirmare tentant: sed nihil opus est, quippe Isara ex Alpibus Graiis, Rhodanus ex Lepontiis ortum habent. Gronovio autem, ad cuius partes De Luccius et Cramerius accedunt, insula illa ad Rhodani et Isarae confluentes hic intelligi videtur, quae haud dubie magis ad similitudinem Deltae illius Aegyptiacae, ut Polybii verbis utar, quam duae illae priores, circumscripta est. Hoc quoque probant quum alia multa, tum hoc vel maxime, quod Polybius, quem hic vertit noster, in insula illa quam describit, *in ipsa*, inquam, *insula*, non *prope*, quemadmodum Livius, dicit incolere Allobroges. Allobroges autem non inter Rhodanum et Ararim, sed inter Rhodanum et Isaram incolebant. Itaque post *prope* subaudi *confluentes*.

5 *Iam inde*] Hoc addit Livius, quia postea maxime gens Allobrogum opibus et fama inclaruit. CREV. Nisi



U. C. 534.  
A. C. 218.

Druentia  
amnis.

32.

P. Cornelius ad castra ab Hannibale deserta venit. Redit ad naves.

U. C. 534. A. C. 218. nulla Gallica gente opibus aut fama inferior: tum discors erat. Regni certamine ambigebant fratres. Maior, et qui prius imperitarat, Brancus nomine, minore ab fratre et coetu iuniorum, qui iure minus, vi plus poterat, pellebatur. Huius seditionis peropportuna disceptatio quum ad Hannibalem reiecta esset, arbiter regni factus, quod ea senatus principumque sententia fuerat, imperium maiori restituit. Ob id meritum commeatu copiaque rerum omnium, maxime vestis, est adiutus, quam infames frigoribus Alpes praeparari cogeant. Sedatis certaminibus Allobrogum, quum iam Alpes peteret, non recta regione iter instituit; sed ad laevam 6 in Tricastinos flexit; inde per extremam oram Vocontiorum agri tetendit in Tricorios: haud usquam impedita via, priusquam ad Druentiam flumen pervenit. Is et ipse 7 Alpinus amnis longe omnium Galliae fluminum difficillimus transitu est. Nam, quum aquae vim vehat ingentem, non tamen navium patiens est: quia nullis coercitus ripis, pluribus simul, neque iisdem alveis fluens, nova semper vada novosque gurgites, (et ob eadem pediti quoque incerta via est) ad haec saxa glareosa volvens, nihil stabile nec tutum ingredienti praebet; et tum, forte imbribus auctus, ingentem transgredientibus tumultum fecit, quum super cetera trepidatione ipsi sua atque incertis clamoribus turbarentur.

P. Cornelius consul, triduo fere post, quam Hannibal ab ripa Rhodani movit, quadrato agmine ad castra hostium venerat, nullam dimicandi moram factururus. Ceterum, ubi deserta munimenta, nec facile se tantum praegressos assecuturum videt; ad mare ac naves rediit, tutius faciliusque ita descendenti ab Alpibus Hannibali occursurus. Ne tamen nuda auxiliis Romanis Hispania esset, quam provinciam sortitus erat, Cn. Scipionem fratrem cum maxima parte copiarum adversus Hasdrubalem misit; non ad tuendos tantummodo veteres socios conciliandosque novos, sed etiam ad pellendum Hispania Hasdrubalem. Ipse cum admodum exiguis copiis Genuam repetit, eo, qui circa Padum erat, exercitu Italiam defensurus.

malis inde, quod in codd. ante voces *mediis campis* non invenitur, loco mutatum fuisse.

6 *Ad laevam in Tricastinos flexit*] Quod iter haud memorat Polybius, at Sil. Ital. iii. 466 sq. et Ammian. xv. 28. Livius regionem designat, quae non Hannibali, sed sibi aut cuivis Italo *ad laevam* esset: mos est enim historicis, ut nonnunquam dextram sinistramque non ab hostium parte, sed a sua designent. STRUTH.

7 *Is et ipse Alpinus amnis*] Quippe ex Alpibus Cottis oriens. Optima

haec descriptio amnis Druentiae, sed magis in inferiorem partem competit, quâ a Segusterone usque ad Avenionem alveo incerto fluit. Sed tota haec Livii narratio errore quodam inenodabili implicita est, neque facile est diiudicare, utrum sciens haec, quae minime sibi constant, scripserit, an incuria librariorum voces quaedam sede sua mutatae sint. Nos Polybii medicam manum adhibendam censemus.

8 *Genuam repetit*] *Pisas*, si Polybium iii. 56. audiamus. Exercitus,

Hannibal ab Druentia campestri maxime itinere ad Alpes U. C. 534.  
 cum bona pace incolentium ea loca Gallorum pervenit. A. C. 218.  
 Tum, quanquam fama prius, qua incerta in maius vero ferri Hannibal  
 9 solent, praecepta res erat, tamen ex propinquo visa montium transit Al-  
 altitudo, nivesque coelo prope immixtae, tecta informia im-  
 1 posita rupibus, pecora iumentaque torrida frigore, homines  
 2 intonsi et inculti, animalia inanimaque omnia rigentia gelu,  
 cetera visu, quam dictu, foediora, terrorem renovarunt.  
 3 Erigentibus in primos agmen clivos apparuerunt imminentes  
 tumulos insidentes montani: qui, si valles occultiores inse-  
 dissent, coorti in pugnam repente, ingentem fugam stra-  
 4 gemque dedissent. Hannibal consistere signa iubet; Gal-  
 lisque ad visenda loca praemissis, postquam comperit, trans-  
 itum ea non esse, castra inter confragosa omnia praerupta-  
 que, quam extentissima potest valle, locat. Tum per  
 eosdem Gallos, haud sane multum lingua moribusque  
 abhorrentes, quum se immiscuissent colloquiis montanorum,  
 edoctus interdium tantum obsideri saltum, nocte in sua  
 quemque dilabi tecta; luce prima subiit tumulos, ut ex  
 aperto atque interdium vim per angustias facturum. Die  
 deinde simulando aliud, quam quod parabatur, consumpto,  
 quum eodem, quo constiterant, loco castra communissent,  
 ubi primum degressos tumulis montanos laxatasque sensit  
 custodias, pluribus ignibus, quam pro numero manentium,  
 in speciem factis, impedimentisque cum equite relictis, et  
 maxima parte peditum; ipse cum expeditis, acerrimo quo-  
 que viro, raptim angustias evadit: iisque ipsis tumulis, quos  
 hostes tenerant, consedit. Prima deinde luce castra mota,  
 et agmen reliquum incedere coepit. Iam montani signo  
 dato ex castellis ad stationem solitam conveniebant; quum  
 repente conspiciunt alios, arce occupata sua, super caput  
 imminentes, alios via transire hostes. Utraque simul  
 obiecta res oculis animisque immobiles parumper eos defixit.  
 Deinde, ut trepidationem in angustis, suoque ipsum  
 tumultu misceri agmen videre, equis maxime consternatis,  
 quicquid adiecissent ipsi terroris, satis ad perniciem fore rati,  
 5 diversis rupibus, iuxta invia ac devia assueti, decurrunt.

33.

cui L. Manlius et C. Atilius praetores  
 praeerant, in iis locis castra habe-  
 bat.

9 *Præcepta*] Animo præcognita.  
 CREV.

1 *Torrida frigore*] Passim uri, am-  
 buri, torrerī de frigore plantas cu-  
 temque hominis laedente. cf. infr. xl.  
 45. Plin. H. N. iii. 20. Tac. Ann. xiii. 35.

2 *Inanimaque*] *Inanimataque* ex  
 emendatione Gronovii reposuit Bek-  
 ker.

3 *Erigentibus in primos agmen*] Pol. iii. 50.

4 *Gallisque ad visenda loca*] sc.  
 Legatis Boiorum, qui se duces itineris  
 fore professi fuerant. SIGON.

5 *Diversis rupibus*] Alii *perversis*  
*rupibus*. Gronovius legendum suadet  
*per transversas rupes*, fortasse nimis  
 audacter, ut Crevierio videtur, qui  
*discurrunt* scribit. *Diversi rupibus*,  
*iuxta invia ac devia*, reponit Wal-  
 chius.

U. C. 534. Tum vero simul ab hostibus, simul ab iniquitate locorum  
 A. C. 218. Poeni oppugnabantur; plusque inter ipsos, sibi quoque  
 tendente, ut periculo prius evaderet, quam cum hostibus,  
 certaminis erat. Equi maxime infestum agmen faciebant,  
 qui et clamoribus dissonis, quos nemora etiam repercussae-  
 que valles augebant, territi trepidabant, et icti forte aut  
 vulnerati adeo consternabantur, ut stragem ingentem simul  
 hominum ac sarcinarum omnis generis facerent: multosque<sup>6</sup>  
 turba, quum praecipites deruptaeque utrimque angustiae<sup>7</sup>  
 essent, in immensum altitudinis deiecit; quosdam et arma-  
 tos: sed ruinae maximae modo iumenta cum oneribus de-  
 volvebantur. Quae quanquam foeda visu erant, stetit  
 parumper tamen Hannibal, ac suos continuit, ne tumultum  
 ac trepidationem augeret. Deinde, postquam interrumpi  
 agmen vidit, periculumque esse, ne exutum impedimentis  
 exercitum nequicquam incolumem traduxisset, decurrit ex  
 superiore loco; et, quum impetu ipso fudisset hostem, suis  
 quoque tumultum auxit. Sed is tumultus momento tem-  
 poris, postquam liberata itinera fuga montanorum erant,  
 sedatur: nec per otium modo, sed prope silentio, mox  
 omnes traducti. Castellum inde, quod caput eius regionis  
 erat, viculosque circumiectos capit, et captivo cibo ac pe-<sup>8</sup>  
 coribus per triduum exercitum aluit. Et quia nec montanis  
 primo percussis, nec loco magnopere impediabantur, ali-  
 quantum eo triduo viae confecit.

34. Perventum inde ad frequentem cultoribus alium, ut inter  
 montana, populum. Ibi non bello aperto, sed suis artibus,<sup>9</sup>  
 fraude, deinde insidiis est prope circumventus. Magno  
 natu principes castellorum oratores ad Poenum veniunt:  
 ‘alienis malis, utili exemplo, doctos,’ memorantes, ‘amici-  
 ‘tiam malle, quam vim experiri Poenorum. Itaque obe-  
 ‘dienter imperata facturos: commeatum itinerisque duces,  
 ‘et ad fidem promissorum obsides acciperet.’ Hannibal  
 nec temere credendo, nec aspernando, ne repudiati aperte  
 hostes fierent, benigne quum respondisset; obsidibus, quos  
 dabant, acceptis, et commeatu, quem in viam ipsi detulerant,  
 usus, nequaquam, ut inter pacatos, incomposito agmine  
 duces eorum sequitur. Primum agmen elephanti et equites  
 erant: ipse post cum robore peditum, circumspectans  
 sollicitusque omnia, incedebat. Ubi in angustiore viam

<sup>6</sup> *Multosque turba*] h. e. Tumul-  
 tus et trepidatio. Per *multos*, quibus  
 paullo post *armati* opponuntur, intel-  
 ligi lixas et calones, nam res maxime  
 circa impedimenta accidit, monet Doer.

<sup>7</sup> *Utrimque*] Hoc in Polybio non  
 legitur.

<sup>8</sup> *Captivo cibo*] Cibo additum e

Polybio. Plures edd. *frumento* ha-  
 bent, quaedam *captivorum pecoribus*.  
 Verum ap. Polybium castellum illud,  
 πόλις vocatur.

<sup>9</sup> *Populum*] Δῆμον, sive pagum in-  
 telligas.

<sup>1</sup> *Suis artibus*] h. e. Perfidia plus  
 quam Punica. cf. supr. 4.

ex parte altera subiectam iugo insuper imminenti ventum U. C. 534.  
 est, undique ex insidiis barbari a fronte, ab tergo coorti, A. C. 218.  
 cominus eminus petunt: saxa ingentia in agmen devolvunt:  
 2 maxima ab tergo vis hominum urgebat. In eos versa peditum  
 acies haud dubium fecit, quin, nisi firmata extrema  
 agminis fuissent, ingens in eo saltu accipienda clades fuerit.  
 Tunc quoque ad extremum periculi ac prope perniciem  
 ventum est: nam, dum cunctatur Hannibal demittere agmen  
 in angustias; quia non, ut ipse equitibus praesidio erat, ita  
 peditibus quicquam ab tergo auxilii reliquerat; occursantes  
 3 per obliqua montani, perrupto medio agmine, viam insedere:  
 noxque una Hannibali sine equitibus atque impedimentis  
 acta est. Postero die, iam segnius intercurrentibus barbaris,  
 iunctae copiae, saltusque haud sine clade, maiore tamen  
 iumentorum, quam hominum, perniciem, superatus. Inde  
 montani pauciores iam, et latrocinii magis quam belli more,  
 concursabant; modo in primum, modo in novissimum  
 agmen, utcunque aut locus opportunitatem daret, aut pro-  
 gressi morative aliquam occasionem fecissent. Elephanti,  
 4 sicut per artas praecipites vias magna mora agebantur, ita  
 tutum ab hostibus, quacunque incederent, quia insuetis  
 adeundi propius metus erat, agmen praebebant.

Nono die in iugum Alpium perventum est, per invia  
 pleraque et errores, quos aut ducentium fraus, aut, ubi fides  
 iis non esset, temere initae valles a coniectantibus iter,  
 faciebant. Biduum in iugo stativa habita: fessisque labore  
 ac pugnando quies data militibus; iumenta quoque aliquot, quae  
 prolapsa in rupibus erant, sequendo vestigia agminis in  
 castra pervenere. Fessis taedio tot malorum nivis etiam  
 5 casus, occidente iam sidere Vergiliarum, ingentem terrorem  
 adiecit. Per omnia nive oppleta quum, signis prima luce  
 motis, segniter agmen incederet, pigritiaeque et desperatio  
 6 in omnium vultu emineret; praegressus signa Hannibal in  
 promontorio quodam, unde longe ac late prospectus erat,  
 consistere iussis militibus Italiam ostendit, subiectosque  
 Alpinis montibus Circumpadanos campos: 'moeniaque eos  
 tum transcendere non Italiae modo, sed etiam urbis Ro-

35.

2 *In eos versa peditum acies*] In eos quum versa peditum acies esset, haud dubium erat, quin . . . *tunc quoque*, licet etiam firmasset Hannibal extrema agminis, *tamen* . . .

3 *Perrupto medio agmine*] *Interrupto* ex emendatione Gronovii in textum recepit Bekker.

4 *Praecipites*] Proni ad lapsum in locis declivibus et praecipitibus. DOER. *Praecipites*, h. e. per ardua ac declivia, quin praerupta saepe, duce-

bantur. BAUER.

5 *Occidente iam sidere Vergiliarum*] Vergiliae, sive Pleiades, sunt stellae septem in collo Tauri. Occasus Pleiadum de quo hic agit Livius, contingebat, Plinii aevo, tertio Idus Novembris, ipso teste, H. N. xviii. 31. CREV. cf. Pol. iii. 54.

6 *In promontorio quodam*] Iugo Alpium praealto, in altum (non, ut plerumque, in mare) prominente. RUP.

U. C. 534. 'manae. Cetera plana, proclivia fore: uno, aut summum;  
A. C. 218. 'altero proelio arcem et caput Italiae in manu ac potestate  
'habituros.' Procedere inde agmen coepit; iam nihil ne  
hostibus quidem, praeter parva furta per occasionem, tentan-  
tibus. Ceterum iter multo, quam in ascensu fuerat, (ut  
pleraque Alpium ab Italia sicut breviora, ita arrectiora sunt)  
difficilius fuit. Omnis enim ferme via praeceps, angusta,<sup>8</sup>  
lubrica erat: ut neque sustinere se a lapsu possent; nec,<sup>9</sup>  
qui paullulum titubassent, haerere afflicti vestigio suo;  
alique super alios, et iumenta et homines, occiderent.

36. Ventum deinde ad multo angustiores rupes, atque ita  
rectis saxis, ut aegre expeditus miles tentabundus, manibus-  
que retinens virgulta ac stirpes circa eminentes, demittere  
sese posset. Natura locus iam ante praeceps, recenti lapsu  
terrae in pedum mille admodum altitudinem abruptus erat.  
Ibi quum, velut ad finem viae, equites constitissent, miranti  
Hannibali, quae res moraretur agmen, nuntiatur, rupem  
inviam esse. Digressus deinde ipse ad locum visendum.  
Haud dubia res visa, quin per invia circa nec trita antea,  
quamvis longo ambitu, circumduceret agmen. Ea vero via  
insuperabilis fuit. Nam quum super veterem nivem intac-  
tam nova modicae altitudinis esset, molli nec praealtae nivi  
facile pedes ingredientium insistebant. Ut vero tot homi-  
num iumentorumque incessu dilapsa est, per nudam infra  
glaciem fluentemque tabem liquescentis nivis ingredie-  
bantur. Taetra ibi luctatio erat, ut a lubrica glacie, non  
recipiente vestigium, et in prono citius pedes fallente: et,  
seu manibus in assurgendo seu genu se adiuvisent, ipsis<sup>2</sup>  
adminiculis prolapsi si iterum corruerent, nec stirpes circa  
radicesve, ad quas pede aut manu quisquam eniti posset,  
erant; ita in levi tantum glacie tabidaque nive volutabantur.  
Iumenta secabant interdum etiam tum infimam ingredientia

<sup>7</sup> *Summum*] Ad summum, quod  
Anglice, dicimus *at most*. Restituit  
hanc loquendi formam Livio Grono-  
vius, quum vulgo editi haberent *ad*  
*summum*, scripti *summo*.

<sup>8</sup> *Omnis enim ferme via*] Haec  
verba, ut ex Polybio patet, non sunt  
de toto itinere intelligenda, sed de  
invia illa parte tantummodo, de qua  
mox sermo erit.

<sup>9</sup> *Ut neque sustinere se a lapsu*]  
sc. Ut neque continere se, quominus  
laberentur, neque, si paullulum titu-  
bassent, h. e. non omnino primo lapsu  
procidissent, sed terrae afflicti vesti-  
gium pressissent, vestigio suo haerere  
possint.

<sup>1</sup> *In pedum mille admodum altitu-*

*dinem*] *Impeditus in mirandam ad-*  
*modum altitudinem* retinent Sigon. et  
Stroth. Sed emendationem Vallae  
firmatam a Pol. iii. 54, quam noster  
servavit, Crev. et Bekker. probant.  
Quod vero Livius spatium, quo re-  
centi lapsu abruptus locus erat, *in*  
*altitudinem*, non *in longitudinem* ac-  
ceperit, id non ex Polybio sumsit, et  
prorsus ridiculum absurdumque vide-  
tur.

<sup>2</sup> *Ipsis adminiculis prolapsi si ite-*  
*rum corruerent*] Manus et genus in-  
telligenda sunt, quibus se adiuvisse  
dicuntur. DOER. Ceterum Bekker.  
*prolapsis iterum corruerant* ex con-  
iectura Gronovii in textum recepit.

3 nivem, et prolapsa iactandis gravius in connitendo ungulis U. C. 534.  
 penitus perfringebant: ut pleraque, velut pedica capta, A. C. 218.  
 haerent in durata et alte concreta glacie. Tandem, 37.  
 nequicquam iumentis atque hominibus fatigatis, castra in  
 iugo posita, aegerrime ad id ipsum loco purgato: tantum  
 4 nivis fodiendum atque egerendum fuit. Inde ad rupem Rupes igne  
 muniendam, per quam unam via esse poterat, milites ducti, et aceto  
 5 quum caedendum esset saxum, arboribus circa immanibus mollita.  
 deiectis detruncatisque, struem ingentem lignorum faciunt:  
 eamque, quum et vis venti apta faciendo igni coorta esset,  
 6 succendunt, ardentiaque saxa infuso aceto putrefaciunt. Ita  
 7 torridam incendio rupem ferro pandunt, molliuntque an-  
 fractibus modicis clivos, ut non iumenta solum, sed elephanti  
 etiam, deduci possent. Quatriduum circa rupem consum-  
 ptum, iumentis prope fame absumptis: nuda enim fere  
 cacumina sunt, et, si quid est pabuli, obruunt nives.  
 Inferiora valles et apricos quosdam colles habent, rivosque  
 prope silvas, et iam humano cultu digniora loca. Ibi iu-  
 8 menta in pabulum missa, et quies muniendo fessis hominibus  
 9 data triduo. Inde ad planum descensum, etiam locis mol-  
 lioribus et accolarum ingeniis.

Hoc maxime modo in Italiam perventum est, quinto 38.  
 1 mense a Carthagine nova, ut quidam auctores sunt, quinto Italiani in-  
 decimo die Alpibus superatis. Quantaecumque transgresso greditur  
 in Italiam Hannibali fuerint, nequaquam inter auctores con- Hannibal.  
 stat. Qui plurimum, centum millia peditum, viginti equitum

3 *In connitendo*] sc. Ut sese erigerent.

4 *Ad rupem muniendam*] h. e. Perfodiendo et caedendo rupem per eam viam aperire. DOER.

5 *Arboribus circa immanibus*] Nec minus mirum, quod arbores immanes in eo loco opportune existerent, cuius, ut mox ait Livius, *nuda fere cacumina, et si quid est pabuli, obruunt nives*. Sed quum rupes mille pedes in altitudinem abrupta esset, necesse erat omnino, ut aliquis *Deus ex machina* existeret.

6 *Infuso aceto*] Plin. H. N. xxxiii. 3. eam aceti vim esse scribit, ut *saxa rumpat infusum, quae non ruperit ignis antecedens*. Hanc fabulam Plut. in Vita Hann. ac Sil. iii. 640. necnon Appian. Hann. 4. narrant. Quidam, qui rem non prorsus ementitam volunt, monent acetum militibus potum fuisse, et hinc non mirum esse, tantam eius copiam Poenis suppetisse. Sed haec merae nugae sunt: quippe *saxa primitiva* aceto vix tam facile cessissent,

neque nodus tali vindice dignus est, quippe viam lapsam mille pedes in longitudinem humanus labor, nullis aceti et ignis adiumentis, instaurare potuisset.

7 *Molliuntque anfractibus modicis clivos*] Non rectas ducunt vias, sed per modicos anfractus inflexas, ita ut mollior descensus per clivos fieret. CREV.

8 *Data triduo*] Polybius contra hoc tempus non in exercitu quiete reficiendo, sed in locos campestres deducendo, consumptum scribit.

9 *Etiam locis*] Et iam, Bekker.

1 *Ut quidam auctores sunt*] cf. Pol. iii. 56. Quinto decimo die, ceterum Livio ipso auctore, dies decimus nonus iam agebatur, quippe *nono die* in iugum Alpium perventum est, tum *biduum* in iugo stativa habita, postea *quatriduum* circa rupem absumptum, denique quies fessis data *triduo*: inde, scilicet die decimo nono, ad planum descensum est. cf. Cramer. de Hannib. transitu p. 145.



U. C. 534. fuisse scribunt; qui minimum, viginti millia peditum, sex  
 A. C. 218. equitum. L. Cincius Alimentus, qui captum se ab Hanni-  
 bale scribit, maxime auctor me moveret, nisi confunderet  
 numerum, Gallis Liguribusque additis: cum his octoginta  
 millia peditum, decem equitum, adducta in Italiam: (magis  
 affluxisse verisimile est, et ita quidam auctores sunt) ex ipso  
 autem audisse Hannibale, postquam Rhodanum transierit,  
 triginta sex millia hominum, ingentemque numerum equo-  
 rum et aliorum iumentorum amisisse, Taurinis, quae Gallis  
 proxima gens erat, in Italiam degressum. Id quum inter  
 omnes constet, eo magis miror ambigi, quam Alpes trans-  
 ierit: et vulgo credere, Penino, atque inde nomen ei iugo  
 Alpium inditum, transgressum. Coelius per Cremonis  
 iugum dicit transisse: qui ambo saltus eum non in Tauri-  
 nos, sed per Salassos montanos ad Libuos Gallos deduxis-  
 sent. Nec verisimile est, ea tum ad Galliam patuisse  
 itinera; utique, quae ad Peninum ferunt, obsaepta gentibus  
 semigermanis fuissent. Neque, hercule, montibus his (si  
 quem forte id movet) ab transitu Poenorum ullo Veragri,  
 incolae iugi eius, norunt nomen inditum; sed ab eo,  
 quem, in summo sacratum vertice, Peninum montani appel-  
 lant.

39. Peropportune ad principia rerum Taurinis, proximae  
 genti, adversus Insubres motum bellum erat. Sed armare

2 *Qui minimum, viginti millia peditum, sex equitum*] Ita memorat Polybius, qui quidem sese id didicisse testatur ex aerea tabula Lacinii ab ipso Hannibale inscripta et incisa. CREV.

3 *L. Cincius Alimentus*] Qui diligens monumentorum auctor vocatur supr. vii. 3, Fabii Pictoris aequalis.

4 *Magis affluxisse*] Potius affluxisse, quam adducta esse. RASCHIG.

5 *Quum inter omnes constet*] Quonam modo? quum Polybius iii. 56. diserte ait Hannibalem in Insubres descendisse; a quo minime discrepat Caelius, Libuis enim Insubres olim iugum imposuisse Ptolemaeus p. 64. affirmat.

6 *Vulgo credere*] Ita Plin. H. N. iii. 17.

7 *Coelius*] L. Coelius Antipater, scriptor non mediocris apud antiquos famae: qui ex ieiunitate veterum et serpente humi simplicitate primus paullulum se erexit, et addidit historiae maiorem sonum vocis, ut ait Cicero de Or. ii. 54. L. Crassi, insignis illius oratoris, familiaris, imo et ma-

gister, teste eodem Cic. ibid. et in Bruto, 102. Hinc satis cognoscitur quo tempore vixerit; Gracchanis nimirum temporibus, ut clare docet Val. Max. i. 7. et sat diu etiam post Gracchos. Scripserat historiam belli huius Hannibalici, ut colligitur ex hoc et non paucis aliis huius decadis locis, in quibus a Livio testis citatur. CREV.

8 *Cremonis iugum*] Glareanus testatur in vetustioribus codicibus legi *centronis iugum*. Sane haud procul a Pennino iugo incolebant Centronea, Gallicus populus; et Centronicarum Alpium mentionem fecit Plinius H. N. xi. 42. CREV.

9 *Ea tum ad Galliam*] Augustum Imp. duo itinera per Alpes Graias et Peninas struxisse. Strabo iv. p. 318. narrat. Sed eundem auctorem secutus, Cramerius viam per hos montes antea patuisse censet.

1 *Sed ab eo*] Vocem *Peninum* contra a Celtica voce *Penn*, quae hodie apud Armoricos Galliae populos *vertex* et *caput* dicitur, derivatam fuisse procul dubio est.

2 exercitum Hannibal, ut parti alteri auxilio esset, in re- U. C. 534.  
ficiendo maxime sentientem contracta ante mala, non pote- A. C. 218.  
rat. Otium etenim ex labore, copia ex inopia, cultus ex  
3 illuvie tabeque, squalida et prope efferata corpora varie  
movēbant. Ea P. Cornelio consuli causa fuit, quum Pisas Cornelius  
navibus venisset, exercitu a Manlio Atilioque accepto tirone, Cos. ob-  
et in novis ignominiis trepido, ad Padum festinandi; ut viam venit.  
cum hoste nondum reffecto manum consereret. Sed quum  
Placentiam consul venit, iam ex stativis moverat Hannibal;  
4 Taurinorumque unam urbem, caput gentis eius, quia vo-  
lentes in amicitiam non veniebant, vi expugnarat: iunxis-  
setque sibi, non metu solum, sed etiam voluntate, Gallos  
accolas Padi; ni eos, circumspectantes defectionis tempus,  
subito adventus consulis oppressisset. Et Hannibal movit  
ex Taurinis, incertos, quae pars sequenda esset, Gallos  
praesentem se secuturos ratus. Iam prope in conspectu  
5 erant exercitus, convenerantque duces sicuti inter se non-  
dum satis noti, ita iam imbutus uterque quadam admiratione  
alterius. Nam Hannibalis et apud Romanos, iam ante Sa-  
gunti excidium, celeberrimum nomen erat: et Scipionem  
Hannibal eo ipso, quod adversus se dux potissimum lectus  
esset, praestantem virum credebat. Et auxerant inter se  
opinionem; Scipio, quod, relictus in Gallia, obvius fuerat in  
Italiam transgresso Hannibali; Hannibal, et conatu tam  
audaci traiciendarum Alpium, et effectum. Occupavit tamen  
Scipio Padum traicere, et, ad Ticinum amnem motis castris,  
prius, quam educeret in aciem, adhortandorum militum  
causa, talem orationem exorsus est:

‘ Si eum exercitum, milites, educerem in aciem, quem in 40.  
‘ Gallia mecum habui, supersedissem loqui apud vos. Quid Cornelius  
‘ enim adhortari referret aut eos equites, qui equitatum milites suos  
‘ hostium ad Rhodanum flumen egregie vicissent, aut eas adhortatur.  
‘ legiones, cum quibus fugientem hunc ipsum hostem secutus,  
‘ confessionem cedentis ac detrectantis certamen pro victoria  
‘ habui? Nunc, quia ille exercitus, Hispaniae provinciae  
6 ‘ scriptus, ibi cum fratre Cn. Scipione meis auspiciis rem

2 *In reficiendo*] Qui contracta in transitu Alpium mala tum maxime sentiebat, quum se reficere conaretur. CREV.

3 *Efferata*] Propter squalorem, et omisum tanto tempore omnem corporis cultum, aliquid torvi ferique praeferentia. Supr. ii. 23. *Promissa barba et capilli efferaverant speciem oris.* CREV.

4 *Quia volentes in amicitiam non veniebant*] Nempe oppidani. Prius legebatur *quia volentis . . . veniebat.*

Unus e regiis codicibus exhibuit nobis eam scripturam quam expressimus. Illam coniectura iam praeceperat Gronovius. CREV.

5 *Convenerantque duces*] Non in colloquium, sed tantum in eandem regionem, ita ut haud multum inter se abessent.

6 *Meis auspiciis*] Quia Cornelio sorte Hispania evenerat provincia, adeoque eius auspiciis res ibi gerebantur. DOER.



U. C. 534. A. C. 218. gerit, ubi eum gerere senatus populusque Romanus voluit ;  
 ego, ut consulem ducem adversus Hannibalem ac Poenos  
 haberetis, ipse me huic voluntario certamini obtuli ; novo  
 imperatori apud novos milites pauca verba facienda sunt.  
 Ne genus belli, neve hostem ignoretis ; cum iis est vobis,  
 milites, pugnandum, quos terra marique priore bello  
 vicistis : a quibus stipendium per viginti annos exegistis : a  
 quibus capta belli praemia, Siciliam ac Sardiniam, habetis.  
 Erit igitur in hoc certamine is vobis illisque animus, qui  
 victoribus et victis esse solet. Nec nunc illi, quia audent,  
 sed quia necesse est, pugnaturi sunt : nisi creditis, qui  
 exercitu incolumi pugnam detrectavere, eos, duabus parti-  
 bus peditum equitumque in transitu Alpium amissis, quum  
 plures paene perierint, quam supersunt, plus spei nactos  
 esse. At enim pauci quidem sunt, sed vigentes animis  
 corporibusque, quorum robor ac vires vix sustinere vis  
 ulla possit. Effigies, imo umbrae hominum, fame, frigore,  
 illuvie, squalore enecti, contusi ac debilitati inter saxa ru-  
 pesque. Ad haec, praeusti artus, nive rigentes nervi,  
 membra torrida gelu, quassata fractaque arma, claudi ac  
 debiles equi. Cum hoc equite, cum hoc peditate pugnaturi  
 estis : reliquias extremas hostium, non hostes, habebitis.  
 Ac nihil magis vereor, quam ne, vos quum pugnaveritis,  
 Alpes vicisse Hannibalem videantur. Sed ita forsitan de-  
 cuit, cum foederum ruptore duce ac populo deos ipsos, sine  
 ulla humana ope, committere ac profligare bellum : nos,  
 qui secundum deos violati sumus, commissum ac profliga-  
 tum conficere. Non vereor, ne quis me hoc vestri adhor-  
 tandi causa magnifice loqui existimet ; ipsum aliter animo  
 affectum esse. Licuit in Hispaniam, provinciam meam,  
 quo iam profectus eram, cum exercitu ire meo : ubi et  
 fratrem consilii participem ac periculi socium haberem, et  
 Hasdrubalem potius, quam Hannibalem, hostem, et  
 minorem haud dubie molem belli. Tamen, quum prae-

41.

8 *Duabus partibus*] Duabus tertiis partibus.

9 *Quum plures paene perierint, quam supersunt*] Suspecta quidem est haec parenthesis Strothio et Doeringio, et quae glossatoris manum prodere videatur. Bauerus quidem nostrum mitigare velle censet, quod forte nimis auxerat : contra Raschig. *paene* non *ferme*, sed *penitus* hic significare suspicatur, quemadmodum apud Planc. in Cic. Ep. x. 23. *non hoc vitio paene sum deceptus*, legitur. cf. Prisc. iii. p. 608.

1 *At enim*] Obiectionem fere sem-

per indicant particulae *at enim*. cf. supr. iv. 4. RASCH.

2 *Profligare*] h. e. Ad exitum ferme adducere, ut Cic. Tusc. v. 6. cf. supr. iii. 50.

3 *Vestri adhortandi causa*] Videatur ratio grammaticarum legum postulare vel *vestri adhortandorum*, vel *vos adhortandi*. Sed hanc loquendi formam compluribus ex probatissimo quoque scriptore exemplis tuentur Sanctius in Minerva iii. 8. et auctor Novae Methodi linguae Latinae in observationibus ad Gerundia. CAEV.

'terveherer navibus Galliae oram, ad famam huius hostis U. C. 534.  
 'in terram egressus, praemisso equitatu, ad Rhodanum movi A. C. 218.  
 'castra. Equestri proelio, qua parte copiarum conserendi  
 'manum fortuna data est, hostem fudi: peditum agmen,  
 'quod in modum fugientium raptim agebatur, quia assequi  
 'terra non poteram, regressus ad naves, quanta maxima  
 'celeritate potui, tanto maris terrarumque circuitu, in radi-  
 'cibus Alpium obvius fui. Huic timendo hosti utrum,  
 'quum declinarem certamen, improvisus incidisse videor an  
 'occurrere in vestigiis eius? lacesserè ac trahere ad decer-  
 'nendum? Experiri iuvat, utrum alios repente Cartha-  
 'ginienses per viginti annos terra ediderit: an iidem sint,  
 'qui ad Aegates pugnaverunt insulas, et quos ab Eryce  
 4 'duodevicens denariis aestimatos emisistis: et utrum Han-  
 'nibal hic sit aemulus itinerum Herculis, ut ipse fert, an  
 5 'vectigalis stipendiariusque et servus populi Romani a patre  
 'relictus: quem nisi Saguntinum scelus agitaret, respiceret  
 'profecto, si non patriam victam, domum certe, patremque,  
 'et foedera Hamilcaris scripta manu: qui, iussus a consule  
 'nostro, praesidium deduxit ab Eryce: qui graves impositas  
 'victis Carthaginensibus leges fremens maerensque accepit:  
 'qui decedere Sicilia, qui stipendium populo Romano dare  
 'pactus est. Itaque vos ego, milites, non eo solum animo,  
 'quo adversus alios hostes soletis, pugnare velim; sed cum  
 'indignatione quadam atque ira: velut si servos videatis  
 'vestros arma repente contra vos ferentes. Licuit ad Ery-  
 'cem clausos, ultimo supplicio humanorum, fame interficere:  
 'licuit victricem classem in Africam traicere, atque intra  
 'paucos dies sine ullo certamine Carthaginem delere.  
 'Veniam dedimus precantibus: emisimus ex obsidione:  
 6 'pacem cum victis fecimus: tutelae deinde nostrae duximus,  
 'quum Africo bello urgerentur. Pro his impartitis, furiosum  
 'juvenem sequentes, oppugnatum patriam nostram veniunt.  
 'Atque utinam pro decore tantum hoc vobis, et non pro  
 'salute, esset certamen. Non de possessione Siciliae ac  
 'Sardiniae, de quibus quondam agebatur, sed pro Italia  
 'vobis est pugnandum: nec est alius ab tergo exercitus,  
 'qui, nisi nos vincimus, hosti obsistat; nec Alpes aliae sunt,

4 *Duodevicens denariis*] De hac re omnino silet Pol. i. 62. sed ap. Zonar. viii. 17. in legibus pacis scriptum esse invenimus, quod Poeni Romanos captivos gratuito dimittere, suos autem a Romanis pretio redimere deberent.

5 *Vectigalis stipendiariusque*] Oratorice haec dicta, quippe *stipendium* haud dubie Carthaginensibus imperatum erat, ager vero Carthaginensis

adhuc non *vectigalis* erat, ut qui minime in *provinciae* locum cesserat.

6 *Tutelae ... nostrae*] Ad tutelam nostram pertinere duximus. Haec haud dubie vera sunt, quippe Romani teste Polybio, dum Africo bello urgebantur Carthaginenses, foederis leges observabant, sed sedato illo bello, ipsi invasere Sardiniam. Hanc autem iniuriam noster prudenter reticet.

U. C. 534. 'quas dum superant, comparari nova possint praesidia.  
A. C. 218. 'Hic est obstandum, milites, velut si ante Romana moenia  
'pugnemus. Unusquisque se non corpus suum, sed con-  
'iugem ac liberos parvos armis protegere putet: nec  
'domesticas solum agitet curas, sed identidem hoc animo  
'reputet, nostras nunc intueri manus senatum populumque  
'Romanum: qualis nostra vis virtusque fuerit, talem deinde  
'fortunam illius urbis ac Romani imperii fore.'

42. Haec apud Romanos consul. Hannibal, rebus prius,<sup>7</sup>  
Hannibal quam verbis, adhortandos milites ratus, circumdato ad spe-  
rebus prius ctaculum exercitu, captivos montanos vinctos in medio  
quam ver- statuit; armisque Gallicis ante eorum pedes proiectis, inter-  
bis milites rogare interpretem iussit, ecquis, si vinculis levaretur, arma-  
hortatur. que et equum victor acciperet, decertare ferro vellet? Quum  
ad unum omnes ferrum pugnamque poscerent, et deiecta<sup>8</sup>  
in id sors esset, se quisque eum optabat, quem fortuna in id  
certamen legeret. Ut cuiusque sors exciderat, alacer, inter  
gratulantes gaudio exsultans, cum sui moris tripudiis arma  
raptim capiebat. Ubi vero dimicarent, is habitus animorum<sup>9</sup>  
non inter eiusdem modo conditionis homines erat, sed etiam  
inter spectantes vulgo, ut non vincentium magis, quam  
bene morientium, fortuna laudaretur.

43. Quum sic aliquot spectatis paribus affectos dimisisset,<sup>1</sup>  
Eius oratio. concione inde advocata, ita apud eos locutus fertur: 'Si,  
'quem animum in alienae sortis exemplo paullo ante  
'habuistis, eundem mox in aestimanda fortuna vestra  
'habueritis, vicimus, milites: neque enim spectaculum modo  
'illud, sed quaedam veluti imago vestrae conditionis erat.  
'Ac nescio, an maiora vincula maioresque necessitates vobis,  
'quam captivis vestris, fortuna circumdederit. Dextra  
'laevaue duo maria claudunt, nullam, ne ad effugium qui-  
'dem, navem habentibus: contra Padus amnis, maior Padus<sup>2</sup>  
'ac violentior Rhodano; ab tergo Alpes urgent, vix integris  
'vobis ac vigentibus transitae. Hic vincendum aut morien-  
'dum, milites, est, ubi primum hosti occurristis. Et eadem  
'fortuna, quae necessitatem pugnandi imposuit, praemia  
'vobis ea victoribus proponit, quibus ampliora homines ne

<sup>7</sup> *Rebus prius*] Exemplo scilicet fortitudinis ante militum oculos edito. DOER. cf. Pol. iii. 62.

<sup>8</sup> *Deiecta . . . sors*] In urnam seu sitellam coniecta, qua versata excidebant tabellae sortibus inscriptae.

<sup>9</sup> *Is habitus animorum*] Ita affecti sunt animi non modo Gallorum, eiusdem scilicet conditionis, sed etiam Poenorum. Hunc morem captivos per paria certamine componendi apud

Poenos usitatum fuisse docet Casaub. ad Suet. Aug. 13. RUP.

<sup>1</sup> *Quum sic aliquot spectatis paribus*] Contra Pol. iii. 62. duos tantum dimicasse, quorum alterum periisse, alterum superstitem fuisse scribit.

<sup>2</sup> *Contra Padus amnis*] In pluribus codd. circa occurrit, sed contra, quod I. Gronovius reposuit, tantum non omnes editores malunt.

' ab diis quidem immortalibus optare solent. Si Siciliam U. C. 534.  
 ' tantum ac Sardiniam, parentibus nostris ereptas, nostra A. C. 218.  
 ' virtute recuperaturi essemus, satis tamen ampla pretia  
 ' essent. Quicquid Romani tot triumphis partum conges-  
 ' tumque possident, id omne vestrum cum ipsis dominis  
 ' futurum est. In hanc tam opimam mercedem, agite, cum  
 ' diis bene iuvantibus arma capite: Satis adhuc in vastis  
 ' Lusitaniae Celtiberiaeque montibus, pecora consecrando,  
 ' nullum emolumentum tot laborum periculorumque vestro-  
 ' rum vidistis: tempus est iam, opulenta vos ac ditia stipen-  
 ' dia facere, et magna operae pretia mereri, tantum itineris  
 ' per tot montes fluminaque et tot armatas gentes emensos.  
 ' Hic vobis terminum laborum fortuna dedit: hic dignam  
 ' mercedem, emeritis stipendiis, dabit. Nec, quam magni  
 ' nominis bellum est, tam difficilem existimaritis victoriam  
 ' fore. Saepe et contemptus hostis cruentum certamen  
 ' edidit, et incluti populi regesque perlevi momento victi  
 ' sunt. Nam, dempto hoc uno fulgore nominis Romani,  
 ' quid est, cur illi vobis comparandi sint? Ut viginti anno-  
 ' rum militiam vestram cum illa virtute, cum illa fortuna  
 3 ' taceam; ab Herculis columnis, ab Oceano terminisque  
 ' ultimis terrarum, per tot ferocissimos Hispaniae et Galliae  
 ' populos vincentes huc pervenistis: pugnabitis cum exer-  
 ' citu tirone, hac ipsa aestate caeso, victo, circumssesso a  
 ' Gallis, ignoto adhuc duci suo, ignorantique ducem. An  
 ' me, in praetorio patris, clarissimi imperatoris, prope  
 ' natum, certe eductum, domitorem Hispaniae Galliaeque,  
 ' victorem eundem non Alpinarum modo gentium, sed ipsa-  
 ' rum, quod multo maius est, Alpium, cum semestri hoc  
 4 ' conferam duce, desertore exercitus sui? Cui si quis,  
 ' demptis signis, Poenos Romanosque hodie ostendat, igno-  
 ' raturum certum habeo, utrius exercitus sit consul. Non  
 ' ego illud parvi aestimo, milites, quod nemo vestrum est,  
 ' cuius non ante oculos ipse saepe militare aliquod ediderim  
 ' facinus; cui non idem ego, virtutis spectator ac testis,  
 ' notata temporibus locisque referre sua possim decora.  
 ' Cum laudatis a me millies donatisque, alumnus prius om-  
 ' nium vestrum, quam imperator, procedam acie adversus  
 ' ignotos inter se ignorantesque. Quocunque circumtuli 44.  
 ' oculos, plena omnia video animorum ac roboris; veteranum  
 5 ' peditem, generosissimarum gentium equites frenatos et  
 ' infrenatos, vos socios fidelissimos fortissimosque, vos Car-

3 *Ab Herculis columnis*] Hae qui-  
 dem duo montes erant, quorum alter in  
 Hispania *Calpe*, alter in Africa *Abyle*  
 dictus est, hod. *Gibraltar* et *Ceuta*.

4 *Desertore exercitus sui*] Invidiose

de Scipione, qui maximam exercitus  
 sui partem in Hispaniam miserat. supr.  
 c. 32.

5 *Equites frenatos et infrenatos*] Numidae, qui plurimi in equitatu

U. C. 534. 'thaginienses, quum ob patriam, tum ob iram iustissimam,  
 A. C. 218. 'pugnatu- Inferimus bellum, infestisque signis descen-  
 'dimus in Italiam, tanto audacius fortiusque pugnaturi,  
 'quanto maior spes, maior est animus inferentis vim, quam  
 'arcentis. Accendit praeterea animos et stimulat dolor,  
 'iniuria, indignitas. Ad supplicium depoposcerunt me  
 'ducem primum, deinde vos omnes, qui Saguntum oppug-  
 'nassetis: deditos ultimis cruciatibus affecturi fuerunt.  
 'Crudelissima ac superbissima gens sua omnia suique arbitrii  
 'facit. Cum quibus bellum, cum quibus pacem habeamus,  
 'se modum imponere aequum censet: circumscribit inclu- 6  
 'ditque nos terminis montium fluminumque, quos ne exce-  
 'damus: neque eos, quos statuit, terminos observat. Ne  
 'transieris Iberum: ne quid rei tibi sit cum Saguntinis. Ad  
 'Iberum est Saguntum: nusquam te vestigio moveris. Pa-  
 'rum est, quod veterrimas provincias meas Siciliam et Sar-  
 'diniam adimis: etiam Hispanias? et inde cessero, in Africam 7  
 'transcendes. Transcendes autem, dico? Duos consules  
 'huius anni, unum in Africam, alterum in Hispaniam mise-  
 'runt. Nihil usquam nobis relictum est, nisi quod armis  
 'vindicaremus. Illis timidus et ignavis licet esse, qui respectum 8  
 'habent, quos suus ager, sua terra, per tuta ac pacata itinera  
 'fugientes, accipient: vobis necesse est fortibus viris esse,  
 'et, omnibus inter victoriam mortemve certa desperatione 9  
 'abruptis, aut vincere, aut, si fortuna dubitabit, in proelio  
 'potius, quam in fuga, mortem oppetere. Si hoc bene  
 'fixum omnibus destinatumque in animo est, iterum dicam,  
 'vicistis: nullum momentum ad vincendum homini ab diis  
 'immortalibus acrius datum est.'

Hannibalis erant, equis infrenatis utebantur. Hinc apud Virgilium, *Numidas infreni*.

6 *Circumscribit includitque nos terminis*] Sequitur dialogus oratoricus, in quo Romanus dicit *ne transieris* — *Saguntinis*, et *nusquam te vestigio moveris*; quibus respondet Poenus, *ad Iberum est Saguntum*: quorum sensus est: Neque transeo Iberum, foedus servans; sed, quod ex foedere meum est, occupo. Quum Iberus sit finis nostri imperii, in nostra parte est Saguntum: namque *ad i. e. cis Iberum est Saguntum*. Prudenti autem consilio dixit Livius *ad Iberum*, quum neque *cis Iberum* neque *trans I.* sine ambiguitate dicere posset. Namque *cis I.* neque Romanus, neque Hannibal, iam Alpes transgressus, dicere poterat: et *trans I.* adversari visum esset verbis foederis *ne transi-*

*eris Iberum*. Neque contradictionem in foedere tam manifestam aperuisset, quam oculis subiicere vult Hannibal: *ne transieris Iberum . . ne quid rei tibi sit cum Saguntinis*, non transgresso Iberum. STROTH.

7 *Inde cessero*] Si inde cessero. Supprimatur particula *si* ad maiorem vim. CREV.

8 *Qui respectum habent*] Qui habent quo respiciant, quum illis a tergo sit Roma et Italia. CREV.

9 *Omnibus inter victoriam mortemve certa desperatione abruptis*] Quum inter victoriam mortemve nihil sit vobis medium, sed omnia certa desperatione, velut profunda quadam voragine, abrupta. CREV.

1 *Nullum momentum*] Hoc loco omnes MSS. vitati sunt. Optimi habent loco ultimae vocis *contemptum*: nec abludunt oeteri. Inde Gronovius

His adhortationibus quum utrimque ad certamen accensi militum animi essent, Romani ponte Ticinum iungunt, tandemque pontis causa castellum insuper imponunt. Poenus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quam maxime iubet, principumque animos sollicitari ad defectionem. Ponte perfecto, traductus Romanus exercitus in agrum Insubrium, <sup>2</sup> quinque millia passuum a Victumulis consedit. Ibi Hannibal castra habebat: revocatoque propere Maharbale atque equitibus, quum instare certamen cerneret, nihil unquam satis dictum praemonitumque ad cohortandos milites ratus, vocatis ad concionem certa praemia pronuntiat, in quorum spem pugnarent. 'Agrum sese daturum esse in Italia, Africa, Hispania, ubi quisque velit, immunem ipsi, qui acceperisset, liberisque; qui pecuniam, quam agrum, maluisset, ei se argento satisfacturum: qui sociorum cives Carthaginienses fieri vellent, potestatem facturum: qui domos redire mallent, daturum se operam, ne cuius suorum popularium mutata secum fortunam esse vellent.' Servis quoque dominos prosecutis libertatem proponit, binaque pro his mancipia dominis se redditurum. Eaque ut rata scirent fore, agnum laeva manu, dextra silicem retinens, si falleret, Iovem ceterosque precatus deos, ita se mactarent, quemadmodum ipse agnum <sup>3</sup> mactasset, secundum precationem caput pecudis saxo elisit. <sup>4</sup> Tum vero omnes, velut diis auctoribus in spem suam quisque <sup>5</sup> acceptis, id morae, quod nondum pugnarent, ad potianda sperata rati, proelium uno animo et voce una poscunt.

Apud Romanos haudquaquam tanta alacritas erat, super cetera recentibus etiam territos prodigiis. Nam et lupus intraverat castra, laniatisque obviis ipse intactus evaserat; <sup>46.</sup> <sup>Prodigia in castris Romanis.</sup>

finxit momentum, quod verissimum putavit, atque adeo non dubitavit in textum immittere. Prius editi ex Vallae coniectura habebant incitamentum, quod aptius congruit cum adiectivo acrius. Iac. Gronovius propius insistens ipsis apicibus literarum scriptae lectionis suspicatur nullum eo telum. CREV.

<sup>2</sup> A Victumulis] Vico tumulis mss. omnes et edd. vetustiores. Unde postea Rubenius effecit Victumviiis quod recentiores edd. receperunt. Victumvias infr. c. 57. occurrunt, sed alium locum ibi intelligi censet Stroth. qui Victumulis hic reponit. Ictumuli sive Victumuli ap. Strabon.

v. p. 218. et Plin. H. N. xxxiii. 4. memoratur, oppidum haud procul Placentia. cf. Pol. iii. 66. qui Publicum castra prope Placentiam posuisse narrat.

<sup>3</sup> Saxo elisit] cf. Supr. i. 24. ix. 5.

<sup>4</sup> In spem suam quisque acceptis] Insolita constructio roū quisque pro cuique. Noster in animo habuit, velut si deos auctores in spem suam quisque acceperat.

<sup>5</sup> Id morae] Id tantum sibi esse morae rati, quominus speratis poterentur, quod nondum pugnarent; atque adeo sese, statim atque pugnare daretur, compotes votorum fore. CREV.

U. C. 534.  
A. C. 218.  
45.

Praemia  
suis pronuntiat  
Hannibal.



U. C. 534.  
A. C. 218.

Pugna  
equestris ad  
Ticinum.

Vincit  
Hannibal.  
Cos. a filio  
servatus.

47.

Ultra Pa-  
dum rece-  
dunt Ro-  
mani.

et examen apum in arbore praetorio imminente consederat. Quibus procuratis, Scipio, cum equitatu iaculatoribusque expeditis profectus ad castra hostium, exque propinquo co-<sup>6</sup>pias, quantae, et cuius generis essent, specularandas, obvius fit Hannibali, et ipsi cum equitibus ad exploranda circa loca progresso. Neutri alteros primo cernebant: densior deinde incessu tot hominum equorumque oriens pulvis signum propinquantium hostium fuit. Constitit utrumque agmen, et proelio sese expediebant. Scipio iaculatores et Gallos equites in fronte locat; Romanos, sociorumque quod roboris fuit, in subsidiis. Hannibal frenatos equites in medium accipit, cornua Numidis firmat. Vixdum clamore sublato, iaculatores fugerunt inter subsidia. Ad secundam aciem inde equitum certamen erat aliquamdiu anceps: dein, quia turbabant equos pedites intermixti, multis labentibus ex equis, aut desilientibus, ubi suos premi circumventos vidissent, iam magna ex parte ad pedes pugna venerat: donec Numidae, qui in cornibus erant, circumvecti paullulum, ab tergo se ostenderunt. Is pavor perculit Romanos, auxitque pavorem consulis vulnus, periculumque intercurso tum primum pubescentis filii propulsatum. Hic<sup>7</sup> erit iuvenis, penes quem perfecti huiusce belli laus est, Africanus ob egregiam victoriam de Hannibale Poenisque appellatus. Fuga tamen effusa iaculatorum maxime fuit, quos primos Numidae invaserunt. Alius confertus equitatus consulem in medium acceptum, non armis modo, sed etiam corporibus suis, protegens, in castra, nusquam trepide neque effuse cedendo, reduxit. Servati consulis decus Coelius ad servum natione Ligurem delegat. Malim equidem de filio verum esse, quod et plures tradidere auctores, et fama obtinuit.

8

Hoc primum cum Hannibale proelium fuit; quo facile apparuit, et equitatu meliorem Poenum esse, et ob id campos patentes, quales sunt inter Padum Alpesque, bello gerendo Romanis aptos non esse. Itaque proxima nocte, iussis militibus vasa silentio colligere, castra ab Ticino mota, festinatumque ad Padum est; ut ratibus, quibus iunxerat flumen, nondum resolutis, sine tumultu atque insectatione hostis, copias traiceret. Prius Placentiam pervenere,

<sup>6</sup> *Exque propinquo*] Ita Valla emendavit pro *ex quo propinquo*, quod edd. fere omnes habent. *Ex propinquo copias* Stroth. *Ex propinquo, copiasque* cum Gronov. legendum censet Crev.

<sup>7</sup> *Hic erit iuvenis*] Ita optimi mss. pro vulg. *erat*, probb. Gron.

Drak. et Stroth. tanquam vividius et praesentius, quia sit futura pars narrationis, etsi rei gestae praeteritae, ut ap. Flor. ii. 6. *Hic erit Scipio, qui in exitum Africae crescit*. Cf. supr. vii. 1. et Ovid. Fast. ii. 386. Rur.

<sup>8</sup> *Fama obtinuit*] Intellige casum sextum. RASCH.

9 quam satis sciret Hannibal ab Ticino profectos: tamen ad U. C. 534.  
 sexcentos moratorum in citeriore ripa, segniter ratem sol- A. C. 218.  
 1 ventes, cepit. Transire non potuit pontem, ut extrema  
 resoluta erant, tota rate in secundam aquam labente. Coe-  
 lius auctor est, Magonem cum equitatu et Hispanis pediti-  
 bus flumen extemplo transnasse; ipsum Hannibalem per  
 superiora Padi vada exercitum traduxisse, elephantis in or-  
 dinem ad sustinendum impetum fluminis oppositis. Ea  
 peritis annis eius vix fidem fecerint. Nam neque equites,  
 armis equisque salvis, tantam vim fluminis superasse veri-  
 2 simile est, ut iam Hispanos omnes inflati transvexerint  
 3 utres: et multorum dierum circuitu Padi vada petenda  
 fuerant, qua exercitus gravis impedimentis traduci posset.  
 Potiores apud me auctores sunt, qui biduo vix locum rate  
 iungendo flumini inventum tradunt; ea cum Magone equi-  
 tes Hispanorum expeditos praemissos. Dum Hannibal, Sequitur  
 circa flumen legationibus Gallorum audiendis moratus, tra- eos Han-  
 iicit gravius peditum agmen, interim Mago equitesque ab nibal.  
 transitu fluminis diei unius itinere Placentiam ad hostes  
 contendunt. Hannibal paucis post diebus sex millia a Pla-  
 centia castra communivit, et postero die, in conspectu hos-  
 tium acie directa, potestatem pugnae fecit.

Insequenti nocte caedes in castris Romanis, tumultu ta- 48.  
 men quam re maior, ab auxiliaribus Gallis facta est. Ad Galli 2200  
 duo millia peditum et ducenti equites, vigilibus ad portas transfugi-  
 trucidatis, ad Hannibalem transfugiunt: quos Poenus be- unt ad  
 nigne allocutus, et spe ingentium donorum accensos, in Hanniba-  
 civitates quemque suas, ad sollicitandos popularium animos lem.  
 dimisit. Scipio, caedem eam signum defectionis omnium  
 Gallorum esse ratus, contactosque eo scelere, velut iniecta  
 rabie, ad arma ituros; quanquam gravis adhuc vulnere Scipio ad  
 erat, tamen quarta vigilia noctis insequentis tacito agmine Trebiam  
 4 profectus ad Trebiam fluvium, in loca altiora collesque im- recedit.  
 peditiores equiti castra movet. Minus, quam ad Ticinum,  
 fefellit: missisque Hannibal primum Numidis, deinde om-  
 ni equitatu, turbasset utique novissimum agmen, ni avidi-

9 *Ad sexcentos moratorum*] Numerum apposuit e Polybio Gronovius. Vulgati praeferiebant *aliquot*: scripti *adhaec*. Nimirum Livius scripserat *ad DC*. CREV.

1 *Ut extrema*] Toto illo ponte, qui e ratibus iunctus erat, labente secundum cursum fluminis, simul atque extrema resoluta fuere. CREV.

2 *Ut iam Hispanos omnes*] Etiam si id quoque ponatur, credatur, Hispanos ope utrius inflatorum annum transisse. Vox *omnes* vacare videtur, et

mutanda esse in *pedites*, vel omnino ableganda. CREV.

3 *Petenda fuerant*] *Fuerint* reponit Crev. quod Bekker. in textum recepit, sed minime opus est, quippe, ut verbis Ruhnkenii utar, "Centies grammatici docuerunt, plusquam perfecti indicativum modum pro eiusdem subiunctivo poni." cf. infr. xli. 24.

4 *Collesque impeditiores*] Hoc ex coniectura Vallae in omnes deinceps edd. venit. *Lucosque* vel *locosque* codices exhibent. cf. Pol. iii. 67.



U. C. 534.  
A. C. 218.

Clastidium  
Poenis pro-  
ditum.

49.  
Res circa  
Siciliam  
terra mari-  
que gestae.

tate praedae in vacua Romana castra Numidae devertis-  
sent. Ibi dum, perscrutantes loca omnia castrorum, nullo  
satis digno morae pretio tempus terunt, emissus hostis de  
manibus est: et quum iam transgressos Trebiam Romanos,  
metantesque castra conspexissent, paucos moratorum occi-  
derunt, citra flumen interceptos. Scipio, nec vexationem  
vulneris in via iactati ultra patiens, et collegam (iam enim  
et revocatum ex Sicilia audierat) ratus expectandum, lo-  
cum, qui prope flumen tutissimus stativis est visus, delec-  
tum communiit. Nec procul inde Hannibal quum conse-  
disset, quantum victoria equestri elatus, tantum anxius in-  
opia, quae per hostium agros euntem, nusquam praeparatis  
commeatibus, maior in dies excipiebat, ad Clastidium vi-  
cum, quo magnum frumenti numerum congesserant Ro-  
mani, mittit. Ibi quum vim pararent, spes facta prodi-  
tionis: nec sane magno pretio, nummis aureis quadringen-  
tis, Dasio Brundisino praefecto praesidii corrupto, traditur  
Hannibali Clastidium. Id horreum fuit Poenis sedentibus  
ad Trebiam. In captivos ex tradito praesidio, ut fama  
clementiae in principio rerum colligeretur, nihil saevitum  
est.

Quum ad Trebiam terrestre constitisset bellum, interim  
circa Siciliam insulasque Italiae imminentes, et a Sem-  
pronio consule, et ante adventum eius, terra marique res  
gestae. Viginti quinqueremes cum mille armatis ad depopu-  
landam oram Italiae a Carthaginiensibus missae, novem  
Liparas, octo insulam Vulcani tenuerunt, tres in fretum  
avertit aestus. Ad eas conspectas a Messana duodecim  
naves ab Hierone rege Syracusanorum missae, qui tum  
forte Messanae erat, consulem Romanum opperiens, nullo  
repugnante captas naves Messanam in portum deduxerunt.  
Cognitum ex captivis, praeter viginti naves, cuius ipsi clas-  
sis essent, in Italiam missas, quinque et triginta alias quin-  
queremes Siciliam petere ad sollicitandos veteres socios.  
Lilybaei occupandi praecipuam curam esse: credere eadem

5 *Vulneris in via iactati*] *Ianctan-*  
*tis* vel *iactanti* codices habent. *Iactati*  
ex emendatione N. Heinsii provenit,  
cui Bekker. se addicit. cf. infr. xxx.  
19. ubi de *iactatione vulneris in via*  
noster loquitur.

6 *Nec procul inde Hannibal quum*  
*consedisset*] Intervallo quinque mill.  
pass. et Trebia fluvio inter utraque  
castra interiecto. cf. Polyb. iii. 68. qui  
et *inopiam* eius a Gallis sublevatam  
dicit. Rup.

7 *Nummis aureis*] Sed *nummus*  
*aureus* adhuc Romae non signatus

erat, neque ante an. U. C. 547, si  
Plinio fides danda sit, H. N. xxxiii.  
3. Haud dubie noster proleptice  
loquitur, et stateras sive didrachmas  
aureas innuit, quemadmodum voce  
*denariis* supr. viii. 11. pro drachmis  
utitur.

8 *Insulam Vulcani tenuerunt*] cf.  
Infr. xxviii. 18. xxx. 24. Ceterum prae-  
pos. *ad* nonnunquam cum voce *tenere*  
occurrit ut supr. i. 1. *ad Laurentem*  
*agrum tenuisse*, quam lectionem  
Kreyssig. et Rupert. receperunt,  
Crev. tamen et Bekker. repudiarunt.

tempestate, qua ipsi disiecti forent, eam quoque classem U. C. 534.  
ad Aegates insulas deiectam. Haec sicut audita erant, rex A. C. 218.  
M. Aemilio praetori, cuius Sicilia erat provincia, perscribit,  
9 monetque, Lilybaeum firmo teneret praesidio. Extemplo  
et circa a praetore ad civitates missi legati tribunique, qui  
1 suos ad curam custodiae intenderent; ante omnia Lily-  
2 baeum teneri: ad apparatus belli, edicto proposito, ut socii  
nauales decem dierum cocta cibaria ad naves deferrent;  
ubi signum datum esset, ne quis moram conscendendi fa-  
3 ceret: perque omnem oram, qui ex speculis prospicerent  
adventantem hostium classem. Simul itaque, quanquam  
de industria morati cursum navium erant Carthaginienses,  
ut ante lucem accederent Lilybaeum, praesensum tamen  
est, quia et luna pernox erat, et sublati armamentis venie-  
bant; extemplo datum e speculis signum, et in oppido ad  
arma conclamatum est, et in naves conscensum: pars mili-  
tum in muris portarumque in stationibus, pars in navibus  
erant. Et Carthaginienses, quia rem fore haud cum im-  
paratis cernebant, usque ad lucem portu se abstinerunt,  
4 demendis armamentis eo tempore aptandaque ad pugnam  
classe absumpto. Ubi illuxit, recepere classem in altum,  
ut spatium pugnae esset, exitumque liberum e portu naves  
hostium haberent. Nec Romani detrectavere pugnam, et  
5 memoria circa ea ipsa loca gestarum rerum freti, et mili-  
tum multitudine ac virtute. Ubi in altum evecti sunt, Ro-  
manus conserere pugnam, et ex propinquo vires conferre

50.

Pugna na-  
valis ad  
Lilybaeum.

9 *Extemplo et circa a praetore]*  
Ex ms. Flor. [repositi cum Str. prob.  
Drak. Vulgo *circa praetorem*, i. e.  
circa eum locum, ubi praetor erat.  
Gronov. iungebat *legati circa prae-*  
*torem*, h. e. qui circa illum erant,  
cumque honoris causa assectabantur  
relictis praesidiis suis. cf. Intpp. Suet.  
Caes. 27. Vulgo tamen ita dici *qui*  
*circa aliquem sunt*, ut οἱ περὶ τὸν  
Πλάτωνα, monet Drak. RUP.

1 *Ante omnia Lilybaeum teneri:*  
*ad apparatus belli]* Primo supple ex  
sensu, *iussit praetor*. Deinde, quum  
uno tenore legeretur *teneri ad appa-*  
*ratus belli*, mutavimus distinctionem,  
et τὸ *ad* intelligimus *praeter*: ut  
sensus sit, praeter apparatus belli  
collatum iam, aut etiam conferendum  
in urbem Lilybaeum, puta arma, tela,  
frumentum, etc. propositum fuisse  
edictum praetoris, quo socii navales  
iuberentur decem dierum cocta cibaria  
ad naves deferre. *Ad* non raro sumi-  
tur apud Livium eo sensu quem volu-  
mus, ut infr. xxvi. 5. *Ad alium vi-*  
*rorum, equorum, armorumque sonum.*

CREV.

2 *Socii navales]* i. e. Non solum  
remiges sive nautae, sed etiam ipsi  
milites, quorum proprium munus erat  
tueri naves, iisque praesidio esse. Pol.  
vi. 19. docet cives, qui minus quattuor  
millia aeris in censum deferebant, ad  
nauticos usus reservari solitos esse,  
sed, casu graviore urgente, pedibus  
aliquando meruisse. Socii navales li-  
bertini quoque ordinis ex civibus Ro-  
manis haud raro scribebantur, infr.  
xlii. 27; necnon socii maritimi Italiae  
tertiam partem nonnunquam exple-  
bant. ibid. 31.

3 *Perque omnem oram, qui]* *Qui*  
*erant*, plures edd. Gronov. *uti* repo-  
nendum suadet, sed *qui* hic idem quod  
*quidam* valet.

4 *Demendis armamentis]* Instru-  
mentis navium, h. e. antennis, velis,  
malisque.

5 *Circa ea ipsa loca]* Aegates in-  
sulae, ad quas celebris illa pugna  
pugnata est, qua victi Carthaginienses  
pacem petiere, non longe absunt a  
Lilybaeo. CREV.

U. C. 534.  
A. C. 218.

Victi  
Poeni.

51.  
Sempro-  
nius Meli-  
tam capit.

velle: contra eludere Poenus, et arte, non vi, rem gerere, naviumque, quam virorum aut armorum, malle certamen facere. Nam ut sociis navalibus affatim instructam classem, ita inopem milite habebant: et, sicubi conserta navis esset, haudquaquam par numerus armatorum ex ea pugnat. Quod ubi animadversum est, et Romanis multitudo sua auxit animum, et paucitas illis minuit. Extemplo septem naves Punicae circumventae; fugam ceterae ceperunt. Mille et septingenti fuere in navibus capti, milites nautaeque; in his tres nobiles Carthaginiensium. Classis Romana incolumis, una tantum perforata navi, sed ea quoque ipsa reduce, in portum rediit.

Secundum hanc pugnam, nondum gnaris eius, qui Messanae erant, Ti. Sempronius consul Messanam venit. Ei fretum intranti rex Hiero classem ornatam obviam duxit: transgressusque ex regia in praetoriam navem, gratulatus sospitem cum exercitu et navibus advenisse, precatusque prosperum ac felicem in Siciliam transitum; statum deinde insulae et Carthaginiensium conata exposuit: pollicitusque est, quo animo priore bello populum Romanum iuvenis adiuvisset, eo senem adiuturum. Frumentum vestimentaquesese legionibus consulis sociisque navalibus gratis praebiturum. Grande periculum Lilybaeo maritimisque civitatibus esse, et quibusdam volentibus novas res fore. Ob haec consuli nihil cunctandum visum, quin Lilybaeum classe peteret: et rex regiaque classis una profecti. Navigantes inde, pugnatum ad Lilybaeum fusasque et captas hostium naves, accepere. A Lilybaeo consul, Hierone cum classe regia dimisso, relictoque praetore ad tuendam Siciliae oram, ipse in insulam Melitam, quae a Carthaginiensibus tenebatur, traiecit. Advenienti Hamilcar Gisgonis filius praefectus praesidii, cum paullo minus duobus millibus militum, oppidumque cum insula traditur: inde post paucos dies reditum Lilybaeum, captivique et a consule et a praetore, praeter insignes nobilitate viros, sub corona venierunt. Postquam ab ea parte satis tutam Siciliam censebat consul, ad insulas Vulcani, quia fama erat stare ibi Punicam classem, traiecit: nec quisquam hostium circa eas insulas inventus. Iam forte transmiserant ad vastandam Italiae oram: depopulatoque Vibonensi agro, urbem etiam terre-

6 *Nondum gnaris eius*] Pugnae nimirum ad Lilybaeum. GRON.

7 *Ei fretum intranti*] Sic legendum esse iamdiu monuit Sigonius: cui assentiuntur nostri codices, et in primis Put. Vulgo et *fretum*. CREV.

8 *Quibusdam volentibus*] Graeco more loquendi, quemadmodum ἀσμένως

δέ σοι, Aesch. Prom. 23.

9 *Vibonensi agro*] Parte agri Bruttiorum, cuius urbs olim dicta *Hippo* vel potius Ἰππώνιον, postea *Vibo* s. *Vibon*, et *Vibona Valentia*, hodie *Monte Leone* et *Bivona*: unde *Valentini* et *Vibonenses* dicti. infr. xxxv. 40. RUP.

bant. Repetenti Siciliam consuli exscensio hostium in agrum Vibonensem facta nuntiatur: literaeque ab senatu de transitu in Italiam Hannibalis, et, ut primo quoque tempore collegae ferret auxilium, missae traduntur. Multis simul anxius curis, exercitum, extemplo in naves impositum, Ariminum supero mari misit: Sex. Pomponio legato cum viginti quinque longis navibus Vibonensem agrum maritimamque oram Italiae tuendam attribuit: M. Aemilio praetori quinquaginta navium classem explevit: ipse, compositis Siciliae rebus, decem navibus oram Italiae legens, Ariminum pervenit: inde cum exercitu suo profectus ad Trebiam flumen, collegae coniungitur.

U. C. 534.  
A. C. 218.  
Revocatur  
in Italiam.

Ad colle-  
gam venit.

Iam ambo consules, et quicquid Romanarum virium erat, Hannibali oppositum, aut illis copiis defendi posse Romanum imperium, aut spem nullam aliam esse, satis declarabat. Tamen consul alter, equestri proelio uno et vulnere suo minutus, trahi rem malebat: recentis animi alter, eoque ferocior, nullam dilationem patiebatur. Quod inter Trebiam Padumque agri est, Galli tum incolebant; in duorum praepotentium populorum certamine, per ambiguum favorem, haud dubie gratiam victoris spectantes. Id Romani, ne quid modo moverent, aequo satis, Poenus periniquo animo ferebat, ab Gallis accitum se venisse ad liberandos eos, dictitans. Ob eam iram, simul ut praeda militem aleret, duo millia peditum et mille equites, Numidas plerosque, mixtos quosdam et Gallos, populari omnem deinceps agrum usque ad Padi ripas iussit. Egentes ope Galli, quum ad id dubios servassent animos, coacti ab auctoribus iniuriae ad vindices futuros declinant: legatisque ad consulem missis, auxilium Romanorum terrae, ob nimiam cultorum fidem in Romanos laboranti, orant. Cornelio nec causa, nec tempus agenda rei placebat: suspectaque ei gens erat, quum ob infida multa facinora, tum, ut alia vetustate obsolevissent, ob recentem Boiorum perfidiam. Sempronius contra, continendis in fide sociis maximum vinculum esse primos, qui eguissent ope, defensos, censebat. Tum collega cunctante, equitatum suum, mille peditum iaculatoribus ferme admixtis, ad defendendum Gallicum agrum trans Trebiam mittit. Ii sparsos et incompósitos, ad hoc graves praeda plerosque, quum inopinatos invasissent, ingentem terrorem caedemque ac fugam usque

52.

Proelium  
equestre  
dubium.

<sup>1</sup> *Hannibali oppositum*] h. e. Id, quod oppositum erat, declarabat, quemadmodum supr. 53. *degeneratum*.

<sup>2</sup> *Equestri proelio uno et vulnere suo minutus*] Fractus animo et viribus: Vox uno h. l. parum apta. *Victus*

coniecit Str. et una Sigon. Rur.

<sup>3</sup> *Ne quid modo moverent*] i. e. Modo quietem agerent, neque ipsi rebellarent. STROTH.

<sup>4</sup> *Ad id dubios*] Ad id tempus, h. e. hactenus.

U. C. 534. ad castra stationesque hostium fecere: unde multitudine  
A. C. 218. effusa pulsī, rursus subsidio suorum proelium restituere.  
Varia inde pugna sequente, quanquam ad extremum ae-<sup>5</sup>  
quassent certamen, maior tamen hostium Romanis fama<sup>6</sup>  
victoriae fuit.

53. Ceterum nemini omnium maior iustiorque, quam ipsi  
Sempro- consuli, videri; gaudio efferri, 'qua parte copiarum alter  
nius pugnae consul victus foret, ea se vicisse. Restitutos ac refectos  
cupidus. ' militibus animos: nec quemquam esse, praeter collegam,  
' qui dilatam dimicationem vellet: eum, animo magis, quam  
' corpore, aegrum, memoria vulneris aciem ac tela horrere.  
' Sed non esse cum aegro senescendum. Quid enim ultra  
' differri aut teri tempus? Quem tertium consulem, quem  
' alium exercitum exspectari? Castra Carthaginensium  
' in Italia, ac prope in conspectu urbis esse. Non Siciliam  
' ac Sardiniam victis ademptas, nec cis Iberum Hispaniam  
' peti, sed solo patrio terraque, in qua geniti forent, pelli  
' Romanos. Quantum ingemiscant,' inquit, 'patres nostri,  
' circa moenia Carthaginis bellare soliti, si videant nos,  
' progeniem suam, duos consules consularesque exercitus,  
' in media Italia paventes intra castra; Poenum, quod in-  
' ter Alpes Apenninumque agri sit, suae ditionis fecisse?'  
Haec assidens aegro collegae, haec in praetorio prope con-  
cionabundus agere. Stimulabat et tempus propinquum co-  
mitiorum, ne in novos consules bellum differretur, et occa-  
sio in se unum vertendae gloriae, dum aeger collega erat.  
Itaque, nequicquam dissentiente Cornelio, parari ad pro-  
pinquum certamen milites iubet. Hannibal, quum, quid  
optimum foret hosti, cerneret, vix ullam spem habebat, te-  
mere atque improvide quicquam consules acturos. Quum  
alterius ingenium, fama prius, deinde re cognitum, perci-  
tum ac ferox sciret esse, ferociusque factum prospero cum  
praedatoribus suis certamine crederet; adesse gerendae rei  
fortunam haud diffidebat. Cuius ne quod praetermitteret  
tempus, sollicitus intentusque erat, dum tiro hostium esset  
miles, dum meliorem ex ducibus inutilem vulnus faceret,  
dum Gallorum animi vigerent: quorum ingentem multitu-  
dinem sciebat segnius secuturam, quanto longius ab domo  
traherentur. Quum ob haec taliaque speraret propinquum  
certamen, et facere, si cessaretur, cuperet; speculatoresque<sup>7</sup>

<sup>5</sup> *Varia inde pugna sequente*] cf. Pol. iii. 69. *Sequente* pro vulg. *se-quentes* emendavit Iac. Gronov. Ce-terum *varia inde pugna sedentes se-quentesque* reposuit Bekker.

<sup>6</sup> *Maior tamen hostium*] Hunc locum varii varie tentant. Clericus

non immerito fortasse integrum putat, et exponit hoc modo: maior tamen fama victoriae fuit Romanis, quam fama victoriae hostium: magis pro victoribus vulgo habiti sunt Romani, quam hostes. CREV.

<sup>7</sup> *Et facere, si cessaretur*] Ipse

Galli, ad ea exploranda, quae vellet, tutiores, quia in utris- U. C. 534.  
 que castris militabant, paratos pugnae esse Romanos retu- A. C. 218.  
 lissent; locum insidiis circumspectare Poenus coepit. Erat 54.  
 in medio rivus, praealtis utrimque clausus ripis, et circa Locum in-  
 obsitus palustribus herbis et, quibus inculta ferme vestiun- sidiis Han-  
 8 tur, virgultis vepribusque. Quem ubi equiti quoque te- nibal cir-  
 gendo satis latebrosum locum circumvectus ipse oculis per- cumspe-  
 lustravit: 'Hic erit locus,' Magoni fratri ait, 'quem teneas. ctat.  
 'Delige centenos viros ex omni peditate atque equite; cum  
 'quibus ad me vigilia prima venias. Nunc corpora curare  
 9 'tempus est.' Ita praetorium missum. Mox cum delectis  
 Mago aderat. 'Robora virorum cerno,' inquit Hannibal:  
 'sed, ut et numero etiam, non animis modo, valeatis, sin-  
 'gulis vobis novenos ex turmis manipulisque vestri similes  
 'eligite. Mago locum monstrabit, quem insideatis. Hos-  
 1 'tem caecum ad has belli artes habebitis.' Ita mille equi- Numidae  
 tibus Magoni, mille peditibus dimissis, Hannibal prima luce obequitant  
 Numidas equites, transgressos Trebiam flumen, obequitare castris Ro-  
 iubet hostium portis, iaculandoque in stationes elicere ad manis.  
 pugnam hostem: iniecto deinde certamine, cedendo sen-  
 sim citra flumen pertrahere. Haec mandata Numidis.  
 Ceteris ducibus peditum equitumque praeceptum, ut pran-  
 dere omnes iuberent: armatos deinde, instratisque equis,  
 signum exspectare.

Sempronius, ad tumultum Numidarum primum omnem Sempro-  
 equitatum, ferox ea parte virium, deinde sex millia peditum, nius educit  
 2 postremo omnes copias ad destinatum iam ante consilio, copias.  
 avidus certaminis, eduxit. Erat forte brumae tempus et  
 nivalis dies in locis Alpibus Apenninoque interiectis, pro-  
 pinquitatem etiam fluminum ac paludum praegelidis. Ad  
 hoc raptim eductis hominibus atque equis, non capto ante  
 cibo, non ope ulla ad arcendum frigus adhibita, nihil caloris  
 3 inerat: et quicquid aurae fluminis appropinquabant, afflabat  
 acrior frigoris vis. Ut vero refugientes Numidas inse- Cedunt  
 quentes aquam ingressi sunt, (et erat pectoribus tenuis aucta Numidae.  
 nocturno imbri) tum utique egressis rigeré omnibus corpora,  
 ut vix armorum tenendorum potentia essent, et simul lassi-

committere certamen si cessaretur a Romanis, cuperet. DORR. *πρόσθετον τι*. Pol. iii. 70.

8 *Equiti quoque tegendo*] Ita quoque edidit Stroth. sed *equites quoque tegendo* ex fide plurium mss. recepit Bekker.

9 *Praetorium missum*] Dimissi praecipui ducum, qui in praetorium, sive tabernaculum imperatoris, conveniebant. Vid. Lips. de Mil. Rom. v.

2. CREV.

1 *Mille equitibus Magoni*] h. e. Ut ad Magonis verba praesto essent. Sed displicet hoc Perizon., qui cum *Magone* legendum coniecit.

2 *Ad destinatum iam ante consilio*] Supple certamen, nisi *destinatum* absolute dictum ex more Liviano fuerit.

3 *Quicquid aurae fluminis*] h. e. Quantum. cf. supr. vii. 32. viii. 39.



U. C. 534.  
A. C. 218.  
55.

Hannibal  
aciem in-  
struit.

Proelium  
committi-  
tur.

tudine, procedente iam die, fame etiam deficere. Hannibal interim miles, ignibus ante tentoria factis, oleoque per manipulos, ut mollirent artus, misso, et cibo per otium capto, ubi transgressos flumen hostes nuntiatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviores armis peditem, quod virium, quod roboris erat: in cornibus circumfudit decem millia equitum; et ab cornibus in utramque partem divisos elephantos statuit. Consul effusos sequentes equites, quum ab resistentibus subito Numidis incauti exciperentur, signo receptui dato, revocatos circumdedit peditibus. Duodevigi<sup>4</sup>nti millia Romani erant, socium nominis Latini viginti;<sup>5</sup> auxilia praeterea Cenomanorum: ea sola in fide manserat Gallica gens. His copiis concursum est. Proelium a Baliaribus ortum est; quibus quum maiore robore legiones obsisterent, deductae propere in cornua leves armaturae sunt. Quae res effecit, ut equitatus Romanus extemplo urgeretur: nam quum vix iam per se resisterent decem millibus equitum quattuor millia, et fessi plerisque integris, obruti sunt insuper velut nube iaculorum a Baliaribus coniecta. Ad hoc elephanti, eminentes ab extremis cornibus, equis maxime non visu modo, sed odore insolito territis, fugam late faciebant. Pedestris pugna par animis magis, quam viribus, erat; quas recentes Poenus, paullo ante curatis corporibus, in proelium attulerat: contra, ieiuna fessaque corpora Romanis et rigentia gelu torpebant. Restitissent tamen animis, si cum peditum solum foret pugnatum. Sed et Baliares, pulso equite, iaculabantur in latera, et elephanti iam in mediam peditum aciem sese tulerant: et Mago Numidaeque, simul latebras eorum improvida praeterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu immota acies, maxime praeter spem omnium adversus elephantos. Eos velites, ad id<sup>8</sup> ipsum locati, verutis coniectis et avertere, et insecuti aversos sub caudis, qua maxime molli cute vulnera acci-

4 *Circumdedit peditibus*] Locavit a dextra laevaue peditum. CREV.

5 *Duodeviginti millia Romani erant*] sc. Pedites; sed *μυπλούς ἐτακιστάτους* habet Polyb. qui etiam monet, quod mireris, quoties ob discrimen summae rerum copias coniunxerint consules, plenum exercitum populi Rom. ex xvi m. peditum et xx m. sociorum constitisse. RUP.

6 *Socium nominis Latini*] h. e. Sociorum Italicorum et nominis Latini,

cf. infr. xxvi. 15.

7 *Maxime praeter spem omnium adversus elephantos*] In quo id maxime praeter spem omnium accidit, quod etiam adversus elephantos aliquamdiu resistere. CREV.

8 *Eos velites*] Ita iaculatores per prolepsin appellat Livius, quum velites demum in obsidione Capuae in exercitu Romano instructi sint. cf. infr. xxvi. 4.

9 piunt, fodiebant. Trepidantes propeque iam in suos con- U. C. 534.  
sternatos media acie in extremam, ad sinistrum cornu, A. C. 218.  
adversus Gallos auxiliares agi iussit Hannibal. Extemplo 56.  
haud dubiam fecere fugam. Additus quoque novus terror Vincuntur  
Romanis, ut fusa auxilia sua viderunt. Itaque, quum-iam Romani.  
1 in orbem pugnarent, decem millia ferme hominum, quum  
alia evadere nequissent, media Afrorum acie, quae Gallicis  
auxiliis firmata erat, cum ingenti caede hostium perrupere:  
et, quum neque in castra reditus esset flumine interclusis,  
neque prae imbri satis decernere possent, qua suis opem  
ferrent, Placentiam recto itinere perrexere. Plures deinde  
in omnes partes eruptiones factae: et, qui flumen petiere,  
aut gurgitibus absumpti sunt, aut inter cunctationem in-  
grediendi ab hostibus oppressi. Qui passim per agros fuga  
sparsi erant, vestigia cedentis sequentes agminis, Placentiam Placentiam  
contendere: aliis timor hostium audaciam ingrediendi fugiunt.  
flumen fecit, transgressique in castra pervenerunt. Imber  
nive mixtus, et intoleranda vis frigoris, et homines multos,  
et iumenta, et elephantos prope omnes, absumpsit. Finis  
insequendi hostis Poenis flumen Trebia fuit: et ita tor-  
pentes gelu in castra rediere, ut vix laetitiam victoriae  
sentirent. Itaque nocte insequenti, quum praesidium cas-  
2 trorum, et quod reliquum ex magna parte militum erat,  
ratibus Trebiam traicerent, aut nihil sentire, obstrepente  
pluvia; aut, quia iam moveri prae lassitudine nequibant ac  
vulneribus, sentire sese dissimularunt: quietisque Poenis,  
tacito agmine ab Scipione consule exercitus Placentiam est  
perductus: inde Pado traiectus Cremonam, ne duorum  
exercituum hibernis una colonia premeretur.

Romam tantus terror ex hac clade perlatus est, ut iam 57.  
ad urbem crederent infestis signis hostem venturum; nec Romae tre-  
quicquam spei aut auxilii esse, quo portis moenibusque pidatio.  
vim arcerent. 'Uno consule ad Ticinum victo, altero ex  
' Sicilia revocato, duobus consulibus, duobus consularibus  
' exercitibus victis, quos alios duces, quas alias legiones  
3 'esse, quae arcessantur.' Ita territis Sempronius consul  
advenit, ingenti periculo per effusos passim ad praedandum

9 *Trepidantes propeque iam in suos]*  
Ita ex emendat. Gronov. reposuerunt  
Bekker. et Rup. In plerisque mss.  
*trepidantesque prope*, quod Stroth.  
probavit. Mox legendum videtur *e*  
vel *a media acie*.

1 *Quum alia evadere]* Suppl. *via*,  
ut Gronov. coniecit, cf. infr. xlv. 43.  
*alii alia . . . delapsi sunt*.

2 *Et quod reliquum ex magna*  
*parte militum erat]* Et quod reliquum  
militum erat, saltem magna ex parte,

plerique certe, traicerent flumen Tre-  
biam. Dicit Livius plerosque Tre-  
biam traiecisse, non omnes, quia ali-  
qua pars profecto Sempronium ad  
urbem Romam comitata est. CREV.

3 *Sempronius consul advenit]* Haec  
Polyb. omittit, traditque consulem  
nuntios Romam misisse, qui magnitu-  
dinem cladis elevarent. iii. 75. Alia  
quoque, ap. Liv. et Pol. post pugnam  
Trebiensem narrata, sibi discrepare  
monet Duk.



U. C. 534.  
A. C. 218.  
Comitia  
consularia.

hostium equites, audacia magis, quam consilio aut spe fallendi resistendive, si non falleret, transgressus. Id quod unum maxime in praesentia desiderabatur, comitiis consularibus habitis, in hiberna rediit. Creati consules Cn. Servilius et C. Flaminius.

Ceterum ne hiberna quidem Romanis quietae erant, vagantibus passim Numidis equitibus, et, quae his impeditiora erant, Celtiberis Lusitanisque. Omnes igitur clausi undique commeatus erant, nisi quos Pado naves subveherent. Emporium prope Placentiam fuit, et opere magno munitum, et valido firmatum praesidio. Eius castelli expugnandi spe cum equitibus ac levi armatura profectus Hannibal, quum plurimum in celando incepto ad effectum spei habuisset, nocte adortus, non fefellit vigiles. Tantus repente clamor est sublatus, ut Placentiae quoque audiretur. Itaque sub lucem cum equitatu consul aderat, iussis quadrato agmine legionibus sequi. Equestre proelium interim commissum: in quo, quia saucius Hannibal pugna excessit, pavore hostibus iniecto, defensum egregie praesidium est. Paucorum inde dierum quiete sumpta, et vixdum satis percurato vulnere, ad Victumvias ire pergit oppugnandas. Id emporium a Romanis Gallico bello fuerat munitum. Inde locum frequentaverant accolae mixti undique ex finitimis populis; et tum terror populationum eo plerosque ex agris compulerat. Huius generis multitudo, fama impigre defensi ad Placentiam praesidii accensa, armis arreptis obviam Hannibali procedit. Magis agmina, quam acies, in via concurrerunt; et, quum ex altera parte nihil, praeter inconditam turbam, esset, in altera et dux militi, et duci fidens miles, ad triginta quinque millia hominum a paucis fusa. Postero die, deditione facta, praesidium intra moenia acceperunt: iussique arma tradere quum dicto paruissent, signum repente victoribus datur, ut tanquam vi captam urbem diriperent. Neque ulla, quae in tali re memorabilis scribentibus videri solet, praetermissa clades est: adeo omnis libidinis, crudelitatisque, et inhumanae superbiae editum in miseros est exemplum. Hae fuere hibernae expeditiones Hannibalis.

4 *Qua his impeditiora*] h. e. Si qua loca. De Hispanorum cohorte impeditioribus locis assueta, cf. infr. xxii. 18.

5 *Expugnandi*] Hoc monente Perizonio Bekker. et Kreysa. reposuerunt. Vulgo *oppugnandi*.

6 *Quum plurimum*] Quum maximam spem efficiendi id, quod destinabat, in eo collocasset, si celare posset

inceptum suum. CREV.

7 *Magis agmina, quam acies*] *Agmen* est exercitus eo ordine compositus, qui ad iter faciendum accommodatus est: *acies*, exercitus aptatus ad pugnam. Vult igitur Livius hos exercitus eo ordine instructos concurrisse, qui itineri magis aptus esset, quam proelio. CREV.

8 Haud longi inde temporis, dum intolerabilia frigora U. C. 534.  
 erant, quies militi data est: et ad prima ac dubia signa A. C. 218.  
 veris profectus ex hibernis, in Etruriam ducit, eam quoque 58.  
 gentem, sicut Gallos Liguresque, aut vi aut voluntate ad-  
 iuncturus. Transeuntem Apenninum adeo atrox adorta Transitum  
 tempestas est, ut Alpium foeditatem prope superaverit. Apennini  
 Vento mixtus imber quum ferretur in ipsa ora, primo, tentat Han-  
 quia aut arma omittenda erant, aut contra enitentes vortice nibal.  
 9 intorti affligebantur, constitere: dein, quum iam spiritum  
 1 includeret nec reciprocare animam sineret, aversi a vento  
 parumper consedere. Tum vero ingenti sono coelum  
 strepere, et inter horrendos fragores micare ignes: capti  
 auribus et oculis metu omnes torpere. Tandem, effuso  
 imbre, quum eo magis accensa vis venti esset, ipso illo, quo  
 deprehensi erant, loco castra ponere necessarium visum est.  
 Id vero laboris velut de integro initium fuit. Nam nec  
 explicare quicquam, nec statuere poterant; nec, quod  
 statutum esset, manebat, omnia perscindente vento et  
 2 rapiente: et mox aqua levata vento, quum super gelida  
 montium iuga concreta esset, tantum nivosae grandinis de-  
 iecit, ut, omnibus omissis, procumberent homines, tegmin-  
 ibus suis magis obruti, quam tecti. Tantaque vis frigoris  
 insecuta est, ut, ex illa miserabili hominum iumentorumque  
 strage quum se quisque attollere ac levare vellet, diu ne-  
 quiret, quia, torpentibus rigore nervis, vix flectere artus  
 poterant. Deinde, ut tandem agitando sese movere ac re-  
 cepere animos, et raris locis ignis fieri est coeptus, ad alie-  
 nam opem quisque inops tendere. Biduum eo loco, velut  
 obsessi, mansere. Multi homines, multa iumenta, elephanti  
 quoque ex his, qui proelio ad Trebiam facto superfuerant,  
 3 septem absumpti.

Degressus Apennino retro ad Placentiam castra movit, 59.  
 et ad decem millia progressus consedit. Postero die duo- Regreditur.  
 decim millia peditum, quinque equitum adversus hostem  
 ducit. Nec Sempronius consul (iam enim redierat ab  
 Roma) detrectavit certamen: atque eo die tria millia pas-  
 suum inter bina castra fuere. Postero die ingentibus Pugna inter  
 animis, vario eventu, pugnatum est. Primo concursu adeo Sempro-  
 res Romana superior fuit, ut non acie vincerent solum, sed nium et  
 pulsos hostes in castra persequerentur; mox castra quoque Hanniba-  
 lem.  
 oppugnarent. Hannibal, paucis propugnatoribus in vallo

8 *Haud longi inde temporis*] Ita I. F. Gronov. emendavit. Vulgo *haud longis inde temporibus*.

9 *Affligebantur*] Humi prosternebantur, ut supr. 35.

1 *Reciprocare animam*] h. e. Re-

ciproco halitu aerem excipere et ef-  
 flare. CREV.

2 *Aqua levata vento*] Vapores sub-  
 lati vento. STROTH.

3 *Septem abrupti*] Unum solum  
 superfuisse tradit Pol. iii. 74.

U. C. 534. portisque positis, ceteros confertos in media castra recepit,  
 A. C. 218. intentosque signum ad erumpendum spectare iubet. Iam nona ferme diei hora erat, quum Romanus, nequicquam fatigato milite, postquam nulla spes erat potiundi castris, signum receptui dedit. Quod ubi Hannibal accepit, laxa- tamque pugnam et recessum a castris vidit, extemplo equitibus dextra laeva- que emissis in hostem, ipse cum peditum robore mediis castris erupit. Pugna raro ulla<sup>4</sup> magis saeva, et cum utriusque partis pernici- e clarior fuisset, si extendi eam dies in longum spatium sivi- set. Nox ac- censum ingentibus animis proelium diremit. Itaque acrior concursus fuit, quam caedes; et, sicut aequata ferme pugna erat, ita clade pari discessum est. Ab neutra parte sexcen- tis plus peditibus, et dimidium eius equitum cecidit. Sed maior Romanis, quam pro numero, iactura fuit: quia equestris ordinis aliquot, et tribuni militum quinque, et praefecti sociorum tres, sunt interfecti. Secundum eam<sup>5</sup> pugnam Hannibal in Ligures, Sempronius Lucam conces- sit. Venienti in Ligures Hannibali per insidias intercepti duo quaestores Romani, C. Fulvius et L. Lucretius, cum duobus tribunis militum, et quinque equestris ordinis sena- torum ferme liberis, quo magis ratam fore cum his pacem societatemque crederet, traduntur.

60. Dum haec in Italia geruntur, Cn. Cornelius Scipio, in  
 Res gestae a Cn. Sci- pione in Hispania. Hispaniam cum classe et exercitu missus, quum, ab ostio Rhodani profectus, Pyrenaeosque montes circumvectus, Emporiis appulisset classem, exposito ibi exercitu, orsus a Lacetanis, omnem oram usque ad Iberum flumen, partim renovandis societatibus, partim novis instituendis, Romanae ditionis fecit. Inde conciliata clementiae fama, non ad maritimos modo populos, sed, in mediterraneis quoque ac montanis, ad ferociores iam gentes valuit: nec pax modo apud eos, sed societas etiam armorum, parata est: validae- que aliquot auxiliorum cohortes ex iis conscriptae sunt. Hannonis cis Iberum provincia erat: eum reliquerat Han- nibal ad regionis eius praesidium. Itaque prius, quam alienarentur omnia, obviam eundum ratus, castris in con- spectu hostium positis, in aciem eduxit. Nec Romano differendum certamen visum: quippe qui sciret, cum Hannone et Hasdrubale sibi dimicandum esse; malletque adversus singulos separatim, quam adversus duos simul, rem gerere. Nec magni certaminis ea dimicatio fuit. Sex millia hostium caesa, duo capta cum praesidio castrorum:

Hanno vic- tus.

<sup>4</sup> *Pugna raro ulla magis saeva*] Tac. Ann. i. 71. Polyb. vi. 26. Ea- dem omnia in socios, quae tribuni militum in cives, usurpabant.,  
*Pugna raro magis dubia* ex coniect.  
 Gronov. in textum recepit Bekker.

<sup>5</sup> *Praefecti sociorum*] De his vide

6 nam et castra expugnata sunt, atque ipse dux cum aliquot U. C. 534.  
 principibus capiuntur: et Scissis, propinquum castris oppi- A. C. 218.  
 7 dum, expugnatur. Ceterum praeda oppidi parvi pretii  
 rerum fuit; suppellex barbarica, ac vilium mancipiorum.  
 8 Castra militem ditavere; non eius modo exercitus, qui  
 victus erat, sed et eius, qui cum Hannibale in Italia mili-  
 tabat, omnibus fere caris rebus, ne gravia impedimenta  
 ferentibus essent, citra Pyrenaeum relictis.

Priusquam certa huius cladis fama accideret, transgressus 61.  
 Iberum Hasdrubal cum octo millibus peditum, mille equi- Hasdrubal  
 tum, tanquam ad primum adventum Romanorum occursum, sero adve-  
 nus, postquam perditas res ad Scissim amissaque castra ac- nit.  
 cepit, iter ad mare convertit. Haud procul Tarracone  
 classicos milites navalesque socios, vagos palantesque per  
 agros, (quod ferme fit, ut secundae res negligentiam creent)  
 equite passim dimisso, cum magna caede, maiore fuga ad  
 naves compellit. Nec diutius circa ea loca morari ausus,  
 ne a Scipione opprimeretur, trans Iberum sese recepit. Et  
 Scipio, raptim ad famam novorum hostium agmine acto,  
 quum in paucos praefectos navium animadvertisset, prae-  
 sidio Tarracone modico relicto, Emporias cum classe rediit.  
 Vixdum digresso eo, Hasdrubal aderat: et, Ilergetum po- Vastat soci-  
 pulo, qui obsides Scipioni dederat, ad defectionem im- orum P. R.  
 pulso, cum eorum ipsorum iuventute agros fidelium Ro- agros.  
 manis sociorum vastat. Excito deinde Scipione hibernis,  
 9 toto cis Iberum rursus cedit agro. Scipio, relictam ab Scipio Iler-  
 auctore defectionis Ilergetum gentem quum infesto exercitu getes inva-  
 invasisset, compulsis omnibus Athanagiam, urbem, quae dit.  
 caput eius populi erat, circumsegit: intraque dies paucos,  
 pluribus quam ante obsidibus imperatis, Ilergetes, pecunia  
 etiam multatos, in ius ditionemque recepit. Inde in Ause-  
 tanos prope Iberum, socios et ipsos Poenorum, procedit:  
 atque, urbe eorum obsessa, Lacetanos auxilium finitimis  
 ferentes nocte, haud procul iam urbe, quum intrare vellent,  
 excepit insidiis. Caesa ad duodecim millia: exuti paene  
 omnes armis, domos passim palantes per agros diffugere;  
 nec obsessos alia ulla res, quam iniqua oppugnantibus hiems,  
 tutabatur. Triginta dies obsidio fuit: per quos raro un-

6 *Dux cum aliquot principibus capiuntur*] Elegans genus loquendi. cf. infr. xxvi. 46. xlii. 20. Sall. Cat. xlii. Ter. Heaut. iii. 1, 64. DRAK.

7 *Praeda oppidi*] Praeda oppidi fuit rerum parvi pretii; nihil habuit nisi res parvi pretii. CREV.

8 *Non eius modo exercitus*] Hic aliquid ex sensu supplendum est. Castra militem ditavere, qui in iis reperit non modo eius exercitus opes,

qui victus erat, sed etiam omnes fere caras res eius qui cum Hannibale militabat, relictas citra Pyrenaeum, ne gravia impedimenta ferentibus essent. CREV.

9 *Ab auctore defectionis*] Hasdrubale, qui cis Iberum se receperat. Ceterum de Athenagia multum ap. viros doctos dubitatur, quae quibusdam *Lerida*, Strothio *Aytona* haud procul Ibero sita, hodie esse videtur.

U. C. 534. quam nix minus quattuor pedes alta iacuit: adeoque pluteos  
A. C. 218. ac vineas Romanorum operuerat, ut ea sola, ignibus aliquo-  
ties coniectis ab hoste, etiam tutamentum fuerit. Postremo  
quum Amusitus princeps eorum ad Hasdrubalem profugis-  
set, viginti argenti talentis pacti deduntur. Tarraconem in  
hiberna reditum est.

62. Romae aut circa urbem multa ea hieme prodigia facta:  
Prodigia. aut (quod evenire solet, motis semel in religionem animis)  
multa nuntiata, et temere credita sunt: in quis ingenuum  
infantem semestrem in foro olitorio triumphum clamasse:  
et foro boario bovem in tertiam contignationem sua sponte  
escendisse, atque inde tumultu habitatorum territum sese de-  
iecisse: et navium speciem de coelo affulsisse, et aedem Spei,  
quae est in foro olitorio, fulmine ictam: et Lanuvii hastam  
se commovisse: et corvum in aedem Iunonis devolasse, at-  
que in ipso pulvinario consedissee: et in agro Amiternino  
multis locis hominum specie procul candida veste visos,  
nec cum ullo congressos: et in Piceno lapidibus pluuisse:  
et Caere sortes extenuatas: et in Gallia lupum vigili gla-  
Procurata. dium e vagina raptum abstulisse. Ob cetera prodigia  
libros adire decemviri iussi. Quod autem lapidibus pluis-  
set in Piceno, novendiale sacrum edictum, et subinde aliis  
procurandis prope tota civitas operata fuit. Iam primum  
omnium urbs lustrata est, hostiaeque maiores, quibus editum<sup>5</sup>  
est, diis caesae; et donum ex auri pondo quadraginta La-  
nævium ad Iunonis portatum est; et signum aeneum ma-  
tronaē Iunoni in Aventino dedicaverunt; et lectisternium  
Caere, ubi sortes attenuatae erant, imperatum; et suppli-  
catio Fortunae in Algido; Romae quoque et lectisternium  
Iuventati, et supplicatio ad aedem Herculis nominatim;  
deinde universo populo circa omnia pulvinaria indicta; et  
Genio maiores hostiae caesae quinque; et C. Atilius Ser-

1 *Pluteos ac vineas*] Plutei non multum differebant a vineis et ad similes ferme usus adhibebantur. CREV.

2 *Lanuvii hastam se commovisse*] Intelligenda videtur hasta Iunonis Sospitae, cuius fortasse etiam nomen excidit. CREV.

3 *Caere sortes extenuatas*] Sortes hoc loco intelligi possunt vel tabulae lignae, vel membranulae, quae inscriptas haberent aliquas vel literas, vel voces, vel versiculos. Igitur ubi hic sortes extenuatae dicuntur, intelligendum est eas vel tabellas, vel membranulas visas esse coarctari et in angustius spatium redigi; sive potius sacerdotum fraude subiectas quasdam minores in locum earum,

quae vulgo educebantur, et maiores erant. Porro Salmasius observat, in ostentis, ut et in somniis, omnia maiora et auctiora videre laetum ac prosperum iudicari solitum fuisse: contra, triste omen fuisse, si qua res solito minor, tenuatior, defectiorque appareret. CREV. cf. Niebhr. i. n. 1129.

4 *Decemviri*] Sacris faciundis, supr. x. 8.

5 *Urbs lustrata est*] Designatur Amburbium, sive Amburbale sacrum; quod sic dicebatur, quia urbem circuibat et ambibat victima. CREV.

6 *Hostiaeque maiores*] Hostiae maiores opponuntur lactentibus, ut apparet infr. xxii. 1. CREV.

ranus praetor vota suscipere iussus, si in decem annos res- U. C. 534.  
publica eodem stetisset statu. Haec procurata vota ex A. C. 218.  
libris Sibyllinis, magna ex parte levaverant religione  
animos.

Consulum designatorum alter Flaminius, cui eae legiones, 63.  
quae Placentiae hibernabant, sorte evenerant, edictum et  
7 literas ad consulem misit, ut is exercitus Idibus Martiis  
8 Arimini adesset in castris. Huic in provincia consulatum <sup>Temeritas</sup>  
inire consilium erat, memori veterum certaminum cum <sup>et arrogan-</sup>  
9 Patribus; quae tribunus plebis, et quae postea consul, prius <sup>tia Flami-</sup>  
1 de consulatu, qui abrogabatur, dein de triumpho habuerat; <sup>nii.</sup>  
invisus etiam Patribus ob novam legem, quam Q. Claudius  
tribunus plebis adversus senatum, uno Patrum adiuvante C.  
Flaminio, tulerat; ne quis senator, cuive senatorius pater  
fuisset, maritimam navem, quae plus quam trecentarum am-  
phorarum esset, haberet. Id satis habitum ad fructus ex  
2 agris vectandos: quaestus omnis Patribus indecorus visus.  
Res, per summam contentionem acta, invidiam apud nobili-  
tatem suasori legis Flaminio, favorem apud plebem alterum-  
3 que inde consulatum, peperit. Ob haec ratus auspiciis emen-  
tiendis, Latinarumque feriarum mora, et consularibus aliis  
impedimentis retenturos se in urbe, simulato itinere privatus  
clam in provinciam abiit. Ea res, ubi palam facta est, <sup>Clam in</sup>  
novam insuper iram infestis iam ante Patribus movit: 'Non <sup>provinciam</sup>  
'cum senatu modo, sed iam cum diis immortalibus, C. <sup>abit.</sup>  
'Flaminium bellum gerere. Consulem ante inauspicato  
'factum revocantibus ex ipsa acie diis atque hominibus non  
'paruisse; et nunc conscientia spretorum et Capitolium et  
'sollennem votorum nuncupationem fugisse: ne die initi  
'magistratus Iovis optimi maximi templum adiret: ne se-  
'natum, invisus ipse, et sibi uni invisum, videret consule-

7 *Idibus Martiis*] Hic dies tum  
temporis magistratibus ineundis sol-  
lennis erat. cf. infr. xxii. 1. STR.

8 *Arimini*] De Flaminii dolis ni-  
hil habet Polybius, qui Flaminium Ar-  
retium, Servilium Ariminum profec-  
tos esse scribit. iii. 77.

9 *Quae tribunus plebis*] Quando  
rogationem de agro Gallico et Pi-  
ceno viritim dividendo tulerat. cf. Val.  
Max. v. 4. Cic. de Sen. 4.

1 *Quae postea consul*] cf. Plut. in  
Marc. qui tradit, quum augures vitio  
creatos esse consules, adversus Insu-  
bres profectos, dixissent, senatum eos  
confestim literis Romam revocasse et  
iussisse, quam primum consulatu se  
abdicare nec quicquam pro imperio  
gerere: Flaminium vero has literas

non prius aperuisse, quam hostes fu-  
disset: cf. Polyb. ii. 32, 33. itaque  
victori, cum ingenti praeda redeunti,  
triumphum fuisse negatum; ipsum  
vero privatum triumphasse, et mox  
magistratu abire coactum esse. RUP.

2 *Quaestus omnis Patribus indeco-  
rus visus*] Nam senatores post bellum  
Punicum primum in Sicilia, Sardinia,  
et Corsica praedia sibi comparare, et  
per speciem deportandorum ex iis  
fructuum negotiationes, amplissimo  
ordine indignas, exercere coeperunt;  
quod h. l. significari videtur. DUK.  
cf. Ern. Clav. Cic. v. *Negotiator*.

3 *Auspiciis ementiendis*] Huius-  
modi artes Patres saepissime adhi-  
buerunt, maxime contra plebeios ho-  
mines. RUP.

U. C. 534. 'retque: ne Latinas indiceret, Iovique Latiari solenne sa-  
 A. C. 218. 'crum in monte faceret: ne, auspicato profectus in Capito-  
 'lium ad vota nuncupanda, paludatus inde cum lictoribus  
 'ad provinciam iret. Lixae modo sine insignibus, sine  
 'lictoribus, profectum clam, furtim, haud aliter quam si  
 'exsili causa solum vertisset. Magis pro maiestate videlicet  
 'imperii Arimini, quam Romae, magistratum initurum, et  
 'in deversorio hospitali, quam apud penates suos, praetex-  
 'tam sumpturum.' Revocandum universi retrahendumque  
 censuerunt; et cogendum omnibus prius praesentem in  
 deos hominesque fungi officiis, quam ad exercitum et in  
 provinciam iret. In eam legationem (legatos enim mitti  
 placuit) Q. Terentius et M. Antistius profecti, nihilo magis  
 eum moverunt, quam priori consulatu literae moverant ab  
 senatu missae. Paucos post dies magistratum iniit, immo-  
 lantique ei vitulus iam ictus e manibus sacrificantium sese  
 quum proripuisset, multos circumstantes cruore respersit.  
 Fuga procul etiam maior apud ignaros, quid trepidaretur,  
 et concursatio fuit: id a plerisque in omen magni terroris  
 acceptum. Legionibus inde duabus a Sempronio prioris  
 anni consule, duabus a C. Atilio praetore acceptis, in Etru-  
 riam per Apennini tramites exercitus duci est coeptus.

Frustra re-  
 vocatur.  
 U. C. 535.  
 A. C. 217.  
 Cn. Servi-  
 lio, C. Fla-  
 minio II.  
 Coss.

4 *Ne Latinas indiceret*] Mos erat, dixissent et celebrassent. cf. supr. v.  
 ut consules non ante in provincias 17. CREV.  
 proficiscerentur, quam has ferias in-



## EPITOME LIBRI XXII.

---

**HANNIBAL**, per continuas vigilias in paludibus oculo amisso, venit in Etruriam; per quas paludes quatriduo et tribus noctibus sine ulla requie iter fecit. **C. Flaminius** consul, homo temerarius, contra auspicia profectus, signis militaribus effossis, quae tolli non poterant, et ab equo, quem conscenderat, per caput devolutus, insidiis ab Hannibale circumventus, ad Trasimenum lacum cum exercitu caesus est. Sex millia, quae eruperant, fide ab Maharbale data, perfidia Hannibalis vincta sunt. Quum ad nuntium cladis Romae luctus esset, duae matres, ex insperato receptis filiis, gaudio mortuae sunt. Ob hanc cladem ex Sibyllinis libris ver sacrum votum. Quum deinde **Q. Fabius Maximus** dictator, adversus Hannibalem missus, nollet acie cum eo conflare, ne, contra ferocem tot victoriis hostem, territum adversis proeliis militem pugnae committeret, et, opponendo se tantummodo, conatus Hannibalis impediret: **M. Minucius** magister equitum, ferox et temerarius, criminando dictatorem tanquam segnem et timidum, effecit, ut populi iussu aequaretur ei cum dictatore imperium; divisoque exercitu, quum iniquo loco conflisset, et in maximo discrimine legiones eius essent, superveniente cum exercitu **Fabio Maximo** discrimine liberatus est. Quo beneficio victus castra cum eo iunxit, et patrem eum salutavit; idemque facere milites iussit. Hannibal, vastata Campania, inter Casilinum oppidum et Calliculam montem a Fabio clausus, sarmentis ad cornua bouum alligatis et incensis, praesidium Romanorum, quod Calliculam insidebat, fugavit: et sic transgressus est saltum. Idemque **Q. Fabii Maximi** dictatoris, quum circumposita ureret, agro pepercit, ut illum tanquam proditorem suspectum faceret. **Aemilio** deinde **Paullo** et **Terentio Varrone** consulibus et ducibus, cum maxima clade adversus Hannibalem ad Cannas pugnatum est: caesaque eo proelio Romanorum quadraginta quinque millia, cum **Paullo** consule et senatoribus octoginta, consularibus atque praetoriis aut aediliciis triginta. Post quam cladem quum a nobilibus adolescentibus propter desperationem consilium de relinquenda Italia iniretur, **P. Cornelius Scipio** tribunus militum, qui postea Africanus nuncupatus est, stricto



*super capita deliberantium ferro, iuravit, se pro hoste habiturum eum, qui in verba sua non iurasset; effecitque, ut omnes, minime relictum iri a se Italiam, iureiurando astringerentur. Praeterea trepidationem urbis et luctum, et res in Hispania meliore eventu gestas continet. Opimia et Floronia, Vestales virgines, incesti damnatae sunt. Propter paucitatem vero militum servorum octo millia armata sunt. Captivi, quum potestas esset redimendi, redempti non sunt. Varroni obviam itum est; et gratiae actae, quod de republica non desperasset.*

# T. LIVII PATAVINI

## LIBER XXII.

**I**AM ver appetebat, quum Hannibal ex hibernis movit, U. C. 535.  
et nequicquam ante conatus transcendere Apenninum A. C. 217.  
intolerandis frigoribus, et cum ingenti periculo moratus ac  
metu. Galli, quos praedae populationumque conciverat Galli in-  
spes, postquam pro eo, ut ipsi ex alieno agro raperent age- fensi Han-  
rentque, suas terras sedem belli esse, premique utriusque nibali.  
partis exercituum hibernis viderunt; verterunt retro ad  
Hannibalem ab Romanis odia: petitusque saepe principum  
insidiis, ipsorum inter se fraude, eadem levitate, qua con-  
senserant, consensum indicantium, servatus erat; et, mu-  
tando nunc vestem, nunc tegumenta capitis, errore etiam  
sese ab insidiis munierat. Ceterum hic quoque ei timor  
causa fuit maturius movendi ex hibernis.

<sup>2</sup> Per idem tempus Cn. Servilius consul Romae Idibus  
Martis magistratum iniit. Ibi quum de republica retulis-  
set, redintegrata in C. Flaminium invidia est. 'Duos se Querelae  
'consules creasse, unum habere. Quod enim illi iustum Romano-  
'imperium, quod auspiciu esse? Magistratus id a domo, rum de  
'publicis privatisque penatibus, Latinis feriis actis, sacrificio Flaminio.  
<sup>3</sup> 'in monte perfecto, votis rite in Capitolio nuncupatis, se-  
<sup>4</sup> 'cum ferre: nec privatum auspicia sequi, nec sine auspiciis  
<sup>5</sup> 'profectum in externo ea solo nova atque integra concipere

<sup>1</sup> *Errore etiam*] Fraude, quae eos in errorem duceret. Polybius iii. 78. Hannibalem capillamenta, ad omnia aetatum discrimina formata, sibi paravisse scribit.

<sup>2</sup> *Per idem tempus*] Praetores huius anni Livius praeter morem omisit. Quorum M. Aemilius Regulus urbanam iurisdictionem exercebat: M. Pomponius Matho peregrinam: T. Otacilius Crassus Siciliam: A. Cornelius Mammula Sardiniam habebat.

<sup>3</sup> *In monte*] Albano. cf. supr. xxi. 63.

<sup>4</sup> *Neo privatum auspicia sequi*] Quippe pullorum sacrorum auspicii gratia Augures imperatorem sequebantur; sed privatum auspicia non sequebantur.

<sup>5</sup> *Nova atque integra concipere*] Semel enim cum auspiciis profectus domo, poterat in externo solo ea iterumque iterumque rite capere. At ea nova et non ante quaesita sibi acquirere in externo solo non posse contendunt Patres eum, qui sine iis profectus esset. CREV.

U. C. 535.  
A. C. 217.  
Prodigia.

Procurata.

'posse.' Augebant metum prodigia ex pluribus simul locis nuntiata: in Sicilia militibus aliquot spicula, in Sardinia<sup>6</sup> autem in muro circumeunti vigilias equiti scipionem, quem manu tenuerat, arsisse, et litora crebris ignibus fulsisse, et scuta duo sanguine sudasse, et milites quosdam ictos fulminibus, et solis orbem minui visum: et Praeneste ardentes<sup>7</sup> lapides coelo cecidisse: et Arpis parmas in coelo visas, pugnantemque cum luna solem: et Capenae duas interdiu lunas ortas: et aquas Caeretes sanguine mixtas fluxisse; fontemque ipsum Herculis cruentis manasse sparsum maculis: et in Antiati metentibus cruentas in corbem spicas cecidisse: et Faleriis coelum findi velut magno hiato visum; quaque patuerit, ingens lumen effulsisse: sortes sua sponte<sup>8</sup> attenuatas, unamque excidisse, ita scriptam: MAVORS TELUM SUUM CONCURTIT: et per idem tempus Romae signum Martis Appia via ad simulacra luporum sudasse: et Capuae speciem coeli ardentis fuisse, lunaeque inter imbrem cadentis. Inde minoribus etiam dictu prodigiis fides habita: capras lanatas quibusdam factas, et gallinam in marem, gallum in feminam sese vertisse. His, sicut erant nuntiata, expositis, auctoribusque in curiam introductis, consul de religione Patres consuluit. Decretum, ut ea prodigia, partim maioribus hostiis, partim lactentibus, procurarentur: et uti supplicatio per triduum ad omnia pulvinaria haberetur. Cetera, quum decemviri libros inspexissent, ut ita fierent, quemadmodum cordi esse divis, carminibus praefarentur.<sup>9</sup> Decemvirorum monitu decretum est, Iovi primum donum fulmen aureum pondo quinquaginta fieret; Iunoni Minervaeque ex argento dona darentur; et Iunoni Reginae in Aventino, Iunonique Sospitae Lanuvii maioribus hostiis sacrificaretur; matronaeque, pecunia collata, quantum conferre cuique commodum esset, donum Iunoni Reginae in Aventinum ferrent, lectisterniumque fieret; quin et ut libertinae et ipsae, unde Feroniae donum daretur, pecuniam pro facultatibus suis conferrent. Haec ubi facta, decemviri Ardeae in foro maioribus hostiis sacrificarunt. Postremo Decembri iam mense ad aedem Saturni Romae immolatum<sup>2</sup>

<sup>6</sup> *In Sardinia autem in muro*] Recte videtur observare Iac. Gronovius hic deesse nomen eius urbis, cuius in muro id prodigium, de quo agitur, factum est. Quumque aliquot libri optimi habeant *Sudes* pro *autem*, inde ille suspicatur legendum, *Sulcis*. Sulci nobilis et antiqua Sardiniae civitas fuit. CAEV.

<sup>7</sup> *Solis orbem minui*] Solem defecisse.

<sup>8</sup> *Sortes sua sponte attenuatas*] cf.

Supr. xxi. 62. Signum Martis, cf. supr. x. 23.

<sup>9</sup> *Praefarentur*] *Profarentur* ex emend. Gronov. reposuit Bekker.

<sup>1</sup> *Quin et ut libertinae et ipsae*] Vulgo *quin et libertinae ut ipsae*, ceterum Bekker *quin ut libertinae et ipsae*. Feronia libertinorum et libertinarum dea erat, ex cuius templo pileus, signum libertatis, petebatur.

<sup>2</sup> *Decembri iam mense*] Intellige mensem Decembrem huius ipsius anni.

est, lectisterniumque imperatum, (et eum lectum senatores U. C. 535. straverunt) et convivium publicum; ac per urbem Saturna- A. C. 217.  
 3 lia diem ac noctem clamatum, populusque eum diem festum habere ac servare in perpetuum iussus.

4 Dum consul placandis Romae diis habendoque delectu 2.  
 dat operam, Hannibal, profectus ex hibernis, quia iam Hannibal Etruriam  
 Flaminium consulem Arretium pervenisse fama erat, quum petit.  
 5 aliud longius, ceterum commodius, ostenderetur iter, pro-  
 piores viam per paludem petit, qua fluvius Arnus per eos  
 dies solito magis inundaverat. Hispanos et Afros, (id omne  
 veterani erat robur exercitus) admixtis ipsorum impedi-  
 mentis, necubi consistere coactis necessaria ad usus dees-  
 sent, primos ire iussit: sequi Gallos, ut id agminis medium  
 esset; novissimos ire equites: Magonem inde cum expe-  
 ditis Numidis cogere agmen, maxime Gallos, si taedio  
 laboris longaeque viae (ut est mollis ad talia gens) dilabe-  
 rentur aut subsisterent, cohibentem. Primi, qua modo Molestum  
 praeirent duces, per praealtas fluvii ac profundas voragines, iter per pa-  
 ludes.  
 6 ex voraginibus poterant; aut corpora animis, aut animos  
 spe sustinebant: alii fessa aegre trahentes membra; alii,  
 ubi semel victis taedio animis procubuissent, inter iumenta,  
 et ipsa iacentia passim, morientes: maximeque omnium vi-  
 giliae conficiebant, per quatrimum iam et tres noctes tole-  
 ratae. Quum, omnia obtinentibus aquis, nihil, ubi in sicco  
 fessa sternerent corpora, inveniri posset, cumulatis in aquas  
 sarcinis insuper incumbabant. Iumentorum itinere toto  
 7 prostratorum passim acervi tantum, quod exstaret aqua,  
 quaerentibus ad quietem parvi temporis necessarium cubile  
 dabant. Ipse Hannibal, aeger oculis ex verna primum in- Hannibal  
 temperie variante calores frigoraque, elephanto, qui unus oculum  
 superfuerat, quo altius ab aqua exstaret, vectus; vigiliis amittit.  
 tandem et nocturno humore palustrique coelo gravante

qui consules habuit Flaminium et Ser-  
 vilium. Nimirum hic Livius in unum  
 colligit quicquid hoc anno procuran-  
 dis hisce prodigiis factum est. CREV.

3 *Populusque eum diem festum ha-  
 bere*] Hic Saturnalia novo edicto san-  
 cita, non tum primum instituta intel-  
 ligi debent. Siquidem supra ii. 21.  
 trecentos fere ante annos institutum  
 esse diem festum Saturnalia Livius  
 iam memoravit. Vide hac de re Lipa.  
 Saturnal. i. 2. CREV. cf. Macrob.  
 Saturnal. i. 10.

4 *Habendoque delectu*] Vulgo *dis-  
 trahendoque*, unde *trahendo* Drak. sed

*delectu* pro *delectui* ut supr. iv. 12.  
 ix. 5.

5 *Ostenderetur iter*] De hoc itinere,  
 cf. Polyb. iii. 78, 79.

6 *Aut corpora animis*] Huc revo-  
 care opus est particulam negantem,  
 quae in praecedentibus exprimitur.  
 Itaque sic exponenda sunt haec verba,  
 quasi legeretur: Neque corpora ani-  
 mis, neque animos spe sustinebant.  
 CREV.

7 *Quod exstaret aqua*] Tantum  
 spatii, quantum eorum aquae super-  
 emineret, pro cubili dabant.

U. C. 535. caput, et quia medendi nec locus nec tempus erat, altero  
A. C. 217. oculo capitur.

3. Multis hominibus iumentisque foede amissis, quum tandem de paludibus emersisset, ubi primum in sicco potuit, castra locat: certumque per praemissos exploratores habuit, exercitum Romanum circa Arretii moenia esse. Consul deinde consilia atque animum, et situm regionum, itineraque, et copias ad commeatus expediendos, et cetera, quae cognosse in rem erat, summa omnia cum cura inquirendo exsequebatur. Regio erat in primis Italiae fertilis, Etrusci campi, qui Faesulas inter Arretiumque iacent, frumenti ac pecoris et omnium copia rerum opulenti. Consul ferox ab  
Flaminii  
Cos.ferocia. consulatu priore, et non modo legum ac Patrum maiestatis, sed ne deorum quidem satis metuens. Hanc insitam ingenio eius temeritatem fortuna prospero civilibus bellicisque rebus successu aluerat. Itaque satis apparebat, nec deos nec homines consulentem, ferociter omnia ac praepropere acturum. Quoque pronior esset in vitia sua, agitare eum atque irritare Poenus parat: et, laeva relicto hoste, Faesulas petens, medio Etruriae agro praedatum profectus, quantam maximam vastitatem potest, caedibus incendiisque consuli procul ostendit. Flaminius, qui ne quieto quidem hoste ipse quieturus erat, tum vero, postquam res sociorum ante oculos prope suos ferri agique vidit, suum id dedecus ratus, per mediam iam Italiam vagari Poenum, atque, obsistente nullo, ad ipsa Romana moenia ire oppugnanda; ceteris omnibus in consilio salutaria magis, quam speciosa, suadentibus, 'collegam expectandum, ut coniunctis exercitibus, 'communi animo consilioque rem gererent; interim equi- 'tatu auxiliisque levium armorum ab effusa praedandi li- 'centia hostem cohibendum;' iratus se ex consilio proripuit, signumque simul itineris pugnaeque proposuit. 'Quin imo 'Arretii ante moenia sedeamus,' inquit: 'hic enim patria 'et penates sunt. Hannibal emissus e manibus perpopule- 'tur Italiam, vastandoque et urendo omnia ad Romana 'moenia perveniat; nec ante nos hinc moverimus, quam, 'sicut olim Camillum ab Veis, C. Flaminium ab Arretio:

8 *Altero oculo capitur*] Ita Pol. iii. 79. sed Corn. Nep. v. Hann. 4. gravi oculorum morbo affectum, Hannibalem dextro oculo nunquam aequè bene usum esse scribit.

9 *Et copias*] Id est, rerum necessariorum ad commeatus expediendos.

1 *Ferri agique*] sc. Diripi. Latini dixerunt *ferre, agere* pro *diripere*, exemplo sumpto a Graecis, qui eodem sensu usurpant *ἄγειν καὶ φέρειν*. Origo

autem huius locutionis inde est, quod in praeda alia sunt vita praedita, homines, pecora, iumenta, adeoque *aguntur*; alia inanima, et quum agi non possint, *feruntur*. CREV.

2 *Camillum ab Veis*] Idem legitur supr. ix. 4. Ceterum Camillum Ardeae exsulasse et ab Ardea accitum esse tradit Liv. v. 43. 46. Quum vero eius exercitus apud Veios esset, ipse a Veis accitus dicitur. RASCH.

‘Patres acciverint.’ Haec simul increpans, quum ocus 3 signa convelli iuberet, et ipse in equum insilisset, equus repente corruit, consulemque lapsum super caput effudit. Territis omnibus, qui circa erant, velut foedo omine incipienda rei, insuper nuntiatur, signum, omni vi moliente signifero, convelli nequire. Conversus ad nuntium, ‘Num literas quoque,’ inquit, ‘ab senatu affers, quae me rem gerere vetent? Abi, nuntia, signum effodiant, si ad convellendum manus prae metu obtorpuerint.’ Incedere inde agmen coepit; primoribus, super quam quod dissenserant a consilio, territis etiam duplici prodigio; milite in vulgus laeto ferocia ducis, quum spem magis ipsam, quam causam spei, intueretur.

Hannibal, quod agri est inter Cortonam urbem Trasimenumque lacum, omni clade belli pervastat, quo magis iram hosti ad vindicandas sociorum iniurias acuat. Et iam pervenerant ad loca insidiis nata, ubi maxime montes Cortonenses Trasimenus subit. Via tantum interest perangusta, velut ad id ipsum de industria relicto spatio: deinde paulo latior patescit campus; inde colles assurgunt. Ibi castra in aperto locat, ubi ipse cum Afris modo Hispanisque consideret. Baliares ceteramque levem armaturam post montes circumducit: equites ad ipsas fauces saltus, tumultis apte tegentibus, locat; ut, ubi intrassent Romani, obiecto equitatu, clausa omnia lacu ac montibus essent.

Flaminius quum pridie solis occasu ad lacum pervenisset, inexplorato, postero die, vixdum satis certa luce, angustius superatis, postquam in patentiorem campum pandi agmen coepit, id tantum hostium, quod ex adverso erat, conspexit: ab tergo et super caput decipere insidiae. Poenus ubi, id quod petierat, clausum lacu ac montibus et circumfusum suis copiis habuit hostem, signum omnibus dat simul invadendi. Qui ubi, qua cuique proximum fuit, decucurrere, eo magis Romanis subita atque improvisa res fuit, quod orta ex lacu nebula campo, quam montibus, densior sederat,

U. C. 535.  
A. C. 217.  
Ex equo  
prolabitur.  
Signum  
convelli  
nequit.

4.

Flaminius  
in insidias  
praecipitat.

Undequa-  
que eum  
Poeni inva-  
dunt.

3 *Equus repente corruit*] Et nuntiatur, signum convelli nequire: eadem et alia quoque prodigia memorant Valer. Max. i. 6. 6. Cic. de Div. i. 35. Sil. v. 59, sq. Flor. ii. 6. et Plut. in Fabio. Rup.

4 *Num literas . . . ab senatu affers*] In hoc dicto respicit Flaminius id quod ipsi primo suo consulatu acciderat, ut quum iam in conspectu hostium esset, literae a senatu afferrentur, quibus vetabatur certamen committere, iuebaturque, quasi vitio

creatus, redire Romam ut consulatum abdicaret. CREV.

5 *Montes Cortonenses Trasimenus subit*] Omnes scripti in *Trasimenum*: quidam etiam *subeunt*. Gronovius Observ. iv. 17. emendat in *Trasimenum sidunt*, id est, in Trasimeni alveum molliter sese demittunt ac desinunt, quod reposuit Bekker.

6 *Decipere insidiae*] h. e. Fefellere. Olim *deceptae*, sed *decipere* ex emend. Lips. edd. opt. receperunt: sed alia desiderantur exempla.

- U. C. 535. agminaque hostium ex pluribus collibus ipsa inter se satis <sup>7</sup>  
 A. C. 217. conspecta, eoque magis pariter decucurrerunt. Romanus  
 clamore prius undique orto, quam satis cerneret, se circum-  
 ventum esse sensit; et ante in frontem lateraque pugnari  
 coeptum est, quam satis instrueretur acies, aut expediri  
 arma, stringique gladii possent. Consul, percussis omnibus,  
 ipse satis, ut in trepida re, impavidus, turbatos ordines, ver-  
 tente se quoque ad dissonos clamores, instruit, ut tempus  
 locusque patitur; et quacunque adire audirique potest, ad-  
 hortatur, ac stare et pugnare iubet; 'nec enim inde votis  
 'aut imploratione deum, sed vi ac virtute, evadendum esse.  
 'Per medias acies ferro viam fieri: et, quo timoris minus  
 'sit, eo minus ferme periculi esse.' Ceterum prae strepitu  
 ac tumultu nec consilium nec imperium accipi poterat:  
 tantumque aberat, ut sua signa atque ordinem et locum  
 nosceret miles, ut vix ad arma capienda aptandaque pugnae  
 competeret animus: opprimerenturque quidam, onerati <sup>8</sup>  
 magis his, quam tecti: et erat in tanta caligine maior usus  
 aurium quam oculorum. Ad gemitus vulnerum ictusque  
 corporum aut armorum, et mixtos strepentium paventium-  
 que clamores, circumferebant ora oculosque. Alii fugientes  
 pugnantium globo illati haerebant: alios redeuntes in pu-  
 gnam avertebat fugientium agmen. Deinde, ubi in omnes  
 partes nequicquam impetus capti, et ab lateribus montes ac <sup>9</sup>  
 lacus, a fronte et ab tergo hostium acies claudebat, apparuit-  
 que, nullam, nisi in dextra ferroque, salutis spem esse; tum  
 sibi quisque dux adhortatorque factus ad rem gerendam, et  
 nova de integro pugna exorta est; non illa ordinata per  
 principes hastatosque ac triarios, nec ut pro signis antesi-  
 gnani, post signa alia pugnaret acies; nec ut in sua legione  
 miles, aut cohorte, aut manipulo esset. Fors conglobat, et  
 animus suus cuique ante aut post pugnandi ordinem dabat:  
 tantusque fuit ardor armorum, adeo intentus pugnae animus,  
 ut eum motum terrae, qui multarum urbium Italiae magnas <sup>2</sup>  
 partes prostravit, avertitque cursu rapidos amnes, mare  
 fluminibus invexit, montes lapsu ingenti proruit, nemo pu-  
 gnantium senserit.
6. Tres ferme horas pugnatum est, et ubique atrociter.  
 Circa consulem tamen acrior infestiorque pugna est. Eum

Terrae mo-  
tum nemo  
pugnan-  
tium sentit.

<sup>7</sup> *Ex pluribus collibus*] Vulgo *val-  
libus*, sed *collibus* ex coniectura Lipsii  
tantum non omnes edd. receperunt.

<sup>8</sup> *Competeret animus*] sc. Sufficeret.  
cf. Tac. Ann. iii. 46.

<sup>9</sup> *Impetus capti*] cf. Supr. ii. 65.  
ix. 4. Vulgo *facti* legitur.

<sup>1</sup> *Pro signis antesignani*] Hastatos

et principes, quos etiam antepilanos  
vocatos esse ex libro supr. viii. 8.  
constat, hic intelligendos esse monet  
Stroth.

<sup>2</sup> *Eum motum terrae*] cf. Cic. de  
Div. i. 35. Plin. H. N. ii. 84. 86.  
Flor. ii. 6. Heyn. Opusc. Acad. iii. p.  
259.



et robora virorum sequebantur, et ipse, quacunque in parte U. C. 535.  
 premi ac laborare senserat suos, impigre ferebat opem; A. C. 217.  
 insignemque armis et hostes summa vi petebant, et tueban-  
 3 tur cives: donec Insuber eques (Ducario nomen erat) facie Mors Fla-  
 quoque noscitans, 'Consul, en,' inquit, 'hic est,' popularibus minii.  
 suis, 'qui legiones nostras cecidit, agrosque et urbem est  
 'depopulatus. Iam ego hanc victimam Manibus perem-  
 'ptorum foede civium dabo:' subditisque calcaribus equo,  
 per confertissimam hostium turbam impetum facit: obtrun-  
 catoque prius armigero, qui se infesto venienti obviam obie-  
 cerat, consulem lancea transfixit. Spoliare cupientem triarii  
 obiectis scutis arcuere. Magnae partis fuga inde primum Fugiant  
 coepit: et iam nec lacus, nec montes obstabant pavori. Per Romani.  
 omnia arta praeruptaque velut caeci evadunt: armaque et  
 viri super alium alii praecipitantur. Pars magna, ubi locus  
 fugae deest, per prima vada paludis in aquam progressi,  
 quoad capitibus humerisque exstare possunt, sese immergunt.  
 Fuere, quos inconsultus pavor nando etiam capessere fugam  
 impulerit. Quae ubi immensa ac sine spe erat, aut defici-  
 entibus animis hauriebantur gurgitibus, aut nequicquam  
 fessi vada retro aegerrime repetebant, atque ibi ab ingressis  
 aquam hostium equitibus passim trucidabantur. Sex millia  
 ferme primi agminis, per adversos hostes eruptione impigre  
 facta, ignari omnium, quae post se agerentur, ex saltu  
 evasere. Et, quum in tumultu quodam constitissent, cla-  
 morem modo ac sonum armorum audientes, quae fortuna  
 pugnae esset, neque scire, nec perspicere prae caligine  
 poterant. Inclinata denique re, quum incalescente sole  
 dispulsa nebula aperuisset diem, tum liquida iam luce  
 montes campique perditas res stratamque ostendere foede  
 Romanam aciem. Itaque, ne in conspectos procul immit-  
 teretur eques, sublati raptim signis, quam citatissimo pote-  
 4 rant agmine, sese abriperunt. Postero die, quum super  
 cetera extrema fames etiam instaret, fidem dante Maharbale,  
 qui cum omnibus equestribus copiis nocte consecutus erat,  
 si arma tradidissent, abire cum singulis vestimentis passurum,  
 sese dediderunt. Quae Punica religione servata fides ab  
 Hannibale est, atque in vincula omnes coniecit.

Haec est nobilis ad Trasimenum pugna, atque inter 7.  
 paucas memorata populi Romani clades. Quindecim millia Numerus  
 Romanorum in acie caesa sunt; decem millia, sparsa fuga caesorum  
 per omnem Etruriam, diversis itineribus urbem petiere. utrimque.

3 *Insuber eques*] Adversus Insubres Gallos in priore suo consulatu Flaminius bellum gesserat. cf. Pol. ii. 32, 33.

quum in vicum quendam Etruriae se recepissent, a Maharbale circumsecos, ei fide accepta se dedidisse narrat Pol. iii. 84.

4 *Sese abriperunt*] Hos quidem,

U. C. 535. Mille quingenti hostium in acie, multi postea utrimque ex 5  
A. C. 217. vulneribus periere. Multiplex caedes utrimque facta tra- 6  
ditur ab aliis. Ego, praeterquam quod nihil haustum ex 7  
vano velim, quo nimis inclinant ferme scribentium animi,  
Fabium aequalem temporibus huiusce belli potissimum auc- 8  
torem habui. Hannibal, captivorum qui Latini nominis  
essent, sine pretio dimissis, Romanis in vincula datis, segre- 9  
gata ex hostium coacervatorum cumulis corpora suorum  
quum sepeliri iussisset, Flamini quoque corpus, funeris  
causa magna cum cura inquisitum, non invenit.

Romae  
magnus ter-  
ror.

Romae, ad primum nuntium cladis eius, cum ingenti  
terrore ac tumultu concursus in forum populi est factus.  
Matronae vagae per vias, quae repens clades allata, quaeve  
fortuna exercitus esset, obvios percunctantur. Et quum  
frequentis concionis modo turba in comitium et curiam  
versa magistratus vocaret; tandem haud multo ante solis  
occasum M. Pomponius praetor, 'Pugna,' inquit, 'magna  
'victi sumus:' et, quanquam nihil certius ex eo auditum  
est, tamen alius ab alio impleti rumoribus domos referunt,  
'consulem cum magna parte copiarum caesum: superesse  
'paucos, aut fuga passim per Etruriam sparsos, aut captos  
'ab hoste.' Quot casus exercitus victi fuerant, tot in curas  
dispertiti eorum animi erant, quorum propinqui sub C.  
Flaminio consule meruerant, ignorantium, quae cuiusque  
suorum fortuna esset: nec quisquam satis certum habet,  
quid aut speret aut timeat. Postero, ac deinceps aliquot  
diebus, ad portas maior prope mulierum, quam virorum,  
multitudo stetit, aut suorum aliquem, aut nuntios de his  
opperiens: circumfundeabanturque obviis sciscitantes; neque  
avelli, utique ab notis, prius, quam ordine omnia inqui-  
sissent, poterant. Inde varios vultus digredientium ab  
nuntiis cerneret, ut cuique aut laeta aut tristia nuntiabantur:

5 *Multi postea utrimque ex vulne-  
ribus periere*] Assentimur Perizonio  
delenti hic vocem *utrimque*, ut male  
repetitam ex versu sequenti. Hic de  
solis Poenis agit Livius. Et sane, qui  
Romani letalia vulnera acceperant,  
eos verisimile non est, lacu, monti-  
bus clausos, nullum propinquum re-  
ceptum habentes, effugere potuisse.  
CREV.

6 *Multiplex*] Scilicet *multiplex  
maior*, quemadmodum supr. vii. 8.  
*multiplex quam pro numero*; simili-  
ter Graeci *πολλαπλήσιον*. cf. Herod.  
iv. 50.

7 *Nihil haustum*] *Auctum* ex e-  
mend. Walchii reposuit Bekker.

8 *Fabium*] Q. Fabium Pictorem,

historiae Romanae scriptorem. Vid.  
infr. xxiii. 11.

9 *Sine pretio dimissis*] Praefatus se  
non Italis, sed Romanis bellum in-  
ferre, necnon ad ipsos Italos in liber-  
tatem vindicandos venisse. cf. Pol.  
iii. 85.

1 *Comitium*] Pars altera fori, "ad  
Curiam Hostiliam et subter rostra cu-  
riae Hostiliae affixa," ita dicta erat,  
quod patres in ea *coibant*: in altera  
vero parte quae *forum* praecipue dice-  
batur, plebs et tribuni stabant. Ros-  
tra quidem in longum porrecta co-  
mitium et forum dirimebant.

2 *Quot casus*] sc. Pro variis casibus  
victi exercitus, variis curis populus  
distrahebatur.

gratulantesque aut consolantes redeuntibus domos circum-  
 fusos. Feminarum praecipue et gaudia insignia erant, et  
 luctus. Unam in ipsa porta, sospiti filio repente oblatam,  
 in conspectu eius exspirasse ferunt; alteram, cui mors filii  
 falso nuntiata erat, maestam sedentem domi, ad primum  
 conspectum redeuntis filii gaudio nimio exanimatam.  
 Senatum praetores per dies aliquot ab orto usque ad occi-  
 dentem solem in curia retinent, consultantes, quonam duce,  
 aut quibus copiis, resisti victoribus Poenis posset.

U. C. 535.  
 A. C. 217.  
 Matres re-  
 ceptis filiis  
 gaudio ex-  
 animatae.

Priusquam satis certa consilia essent, repens alia nuntiatur  
 clades: quattuor millia equitum, cum C. Centenio pro-  
 praetore missa ad collegam ab Servilio consule, in Umbria,  
 quo post pugnam ad Trasimenum auditam averterant iter,  
 ab Hannibale circumventa. Eius rei fama varie homines  
 affecit. Pars, occupatis maiore aegritudine animis, levem,  
 ex comparatione priorum, ducere recentem equitum iactu-  
 ram: pars non id, quod acciderat, per se aestimare, sed, ut  
 in affecto corpore quamvis levis causa magis, quam valido  
 gravior, sentiretur; ita tum aegrae et affectae civitati quod-  
 cunque adversi inciderit, non rerum magnitudine, sed viri-  
 bus extenuatis, quae nihil, quod aggravaret, pati possent,  
 3 aestimandum esse. Itaque ad remedium, iam diu neque  
 desideratum nec adhibitum, dictatorem dicendum, civitas  
 confugit: et quia et consul aberat, a quo uno dici posse  
 videbatur; nec per occupatam armis Punicis Italiam facile  
 erat aut nuntium, aut literas mitti; nec dictatorem populus  
 creare poterat, quod nunquam ante eam diem factum erat:  
 prodictatorem populus creavit Q. Fabium Maximum, et  
 magistrum equitum M. Minucium Rufum. Hisque nego-  
 tium ab senatu datum, ut muros turresque urbis firmarent,  
 et praesidia disponderent, quibus locis videretur, pontesque  
 rescinderent fluminum: ad penates pro urbe dimicandum  
 esse, quando Italiam tueri nequissent.

8.  
 Alia clades.

Fabius pro-  
 dictator.

Hannibal recto itinere per Umbriam usque ad Spoletum  
 venit. Inde, quum perpopulato agro urbem oppugnare  
 adortus esset, cum magna caede suorum repulsus, coniectans  
 ex unius coloniae haud nimis prospere tentatae viribus,  
 quanta moles Romanae urbis esset, in agrum Picenum  
 avertit iter, non copia solum omnis generis frugum abun-  
 dantem, sed refertum praeda, quam effuse avidi atque  
 egentes rapiebant. Ibi per dies aliquot stativa habita:  
 refectusque miles, hibernis itineribus ac palustri via proelio-

9.  
 Hannibal  
 Spoletum  
 frustra  
 tentat.

3 *Ad remedium, iam diu neque de-  
 sideratum*] Haec intelligenda sunt de  
 dictatore *rei gerundae causa* creato,  
 qui nullus post Atilium Calatinum  
 per tres et triginta annos creatus fue-

rat. Aliquot fuere per hoc temporis  
 intervallum dictatores, inter quos ipse  
 Fabius, sed comitiorum habendorum  
 causa creati. CAEV.

U. C. 535.  
A. C. 217.  
Vastat Ita-  
liam.

Libri Si-  
byllini in-  
specti.

10.

que, magis ad eventum secundo, quam levi aut facili, affec-  
tus. Ubi satis quieti datum, praeda ac populationibus 4  
magis, quam otio aut requie, gaudentibus, profectus Prae- 5  
tutianum Hadrianumque agrum, Marsos inde Marrucinosque  
et Pelignos devastat, circaque Arpos et Luceriam proximam  
Apuliae regionem. Cn. Servilius consul, levibus proeliis  
cum Gallis actis, et uno oppido ignobili expugnato, post-  
quam de collegae exercitusque caede audivit, iam moenibus  
patriae metuens, ne abesset in discrimine extremo, ad urbem  
iter intendit. Q. Fabius Maximus dictator iterum, quo die 6  
magistratum iniit, vocato senatu, ab diis orsus, quum edo-  
cuisset Patres, plus negligentia caerimoniarum auspicio-  
rumque, quam temeritate atque inscitia, peccatum a C. Flamini-  
o consule esse, quaeque piacula irae deum essent, ipsos deos  
consulendos esse; pervicit, ut, quod non ferme decernitur,  
nisi quum taetra prodigia nuntiata sunt, decemviri libros  
Sibyllinos adire iuberentur. Qui, inspectis fatalibus libris,  
retulerunt Patribus, 'quod eius belli causa votum Marti 7  
' foret, id non rite factum, de integro atque amplius facien-  
' dum esse: et Iovi ludos magnos, et aedes Veneri Erycinae  
' ac Menti vovendas esse, et supplicationem lectisternium-  
' que habendum, et ver sacrum vovendum, si bellatum pro- 8  
' spero esset, resque publica in eodem, quo ante bellum  
' fuisset, statu permansisset.' Senatus, quoniam Fabium  
belli cura occupatura esset, M. Aemilium praetorem, ex  
collegii pontificum sententia, omnia ea ut mature fiant, cu- 9  
rare iubet. His senatusconsultis perfectis, L. Cornelius  
Lentulus pontifex maximus, consulente collegio praetorum,  
omnium primum populum consulendum de vere sacro cen-  
set: iniussu populi voveri non posse. Rogatus in haec

4 *Ubi satis quieti*] *Quietis*, ex e-  
mend. Gronov. reponendum suadent  
Crev. et Bekker.

5 *Gaudentibus, profectus*] *Gauden-  
tibus* pro ablativo absoluto accipien-  
dum censet Stroth. sed Drak. cum  
*profectus* iungebat, quasi dictum es-  
set *cum gaudentibus profectus*.

6 *Dictator iterum*] Fuerat quidem  
dictator paullo ante hoc bellum cum  
C. Flamini magistro equitum; sed  
ob occentum soricis auditum se mu-  
nere abdicaverat, ut Valerius Maxi-  
mus i. i. narrat.

7 *Quod eius belli causa votum Mar-  
ti foret*] Hoc tangit procul dubio ea  
vota, quae supr. xxi. 62. dicitur C.  
Atilius praetor suscipere iussus, si in  
decem annos respublica eodem ste-  
tisset statu. Ex hoc loco discimus,  
quod prius observare neglexerat Li-

vius, id votum Marti factum fuisse.  
CREV.

8 *Ver sacrum*] Quaecunque prox-  
imo vere nata essent animalia, diis  
sacra erant. Quum vero crudelius  
videretur homines interficere, adulti,  
qui in eo vere nati essent, fines mu-  
tare coacti sunt. cf. Serv. ad Aen. vii.  
796. Festus vv. *Ver Sacrum*. et *Ma-  
mertini*. Niebhr. i. n. 280.

9 *Omnia ea ut mature fiant, cura-  
re*] Non iubetur M. Aemilius ea om-  
nia per se ipse peragere, sed curare  
ut mature fiant. Itaque nihil repug-  
nat huic loco, quod infr. xxxiii. 44.  
A. Cornelius Mammula ver sacrum  
vovisse dicitur. Sic et infr. 10. aedes  
Veneri Erycinae vovetur a Fabio dic-  
tatore, Menti, a T. Otacilio praetore.  
CREV.

verba populus, 'Velitis iubeatisne hoc sic fieri? si respublica U. C. 535.  
 'populi Romani Quiritium ad quinquennium proximum, A. C. 217.  
 'sicut velim eam, salva servata erit hisce duellis; (quod  
 'duellum populo Romano cum Carthaginensi est, quaeque  
 1 'duella cum Gallis sunt, qui cis Alpes sunt) datum donum  
 'duit populus Romanus Quiritium, quod ver attulerit ex  
 2 'suillo, ovillo, caprino, bovillo grege, quaeque profana erunt,  
 3 'Iovi fieri, ex qua die senatus populusque iusserit. Qui  
 4 'faciet, quando volet, quaque lege volet, facito: quo modo  
 'faxit, probe factum esto. Si id moritur, quod fieri oportebit,  
 'profanum esto, neque scelus esto. Si quis rumpet  
 5 'occidetve insciens, ne fraus esto. Si quis clepsit, ne populo  
 6 'scelus esto, neve cui cleptum erit. Si atro die faxit  
 'insciens, probe factum esto. Si nocte sive luce, si servus  
 7 'sive liber faxit, probe factum esto. Si antidea senatus  
 'populusque iusserit fieri, ac faxit, eo populus solutus, liber  
 8 'esto.' Eiusdem rei causa ludi magni voti aeris trecentis Ludi mag-  
 triginta tribus millibus, trecentis triginta tribus, triente: ni.  
 praeterea bubus Iovi trecentis, multis aliis divis bubus albis,  
 atque ceteris hostiis. Votis rite nuncupatis, supplicatio  
 edicta: supplicatumque iere cum coniugibus ac liberis non  
 urbana multitudo tantum, sed agrestium etiam, quos in  
 aliqua sua fortuna publicae quoque contingebat cura. Tum Lectister-  
 lectisternium per triduum habitum, decemviris sacrorum nium.  
 curantibus. Sex pulvinaria in conspectu fuere: Iovi ac  
 Iunoni unum: alterum Neptuno ac Minervae; tertium  
 Marti ac Veneri; quartum Apollini ac Dianae; quintum  
 Vulcano ac Vestae; sextum Mercurio ac Cereri. Tum Aedes Ve-  
 aedes votae. Veneri Erycinae aedem Q. Fabius Maximus neri et  
 dictator vovit; quia ita ex fatalibus libris editum erat, ut is Menti vo-  
 tae.

1 *Donum duit*] *Duit* antiqua forma vocis *det*, ut supr. x. 19. Sollennem voti formulam bene illustrat illa quae occurrit infr. xxxvi. 2.

2 *Quaeque profana erunt*] Quae non sacrata iam erunt alii cuiquam divo. Itaque, si quae antea consecrata fuissent, ea hoc voto non continebantur. CREV.

3 *Iovi fieri*] Quemadmodum Graece vox *πέσειν* de sacrificiis dicitur, ita *facere* et *fieri* Latine usurpantur.

4 *Ex qua die senatus populusque iusserit*] Nimirum ad arbitrium senatus populiue reservabatur, quo die ver sacrum incipere deberet. Unde infr. xxxiv. 44. ubi hoc veris sacri votum persolvitur, decernitur *ver sacrum videri pecus, quod natum esset inter Kalendas Martias, et pridie Kalendas Maias*. CREV.

5 *Clepsit*] Furatus fuerit: *cleptum*, furto subductum: a Graeco κλέπτω. cf. Cic. de Legg. ii. 9.

6 *Atro die*] *Atri* dies iidem erant, qui *religiosi*, quibus nempe vel rem divinam facere, vel rem novam quampiam exordiri religioni erat. cf. A. Gell. v. 17.

7 *Si antidea*] *Si senatus populusque iusserit fieri*, sive immolari, *antidea ac faxit*, id est, priusquam privatus quispiam faxit, sive immolaverit: si privatus aliquis immolaverit pecus votum post diem a senatu populoque praefinitum, id ne fraudi sit populo. *Antidea ac* antique pro *antea ac*, i. e. *priusquam*, sicut *postidea* pro *postea*. cf. Plaut. Cist. Act. ii. Sc. i. 3. Aulul. Act. i. Sc. ii. 40.

8 *Trecentis triginta tribus*] cf. Niebhr. ii. n. 1296.

U. C. 535. voveret, cuius maximum imperium in civitate esset. Menti  
A. C. 217. aedem T. Otacilius praetor vovit.

11. Ita rebus divinis peractis, tum de bello reque de publica dictator retulit, quibus quotve legionibus victori hosti obviam eundum esse Patres censerent. Decretum, 'ut ab 'Cn. Servilio consule exercitum acciperet: scriberet praeterea ex civibus sociisque, quantum equitum ac peditum videretur: cetera omnia ageret faceretque, ut e republica duceret.' Fabius duas se legiones adiecturum ad Servilianum exercitum dixit. His, per magistrum equitum scriptis, Tibur diem ad conveniendum edixit. Edictoquoque proposito, ut quibus oppida castellaque immunita essent,<sup>9</sup> uti in loca tuta commigrarent; ex agris quoque demigrarent omnes regionis eius, qua iturus Hannibal esset, tectis prius incensis ac frugibus corruptis, ne cuius rei copia esset; ipse, via Flaminia profectus obviam consuli exercituique,<sup>1</sup> quum ad Tiberim circa Ocriculum prospexisset agmen, consulemque cum equitibus ad se prodeuntem, viatorem misit, qui consuli nuntiaret, ut sine lictoribus ad dictatorem veniret. Qui quum dicto paruisset, congressusque eorum ingentem speciem dictaturae apud cives sociosque, vetustate iam prope oblitos eius imperii, fecisset; literae ab<sup>2</sup> urbe allatae sunt, naves onerarias, commeatum ab Ostia in Hispaniam ad exercitum portantes, a classe Punica circa<sup>3</sup> portum Cosanum captas esse. Itaque extemplo consul Ostiam proficisci iussus, navibusque, quae ad urbem Romanam aut Ostiae essent, completis milite ac navalibus sociis, persequi hostium classem, ac litora Italiae tutari. Magna vis hominum conscripta Romae erat: libertini etiam,<sup>4</sup> quibus liberi essent, et aetas militaris, in verba iuraverant. Ex hoc urbano exercitu, qui minores quinque et triginta annis erant, in naves impositi: alii, ut urbi praesiderent, relict.

12. Dictator, exercitu consulis accepto a Fulvio Flacco legato, per agrum Sabinum Tibur, quo diem ad conveniendum edixerat novis militibus, venit: inde Praeneste, ac transversis limitibus in viam Latinam est egressus: unde,

<sup>9</sup> *Ut quibus oppida . . . . uti*] Non raro geminat hanc particulam Livius. Exempla pete infr. xxviii. 9. xxxvi. 1. 3. CREV.

<sup>1</sup> *Via Flaminia*] Via munita ab hoc ipso Flaminio, qui modo ad Trasimenum lacum periisse memoratus est. Munierat illam ab Roma Ariminum usque, quum esset censor, quarto ante hunc anno. CREV.

<sup>2</sup> *Oblitos eius imperii*] Quippe comitiorum Romae habendorum, non

rei foris gerundae causa dictatores post annum U. C. 504. creabantur.

<sup>3</sup> *Circa portum Cosanum*] Cosa, sive Cosa, oppidum Etruriae non longe a mari situm. Plin. H. N. iii. 5. Portus Cosanus idem, qui portus Mercuris erat.

<sup>4</sup> *Libertini etiam, quibus liberi essent*] De libertinis centuriatis cf. supr. x. 21. Ceterum ii, quibus liberi essent, reipublicae obsides quodammodo dederant.



itineribus summa cum cura exploratis, ad hostem ducit; U. C. 535.  
 nullo loco, nisi quantum necessitas cogeret, fortunae se A. C. 217.  
 5 commissurus. Quo primum die haud procul Arpis in con- Fabius pug-  
 spectu hostium posuit castra, nulla mora facta, quin Poenus nam detrec-  
 educeret in aciem, copiamque pugnandi faceret: sed ubi tat.  
 6 videt; increpans quidem, victos tandem quoque Martios  
 animos Romanis, debellatumque, et concessum propalam  
 7 de virtute ac gloria esse, in castra rediit: ceterum tacita  
 cura animum incensus, quod cum duce, haudquaquam  
 Flaminio Sempronioque simili, futura sibi res esset; ac  
 tum demum edocti malis Romani parem Hannibali ducem  
 8 quaesissent. Et prudentiam quidem, non vim, dictatoris  
 extemplo timuit. Constantiam haud dum expertus, agitare  
 ac tentare animum movendo crebro castra, populandoque  
 in oculis eius agros sociorum, coepit. Et modo citato  
 agmine e conspectu abibat, modo repente in aliquo flexu  
 viae, si excipere degressum in aequum posset, occultus  
 subsistebat. Fabius per loca alta agmen ducebat, modico Fabii artes.  
 ab hoste intervallo, ut neque omitteret eum, neque con-  
 grederetur. Castris, nisi quantum usus necessario cogeret,  
 tenebatur miles. Pabulum et ligna nec pauci petebant,  
 nec passim. Equitum levisque armaturae statio, composita  
 instructaque in subitos tumultus, et suo militi tuta omnia,  
 et infesta effusis hostium populatoribus praebebat. Neque  
 universo periculo summa rerum committebatur: et parva  
 momenta levium certaminum ex tuto coeptorum, finitimo  
 receptu, assuefaciebant territum pristinis cladibus militem,  
 9 minus iam tandem aut virtutis aut fortunae poenitere suae.  
 Sed non Hannibalem magis infestum tam sanis consiliis Mag. equi-  
 1 habebat, quam magistrum equitum: qui nihil aliud, quam tum impru-  
 quod impar erat imperio, morae ad rempublicam praecipi- dentia.  
 tandam habebat. Ferox rapidusque in consiliis, ac lingua  
 immodicus, primo inter paucos, dein propalam in vulgus,  
 pro cunctatore segnem, pro cauto timidum, affingens vicina  
 virtutibus vitia, compellabat: premendoque superiorem  
 (quae pessima ars nimis prosperis multorum successibus  
 crevit) sese extollebat.

5 *Haud procul Arpis*] Polybius circa Aecas, urbem Apuliae, itidem Dauniae, Fabio obvium fuisse Hannibalem scribit. CREV.

6 *Victos tandem quoque*] Quoque ex coniectura Gronov. recepit Drak. sed Bekker. omisit.

7 *Ceterum tacita cura animum incensus*] Animum incessit Muretus emendavit, et Bekker. reposuit.

8 *Non vim, dictatoris*] Novi ductoris ex coniectura Gronov. recepit Bekker.

9 *Minus ... poenitere*] i. e. Minus diffidere aut virtuti aut fortunae suae. CREV.

1 *Quam quod impar erat*] Quem nihil aliud a praecipitanda republica morabatur, quam quod dictatoris cedere deberet imperio. DOKK.



U. C. 535.  
A. C. 217.  
13.

Hannibal  
Campaniam  
petit.

Imperat  
duci ut se  
Casinum  
ducat.

Casilinum  
deducitur.

Hannibal ex Hirpinis in Samnium transit: Beneventanum depopulatur agrum: Telesiam urbem capit: irritat etiam de industria ducem, si forte accensum tot indignitatibus cladibusque sociorum detrahere ad aequum certamen possit. Inter multitudinem sociorum Italici generis, qui ad Trasimenum capti ab Hannibale dimissique fuerant, tres Campani equites erant, multis iam tum illecti donis promissisque Hannibalis ad conciliandos popularium animos. Hi nuntiantes, si in Campaniam exercitum admovisset, Capuae potiendae copiam fore, quum res maior, quam auctores, esset, dubium Hannibalem, alternisque fidentem ac diffidentem, tamen, ut Campanos ex Samnio peteret, moverunt; monitos, ut etiam atque etiam promissa rebus affirmarent, iussosque, cum pluribus et aliquibus principum redire ad se, dimisit. Ipse imperat duci, ut se in agrum Casinatem ducat: edoctus a peritis regionum, si eum saltum occupasset, exitum Romano ad opem ferendam sociis interclusurum. Sed Punicum abhorrens ab Latinorum nominum prolatione, pro Casino Casilinum dux ut acciperet, fecit; aversusque ab suo itinere, per Allifanum, Calatinumque, et Calenum agrum, in campum Stellatam descendit: ubi quum montibus fluminibusque clausam regionem circumspexisset, vocatum ducem percunctatur, ubi terrarum esset? Quum is Casilini eo die mansurum eum dixisset, tum demum cognitus est error, et Casinum longe inde alia regione esse: virgisque caeso duce, et ad reliquorum terrorem in crucem sublato, castris communitis, Maharbalem cum equitibus in agrum Falernum praedatum dimisit. Usque ad aquas Sinuessanas populatio ea per-

2 Quum res maior, quam auctores, esset] Quum res maior esset, quam quanta erat auctoritas et potentia eorum qui ad eam aggrediendam hortabantur. CREV.

3 Monitos, ut etiam atque etiam promissa] Recte monet Gronovius legendum videri: *monitosque etiam atque etiam ut promissa*. CREV.

4 Sed Punicum] h. e. Punismus, Punica pronuntiatio, *abhorrens ab Latinorum nominum prolatione*, ut fere ap. Cic. pro Arch. 8. *Cordubae natis poetis pingue quiddam sonantibus atque peregrinum*. STR. Gronovius, quem secuti sunt Cler., Crev., Drak. et Bekker. post *abhorrens* inseruit *os*, et haec notavit: "Punicum hoc *os* est ipsius Hannibalis iubentis Casinum duci, eamque vocem ita pronuntiando trahentis, ut *dux* viarum Casilinum nuncupari putaret; est

enim proprium vitium Afrorum in pronuntiatione *Labdacismus*, si pro uno *L* duo pronuntientur, ut *Afri faciunt*: (v. Isidor. Orig. i. 30.) sed definitio haec nimis angusta; immititur enim et nonnullis naturali vitio, ubi promus non est." Ceterum de tota hac re nihil ap. Polyb. et Apian. *Casinum* vero est opp. extremum Volscorum et Latii septentrionalis trans Lirim; (h. Casino) et *Casilinum* in Campania mediterranea, ubi nunc *Capua* nova, ad utramque ripam Vulturni, per mediam urbem fluentis. RUP.

5 Aquas Sinuessanas] Prope Sinuessam aquae fuere celebres apud antiquos, ut apparet ex Plin. H. N. xxxi. 2. et Tac. Ann. xii. 66. et Hist. i. 72. Eas calidas fuisse demonstrat Silius, a quo dicitur *Sinuessa tepens*, viii. 528. CREV.

venit. Ingentem cladem, fugam tamen terroremque latius, U. C. 535.  
 Numidae fecerunt. Nec tamen is terror, quum omnia A. C. 217.  
 6 bello flagrarent, fide socios dimovit: videlicet quia iusto  
 et moderato regebantur imperio; nec abnuebant, quod  
 unum vinculum fidei est, melioribus parere.

Ut vero ad Vulturnum flumen castra sunt posita, exure- 14.  
 baturque amoenissimus Italiae ager, villaeque passim in-  
 cendiis fumabant, per iuga Massici montis Fabio ducente,  
 tum prope de integro seditio accensa. Quieverant enim Seditio in  
 per paucos dies; quia, quum celerius solito ductum agmen castris Fa-  
 7 fuisset, festinari ad prohibendam populationibus Campa- bii.  
 niam crediderant. Ut vero in extrema iuga Massici mon-  
 tis ventum est, hostesque sub oculis erant, Falerni agri  
 colonorumque Sinuessae tecta urentes, nec ulla erat mentio  
 pugnae, 'Spectatumne huc,' inquit Minucius, 'ut rem Minucii se-  
 'fruendam oculis, sociorum caedes et incendia, venimus? ditiosa ora-  
 'Nec, si nullius alterius nos, ne civium quidem horum tio.  
 'pudet, quos Sinuessam colonos patres nostri miserunt, ut  
 'ab Samnite hoste tuta haec ora esset: quam nunc non  
 'vicinus Samnis urit, sed Poenus advena, ab extremis orbis  
 'terrarum terminis, nostra cunctatione et socordia, iam huc  
 'progressus. Tantum, pro! degeneramus a parentibus  
 'nostris, ut, praeter quam oram illi Punicas vagari classes,  
 'dedecus esse imperii sui duxerint, eam nos nunc plenam  
 'hostium Numidarumque ac Maurorum iam factam videamus?  
 'Qui modo, Saguntum oppugnari indignando, non  
 'homines tantum, sed foedera et deos, ciebamus, scanden-  
 'tem moenia Romanae coloniae Hannibalem lenti specta-  
 'mus. Fumus ex incendiis villarum agrorumque in oculos  
 'atque ora venit; strepunt aures clamoribus plorantium  
 'sociorum, saepius nos, quam deorum invocantium opem.  
 'Nos hic pecorum modo per aestivos saltus deviasque calles  
 'exercitum ducimus, conditi nubibus silvisque. Si hoc  
 'modo peragrando cacumina saltusque M. Furius recipere  
 'a Gallis urbem voluisset, quo hic novus Camillus, nobis  
 'dictator unicus in rebus affectis quaesitus, Italiam ab Han-  
 'nibale recuperare parat, Gallorum Roma esset: quam  
 'vereor, ne, sic cunctantibus nobis, Hannibali ac Poenis  
 'toties servaverint maiores nostri. Sed vir, ac vere Roma-  
 7 nus, quo die, dictatorem eum ex auctoritate Patrum ius-  
 'suque populi dictum, Veios allatum est, quum esset satis  
 'altum Ianiculum, ubi sedens prospectaret hostem, descen-  
 'dit in aequum: atque illo ipso die media in urbe, qua

6 *Videlicet quia iusto*] In hanc sententiam Pol. iii. 90. accedit.

7 *Quo die . . . illo ipso die*] Ex rei veritate aliquot dies intercesserunt

inter commissam Camillo dictatoriam potestatem, et pugnam adversus Gallos. Sed praeproperi ingenii concinator celeritatem Camilli supra ve-

U. C. 535. 'nunc busta Gallica sunt, et postero die citra Gabios cecidit  
 A. C. 217. 'Gallorum legiones. Quid? post multos annos, quum ad  
 'Furculas Caudinas ab Samnite hoste sub iugum missi  
 'sumus, utrum tandem L. Papirius Cursor iuga Samnii  
 'perlustrando, an Luceriam premendo obsidendoque, et  
 'laccessendo victorem hostem, depulsum ab Romanis cervi-  
 'cibus iugum superbo Samniti imposuit? Modo C. Lu-  
 'tatio quae alia res, quam celeritas, victoriam dedit? quod  
 'postero die, quam hostem vidit, classem gravem com-  
 'meatibus, impeditam suomet ipsam instrumento atque ap-  
 'paratu, oppressit. Stultitia est, sedendo aut votis debel-  
 'lari credere posse. Armari copias oportet, deducendas in  
 'aequum, ut vir cum viro congrediari. Audendo atque  
 'agendo res Romana crevit, non his segnibus consiliis, quae  
 'timidi cauta vocant.' Haec velut concionanti Minucio  
 circumfundebatur tribunorum equitumque Romanorum  
 multitudo, et ad aures quoque militum dicta ferocia volve-  
 bantur: ac, si militaris suffragii res esset, haud dubie fere-  
 bant, Minucium Fabio duci praelaturos.

15. Fabius pariter, in suos haud minus quam in hostes in-  
 tentus, prius ab illis invictum animum praestat. Quanquam:  
 Fabius in cunctatione perstat. probe scit, non in castris modo suis, sed iam etiam Romae  
 infamem suam cunctationem esse, obstinatus tamen eodem  
 consiliorum tenore aestatis reliquum extrahit: ut Hannibal,  
 destitutus ab spe summopere petiti certaminis, iam hibernis  
 locum circumspectaret: quia ea regio praesentis erat copiae,  
 non perpetuae, arbusta vineaeque, et consita omnia magis  
 amoenis, quam necessariis fructibus. Haec per explora-  
 tores relata Fabio. Quum satis sciret, per easdem angus-  
 tias, quibus intraverat Falernum agrum, rediturum, Calli-  
 culam montem et Casilinum occupat modicis praesidiis;  
 quae urbs, Vulturno flumine dirempta, Falernum ac Cam-  
 panum agros dividit: ipse iugis iisdem exercitum reducit,  
 misso exploratum cum quadringentis equitibus sociorum  
 L. Hostilio Mancino. Qui ex turba iuvenum audientium  
 saepe ferociter concionantem magistrum equitum, progres-  
 sus primo exploratoris modo, ut ex tuto specularetur hos-

Mancinus  
 caesus.

rum exauget, ut maiore invidia one-  
 ret Fabii cunctationem. CREV. cf.  
 supr. v. 48.

8 *Ad Furculas Caudinas*] cf. Supr.  
 ix. 5, 6.

9 *Modo C. Lutatius*] Bello Punico  
 primo, intervallo xxvi. annorum. cf.  
 Pol. i. 60, 61.

1 *Haud dubie ferebant*] Prae se  
 ferebant, iactabant. cf. supr. xxi. 41.

2 *Prius ab illis*] Primum certa-

men erat Fabio cum suis; et, quo se  
 invictum praestaret ab hostibus, prius  
 necesse erat, ut se invictum praestaret  
 a suis. Codices *aliis*, sed *illis* ex  
 emend. Gronov. edd. omnes probant.

3 *Praesentis erat copiae, non per-  
 petuae*] Ea regio in praesens aestatis  
 tempus, non in totum annum submi-  
 nistrare poterat ea, quae alendo exer-  
 citui necessaria erant. CREV.

tem, ubi vagos passim per vicos Numidas vidit, per occa- U. C. 535.  
sionem etiam paucos occidit. Extemplo occupatus certa- A. C. 217.  
mine est animus, excideruntque praecepta dictatoris; qui,  
quantum tuto posset, progressum prius recipere sese iusse-  
rat, quam in conspectum hostium veniret. Numidae, alii  
atque alii occursantes refugientesque, ad castra prope ipsum  
cum fatigatione equorum atque hominum pertraxere. Inde  
Carthalo, penes quem summa equestri imperii erat, conci-  
tatis equis invecus, quum prius, quam ad coniectum teli  
veniret, avertisset hostem, quinque millia ferme continenti  
cursu secutus est fugientes. Mancinus, postquam nec hos-  
tem desistere sequi, nec spem vidit effugieñdi esse, cohor-  
tatus suos in proelium rediit, omni parte virium impar.  
Itaque ipse, et delecti equitum, circumventi occiduntur:  
ceteri effuso rursus cursu Cales primum, inde prope inviis  
callibus ad dictatorem perfugerunt.

Eo forte die Minucius se coniunxerat Fabio, missus ad  
firmandum praesidio saltum, qui super Tarracinam, in artas  
4 coactus fauces, imminet mari, ne, immunito Appiae limite,  
Poenus pervenire in agrum Romanum posset. Coniunctis  
exercitibus dictator ac magister equitum castra in viam  
deferunt, qua Hannibal ducturus erat. Duo inde millia  
hostes aberant. Postero die Poeni, quod viae inter bina 16.  
castra erat, agmine complevere. Quum Romani sub ipso Equestre  
constitissent vallo, haud dubie aequiore loco, successit certamen.  
5 tamen Poenus cum expeditis equitibus, atque ad lacessen-  
dum hostem carptim et procursando recipiendoque sese  
pugnare. Restitit suo loco Romana acies. Lenta pugna  
et ex dictatoris magis, quam Hannibalis, fuit voluntate.  
Ducenti ab Romanis, octingenti hostium cecidere.

Inclusus inde videri Hannibal, via ad Casilinum obsessa: Inclusus  
quum Capua et Samnium, et tantum ab tergo divitum so- Hannibal  
ciorum Romanis commeatus subveheret; Poenus contra se explicat  
inter Formiana saxa ac Literni arenas stagnaque perhorrida arte.  
situ hibernaturus esset. Nec Hannibalem fefellit, suis se  
artibus peti. Itaque, quum per Casilinum evadere non  
6 posset, petendique montes et iugum Calliculae superandum  
esset; necubi Romanus inclusum vallibus agmen aggrede-  
retur, ludibrium oculorum, specie terribile, ad frustrandum  
hostem commentus, principio noctis furtim succedere ad

4 *Immunito Appiae limite*] Si limes Appiae viae, ferens ab Tarracina in Romanum agrum, munitus praesidio non esset. CREV. Ceterum ab *Sinuessa* ex emend. Gronov. pro *immunito* reposuit Bekker.

5 *Ad lacessendum hostem carptim*]

Pro *carptim* Bekkerus *capti impetus* ex emend. Gronov. reposuit.

6 *Iugum Calliculae*] Quod Faler- num agrum a septentrione claudit, et supra quem est Campus Stellatia. RUP.

U. C. 535.  
A. C. 217.  
Boves accensis cornibus.

- montes statuit. Fallacis consilii talis apparatus fuit. Faces undique ex agris collectae, fascisque virgarum atque arida sarmenta praeligantur cornibus boum, quos domitos indomitosque multos inter ceteram agrestem praedam agebat. Ad duo millia ferme boum effecta: Hasdrubalique negotium datum, ut primis tenebris noctis id armentum accensis cornibus ad montes ageret; maxime, si posset, super saltus ab hoste insessos. Primis tenebris silentio mota castra; boves aliquanto ante signa acti. Ubi ad radices montium viasque angustas ventum est, signum extemplo datur, ut accensis cornibus armenta in adversos concitentur montes. Et metus ipse relucens flammae ex capite, calorque, iam ad vivum, ad imaque cornuum adveniens, velut stimulos furore agebat boves. Quo repente discursu, haud secus quam silvis montibusque accensis, omnia circum virgulta ardere: capitumque irrita quassatio, excitans flammam,<sup>7</sup> hominum passim discurrentium speciem praebebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, praesidio excessere; qua minime densae micabant flammae, velut tutissimum iter, petentes summa montium iuga, tamen in quosdam boves palatos ab suis gregibus inciderunt. Et primo, quum procul cernerent, veluti flammam spirantium miraculo attoniti constiterunt: deinde, ut humana apparuit fraus, tum vero insidias rati esse, dum maiore metu concitant se in fugam, levi quoque armaturae hostium incurrere. Ceterum nox aequato timore neutros pugnam incipientes ad lucem tenuit. Interea, toto agmine Hannibal transducto per saltum, et quibusdam in ipso saltu hostium oppressis, in agro Allifano posuit castra.
18. Hunc tumultum sensit Fabius. Ceterum et insidias esse ratus, et ab nocturno utique abhorrens certamine, suos munimentis tenuit. Luce prima sub iugo montis proelium fuit; quo interclusam ab suis levem armaturam facile (etenim numero aliquantum praestabant) Romani superassent, nisi Hispanorum cohors, ad id ipsum remissa ab Hannibale, praevenisset. Ea assuetior montibus, et ad concursandum inter saxa rupesque aptior ac levior, quum velocitate corporum, tum armorum habitu, campestem hostem, gravem armis statariumque, pugnae genere facile elusit. Ita haudquaquam pari certamine digressi, Hispani fere

Leve  
proelium.

<sup>7</sup> *Capitumque irrita quassatio*] Dum frustra exoutere ignem moliantur. Haec emendatio loci in omnibus mss. imprimis corrupti I. Fr. Gronov. debetur.

<sup>8</sup> *Praesidio excessere*] h. e. Statio-

nem, ubi in praesidio locati fuerunt, reliquerunt. DOER.

<sup>9</sup> *Remissa ab Hannibale, praevenisset*] Vulgo *pervenisset*, pro quo reponendum *supervenisset* coniecit Gronov. et probat Bekker.

omnes incolumes, Romani, aliquot suis amissis, in castra U. C. 535.  
contenderunt. A. C. 217.

Fabius quoque movit castra: transgressusque saltum super Allifas, loco alto ac munito consedit. Tum, per Samnium Romam se petere simulans, Hannibal usque in Pelignos populabundus rediit. Fabius medius inter hostium agmen urbemque Romam iugis ducebat; nec absistens, nec congregiendi. Ex Pelignis Poenus flexit iter, 1 retroque Apuliam repetens, Geronium pervenit, urbem metu, quia collapsa ruinis pars moenium erat, ab suis desertam. Dictator in Larinate agro castra communiit. Inde 2 sacrorum causa Romam revocatus, non imperio modo, sed Dictator it Romam. consilio etiam, ac prope precibus agens cum magistro equitum, 'ut plus consilio, quam fortunae, confidat: et se potius 3 'ducem, quam Sempronium Flaminiumque, imitetur. Ne 'nihil actum censeret, extracta prope aestate per ludificationem hostis. Medicos quoque plus interdum quiete, 'quam movendo atque agendo, proficere. Haud parvam 'rem esse, ab toties victore hoste vinci desisse, et ab continuis cladibus respirasse.' Haec nequicquam praemonito magistro equitum, Romam est profectus.

Principio aestatis, qua haec gerebantur, in Hispania quoque terra marique coeptum bellum est. Hasdrubal ad eum 19. Res gestae in Hispania. navium numerum, quem a fratre instructum paratumque acceperat, decem adiecit: quadraginta navium classem Himilconi tradidit: atque ita Carthagine profectus navibus prope terram, exercitum in litore ducebat, paratus configere, quacunque parte copiarum hostis occurrisset. Cn. Scipioni, postquam movisse ex hibernis hostem audivit, primo idem consilii fuit: deinde, minus terra, propter ingentem famam novorum auxiliorum, concurrere ausus, 4 delecto milite ad naves imposito, quinque et triginta navium classe ire obviam hosti pergit. Altero ab Tarracone die ad stationem, decem millia passuum distantem ab ostio Iberi amnis, pervenit. Inde duae Massiliensium speculatoriae

1 *Geronium pervenit*] Apuliae urbem: (*castellum Apuliae inops* dicitur infr. 39.) nam ibi et Luceriae magnam frumenti copiam esse audiverat. cf. Schweigh. ad Polyb. iii. 100. et Appian. Hannib. 15. RUP.

2 *Ac prope precibus agens*] Pendet oratio, nec concluditur nisi post absolutam totam Fabii oratiunculam, his nempe verbis, *Romam est profectus*. Vide similiter interpositam duobus unius periodi membris orationem, supr. v. 24. CREV.

3 *Extracta prope aestate per ludificationem hostis*] Sigonius maluerat

*exacta*, et ei obtemperaverant editores. Sed pro ea lectione quam revocamus, stat sermonis elegantia et proprietates: stant quoque plurimi et optimi codices Gronovio inspecti, et unus e nostris. CREV.

4 *Delecto milite ad naves imposito*] Bene monet Gronov. non iungendum esse *ad naves imposito*, sed *milite ad naves delecto*. cf. Pol. iii. 95. Similiter ap. Thucyd. viii. 24. ἐπιβάται τῶν ὀπλιτῶν ἐκ καταλόγου navibus Atheniensibus extra ordinem impositi sunt.



U. C. 535. praemissae retulerunt, classem Punicam stare in ostio  
 A. C. 217. fluminis, castraque in ripa posita. Itaque, ut improvidos incautosque universo simul offuso terrore opprimeret, sub-<sup>5</sup> latis ancoris ad hostem vadit. Multas et locis altis positas turres Hispania habet, quibus et speculis et propugnaculis adversus latrones utuntur. Inde primo, conspectis hostium navibus, datum signum Hasdrubali est; tumultusque prius in terra et castris, quam ad mare et ad naves, est ortus, nondum aut pulsu remorum strepituque alio nautico ex-  
 audito, aut aperientibus classem promontoriis: quum repente eques, alius super alium ab Hasdrubale missus, vagos in litore quietosque in tentoriis suis, nihil minus quam hos-  
 tem aut proelium eo die expectantes, conscendere naves propere atque arma capere iubet: classem Romanam iam haud procul portu esse. Haec equites dimissi passim im-  
 perabant. Mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, fugientium magis e terra, quam in pugnam euntium modo. Vixdum omnes conscenderant, quum alii, resolutis oris, in ancoras evehuntur: alii, ne<sup>6</sup> quid teneat, ancoralia incidunt: raptimque omnia praepro-  
 pere agendo, militum apparatu nautica ministeria impedi-  
 untur, trepidatione nautarum capere et aptare arma miles prohibetur. Et iam Romanus non appropinquabat modo, sed direxerat etiam in pugnam naves. Itaque non ab hoste et proelio magis Poeni, quam suomet ipsi tumultu turbati, tentata verius pugna, quam inita, in fugam averterunt clas-  
 sem. Et quum adversi amnis os lato agmine ac tam multis simul venientibus haud sane intrabile esset, in litus passim naves egerunt: atque alii vadis, alii sicco litore excepti, partim armati, partim inermes, ad instructam per litus aciem suorum perfugere. Duae tamen primo concursu  
 20. captae erant Punicae naves, quattuor suppressae. Romani, quanquam terra hostium erat, armatamque aciem toto praetentam in litore cernebant, haud cunctanter insecuti trepidam hostium classem, naves omnes, quae non aut per-  
 fregerant proras litore illisas, aut carinas fixerant vadis, re-<sup>7</sup> ligatas puppibus in altum extraxere: ad quinque et viginti naves ex quadraginta cepere.

Classis Pu-  
 nica in fu-  
 gam versa.

Neque id pulcherrimum eius victoriae fuit, sed quod una

<sup>5</sup> *Offuso terrore*] *Offuso* emendavit Walchius. Vulgo *effuso* legitur.

<sup>6</sup> *Resolutis oris*] *Orae* retinacula erant quibus puppis littori alligabatur, *anchorae* autem de prora missae sunt. Hinc naves plerumque duplici vin-  
 culo tenebantur, ita ut puppis in lit-  
 tus versa sit, prora altum spectaret,

unde *resolutis oris*, necdum levatis anchoris, naves in anchoras evectae sint, et hostium impetus puppibus ex-  
 ciperent.

<sup>7</sup> *Religatas puppibus*] cf. Thucyd. i. 50. Pol. iii. 96. *Quadraginta* pro *triginta* emendavit Sigonius.



8 levi pugna toto eius orae mari potiti erant. Itaque ad Ho- U. C. 535.  
 noscam classe provecti, exscensione ab navibus in terram A. C. 217.  
 facta, quum urbem vi cepissent, captamque diripuissent,  
 Carthaginem inde petunt: atque, omnem agrum circa de-  
 populati, postremo tecta quoque coniuncta muro portisque  
 9 incenderunt. Inde iam praeda gravis ad Longunticam  
 pervenit classis: ubi vis magna sparti ad rem nauticam con-  
 gesta ab Hasdrubale. Quod satis in usum fuit, sublato,  
 ceterum omne incensum est. Nec continentis modo pro- Ebusus in-  
 iectas oras praetervecta, sed in Ebusum insulam transmissum. sula direp-  
 Ubi urbe, quae caput insulae est, biduum nequicquam ta.  
 summo labore oppugnata, ubi in spem irritam frustra teri  
 tempus animadversum est, ad populationem agri versi,  
 direptis aliquot incensisque vicis, maiore, quam ex conti-  
 nenti, praeda parta, quum in naves se recepissent, ex Bali-  
 aribus insulis legati pacem petentes ad Scipionem venerunt.  
 Inde flexa retro classis, reditumque in citeriora provinciae;  
 quo omnium populorum, qui cis Iberum incolunt, multorum  
 et ultimae Hispaniae legati concurrerunt. Sed qui vere  
 ditionis imperiique Romani facti sunt, obsidibus datis,  
 populi, amplius fuerunt centum viginti. Igitur terrestribus  
 1 quoque copiis satis fidens Romanus usque ad saltum Castu-  
 lonensem est progressus. Hasdrubal in Lusitaniam ac pro-  
 prius Oceanum concessit.

Quietum inde fore videbatur reliquum aestatis tempus, 21.  
 fuissetque per Poenum hostem; sed, praeterquam quod  
 ipsorum Hispanorum inquieta avidaque in novas res sunt  
 2 ingenia, Mandonius Indibilisque, qui antea Ilergetum re-  
 gulus fuerat, postquam Romani ab saltu recessere ad mari-  
 timam oram, concitis popularibus, in agrum pacatum  
 sociorum Romanorum ad populandum venerunt. Adversus  
 3 eos tribunus militum cum expeditis auxiliis, a Scipione

8 *Ad Honoscam*] Quam urbem, non aliis memoratam, in Tarracon. Hispania inter Carthaginem novam et Iberum sitam fuisse putant. RUP. Ceterum *Etovisam* coniecit I. Gronov. et *Onusam* reposuit Bekker.

9 *Ad Longunticam*] Urbem non aliunde notam. *Ubi vis magna sparti*, quod *spartum* Graecis dicitur frutex, inpr. genista, at Romanis iuncus Hispanicus, cuius maxima erat copia in campis Carthagini novae vicinis; unde ea quoque *Spartaria* et *Ξραπρayerhs* dicta. RUP. De multiplice huius herbae usu cf. Plin. H. N. xix. 2. xxiv. 9. Inter alia funes e sparto parabantur, quos Plinius *praecipue in aquis marique invictos* ap-

pellat. cf. infr. xxvi. 47.

1 *Saltum Castulonensem*] Ad ripas Boetis fluminis prope Castulonem Oretanorum urbem maximam. De quo Asinius Pollio in Cic. Epist. ad Div. x. 31. *Saltus Castulonensis, qui semper tenuit nostros tabellarios, etsi nunc frequentioribus latrociniiis infestior factus est.*

2 *Antea*] Antequam Ilergetum gens sub ius ditionemque Romanorum redigeretur a Cn. Scipione, quod memoratum est supr. xxi. 61. CREV.

3 *Auxiliis*] Copiis auxiliaribus, quae non Romanae nec Latinae essent, sed ex aliis gentibus quae se adiunxerant Romanis. CREV.

U. C. 535. missi, levi certamine, ut tumultuariam manum, fudere  
 A. C. 217. omnes; occisis quibusdam captisque, magna pars armis exuta.  
 Hic tamen tumultus cedentem ad Oceanum Hasdrubalem  
 cis Iberum ad socios tutandos retraxit. Castra Punica in  
 agro Ilercaonensium, castra Romana ad Novam Classem<sup>4</sup>  
 erant, quum fama repens alio avertit bellum. Celtiberi,  
 qui principes regionis suae legatos miserant, obsidesque de-  
 derant Romanis, nuntio misso a Scipione exciti, arma capiunt,  
 provinciamque Carthaginensium valido exercitu invadunt:  
 tria oppida vi expugnant. Inde, cum ipso Hasdrubale  
 duobus proeliis egregie pugnantes, quindecim millia hostium  
 occiderunt, quattuor millia cum multis militaribus signis  
 capiunt.

Celtiberi  
 arma ad-  
 versus Poe-  
 nos capi-  
 unt.

22. Hoc statu rerum in Hispania, P. Scipio in provinciam<sup>5</sup>  
 venit, prorogato post consulatum imperio ab senatu missus,  
 cum viginti longis navibus, et octo millibus militum, magno-  
 que commeatu advecto. Ea classis ingens agmine onerari-  
 arum procul visa, cum magna laetitia civium sociorumque,  
 portum Tarraconis ex alto tenuit. Ibi milite exposito, pro-<sup>6</sup>  
 fectus Scipio fratri se coniungit: ac deinde communi animo  
 consilioque gerebant bellum. Occupatis igitur Carthagini-  
 ensibus Celtiberico bello, haud cunctanter Iberum trans-  
 grediuntur; nec ullo viso hoste, Saguntum pergunt ire,  
 quod ibi obsides totius Hispaniae custodiae traditos ab  
 Hannibale fama erat modico in arce custodiri praesidio.  
 Id unum pignus inclinatos ad Romanam societatem omnium  
 Hispaniae populorum animos morabatur, ne sanguine liberum  
 suorum culpa defectionis lueretur. Eo vinculo Hispaniam vir  
 unus, sollerti magis quam fideli consilio, exsolvit. Abelux  
 erat Sagunti nobilis Hispanus, fidus ante Poenis: tum  
 (qualia plerumque sunt barbarorum ingenia) cum fortuna  
 mutaverat fidem. Ceterum, transfugam, sine magnae rei  
 proditione venientem ad hostes, nihil aliud quam unum vile  
 atque infame corpus esse ratus, id agebat, ut quam maximum  
 emolumentum novis sociis esset. Circumspectis igitur  
 omnibus, quae fortuna potestatis eius poterat facere, obsidi-  
 bus potissimum tradendis animum adiecit: eam unam rem  
 maxime ratus conciliaturam Romanis principum Hispaniae  
 amicitiam. Sed quum, iniussu Bostaris praefecti, satis  
 sciret, nihil obsidum custodes facturos esse, Bostarem ipsum

Obsides  
 Hispano-  
 rum Sa-  
 gunti.

Eos Abe-  
 lux tradit  
 Romanis.

<sup>4</sup> *Ad Novam Classem*] Urbem quan-  
 dam hic intelligendam esse patet, sed  
 de nomine eius ambigitur. Urbem  
*Classicam*, de qua Plinius H. N. iii. 4.  
 mentionem facit, Strothius hic innui  
 suspicatur. Ceterum de iis, quae in  
 hoc capite narrantur, silet Polybius  
 iii. 96.

<sup>5</sup> *P. Scipio*] Qui primus cum Han-  
 nibale pugnaverat, et cui post con-  
 sulatum imperium prorogatum erat.  
 STROTH.

<sup>6</sup> *Portum Tarraconis ex alto te-  
 nuit*] De hac loquendi formula cf.  
 supr. i. 1. infr. xxxvii. 11.

arte aggreditur. Castra extra urbem in ipso litore habebat U. C. 535.  
 7 Bostar, ut aditum ea parte intercluderet Romanis. Ibi eum A. C. 217.  
 in secretum abductum, velut ignorantem, monet, quo statu  
 sit res. ‘Metum continuisse ad eam diem Hispanorum  
 ‘animos, quia procul Romani abessent: nunc cis Iberum  
 ‘castra Romana esse, arcem tutam perfugiumque novas  
 ‘volentibus res. Itaque, quos metus non teneat, beneficio  
 ‘et gratia devinciendos esse.’ Miranti Bostari percunctan-  
 tique, quodnam id subitum tantae rei donum possit esse?  
 ‘Obsides,’ inquit, ‘in civitates remitte. Id et privatim  
 ‘parentibus, quorum maximum nomen in civitatibus est  
 ‘suis, et publice populis gratum erit. Vult sibi quisque  
 ‘credi, et habita fides ipsam plerumque obligat fidem.  
 ‘Ministerium restituendorum domos obsidum mihi met de-  
 ‘posco ipse, ut opera quoque impensa consilium adiuvem  
 ‘meum, et rei suapte natura gratae, quantam insuper gratiam  
 8 ‘possim, adiiciam.’ Homini, non ad cetera Punica ingenia  
 callido, ut persuasit, nocte clam progressus ad hostium  
 stationes, conventis quibusdam auxiliaribus Hispanis, et ab  
 iis ad Scipionem perductus, quid afferret, expromit. Fide  
 accepta dataque, ac loco et tempore constituto ad obsides  
 tradendos, Saguntum redit; diem insequentem absumpsit  
 cum Bostare, mandatis ad rem agendam accipiendis.  
 Dimissus, quum se nocte iturum, ut custodias hostium fal-  
 leret, constituisset, ad compositam cum iis horam excitatis  
 custodibus puerorum profectus, veluti ignarus in praeparatas  
 sua fraude insidias ducit. In castra Romana perducti: In castra  
 Romana perductos  
 suis reddit  
 Scipio.  
 cetera omnia de reddendis obsidibus, sicut cum Bostare  
 constitutum erat, acta per eundem ordinem, quo si Cartha-  
 giniensium nomine sic ageretur. Maior aliquanto Roma-  
 norum gratia fuit in re pari, quam quanta futura Cartha-  
 giniensium fuerat. Illos enim, graves superbosque in rebus  
 secundis expertos, fortuna et timor mitigasse videri poterat.  
 Romanus primo adventu, incognitus ante, ab re clementi  
 liberalique initium fecerat: et Abelux, vir prudens, haud  
 frustra videbatur socios mutasse. Itaque ingenti consensu  
 defectionem omnes spectare: armaque extemplo mota  
 forent, ni hiems, quae Romanos quoque et Carthaginenses  
 concedere in tecta coegit, intervenisset.

Haec in Hispania quoque secunda aestate Punici belli 23.  
 gesta, quum in Italia paullum intervalli cladibus Romanis  
 sollers cunctatio Fabii fecisset: quae ut Hannibalem non  
 mediocri sollicitum cura habebat, tandem eum militiae

7 *Ut aditum ea parte ... Romanis]*  
*Aditum ex portu* Crev. et Bekker.  
*servant.*

8 *Ad cetera Punica ingenia cal-*  
*lido]* Homini non tam callido quam  
*solent esse Punica ingenia.* CREV.

U. C. 535. magistrum delegisse Romanos cernentem, qui bellum  
 A. C. 217. ratione, non fortuna, gereret; ita contempta erat inter cives,  
 Fabii armatos pariter togatosque; utique postquam, absente eo,  
 cunctatio temeritate magistri equitum, laeto verius dixerim, quam  
 Romae in- prospero eventu, pugnatum fuerat. Accesserant duae res  
 visa. ad augendam invidiam dictatoris: una fraude ac dolo  
 Hannibalis  
 dolus ad  
 augendam  
 invidiam  
 dictatoris. Hannibalis, quod, quum a perfugis ei monstratus ager dic-  
 tatoris esset, omnibus circa solo aequatis, ab uno eo ferrum  
 ignemque et vim omnem hostium abstineri iussit, ut occulti  
 alicuius pacti ea merces videri posset: altera ipsius facto,  
 primo forsitan dubio, quia non expectata in eo senatus  
 auctoritas est; ad extremum haud ambigue in maximam  
 laudem verso, in permutandis captivis: quod, sicut primo  
 Punico bello factum erat, convenerat inter duces Romanum  
 Poenumque, ut, quae pars plus reciperet, quam daret,  
 Fabius pe- argenti pondo bina et selibras in militem praestaret. Du-  
 cunia sua centos quadraginta septem quum plures Romanus, quam  
 captivos Poenus, recepisset, argentumque pro iis debitum, saepe iac-  
 redimit. tata in senatu re, quoniam non consulisset Patres, tardius  
 erogaretur: inviolatum ab hoste agrum, misso Romam  
 Quinto filio, vendidit, fidemque publicam impendio privato  
 exsolvit.

24. Hannibal pro Geronii moenibus, cuius urbis, captae at-  
 que incensae ab se, in usum horreorum pauca reliquerat  
 tecta, in stativis erat. Inde frumentatum duas exercitus  
 partes mittebat: cum tertia ipse expedita in statione erat,  
 simul castris praesidio, et circumspectans, necunde impetus  
 in frumentatores fieret. Romanus tunc exercitus in agro  
 Larinati erat. Praeerat Minucius magister equitum, pro-  
 fecto, sicut ante dictum est, ad urbem dictatore. Ceterum  
 castra, quae in monte alto ac tuto loco posita fuerant, iam  
 in planum deferuntur: agitabanturque pro ingenio ducis  
 consilia calidiora, ut impetus aut in frumentatores palatos,  
 aut in castra, relictis cum levi praesidio, fieret. Nec Han-  
 nibalem fefellit, cum duce mutatam esse belli rationem, et  
 ferocius, quam consultius, rem hostes gesturos. Ipse autem,  
 (quod minime quis crederet) quum hostis propius esset,<sup>2</sup>

Eo absente  
 Minucius  
 rem non  
 improspere  
 gerit.

<sup>8</sup> *Abstineri iussit*] cf. Similis do-  
 lus ap. Thucyd. ii. 13.

<sup>9</sup> *Argenti pondo bina et selibras*] De hac summa Hannibal, captivis abundans, aliquid remisit post victoriam ad Cannas, si A. Gellio vii. 18. fides habenda sit, qui tradit, eum argenti pondo et selibras pactum esse. cf. infr. 58. RUP.

<sup>1</sup> *Fidemque publicam*] Quod rei-publicae nomine debebatur hostibus, privata sua pecunia exsolvit. CREV.

<sup>2</sup> *Quod minime quis crederet*] Cur autem quisquam aegre credat eum ducem qui, hoste procul dissito, duas militum partes frumentatum mittebat, postquam propius accessit hostis, iam solummodo tertiam partem militum misisse. Omnino haec parenthesi parum digna Livio videtur, et aut corrupta, aut etiam penitus tollenda. Neque enim simile quicquam reperitur apud Polybium, quem hic sequitur Livius. Ceterum de toto hoc ne-

tertiam partem militum frumentatum, duabus in castris re- U. C. 535.  
tentis, dimisit: dein castra ipsa propius hostem movit, duo A. C. 217.  
ferme a Geronio millia, in tumulum hosti conspectum; ut  
intentum sciret esse ad frumentatores, si qua vis fieret,  
tutandos. Propior inde ei, atque ipsis imminens Roma-  
norum castris tumulus apparuit: ad quem capiendum si  
luce palam iretur, quia haud dubie hostis breviora via  
3 praeventurus erat, nocte clam missi Numidae ceperunt.  
Quos tenentes locum, contempta paucitate, Romani postero  
die quum deiecissent, ipsi eo transferunt castra. Tum ita-  
que, ut exiguum spatii vallum a vallo aberat, et id ipsum  
4 totum prope compleverat Romana acies, simul et per aversa  
castra a castris Hannibalis equitatus, cum levi armatura  
emissus in frumentatores, late caedem fugamque hostium  
palatorum fecit. Nec acie certare Hannibal ausus; quia  
tanta paucitate vix castra, si oppugnarentur, tutari poterat.  
5 Iamque artibus Fabii, (pars exercitus aberat) iam ferme se-  
dendo et cunctando bellum gerebat, receperatque suos in  
priora castra, quae pro Geronii moenibus erant. Iusta  
quoque acie et collatis signis dimicatum, quidam auctores  
sunt. Primo concursu Poenum usque ad castra fusum,  
inde eruptione facta repente versum terrorem in Romanos:  
Num. Decimii Samnitis deinde interventu proelium resti-  
tutum. Hunc, principem genere ac divitiis non Boviani  
6 modo, unde erat, sed toto Samnio, iussu dictatoris octo  
millia peditum, et equites quingentos ducentem in castra,  
ab tergo quum apparuisset Hannibali, speciem parti utrique

gotio operae pretium est accuratissi-  
mum illum scriptorem consulere, qui  
rem distinctius et apertius narrat, in  
hunc fere modum. Postquam Minu-  
cius in tumulum illum unde Numidas  
deiecerat, castra transtulit, Hannibal  
aliquamdiu maximam partem mili-  
tum in castris tenuit. Verum post  
aliquot dies coactus est partim fru-  
mentatum, partim ad pecora pascenda  
quamplurimos dimittere. Quod quum  
sensisset Minucius, ipse ad castra  
hostium cum legionibus successit:  
equitatum et levem armaturam in pa-  
bulatores emisit. Hannibali neque ad  
certandum acie satis virium erat, ne-  
que ad opem palatis per agros suis  
ferendam. Iamque vellebant vallum  
hostium Romani, quum Hasdrubal,  
collectis frumentatoribus qui Gero-  
nium refugerant ad quattuor millia,  
auxilium Hannibali iam prope ob-  
sesso in castris tulit. Tum Romani  
abcedere coacti sunt, multis tamen  
hostium ad castra caesis. Frumen-  
tatorum maior etiam caedes fuit.

Postero die Hannibal in priora castra,  
quae pro Geronii moenibus erant, re-  
cepit suos: ac postea parcius et cau-  
tius pabulati sunt Carthaginenses.  
Haec ideo attexuimus, quia Liviana  
narratio paullo obscurior est, nec pa-  
rum ei lucis ex his videtur afferri.  
CREV.

3 *Ceperunt*] Hanc vocem non sine  
ratione delendam censet Gronovius.  
STROTH. cf. Pol. iii. 101.

4 *Per aversa castra a castris Han-  
nibalis*] Per portam castrorum Ro-  
manorum, quae erat aversissima a  
castris Hannibalis. Postrema haec  
verba *a castris Hannibalis* non sine  
causa videntur Gronovio recidenda,  
tanquam supervacanea. CREV.

5 *Pars exercitus aberat*] Haec ver-  
ba post *tanta paucitate* inserenda cen-  
set Crev., sed *dum pars exercitus ab-  
erat* legendum suadet Stroth. qui Li-  
vium minime rem eandem tertium in-  
culcasse sibi persuasum habet.

6 *Octo millia*] Duas scilicet le-  
giones. cf. Niebhr. ii. n. 174.

U. C. 535. praebuisse novi praesidii, cum Q. Fabio ab Roma venientis:  
 A. C. 217. Hannibalem insidiarum quoque aliquid timentem recepisse  
 suos: Romanum insecutum, adiuvante Samnite, duo ca-  
 stella eo die expugnasse: sex millia hostium caesa, quinque  
 admodum Romanorum: tamen in tam pari prope clade  
 famam egregiae victoriae cum vanioribus literis magistri  
 equitum Romam perlatam.

25. De his rebus persaepe et in senatu et in concione actum  
 est. Quum, laeta civitate, dictator unus nihil nec famae,  
 nec literis crederet; ut vera omnia essent, secunda se ma-  
 gis, quam adversa, timere diceret: tum M. Metilius tribu-  
 nus plebis, 'id enim ferendum esse' negat. 'Non prae-  
 sentem solum dictatorem obstitisse rei bene gerendae, sed  
 absentem etiam gestae obstare: et in ducendo bello sedulo  
 tempus terere, quo diutius in magistratu sit, solusque et  
 Romae et in exercitu imperium habeat. Quippe consulum  
 alterum in acie cecidisse; alterum, specie classis Punicae  
 persequendae, procul ab Italia ablegatum. Duos praetores  
 Sicilia atque Sardinia occupatos, quarum neutra hoc tem-  
 pore provincia praetore egeat. M. Minucium magistrum  
 equitum, ne hostem videret, ne quid rei bellicae gereret,  
 prope in custodiam habitum. Itaque, hercule, non Sam-  
 nium modo, quo iam, tanquam trans Iberum agro, Poenis  
 concessum sit, et Campanum, Calenumque, et Falernum  
 agros pervastatos esse, sedente Casilini dictatore, et legi-  
 onibus populi Romani agrum suum tutante. Exercitum  
 cupientem pugnare, et magistrum equitum, clausos prope  
 intra vallum retentos; tanquam hostibus captivis arma  
 adempta. Tandem, ut abscesserit inde dictator, ut obsi-  
 dione liberatos, extra vallum egressos fudisse ac fugasse  
 hostes. Quas ob res, si antiquus animus plebi Romanae  
 esset, audaciter se laturum fuisse de abrogando Q. Fabii  
 imperio: nunc modicam rogationem promulgaturum de  
 aequando magistri equitum et dictatoris iure; nec tamen  
 ne ita quidem prius mittendum ad exercitum Q. Fabium,  
 quam consulem in locum C. Flamini suffecisset.' Dicta-  
 tor concionibus se abstinuit, in actione minime populari.  
 Ne in senatu quidem satis aequis auribus audiebatur, tunc  
 quum hostem verbis extolleret, bienniique clades per teme-  
 ritatem atque inscientiam ducum acceptas referret: 'ma-  
 gistroque equitum, quod contra dictum suum pugnasset,

Oratio Me-  
 tilii Trib.  
 Pl. in Fa-  
 bium.

Fabius se  
 defendit  
 apud sena-  
 tum.

7 *Duos praetores*] T. Otacilium  
 Crassum et A. Cornelium Mammul-  
 lam. *Quarum*, optima haec emendatio  
 pro vulgato *quorum*.

8 *Quo iam . . . Poenis concessum  
 sit*] Concedere aeque ac cedere abla-

tivo iungi bene Drakenb. monuit.  
 STROTH.

9 *Ne ita quidem*] Ne aequato qui-  
 dem dictatoris et magistri equitum  
 imperio. CREV.



'rationem' diceret 'reddendam esse. Si penes se summa U. C. 535.  
 'imperii consiliiue sit, propediem effecturum, ut sciant A. C. 217.  
 'homines, bono imperatori haud magni fortunam momenti  
 1 'esse: mentem rationemque dominari. Se in tempore et  
 'sine ignominia servasse exercitum, quam multa millia hos-  
 'tium occidisse, maiorem gloriam esse.' Huius generis M. Atilius  
 orationibus frustra habitis, et consule creato M. Atilio <sup>suffectus</sup>  
 Regulo, ne praesens de iure imperii dimicaret, pridie quam <sup>Cos.</sup>  
 rogationis ferendae dies adesset, nocte ad exercitum abiit.  
 Luce orta, quum plebis concilium esset, magis tacita invidia  
 dictatoris favorque magistri equitum animos versabat, quam  
 satis audebant homines ad suadendum, quod vulgo place-  
 2 bat, prodire: et, favore superante, auctoritas tamen roga-  
 tioni deerat. Unus inventus est suasor legis C. Terentius <sup>C. Teren-</sup>  
 Varro, qui priore anno praetor fuerat, loco non humili <sup>tius Varro.</sup>  
 solum, sed etiam sordido, ortus. Patrem Ianium fuisse  
 3 ferunt, ipsum institorem mercis, filioque hoc ipso in servilia  
 eius artis ministeria usum. Is iuvenis, ubi ex eo genere  
 quaestus pecunia a patre relicta animos ad spem liberalioris  
 4 fortunae fecit, togaque et forum placuere, proclamando  
 5 pro sordidis hominibus causisque adversus rem et famam  
 bonorum, primum in notitiam populi, deinde ad honores  
 pervenit. Quaestura quoque et duabus aedilitatibus, ple-  
 beia et curuli, postremo et praetura perfunctus, iam ad con-  
 sulatus spem quum attolleret animos, haud parum callide  
 6 auram favoris popularis ex dictatoria invidia petiit, scitique  
 plebis unus gratiam tulit. Omnes eam rogationem, quique <sup>Aequatur</sup>  
 Romae, quique in exercitu erant, aequi atque iniqui, prae- <sup>dictatori</sup>  
 ter ipsum dictatorem, in contumeliam eius latam acceperunt. <sup>Mag. Equi-</sup>  
 Ipse, qua gravitate animi criminantes se ad multitudinem <sup>tum.</sup>  
 inimicos tulerat, eadem et populi in se saevientis iniuriam  
 7 tulit: acceptisque in ipso itinere literis senatusque consulto

26.

1 *In tempore*] i. e. Peropportuno.

2 *Favore superante, auctoritas ta-*  
*men*] Quamvis favor esset immodicus,  
 quamvis faverent impense et ultra mo-  
 dum rogationi homines, deerat tamen  
 qui se auctorem suasoremque ei roga-  
 tioni praeberet. CREV.

3 *Institorem mercis*] Institores ple-  
 rumque servi erant aut libertini, qui  
 domini vel patroni nomine singula-  
 tim merces in tabernis vendebant, aut  
 etiam ostiatim venales circumfere-  
 bant; interdum quoque ingenui sed  
 de faece plebis, quippe quum hoc ge-  
 nus mercaturae cive Romano indig-  
 nus haberetur. cf. Iuv. Sat. vii. 221.

4 *Togaque*] Vulgus enim et sordi-  
 dus popellus, quo ex genere ortus erat

Varro, in tunica incedebat: toga,  
 aut nunquam, aut perraro utebatur.  
 CREV.

5 *Proclamando*] Rabularum more  
 vociferando et altos clamores tollen-  
 do; unde *proclamatorem* ap. Cic. de  
 Or. i. 46. pro rabula habemus. DOER.

6 *Scitique plebis*] Cum solus fu-  
 isset suasor legis, etiam solus plebis-  
 cito facto eius rei gratiam tulit. RAS-  
 CHIG.

7 *Literis senatusque consulto*] Ita  
 Gronov. coniecit pro vulg. *senatus*  
*consulti*. Strothius autem *literis se-*  
*natus* scribit. Neque mirere senatus-  
 consulti mentionem fieri in re per  
 plebem transacta. Quum enim post  
 leges Horatiam et Hortensiam ple-



U. C. 535. de aequato imperio, satis fidens, haudquaquam cum imperii  
A. C. 217. iure artem imperandi aequatam, cum invicto a civibus hostibusque animo ad exercitum rediit.

27. Minucius vero, quum iam ante vix tolerabilis fuisset secundis rebus ac favore vulgi, tum utique immodice immodesteque, non Hannibale magis victo ab se, quam Q. Fabio, gloriari: 'Illum in rebus asperis unicum ducem ac parem quaesitum Hannibali, maiorem minori, dictatorem magistro equitum, quod nulla memoria habeat annalium, iussu populi aequatum in eadem civitate, in qua magistri equitum virgas ac secures dictatoris tremere atque horrere soliti sint. In tantum suam felicitatem virtutemque enituisse. Ergo secuturum se fortunam suam, si dictator in cunctatione ac segnitie, deorum hominumque iudicio damnata, perstaret.' Itaque, quo die primum congressus est cum Q. Fabio, 'statuendum omnium primum,' ait, 'esse, quemadmodum imperio aequato utantur. Se optimum ducere, aut diebus alternis, aut, si maiora intervalla placerent, partitis temporibus, alterius summum ius imperiumque esse: ut par hosti non solum consilio, sed viribus etiam esset, si quam occasionem rei gerendae habuisset.' Q. Fabio haudquaquam id placere: 'omnia enim fortunam habituram, quaecunque temeritas collegae habuisset. Sibi communicatum cum illo, non ademptum, imperium esse. Itaque se nunquam volentem parte, qua posset, rerum consilio gerendarum cessurum: nec se tempora aut dies imperii cum eo, exercitus divisurum, suisque consiliis, quoniam omnia non liceret, quae posset, servaturum.' Ita obtinuit, uti legiones, sicut consulibus mos esset, inter se dividerent. Prima et quarta Minucio, secunda et tertia Fabio evenerunt. Item equites pari numero, sociumque et Latini nominis auxilia diviserunt: castris se quoque separari magister equitum voluit.

Exercitus  
inter eos  
dividuntur.

28. Duplex inde Hannibali gaudium fuit: neque enim quicquam eorum, quae apud hostes agerentur, eum fallebat, et perfugis multa indicantibus, et per suos explorantem. Nam et liberam Minucii temeritatem se suo modo captaturum,

Duplex inde Hannibali gaudium.

biscita populum tenerent, Patres, inquit Gronovius, ut eluderent plebis auctoritatem, plebiscita senatusconsultis confirmare soliti erant.

8 *Secures dictatoris*] Papirii dictatura hic innui videtur. cf. supr. viii. 32 sqq.

9 *Deorum hominumque iudicio*] *Deorum*, qui sibi egregiam de Hannibale victoriam concessissent; *hominum*, qui sibi par cum dictatore im-

perium esse voluissent. CREV.

1 *Se nunquam volentem*] Se nunquam eam rerum consilio gerendarum partem, qua posset, sc. res consilio gerere, derelicturum esse. DOER.

2 *Exercitus divisurum*] Particulam sed more Liviano omissam esse monuit I. Gronov. cf. supr. iii. 71. non iuvenem, vicesima iam stipendia merentem.

3 *Se suo modo captaturum*] Occa-

et sollertiae Fabii dimidium virium decessisse. Tumulus U. C. 535.  
 erat inter castra Minucii Poenorumque. Eum qui occu- A. C. 217.  
 passet, haud dubie iniquiorem erat hosti locum facturus.  
 Eum non tam capere sine certamine volebat Hannibal,  
 (quanquam id operae pretium erat) quam causam certami-  
 nis cum Minucio, quem semper occursurum ad obsistendum  
 satis sciebat, contrahere. Ager omnis medius erat prima  
 specie inutilis insidiatori, quia non modo silvestre quic-  
 quam, sed ne vepribus quidem vestitum habebat: re ipsa  
 natus tegendis insidiis, eo magis quod in nuda valle nulla  
 talis fraus timeri poterat: et erant in anfractibus cavae  
 rupes, ut quaedam earum ducenos armatos possent capere.  
 In has latebras, quot quemque locum apte insidere pote- Insidiae.  
 rant, quinque millia conduntur peditum equitumque.  
 Necubi tamen aut motus alicuius temere egressi, aut fulgor  
 armorum fraudem in valle tam aperta detegeret: missis  
 paucis prima luce ad capiendum, quem ante diximus, tu-  
 mulum, avertit oculos hostium. Primo statim conspectu  
 contempta paucitas: ac sibi quisque deposcere pellendos  
 4 inde hostes. Ad locum capiendum dux ipse inter stolidis-  
 simos ferocissimosque ad arma vocat; et vanis animis et  
 5 minis increpat hostem. Principio levem armaturam dimit-  
 tit, deinde conferto agmine mittit equites: postremo, quum  
 hostibus quoque subsidia mitti videret, instructis legionibus  
 6 procedit. Et Hannibal, laborantibus suis alia atque alia, Pugna in-  
 crescente certamine, mittens auxilia peditum equitumque, ter Hanni-  
 iam iustam expleverat aciem, ac totis utrimque viribus cer- balem et  
 tabatur. Prima levis armatura Romanorum, praeoccupatum Minucium.  
 inferiore loco succedens tumulum, pulsa detrusaque terro-  
 rem in succedentem intulit equitem, et ad signa legionum  
 refugit. Peditum acies inter percussos impavida sola erat,  
 7 videbaturque, si iusta aut si recta pugna esset, haudqua-  
 quam impar futura. Tantum animorum fecerat prospere  
 ante paucos dies res gesta. Sed exorti repente insidiatores Laborat  
 eum tumultum terroremque, in latera utrimque ab tergoque Minucia.  
 incursantes, fecerunt, ut neque animus ad pugnam, neque  
 ad fugam spes cuiquam superesset. Tunc Fabius, primo  
 clamore paventium audito, dein conspecta procul turbata  
 acie, 'Ita est,' inquit, 'non celerius, quam timui, depre-  
 hendit fortuna temeritatem. Fabio aequatus imperio

29.

sionem arte sua captaturum temerita-  
 tis Minucii in usum suum converten-  
 dae.

4 *Ad locum capiendum*] *Ad locum*  
*capiendum*, cum distinctione ante vo-  
 cem *dux* reposuit Bekker. Ceterum  
*ad* et *ac* saepius commutantur.

5 *Levem armaturam dimittit*] Vo-

cem *dimittit* ex coniectura Gronov.  
 delevit Bekker.

6 *Alia atque alia*] Intellige quar-  
 tum casum ad *auxilia* referendum.

7 *Si iusta aut si recta*] *Iusta*, quando  
 explicatis utrimque ordinibus acies  
 congredierentur, *recta*, quando aequo  
 campo, ita ut ordines servarentur.

U. C. 535. 'Hannibalem et virtute et fortuna superiorem videt. Sed  
A. C. 217. 'aliud iurgandi succensendique tempus erit: nunc signa  
'extra vallum proferte. Victoriam hosti extorqueamus,  
'confessionem erroris civibus.' Iam magna ex parte caesis  
aliis, aliis circumspectantibus fugam, Fabiana se acies re-  
pente, velut coelo demissa, ad auxilium ostendit. Itaque,  
priusquam ad coniectum teli veniret, aut manum consere-  
ret, et suos a fuga effusa, et ab nimis feroci pugna hostes  
continuit. Qui solutis ordinibus vage dissipati erant, un-  
dique confugerunt ad integram aciem; qui plures simul  
terga dederant, conversi in hostem, volventesque orbem,  
nunc sensim referre pedem, nunc conglobati restare. Ac  
iam prope una acies facta erat victi atque integri exercitus,  
inferebantque signa in hostem; quum Poenus receptui  
cecinit, palam ferente Hannibale, ab se Minucium, se a  
Fabio victum.

Minucius  
errorem  
suum ag-  
noscit.

30.  
Castra cum  
Fabio  
iungit.

Ita per variam fortunam diei maiore parte exacta, quum  
in castra reditum esset, Minucius, convocatis militibus,  
'Saepe ego,' inquit, 'audivi, milites, eum primum esse 8  
'virum, qui ipse consulat, quid in rem sit; secundum eum,  
'qui bene monenti obediat: qui nec ipse consulere, nec  
'alteri parere sciat, eum extremi ingenii esse. Nobis quo-  
niam prima animi ingeniique negata sors est, secundam ac  
mediam teneamus: et, dum imperare discimus, parere  
'prudenti in animum inducamus. Castra cum Fabio iun-  
'gamus: ad praetorium eius signa quum tulerimus, ubi  
'ego eum parentem appellavero, quod beneficio eius erga  
'nos ac maiestate eius dignum est; vos, milites, eos, quo-  
'rum vos modo arma dextraeque texerunt, patronos salu-  
'tabitis, et, si nihil aliud, gratorum certe nobis animorum  
'gloriam dies haec dederit.' Signo dato, conclamatur inde,  
ut colligantur vasa. Profecti et agmine incedentes ad dic-  
tatoris castra in admirationem et ipsum, et omnes, qui  
circa erant, converterunt. Ut constituta sunt ante tribunal  
signa, progressus ante alios magister equitum, quum  
'patrem' Fabium appellasset, circumfususque militum eius  
totum agmen 'patronos' consalutasset, 'Parentibus,' inquit, 9  
'meis, dictator, (quibus te modo nomine, quo fando pos-  
'sum, aequavi) vitam tantum debeo: tibi quum meam sa-  
'lutem, tum omnium horum. Itaque plebeiscitum, quo  
'oneratus magis, quam honoratus sum, primus antiquo  
'abrogoque: et, quod tibi mihi, quod exercitibusque

8 *Eum primum esse virum*] Eadem  
sententia ap. Hesiod. Op. et D. 293,  
sq. et Cic. pro Cluent. 31. expressa  
est. cf. Aristot. Eth. Nicom. i. 4.

9 *Patronos consalutasset*] cf. Supr.

iii. 29. ubi haud abs re foret animad-  
vertisse, quod L. Minucii exercitus dic-  
torem, qui auxilium circumventis  
tulisset, patronum simili ratione salu-  
taverit.

‘his tuis, servato ac conservatori, sit felix, sub imperium U. C. 535.  
 ‘auspiciūque tuum redeo, et signa haec legionesque A. C. 217.  
 ‘restituo. Tu, quaeso, placatus me magisterium equitum,  
 ‘hos ordines suos quemque tenere iubeas.’ Tum dextrae  
 interiunctae, militesque, concione dimissa, a notis ignotis-  
 que benigne atque hospitaliter invitati: laetusque dies, ex  
 admodum tristi paullo ante ac prope execrabili, factus.  
 Romae, ut est perlata fama rei gestae, dein literis non ma-  
 gis ipsorum imperatorum, quam vulgo militum ex utroque  
 exercitu affirmata, pro se quisque Maximum laudibus ad  
 coelum ferre. Par gloria apud Hannibalem hostesque  
 Poenos erat: ac tum demum sentire, cum Romanis atque  
 in Italia bellum esse. Nam biennio ante adeo et duces  
 Romanos et milites spreverant, ut vix cum eadem gente  
 bellum esse crederent, cuius terribilem eam famam a patri-  
 bus accepissent. Hannibalem quoque ex acie redeuntem  
 dixisse ferunt, ‘tandem eam nubem, quae sedere in iugis  
 ‘montium solita sit, cum procella imbrem dedisse.’

Dum haec geruntur in Italia, Cn. Servilius Geminus 31.  
 2 consul cum classe centum viginti navium, circumvectus <sup>Servilius</sup>  
 Sardiniae et Corsicae oram, et obsidibus utrimque acceptis, <sup>Cos. male</sup>  
 in Africam transmisit: et priusquam in continentem ex- <sup>rem gerit</sup>  
 3 scensiones faceret, Menige insula vastata, et ab incolentibus <sup>in Africa.</sup>  
 Cercinam, ne et ipsorum ureretur diripereturque ager,  
 decem talentis argenti acceptis, ad litora Africae accessit,  
 copiasque exposuit. Inde ad populandum agrum ducti  
 milites, navalesque socii iuxta effusi, ac si insulis cultorum  
 egentibus praedarentur. Itaque in insidias temere illati,  
 quum a frequentibus palantes, ab locorum gnaris ignari cir-  
 cumvenirentur, cum multa caede ac foeda fuga retro ad  
 naves compulsi sunt. Ad mille hominum, cum his Sem-  
 4 pronio Blaeso quaestore amisso, classis, a litoribus hostium  
 plenis trepide soluta, in Siciliam cursum tenuit: traditaque  
 Lilybaei T. Otacilio praetori, ut ab legato eius P. Sura Ro-  
 mam reduceretur. Ipse, per Siciliam pedibus profectus,  
 freto in Italiam traiecit, literis Q. Fabii accitus et ipse, et  
 5 collega eius M. Atilius, ut exercitus ab se, exacto iam prope  
 semestri imperio, acciperent.

1 *Ordines suos quemque*] Scilicet ordines in Fabiano exercitu sibi proprios.

2 *Cum classe centum viginti navium*] Numerum, qui in omnibus mss. desideratur, ex Polybio iii. 96. Lipsius addidit.

3 *Menige insula vastata*] Haec et Cercina finitimae Syrti insulae erant. *Cercinam* pro veteri lectione *oírca* eam emendavit Lipsius.

4 *Blaeso quaestore amisso*] Distinctionem post vocem *praetore*, et *amissum* pro *amisso* reponunt Crev. et Stroth. *Amisso* in plur. edd. inveniri testatur Drakenb., qui tamen distinctionem post *amisso* ponendam suadet. De hac clade Polyb. silet.

5 *Exercitus ab se*] Fabianum nempe Minucianumque, ut mox appellantur. Olim *exercitum* scribebatur.

U. C. 535. Omnium prope annales Fabium dictatorem adversus  
 A. C. 217. Hannibalem rem gessisse tradunt. Coelius etiam eum pri-<sup>6</sup>  
 Utrum Fa- mum a populo creatum dictatorem scribit. Sed et Coelium  
 bius dicta- et ceteros fugit, uni consuli Cn. Servilio, qui tum procul in  
 tor, an pro- Gallia provincia aberat, ius fuisse dicendi dictatoris: quam  
 dictatore fuerit. moram quia expectare territa iam clade civitas non poterat,  
 eo decursum esse, ut a populo crearetur, qui pro dictatore<sup>7</sup>  
 esset: res inde gestas gloriamque insignem ducis et augentes  
 titulum imaginis posteros, ut, qui pro dictatore, dictator  
 diceretur, facile obtinuisse.

32. Consules, Atilius Fabiano, Geminus Servilius Minuciano<sup>8</sup>  
 Coss. arti- exercitu accepto, hibernaculis mature communitis, (extre-  
 bus Fabii mum autumnus erat) Fabii artibus cum summa inter se con-  
 bellum ge- cordia bellum gesserunt. Frumentatum exeunti Hannibali  
 runt. diversis locis opportuni aderant, carpentes agmen, palatos-  
 que excipientes. In casum universae dimicationis, quam  
 omnibus artibus petebat hostis, non veniebant: adeoque<sup>9</sup>  
 inopia est coactus Hannibal, ut, nisi tum fugae speciem  
 abeundo timuisset, Galliam repetiturus fuerit, nulla relicta  
 spe alendi exercitus in iis locis, si insequentes consules  
 iisdem artibus bellum gererent.

Neapoli- Quum ad Geronium iam hieme impediante constitisset  
 tani aurum bellum, Neapolitani legati Romam venire. Ab iis quadra-  
 offerunt ginta paterae aureae magni ponderis in curiam illatae, atque  
 Romanis. ita verba facta, ut dicerent: 'Scire sese, Romani populi  
 'aerarium bello exhauriri: et, quum iuxta pro urbibus  
 'agrisque sociorum, ac pro capite atque arce Italiae, urbe  
 'Romana atque imperio geratur, aequum censuisse Nea-  
 'politano, quod auri sibi quum ad templorum ornatum,  
 'tum ad subsidium fortunae a maioribus relictum foret, eo  
 'iuvare populum Romanum. Si quam opem in sese cre-  
 'derent, eodem studio fuisse oblaturus. Gratum sibi Patres  
 'Romanos populumque facturum, si omnes res Neapolita-  
 'norum suas duxissent; dignosque iudicaverint, ab quibus  
 'donum, animo ac voluntate eorum, qui libentes darent,  
 'quam re, maius ampliusque, acciperent.' Legatis gratiae  
 actae pro munificentia curaque: patera, quae ponderis  
 minimi fuit, accepta.

6 *Primum a populo creatum dictatorem*] Primum numerari, qui a populo creatus sit dictator. Secundum numerabat Coelius Syllam, qui haud dubie a populo dictator creatus est. CREV.

7 *Qui pro dictatore*] Suppl. esset.

8 *Consules*] Hos proconsules vocat Polyb. iii. 106. hoc enim tempore, comitiis peractis, consules erant L. Aemilius et Cn. Terentius.

9 *Adeoque inopia est coactus*] Hanc vix Latinam orationem esse censet I. Fr. Gronov. qui *et ad id inopiae est redactus* emendavit. Drakenb. *ad idque* coniecit. *Eoque inopiae est redactus* probat Bekker.

1 *Et, quum iuxta*] *Id* pro *et* ex emendatione Gronov. probat Bekker.

2 *Si quam opem*] *Opem* peculiariter de armorum ope accipiendam esse animadvertit Stroth.

Per eosdem dies speculator Carthaginiensis, qui per U. C. 535. biennium fefellerat, Romae deprehensus, praecisisque mani- A. C. 217. bus dimissus: et servi quinque et viginti in crucem acti, 33. quod in campo Martio coniurassent. Indici data libertas Speculator Poenus. et aeris gravis viginti millia. Legati et ad Philippum Legati in varia loca missi. 3 Macedonum regem missi ad deposcendum Demetrium Pharium, qui, bello victus, ad eum fugisset: et alii in Ligures ad expostulandum, quod Poenum opibus auxiliisque suis iuvissent: simul ad visendum ex propinquo, quae in 4 Boiis atque Insubribus gererentur. Ad Pineum quoque regem in Illyrios legati missi ad stipendium, cuius dies exierat, poscendum; aut, si diem proferre vellet, obsides accipiendos. Adeo, etsi bellum ingens in cervicibus erat, nullius usquam terrarum rei cura Romanos, ne longinqua quidem, effugiebat. In religionem etiam venit, aedem Concordiae, quam per seditionem militarem biennio ante L. Manlius praetor in Gallia vovisset, locatam ad id tempus non esse. Itaque duumviri ad eam rem creati a M. Aemilio praetore urbis, Cn. Pupius et K. Quinctius Flamininus, aedem in arce faciendam locaverunt.

Ab eodem praetore ex senatusconsulto literae ad consules missae, ut, si iis videretur, alter eorum ad consules creandos Romam veniret: se in eam diem, quam iussissent, comitia edicturum. Ad haec a consulibus rescriptum, 'Sine detrimento reipublicae abscedi non posse ab hoste. Itaque per interregem comitia habenda esse potius, quam consulum alter a bello avocaretur.' Patribus rectius visum est, dictatorem a consule dici comitiorum habendorum causa. Dictus L. Veturius Philo M'. Pomponium Mathonem magistrum equitum dixit. His vitio creatis, iussisque die quarto decimo se magistratu abdicare, ad interregnum res 5 rediit. Consulibus prorogatum in annum imperium. Interreges prodi a Patribus C. Claudius, Ap. filius, Centho; U. C. 536. inde P. Cornelius Asina. In eius interregno comitia habita A. C. 216. magno certamine Patrum ac plebis. C. Terentio Varroni, Interreges. C. Terentius Varro quem, sui generis hominem, plebei insectatione principum consulatus candidatus.

3 *Ad deposcendum Demetrium Pharium*] Ducem Teutae, Illyrici reginae, et Corcyrae praefectum, qui ab ea ad Romanos desciverat, sed, post pacem cum Teuta factam, ab his defecerat et in bello Illyrico, eius causa renovato, victus a L. Aemilio Paulo cos. ad Philippum, Macedonum regem, fugerat. RUP.

4 *Ad Pineum quoque regem in Illyrios legati missi ad stipendium, ... poscendum*] Nam Teuta, noverca eius et Agroni nupta, quo mortuo accepe-

rat tutelam filii regnique administrationem, pacem cum Romanis fecerat his conditionibus, ut tributa quotannis penderet, maxima Illyrici parte cederet, et cum duobus tantum lembis, iisque inermibus, navigaret ultra Lissum. cf. Polyb. ii. 4. et 12. RUP. Ceterum de Illyrici regibus cf. Schweigh. ad Polyb. ii. 5.

5 *Consulibus prorogatum*] Hic Polybium sequi omittit Livius, haud dubie ut culpam omnem rei male gestae in Varronem conferat.



U. C. 536. popularibusque artibus conciliatum, ab Q. Fabii opibus et<sup>6</sup>  
 A. C. 216. dictatorio imperio concussis aliena invidia splendentem,  
 vulgus et extrahere ad consulatum nitebatur, Patres summa  
 ope obstabant, ne se insectando sibi aequari assuescerent  
 homines. Q. Baebius Herennius tribunus plebis, cognatus  
 C. Terentii, criminando non senatum modo, sed etiam au-  
 gures, quod dictatorem prohibuissent comitia perficere, per  
 invidiam eorum favorem candidato suo conciliabat. 'Ab  
 'hominibus nobilibus, per multos annos bellum quaerenti-  
 'bus, Hannibalem in Italiam adductum: ab iisdem, quum  
 'debellari possit, fraude id bellum trahi. Cum quattuor  
 'militum legionibus universis pugnari posse apparuisse eo,  
 'quod M. Minucius, absente Fabio, prospere pugnasset;  
 'duas legiones hosti ad caedem obiectas, deinde ex ipsa  
 'caede ereptas, ut pater patronusque appellaretur, qui  
 'prius vincere prohibuisset Romanos, quam vinci. Con-  
 'sules deinde Fabianis artibus, quum debellare possent,  
 'bellum traxisse. Id foedus inter omnes nobiles ictum:  
 'nec finem ante belli habituros, quam consulem vere plebe-  
 'ium, id est, hominem novum, fecissent. Nam plebeios;  
 'nobiles iam iisdem initiatos esse sacris, et contemnere ple-  
 'bem, ex quo contemni desierint a Patribus, coepisse. Cui  
 'non apparere, id actum et quaesitum esse, ut interregnum  
 'iniretur, ut in Patrum potestate comitia essent? Id con-  
 'sules ambos ad exercitum morando quaesisse: id postea,  
 'quia invitis iis dictator esset dictus comitiorum causa, ex-  
 'pugnatum esse, ut vitiosus dictator per augures fieret.  
 'Habere igitur interregnum eos. Consulatum unum certe  
 'plebis Romanae esse: populum liberum habiturum ac da-  
 'turum ei, qui magis vere vincere, quam diu imperare,  
 'malit.'

Baebii  
 Trib. Pl.  
 oratio in  
 nobiles.

35. Quum his orationibus accensa plebs esset, tribus patriciis  
 petentibus, P. Cornelio Merenda, L. Manlio Vulsone, M.  
 Aemilio Lepido, duobus nobilibus iam familiarum plebei,  
 C. Atilio Serrano et Q. Aelio Paeto, quorum alter pontifex,  
 alter augur erat, C. Terentius consul unus creatur, ut in  
 manu eius essent comitia rogando collegae. Tum experta  
 nobilitas, parum fuisse virium in competitoribus, L. Aemi-  
 lium Paullum, qui cum M. Livio consul fuerat, et damna-  
 tione collegae, et sua prope, ambustus evaserat, infestum

6 *Ab Q. Fabii opibus*] Inde ab eo tempore, quo opes Fabii et dictatorium imperium concusserat. RASCH.

7 *Plebeios nobiles*] Quorum maiores gesto aliquo magistratu curuli in senatum pervenerant. STROTH.

8 *L. Aemilium Paullum, qui cum M. Livio consul fuerat*] Hi consula-

tum gesserant proximo ante hoc bellum anno. CREV.

9 *Damnations collegae*] De M. Livio Salinatore agit, qui consularis damnatus est a populo, quod praedam non aequaliter diviserat militibus. cf. Frontin. iv. 2. SIGON.

1 *Et sua prope, ambustus*] i. e.



plebei, diu ac multum recusantem, ad petitionem compellit. U. C. 536.  
 Is proximo comitiali die, concedentibus omnibus, qui cum A. C. 216.  
 Varrone certaverant, par magis in adversandum, quam col-  
 lega, datur consuli. Inde praetoria comitia habita. Creati C. Teren-  
 2 M'. Pomponius Matho et P. Furius Philus. Romae iuri<sup>3</sup> tio, L. Ae-  
 dicundo urbana sors Pomponio, inter cives Romanos et per- milio II.  
 egrinos P. Furio Philo evenit. Additi duo praetores, M. Coss.  
 Claudius Marcellus in Siciliam, L. Postumius Albinus in Praetores.  
 Galliam. Omnes absentes creati sunt; nec cuiquam eorum,  
 praeter Terentium consulem, mandatus honos, quem iam  
 non antea gessisset, praeteritis aliquot fortibus ac strenuis  
 viris; quia in tali tempore nulli novus magistratus videbatur  
 mandandus.

Exercitus quoque multiplicati sunt. Quantae autem 36.  
 peditum equitumque additae sint copiae, adeo et numero  
 et genere copiarum variant auctores, ut vix quicquam satis  
 certum affirmare ausim. Decem millia novorum militum  
 alii scripta in supplementum; alii novas quattuor legiones,  
 ut octo legionibus rem gererent: numero quoque peditum  
 equitumque legiones auctas, millibus peditum et centenis  
 3 trecenti equites essent; socii duplicem numerum equitum  
 darent, pedites aequarent. Septem et octoginta millia ar-  
 matorum et ducentos in castris Romanis, quum pugnatum  
 ad Cannas est, quidam auctores sunt. Illud haudquaquam  
 discrepat, maiore conatu atque impetu rem actam, quam

Tantum non sua damnatione ipse am-  
 bustus, quasi fulmine, Veteres enim  
 damnationem et exilium *fulmen* vo-  
 cabant. cf. Iuv. viii. 91. Plin. Ep. iii. 11.  
 Livius infr. 40. non solum *fulmen*, sed  
*incendium* etiam appellat. cf. infr.  
 xxxix. 6.

2 *Romae iuri dicundo urbana sors*] Consules olim ius dicebant, sed quum  
 rei militari administrandae et iuri di-  
 cundo non sufficerent, creatus est  
 Praetor Urbanus eodem anno quo  
 Aediles Curules, U. C. 388. cf. supr.  
 vi. 42. "Post aliquot deinde annos,"  
 ut verbis Pomponii de Orig. Iuris utar,  
 "non sufficiente eo Praetore, quod  
 multa turba etiam peregrinorum in  
 civitatem veniret, creatus est et alius  
 praetor, qui peregrinus appellatus est  
 ab eo, quod plerumque inter peregrinos  
 ius dicebat." Hoc circiter U. C. 510.  
 evenit. cf. Lydus de Magistr. i. 45.  
 Praetor *urbanus* dignitate prior erat,  
 quippe qui absentibus consulibus, ut  
*praefectus urbis*, munia omnia consu-

laria obiret: *peregrinus* autem ius non  
 modo inter peregrinos, sed inter pere-  
 grinos et cives dicebat. Niebuhrio au-  
 tem placet, quem cf. iii. p. 732. praeto-  
 rem peregrinum primo potius militaria,  
 quam civilia consulum munera obisse,  
 et Siciliae provinciae forsitan praefec-  
 tum esse; postea duos insuper addi-  
 tos, quorum alterum Siciliae, alterum  
 Sardiniae praefuisse, praetore pere-  
 grino in urbe manente. Crescente inte-  
 rim imperio sex praetores creatos infr.  
 xxxii. 27. Livius narrat.

3 *Trecenti equites*] Diligentiam  
 Livii hic requirit Crevier. qui *trecentos*  
 sollennem numerum equitum fuisse  
 censet, cf. supr. xxi. 17. Sed Polyb. iii.  
 107. ducentos equites singulis legioni-  
 bus quaternum millium peditum adii-  
 cit: idem, si quando respublica in dis-  
 crimen venisset, legiones quinum mil-  
 lium peditum et trecentorum equitum  
 scribi narrat. Hoc igitur loco Poly-  
 bium intueri videtur Livius.

U. C. 536. prioribus annis; quia spem, posse vinci hostem, dictator  
A. C. 216. prae buerat.

Ceterum, priusquam signa ab urbe novae legiones move-  
rent, decemviri libros adire atque inspicere iussi propter  
territos vulgo homines novis prodigiis. Nam, et Romae in  
Aventino et Ariciae nuntiatum erat, sub idem tempus lapi-  
dibus pluisse: et multo cruore signa in Sabinis sudasse,<sup>4</sup>  
aquasque e fonte calidas manasse. Id quidem etiam, quod  
saepius acciderat, magis terrebat. Et in via Fornicata,<sup>5</sup>  
quae ad Campum erat, aliquot homines de coelo tacti ex-  
animatique fuerant. Ea prodigia ex libris procurata. Le-  
gati a Paesto pateras aureas Romam attulerunt. Iis, sicut  
Neapolitanis, gratiae actae; aurum non acceptum.

37. Per eosdem dies ab Hierone classis Ostiam cum magno  
Legati cum commeatu accessit. Legati Syracusani in senatum intro-  
donis ab ducti nuntiarunt: 'Caedem C. Flamini consulis exerci-  
Hierone tusque allatam adeo aegre tulisse regem Hieronem, ut  
Romam 'nulla sua propria regnique sui clade moveri magis potuerit.  
missi. 'Itaque, quanquam probe sciat, magnitudinem populi Ro-  
'mani admirabiliorem prope adversis rebus, quam secundis,  
'esse; tamen se omnia, quibus a bonis fidelibusque sociis  
'bella iuvare soleant, misisse: quae ne accipere abnuant,  
'magno opere se Patres conscriptos orare. Iam omnium  
'primum ominis causa Victoriam auream pondo trecentum  
'viginti afferre sese. Acciperent eam, tenerentque, et ha-  
'berent propriam et perpetuam. Advexisse etiam trecenta  
'millia modium tritici, ducenta hordei, ne commeatus de-  
'essent: et, quantum praeterea opus esset, quo iussissent,  
'subvecturos. Milite atque equite scire, nisi Romano La-  
'tinique nominis, non uti populum Romanum: levium ar-<sup>6</sup>  
'morum auxilia etiam externa vidisse in castris Romanis.  
'Itaque misisse mille sagittariorum ac funditorum, aptam  
'manum adversus Baliares ac Mauros, pugnacesque alias  
'missili telo gentes.' Ad ea dona consilium quoque adde-  
bant, 'Ut praetor, cui provincia Sicilia evenisset, classem  
'in Africam traiceret; ut et hostes in terra sua bellum ha-  
'berent, minusque laxamenti daretur iis ad auxilia Hanni-  
'bali summittenda.' Ab senatu ita responsum regi est:  
'Virum bonum egregiumque socium Hieronem esse, atque

<sup>4</sup> Signa in Sabinis sudasse, aquas-  
que e fonte] Vulgo in Sabinis caedis,  
aquas e fonte. Pro caedis, Caerites  
legendum suadet Gronov. Ceterum  
lectionem, quam Kreyssig. probavit,  
msa. opt. prae se ferunt. cf. Lucret.  
v. 1128.

<sup>5</sup> In via Fornicata] De via Forni-

cata, sive concamerata, i. e. porticibus  
instructa, qua ad campum Martium  
descendebatur, cf. Nardini Rom. Vet.  
vi. 10.

<sup>6</sup> Levium armorum auxilia] Pro  
vulg. levium armatorum, ex emend.  
Gronovii, quam Bekker. probat.

‘ uno tenore, ex quo in amicitiam populi Romani venerit, U. C. 536.  
 ‘ fidem coluisse, ac rem Romanam omni tempore ac loco A. C. 216.  
 ‘ munifice adiuvisse. Id, perinde ac deberet, gratum populo  
 ‘ Romano esse. Aurum et a civitatibus quibusdam allatum,  
 ‘ gratia rei accepta, non accepisse populum Romanum. Vi-  
 ‘ ctoriam omenque accipere; sedemque ei se divae dare, di-  
 ‘ care Capitolium, templum Iovis optimi maximi. In ea  
 ‘ arce urbis Romanae sacratam, volentem propitiamque,  
 ‘ firmam ac stabilem fore populo Romano.’ Funditores,  
 sagittariiue, et frumentum traditum consulibus. Quin- <sup>Classis</sup>  
 7 queres ad navium classem, quae cum T. Otacilio pro- <sup>aucta.</sup>  
 praetore in Sicilia erat, quinque et viginti additae, permis-  
 sumque est, ut, si e republica censeret esse, in Africam  
 traiceret.

Delectu perfecto, consules paucos morati dies, dum socii 38.  
 8 ab nomine Latino venirent. Milites tunc, quod nunquam <sup>Milites iu-</sup>  
 antea factum erat, iureiurando ab tribunis militum adacti, <sup>reiurando</sup>  
 iussu consulum conventuros, neque iniussu abituros. Nam <sup>adacti.</sup>

7 *Ad navium classem*] Numerum hoc loco intercidiſſe, ut ſupr. 31. ante Lipſii coniecturam defuerat, cenſet Gronov. qui naves cxx. in hac ſtatione fuiſſe ſuſpicatur, ſi modo legatus Otacilii, quas illi deducendas Servilius reliquerat, Romam adhuc non deduxiſſet. Contra Doering. vocem *navium*, ut ſupr. 34. *militum*, abundare putat.

8 *Milites tunc*] Locus intricatus. Primo enim ſacramentum illud *iussu consulum conventuros, neque iniussu abituros*, antiquiſſimum eſt, nedum hocce primum tempore inſtitutum ſit; eiusque exſtat formula ipſiſſimis his verbis concepta ſupr. iii. 20. Secundo non intelligitur quid ſibi velint haec verba: *nam ad eam diem nil praeter ſacramentum fuerat*. Quodnam erit hoc ſacramentum, ab antiqua illa formula diverſum? Denique, quum primo dicantur milites iureiurando ab tribunis militum adacti, *iussu consulum conventuros, neque iniussu abituros*; poſtea, ubi res explicatur, aliud iusiurandum huic ſubiicitur, nempe *fugae et formidinis ergo non abituros, etc.* His tot incommodis videmur mederi poſſe, ſi verba male traicta in ſuum revocaverimus locum, hoc modo. “Milites tunc, quod nunquam antea factum fuerat, iureiurando ab tribunis militum adacti. Nam ad eam diem nil praeter ſacramentum fuerat, iussu consulum conventuros, neque iniussu abituros.

Et, ſive potius, ‘At ubi ad decuriam, etc. Vult igitur Livius tum primum milites a tribunis iureiurando adactos. Quod autem fuerit illud iusiurandum, infra exponitur. Nam ad eam diem, inquit, nil fuerat, nil exigebatur a militibus, praeter ſolenne illud militiae ſacramentum, *iussu consulum conventuros, neque iniussu abituros*. At ipſi, ubi pedites in centurias, equites in decurias ordinati fuerant, ſua voluntate inter ſe iurabant, ſe fugae et formidinis ergo non abituros, etc. Hoc igitur illud eſt iusiurandum, quo nunc primum a tribunis militum adiguntur: quum antea *sacramento tantummodo*, priſco illo et ſolenni, *a tribunis rogarentur*, ut ait Frontinus Strateg. iv. i. Ceterum quod ſuſpicamur hic luxatum eſſe duorum orationis membrorum ordinem inter ſe, id mirum iis non accidet qui ſcient huiusmodi depravationes, et graviores etiam, in compluribus ſcriptis, et in optimo quoque illo Putean. reperiri: v. g. totam Suetonienſis ſeditionis narrationem et plurima quae ſequentur, e xxviii<sup>to</sup> libro in xxix<sup>ta</sup> male translata. CREV. Ernestius vero Livium hic diſtinguere cenſet inter iusiurandum ultro praſtitum, quod erat ſacramentum, et legitimum, ad quod milites a tribunis adigebantur. Ceterum de duplici militum iureiurando, cf. Polyb. vi. 21. 33.

U. C. 536. ad eam diem nihil praeter sacramentum fuerat; et, ubi ad  
 A. C. 216. decuriatum aut centuriatum convenissent, sua voluntate  
 ipsi inter se equites decuriati, centuriati pedites coniura-  
 bant, sese fugae atque formidinis ergo non abituros, neque  
 ex ordine recessuros, nisi teli sumendi, aut petendi, et aut  
 hostis feriendi, aut civis servandi causa. Id ex voluntario  
 inter ipsos foedere a tribunis ad legitimam iurisiurandi  
 adactionem translatum.

Conciones, priusquam ab urbe signa moverentur, con-  
 sulis Varronis multae ac feroces fuere, denuntiantes, ‘bel-  
 lum arcessitum in Italiam ab nobilibus, mansurumque in  
 visceribus reipublicae, si plures Fabios imperatores ha-  
 beret; se, quo die hostem vidisset, perfecturum.’ Collegae  
 eius Paulli una, pridie quam ex urbe proficiscerentur, con-  
 cio fuit verior, quam gratior populo, qua nihil inclementer  
 in Varronem dictum, nisi id modo: ‘Mirari se, quomodo  
 quis dux, priusquam aut suum, aut hostium exercitum,  
 locorum situm, naturam regionis nosset, iam nunc togatus  
 in urbe sciret, quae sibi agenda armato forent; et diem  
 quoque praedicere posset, qua cum hoste signis collatis  
 esset dimicaturus. Se, quae consilia magis res dent ho-  
 minibus, quam homines rebus, ea ante tempus immatura  
 non praecepturum. Optare, ut, quae caute atque consulte  
 gesta essent, satis prospere evenirent. Temeritatem, prae-  
 terquam quod stulta sit, infelicem etiam ad id locorum  
 fuisse.’ Id sua sponte apparebat, tuta celeribus consiliis  
 praepositurum: et, quo id constantius perseveraret, Q. Fa-  
 bius Maximus sic eum proficiscentem allocutus fertur:

39. ‘Si aut collegam, id quod mallet, tui similem, L. Aemili,  
 Monet Fa- ‘haberes, aut tu collegae tui similis esses, supervacanea  
 bius Paul- ‘esset oratio mea. Nam et duo boni consules, etiam me  
 lum. ‘indicante, omnia e republica fide vestra faceretis: et mali  
 ‘nec mea verba auribus vestris, nec consilia animis acci-  
 ‘peretis. Nunc et collegam tuum et te talem virum in-

9 *Ad decuriatum aut centuriatum*] Bekker. sententiam Lipsii et Dukeri secutus, praepositionem *ad* delet, et supina passivam vim habere censet, sc. *ut decuriarentur equites aut centuriarentur pedites*. Doering. supina active vertit, sc. *ut decuriarent aut centuriarent milites tribuni*. Ceterum praepositionem *ad* constanter omnes codd. tuentur. Haud scio an legendum sit *aut decuriatim aut centuriatim*. cf. Cic. de B. Civ. i. 76. *centuriatim producti milites idem iurant*.

1 *Denuntiantes*] Unus Hearnii codex, *denunciantis*: quod anteponendum. CREV.

2 *Iam nunc togatus*] Ita ex emend. Mureti reposuit Bekker. *Locatus* codices exhibent.

3 *Id sua sponte apparebat*] *Et sua sponte* ex coniectur. Gronovii reposuit Bekker.

4 *Id constantius perseveraret*] cf. Cic. pro Quinct. 24. *neque te ipsum id . . . perseverare potuisse*.

5 *Etiam me indidente*] Me non dicente, tacente. Verbum *indidente* rarissimum est: eo tamen usus est Terentius in Adelph. Act. iii. Sc. 5. *non me indidente haec fiunt*.

6 *E republica fide vestra*] *Fideque vestra* legendum suadet Perizon.

'tuenti mihi tecum omnis oratio est: quem video nequic- U. C. 536.  
 'quam et virum bonum et civem fore. Si altera parte A. C. 216.  
 'claudicet respublica, malis consiliis idem ac bonis iuris et  
 'potestatis erit. Erras enim, L. Paulle, si tibi minus cer-  
 'taminis cum C. Terentio, quam cum Hannibale, futurum  
 'censes. Nescio, an infestior hic adversarius, quam ille  
 'hostis, maneat. Cum illo in acie tantum, cum hoc om-  
 'nibus locis ac temporibus certaturus es: et adversus Han-  
 'nibalem legionesque eius tuis equitibus ac peditibus pu-  
 'gnandum tibi est: Varro dux tuis militibus te est oppu-  
 7 'gnaturus. Ominis etiam tibi causa absit C. Flamini me-  
 'moriam. Tamen ille consul demum, et in provincia, et ad  
 'exercitum, coepit furere: hic, priusquam peteret consu-  
 'latum, deinde in petendo consulatu; nunc quoque consul,  
 'priusquam castra videat aut hostem, insanit. Et, qui  
 'tantas iam nunc procellas, proelia atque acies iactando,  
 'inter togatos ciet, quid inter armatam iuventutem censes  
 'facturum, et ubi extemplo verba res sequitur? Atqui si  
 'hic, quod facturum se denuntiat, extemplo pugnaverit;  
 'aut ego rem militarem, belli hoc genus, hostem hunc  
 'ignoro, aut nobilior alius Trasimeno locus nostris cladibus  
 8 'erit. Nec gloriandi tempus adversus unum est, et ego,  
 'contemnendo potius, quam appetendo gloriam, modum  
 'excesserim; sed ita res habet: una ratio belli gerendi ad-  
 'versus Hannibalem est, qua ego gessi. Nec eventus modo  
 'hoc docet, (stultorum iste magister est) sed eadem ratio,  
 'quae fuit, futuraque, donec res eadem manebunt, immu-  
 'tabilis est. In Italia bellum gerimus, in sede ac solo  
 'nostro. Omnia circa plena civium ac sociorum sunt.  
 'Armis, viris, equis, commeatibus iuvant, iuvabuntque.  
 'Id iam fidei documentum in adversis rebus nostris dede-  
 'runt. Meliores, prudentiores, constantiores nos tempus  
 'diesque facit. Hannibal contra in aliena, in hostili est  
 'terra, inter omnia inimica infestaque, procul ab domo,  
 'procul ab patria. Neque illi terra, neque mari est pax:  
 'nullae eum urbes accipiunt, nulla moenia: nihil usquam  
 'sui videt: in diem rapto vivit. Partem vix tertiam exer-  
 'citus eius habet, quem Iberum amnem traiecit: plures  
 'fames, quam ferrum, absumpsit: nec his paucis iam victus  
 'suppeditat. Dubitas ergo, quin sedendo superaturi simus  
 'eum, qui senescat in dies? non commeatus, non supple-

7 *Ominis etiam tibi causa*] Quia de Flaminio dicturus est, cuius mentio ominosa videri poterat, prius, ex familiari antiquis more, infaustum illud omen deprecatur. CREV.

8 *Adversus unum*] Coram uno teste Crev. vertit. Ambigunt tamen

viri docti utrum *adversus unum* ad Flaminium an ad Ter. Varronem, an denique ad Paullum, quocum colloquitur Fabius, referendum sit. Verum celeberr. Burmannus ad Quinct. Declam. 330. *adversus vanum*, scilicet Varronem, coniecit.

U. C. 536. 'mentum, non pecuniam habeat? Quam diu pro Geronii,<sup>9</sup>  
 A. C. 216. 'castelli Apuliae inopis, tanquam pro Carthaginis moeni-  
 'bus? Sed ne adversus te quidem ego gloriabor. Cn.  
 'Servilius atque Atilius, proximi consules, vide quemad-  
 'modum eum ludificati sint. Haec una salutis est via, L.  
 'Paulle, quam difficilem infestamque cives tibi magis, quam  
 'hostes, facient. Idem enim tui, quod hostium milites,  
 'volent: idem Varro, consul Romanus, quod Hannibal,  
 'Poenus imperator, cupiet. Duobus ducibus unus resistas,  
 'oportet: resistes autem, adversus famam rumoresque ho-  
 'minum si satis firmus steteris: si te neque collegae vana  
 'gloria, neque tua falsa infamia moverit. Veritatem la-  
 'borare nimis saepe, aiunt, extinguere nunquam. Gloriam<sup>3</sup>  
 'qui spreverit, veram habebit. Sine, timidum pro canto,  
 'tardum pro considerato, imbellem pro perito belli vocent.  
 'Malo te sapiens hostis metuat, quam stulti cives laudent.  
 'Omnia audentem contemnet Hannibal; nil temere  
 'agentem metuet. Nec ego, ut nihil agatur, moneo; sed  
 'ut agentem te ratio ducat, non fortuna: tuae potestatis<sup>4</sup>  
 'semper, tuaque omnia sint. Armatus intentusque sis,  
 'neque occasione tuae desis, neque suam occasionem hosti  
 'des. Omnia non properanti clara certaue erunt: fes-  
 40. 'tinatio improvida est et caeca.' Adversus ea oratio con-  
 sulis haud sane laeta fuit, magis fatentis, ea, quae diceret,  
 vera, quam facilia factu, esse. 'Dictatori magistrum  
 Paulli re- sponsum. 'equitum intolerabilem fuisse; quid consuli adversus col-  
 'legam seditiosum ac temerarium virium atque auctoritatis  
 'fore? Se populare incendium priore consulatu semiustum<sup>5</sup>  
 'effugisse. Optare, ut omnia prospere evenirent. At, si  
 'quid adversi caderet, hostium se telis potius, quam suffra-  
 'giis iratorum civium, caput obiecturum.'

Ab hoc sermone profectum Paullum tradunt, prosequen-  
 tibus primoribus Patrum. Plebeium consulem sua plebes  
 prosecuta, turba, quam dignitate, conspectior. Ut in castra  
 venerunt, permixto novo exercitu ac vetere, castris bifariam  
 factis, ut nova minora essent propius Hannibalem, in vete-

<sup>9</sup> *Quam diu pro Geronii . . . moeni-  
 bus*] Supple, sedet, consenescit; vel,  
 si mavis, eum detinui. Fortasse me-  
 lius esset admittere coniecturam Val-  
 lae et Gronovii: *Quamdiu pro Gero-  
 nii . . . moenibus sedet? Ne adversus  
 te quidem.* CREV.

<sup>1</sup> *Atque Atilius*] Forte et M. Atilius. CREV.

<sup>2</sup> *Laborare*] Defectum, vel deli-  
 quium pati. Notum est illud Vir-  
 gili, *Lunaque labores.* Hunc esse

hoc loco sensum verbi *laborare*, pro-  
 bat id quod sequitur, *extinguere nun-  
 quam.* CREV.

<sup>3</sup> *Gloriam qui spreverit*] *Gloriam  
 vanam qui spreverit*, coniecit Mure-  
 tus, Var. Lect. viii. 20.

<sup>4</sup> *Ducat, non fortuna*] Post *for-  
 tuna* vocem *velim* ex coniectura Gro-  
 novii reposuit Bekker.

<sup>5</sup> *Populare incendium . . . semi-  
 ustum*] cf. Supr. 35. *damnatione col-  
 legae ambustus.*



6 ribus maior pars et omne robur virium esset; tum consulum U. C. 536.  
 7 anni prioris M. Atilium, aetatem excusantem, Romam mi- A. C. 216.  
 serunt; Geminum Servilium in minoribus castris legioni  
 Romanae et socium peditum equitumque duobus millibus  
 praeficiunt. Hannibal, quanquam parte dimidia auctas Hannibalis  
 hostium copias cernebat, tamen adventu consulum mire angustiae.  
 gaudere. Non solum enim nihil ex raptis in diem com-  
 meatibus superabat, sed ne, unde raperet, quidem quicquam  
 reliqui erat, omni undique frumento, postquam ager parum  
 tutus erat, in urbes munitas convecto: ut vix decem dierum  
 (quod compertum postea est) frumentum superesset, His-  
 panorumque ob inopiam transitio parata fuerit, si maturitas  
 temporum expectata foret.

Ceterum temeritati consulis ac praepropero ingenio ma- 41.  
 teriam etiam fortuna dedit: quod in prohibendis praedato-  
 8 ribus tumultuario proelio, ac procursu magis militum, quam  
 ex praeparato aut iussu imperatorum, orto, haudquaquam  
 par Poenis dimicatio fuit. Ad mille et septingenti caesi, Pabulato-  
 non plus centum Romanorum sociorumque occisis. Cete- res Poenos  
 rum victoribus effuse sequentibus metu insidiarum obstitit caedunt  
 Paullus consul; cuius eo die (nam alternis imperitabant) Romani.  
 imperium erat, Varrone indignante ac vociferante, emissum  
 hostem e manibus; debellarique, ni cessatum foret, potuisse.  
 Hannibal id damnum haud aegerrime pati: quin potius  
 9 credere, velut inescatam temeritatem ferocioris consulis ac  
 novorum maxime militum esse. Et omnia ei hostium,  
 haud secus quam sua, nota erant: dissimiles discordesque  
 imperitare; duas prope partes tironum militum in exercitu  
 esse. Itaque, locum et tempus insidiis aptum se habere Hannibalis  
 ratus, nocte proxima nihil praeter arma ferentes secum insidiae.  
 1 milites ducens, castra plena omnis fortunae publicae priva-  
 taeque relinquit; transque proximos montes laeva pedites  
 2 instructos condit, dextra equites; impedimenta per con-  
 vallem, medium agmen, traducit: ut diripiendis velut de-  
 sertis fuga dominorum castris occupatum impeditumque  
 hostem opprimeret. Crebri relictis in castris ignes, ut fides

6 *Consulum anni prioris*] Exem-  
 pla similis constructionis supr. ix. 27.  
 infr. xxiii. 29. occurrunt.

7 *Romam miserunt*] Ubi eum tri-  
 ennio post censorem fuisse, ex Liv.  
 xxiv. 11. Val. Max. ii. 9. et Fastis Cap.  
 constat. Hinc Polybium errasse, qui  
 lib. iii. 109. 114. 116. eum interfuisse  
 pugnae Cannensi et in ea periisse tra-  
 dit, iam docuere Schweigh. ad Polyb.  
 et Perizon. Animadv. Hist. i. RUP.

8 *Ad procursu magis militum*] *Ab*  
*procursu* ex emendat. Walchii repo-

suit Bekker.

9 *Velut inescatam*] Tanquam esca,  
 sive incitamento ad temere pugnan-  
 dum, illectam.

1 *Omnis fortunae publicae priva-  
 taeque*] Intellige omnia cara, ut infra  
 loquitur Livius, sive quae reipublicae  
 Carthaginiensium essent, sive quae  
 singulorum militum ac ducum. CREV.

2 *Impedimenta per convallem, me-  
 dium agmen*] Ipsa impedimenta per  
 exegesim dicuntur *agmen medium*.  
 GRONOV.



U. C. 536. fieret, dum ipse longius spatium fuga praeciperet, falsa  
 A. C. 216. imagine castrorum, sicut Fabium priore anno frustratus  
 42. esset, tenere in locis consules voluisse. Ubi illuxit, sub-<sup>3</sup>  
 ductae primo stationes, deinde propius adeuntibus insoli-  
 tum silentium admirationem fecit. Iam satis comperta  
 solitudine, in castris concursus fit ad praetoria consulum,  
 nuntiantium fugam hostium adeo trepidam, ut, tabernaculis  
 stantibus, castra reliquerint: quoque fuga obscurior esset,  
 crebros etiam relictos ignes. Clamor inde ortus, ut signa  
 proferri iuberent, ducerentque ad persequendos hostes, ac  
 protinus castra diripienda. Et consul alter velut unus  
 turbae militaris erat. Paullus etiam atque etiam dicere,  
 providendum praecavendumque esse. Postremo, quum  
 aliter neque seditionem neque ducem seditionis sustinere  
 posset, Marium Statilium praefectum cum turma Lucana  
 exploratum mittit. Qui, ubi adequitavit portis, subsistere  
 extra munimenta ceteris iussis, ipse cum duobus equitibus  
 vallum intravit: speculatusque omnia cum cura renuntiat,  
 insidias profecto esse: ignes in parte castrorum, quae ver-  
 gat in hostem, relictos: tabernacula aperta, et omnia cara  
 in promptu relictas: argentum quibusdam locis temere per  
 vias, velut obiectum ad praedam, vidisse. Quae ad deter-  
 rendos a cupiditate animos nuntiata erant, ea accenderunt;  
 et, clamore orto a militibus, 'ni signum detur, sine ducibus  
 'ituros,' haudquaquam dux defuit: nam extemplo Varro  
 signum dedit proficiscendi. Paullus, quum ei sua sponte  
 cunctanti pulli quoque auspicio non addixissent, obnuntiari<sup>4</sup>  
 iam efferenti porta signa collegae iussit. Quod quanquam  
 Varro aegre est passus, Flamini tamen recens casus, Clau-<sup>5</sup>  
 diique consulis primo Punico bello memorata navalis clades,  
 religionem animo incussit. Dii prope ipsi eo die magis  
 distulere, quam prohibuere, imminentem pestem Romanis.  
 Deprehen- Nam forte ita evenit, ut, quum referri signa in castra iu-  
 duntur. benti consuli milites non parerent, servi duo, Formiani  
 unus, alter Sidicini equitis, qui, Servilio atque Atilio con-  
 sulibus, inter pabulatores excepti a Numidis fuerant, profu-  
 gerent eo die ad dominos: qui deducti ad consules nun-  
 tiant, omnem exercitum Hannibalis trans proximos montes  
 sedere in insidiis. Horum opportunus adventus consules  
 imperii potentes fecit, quum ambitio alterius suam primum  
 apud eos prava indulgentia maiestatem solvisset.

<sup>3</sup> *Tenere in locis*] cf. Infr. xxiii. 44.  
*tenuit imber continens per omnem*  
*noctem, h. e. duravit.*

<sup>4</sup> *Obnuntiari*] Nuntiari, auspicia  
 infausta esse, nec proinde licere quic-  
 quam rei novae aggredi.

<sup>5</sup> *Claudique consulis . . . navalis*  
*clades*] Eius qui pullos, quoniam non  
 pascebantur, in mare praecipitari ius-  
 sit, ut biberent, quando esse nollent.  
 cf. Cic. de Div. i. 16. Val. Max. i. 4.

Hannibal, postquam motos magis inconsulte Romanos, U. C. 536.  
 6 quam ad ultimum temere evectos, vidit; nequicquam, de- A. C. 216.  
 tecta fraude, in castra rediit. Ibi plures dies propter in- 43.  
 opiam frumenti manere nequibat; novaque consilia in dies  
 non apud milites solum, mixtos ex colluvione omnium  
 gentium, sed etiam apud ipsum ducem, oriebantur. Nam Hannibalis  
 quum initio fremitus, deinde aperta vociferatio fuisset ex- inopia et  
 poscentium stipendium debitum, querentiumque annonam anxietas.  
 primo, postremo famem; et mercenarios milites, maxime  
 Hispani generis, de transitione cepisse consilium fama esset:  
 ipse etiam interdum Hannibal de fuga in Galliam dicitur  
 agitasse, ita ut, relicto peditatu omni, cum equitibus se  
 proriperet. Quum haec consilia atque hic habitus animo- Castra mo-  
 rum esset in castris, movere inde statuit in calidiora atque vet.  
 eo maturiora messibus Apuliae loca: simul ut, quo longius  
 ab hoste recessisset, transfugia impeditiora levibus ingeniis  
 essent. Profectus est nocte, ignibus similiter factis, taber-  
 naculisque paucis in speciem relictis, ut insidiarum par  
 priori metus contineret Romanos. Sed, per eundem Lu-  
 canum Statilium, omnibus ultra castra transque montes ex-  
 ploratis, quum relatum esset, visum procul hostium agmen;  
 tum de insequendo eo consilia agitari coepta. Quum  
 7 utriusque consulis eadem, quae semper ante, fuisset sen-  
 tentia; ceterum Varroni fere omnes, Paulo nemo, praeter  
 Servilium prioris anni consulem, assentiretur; maioris par-  
 8 tis sententia ad nobilitandas clade Romana Cannas, urgente  
 fato, profecti sunt. Prope eum vicum Hannibal castra Ad Cannas  
 posuerat aversa a Vulturno vento, qui campis torridis sicci- castra po-  
 tate nubes pulveris vehit. Id quum ipsis castris percom- nit.  
 modum fuit, tum salutare praecipue futurum erat, quum  
 aciem dirigerent, ipsi aversi, terga tantum afflante vento,  
 in occaecatum pulvere offuso hostem pugnaturi.

Consules, satis exploratis itineribus, sequentes Poenum, 44.  
 ut ventum ad Cannas est, ubi in conspectu Poenum habe- Romani bi-  
 bant, bina castra communiunt, eodem ferme intervallo, quo na castra  
 ad Geronium, sicut ante, copiis divisas. Aufidus amnis, muniunt.  
 utrisque castris affluens, aditum aquatoribus ex sua cuius-  
 que opportunitate haud sine certamine dabat. Ex mino-  
 9 ribus tamen castris, quae posita trans Aufidum erant, libe-  
 rius aquabantur Romani, quia ripa ulterior nullum habebat

6 *Nequicquam*] Re infecta rediit. Sic ap. Sall. Iugurth. 25. *Legati frustra discessere*. CREV.

7 *Eadem, quae semper ante*] Alterius scilicet ad pugnandum, alterius ad sedendum proclivis.

8 *Urgente fato*] Tacet omnino Livius de consiliis Romae habitis, et de

mandato a senatu consulibus dato, ut operam reipublicae strenue navarent, et cum Hannibale manus, si id opportune fieri posset, consererent. cf. Polyb. iii. 107, 108.

9 *Trans Aufidum*] sc. In ripa Orientali.

U. C. 536. hostium praesidium. Hannibal spem nactus, locis natis ad  
 A. C. 216. equestrem pugnam, qua parte virium invictus erat, facturos  
 Discordia copiam pugnandi consules, dirigit aciem, lacessitque Numi-  
 Cosa. darum procursatione hostes. Inde rursus sollicitari sedi-  
 tione militari ac discordia consulum Romana castra: quum  
 Paullus Sempronique et Flamini temeritatem Varroni,  
 Varro speciosum timidis ac segnibus ducibus exemplum  
 Fabium obiiceret: testareturque deos hominesque hic,  
 'nullam penes se culpam esse, quod Hannibal iam velut  
 'usucepisset Italiam; se constrictum a collega teneri; fer-  
 'rum atque arma iratis et pugnare cupientibus adimi mili-  
 'tibus;' ille, 'si quid proiectis ac proditis ad inconsultam at-  
 'que improvidam pugnam legionibus accideret, se, omnis cul-  
 'pae exsortem, omnis eventus participem fore' diceret. 'Vi-  
 'deret, ut, quibus lingua tam prompta ac temeraria, aequae  
 'in pugna vigerent manus.'

45. Dum altercationibus magis, quam consiliis, tempus teri-  
 tur, Hannibal ex acie, quam ad multum diei tenuerat in-  
 Numidae structam, quum in castra ceteras reciperet copias, Numidas  
 aquatores Romanos fugant. ad invadendos ex minoribus castris Romanorum aquatores  
 trans flumen mittit. Quam inconditam turbam quum vix-  
 dum in ripam egressi clamore ac tumultu fugassent, in sta-  
 tionem quoque pro vallo locatam atque ipsas prope portas  
 eVecti sunt. Id vero indignum visum, ab tumultuario auxilio;  
 iam etiam castra Romana terreri: ut ea modo una causa,  
 ne extemplo transirent flumen, dirigerentque aciem, tenu-  
 erit Romanos, quod summa imperii eo die penes Paullum  
 fuerit. Itaque Varro postero die, cui sors eius diei imperii  
 erat, nihil consulto collega, signum pugnae proposuit, in-  
 structasque copias flumen traduxit, sequente Paulo; quia;  
 magis non probare, quam non adiuvere, consilium poterat.  
 Transgressi flumen eas quoque, quas in castris minoribus  
 habuerant, copias suis adiungunt: atque ita instructa acie,  
 in dextro cornu (id erat flumini propius) Romanos equites;  
 locant, deinde pedites: laevum cornu extremi equites so-  
 ciorum, intra pedites, ad medium iuncti legionibus Romanis  
 tenuerunt: iaculatores cum ceteris levium armorum auxiliis

Varro sig-  
 num pu-  
 gnae pro-  
 ponit.

Instruit  
 aciem.

1 *Usucepisset*] h. e. Quasi legiti-  
 mum dominium Italiae sibi acqui-  
 sivisset. Haud scio an hoc verbo Li-  
 vivus proprio iurisconsultis sensu usus  
 fuerit, quo, qui rem otennium in Ital-  
 ico solo bona fide possedisset, ei usu-  
 capio eius competeret. cf. Iust. Inst.  
 ii. 6. Gaii Inst. ii. 35.

2 *Altercationibus magis, quam con-  
 siliis*] Quippe disceptarent, non utrum  
 cum Hannibale, sed quo loco et qua  
 occasione quam opportune confli-  
 gent.

rent.

3 *Tumultuario auxilio*] Numidis  
 nimirum auxiliaribus, qui subitariam  
 pugnam ciebant.

4 *Flumen traduxit*] sc. In Orien-  
 talem ripam, ubi minora castra erant.  
 Polyb. iii. 113.

5 *Equites locant, deinde pedites*] Ita quoque Polyb. iii. 113. qui pedi-  
 tum octoginta millia, equitum plus  
 sex millia in acie Romanorum ste-  
 tisse scribit.

prima acies facti. Consules cornua tenuerunt; Terentius U. C. 536.  
laevum, Aemilius dextrum. Geminio Servilio media pugna A. C. 216.  
tuenda data.

Hannibal luce prima, Baliaribus levique alia armatura 46.  
praemissa, transgressus flumen, ut quosque traduxerat, ita Hannibal  
in acie locabat. Gallos Hispanosque equites prope ripam aciem in-  
laevo in cornu adversus Romanum equitatum: dextrum struit.  
cornu Numidis equitibus datum, media acie peditibus  
firmata; ita, ut Afrorum utraque cornua essent, interpone-  
6 rentur his medii Galli atque Hispani. Afros Romanam  
magna ex parte crederes aciem: ita armati erant, armis et  
ad Trebiam, ceterum magna ex parte ad Trasimenum captis.  
Gallis Hispanisque scuta eiusdem formae fere erant: dis-  
pares ac dissimiles gladii: Gallis praelongi ac sine mucro-  
nibus: Hispano, punctum magis, quam caesim, assueto pe-  
7 tere hostem, brevitatem habiles et cum mucronibus. Sane et  
alius habitus gentium harum tum magnitudine corporum,  
tum specie terribilis erat. Galli super umbilicum erant  
nudi: Hispani linteis praetextis purpura tunicis, candore  
miro fulgentibus, constiterant. Numerus omnium peditum,  
qui tum steterunt in acie, millium fuit quadraginta, decem  
equitum. Duces cornibus praeerant: sinistro Hasdrubal,  
8 dextro Maharbal: mediam aciem Hannibal ipse cum fratre  
Magone tenuit. Sol, seu de industria ita locatis, seu quod  
forte ita starent, peropportune utrique parti obliquus erat,  
Romanis in meridiem, Poenis in septentrionem versis.  
9 Ventus, (Vulturnum incolae regionis vocant) adversus Ro-  
manis coortus, multo pulvere in ipsa ora volvendo prospectum  
ademit.

Clamore sublato, procursum ab auxiliis, et pugna levibus 47.  
primum armis commissa: deinde equitum Gallorum His- Proelium  
panorumque laevum cornu cum dextro Romano concurrit, committi-  
1 minime equestri more pugnae: frontibus enim adversis tur.  
concurrendum erat, quia, nullo circa ad evagandum relicto  
2 spatio, hinc amnis, hinc peditum acies claudebant in dire-  
ctum utrimque nitentes. Stantibus ac confertis postremo  
turba equis, vir virum amplexus detrahebat equo. Pedestre

6 *Afros Romanam*] Ita quoque Polyb. iii. 114. qui haec omnia de numero et armatura legionum Hannibalis iisdem fere verbis refert.

7 *Sane et alius*] *Ante ceteros* vulgo. *Alius* ex emendat. Gronov. provenit, quam probat Drak. nimirum, ut saepe apud nostrum, pro *reliquis*.

8 *Dextro Maharbal*] Apud Polyb. loc. cit. Hanno dextro cornui praefectus est. Ap. Appian. Hannibal. 20.

dextrum Mago. laevum Hanno tenet.

9 *Ventus, (Vulturnum ...)* De hoc vento omnino silet Polybius.

1 *Minime equestri more pugnae*] Quippe quae alias vaga, nec confertis ordinibus committebatur. Strabo.

2 *Claudebant ... nitentes*] Claudebant hinc Romanos, inde Gallos Hispanosque equites, qui proinde cogebantur in directum frontibus adversis niti. Caev.

U. C. 536. magna iam ex parte certamen factum erat: acrius tamen,  
A. C. 216. quam diutius, pugnatum est; pulsique Romani equites terga  
vertunt. Sub equestris finem certaminis coorta est peditum  
pugna. Primo et viribus et animis pares constabant ordines  
Gallis Hispanisque: tandem Romani, diu ac saepe connisi,  
aequa fronte acieque densa impulere hostium cuneum nimis  
tenuem, eoque parum validum, a cetera prominentem acie.  
Impulsis deinde ac trepide referentibus pedem insistere: ac  
tenore uno per praeceps pavore fugientium agmen in  
mediam primum aciem illati, postremo, nullo resistente, ad  
subsidia Afrorum pervenerunt; qui utrimque reductis alis  
constiterant, media, qua Galli Hispanique steterant, ali-  
quantum prominente acie. Qui cuneus ut pulsus aequavit  
frontem primum, deinde nitendo etiam sinum in medio  
dedit, Afri circa iam cornua fecerant; irruentibusque in-  
caute in medium Romanis, circumdedere alas: mox, cor-  
nua extendendo, clausere et ab tergo hostes. Hinc Ro-  
mani, defuncti nequicquam proelio uno, omissis Gallis  
Hispanisque, quorum terga ceciderant, et adversus Afros  
integram pugnam ineunt, non tantum eo iniquam, quod  
inclusi adversus circumfusus, sed etiam quod fessi cum re-  
centibus ac vegetis pugnabant.

48. Iam et in sinistro cornu Romano, ubi sociorum equites  
adversus Numidas steterant, consertum proelium erat,  
segne primo, et a Punica coeptum fraude. Quingenti  
ferme Numidae, praeter solita arma telaque, gladios occul-  
tos sub loriceis habentes, specie transfugarum quum ab suis,  
parmas post terga habentes, adequitassent, repente ex equis  
desiliunt; parmisque et iaculis ante pedes hostium pro-  
iectis, in mediam aciem accepti, ductique ad ultimos, con-  
sidere ab tergo iubentur. Ac, dum proelium ab omni parte  
conseritur, quieti manserunt: postquam omnium animos  
oculosque occupaverat certamen, tum, arreptis scutis, quae  
passim inter acervos caesorum corporum strata erant, aver-  
sam adoriuntur Romanam aciem; tergaque ferientes, ac  
poplites caedentes, stragem ingentem, ac maiorem aliquanto  
pavorem ac tumultum, fecerunt. Quum alibi terror ac  
fuga, alibi pertinax in mala iam spe proelium esset, Hasdru-  
bal, qui ea parte praecerat, subductos ex media acie Numidas,

2 *Deinde nitendo*] h. e. Nitentibus Romanis.

3 *Praeter solita arma*] Haec est coniectura Heinsii, quam Perizonius probat. Olim *praeterita arma*: ceterum *praeter iusta* coniecit Gronov. *praeter consueta* vulg. edd. quippe perdifficile est inter voces *iustum* et *consuetum* in mss. diiudicare. Haec

vero de Numidis relata ap. Polybium non memorantur.

4 *Hasdrubal, qui ea parte praecerat*] Haec et quae sequuntur omnino corrupta sunt, et pro deploratis habenda. Primo enim Hasdrubal non hac parte, sed laeva praecerat. Deinde quonam modo subduci possunt ex media acie Numidae, qui in dextro cornu locati

quia segnis eorum cum adversis pugna erat, ad persequendos U. C. 536.  
passim fugientes mittit: Hispanos et Gallos pedites, iam A. C. 216.  
Afris prope fessis caede magis quam pugna, adiungit.

Parte altera pugnae Paullus, quanquam primo statim 49.  
proelio funda graviter ictus fuerat, tamen et occurrit saepe  
cum confertis Hannibali, et aliquot locis proelium restituit,  
protegentibus eum equitibus Romanis; omissis postremo  
equis, quia consulem et ad regendum equum vires deficie-  
bant. Tum denuntianti cuidam, iussisse consulem ad pedes  
5 descendere equites, dixisse Hannibalem ferunt: 'Quam Vincit  
' mallem, vinctos mihi traderet!' Equitum pedestre proe- Hannibal.  
lium, quale iam haud dubia hostium victoria, fuit; quum  
victi mori in vestigio mallent, quam fugere; victores,  
morantibus victoriam irati, trucidarent, quos pellere non  
poterant. Pepulerunt tamen iam paucos superantes, et  
labore ac vulneribus fessos. Inde dissipati omnes sunt,  
equosque ad fugam, qui poterant, repetebant. Cn. Len-  
tulus tribunus militum, quum, praetervehens equo, sedentem  
in saxo cruore oppletum consulem vidisset; 'L. Aemili,'  
inquit, 'quem unum insontem culpae cladis hodiernae dii  
' respicere debent, cape hunc equum: dum et tibi virium  
' aliquid superest, comes ego te tollere possum ac protegere.  
' Ne funestam hanc pugnam morte consulis feceris. Etiam  
' sine hoc lacrimarum satis luctusque est.' Ad ea consul: L. Aemilii  
' Tu quidem, Cn. Corneli, macte virtute esto! Sed cave, Cos. po-  
' frustra miserando exiguum tempus e manibus hostium strenua  
' evadendi absumas. Abi, nuntia publice Patribus, urbem verba.  
' Romanam muniant, ac prius, quam hostis victor adveniat,  
' praesidiis firment: privatimque Q. Fabio, L. Aemilium  
' praeceptorum eius memorem et vixisse, et adhuc mori.  
' Me in hac strage militum meorum patere exspirare, ne aut  
' reus iterum e consulatu sim, aut accusator collegae exsis-  
' tam, ut alieno crimine innocentiam meam protegam.'  
Haec exigentes prius turba fugientium civium, deinde  
hostes, oppressere: consulem, ignorantes quis esset, obruere  
telis: Lentulum inter tumultum abripuit equus. Tum inde  
effuse fugiunt. Septem millia hominum in minora castra,

fuerant? Postremo quid necesse est  
adiungi Afris in media acie Gallos  
Hispanosque pedites, qui in ea sem-  
per fuere? Rem clare ex Polybio dis-  
cimus. Hasdrubal, qui in laevo cornu  
Hispanis Gallisque equitibus praeerat,  
quum occidione occidisset Romanum  
equitatum, transiit in dextrum cornu,  
et coniunctus Numidis sociorum equi-  
tes in fugam vertit. Eos deinde per-  
sequendos caedendosque permittit Nu-  
midis. Ipse cum suis Gallis Hispa-

nisque equitibus Romanos pedites cum  
Afris tum maxime pugnantes a tergo  
invadit. Hoc procul dubio voluerat  
Livius. Sed ad hunc sensum eius verba  
refingere sine librorum ope frustra ten-  
taverimus. CREV.

5 *Quam mallem, vinctos mihi tra-*  
*dere*] Plutarch. in Fabio sententiam  
contrariam prae Hannibale fert, quae  
ita verti potest, *hoc mallem, quam si*  
*mihi vinctos dederet*. Sed haec iro-  
nice dicta suspicatur Crevier.



U. C. 536. decem in maiora, duo ferme in vicum ipsum Cannas per-  
 A. C. 216. fugerunt: qui extemplo a Carthalone atque equitibus, nullo  
 munimento tegente vicum, circumventi sunt. Consul alter,  
 seu forte, seu consilio, nulli fugientium infestus agmini,<sup>6</sup>  
 cum septuaginta fere equitibus Venusiam perfugit. Qua-<sup>7</sup>  
 draginta quinque millia peditum, duo millia septingenti  
 equites, et tanta prope civium sociorumque pars, caesi<sup>8</sup>  
 dicuntur; in his ambo consulum quaestores L. Atilius et  
 L. Furius Bibaculus: unus et viginti tribuni militum; con-  
 sulares quidam praetoriiue et aedilicii: inter eos Cn. Ser-  
 vilius Geminus et M. Minucius numerant, qui magister  
 equitum priore anno, aliquot ante consul fuerat: octoginta  
 praeterea aut senatores, aut qui eos magistratus gessissent,<sup>9</sup>  
 unde in senatum legi deberent, quum sua voluntate milites  
 in legionibus facti essent. Capta eo proelio tria millia pe-<sup>1</sup>  
 ditum et equites trecenti dicuntur.

Clades  
 quanta fu-  
 erit.

50. Haec est pugna Cannensis, Alliensi cladi nobilitate par:  
 ceterum ut illis, quae post pugnam accidere, levior, quia ab  
 hoste cessatum est; sic strage exercitus gravior foediorque.  
 Fuga namque ad Alliam sicut urbem prodidit, ita exercitum  
 servavit: ad Cannas fugientem consulem vix septuaginta  
 secuti sunt: alterius morientis prope totus exercitus fuit.

Canusium  
 multi Ro-  
 manorum  
 fugiunt.

Binis in castris quum multitudo semiermis sine ducibus  
 esset, nuntium, qui in maioribus erant, mittunt; 'dum  
 'proelio, deinde ex laetitia epulis fatigatos quies nocturna  
 'hostes premeret, ut ad se transirent: uno agmine Canu-  
 'sium abituros esse.' Eam sententiam alii totam aspernari:  
 'Cur enim illos, qui se arcessant, ipsos non venire, quum  
 'aeque coniungi possent? quia videlicet plena hostium  
 'omnia in medio essent: et aliorum, quam sua, corpora  
 'tanto periculo mallent obicere.' Aliis non tam sententia  
 displicere, quam animus deesse. P. Sempronius Tuditanus  
 tribunus militum, 'Capi ergo mavultis,' inquit, 'ab avaris-  
 'simo et crudelissimo hoste, aestimariue capita vestra, et

6 *Nulli fugientium infestus agmini*] Vitium est in voce *infestus*. Nihil melius occurrit, quam, quod coniecit Gronovius, *immistus*. CREV.

7 *Quadráginta quinque millia*] Polyb. iii. 117. ad septuaginta millia caesa tradit. *Quinque* omittunt Drak. et Stroth.

8 *Et tanta prope*] *Aequalis prope*, ut Crevier. videtur, ita ut sensus sit, parem civium sociorumque cecidisse numerum.

9 *Qui eos magistratus gessissent*] Scilicet curules: quippe qui magistratus curules gesserant, iis hoc ius erat, ut a proximis post gestum ma-

gistratum suum censoribus in senatum legi deberent. Atque etiam, antequam in senatum legerentur et senatores essent, curiam tamen ingredi poterant, et in senatu sententiam dicere. Hinc illa veteris edicti formula, qua consules utebantur, quum senatum in curiam convocarent: *senatores, quibusque in senatu sententiam dicere licet*. Vid. A. Gell. iii. 18. CREV.

1 *Capta eo proelio tria millia*] Decem millia scribit Polyb. iii. 117.

2 *Fuga namque ad Alliam sicut urbem prodidit*] Parum sibi constat Livius, ut Niebhr. censet ii. n. 1198.



3 'exquiri pretia ab interrogantibus, Romanus civis sis, an U. C. 536.  
 3 'Latinus socius, ut ex tua contumelia et miseria alteri honos A. C. 216.  
 4 'quaeratur? Non tu: si quidem L. Aemilii consulis, qui  
 'se bene mori, quam turpiter vivere maluit, et tot fortissi-  
 'morum virorum, qui circa eum cumulati iacent, cives  
 'estis. Sed ante, quam opprimit lux, maioraque hostium  
 'agmina obsaepiunt iter, per hos, qui inordinati atque in-  
 'compositi obstrepunt portis, erumpamus. Ferro atque  
 'audacia via fit, quamvis per confertos hostes. Cuneo  
 'quidem hoc laxum atque solutum agmen, ut si nihil obstet,  
 'transibimus. Itaque ite mecum, qui et vosmet ipsos et  
 'republicam salvam vultis.' Haec ubi dicta dedit, stringit  
 gladium, cuneoque facto per medios vadit hostes. Et,  
 quum in latus dextrum, quod patebat, Numidae iacularen-  
 5 tur, translatis in dextrum scutis, in maiora castra ad sex-  
 centi evaserunt: atque inde protinus, alio magno agmine  
 adiuncto, Canusium incolumes perveniunt. Haec apud  
 victos magis impetu animorum, quem ingenium suum cui-  
 que aut fors dabat, quam ex consilio ipsorum, aut imperio  
 cuiusquam, agebantur.

Hannibali victori quum ceteri circumfusi gratularentur, 51.  
 suaderentque, ut, tanto perfunctus bello, diei quod reliquum Hannibal  
 6 esset, noctisque insequentis, quietem et ipse sibi sumeret, et victoria uti  
 fessis daret militibus; Maharbal, praefectus equitum, minime nescit.  
 cessandum ratus, 'Imo, ut, quid hac pugna sit actum, scias,  
 'die quinto,' inquit, 'victor in Capitolio epulaberis. Se-  
 'quere: cum equite, ut prius venisse, quam venturum,  
 'sciant, praecedam.' Hannibali nimis laeta res est visa,  
 maiorque, quam ut eam statim capere animo posset. Ita-  
 que, 'voluntatem se laudare Maharbalis,' ait: 'ad consilium  
 7 'pensandum temporis opus esse.' Tum Maharbal, 'Non  
 'omnia, nimirum, eidem dii dedere. Vincere scis, Hanni-  
 'bal; victoria uti nescis.' Mora eius diei satis creditur sa-  
 luti fuisse urbi atque imperio.

Postero die ubi primum illuxit, ad spolia legenda foedam- Strages  
 que etiam hostibus spectandam stragem insistunt. Iacebant etiam hos-  
 tibus mi-  
 serabilia.

3 *Ut ex tua .... miseria*] Ut ex  
 miseria et contumelia, quae tibi Ro-  
 mano perpetienda indicetur, honos  
 alteri, cuilibet nempe Latino, quaera-  
 tur. Hannibal hoc institutum hactenus  
 servaverat, ut e captivis eos qui erant  
 Latini nominis sine pretio dimitteret,  
 Romanos in vincula daret. Vid. supr.  
 7. infr. 58. CREV.

4 *Non tu*] sc. Hoc committes:  
 nimirum singulatim audientes admo-  
 net.

5 *Ad sexcenti*] Vulg. *sexcentos*, sed

ex emendatione Gronov. *ad sexcenti*,  
 ut passim, hoc est *circoiter*, Kreyssig.  
 reposuit.

6 *Noctisque insequentis*] Dicen-  
 dum fuisse ut infr. 59. *noctemque in-*  
*sequentem*; similiter autem supr. v.  
 19. *fatalis dux ad excidium illius ur-*  
*bis servandaeque patriae Camillus pro*  
*servandamque patriam* dici monet  
 Stroth.

7 *Temporis opus esse*] Cicero quo-  
 que cum casu secundo *opus* ponit. cf.  
 de Div. x. 8. et ibi Manut. DOER.

U. C. 536. tot Romanorum millia, pedites passim equitesque, ut quem 8  
A. C. 216. cuique fors aut pugna iunxerat aut fuga. Assurgentes  
quidam ex strage media cruenti, quos stricta matutino fri-  
gore excitaverant vulnera, ab hoste oppressi sunt. Quos-  
dam et iacentes vivos succisis feminibus poplitibusque inve-  
nerunt, nudantes cervicem iugulumque, et reliquum san-  
guinem iubentes haurire. Inventi sunt quidam mersis in  
effossam terram capitibus, quos sibi ipsos fecisse foveas,  
obruentesque ora superiecta humo interclusisse spiritum ap-  
parebat. Praecipue convertit omnes substratus Numidae  
mortuo superincubanti Romanus vivus, naso auribusque la-  
ceratis: quum, manibus ad capiendum telum inutilibus,  
in rabiem ira versus, laniando dentibus hostem exspi-9  
rasset.

52. Spoliis ad multum diei lectis, Hannibal ad minora ducit  
Bina Ro- castra oppugnanda, et omnium primum, brachio obiecto, 1  
manorum flumine eos excludit. Ceterum ab omnibus, labore, vigiliis,  
castra se vulneribus etiam fessis, maturior ipsius spe deditio est facta.  
dedunt victori. Pacti, ut arma atque equos traderent, in capita Romana  
trecentis nummis quadrigatis, in socios ducenis, in servos 2  
centenis, et ut, eo pretio persoluto, cum singulis abirent  
vestimentis, in castra hostes acceperunt; traditique in cus-3  
todiam omnes sunt, seorsum cives sociique. Dum ibi  
tempus teritur, interea quum ex maioribus castris, quibus  
satis virium aut animi fuit, ad quattuor millia hominum et  
ducenti equites, alii agmine, alii palati passim per agros,  
quod haud minus tutum erat, Canusium perfugissent, castra  
ipsa ab sauciis timidisque eadem conditione, qua altera,  
tradita hosti. Praeda ingens parta est: et, praeter equos  
virosque, et si quid argenti, (quod plurimum in phaleris  
equorum erat; nam ad vescendum facto perexiguo, utique 4  
militeres, utebantur) omnis cetera praeda diripienda data  
est. Tum sepeliendi causa conferri in unum corpora suo-  
rum iussit. Ad octo millia fuisse dicuntur fortissimorum

Poeni 8000  
in acie  
caesi.

8 *Ut quem cuique fors*] Ut quem  
cuique casus adiunxerat, aut in pugna,  
aut in fuga. CREV.

9 *Laniando dentibus hostem exspi-  
rasset*] sc. Numida qui morientem  
se hosti Romano superiniecerat, et  
rabiem vitamque, dentibus in os Ro-  
mani infixis, simul exspirasset. Ce-  
terum *Numida ... Romano*, tantum  
non omnes edd. habent.

1 *Brachio obiecto*] *Brachia* vocari  
munitiones ex reliquo opere procur-  
rentes monet Drakenb. sed Douiat.  
fossam inter castra flumenque deduc-  
tam hic intelligi vult.

2 *Trecentis nummis quadrigatis*] h.

e. Denariis argenteis. cf. Plin. H. N.  
xxxiii. 3. Bigati aut quadrigati dicti  
sunt hi nummi, quod biga aut qua-  
driga notati sunt. Denarius autem  
xvi. assibus permutabatur. Trecenti  
denarii tantum non idem, quod tres  
minae Atticae, valuerunt, et pretium  
haud insolitum erant liberorum capi-  
tum. Cf. Böckh. Staatshaushaltung  
der Athener i. § 13.

3 *Hostes acceperunt*] Hostes ni-  
mirum Poeni, ut cap. priore *hostem*  
Numidam legimus.

4 *Ad vescendum facto*] h. e. Elabo-  
rato, quo in vescendo uterentur.

virorum. Consulem quoque Romanum conquisitum sepultumque, quidam auctores sunt. U. C. 536.  
A. C. 216.

5 Eos, qui Canusium perfugerant, mulier Apula, nomine Busa, genere clara ac divitiis, moenibus tantum tectisque a Canusinis acceptos, frumento, veste, viatico etiam iuvit; pro qua ei munificentia postea, bello perfecto, ab senatu honores habiti sunt. Ceterum, quum ibi tribuni militum quattuor essent, Fabius Maximus de legione prima, cuius pater priore anno dictator fuerat, et de legione secunda L. Publicius Bibulus et P. Cornelius Scipio, et de legione tertia Ap. Claudius Pulcher, qui proxime aedilis fuerat; omnium consensu ad P. Scipionem, admodum adolescentem, et ad Ap. Claudium summa imperii delata est. Quibus consultantibus inter paucos de summa rerum nuntiat P. Furius Philus, consularis viri filius, 'Nequicquam eos perditam spem fovere: desperatam comploratamque rem esse publicam. Nobiles iuvenes quosdam, quorum principem L. Caecilium Metellum, mare ac naves spectare, ut, deserta 6 Italia, ad regum aliquem transfugiant.' Quod malum, 7 praeterquam atrox, super tot clades etiam novum, quum stupore ac miraculo torpidos defixisset, et, qui aderant, 8 consilium advocandum de eo censerent; negat consilii rem esse Scipio iuvenis, fatalis dux huiusce belli. 'Audendum atque agendum, non consultandum,' ait, 'in tanto malo esse. Irent secum extemplo armati, qui rempublicam 9 salvam vellent. Nullo verius, quam ubi ea cogitentur, hostium castra esse.' Pergit ire, sequentibus paucis, in A Scipione hospitium Metelli: et, quum concilium ibi iuvenum, de opprimitur. quibus allatum erat, invenisset, stricto super capita consultantium gladio, 'Ex mei animi sententia,' inquit, 'ut ego rempublicam populi Romani non deseram neque alium civem Romanum deserere patiar. Si sciens fallo, tum me, Iupiter optime maxime, domum, familiam, remque meam pessimo leto afficias! In haec verba, L. Caecili, iures,

5 *Mulier Apula*] Olim *Paula*. Emendavit ingeniose Lipsius.

6 *Ad regum aliquem*] *Regem*. Drak. et Bekker. probant; ceterum *regum* Gronov., Crev., et Stroth. tuentur.

7 *Praeterquam atrox*] *Praeterquam quod* edd. ante Gron. sed *quod* recte omitti exemplis idoneis docuerunt Gron. et Drak. cf. supr. iv. 17. infr. xxvi. 13.

8 *Consilium advocandum*] sc. Tribunorum et eorum qui ordines duxissent. *Concilium* edd. ante Crev. Verum *concilium* de audientibus rectius dicitur, *consilium* de deliberantibus

atque inter se consultantibus. Sed haec verba saepius inter se permutantur. cf. Gronov. Observ. ad Liv. xlv. 3.

9 *Nullo verius*] De ellipsi vocis loco. cf. Sanct. in Minerv. iv. 4. v. *Locus*. Eodem refer *tenere se in privato*, de quo vide Gronov. ad Liv. xxiii. 7. DRAK.

1 *Ex mei animi sententia*] Ellipsin vocis *iuro* in hac similibusque sollemnibusque formulis, praeter loca quae Gronov. in Observ. iv. 14. laudavit, lapidem ap. Fabrett. Inscr. p. 675. confirmare docet Drak.

U. C. 536. 'postulo, ceterique, qui adestis: qui non iuraverit, in se  
A. C. 216. 'hunc gladium strictum esse sciat.' Haud secus pavidum,  
quam si victorem Hannibalem cernerent, iurant omnes:  
custodiendosque semet ipsos Scipioni tradunt.

54. **Venusiam ex fuga coeunt ad quattuor hominum millia.** Eo tempore, quo haec Canusii agebantur, Venusiam ad consulem ad quattuor millia et quingenti pedites equitesque, qui sparsi fuga per agros fuerant, pervenere. Eos omnes Venusini per familias benigne accipiendos curandosque quum divisissent, in singulos equites togas et tunicas et<sup>2</sup> quadrigatos nummos quinos vicanos, et peditibus denos, et arma, quibus decrant, dederunt: ceteraque publice ac privatim hospitaliter facta, certatumque, ne a muliere Canusina populus Venusinus officiis vinceretur. Sed gravius onus Busae multitudo faciebat, et iam ad decem millia hominum erant. Appiusque et Scipio, postquam incolumem esse alterum consulem acceperunt, nuntium extemplo mittunt, quantae secum peditum equitumque copiae essent: sciscitatumque simul, utrum Venusiam adduci exercitum, an manere iuberet Canusii? Varro ipse Canusium copias traduxit. Et iam aliqua species consularis exercitus erat; moenibusque se certe, si non armis, ab hoste videbantur defensuri.

**Pavor Romae maximus.** Romam, ne has quidem reliquias superesse civium sociorumque, sed occidione occisos cum duobus exercitibus consules, deletasque omnes copias, allatum fuerat. Nunquam, salva urbe, tantum pavoris tumultusque intra moenia Romana fuit. Itaque succumbam oneri, neque aggrediar narrare, quae edissertando minora vero fecero. Consule exercituque ad Trasimenum priore anno amisso, non vulnus<sup>3</sup> super vulnus, sed multiplex clades, cum duobus consulibus duo consulares exercitus amissi nuntiabantur: nec ulla iam castra Romana, nec ducem, nec militem esse: Hannibalis Apuliam, Samnium, ac iam prope totam Italiam factam. Nulla profecto alia gens tanta mole cladis non obruta esset. Compares cladem ad Aegates insulas Carthaginiensium, proelio navali acceptam, qua fracti Sicilia ac Sardinia cessere, hinc vectigales ac stipendiarios fieri se passi sunt; aut

<sup>2</sup> *In singulos equites togas et tunicas*] Hinc, et ex aliis itidem Livii locis, xxix. 3. et 36. xlv. 16. patet togas etiam a militantibus gestatas. At primo intelligendum est eos togis usos esse, non in acie, sed in hibernis aut in otio castrorum. Deinde ex eo quod hic solum equitum fiat mentio, et in duobus ultimis locis supra memoratis numerus togarum, quae mittuntur ad exercitus, longe minor sit tunicarum numero, nec sufficiens profecto ad

totum exercitum vestiendum, colligit Aldus Man. de Quaestis iii. Ep. 1. togas honestioribus tantum in usu fuisse, puta equitibus, centurionibus, etc. CREV.

<sup>3</sup> *Non vulnus super vulnus*] Non simile modo vulnus, illi quod priore anno acceptum erat, sed potius multiplex clades nuntiabatur. Livium saepius ponere *non ... sed*, pro *non modo, sed etiam*, putat supr. x. 6. infr. xxviii. 11. Stroth.

pugnam adversam in Africa, cui postea hic ipse Hannibal U. C. 536. succubuit: nulla ex parte comparandae sunt, nisi quod minore animo latae sunt. A. C. 216.

P. Furius Philus et M'. Pomponius praetores senatum in 55. curiam Hostiliam vocaverunt, ut de urbis custodia consulerent. Neque enim dubitabant, deletis exercitibus, hostem Senatus consulitur de urbis custodia. ad oppugnandam Romam, quod unum opus belli restaret, venturum. Quum in malis, sicut ingentibus, ita ignotis, ne consilium quidem satis expedirent, obstreperetque clamor lamentantium mulierum, et, nondum palam facto, vivi mortuique per omnes paene domos promiscue complorarentur; tum Q. Fabius Maximus censuit, 'equites expedirentos et Appia et Latina via mittendos, qui obvios percunctando (aliquos profecto ex fuga passim dissipatos fore) referant, quae fortuna consulum atque exercituum sit; et si quid dii immortales, miseriti imperii, reliquum Romano nomini fecerint: ubi eae copiae sint: quo se Hannibal post proelium contulerit: quid paret, quid agat, acturusque sit. Haec exploranda noscendaque per impigros iuvenes esse. Illud per Patres ipsos agendum, quoniam magistratum parum sit, ut tumultum ac trepidationem in urbe tollant, matronas publico arceant, continerique intra suum quamque limen cogant: comploratus familiarum coerceant: silentium per urbem faciant: nuntios rerum omnium ad praetores deducendos curent: suae quisque fortunae domi auctorem expectent, custodesque praeterea ad portas ponant, qui prohibeant, quemquam egredi urbem: cogantque homines, nullam, nisi urbe ac moenibus salvis, salutem sperare. Ubi conticuerit tumultus, recte tum in curiam Patres revocandos, consulendumque de urbis custodia esse.'

7 Quum in hanc sententiam pedibus omnes issent, summo- 56. taque foro per magistratus turba, Patres diversi ad sedandos tumultus discessissent; tum demum literae a Terentio consule allatae sunt; 'L. Aemilium consulem exercitumque caesum; sese Canusii esse, reliquias tantae cladis velut ex naufragio colligentem. Ad decem millia militum

4 *Nondum palam facto*] sc. Qui vivi, qui mortui essent; atque ita omnes pariter complorarentur.

5 *Aliquos profecto ex fuga*] *Profectos* vulgo legitur, ceterum *profecto* ex emendat. Gron. receperunt Stroth. et Bekker.

6 *Auctorem expectent*] Domi expectent nuntios, qui de sua quemque fortuna, de suis scilicet servatis aut amissis, certiore faciant.

7 *Quum in hanc sententiam pedibus omnes issent*] Quum hanc sententiam omnes probassent. Tunc dicebantur senatores *pedibus ire* in aliquam sententiam, quum eam, non voce et verbis, sed solo pedum motu, probabant; transeundo scilicet in hanc illamve partem, prout huic vel illi sententiae assentiebantur. CREV.

8 *Ad decem millia militum*] Forte *ad quattuordecim millia*. Nam decem

U. C. 536. 'ferme esse in compositorum inordinatorumque. Poenum  
 A. C. 216. 'sedere ad Cannas, in captivorum pretiis praedaeque alia,  
 'nec victoris animo, nec magni ducis more, nundinantem.'<sup>9</sup>  
 Tum privatae quoque per domos clades vulgatae sunt:  
 Cereris sa- adeoque totam urbem opplevit luctus, ut sacrum anniver-  
 crum inter- sarium Cereris intermissum sit; quia nec lugentibus id  
 missum. facere est fas, nec ulla in illa tempestate matrona expers  
 luctus fuerat. Itaque, ne ob eandem causam alia quoque  
 sacra publica aut privata desererentur, senatusconsulto  
 diebus triginta luctus est finitus. Ceterum quum, sedato  
 urbis tumultu, revocati in curiam Patres essent, aliae insu-  
 per ex Sicilia literae allatae sunt ab T. Otacilio propraetore,  
 'Regnum Hieronis classe Punica vastari: cui quum opem  
 'imploranti ferre vellet, nuntiatum sibi esse, aliam classem  
 'ad Aegates insulas stare, paratam instructamque; ut, ubi  
 'se versum ad tuendam Syracusanam oram Poeni sensissent,  
 'Lilybaeum extemplo provinciamque aliam Romanam ag-  
 'grederentur. Itaque classe opus esse, si regem socium  
 'Siciliamque tueri vellent.'

57. Literis consulis propraetorisque lectis, censuerunt, M.  
 Claudium, qui classi ad Ostiam stanti praeesset, Canusium  
 ad exercitum mittendum, scribendumque consuli, ut, quum  
 praetori exercitum tradidisset, primo quoque tempore,  
 quantum per commodum reipublicae fieri posset, Romam  
 veniret. Territi etiam super tantas clades, quum ceteris  
 prodigiis, tum quod duae Vestales eo anno, Opimia atque  
 Vestales Floronia, stupri compertae, et altera sub terra, ut mos est,  
 stupri com- ad portam Collinam necata fuerat, altera sibimet ipsa mor-  
 pertae. tem consciverat. L. Cantilius, scriba pontificis, quos nunc  
 minores pontifices appellant, qui cum Floronia stuprum  
 fecerat, a pontifice maximo eo usque virgis in comitio caesus  
 erat, ut inter verbera exspiraret. Hoc nefas quum inter  
 tot, ut fit, clades in prodigium versum esset, decemviri  
 libros adire iussi sunt. Et Q. Fabius Pictor Delphos ad  
 oraculum missus est sciscitatum, quibus precibus suppliciis-<sup>4</sup>

millia iam Canusii erant, antequam  
 Varro eo cum quattuor millibus venit.  
 GRON.

9 *Nundinantem*] Hanc elegantis-  
 simam lectionem eruit Gronov. pro  
 vulg. *nuntiantem*. cf. Ennii locus ap.  
 Cic. Off. i. 12. citatus, *nec cauponantes*  
*bellum sed belligerantes*.

1 *Provinciamque aliam*] sc. Reli-  
 quam, ut supr. 11. et xxi. 56.

2 *Censuerunt*] Hanc vocem, ut  
 quae ab omnibus edd. et plerisque  
 codd. optimis absit, omittunt Crev. et  
 Bekker. sed quum tale quid certe de-  
 sideretur, ut Sigonius alique monu-

erunt, Stroth. et Kreyssig. inserendam  
 maluerunt.

3 *Scriba pontificis, quos nunc*] Scri-  
 ba pontificis, ex eorum scribarum nu-  
 mero, quos nunc *minores pontifices*  
 appellant. Aliis magis placet, referre  
 vocem *quos*, non ad *scribam*, sed ad  
*pontificem*: scriba pontificis, qui qui-  
 dem pontifex esset ex eorum numero,  
 quos nunc minores pontifices appel-  
 lant. CREV. Ceterum tres pontifices  
 minores commemorat Cic. de Ha-  
 rusp. Respons. 6. cf. Niebhr. i. n. 775.

4 *Suppliciisque*] Hanc vocem pro  
 supplicationibus, ex Sallust. Catil. 9.



que deos possent placare, et quaenam futura finis tantis U. C. 536.  
 5 cladibus foret. Interim ex fatalibus libris sacrificia aliquot A. C. 216.  
 extraordinaria facta; inter quae Gallus et Galla, Graecus Hostiae  
 et Graeca, in foro boario sub terra vivi demissi sunt in humanae  
 6 locum saxo consaeptum, iam ante hostiis humanis, minime immolatae.  
 Romano sacro, imbutum.

Placatis satis, ut rebantur, deis, M. Claudius Marcellus  
 ab Ostia mille et quingentos milites, quos in classem scri-  
 ptos habebat, Romam, ut urbi praesidio essent, mittit: ipse,  
 legione classis (ea tertia legio erat) cum tribunis militum  
 7 Teanum Sidicinum praemissa, classe tradita P. Furio  
 Philo collegae, paucos post dies Canusium magnis itine-  
 ribus contendit. Dictator ex auctoritate Patrum dictus  
 M. Iunius, et Ti. Sempronius magister equitum, delectu  
 8 edicto, iuniores ab annis septendecim, et quosdam praetex-  
 9 tatos, scribunt. Quattuor ex his legiones et mille equites  
 1 effecti. Item ad socios Latinumque nomen, ad milites ex  
 formula accipiendos, mittunt. Arma, tela, alia parari  
 iubent: et vetera hostium spolia detrahunt templis portici-  
 busque. Et aliam formam novi delectus inopia liberorum  
 capitum ac necessitas dedit: octo millia iuvenum validorum  
 2 ex servitiis, prius sciscitantes singulos, vellentne militare, Octo millia  
 empti publice armaverunt. Hic miles magis placuit, quum servorum  
 pretio minore redimendi captivos copia fieret. armantur.

Namque Hannibal, secundum tam prosperam ad Cannas 58.  
 pugnam, victoris magis, quam bellum gerentis, intentus  
 curis, quum, captivis productis segregatisque, socios, sicut  
 ante ad Trebiam Trasimenumque lacum, benigne allocutus,

B. Iugurth. 66. Plaut. Prol. ad Rud.  
 25. in usu fuisse notum est.

5 *Fatalibus libris*] Hos Sibyllinos  
 fuisse autumat Plutarch. in Cam. 3,  
 sed perperam, ut Niebhr. videtur, qui  
 libros Albunae, Sibyllae Tiburtinae,  
 a Lactantio Div. Inst. i. 6. 12. me-  
 moratae, hic innui censet: necnon  
 hoc sacrificio Romanos more suo fa-  
 tum eludere voluisse, si quo oraculo  
 Gallos vel Graecos homines Romam  
 occupaturos esse responsum fuisset.  
 De simili arte fata ludificandi cf. Ius-  
 tin. xii. 2. Niebhr. i. n. 1126.

6 *Iam ante hostiis*] Anno ante hunc  
 undecimo ad idem scelus, quo iam  
 imbutum hunc locum scribit Livius,  
 prava religio Romanos impulerat.  
 Gron.

7 *Teanum Sidicinum*] Ita dictum,  
 ut ab altero Teano, Apuliae oppido,  
 distingueretur.

8 *Iuniores ab annis septendecim*]

cf. A. Gellius x. 28. Niebhr. i. n.  
 1025.

9 *Et quosdam praetextatos*] Qui  
 nondum praetextam deposuerant, ut  
 virilem togam sumerent. Pueri in-  
 genui praetextam togam gerebant ad  
 annum aetatis fere decimum-septi-  
 mum. CREV. Hi vero immunes mi-  
 litia erant, nisi in gravissimis reipu-  
 blicae temporibus.

1 *Ex formula*] Qua descriptum  
 erat, quantum numerum militum  
 quaeque civitas Latini nominis dare  
 populo Romano deberet. Simile ex-  
 emplum vid. infr. xxvii. 10. ubi de  
 coloniis agitur. CREV. Similiter Graece  
 ἐκ καταλόγου, Thucyd. viii. 24.

2 *Sciscitantes singulos, vellentne militare*] Id observat Livius, quia non  
 illo modo agebatur cum civibus, qui  
 non interrogabantur vellentne militare,  
 sed citati ad nomina respondere debe-  
 bant. CREV.



U. C. 536.  
A. C. 216.  
Hannibalis  
oratio ad  
captivos  
Rom.

Legati cap-  
tivorum.

59.  
Eorum  
principis  
oratio in  
senatu.

sine pretio dimisisset; Romanos quoque vocatos (quod nunquam alias antea) satis miti sermone alloquitur: 'Non internecinum sibi esse cum Romanis bellum: de dignitate atque imperio certare. Et patres virtuti Romanae cessisse: et se id anniti, ut suae in vicem simul felicitati et virtuti cedatur. Itaque redimendi se captivis copiam facere: pretium fore in capita, equiti quingenos quadrigatos nummos, trecenos pediti, servo centenos.' Quanquam aliquantum adiiciebatur equitibus ad id pretium, quod pepigerant dedentes se; laeti tamen quamcunque conditionem paciscendi acceperunt. Placuit suffragio ipsorum decem deligi, qui Romam ad senatum irent: nec pignus aliud fidei, quam ut iurarent se redituros, acceptum. Missus cum his Carthalo nobilis Carthaginienensis: qui, si forte ad pacem inclinarent animos, condiciones ferret. Quum egressi castris essent, unus ex iis, minime Romani ingenii homo, velut aliquid oblitus, iurisiurandi solvendi causa quum in castra redisset, ante noctem comites assequitur. Ubi eos Romam venire nuntiatum est, Carthaloni obviam lictor missus, qui dictatoris verbis nuntiaret, ut ante noctem excederet finibus Romanis. Legatis captivorum senatus ab dictatore datus est. Quorum princeps M. Iunius, 'Patres conscripti,' inquit, 'nemo nostrum ignorat, nulli unquam civitati viliores fuisse captivos, quam nostrae. Ceterum, nisi nobis plus iusto nostra placet causa, non alii unquam minus negligendi vobis, quam nos, in hostium potestatem venerunt. Non enim in acie per timorem arma tradidimus; sed, quum prope ad noctem superstantes cumulis caesorum corporum proelium extraxissemus, in castra recepimus nos. Diei reliquum ac noctem insequentem, fessi labore ac vulneribus, vallum sumus tutati. Postero die, quum circumsessi ab exercitu victore aqua arceremur, nec ulla iam per confertos hostes erumpendi spes esset, nec esse nefas duceremus, quinquaginta millibus hominum ex acie nostra trucidatis, aliquem ex Cannensi pugna Romanum militem restare; tum demum pacti sumus pretium, quo redempti dimitteremur: arma, in quibus nihil iam auxilii erat, hosti tradidimus. Maiores quoque acceperamus se a Gallis auro redemisse: et patres vestros, asperrimos illos ad conditionem pacis, legatos tamen cap-

<sup>2</sup> *Iurisiurandi solvendi causa*] cf. Cic. de Off. iii. 32. *liberatum se esse iureiurando interpretabatur.*

<sup>3</sup> *Patres vestros*] *Nostros* edd. ante Gron. Hinc quodammodo patere censeat Drak. legatum, sc. M. Iunium, in senatum allectum non fuisse, et *patres*

*vestros* senatores notare, qui tempore belli cum Pyrrho gesti vixerunt.

<sup>4</sup> *Legatos tamen*] C. Fabricium aliosque, qui post cladem a Laevino consule inter Heracleam et Pandosiam acceptam, ad Pyrrhum missi sunt:

'tivorum redimendorum gratia Tarentum misisse. Atqui, U. C. 536.  
 'et ad Alliam cum Gallis, et ad Heracleam cum Pyrrho, A. C. 216.  
 'utraq[ue] non tam clade infamis, quam pavore ac fuga,  
 'pugna fuit. Cannenses campos acervi Romanorum cor-  
 'porum tegunt: nec supersumus pugnae, nisi in quibus  
 'trucidandis et ferrum et vires hostem defecerunt. Sunt  
 'etiam de nostris quidam, qui ne in acie quidem refuge-  
 'runt: sed, praesidio castris relictis, quum castra traderentur,  
 'in potestatem hostium venerunt. Haud equidem ullius  
 5 'civis et commilitonis fortunae aut conditioni invideo, nec  
 'premendo alium me extulisse velim: ne illi quidem, (nisi  
 'pernecitatis pedum et cursus aliquod praemium est) qui  
 'plerique inermes ex acie fugientes non prius, quam Ve-  
 'nusiae aut Canusii, constiterunt, se nobis merito praetule-  
 'rint, gloriatique sint, in se plus, quam in nobis, praesidii  
 'reipublicae esse. Sed illis et bonis et fortibus militibus  
 'utemini: et nobis etiam promptioribus pro patria, quod  
 'beneficio vestro redempti atque in patriam restituti fueri-  
 'mus. Delectum ex omni aetate et fortuna habetis: octo  
 'millia servorum audio armari. Non minor numerus noster  
 'est, nec maiore pretio redimi possumus, quam hi emuntur.  
 'Nam si conferam nos cum illis, iniuriam nomini Romano  
 'faciam. Illud etiam in tali consilio animadvertendum  
 'vobis censeam, Patres conscripti, (si tamen duriores esse  
 'velitis, quod nullo nostro merito faciatis) cui nos hosti re-  
 6 'licturi sitis. Pyrrho videlicet, qui nos hospitum numero  
 'habuit captivos, an barbaro ac Poeno; qui utrum avarior,  
 'an crudelior, sit, vix existimari potest. Si videatis catenas,  
 'squalorem, deformitatem civium vestrorum, non minus  
 'profecto vos ea species moveat, quam si ex altera parte  
 'cernatis stratas Cannensibus campis legiones vestras. In-  
 'tueri potestis sollicitudinem et lacrimas in vestibulo curiae  
 'stantium cognatorum nostrorum, expectantiumque re-  
 'sponsum vestrum. Quum ii pro nobis proque iis, qui ab-  
 'sunt, ita suspensi ac solliciti sint; quem censetis animum  
 'ipsorum esse, quorum in discrimine vita libertasque est? Si,  
 'me dius fidius, ipse in nos mitis Hannibal contra naturam  
 'suam esse velit, nihil tamen nobis vita opus esse censea-  
 7 'mus, quum indigni, ut a vobis redimeremur, visi simus.  
 'Rediere Romam quondam remissi a Pyrrho sine pretio  
 'capti; sed rediere cum legatis, primoribus civitatis, ad re-  
 'dimendos sese missis: redeam ego in patriam, trecentis

5 *Nec premendo alium*] cf. Supr.  
 12. *premendorumque superiorum arte.*

6 *Qui nos hospitum numero*] Nos-  
 tros scilicet, vel Romanos. DUKER.

7 *Visi simus*] Ita Muretus censet

legendum pro vulg. *sumus*. Non enim  
 rem affirmat orator; sed, si ea con-  
 tingat, quid sibi animi futurum sit,  
 testatur.

U. C. 536. 'nummis non aestimatus civis? Suum quisque habet ani-  
 A. C. 216. 'mum, Patres conscripti. Scio in discrimine esse vitam  
 'corpusque meum. Magis me famae periculum movet, ne  
 'a vobis damnati ac repulsi abeamus: neque enim vos pre-  
 'tio pepercisse homines credent.'

60. Ubi is finem fecit, extemplo ab ea turba, quae in comitio  
 erat, clamor flebilis est sublatus, manusque ad curiam  
 tendebant orantes, ut sibi liberos, fratres, cognatos redderent.  
 Feminas quoque metus ac necessitas in foro turbae huic<sup>8</sup>  
 virorum immiscuerat. Senatus, summotis arbitris, consuli  
 coeptus. Ibi quum sententiis variaretur, et alii redimendos  
 de publico, alii nullam publice impensam faciendam, nec  
 prohibendos ex privato redimi; si quibus argentum in prae-  
 sentia deesset, dandam ex aerario pecuniam mutuam, prae-<sup>9</sup>  
 dibusque ac praediis cavendum populo, censerent; tum T.  
 Manlius Torquatus, priscae ac nimis durae, ut plerisque  
 videbatur, severitatis, interrogatus sententiam, ita locutus  
 fertur: 'Si tantummodo postulassent legati pro iis, qui in  
 'hostium potestate sunt, ut redimerentur, sine ullius insec-  
 'tatione eorum, brevi sententiam peregissem. Quid enim  
 'aliud quam admonendi essetis, ut morem traditum a patri-  
 'bus, necessario ad rem militarem exemplo, servaretis?  
 'Nunc autem quum prope gloriati sint, quod se hostibus  
 'dediderint, praeferrique non captis modo in acie ab hosti-  
 'bus, sed etiam iis, qui Venusiam Canusiumque pervene-  
 'runt, atque ipsi C. Terentio consuli, aequum censuerint;  
 'nihil vos eorum, Patres conscripti, quae illic acta sunt,  
 'ignorare patiar. Atque utinam haec, quae apud vos ac-  
 'turus sum, Canusii apud ipsum exercitum agerem, optimum  
 'testem ignaviae cuiusque et virtutis: aut unus hic saltem  
 'adesset P. Sempronius, quem si isti ducem secuti essent,  
 'milites hodie in castris Romanis, non captivi in hostium  
 'potestate essent. Sed quum, fessis pugnando hostibus,  
 'tum victoria laetis et ipsis plerisque regressis in castra sua,  
 'noctem ad erumpendum liberam habuissent, et septem  
 'armatorum hominum millia perrumpere etiam confertos  
 'hostes potuissent; neque per se ipsi id facere conati sunt,  
 'neque alium sequi voluerunt. Nocte prope tota P. Sem-  
 'pronius Tuditanus non destitit monere, adhortari eos, dum  
 'paucitas hostium circa castra, dum quies ac silentium esset,  
 'dum nox inceptum tegeret, se ducem sequerentur: ante

Manlius  
 suadet ne  
 captivi re-  
 dimantur.

<sup>8</sup> *Necessitas*] Utrum de calamitate publica, an de sanguinis coniunctione accipiendum sit, non satis liquet. DOER.

<sup>9</sup> *Praedibusque ac praediis cavendum populo*] Praedes dandos et

praedia obliganda populo, quibus caveretur redditum iri eas pecuniae summas, quae ex aerario mutuae darentur. CREV. cf. supr. vii. 22. *aerarium . . . . dissolvit, ut populo prius caveretur.*

' lucem pervenire in tuta loca, in sociorum urbes posse. Sicut U. C. 536.  
 1 'avorum memoria P. Decius tribunus militum in Samnio; A. C. 216.  
 ' sicut, nobis adolescentibus, priore Punico bello Calpurnius  
 ' Flamma trecentis voluntariis, quum ad tumulum eos capi-  
 ' endum, situm inter medios hostes, duceret, dixit: ' Mori-  
 amur, milites, et morte nostra eripiamus ex obsidione cir-  
 cumventas legiones: ' si hoc P. Sempronius diceret; nec  
 ' viros quidem, nec Romanos vos duceret, si nemo tantae  
 ' virtutis exstisset comes. Viam non ad gloriam magis,  
 ' quam ad salutem, ferentem demonstrat; reduces in patriam  
 ' ad parentes, ad coniuges ac liberos facit. Ut servemini,  
 ' deest vobis animus? quid, si moriendum pro patria esset,  
 ' faceretis? Quinquaginta millia civium sociorumque circa  
 ' vos eo ipso die caesa iacent. Si tot exempla virtutis non  
 ' movent, nihil unquam movebit: si tanta clades vilem vitam  
 ' non fecit, nulla faciet. Liberi atque incolumes desiderate  
 ' patriam: imo desiderate, dum patria est, dum cives eius  
 2 ' estis. Sero nunc desideratis, deminuti capite, abalienati  
 ' iure civium, servi Carthaginensium facti. Pretio redituri  
 ' estis eo, unde ignavia ac nequitia abistis? P. Sempronium,  
 ' civem vestrum, non audistis, arma capere ac sequi se  
 ' iubentem: Hannibalem post paullo audistis, castra prodi  
 ' et arma tradi iubentem. Quam ego ignaviam istorum ac-  
 ' cuso, quum scelus possim accusare? Non enim modo sequi  
 ' recusarunt bene monentem, sed obsistere ac retinere  
 ' conati sunt, ni strictis gladiis viri fortissimi inertes sum-  
 ' movissent. Prius, inquam, P. Sempronio per civium ag-  
 ' men, quam per hostium, fuit erumpendum. Hos cives  
 ' patria desideret? quorum si ceteri similes fuissent,  
 ' neminem hodie ex iis, qui ad Cannas pugnaverunt, civem  
 ' haberet. Ex millibus septem armatorum sexcenti exstite-  
 ' runt, qui erumpere auderent, qui in patriam liberi atque  
 ' armati redirent: neque iis quadraginta millia hostium  
 ' obstitere. Quam tutum iter duarum prope legionum agmini  
 ' futurum censetis fuisse? Haberetis hodie viginti millia  
 ' armatorum Canusii, fortia, fidelia, Patres conscripti.  
 ' Nunc autem quemadmodum hi boni fidelesque (nam fortes  
 ' ne ipsi quidem dixerint) cives esse possunt? nisi quis cre-  
 3 ' dere potest fuisse, ut erumpentibus, quin erumperent, ob-

1 *P. Decius tribunus militum*] cf. Supr. vii. 34. De *Calpurnio Flamma* cf. Liv. Epit. xvii. A. Gell. iii. 7. Zonar. viii. 12, 13.

2 *Deminuti capite*] Sic *Regulus* apud Hor. Od. iii. 5. dicitur *capitis minor*. Capitis deminutio est prioris status mutatio. Haec triplex est. At

ea de qua hic agitur, quae *maxima* dicitur, est, quum aliquis simul et civitatem et libertatem amittit. CREV. cf. Gaii Inst. i. § 159. Iustin. Inst. i. § 16. Festus v. *Deminutus capite*.

3 *Ut erumpentibus*] Scilicet tum, quum conati sunt. DOER.

U. C. 536. 'sistere conati sunt: aut non invidere eos, quum incolumi-  
 A. C. 216. 'tati, tum gloriae illorum per virtutem partae, quum sibi  
 'timorem ignaviamque servitutis ignominiosae causam esse  
 'sciant. Maluerunt in tentoriis latentes simul lucem atque  
 'hostem expectare, quum silentio noctis erumpendi occasio  
 'esset. At enim ad erumpendum e castris defuit animus; 4  
 'ad tutanda fortiter castra animum habuerunt. Dies no-  
 'ctesque aliquot obsessi, vallum armis, se ipsi tutati vallo  
 'sunt: tandem ultima ausi passique, quum omnia subsidia  
 'vitae abessent, affectisque fame viribus, arma iam sustinere  
 'nequirent, necessitatibus magis humanis, quam armis, victi  
 'sunt. Orto sole hostis ad vallum accessit: ante secundam  
 'horam, nullam fortunam certaminis experti, tradiderunt  
 'arma ac se ipsos. Haec vobis ipsorum per biduum militia  
 'fuit. Quum in acie stare ac pugnare decuerat, tum in  
 'castra refugerunt: quum pro vallo pugnandum erat, castra  
 'tradiderunt, neque in acie neque in castris utiles. Vos  
 'redimam? quum erumpere castris oportet, cunctamini ac  
 'manetis: quum manere, castra tutari armis necesse est, et  
 'castra et arma et vos ipsos traditis hosti. Ego non magis  
 'istos redimendos, Patres conscripti, censeo, quam illos de-  
 'dendos Hannibali, qui per medios hostes e castris eruperunt,  
 'ac per summam virtutem se patriae restituerunt.'

61. Postquam Manlius dixit, quanquam Patrum quoque ple-  
 rosque captivi cognatione attingebant, praeter exemplum  
 civitatis minime in captivos iam inde antiquitus indulgentis,  
 pecuniae quoque summa homines movit: quia nec aerarium  
 exhaustum, magna iam summa erogata in servos ad militiam  
 emendos armandosque, nec Hannibalem maxime huiusce  
 rei, ut fama erat, egentem locupletari volebant. Quum  
 triste responsum, 'non redimi captivos,' redditum esset, no-  
 vusque super veterem luctus tot iactura civium adiectus  
 esset, cum magnis fletibus questibusque legatos ad portam  
 prosecuti sunt. Unus ex iis domum abiit, quod fallaci  
 reditu in castra iureiurando se exsolvisset. Quod ubi  
 innotuit, relatumque ad senatum est, omnes censuerunt,  
 comprehendendum et custodibus publice datis deducendum  
 ad Hannibalem esse.

Est et alia de captivis fama, decem primos venisse: de  
 iis quum dubitatum in senatu esset, admitterentur in urbem,  
 nec ne; ita admissos esse, ne tamen iis senatus daretur.  
 Morantibus deinde longius omnium spe, alios tres insuper  
 legatos venisse, L. Scribonium, et C. Calpurnium, et L.

4 *At enim*] Forma obiectionis usi-  
 tator, quam nobis ipsis facientes, de-  
 inde refellimus.

5 *Est et alia de captivis fama*]

Hanc sequitur Acilius, qui Graece his-  
 toriam scripsit. cf. Cic. Off. iii. 32. A.  
 Gell. vii. 18.

Senatus  
 censet cap-  
 tivos non  
 esse redi-  
 mendos.

Nimis cal-  
 lida iuris-  
 iurandi in-  
 terpretatio.

Manlium. Tum demum ab cognato Scribonii tribuno ple- U. C. 536.  
bis de redimendis captivis relatum esse, nec censuisse redi- A. C. 216.  
mendos senatum: et novos legatos tres ad Hannibalem re-  
vertisse, decem veteres remansisse; quod, per causam re-  
cognoscendi nomina captivorum ad Hannibalem ex itinere  
regressi, religione sese exsolvissent: de iis dedendis magna  
contentione actum in senatu esse; victosque paucis sen-  
tentiis, qui dedendos censuerint. Ceterum proximis cen-  
soribus adeo omnibus notis ignominiisque confectos esse, ut  
quidam eorum mortem sibi ipsi extemplo consciverint:  
ceteri non foro solum omni deinde vita, sed prope luce ac  
publico, caruerint. Mirari magis, adeo discrepare inter  
auctores, quam quid veri sit, discernere queas.

Quanto autem maior ea clades superioribus cladibus  
fuerit, vel ea res indicio est, quod, qui sociorum ad eam  
diem firmi steterant, tum labare coeperunt, nulla profecto  
6 alia de re, quam quod desperaverant de imperio. Defecere Defectio  
autem ad Poenos hi populi: Atellani, Calatini, Hirpini, sociorum.  
Apulorum pars, Samnites praeter Pentros, Bruttii omnes,  
7 Lucani: praeter hos Surrentini, et Graecorum omnis ferme  
ora, Tarentini, Metapontini, Crotonienses, Locrique, et  
Cisalpini omnes Galli. Nec tamen hae clades defectiones- Pacis ta-  
que sociorum moverunt, ut pacis unquam mentio apud Ro- men men-  
manos fieret; neque ante consulis Romam adventum, nec tio nulla.  
postquam is rediit, renovavitque memoriam acceptae cladis.  
Quo in tempore ipso adeo magno animo civitas fuit, ut con- Varroni  
suli, ex tanta clade, cuius ipse causa maxima fuisset, redeunti, obviam  
et obviam itum frequenter ab omnibus ordinibus sit, et itum, et  
8 gratiae actae, quod de republica non desperasset: cui, si gratiae  
Carthaginensium ductor fuisset, nihil recusandum supplicii actae.  
foret.

6 *Defecere autem ad Poenos*] Non  
statim, sed post annum elapsum:  
neque nisi quarto abhinc anno Meta-  
pontum et Thurii defecere. cf. Polyb.  
iii. 118.

7 *Surrentini*] Lege cum Gronovio  
*Sallentini*. Nam Surrentini, qui sunt  
in Campaniae ora, debuissent poni  
post Calatinos. At Sallentini ad Grae-

corum oram pertinent. CREV.

8 *Si Carthaginensium ductor fu-*  
*isset*] Mira fuit Carthaginensium in  
duces suos acerbitas, quos in crucem  
tollere soliti erant, non modo si culpa  
sua victi fuissent, sed etiam si prospero  
eventu, pravo consilio, rem gessissent.  
CREV. cf. Polyb. i. 2. et 24.

## EPITOME LIBRI XXIII.

---

*CAMPANI ad Hannibalem defecerunt. Nuntius Cannensis victoriae Mago Carthaginem missus, annulos aureos, a digitis occisorum Romanorum detractos, in vestibulo curiae effudit: quos excessisse modii mensuram traditur. Post quem nuntium Hanno, vir ex Poenis nobilissimus, suadebat senatui Carthaginensium, ut pacem a populo Romano peterent: nec tenuit, obstrepente Barcina factione. Claudius Marcellus praetor ad Nolam, eruptione adversus Hannibalem ex oppido facta, prospere pugnavit. Exercitus Hannibalis per hiberna Capuae ita luxuriatus est, ut corporum viribus atque animorum enervaretur. Casilinum, a Poenis obsessum, ita fame vexatum est, ut lora et pelles scutis detractas, item mures, essent; et nucibus, per Vulturum amnem a Romanis missis, vixerint. Senatus ex equestri ordine hominibus centum nonaginta septem suppletus est. L. Postumius praetor a Gallis cum exercitu caesus est. Cn. et P. Scipiones in Hispania Hasdrubalem vicerunt, et Hispaniam suam fecerunt. Reliquiae Cannensis exercitus in Siciliam relegatae sunt; ne recederent inde, nisi finito bello. Inter Philippum Macedonum regem et Hannibalem societas iuncta est. Sempronius Gracchus consul Campanos cecidit. Praeterea in Sardinia feliciter a T. Manlio praetore adversus Poenos Sardosque res gestas continet: a quo Hasdrubal dux, et Mago, et Hanno capti. Claudius Marcellus praetor Hannibalis exercitum ad Nolam proelio fudit et vicit: primusque tot cladibus fessis Romanis meliorem spem belli dedit.*



# T. LIVII PATAVINI

## LIBER XXIII.

<sup>1</sup> **A**ECIS Hannibal post Cannensem pugnam captis ac U. C. 536.  
direptis, confestim ex Apulia in Samnium moverat: A. C. 216.  
<sup>2</sup> accitus in Hirpinos a Statio, pollicente se Compsam tradi- Hannibali  
turum. Compsanus erat Trebius nobilis inter suos: sed Compsa  
premebat eum Mopsiorum factio, familiae per gratiam Ro- traditur.  
manorum potentis. Post famam Cannensis pugnae, vulga-  
tumque Trebii sermonibus adventum Hannibalis, quum  
Mopsiani urbem excessissent; sine certamine tradita urbs  
Poeni, praesidiumque acceptum est. Ibi praeda omni atque  
impedimentis relictis, exercitu partito, Magonem regionis  
eius urbes, aut deficientes ab Romanis accipere, aut detrec-  
tantes cogere ad defectionem iubet: ipse per agrum Cam- Neapolim  
panum mare inferum petit, oppugnaturus Neapolim, ut petit.  
urbem maritimam haberet. Ubi fines Neapolitanorum in-  
travit, Numidas partim in insidiis, (et pleraeque cavae sunt  
viae, sinusque occulti) quacunque apte poterat, disposuit:  
alios, prae se actam praedam ex agris ostentantes, obequi-  
tare portis iussit. In quos, quia nec multi, et incompositi  
videbantur, quum turma equitum erupisset, ab cedentibus  
consulto tracta in insidias, circumventa est: nec evasisset  
quisquam, ni mare propinquum, et haud procul litore naves,  
piscatoriae pleraeque, conspectae peritis nandi dedissent  
effugium. Aliquot tamen eo proelio nobiles iuvenes capti  
caesique sunt: inter quos et Hegeas praefectus equitum, Conspe-  
intemperantius cedentes secutus, cecidit. Ab urbe oppu- ctam oppu-  
gnare non  
audet.

<sup>1</sup> *Aecis Hannibal*] In plur. edd. *Hannibal, post Cannensem pugnam, castra capta ac direpta, confestim* etc. Nostra autem lectio, quam Bekker. recepit, ex Gronov. coniectura provenit. *Aecae* Apulorum oppidum, cuius mentio infr. xxiv. 20. occurrit. Ceterum Polyb. iii. 86. Fabium Maximum primum in conspectum Hannibalis haud procul *Aecis* venisse scri-

bit, ubi noster *Arpis* legit. supr. xxii. 12.

<sup>2</sup> *Accitus in Hirpinos a Statio*] Idem infr. *Trebius* vocatur, ut nomen integrum fuerit *Statius Trebius*. Et hic facile crediderimus cum Gronovio, scripsisse Livium *a Statio Trebio*. Est enim *Statius* praenomen Italicum. CREV.

U. C. 536. gnanda Poenum absterruere conspecta moenia, haudqua-  
A. C. 216. quam prompta oppugnanti.

2. Inde Capuam flectit iter, luxuriantem longa felicitate;  
It Capuam. atque indulgentia fortunae, maxime tamen, inter corrupta  
omnia, licentia plebis sine modo libertatem exercentis.  
Pacuvii Senatū et sibi et plebi obnoxium Pacuvius Calavius fece-  
Calavii rat; nobilis idem ac popularis homo, ceterum malis artibus  
fraus. nactus opes. Is quum eo forte anno, quo res male gesta  
ad Trasimenum est, in summo magistratu esset, iam diu in-  
festam senatui plebem, ratus, per occasionem novandi res,  
magnum ausuram facinus, ut, si in ea loca Hannibal  
cum victore exercitu venisset, trucidato senatu traderet  
Capuam Poenis; improbus homo, sed non ad extremum  
perditus, quum mallet incolumi, quam eversa, republica  
dominari; nullam autem incolumem esse orbatam publico  
consilio crederet, rationem iniit, qua et senatum servaret, et  
obnoxium sibi ac plebi faceret. Vocato senatu, quum, sibi  
defectionis ab Romanis consilium placitum nullo modo,  
Senatū nisi necessarium fuisset, praefatus esset; 'quippe qui  
claudit in curia. 'liberos ex Ap. Claudii filia haberet, filiamque Romanis  
'nuptum Livio dedisset; ceterum maiorem multo rem  
'magisque timendam instare; non enim per defectionem ad  
'tollendum ex civitate senatum plebem spectare, sed per  
'caedem senatus vacuum rempublicam tradere Hannibali  
'ac Poenis velle; eo se periculo posse liberare eos, si se  
'permittant sibi, et, certaminum in republica obliti, credant:'  
quum omnes victi metu permitterent; 'Claudam in curia  
'vos,' inquit, 'et, tanquam et ipse cogitati facinoris particeps,  
'approbando consilia, quibus nequicquam adversarer, viam  
'saluti vestrae inveniam. In hoc fidem, quam vultis ipsi,  
'accipite.' Fide data egressus, claudi curiam iubet, prae-  
sidiumque in vestibulo reliquit; ne quis adire curiam iniussu  
suo, neve inde egredi possit. Tunc vocato ad concionem  
3. populo, 'Quod saepe,' inquit, 'optastis, Campani, ut supplicii  
Populo tol- sumendi vobis ex improbo ac detestabili senatu potestas  
lendi sena- 'esset; eam nunc, non per tumultum expugnantes domos  
tus potes- 'singulorum, quas praesidiis clientium servorumque tuentur,

3 *Luxuriantem*] Verbo *luxuriari* exprimuntur omnia vitia quae ex otio nimiaeque copia nascuntur, deliciae, superbia, contemptus legum, etc. CREV.

4 *Pacuvius Calavius*] cf. Diodor. Excerpt. xxvi. 1. e Vatican. Codd. edit. ab A. Maio 1827. ubi legitur, civem quendam, nomine Pancylum Paucum, suasisse Campanis, ut ad Carthaginenses deficerent. *Pacullum* vero hic scribendum existimant critici non-

nulli, similemque corruptionem *Pacuvium* pro voce *Pacullum*, vel *Paculum*, etiam in Sil. Ital. xi. 58. ex librorum inscitia irrepsisse. Ceterum de *Calaviis*, gente Campana, cf. supr. ix. 7. et 26.

5 *Ex Ap. Claudii filia*] Quippe municipalibus connubium cum civibus Romanis dabatur. cf. Niebhr. ii. n. 154. Orationem hanc ex verbo *inquit* pendere putat Crev. cf. supr. xxii. 18.

‘ cum summo vestro periculo, sed tutam habetis ac liberam. U. C. 536.  
 ‘ Clausos omnes in curiam accipite, solos, inermes: nec A. C. 216.  
 ‘ quicquam raptim, aut forte temere egeritis. De singulo-  
 ‘ rum capite vobis ius sententiae dicendae faciam, ut, quas  
 ‘ quisque meritus est, poenas pendat. Sed ante omnia ita  
 ‘ vos irae indulgere oportet, ut potiore ira salutem atque  
 ‘ utilitatem vestram habeatis. Etenim hos, ut opinor,  
 ‘ odistis senatores; non senatum omnino habere non vultis:  
 ‘ quippe aut rex, (quod abominandum) aut, quod unum  
 ‘ liberae civitatis consilium est, senatus habendus est. Itaque  
 ‘ duae res simul agenda sunt vobis, ut et veterem senatum  
 ‘ tollatis, et novum cooptetis. Citari singulos senatores Dummodo  
 ‘ iubebo, de quorum capite vos consulam. Quod de quoque novus sena-  
 ‘ censueritis, fiet. Sed prius in eius locum virum fortem ac tur.  
 ‘ strenuum novum senatorem cooptabitis, quam de noxio  
 ‘ supplicium sumatur.’ Inde consedit, et, nominibus in  
 urnam coniectis, citari, quod primum sorte nomen excidit,  
 ipsumque e curia produci iussit. Ubi auditum est nomen,  
 malum et improbum pro se quisque clamare, et supplicio  
 dignum. Tum Pacuvius, ‘ Video, quae de hoc sententia sit  
 6 ‘ data. Eligite pro malo atque improbo bonum senatorem  
 ‘ et iustum.’ Primo silentium erat inopia potioris subiici- Haeret po-  
 undi; deinde, quum aliquis, omissa verecundia, quempiam pulus in  
 nominasset, multo maior extemplo clamor oriebatur, quum novis eli-  
 alii negarent nosse; alii nunc probra, nunc humilitatem gendis se-  
 sordidamque inopiam, et pudendae artis aut quaestus genus, natoribus.  
 obiicerent. Hoc multo magis in secundo ac tertio citato  
 senatore est factum: ut ipsius poenitere homines appareret;  
 quem autem in eius substituerent locum, deesse: quia nec  
 7 eosdem nominari attinebat, nihil aliud quam ad audienda  
 probra nominatos, et multo humiliores obscurioresque ceteri  
 erant iis, qui primi memoriae occurrebant. Ita dilabi Senatus li-  
 homines, notissimum quodque malum maxime tolerabile beratur.  
 dicentes esse, iubentesque senatum ex custodia dimitti.

Hoc modo Pacuvius quum obnoxium vitae beneficio  
 senatum multo sibi magis, quam plebi, fecisset, sine armis,  
 iam omnibus concedentibus, dominabatur. Hinc senatores,  
 omissa dignitatis libertatisque memoria, plebem adulari,  
 salutare, benigne invitare, apparatis accipere epulis, eas  
 8 causas suscipere, ei semper parti adesse, secundum eam  
 litem iudices dare, quae magis popularis aptiorque in vulgus

4.

6 *Eligite pro malo*] Ita ex secunda  
 coniectura Gronovii, pro vulg. *elicitur*  
*pro bono* . . . . *iustum eligite*, Drak.  
 recepit.

7 *Nihil aliud quam*] cf. Supr. ii. 63.  
 Idem valet quod *tantummodo*.

8 *Secundum eam litem iudices dare*] Ambigitur utrum *dare litem*, an *dare iudices* hic Livius intelligat. Crevier quidem exponit *dare iudices secundum eam litem* idem velle, atque iudices pronos dare qui ei litigatori faverent,

U. C. 536. favori conciliando esset. Iam vero nihil in senatu actum  
 A. C. 216. aliter, quam si plebis ibi esset concilium. Prona semper  
 civitas in luxuriam, non ingeniorum modo vitio, sed  
 affluentia copia voluptatum, et illecebris omnis amoenitatis  
 maritimae terrestrique; tum vero ita obsequio principum  
 et licentia plebei lascivire, ut nec libidini nec sumptibus  
 modus esset. Ad contemptum legum, magistratum,  
 senatus, accessit tum, post Cannensem cladem, ut, cuius  
 aliqua erat verecundia, Romanum quoque imperium sperne-  
 rent. Id modo erat in mora, ne extemplo deficerent, quod  
 connubium vetustum multas familias claras ac potentes Ro-  
 manis miscuerat: et quod, quum militarent aliquot apud  
 Romanos, maximum vinculum erant trecenti equites, nobi-  
 lissimus quisque Campanorum, in praesidia Sicularum ur-  
 bium delecti ab Romanis ac missi.

5.  
 Legati  
 Campano-  
 rum ad  
 Cos. Rom.

Respon-  
 sum con-  
 sulia.

Horum parentes cognatique aegre pervicerunt, ut legati  
 ad consulem Romanum mitterentur. Ii, nondum Canusium  
 profectum, sed Venusiae cum paucis ac semiermibus con-  
 sulem invenerunt, quam poterat maxime miserabilem bonis  
 sociis; superbis atque infidelibus, ut erant Campani, sper-  
 nendum. Et auxit rerum suarum suique contemptum con-  
 sul nimis detegendo cladem nudandoque. Nam quum  
 legati, aegre ferre senatum populumque Campanum, adversi  
 quicquam evenisse Romanis, nuntiassent, pollicerenturque  
 omnia, quae ad bellum opus essent; 'Morem magis,' inquit,  
 'loquendi cum sociis servastis, Campani, iubentes, quae  
 'opus essent ad bellum, imperare, quam convenienter ad  
 'praesentem fortunae nostrae statum locuti estis. Quid  
 'enim nobis ad Cannas relictum est, ut, quasi aliquid habe-  
 'amus, id, quod deest, expleri ab sociis velimus? Pedites  
 'vobis imperemus, tanquam equites habeamus? Pecuniam  
 'deesse dicamus, tanquam ea tantum desit? Nihil, ne quod  
 'suppleremus quidem, nobis reliquit fortuna. Legiones,  
 'equitatus, arma, signa, equi virique, pecunia, commeatus,  
 'aut in acie, aut binis postero die amissis castris perierunt.  
 'Itaque non iuvetis nos in bello oportet, Campani, sed  
 'paene bellum pro nobis suscipiatis. Veniat in mentem, ut  
 'trepidos quondam maiores vestros intra moenia compulsos,  
 'nec Samnitem modo hostem, sed etiam Sidicinum paventes,  
 'receptos in fidem apud Saticulam defenderimus, coeptum-9

qui magis populo acceptus esset. Contra Drakenborchius expositioni Gronovianae adhaerendum putat. sc. iudices hic accipiendum esse tanquam si iudices essent, et litem dare secundam eam, sc. partem, quae magis popularis esset, h. e. ita sententiam pro-

nuntiare ut ea pars vinceret. cf. A. Gell. v. 10. Cic. pro Rosc. i. Supr. ix. 18. Brisson. Lex. Iurid. v. *Dare simpliciter*.

9 Apud Saticulam defenderimus] Hoc narratum est supr. vii. 34—36.

1 'que propter vos cum Samnitibus bellum per centum prope U. C. 536.  
 'annos, variante fortuna eventum, tulerimus. Adiicite ad A. C. 216.  
 'haec, quod foedus aequum deditis, quod leges vestras, quod  
 'ad extremum (id quod ante Cannensem certe cladem  
 'maximum fuit) civitatem nostram magnae parti vestrûm  
 2 'dedimus, communicavimusque vobiscum. Itaque com-  
 'munem vos hanc cladem, quae accepta est, credere, Cam-  
 'pani, oportet, communem patriam tuendam arbitrari esse.  
 'Non cum Samnite aut Etrusco res est, ut, quod a nobis  
 'ablatum sit, in Italia tamen imperium maneat. Poenus  
 'hostis, ne Africae quidem indigenam, ab ultimis terrarum  
 'oris, freto Oceani Herculisque columnis, expertem omnis  
 'iuris et conditionis et linguae prope humanae, militem  
 'trahit. Hunc, natura et moribus immitem ferumque, in-  
 3 'super dux ipse efferavit, pontibus ac molibus ex huma-  
 'norum corporum strue faciendis, et, (quod proloqui etiam  
 4 'piget) vesci humanis corporibus docendo. Hos, infandis  
 'pastos epulis, quos contingere etiam nefas sit, videre atque  
 'habere dominos, et ex Africa et a Carthagine iura petere,  
 'et Italiam Numidarum ac Maurorum pati provinciam esse,  
 'cui non, genito modo in Italia, detestabile sit? Pulchrum  
 'erit, Campani, prolapsam clade Romana imperium vestra  
 'fide, vestris viribus retentum ac recuperatum esse. Tri-  
 5 'ginta millia peditum, quattuor equitum arbitror ex Cam-  
 'pania scribi posse. Iam pecuniae affatim est frumentique.  
 'Si parem fortunae vestrae fidem habetis, nec Hannibal se  
 'vicisse sentiet, nec Romani victos esse.'

Hac oratione consulis dimissis redeuntibusque domum  
 legatis, unus ex iis, Vibius Virrius, 'Tempus venisse,' ait,

6.

1 *Per centum prope annos*] Sic et  
 infr. 42. Samnites Hannibali dicunt  
 se per centum prope annos cum po-  
 pulo Romano bellum gessisse. Ve-  
 rius tamen est, quod infr. xxxi. 31. ab  
 legato Romano dicitur, id bellum per  
 septuaginta prope annos gestum esse.  
 Coeptum enim est anno U. C. 412.  
 peractum anno 480. Itaque per no-  
 vem et sexaginta annos gestum est.  
 CREV.

2 *Dedimus*] Vobis qui in ditionem  
 nostram vestra omnia vosque ipsos  
 dedideratis; ac proinde non tam socii,  
 quam subiecti imperio nostro haberi  
 poteratis. Vid. supr. vii. 31. Cete-  
 rum olim hic editi praeferebant *dedi-*  
*mus*. Scripti *deditis*: unde Grono-  
 vius emendavit *deditis*. Recte om-  
 nino. CREV. Sed de foedere aequo  
 cf. Niebhr. ii. n. 149.

3 *Pontibus ac molibus ex humano-*

*rum corporum strue faciendis*] Val.  
 Max. ix. 2. memorat Hannibalem in  
 Vergello corporibus Romanis ponte  
 facto exercitum traduxisse. Vergel-  
 lus torrens est, sive amniculus prope  
 Cannas, solo illo cadaverum ponte  
 memorabilis. CREV.

4 *Vesci humanis corporibus do-*  
*cendo*] Hanc calumniam Hannibali  
 frustra imponit Terentius, quippe quod  
 auctorem huius crudelissimi consilii  
 Hannibalem Monomachum fuisse pro-  
 dit Polyb. ix. 24. cui minime assen-  
 sum fuisse magnum Hannibalem, si-  
 cuti Dio. in Excerpt. Fragm. Vatican.  
 71. et Porphyrius de Abstinencia ii.  
 57. scribunt. A. MAIUS. Ceterum mer-  
 cenarii Carthaginiens. in Africa bel-  
 lantes ad hoc facinus delapsi sunt.

5 *Ex Campania scribi posse*] h. e.  
 Ex civibus Campanis atque illorum  
 clientibus. cf. Niebhr. ii. n. 145.

U. C. 536. 'quo Campani non agrum solum, ab Romanis quondam  
A. C. 216. 'per iniuriam ademptum, recuperare, sed imperio etiam  
'Italiae potiri possint. Foedus enim cum Hannibale, qui-  
'bus velint legibus, facturos. Neque controversiam fore,  
'quin, quum ipse confecto bello Hannibal victor in Africam  
'decedat, exercitumque deportet, Italiae imperium Cam-  
'panis relinquatur.' Haec Virrio loquenti assensi omnes,  
ita renuntiant legationem, uti deletum omnibus videretur  
nomen Romanum. Extemplo plebes ad defectionem ac  
pars maior senatus spectare. Extracta tamen, auctori-  
tibus seniorum, per paucos dies est res: postremo vicit sen-  
tentia plurium, ut iidem legati, qui ad consulem Romanum  
ierant, ad Hannibalem mitterentur. Quo priusquam iretur,  
certumque defectionis consilium esset, Romam legatos  
missos a Campanis, in quibusdam annalibus invenio, postu-  
lantes, ut alter consul Campanus fieret, si rem Romanam  
adiuvare vellent. Indignatione orta, summoventi a curia  
iussos esse: missumque lictorem, qui ex urbe educeret eos,  
atque eo die manere extra fines Romanos iuberet. Quia  
nimis compar Latinorum quondam postulatio erat, Coelius-6  
que et alii id haud sine causa praetermiserant scriptores,  
ponere pro certo sum veritus.

Campani  
ad defe-  
ctionem  
spectant.

7.  
Deficiunt  
ad Hanni-  
balem.

Legati ad Hannibalem venerunt, pacemque cum eo con-8  
ditionibus fecerunt: 'Ne quis imperator magistratusve  
'Poenorum ius ullum in civem Campanum haberet; neve  
'civis Campanus invitus militaret, munusve faceret; ut  
'suae leges, sui magistratus Capuae essent; ut trecentos ex  
'Romanis captivis Poenus daret Campanis, quos ipsi ele-  
'gissent; cum quibus equitum Campanorum, qui in Sicilia  
'stipendia facerent, permutatio fieret.' Haec pacta: illa  
insuper, quam quae pacta erant, facinora Campani edide-  
runt. Nam praefectos socium civesque Romanos alios, par-9  
tim aliquo militiae munere occupatos, partim privatis ne-  
gotiis implicitos, plebs repente omnes comprehensos, velut  
custodiae causa, balneis includi iussit: ubi, fervore atque  
aestu anima interclusa, foedum in modum exspirarent.

Ea ne fierent, neu legatio mitteretur ad Poenum, summa

6 *Latinorum quondam postulatio*] cf. Supr. viii. 5.

7 *Ponere pro certo sum veritus*] Cicero tamen rem affirmat, Agr. ii. 35. *arrogantia, qua a maioribus nostris alterum Capua consulem postu-  
lavit.*

8 *Conditionibus*] Haec vox sic nude posita exprimit foedus certis legibus factum, non ita ut hi se permittant illius arbitrio. CREV.

9 *Praefectos socium civesque Ro-*

*manos alios*] Hinc patet praefectos socium, qui in sociali exercitu eundem honoris ac potestatis gradum tenebant, quem in legione tribuni militum, cives Romanos fuisse. Hoc idem probare videntur nomina praefectorum, quae interdum occurrunt apud Livium, quae quidem plane sunt Romana. Sic infr. xxvii. 26. nominantur *duo praefecti socium, L. Aemilius, et M. Aulus*: et 41. *P. Claudius*. CREV.



1 ope Decius Magius, vir, cui ad summam auctoritatem nihil, U. C. 536.  
 praeter sanam civium mentem, defuit, restiterat. Ut vero A. C. 216.  
 2 praesidium mitti ab Hannibale audivit, Pyrrhi superbam Decius Ma-  
 dominationem, miserabilemque Tarentinorum servitutem, gius adver-  
 exempla referens, primo, ne reciperetur praesidium, palam satur Poe-  
 vociferatus est: deinde, ut receptum aut eiiceretur, aut, si nia.  
 malum facinus, quod a vetustissimis sociis consanguineisque  
 defecissent, forti ac memorabili facinore purgare vellent, ut,  
 interfecto Punico praesidio, restituerent se Romanis. Haec Vocatus ab  
 (neque enim occulte agebantur) quum relata Hannibali Hannibale  
 essent, primo misit, qui vocarent Magium ad sese in castra: negat se  
 deinde, quum is ferociter negasset se iturum, (nec enim iturum.  
 Hannibali ius esse in civem Campanum) concitatus ira  
 Poenus, comprehendi hominem, vinctumque attrahi ad se  
 iussit. Veritus deinde, ne quid inter vim tumultus, atque  
 ex concitatione animorum inconsulti certaminis oriretur,  
 ipse, praemisso nuntio ad Marium Blossium praetorem Cam-  
 panum, postero die se Capuae futurum, proficiscitur e  
 castris cum modico praesidio. Marius concione advocata  
 edicit, ut frequentes cum coniugibus ac liberis obviam irent  
 Hannibali. Ab universis id non obedienter modo, sed  
 enixe, favore etiam vulgi, et studio visendi tot iam victoriis  
 clarum imperatorem, factum est. Decius Magius nec Decii Ma-  
 obviam egressus est, nec, quo timorem aliquem ex conscientia gii constan-  
 3 significare posset, privatim se tenuit: in foro cum filio clien- tia.  
 4 tibusque paucis otiose inambulavit, trepidante tota civitate  
 ad excipiendum Poenum visendumque. Hannibal, in-  
 gressus urbem, senatum extemplo postulat, precantibusque  
 inde primoribus Campanorum, ne quid eo die seriae rei  
 gereret, diemque ut ipse adventu suo festum laetus ac libens  
 celebraret; quanquam praeceps ingenio in iram erat, tamen,  
 ne quid in principio negaret, visenda urbe magnam dici  
 partem consumpsit.

Deversatus est apud Ninnios Celeres, Stenium Pacuvium-  
 que, inclutos nobilitate ac divitiis. Eo Pacuvius Calavius,  
 de quo ante dictum est, princeps factionis eius, quae trax-  
 erat rem ad Poenos, filium iuvenem adduxit, abstractum  
 abs Decii Magii latere, cum quo ferocissime pro Romana  
 societate adversus Punicum foedus steterat; nec eum aut  
 inclinata in partem alteram civitas, aut patria maiestas sen-

8.

1 *Decius Magius*] Quem principem Campanorum et virum fidelissimum laudat Vell. Paterc. ii. 16. *Decius* hic praenomen, quum inter Italicos populos longe aliam rationem praenominum, quam apud Romanos, fuisse supr. monuimus. DRAK.

2 *Pyrrhi superbam dominationem*] cf. Plutarch. in Pyrrho, et Appian. de Rebus Samnit. Excerpt. 8.

3 *Privatim se tenuit*] *Privato* malebat Gronov. quod Bekker. reposuit.

4 *Trepidante tota civitate*] sc. Festinante, properante.



U. C. 536. tentia depulerat. Huic tum pater iuveni Hannibalem  
 A. C. 216. deprecando magis, quam purgando, placavit, victusque pa-  
 Pacuvius tris precibus lacrimisque etiam ad coenam eum cum patre  
 veniam im- vocari iussit: cui convivio neminem Campanum, praeter-  
 petrat filio quam hospites, Iubelliumque Tauream, insignem bello  
 suo Perol- virum, adhibiturus erat. Coeperunt epulari de die, et con- 5  
 lae. vivium non ex more Punico, aut militari disciplina esse;  
 sed, ut in civitate atque etiam domo diti ac luxuriosa, om-  
 nibus voluptatum illecebris instructum. Unus nec domi-  
 norum invitatione, nec ipsius interdum Hannibalis, Calavii  
 filius Perolla vinci potuit; ipse valetudinem excusans, 6  
 patre animi quoque eius haud mirabilem interturbationem 7  
 Perolla oc- causante. Solis ferme occasu patrem Calavium, ex convivio  
 cisurus egressum, secutus filius ubi in secretum (hortus erat posticis 8  
 Hanniba- aedium partibus) pervenerunt, 'Consilium,' inquit, 'affero,  
 lem, rem 'pater, quo non veniam solum peccati, quod defecimus ad  
 significat 'Hannibalem, impetraturi ab Romanis, sed in multo maiore  
 patri. 'dignitate et gratia simus Campani, quam unquam fuimus.'  
 Quum mirabundus pater, 'quidnam id esset consilii,' quae-  
 reret; toga reiecta ab humero, latus succinctum gladio  
 nudat: 'Iam ego,' inquit, 'sanguine Hannibalis sanciam  
 'Romanum foedus. Te id prius scire volui, si forte abesse,  
 9. 'dum facinus patratur, malles.' Quae ubi vidit audivitque  
 Dehorta- senex, velut si iam agendis, quae audiebat, interesset, amens  
 tur eum metu, 'Per ego te,' inquit, 'fili, quaecunque iura liberos  
 pater. 'iungunt parentibus, precor quaeoque, ne ante oculos pa-  
 'tris facere et pati omnia infanda velis. Paucae horae sunt, 9  
 'intra quas iurantes per quicquid deorum est, dextrae dex-  
 'tras iungentes, fidem obstrinximus, ut sacratas fide manus,  
 'digressi ab colloquio, extemplo in eum armaremus? Ab  
 'hospitali mensa surgis, ad quam tertius Campanorum ad-  
 'hibitus es ab Hannibale, ut eam ipsam mensam cruentares  
 'hospitis sanguine? Hannibalem pater filio meo potui pla-  
 'care, filium Hannibali non possum? Sed sit nihil sancti,  
 'non fides, non religio, non pietas: audeantur infanda, si  
 'non perniciem nobis cum scelere afferunt. Unus aggres-

5 *Coeperunt epulari de die*] Quum multum adhuc diei superesset. Hoc notat Livius, tanquam parum severum et sobrium. Legitima enim convivii hora apud veteres erat solis occasus, aut certe decima diei hora. Itaque *partem solido demere de die*, ut loquitur Horatius, luxuriae esse videbatur. Vid. Lips. ad Tacit. Ann. xiv. 2. CREV.

6 *Vinci potuit*] Adduci, ut se laetitiae convivali permitteret. CREV.

7 *Haud mirabilem interturbatio-*

*nem*] Ortam scilicet ab Hannibalis conspectu, cui se paucas ante horas infensissimum hostem professus erat. CREV.

8 *Posticis aedium partibus*] "Posticum ostium dicitur in posteriore parte aedium... Denique et quae ante nos sunt, antica, et quae post nos sunt, postica dicuntur." FESTUS.

9 *Paucae horae sunt*] h. e. Num ideo ante paucas horas fidem obstrinximus, ut. STROTH.

'surus es Hannibalem? Quid? illa turba tot liberorum U. C. 536.  
 'servorumque; quid? in unum intenti omnium oculi; A. C. 216.  
 'quid? tot dextrae, torpescentne in amentia illa? Vultum  
 'ipsius Hannibalis, quem armati exercitus sustinere neque-  
 'unt, quem horret populus Romanus, tu sustinebis? et, alia  
 'auxilia desint, me ipsum ferire, corpus meum opponentem  
 'pro corpore Hannibalis, sustinebis? Atqui per meum  
 'pectus petendus ille tibi transfigendusque est. Deterreri  
 'hic sine te potius, quam illic vinci. Valeant preces apud  
 'te meae, sicut pro te hodie valuerunt.' Lacrimantem inde Patri cedit  
 iuvenem cernens, medium complectitur, atque, osculo Perolla.  
 haerens, non ante precibus abstinit, quam pervicit, ut gla-  
 dium poneret, fidemque daret, nihil facturum tale. Tum  
 iuvenis, 'Ego quidem,' inquit, 'quam patriae debeo, pie-  
 'tatem exsolvam patri. Tuam doleo vicem, cui ter pro-  
 'ditae patriae sustinendum est crimen; semel, quum defec-  
 'tionis ab Romanis; iterum, quum pacis cum Hannibale  
 'fuisti auctor; tertio hodie, quum restituendae Romanis  
 'Capuae mora atque impedimentum es. Tu, patria, fer-  
 1 'rum, quo pro te armatus hanc arcem hostium inii, quando  
 'parens extorquet, recipe.' Haec quum dixisset, gladium  
 in publicum trans maceriam horti abiecit: et, quo minus  
 res suspecta esset, se ipse convivio reddidit.

Postero die senatus frequens datus Hannibali. Ubi 10.  
 prima eius oratio perblanda ac benigna fuit, qua gratias egit Hannibal  
 Campanis, quod amicitiam suam Romanae societati praepo- Dec. Ma-  
 suissent: et inter cetera magnifica promissa pollicitus, brevi gium sibi  
 caput Italiae omni Capuam fore, iuraque inde cum ceteris dedi postu-  
 populis Romanum etiam petiturum. Unum esse exsortem lat.  
 Punicae amicitiae foederisque secum facti, quem neque esse  
 Campanum, neque dici debere, Magium Decium. Eum  
 postulare, ut sibi dedatur, ac se praesente de eo referatur,  
 senatusque consultum fiat. Omnes in eam sententiam  
 ierunt: quanquam magnae parti et vir indignus ea calami-  
 tate, et haud parvo initio minui videbatur ius libertatis.  
 2 Egressus curia, in templo magistratuum consedit; compre-  
 hendique Decium Magium, atque ante pedes destitutum  
 causam dicere iussit. Qui quum, manente ferocia animi,  
 3 negaret lege foederis id cogi posse, tum iniectae catenae,  
 ducique ante lictorem in castra est iussus. Quoad capite

1 *Hanc arcem hostium inii*] Ita ex  
 emendatione Rubenii: ceterum *hanc*  
*arcem defendere volebam* Crev. et ple-  
 rique codd. exhibent. Videtur com-  
 mode appellari arx hostium domus  
 ea, in qua Hannibal diversebatur.

2 *In templo magistratuum*] Intel-

ligendum esse tribunal, sive quod in-  
 augurato consecratum esset, sive quod  
 omnia loca excelstora vocarentur  
 templa, monet Duker.

3 *Id cogi posse*] Ita supr. iv. 26.  
*Siquidem cogi aliquid consules pos-*  
*sent.*

U. C. 536.  
A. C. 216.  
Magius ob-  
ducitur in  
castra  
Hannib.

Cyrenas  
appulsus  
confugit ad  
statuam  
regis.

11.  
Redit a  
Delphis  
legatus Ro-  
manus.

aperto est ductus, concionabundus incessit, ad circumfusam undique multitudinem vociferans: 'Habetis libertatem, Campani, quam petistis. Foro medio, luce clara, videntibus vobis, nulli Campanorum secundus, vinctus ad mortem raptor. Quid violentius Capua capta fieret? Ite obviam Hannibali, exornate urbem, diemque adventus eius consecrate, ut hunc triumphum de cive vestro spectetis.' Haec vociferanti, quum moveri vulgus videretur, obvolutum caput est, ociusque rapi extra portam iussus. Ita in castra perducitur: extemploque impositus in navim, et Carthaginem missus; ne, motu aliquo Capuae ex indignitate rei orto, senatum quoque poeniteret dediti principis: et, legatione missa ad repetendum eum, ne aut negando rem, quam primam peterent, offendendi sibi novi socii; aut tribuendo, habendus Capuae esset seditionis ac turbarum auctor. Navem Cyrenas detulit tempestas, quae tum in ditione regum erant. Ibi quum Magius ad statuam Ptolemaei regis confugisset, deportatus a custodibus Alexandriam ad Ptolemaeum, quum eum docuisset, contra ius foederis vinctum se ab Hannibale esse, vinculis liberatur; permisumque, ut rediret, seu Romam seu Capuam mallet. 'Nec' Magius 'Capuam sibi tutam' dicere; 'et Romam eo tempore, quo inter Romanos Campanosque bellum sit, transfugae magis, quam hospitis, fore domicilium. Nusquam malle, quam in regno eius, vivere, quem vindicem atque auctorem habeat libertatis.'

Dum haec geruntur, Q. Fabius Pictor legatus a Delphis: Romam rediit, responsumque ex scripto recitavit. Divi quoque in eo erant, quibus quoque modo supplicaretur: tum, 'Si ita faxitis, Romani, vestrae res meliores facilioresque erunt: magisque ex sententia respublica vestra vobis procedet, victoriaque duelli populi Romani erit. Pythio Apollini, respublica vestra bene gesta servataque, lucris meritis donum mittitote, deque praeda, manubiis, spoliisque honorem habetote: lasciviam a vobis prohibetote.'

4 *Quae tum in ditione regum erant*] Quum haec scriberet Livius, Cyrenae iamdiu erant in ditione populi Romani. CREV.

5 *Ptolemaei regis*] Regnabat tunc in Aegypto Ptolemaeus Philopator, a Ptolemaeo Lagi filio quartus. CREV.

6 *Vinculis liberatur*] Quippe iam inde ab U. C. 479. in foedere cum Ptolemaeo Philadelpho Romani coniuncti erant, quo Pyrrhi impetus comprimerent. cf. Niebhr. iii. n. 999.

7 *Q. Fabius Pictor*] Is ipse, qui horum temporum scripsit historiam, teste

Appiano in bello Hannibalico: scriptorum historiae Romanae antiquissimus, ut docet Livius, i. 44. Nec bellum hoc solummodo, sed res gestas populi Romani universas scribendo complexus fuerat. CREV.

8 *Divi quoque in eo erant*] Recidendam particulam *quaes* censet Crev. *divaeque* coniicit Bekker. Ad sequentia opportune citat Gronov. locum ap. Cic. ad Famil. vi. 5. *Res et fortunae tuae quotidie faciliores mihi et meliores videntur.*

9 *Lasciviam a vobis prohibetote*]

Haec ubi ex Graeco carmine interpretata recitavit, tum U. C. 536. dixit, 'se oraculo egressum extemplo his omnibus divis A. C. 216. 'rem divinam ture ac vino fecisse: iussumque ab templi  
 1 'antistite, sicut coronatus laurea corona et oraculum adisset,  
 'et rem divinam fecisset; ita coronatum navim ascendere;  
 2 'nec ante deponere eam, quam Romam pervenisset. Se,  
 'quaecunque imperata sint, cum summa religione ac dili-  
 'gentia exsecutum; coronam Romae in aram Apollinis de-  
 'posuisse.' Senatus decrevit, ut eae res divinae supplica-  
 tionesque primo quoque tempore cum cura fierent.

Dum haec Romae atque in Italia geruntur, nuntius vi- Mago Car-  
 ctoriae ad Cannas Carthaginem venerat Mago Hamilcaris thaginem a  
 filius: non ex ipsa acie a fratre missus, sed retentus aliquot fratre mis-  
 dies in recipiendis civitatibus Bruttiorum, quaeque deficie-  
 bant. Is, quum ei senatus datus esset, res gestas in Italia  
 3 a fratre exponit: 'Cum sex imperatoribus eum, quorum Exponit  
 'quattuor consules, duo dictator ac magister equitum fue- res gestas  
 'rint, cum sex consularibus exercitibus acie conflixisse: Hanniba-  
 'occidisse supra ducenta millia hostium: supra quinqu-  
 4 'ginta millia cepisse. Ex quattuor consulibus duos occi-  
 'disse; ex duobus saucium alterum, alterum, toto exercitu  
 'amisso, vix cum quinquaginta hominibus effugisse. Ma-  
 5 'gistrum equitum, quae consularis potestas sit, fusum fuga-  
 'tumque: dictatorem, quia se in aciem nunquam commi-  
 6 'serit, unicum haberi imperatorem. Bruttios Apulosque,  
 7 'partim Samnitium ac Lucanorum defecisse ad Poenos:  
 'Capuam, quod caput, non Campaniae modo, sed, post  
 'afflictam rem Romanam Cannensi pugna, Italiae sit, Han-  
 8 'nibali se tradidisse. Pro his tantis totque victoriis, verum  
 'esse, grates deis immortalibus agi haberique.' Ad fidem  
 deinde tam laetarum rerum effundi in vestibulo curiae iussit

12.  
 Annuli au-  
 rei ad mo-  
 dii mensu-  
 ram.

Cavete irreligiosam exultationem in rebus secundis, atque ex ea deum incuriam et contemptum. GRON.

1 *Laurea corona*] Vocem coronam glossatori deberi suspicatur Iac. Gronov. et coniecturam firmat ex loco infr. xxvii. 37. coronati laurea praetextatique.

2 *Nec ante deponere eam*] Hunc morem omnes, qui ad oraculum accesserant, servare debebant. Romanis forsitan insolentiam rei miratis, Fabius iussa antistitis prae se ferebat, quod coronatus domum rediret.

3 *Cum sex imperatoribus*] Dixit verius septem Livius, sed Ti. Sempronium, quem Hannibal ad Trebiam vicit, de industria praeteritum esse, ex ipsis Livii verbis perspicuum est.

4 *Duos occidisse*] sc. C. Flaminium, et L. Aemilium. *Ex duobus saucium alterum*, P. Cornelium Scipionem, alterum C. Terentium Varronem.

5 *Quae consularis potestas*] Similiter supr. vi. 27. tribunos plebis, quippe quae potestas. infr. xxx. 7. Suffetes, quod velut consulare imperium apud eos erat.

6 *Unicum haberi imperatorem*] Eximium et excellentem imperatorem existimari. Sic supr. vii. 1. vir unicus in omni fortuna. CREV.

7 *Partim Samnitium*] Antiquum illud partim pro partem Gronov. hic restituit, et infr. xxvi. 46.

8 *Verum esse*] h. e. Aequum esse. cf. supr. iii. 40. Cic. pro Muren. 35.

U. C. 536. annulos aureos, qui tantus acervus fuit, ut, metientibus di-  
 A. C. 216. midium super tres modios explesse, sint quidam auctores.  
 Fama tenuit, quae propior vero est, haud plus fuisse modio.  
 Adiecit deinde verbis, quo maioris cladis indicium esset,  
 neminem, nisi equitem, atque eorum ipsorum primores, id  
 gerere insigne. Summa fuit orationis, 'Quo propius spem  
 'belli perficiendi sit, eo magis omni ope iuvandum Hanni-  
 'balem esse. Procul enim ab domo militiam esse, in media  
 'hostium terra: magnam vim frumenti, pecuniae, absumi;  
 'et tot acies, ut hostium exercitus delesse, ita victoris etiam  
 'copias parte aliqua minuisse. Mittendum igitur supple-  
 'mentum esse; mittendam in stipendium pecuniam fru-  
 'mentumque tam bene meritis de nomine Punico mili-  
 'tibus.'

Hannonem  
 increpat  
 Himilco.

Oratio  
 Hannonis  
 de Hanni-  
 bale.

Secundum haec dicta Magonis laetis omnibus, Himilco,  
 vir factionis Barcinae, locum Hannonis increpandi esse  
 ratus, 'Quid est, Hanno?' inquit, 'etiam nunc poenitet  
 'belli suscepti adversus Romanos? Iube dedi Hannibalem:  
 'veta in tam prosperis rebus grates diis immortalibus agi.  
 'Audiamus Romanum senatorem in Carthaginiensium  
 'curia.' Tum Hanno: 'Tacuissem hodie, Patres conscripti,  
 'ne quid in communi omnium gaudio, minus laetum quod  
 'esset vobis, loquerer. Nunc interroganti senatori, poeni-  
 'teatne me adhuc suscepti adversus Romanos belli, si reti-  
 'ceam, aut superbus, aut obnoxius videar: quorum alterum  
 'est hominis alienae libertatis obliti; alterum suae. Re-  
 'spondeam igitur Himilconi, non desisse poenitere me  
 'belli, neque desitutum ante invictum vestrum imperato-  
 'rem incusare, quam finitum aliqua tolerabili conditione  
 'bellum videro: nec mihi pacis antiquae desiderium ulla  
 'alia res, quam pax nova, finiet. Itaque ista, quae modo  
 'Mago iactavit, Himilconi ceterisque Hannibalis satelliti-  
 'bus iam laeta sunt. Mihi possunt laeta esse, quia res  
 'bello bene gestae, si volumus fortuna uti, pacem nobis  
 'aequiores dabunt. Nam si praetermittimus hoc tempus,  
 'quo magis dare, quam accipere, possumus videri pacem,  
 'vereor, ne haec quoque laetitia luxuriet nobis, ac vana  
 'evadat. Quae tamen nunc quoque qualis est? Occidi  
 'exercitus hostium: mittite milites mihi. Quid aliud ro-

9 *Dimidium super tres modios*] h. e. Dimidium modium super tres modios. Graece τέταρτον ἡμίτερπον. Duos modios memorat Florus ii. 26. tres Plin. H. N. xxxiii. 1. et Val. Max. vii. 2.

1 *Neminem, nisi equitem*] Verum Plin. H. N. xxxiii. 1. annulos aureos promiscui usûs fuisse scribit "secun-

do bello Punico, neque enim aliter potuissent trimodia illa annulorum Carthaginem ab Hannibale mitti."

2 *Aut superbus, aut obnoxius*] Superbus, si indignum haberet senatorem, cui responderet, obnoxius, si, non habens quod responderet, victum se profiteretur.

'gares, si esses victus? Hostium cepi bina castra, praedae U. C. 536.  
 'videlicet plena et commeatum: frumentum et pecuniam A. C. 216.  
 'date. Quid aliud, si spoliatus, si exutus castris esses, pe-  
 'teres? Et, ne omnia ipse mirer, (mibi quoque enim, quo-  
 'niam respondi Himilconi, interrogare ius fasque est) velim  
 'seu Himilco, seu Mago respondeat; quum ad interneci-  
 'onem Romani imperii pugnatum ad Cannas sit, constetque  
 'in defectione totam Italiam esse; primum ecquis Latini  
 'nominis populus defecerit ad nos? deinde ecquis homo,  
 'ex quinque et triginta tribubus, ad Hannibalem transfu-  
 'gerit?' Quum utrumque Mago negasset: 'Hostium qui- Disceptatio  
 'dem ergo,' inquit, 'adhuc nimis multum superest. Sed, cum Mago-  
 'multitudo ea quid animorum, quidve spei habeat, scire ne.  
 'velim.' Quum, id nescire, Mago diceret; 'Nihil facilius 13.  
 'scitu est,' inquit. 'Ecquos legatos ad Hannibalem Ro-  
 'mani miserunt de pace? Ecquam denique mentionem  
 'pacis Romae factam esse, allatum ad vos est?' Quum id  
 quoque negasset, 'Bellum igitur,' inquit, 'tam integrum  
 'habemus, quam habuimus, qua die Hannibal in Italiam  
 3 'est transgressus. Quam varia victoria priore Punico bello  
 'fuerit, plerique, qui meminerimus, supersumus. Nun-  
 'quam terra marique magis prosperae res nostrae visae  
 'sunt, quam ante consules C. Lutatium et A. Postumium  
 'fuerunt. Lutatio et Postumio consulibus devicti ad Ae-  
 'gates insulas sumus. Quod si (id quod dii omen avertant)  
 'nunc quoque fortuna aliquid variaverit; tum pacem spe-  
 'ratis, quum vincemur, quam nunc, quum vincimus, dat  
 'nemo? Ergo, si quis de pace consulat, seu deferenda hos-  
 'tibus, seu accipienda, habeo, quid sententiae dicam: si  
 'de iis, quae Mago postulat, refertis, nec victoribus mitti  
 'attinere puto, et frustrantibus nos falsa atque inani spe  
 'multo minus censeo mittenda esse.' Haud multos movit  
 'Hannonis oratio. Nam et simultas cum familia Barcina  
 leviolem auctorem faciebat, et occupati animi praesenti  
 laetitia nihil, quo vanius fieret gaudium suum, auribus ad-  
 mittebant: debellatumque mox fore, si anniti paullulum  
 voluissent, rebantur. Itaque ingenti consensu fit senatus-  
 consultum, ut Hannibali quattuor Numidarum millia in  
 4 supplementum mitterentur, et quadraginta elephanti, et

3 *Priore Punico bello*] Si haec sunt a manu Livii, imprudens more Romano Poenum hominem loquentem facit. CLERICUS.

4 *Et argenti mille quinquaginta talenta*] Vulgo *argenti multa talenta*, de quo Muretus Var. Lect. xvi. 8. "fuit haec paullo supra nostram aetatem ab hominibus ineruditis invecta scri-

bendi ratio, ut cum quingenta significare vellent, ita scriberent *Vota*. Erat igitur scriptum in vetere Liviano libro, *M. Vota* id est, mille *quingenta*. Quod qui non intellexerunt, inepte scripserunt *multa*." Equidem cum Mureto *quingenta* hic legendum suaserim.



U. C. 536. **argenti mille quinquaginta talenta.** Dictatorque cum Ma-  
A. C. 216. gone in Hispaniam praemissus est, ad conducenda viginti millia peditum, quattuor equitum, quibus exercitus, qui in Italia, quique in Hispania erant, supplerentur.

14. Ceterum haec, ut in secundis rebus, segniter otioseque  
Romani impigre bellum apparant. gesta. Romanos, praeter insitam industriam animis, fortuna etiam cunctari prohibebat. Nam nec consul ulli rei, quae per eum agenda esset, deerat: et dictator M. Iunius Pera, rebus divinis perfectis, latoque, ut solet, ad populum, ut equum ascendere liceret, praeter duas urbanas legiones, quae principio anni a consulibus conscriptae fuerant, et servorum delectum, cohortesque ex agro Piceno et Gallico collectas, ad ultimum prope desperatae reipublicae auxilium, quum honesta utilibus cedunt, descendit, edixitque: 'Qui capitale fraudem ausi, quique pecuniae iudicati in vinctulis essent, qui eorum apud se milites fierent, eos noxa pecuniaeque sese exsolvi iussurum.' Ea sex millia hominum Gallicis spoliis, quae triumpho C. Flamini translatas erant, armavit. Itaque cum viginti quinque millibus armatorum ab urbe proficiscitur.

Hannibal Neapolim frustra tentat. Hannibal, Capua recepta, quum iterum Neapolitanorum animos, partim spe, partim metu, nequicquam tentasset, in agrum Nolanum exercitum traducit: ut non hostiliter statim, quia non desperabat voluntariam deditionem; ita, si morarentur spem, nihil eorum, quae pati aut timere possent, praetermissurus. Senatus, ac maxime primores eius, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, et patienda in obsidione multa gravia indignaque proponere animo. Neque auctores defectionis deerant. Itaque ubi senatum metus cepit, si propalam tenderent, resisti multitudini concitatae non posse; clam simulando dilationem mali inveniunt. Placere enim sibi defectionem ad Hannibalem simulant: quibus autem con-

5 *Dictatorque cum Magone*] Ita Catonem ap. Aul. Gell. x. 24. Hannibalem appellare *dictatorem* animadvertit Sigonius.

6 *Ut equum ascendere liceret*] De hac re alia alii disputant. Zonar. vii. 13. dictatori, nisi ad bellum profecturo, non licuisse equum ascendere tradit: Plutarch. in Fab. omnino licuisse negat, "quod Romani plurimum roboris in peditatu posuerint, atque ideo existimaverint, duci in acie a peditatu non discedendum esse." Niebuhrius autem dictatorem lege astrictum esse, ut in curru veheretur,

et idcirco equum ascendendi arbitrium, nisi re lata ad populum, non habuisse scribit. cf. ii. n. 854.

7 *Ex agro . . . Gallico*] Sic dicebatur ager inter Aesim et Rubiconem fluvios, qui quum olim Gallorum Senonum fuisset, postea iis expulsis, populo viritim distributus fuerat. CREV.

8 *Pecuniae iudicati*] h. e. Creditoribus a praetore addicti. supr. vi. 14.

9 *Clam simulando*] Obsecundando ex coniectura Gronov. recepit Bekker. *Secunda simulando* Stroth. reposuit.



ditionibus in foedus amicitiamque novam transeant, parum U. C. 536.  
constare. Ita spatio sumpto, legatos propere ad praetorem A. C. 216.  
Romanum Marcellum Claudium, qui Casilini cum exercitu Senatus  
erat, mittunt, docentque, quanto in discrimine sit Nolana Nolanus  
res: agrum Hannibalis esse et Poenorum, urbem extemplo vocat Mar-  
cellum.  
1 futuram, ni subveniatur. Concedendo plebei senatum, ubi  
velint, defecturos se, ne deficere praefestinent, effecisse.  
Marcellus, collaudatis Nolanis, eadem simulatione extrahi  
rem in suum adventum iussit: interim celari, quae secum  
acta essent, spemque omnem auxilii Romani. Ipse a  
Casilino Calatiam petit: atque inde, Vulturno amni tra-  
iecto, perque agrum Saticulanum Trebulanumque super  
Suessulam per montes Nola pervenit.

Sub adventum praetoris Romani Poenus agro Nolano 15.  
excessit, et ad mare proxime Neapolim descendit, cupidus  
maritimi oppidi potiundi, quo cursus navibus tutus ex  
Africa esset. Ceterum, postquam Neapolim a praefecto  
Romano teneri accepit, (M. Iunius Silanus erat, ab ipsis  
Neapolitanis accitus) Neapoli quoque, sicut Nola, omissa,  
petit Nuceriam. Eam quum aliquamdiu circumsedisset, Hannibal  
saepe vi, saepe sollicitandis nequicquam nunc plebe nunc Nuceriam  
principibus, fame demum in deditionem accepit, pactus, ut capit.  
inermes cum singulis abirent vestimentis. Deinde, ut qui  
a principio mitis omnibus Italicis, praeter Romanos, videri  
2 vellet, praemia atque honores, qui remanerent, ac militare  
secum voluissent, proposuit. Nec ea spe quemquam tenuit.  
Dilapsi omnes, quocunque hospitia aut fortuitus animi im-  
petus tulit, per Campaniae urbes, maxime Nola Neapo-  
limque. Quum ferme triginta senatores, ac forte primus  
quisque, Capuam petissent, exclusi inde, quod portas Han-  
nibali clausissent, Cumas se contulerunt. Nuceriae praeda  
militi data est, urbs direpta atque incensa. Nola Mar-  
cellus non sui magis fiducia praesidii, quam voluntate prin-  
cipum, habebat. Plebes timebatur, et ante omnes L. Bantius  
Bantius, quem consensus attentatae defectionis, ac metus a Nolanus  
praetore Romano, nunc ad prodicionem patriae, nunc, si ad propensus  
id fortuna defuisset, ad transfugiendum stimulabat. Erat in Hanni-  
balem.  
iuvenis acer, et sociorum ea tempestate prope nobilissimus  
eques. Seminecem eum ad Cannas in acervo caesorum  
corporum inventum, curatumque benigne, etiam cum donis  
Hannibal domum remisit. Ob eius gratiam meriti rem  
Nolanam in ius ditionemque dare voluerat Poeno: anxium-

1 *Concedendo plebei*] Quum senatus plebei concessisset, se defecturum, ubi plebs vellet.

2 *Qui remanerent*] *Qui remanserant* in pluribus mss. invenitur, quod

Bekker. retinuit. *Qui remanserint* Stroth. recepit. Ceterum noster saepius pronomen omisit, supr. ii. 23. iii. 44. iv. 3. cf. Cic. Tusc. Qu. v. 7.

U. C. 536. que eum et sollicitum cura novandi res praetor cernebat.  
 A. C. 216. Ceterum, quum aut poena cohibendus esset, aut beneficio conciliandus, sibi assumpsisse, quam hosti ademisse, fortem ac strenuum maluit socium, accitumque ad se benigne appellat: 'Multos eum invidos inter populares habere; inde existimatu facile esse, quod nemo civis Nolanus sibi indicaverit, quam multa eius egregia facinora militaria essent. Sed, qui in Romanis militaverit castris, non posse obscuram eius virtutem esse. Multos sibi, qui cum eo stipendia fecerint, referre, qui vir esset ille, quaeque et quoties pericula pro salute ac dignitate populi Romani adisset: utique Cannensi proelio non prius pugna abstiterit, quam prope exsanguis ruina superincidentium virorum, equorum, armorumque sit oppressus. Itaque macte virtute esto,' inquit. 'Apud me tibi omnis honos atque omne praemium erit: et, quo frequentior mecum fueris, senties eam rem tibi dignitati atque emolumento esse:' laetoque iuveni promissis equum eximium dono dat, bigatosque quingentos quaestorem numerare iubet: lictoribus imperat, ut eum se adire, quoties velit, patiantur. Hac comitate Marcelli ferocis iuvenis animus adeo est mollitus, ut nemo inde sociorum rem Romanam fortius ac fidelius iuverit, quum Hannibal ad portas esset, (Nolam enim rursus a Nuceria moverat castra) plebesque Nolana de integro ad defectionem spectaret.

16.  
 Hannibal  
 ad Nolam.

Marcellus  
 se proelio  
 parat.

Marcellus sub adventum hostium intra muros se recepit; non castris metuens, sed ne prodendae urbis occasionem nimis multis in eam imminentibus daret. Instrui deinde utrimque acies coeptae, Romanorum pro moenibus Nolae, Poenorum ante castra sua. Proelia hinc parva inter urbem castraque, et vario eventu fiebant: quia duces nec prohibere paucos temere provocantes, nec dare signum universae pugnae volebant. In hac continua iam duorum exercituum statione principes Nolanorum nuntiant Marcello, 'Nocturna colloquia inter plebem ac Poenos fieri; statutumque esse, ut, quum Romana acies egressa portis iret, impedimenta eorum ac sarcinas diriperent, clauderent deinde portas, murosque occuparent, ut, potentes rerum suarum atque urbis, Poenum inde pro Romano acciperent.' Haec ubi nuntiata sunt Marcello, collaudatis senatoribus Nolanis, priusquam aliquis motus intus oriretur, fortunam pugnae

3 *Bigatosque quingentos*] sc. Denarios eiusdem generis, quos supr. xxii. 52. 54. *quadrigatos* nominatos habemus. Hi quadrigarum, illi bigarum effigiem insculptam gerebant. cf. Husseius de Monet. Gr. et Rom. x. 6.

4 *In hac continua*] Ita ex vet. lib.

reposit Sigon. Ceterum in hac cetera ex coniectura Gronov. retinuerunt Crev. et Bekker.

5 *Aliquis motus intus oriretur*] *Aliquis motus iniuriave oriretur* ex emend. Gronovii recepit Bekker.

experiri statuit. Ad tres portas in hostes versas tripartito U. C. 536.  
 exercitum instruxit: impedimenta subsequi iussit: calones A. C. 216.  
 6 lixasque et invalidos milites vallum ferre. Media porta  
 robora legionum et Romanos equites, duabus circa portis  
 novos milites levemque armaturam ac sociorum equites  
 statuit. Nolani muros portasque adire vetiti; subsidiaque  
 destinata impedimentis data, ne, occupatis proelio legioni-  
 bus, in ea impetus fieret. Ita instructi intra portas stabant.  
 Hannibali, sub signis (id quod per aliquot dies fecerat) ad  
 multum diei in acie stanti, primo miraculo esse, quod nec  
 exercitus Romanus porta egrederetur, nec armatus quisquam  
 in muris esset. Ratus deinde prodita colloquia esse, metu-  
 que residues factos, partem militum in castra remittit, iussos  
 propere apparatus omnem oppugnandae urbis in primam  
 aciem afferre; satis fidens, si cunctantibus instaret, tumultum  
 aliquem in urbe plebem moturam. Dum in sua quisque  
 ministeria discursu trepidat ad prima signa, succeditque ad  
 muros acies, patefacta repente porta, Marcellus signa canere,  
 clamoremque tolli, ac pedites primum, deinde equites,  
 quanto maximo possent impetu, in hostem erumpere iubet.  
 Satis terroris tumultusque in aciem mediam intulerant,  
 quum duabus circa portis P. Valerius Flaccus et C. Aurelius  
 legati in cornua hostium erupere. Addidere clamorem Bene rem  
 lixae calonesque, et alia turba custodiae impedimentorum gerit.  
 apposita, ut paucitatem maxime spernentibus Poenis ingentis  
 repente exercitus speciem fecerint. Vix equidem ausim  
 affirmare, quod quidam auctores sunt, duo millia et octin-  
 gentos hostium caesos; non plus quingentos Romanum  
 amisisse. Sive tanta, sive minor victoria fuit, ingens eo die  
 7 res, ac nescio, an maxima illo bello gesta sit. Non vinci  
 enim ab Hannibale tunc vincentibus difficilior fuit, quam  
 postea vincere.

Hannibal, spe potiundae Nolae adempta, quum Acerras 17.  
 recessisset, Marcellus extemplo, clausis portis custodibusque  
 dispositis, ne quis egrederetur, quaestionem in foro de iis,  
 qui clam in colloquiis hostium fuerant, habuit: supra sep-  
 tuaginta damnatos proditoris securi percussit, bonaque  
 eorum iussit publica populi Romani esse: et, summa rerum  
 senatui tradita, cum exercitu omni profectus, supra Sues-  
 sulam castris positus consedit. Poenus, Acerras primum ad  
 voluntariam deditionem conatus pellicere, postquam obsti- Acerras ca-  
 pit Poenus.

6 *Vallum ferre*] cf. Supr. iii. 27. Milites Romani senos septenosque vallos, interdum etiam duodenos tulisse leguntur. Niebhr. Hist. ii. n. 608.

Nemo non videt, sensum huius loci esse, illis, qui tunc vincebant, difficilior fuisse, non vinci ab Hannibale, quam postea fuit, victoriam reportare. DRAK.

7 *Non vinci enim ab Hannibale*]

U. C. 536. natos vidit, obsidere inde atque oppugnare parat. Ceterum  
A. C. 216. Acerranis plus animi, quam virium, erat. Itaque, desperata  
tutela urbis, ut circumvallari moenia viderunt, priusquam  
continuarentur hostium opera, per intermissa munimenta<sup>8</sup>  
neglectasque custodias silentio noctis dilapsi, per vias invia-  
que, qua quemque aut consilium aut error tulit, in urbes  
Campaniae, quas satis certum erat non mutasse fidem, per-  
fugerunt.

Hannibal, Acerris direptis atque incensis, quum a Casi-  
lino dictatorem Romanum legionesque novas acciri nunti-  
assent, ne quis tam propinquis hostium castris Capuam,<sup>9</sup>  
quoque recurrat, exercitum ad Casilinum ducit. Casilinum  
eo tempore quingenti Praenestini habebant, cum paucis  
Romanis Latinique nominis, quos eodem audita Cannensis  
clades compulerat. Hi, non confecto Praeneste ad diem  
delectu, serius profecti domo, quum Casilinum ante adversae  
pugnae famam venissent, et aliis aggregarent sese Romanis<sup>1</sup>  
sociisque, profecti a Casilino cum satis magno agmine irent;  
avertit eos retro Casilinum nuntius Cannensis pugnae. Ibi  
quum dies aliquot, suspecti Campanis timentesque, caven-  
dis ac struendis in vicem insidiis traduxissent, iamque de  
Capuae defectione agi, accipique Hannibalem satis pro  
certo haberent, interfectis nocte oppidanis, partem urbis,<sup>2</sup>  
quae cis Vulturnum est, (eo enim dividitur amni) occupa-  
vere: idque praesidium Casilini habebant Romani. Ad-  
ditur et Perusina cohors, homines quadringenti sexaginta,  
eodem nuntio, quo Praenestini paucos ante dies, Casilinum  
compulsi. Et satis ferme armatorum ad tam exigua moenia,  
et flumine altera parte cincta, tuenda erat: penuria fru-  
menti, nimium etiam ut videretur hominum, efficiebat.

18. Hannibal quum iam inde haud procul esset, Gaetulos  
Casilinum cum praefecto, nomine Isalca, praemittit: ac primo, si fiat  
Hannibal colloquii copia, verbis benignis ad portas aperiendas prae-  
oppugnat. sidiumque accipiendum pellicere iubet: si in pertinacia  
perstent, rem gerere ac tentare, si qua parte invadere  
urbem possit. Ubi ad moenia accessere, quia silentium  
erat, solitudo visa; metuque concessum barbarus ratus,<sup>3</sup>

<sup>8</sup> *Continuarentur*] Iungerentur in-  
ter se, ita ut nullum iam inter ea spa-  
tium pateret ad fugam. CREV.

<sup>9</sup> *Ne quis . . . Capuam quoque re-  
currat*] Gronovius emendat ex vesti-  
giis MSS. *Ne quid . . . Capuae quoque  
moveretur*, quod Bekkerus recepit.  
*Terror fiat pro recurrat* emendavit  
Doer.

<sup>1</sup> *Et aliis aggregarent sese*] Put.  
*aggregantur*. Unde proclive est effi-

*cere, et aliis aggregantibus sese*: quod  
verum putamus. CREV.

<sup>2</sup> *Interfectis . . . oppidanis*] Ne  
intellige interfectos oppidanos omnes,  
sed eos videlicet, qui Poenis favebant;  
cum ceteris communi animo consilio-  
que Praenestinos urbem defendisse,  
ut constat infr. 19. CREV.

<sup>3</sup> *Metuque concessum*] sc. Ab hos-  
tibus, i. e. cessisse metu hostes. RAS-  
CHIG.

moliri portas et claustra refringere parat: quum, patefactis U. C. 536.  
 repente portis, cohortes duae, ad id ipsum instructae intus, A. C. 216.  
 ingenti cum tumultu erumpunt, stragemque hostium faciunt.  
 Ita primis repulsis, Maharbal, cum maiore robore virorum  
 missus, nec ipse eruptionem cohortium sustinuit. Postremo  
 Hannibal, castris ante ipsa moenia oppositis, parvam urbem  
 parvumque praesidium summa vi atque omnibus copiis op-  
 pugnare parat. Ac, dum instat lacessitque, corona undique  
 circumdatis moenibus, aliquot milites et promptissimum  
 4 quemque, e muro turribusque ictos, amisit. Semel ultro  
 erumpentes agmine elephantorum opposito prope interclusit,  
 trepidosque compulit in urbem, satis multis, ut ex tanta  
 paucitate, interfectis. Plures cecidissent, ni nox proelio  
 intervenisset. Postero die omnium animi ad oppugnandum  
 accenduntur; utique postquam corona aurea muralis propo-  
 sita est, atque ipse dux castelli, plano loco positi, segnem  
 oppugnationem Sagunti expugnatoribus exprobrabat, Can-  
 narum Trasimenique et Trebiae singulos admonens univer-  
 sosque. Inde vineae quoque coeptae agi cuniculique: nec  
 5 ad varios conatus hostium aut vis ulla, aut ars deerat. Socii  
 Romanorum propugnacula adversus vineas statuere, trans-  
 versis cuniculis hostium cuniculos excipere, et palam et clam  
 coeptis obviam ire; donec pudor etiam Hannibalem ab Hannibal  
 6 incepto avertit: castrisque communitis, ac praesidio modico it Capuam  
 imposito, ne omissa res videretur, in hiberna Capuam con- in hiberna.  
 cessit.

Ibi partem maiorem hiemis exercitum in tectis habuit, ad-  
 versus omnia humana mala saepe ac diu duratum, bonis in-  
 expertum atque insuetum. Itaque, quos nulla mali vicerat  
 7 vis, perdidere nimia bona ac voluptates immodicae; et eo  
 impensius, quo avidius ex insolentia in eas se merserant.  
 Somnus enim, et vinum, et epulae, et scorta, balineaeque, et Corrupti-  
 otium, consuetudine in dies blandius, ita enervaverunt cor- tur illic  
 pora animosque, ut magis deinde praeteritae victoriae eos, eius exer-  
 citus.  
 quam praesentes tutarentur vires; maiusque id peccatum  
 ducis apud peritos artium militarium haberetur, quam quod  
 non ex Cannensi acie protinus ad urbem Romanam dux-

4 *Ultro erumpentes*] sc. Quum etiam non lacessiti erumpere ausi essent. Unde vero Hannibali elephantum, qui omnes in Alpibus perierant, exstiterint quaerit Stroth. cf. supr. xxii. 2.

5 *Aut ars deerat. Socii Romanorum*] *Aut ars deerat sociis Romanorum.* Propugnacula, ex coniect. Gronov. reposuit Bekker.

6 *Castrisque communitis*] Aliquid scabri huic orationi inesse Drakenb.

videtur, quoniam verba *avertit* et *concessit* per particulam *que* iuncta, eundem nominativum desiderant. Sed hoc loquendi genus amat Livius. cf. ii. 56. iii. 38. iv. 17.

7 *Et eo impensius*] Et quidem deliciae eo impensius perdidere Poenos, sc. eo graviore exitio evertere Poenorum vires, quo avidius in eas se merserant, propterea quod hactenus erant illarum insueti.

U. C. 536. <sup>16</sup>isset. Illa enim cunctatio distulisse modo victoriam videri potuit; hic error vires ademisse ad vincendum. Itaque, hercule, velut si cum alio exercitu a Capua exiret, nihil usquam pristinae disciplinae tenuit. Nam et redierunt plerique scortis impliciti: et, ubi primum sub pellibus haberi<sup>8</sup> coepti sunt, viaque et alius militaris labor excepit, tironum modo corporibus animisque deficiebant: et deinde per omne aestivorum tempus magna pars sine com meatibus ab signis dilabebantur: neque aliae latebrae, quam Capua, desertoribus erant.

19. Ceterum, mitescente iam hieme, educto ex hibernis milite, Casilinum redit. Ubi, quanquam ab oppugnatione cessatum erat, obsidio tamen continuata oppidanos praesidiumque ad ultimum inopiae adduxerat. Castris Romanis Ti. Sempronius praeerat, dictatore auspicio<sup>9</sup>rum repetendorum causa profecto Romam. Marcellum, et ipsum cupientem ferre auxilium obsessis, et Vulturnus amnis inflatus aquis, et preces Nolanorum atque Acerranorum tenebant, Campanos<sup>9</sup> timentium, si praesidium Romanum abcessisset. Gracchus, assidens tantum Casilino, quia praedictum erat dictatoris,<sup>1</sup> ne quid absente eo rei gereret, nihil movebat: quanquam, quae facile omnem patientiam vincerent, nuntiabantur a Casilino. Nam et, praecipitasse se quosdam non tolerantes famem, constabat; et stare inermes in muris, nuda corpora ad missilium telorum ictus praebentes. Ea aegre patiens Gracchus, quum neque pugnam conserere dictatoris iniussu auderet, (pugnandum autem esse, si palam frumentum importaret, videbat) neque clam importandi spes esset, farre, ex agris circa undique convecto, quum complura dolia compleret, nuntium ad magistratum Casilinum misit, ut exciperent dolia, quae amnis deferret. Insequenti nocte, intentis omnibus in flumen ac spem ab nuntio Romano factam, dolia medio missa amni defluerunt. Aequaliter inter omnes frumentum divisum. Id postero quoque die ac tertio factum est. Nocte et mittebantur et perveniebant: eo custodias hostium fallebant. Imbribus deinde continuis citatior solito amnis, transverso vortice dolia impulit ad ripam, quam hostes servabant. Ibi haerentia inter obnata ripis salicta conspiciuntur: nuntiatumque Hannibali est, et deinde intentiore custodia cautum, ne quid falleret Vulturno<sup>2</sup>

Casilinum  
in doliis  
per amnem  
frumentum  
mittitur.

<sup>8</sup> *Sub pellibus*] In tentoriis. cf. ii. 10. xxi. 10. supr. v. 2. *Sub pellibus durare*.

<sup>9</sup> *Acerranorum*] Qui, urbe sua ab Hannibale direpta atque incensa, Nolam confugerant.

<sup>1</sup> *Quia praedictum erat dictatoris*] h. e. Iussum, vel monitum. cf. supr.

<sup>2</sup> *Intentiore custodia*] Obiecta per medium amnem catena, teste Frontin. Strateg. iii. 14. Ceterum Praenestinos *Nuculas* appellatos scribit Festus, "quod inclusi a Poenis Casilini famem nucibus sustentarunt."



ad urbem missum. Noces tamen fusae ab Romanis castris, U. C. 536.  
 quum medio amni ad Casilinum defluerent, cratibus excipie- A. C. 216.  
 bantur. Postremo ad id ventum inopiae est, ut lora detra- Noces mit-  
 ctasque scutis pelles, ubi fervida mollissent aqua, mandere Casilini lo-  
 conarentur, nec muribus aliove animali abstinerent, et omne ra pelles-  
 herbarum radicumque genus aggeribus infimis muri erue- que man-  
 3 rent; et, quum hostes obarassent, quicquid herbidi terreni duntur.  
 extra murum erat, raporum semen iniecerunt, ut Hannibal,  
 ‘Eone usque, dum ea nascantur, ad Casilinum sessurus  
 ‘sum?’ exclamaret: et, qui nullam antea pactionem auribus  
 admiserat, tum demum agi secum est passus de redemptione  
 4 liberorum capitum. Septunces auri in singulos pretium  
 convenit. Fide accepta, sese tradiderunt: donec omne Hannibali  
 aurum persolutum est, in vinculis habiti: tum remissi deditur  
 Cumas cum fide. Id verius est, quam ab equite in abeuntes Casilinum.  
 immisso interfectos. Praenestini maxima pars fuere. Ex  
 quingentis septuaginta, qui in praesidio fuerunt, minus  
 dimidium ferrum famesque absumpsit: ceteri incolumes  
 5 Praeneste cum praetore suo M. Anicio (scriba is antea  
 fuerat) redierunt. Statua eius indicio fuit, Praeneste in  
 foro statuta, loricata, amicta toga, velato capite; et tria  
 signa cum titulo lamnae aeneae inscripto, ‘M. Anicium pro  
 ‘militibus, qui Casilini in praesidio fuerint, votum vovisse.’  
 Idem titulus tribus signis in aede Fortunae positus fuit sub-  
 iectus. Casilinum oppidum redditum Campanis est, firma- 20.  
 tum septingentorum militum de exercitu Hannibalis prae-  
 sidio; ne, ubi Poenus inde abcessisset, Romani oppugna-  
 rent. Praenestinis militibussenatus Romanus duplex stipen-  
 dium et quinquennii militiae vacationem decrevit. Civitate  
 6 quum donarentur ob virtutem, non mutaverunt. Perusi-  
 norum casus obscurior fama est; quia nec ipsorum monu-  
 mento ullo est illustratus, nec decreto Romanorum.  
 7 Eodem tempore Petelinos, qui uni ex Bruttiiis manserant Petelini  
 in amicitia Romana, non Carthaginienses modo, qui regio- Romanis  
 nem obtinebant, sed Bruttii quoque ceteri, ob separata ab fidi.  
 se consilia, oppugnabant. Quibus quum obsistere malis  
 nequirent Petelini, legatos Romam ad praesidium petendum  
 miserunt. Quorum preces lacrimaeque (in questus enim  
 flebiles, quum sibimet ipsi consulere iussi sunt, sese in ve-

3 *Quicquid herbidi terreni*] Quic-  
 quid soli herbis consitum esset.

4 *Septunces auri*] Septenae auri  
 unciae. Mirum quidem, unde haec  
 tanta auri copia suppeditata sit. cf.  
 Plin. H. N. xxxiii. 1. et 3.

5 *Cum praetore suo M. Anicio*] Ita pro vulg. *Manicio* ex coniectura  
 Conr. Heusinger. recepit Bekker.

6 *Non mutaverunt*] h. e. Quamvis  
 civitate donarentur Romana, suis le-  
 gibus vivere maluerunt. cf. supr. ix.  
 43.

7 *Qui uni ex Bruttiiis*] Consentiam  
 tamen, quae urbs Bruttiorum caput  
 erat, in fide Romana mansisse con-  
 stat. infr. 30.



U. C. 536. stibulo curiae profuderunt) ingentem misericordiam Patribus  
 A. C. 216. ac populo moverunt. Consultique iterum a M'. Pomponio  
 praetore Patres, circumspectis omnibus imperii viribus, fateri  
 coacti, nihil iam longinquis sociis in se praesidii esse, redire  
 domum, fideque ad ultimum expleta, consulere sibimet ipsos  
 in reliquum praesenti fortuna iusserunt. Haec postquam<sup>8</sup>  
 renunciata legatio Petelinis est, tantus repente maeror pa-  
 vorque senatum eorum cepit, ut pars profugiendi, qua quis-  
 que posset, ac deserendae urbis auctores essent; pars,  
 quando deserti a veteribus sociis essent, adiungendi se  
 ceteris Bruttiis, ac per eos dedendi Hannibali. Vicit tamen  
 ea pars, quae nihil raptim nec temere agendum, consulend-  
 umque de integro censuit. Re laxata postero die per<sup>9</sup>  
 minorem trepidationem tenuerunt optimates, ut, convectis  
 omnibus ex agris, urbem ac muros firmarent.

21. Per idem fere tempus literae ex Sicilia Sardiniaque Ro-  
 mam allatae. Priores ex Sicilia T. Otacilii propraetoris in  
 statu recitatae sunt: 'P. Furium praetorem cum classe ex  
 'Africa Lilybaeum venisse: ipsum graviter saucium in dis-  
 'crimine ultimo vitae esse. Militi et navalibus sociis neque  
 'stipendium, neque frumentum ad diem dari; neque, unde  
 'detur, esse. Magnopere suadere, ut quam primum ea  
 'mittantur; sibique, si ita videatur, ex novis praetoribus  
 'successorem mittant.' Eademque ferme de stipendio fru-  
 mentoque ab A. Cornelio Mammula propraetore ex Sardinia  
 scripta. Responsum utrisque, non esse, unde mitteretur:  
 iussique ipsi classibus atque exercitibus suis consulere.  
 T. Otacilius, ad unicum subsidium populi Romani Hieronem  
 legatos quum misisset, in stipendium, quanti argenti opus  
 fuit, et sex mensium frumentum accepit. Cornelio in Sar-  
 dinia civitates sociae benigne contulerunt. Et Romae quo-  
 que propter penuriam argenti triumviri mensarii, rogatione  
 M. Minucii tribuni plebis, facti, L. Aemilius Papus, qui  
 consul censorque fuerat, et M. Atilius Regulus, qui bis  
 consul fuerat, et L. Scribonius Libo, qui tum tribunus ple-  
 bis erat. Et duumviri creati, M. et C. Atilii, aedem Con-  
 cordiae, quam L. Manlius praetor voverat, dedicaverunt.  
 Et tres pontifices creati, Q. Caecilius Metellus, et Q. Fabius  
 Maximus, et Q. Fulvius Flaccus, in locum P. Scantini  
 demortui, et L. Aemilii Paulli consulis, et Q. Aelii Paeti,  
 qui ceciderant pugna Cannensi.

Status re-  
 rum in Si-  
 cilia.

Hiero ad-  
 iuvat Ro-  
 mauros.

Triumviri  
 mensarii.

<sup>8</sup> *In reliquum praesenti fortuna]* Ita Gronov. sed Crevier. *in reliquum* omittendum fide plur. edd. censet.

<sup>9</sup> *Re laxata]* Re iam magis expe-  
 dita, quae arta et angusta fuerat. Si-  
 militer *laxior annona* supr. ii. 52.

*artiori annonae* infr. xxvi. 20. oppo-  
 nitur.

<sup>1</sup> *Triumviri mensarii]* Supr. vii.  
 21. *quinqueviri mensarii* creati erant,  
 ubi et negotium eorum exponitur.  
 STROTH.

Quum cetera, quae continuis cladibus fortuna minuerat, quantum consiliis humanis assequi poterant, Patres exples-  
 sent; tandem se quoque et solitudinem curiae, paucitatem-  
 que convenientium ad publicum consilium respexerunt. Neque enim post L. Aemilium et C. Flaminium censores  
 senatus lectus fuerat, quum tantum senatorum adversae  
 pugnae, ad hoc sui quemque casus per quinquennium ab-  
 sumpsissent. Quum de ea re M'. Pomponius praetor, dic-  
 tatore post Casilinum amissum profecto iam ad exercitum,  
 exposcentibus cunctis retulisset; tum Sp. Carvilius, quum  
 2 longa oratione non solum inopiam, sed paucitatem etiam  
 civium, ex quibus in Patres legerentur, conquestus esset,  
 3 explendi senatus causa, et iungendi artius Latini nominis  
 cum populo Romano, magnopere se suadere dixit, ut ex  
 singulis populis Latinorum, binis senatoribus, si Patres Ro-  
 mani censuissent, civitas daretur, atque in demortuorum  
 locum in senatum legerentur. Eam sententiam haud aequi-  
 oribus animis, quam ipsorum quondam postulatum Latino-  
 rum, Patres audierunt: et, quum fremitus indignantium  
 tota curia esset, et praecipue T. Manlius, 'esse etiam nunc  
 4 'stirpis eius virum,' diceret, 'ex qua quondam in Capitolio  
 'consul minatus esset, quem Latinum in curia vidisset, eum  
 'sua manu se interfecturum;' Q. Fabius Maximus, 'Nun-  
 'quam rei ullius alieniore tempore mentionem factam in  
 'senatu,' dixit, 'quam inter tam suspensos sociorum ani-  
 'mos incertamque fidem id tactum, quod insuper sollicita-  
 'ret eos. Eam unius hominis temerariam vocem silentio  
 'omnium extinguendam esse: et, si quid unquam arcani  
 'sanctive ad silendum in curia fuerit, id omnium maxime  
 'tegendum, occulendum, obliviscendum, pro non dicto ha-  
 'bendum esse.' Ita eius rei oppressa mentio est. Dicta-  
 torem, qui censor ante fuisset, vetustissimusque ex iis, qui  
 viverent, censoriis esset, creari placuit, qui senatum legeret:  
 accirque C. Terentium consulem ad dictatorem dicendum  
 iusserunt. Qui, quum ex Apulia, relicto ibi praesidio,  
 5 magnis itineribus Romam redisset, nocte proxima, ut mos  
 erat, M. Fabium Buteonem ex senatusconsulto sine magistro

U. C. 536.  
 A. C. 216.  
 22.

Delibera-  
 tur de ex-  
 plendo se-  
 natu.

Fabius Bu-  
 teo dictator  
 legendi se-  
 natus cau-  
 sa.

2 *Non solum inopiam, sed paucita-  
 tem etiam civium]* Vocem *senatus*  
 post *inopiam* reposuit Stroth. sed  
*inopiam* haud dubie id, quod *solitudi-  
 nem curiae*, intelligere cuivis patue-  
 rit.

3 *Latini nominis cum populo Ro-  
 mano, magnopere]* Vulg. *Latini no-  
 minis pro magna re* sed quum in  
 plur. mss. praepositionem *cum* ex-  
 stare, et *populum Romanum* saepis-  
 sime a librariis *p. ro.* compendiose

scriptum liquet, elegantissimam Cre-  
 vierii coniecturam, quam etiam Dra-  
 kenb. probavit, consentientibus Stroth.  
 et Bekker. recepit Kreyssig.

4 *Ex qua quondam ... consul]* Ex  
 qua oriundus consul quondam in Ca-  
 pitolio minatus esset ... Designatur  
 T. Manlius Torquatus, cuius verba  
 vid. supr. viii. 5. CREV.

5 *Nocte ... ut mos erat]* Nocte  
 dictatorem dici a consule mos erat,  
 ut constat ex plurimis antiquorum

- U. C. 536. equitum dictatorem in sex menses dixit. Is, ubi cum li-  
 A. C. 216. ctoribus in Rostra escendit, 'neque duos dictatores tempore 6  
 23. 'uno, quod nunquam antea factum esset, probare se,' dixit:  
 Dictatoris 'neque dictatorem se sine magistro equitum: nec censoriam  
 oratio. 'vim uni permissam, et eidem iterum: nec dictatori, nisi 7  
 'rei gerendae causa creato, in sex menses datum imperium.  
 'Quae immoderata fors, tempus ac necessitas fecerint, iis se 8  
 'modum impositurum. Nam neque senatu quemquam  
 'moturum ex iis, quos C. Flaminius, L. Aemilius censores  
 'in senatum legissent: transscribi tantum recitarique eos  
 'iussurum; ne penes unum hominem iudicium arbitrium-  
 'que de fama ac moribus senatoris fuerit: et ita in demor-  
 'tuorum locum sublecturum, ut ordo ordini, non homo ho-  
 'mini praelatus videretur.' Recitato vetere senatu, inde  
 primos in demortuorum locum legit, qui post L. Aemilium  
 et C. Flaminium censores curulem magistratum cepissent, 9  
 necdum in senatum lecti essent; ut quisque eorum primus  
 creatus erat: tum legit, qui aediles, tribuni plebei, quaesto-  
 resve fuerant: tum ex iis, qui magistratus non cepissent,  
 qui spolia ex hoste fixa domi haberent, aut civicam coronam 1  
 accepissent. Ita, centum septuaginta septem cum ingenti  
 approbatione hominum in senatum lectis, extemplo se ma-  
 gistratu abdicavit, privatusque de Rostris descendit, lictori-  
 bus abire iussis: turbaeque se immiscuit privatas agentium  
 res, tempus hoc sedulo terens, ne deducendi sui causa po-  
 pulum de foro abduceret. Neque tamen elanguit cura  
 hominum ea mora, frequentesque eum domum deduxerunt.  
 Consul nocte insequenti ad exercitum rediit, non facto  
 certiore senatu, ne comitiorum causa in urbe retineretur.
24. Postero die consultus a M'. Pomponio praetore senatus  
 decrevit, dictatori scribendum, uti, si e republica censeret 3  
 esse, ad consules subrogandos veniret cum magistro equi-  
 tum et praetore M. Marcello, ut ex iis praesentibus noscere

scriptorum testimoniis. Vid. supr.  
 viii. 23. CREV.

6 *Duos dictatores*] Dictator alter  
 erat M. Iunius Pera. cf. supr. 14. et  
 xxii. 57.

7 *Uni permissam, et eidem iterum*]   
 Primum quod censoria vis permissa  
 sit uni, quum iuxta leges duobus per-  
 mitti deberet: secundum quod eun-  
 dem certe his Censorem creari non  
 liceret; quam legem U. C. 488. tulit  
 C. Marcius Rutilus, *Censorinus* inde  
 cognominatus. cf. Plut. in Coriol. et  
 Valer. Max. iv. 1.

8 *Quas immoderata*] Quae ultra  
 modum, ultra praescriptum legum  
 fieri coëgissent fors, tempus, ac neces-

sitas. CREV.

9 *Curulem magistratum cepissent*]   
 Hos quidem in curiam curru vehi  
 solitos scribit Gavius Bassus: ceteros,  
 qui magistratum curulem non cepe-  
 rant, pedibus itavisse in curiam, et  
 idcirco pedarios nominatos. cf. A.  
 Gell. iii. 18.

1 *Aediles*] sc. Plebis, quippe ae-  
 diles curules cum consulibus et prae-  
 toribus inter curules magistratus an-  
 numerantur.

2 *Qui spolia ex hoste*] cf. Supr. x.  
 7.

3 *Dictatori scribendum*] sc. M. Iu-  
 nio, cui magister equitum Ti. Sem-  
 pronius erat, supr. xxii. 57.

Patres possent, quo statu respublica esset, consiliaque ex U. C. 536.  
 rebus caperent. Qui acciti erant, omnes venerunt, relictis A. C. 216.  
 legatis, qui legionibus praessent. Dictator, de se pauca  
 ac modice locutus, in magistrum equitum, Ti. Sempronium  
 Gracchum, magnam partem gloriae vertit; comitiaque  
 edixit, quibus L. Postumius tertium absens, qui tum Gal-  
 liam provinciam obtinebat, et Ti. Sempronius Gracchus,  
 qui tum magister equitum et aedilis curulis erat, consules  
 crearentur. Praetores inde creati, M. Valerius Laevinus,  
 Ap. Claudius Pulcher, Q. Fulvius Flaccus, Q. Mucius Scae-  
 4vola. Dictator, creatis magistratibus, Teanum in hiberna  
 ad exercitum rediit, relicto magistro equitum Romae: qui,  
 quum post paucos dies magistratum initurus esset, de exerci-  
 tibus scribendis comparandisque in annum Patres consuleret.

Quum eae res maxime agerentur, nova clades nuntiata,  
 aliam super aliam cumulante in eum annum fortuna: L. Po- L. Postu-  
 5stumium, consulem designatum, in Gallia ipsum atque ex- mius Cos.  
 6ercitum deletos. Silva erat vasta, (Litanam Galli vocabant) desig. in  
 qua exercitum traducturus erat. Eius silvae dextra laeva- Gallia cum  
 7que circa viam Galli arbores ita inciderant, ut immotae sta- exercitu  
 8rent, momento levi impulsae occiderent. Legiones duas deletus.  
 Romanas habebat Postumius, sociumque ab supero mari  
 tantum conscripserat, ut viginti quinque millia armatorum  
 in agros hostium induxerit. Galli oram extremae silvae  
 quum circumsedissent, ubi intravit agmen saltum, tum ex-  
 tremas arborum succisarum impellunt: quae, alia in aliam,  
 8instabilem per se ac male haerentem, incidentes, ancipiti  
 strage arma, viros, equos obruerunt, ut vix decem homines  
 effugerent. Nam quum exanimati plerique essent arborum  
 truncis fragmentisque ramorum, ceteram quoque multitu-  
 dinem, inopinato malo trepidam, Galli, saltum omnem ar-  
 mati circumsedentes, interfecerunt; paucis e tanto numero  
 captis, qui, fluminis pontem petentes, obsesso ante ab  
 hostibus ponte interclusi sunt. Ibi Postumius, omni vi, ne  
 caperetur, dimicans, occubuit. Spolia corporis caputque  
 ducis praecisum Boii ovantes templo, quod sanctissimum  
 est apud eos, intulere. Purgato inde capite, ut mos iis est,  
 calvam auro caelavere: idque sacrum vas iis erat, quo sol-

4 *Teanum*] Apulum. DOER. Sed Teanum Sidicinum, quod Latinam viam clauderat, hic innui vult Rup. quippe Terentii consulis exercitus in Apulia esset. cf. supr. xxii. 57. De magnitudine Teani Sidicini cf. Strab. v. 237.

5 *Ipsium atque exercitum deletos*] De qua clade cf. Pol. iii. 118. et Fron- tin. Strateg. i. 6.

6 *Litanam Galli vocabant*] Silva haec in Gallia cispadana, supra fontes fluminis Scultennae inter Cerfenianum oppidum et Mutinam, latus Apen- nini clauderat.

7 *Momento levi*] Ictu levi impulsae conciderent.

8 *Ancipiti strage*] Corruentibus ex utraque parte arboribus.

U. C. 536. lennibus libarent: poculumque idem sacerdoti esse, ac  
 A. C. 216. templi antistitibus. Praeda quoque haud minor Gallis, quam victoria, fuit. Nam etsi magna pars animalium strage silvae oppressa erat, tamen ceterae res, quia nihil dissipatum fuga est, stratae per omnem iacentis agminis ordinem inventae sunt.

25. Hac nuntiata clade, quum per dies multos in tanto pavore fuisset civitas, ut, tabernis clausis, velut nocturna solitudine per urbem acta, senatus aedilibus negotium daret, ut urbem circumirent, aperirique tabernas, et maestitiae publicae speciem urbi demi iuberent; tum Ti. Sempronius senatum habuit, consolatusque Patres est, et adhortatus, 'ne, qui  
 ' Cannensi ruinae non succubuissent, ad minores calamitates animos summitterent. Quod ad Carthaginenses hostes  
 ' Hannibalemque attinet, prospera modo essent, sicut speraret futura, Gallicum bellum et omitti tuto et differri  
 ' posse: ultionemque eam fraudis in deorum ac populi Romani potestate fore. De hoste Poeno exercitibusque, per  
 ' quos id bellum gereretur, consultandum atque agitandum.' Ipse primum, quid peditum equitumque, quid civium, quid sociorum in exercitu esset dictatoris, disseruit. Tum Marcellus suarum copiarum summam exposuit. Quid in Apulia cum C. Terentio consule esset, a peritis quaesitum est. Nec, unde consulares exercitus satis firmi ad tantum bellum efficerentur, inibatur ratio. Itaque Galliam, quam stimulabat iusta ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit. Eodem ex dictatoris legionibus reiici militem minimi quemque roboris, nullo praestituto militiae tempore, nisi qui stipendiorum legitimorum esset. Duae legiones urbanae alteri consuli, qui in locum L. Postumii suffectus esset, decretae sunt: eumque, quum primum salvis auspiciis posset, creari placuit. Legiones praeterea duas primo quoque tempore ex Sicilia acciri: atque inde consul, cui legiones urbanae evenissent, militum sumeret quantum opus esset. C. Terentio consuli propagari in annum imperium: neque

9 *Poculumque idem sacerdoti esse*] Vocem *esse*, quod in ms. Harl. desideratur, omittit Bekker.

1 *Quod ad Carthaginenses... attinet*] *Attineret* ex emend. Gronov. reposuit Bekker, ut quam vocem exigere oratio obliqua videretur, sed similem loquendi morem videris supr. ii. 28.

2 *Nisi qui stipendiorum*] Nisi ei,

si quis legitima stipendia, scilicet viginti octo, confecisset.

3 *Atque inde consul... sumeret*] *Consulem... sumere*, ut idem servetur orationis tenor, ex coniect. Gronov. reposuit Bekker.

4 *Propagari in annum imperium*] Ascensius et deinde alii ediderunt *prorogari*, idque, quoniam lege ad

de eo exercitu, quem ad praesidium Apuliae haberet, quicquam minui. U. C. 536.  
A. C. 216.

Dum haec in Italia geruntur apparanturque, nihilo 26.  
 segnius in Hispania bellum erat: sed ad eam diem magis Res gestae  
in Hispania.  
 prosperum Romanis. P. et Cn. Scipionibus inter se partitis  
 copias, ut Cnaeus terra, Publius navibus rem gereret;  
 Hasdrubal Poenorum imperator, neutri parti virium satis  
 fidens, procul ab hoste, intervallo ac locis tutus, tenebat se:  
 5 quoad multum ac diu obtestanti quattuor millia peditum et  
 quingenti equites in supplementum missi ex Africa sunt.  
 Tum, resecta tandem spe, castra propius hostem movit:  
 classemque et ipse instrui pararique iubet ad insulas mari-  
 timamque oram tutandam. In ipso impetu movendarum  
 de integro rerum perculit eum praefectorum navium transi-  
 tio: qui, post classem ad Iberum per pavorem desertam  
 graviter increpiti, nunquam deinde satis fidi aut duci, aut  
 Carthaginensium rebus fuerant. Fecerant hi transfugae  
 6 motum in Carpesiorum gente, desciverantque iis auctoribus  
 urbes aliquot: una etiam ab ipsis vi capta fuerat. In eam  
 gentem versum ab Romanis bellum est; infestoque exercitu Hasdrubal  
adversus  
Carpesios  
ducit exer-  
citurum.  
 Hasdrubal ingressus agrum hostium, pro captae ante dies  
 paucos urbis moenibus, Galbum, nobilem Carpesiorum  
 ducem, cum valido exercitu castris sese tenentem, aggredi  
 statuit. Praemissa igitur levi armatura, quae eliceret hostes  
 ad certamen, peditum partem ad depopulandum per agros  
 passim dimisit, ut palantes exciperent. Simul et ad castra  
 tumultus erat, et per agros fugaque et caedes; deinde un-  
 dique diversis itineribus quum in castra se recepissent, adeo  
 repente decessit animis pavor, ut non ad munimenta modo  
 defendenda satis animorum esset, sed etiam ad lacessendum  
 hostem proelio. Erumpunt igitur agmine e castris, tripu-  
 dantes more suo; repentinaque eorum audacia terrorem Carpesii  
terrorem  
hostibus  
iniiciunt.  
 hosti, paullo ante ultro lacessenti, incussit. Itaque et ipse  
 Hasdrubal in collem satis arduum, tutum flumine etiam ob-  
 iecto, tum copias subducit, et praemissam levem armaturam  
 equitesque palatos eodem recipit: nec aut colli aut flumini  
 satis fidens, vallo castra permunit. In hoc alterno pavore  
 certamina aliquot sunt contracta: nec Numida Hispano  
 7 eques par fuit; nec iaculator Maurus caetrato, velocitate

eam rem opus est, magis proprie di-  
 citur. ERNEST. Enimvero durius vi-  
 detur *propagari*, et quod de terminis  
 imperii proferendis aptius diceretur.

5 *Quoad multum*] *Quoad* hoc loco  
 est *usque eo donec, usque ad id tempus*  
*quo*. Vulgo editi habent *cui*, sed *quoad*  
 nititur auctoritate optimorum  
 codicum: et sic melius connexa est

oratio.

6 *In Carpesiorum gente*] *Tartessi-*  
*orum* hic legendum censet Crev., cuius  
 sententiae calculum adiecere plures  
 critici. *Carpesii* autem idem erant qui  
*Carpetani*. supr. xxi. 5. cf. Pol. iii. 14.

7 *Maurus caetrato*] De caetris cf.  
 infr. xxviii. 5.



U. C. 536. pari, robore animi viriumque aliquantum praestanti. Post-  
 A. C. 216. quam neque elicere Poenum ad certamen obversati castris  
 27. poterant, neque castrorum oppugnatio facilis erat; urbem<sup>8</sup>  
 Ascuam, quo, fines hostium ingrediens, Hasdrubal frumen-  
 tum commeatusque alios convexerat, vi capiunt, omnique  
 circa agro potiuntur. Nec iam, aut in agmine, aut in  
 castris, ullo imperio contineri. Quam ubi negligentiam ex  
 re, ut fit, bene gesta oriri senserat Hasdrubal, cohortatus  
 milites, ut palatos sine signis hostes aggrederentur, degres-  
 sus colle, pergit ire acie instructa ad castra. Quem ut  
 adesse tumultuose nuntiavere fugientes ex speculis stationi-  
 busque, ad arma conclamatum est. Ut quisque arma cepe-  
 rat, sine imperio, sine signo, incompressi, inordinati in  
 proelium ruunt. Iam primi conseruerant manus, quum  
 alii catervatim currebant, alii nondum e castris exissent.  
 Tamen primo ipsa audacia terruere hostem. Deinde, rari  
 in confertos illati, quum paucitas parum tuta esset, respicere  
 alii alios, et undique pulsi coire in orbem; et dum corpori-  
 bus applicantur, armaque armis iungunt, in artum compulsi,  
 quum vix movendis armis satis spatii esset, corona hostium  
 cincti, ad multum diei caeduntur. Exigua pars, eruptione  
 facta, silvas ac montes petit: parique terrore et castra  
 sunt deserta, et universa gens postero die in deditionem  
 venit.

Hasdrubal  
 iubetur du-  
 cere exer-  
 citum in  
 Italiam.

28. Nec diu in pacato mansit. Nam subinde ab Carthagine<sup>9</sup>  
 allatum est, ut Hasdrubal primo quoque tempore in Italiam  
 exercitum duceret. Quae vulgata res per Hispaniam om-  
 nium ferme animos ad Romanos avertit. Itaque Hasdrubal  
 extemplo literas Carthaginem mittit, indicans, quanto fama  
 profectionis suae damno fuisset. 'Si vero inde pergeret,  
 'priusquam Iberum transiret, Romanorum Hispaniam fore.  
 'Nam, praeterquam quod nec praesidium, nec ducem ha-  
 'beret, quem relinqueret pro se; eos imperatores esse Ro-  
 'manos, quibus vix aquis viribus resisti possit. Itaque si  
 'ulla Hispaniae cura esset, successorem sibi cum valido  
 'exercitu mitterent: cui, ut omnia prospere evenirent, non  
 'tamen otiosam provinciam fore.' Hae literae quanquam  
 primo admodum moverunt senatum; tamen, quia Italiae  
 cura prior potiorque erat, nihil de Hasdrubale, neque de  
 copiis eius mutatum est. Himilco cum exercitu iusto et

. 8 *Urbem Ascuam*] Nusquam alibi memoratam inveneris. *Massiam*, urbem Tartessiorum, coniecit Gronov. qui *Tartessiorum* supra restituendam indicat.

9 *Nec diu in pacato mansit*] *Pacata* legendum suadet Gronov. *In*

*pacato* coniecit Stroth. atque in textum recepit Bekker.

1 *Cui, ut omnia prospere*] Ante Gronovium editi, *cui si omnia*. Hic vero *ut*, quemadmodum supr. xxii. 25. pro *licet* scribitur.



aucta classe, ad retinendam terra marique ac tuendam Hispaniam, est missus; qui, ut pedestres navalesque copias traiecit, castris communitis, navibusque subductis et vallo circumdatis, cum equitibus delectis ipse, quantum maxime accelerare poterat, per dubios infestosque populos iuxta intentus ad Hasdrubalem pervenit. Quum decreta senatus mandataque exposuisset, atque edidicisset ipse in vicem, quemadmodum tractandum bellum in Hispania foret, retro in sua castra rediit; nulla re, quam celeritate, tutior, quod undique abierat, antequam consentirent. Hasdrubal, priusquam moveret castra, pecunias imperat populis omnibus suae ditionis, satis gnarus, Hannibalem transitus quosdam pretio mercatum: nec auxilia Gallica aliter, quam conducta, habuisse; inopem, tantum iter ingressum, vix penetraturum ad Alpes fuisse. Pecuniis igitur raptim exactis, ad Iberum descendit.

U. C. 536.  
A. C. 216.  
Himilco  
mittitur in  
Hispaniam.

Hasdrubal  
in Italiam  
ire parat.

Decreta Carthaginensium et Hasdrubalis iter ubi ad Romanos sunt perlata, omnibus omissis rebus, ambo duces, iunctis copiis, ire obviam coeptis atque obsistere parant; rati si Hannibali, vix per se ipsi tolerando Italiae hosti, Hasdrubal dux atque Hispaniensis exercitus esset iunctus, illum Romani finem imperii fore. His anxii curis ad Iberum contrahunt copias; et, transito amne, quum diu consultassent, utrum castra castris conferrent, an satis haberent, sociis Carthaginensium oppugnandis, morari ab itinere proposito hostem, urbem a propinquo flumine Iberam appellatam, opulentissimam ea tempestate regionis eius, oppugnare parant. Quod ubi sensit Hasdrubal, pro ope ferenda sociis, pergit ipse ire ad urbem, deditam nuper in fidem Romanorum, oppugnandam. Ita iam coepta obsidio omissa ab Romanis est, et in ipsum Hasdrubalem versum bellum. Quinque millium intervallo castra distantia habuere paucos dies: nec sine levibus proeliis, nec ut in aciem exirent. Tandem uno eodemque die velut ex composito utrimque signum pugnae propositum est, atque omnibus copiis in campum descensum. Triplex stetit Romana acies. Velitum pars inter antesignanos locata, pars post signa accepta,

Scipiones  
ei obviam  
eunt.

29.

Pugna in-  
ter Scipio-  
nes et Has-  
drubalem.

<sup>1</sup> *Per dubios infestosque populos iuxta intentus*] sc. Per dubios pariter ac per infestos populos intentus. cf. supr. ix. 13. "iuxta obsidentes obsesosque inopia vexavit."

<sup>3</sup> *Quod undique abierat*] Quod antequam communi consilio arma in eum moverent, iam finibus exierat.

<sup>4</sup> *Triplex stetit Romana acies*] Romana acies in tria de more corpora divisa est, *hastatos, principes, tria-*

*rios*. Levis armaturae milites partim locati sunt inter *antesignanos*, quo nomine designantur *hastati*, atque etiam fortasse *prinoipes*: partim in ultimam aciem, ac pone *triarios* reiecti. cf. supr. ii. 20. viii. 8. 11. CREV.

<sup>5</sup> *Velitum pars*] Velites autem in legionibus adhuc non erant. cf. infr. xxvi. 4. Intelligas hoc loco veteres levis armaturae milites.

U. C. 536. equites cornua cinxere. Hasdrubal mediam aciem Hispanis  
 A. C. 216. firmat: in cornibus, dextro Poenos locat, laevo Afros mer-  
 cenariorumque auxilia: equitum Numidas Poenorum pedi-  
 tibus, ceteros Afris pro cornibus apponit. Nec omnes  
 Numidae in dextro locati cornu, sed quibus, desultorum in  
 modum, binos trahentibus equos inter acerrimam saepe  
 pugnam in recentem equum ex fesso armatis transsultare  
 mos erat: tanta velocitas ipsis, tamque docile equorum  
 genus est. Quum hoc modo instructi starent, imperatorum  
 utriusque partis haud ferme dispares spes erant. Nam ne  
 multum quidem, aut numero, aut genere militum, hi aut illi  
 praestabant. Militibus longe dispar animus erat. Romanis  
 enim, quanquam procul a patria pugnarent, facile persuade-  
 rant duces, pro Italia atque urbe Romana eos pugnare.  
 Itaque, velut quibus reditus in patriam eo discrimine pugnae  
 verteretur, obstinaverant animis, vincere aut mori. Minus  
 pertinaces viros habebat altera acies. Nam maxima pars  
 Hispani erant: qui vinci in Hispania, quam victores in  
 Italiam trahi, malebant. Primo igitur concursu, quum vix  
 pila coniecta essent, retulit pedem media acies, inferenti-  
 busque sese magno impetu Romanis terga vertit. Nihilo  
 segnius in cornibus proelium fuit. Hinc Poenus, hinc  
 Afer urget; et velut in circumventos proelio ancipiti pu-  
 gnant. Sed quum in medium tota iam coisset Romana  
 acies, satis virium ad dimovenda hostium cornua habuit.  
 Itaque duo diversa proelia erant: utroque Romani, ut qui,<sup>6</sup>  
 pulsus tandem mediis, et numero et robore virorum praesta-  
 rent, haud dubie superarunt. Magna vis hominum ibi oc-  
 cisa: et, nisi Hispani vixdum conserto proelio tam effuse  
 fugissent, perpauci ex tota superfuissent acie. Equestris  
 pugna nulla admodum fuit; quia, simul inclinatham mediam  
 aciem Mauri Numidaeque viderunt, extemplo fuga effusa  
 nuda cornua, elephantis quoque prae se actis, deseruere.  
 Et Hasdrubal, usque ad ultimum eventum pugnae moratus,  
 e media caede cum paucis effugit. Castra Romani cepere  
 atque diripere. Ea pugna, si qua dubia in Hispania erant,<sup>7</sup>  
 Romanis adiunxit: Hasdrubalique non modo in Italiam  
 traducendi exercitus, sed ne manendi quidem satis tuto in  
 Hispania, spem reliquit. Quae postquam literis Scipionum<sup>8</sup>  
 Romae vulgata sunt, non tam victoria, quam prohibito  
 Hasdrubalis in Italiam transitu, laetabantur.

Vincunt  
Romani

30

Dum haec in Hispania geruntur, Petelia in Bruttis,  
 aliquot post mensibus, quam coepta oppugnari erat, ab

<sup>6</sup> *Ut qui, pulsus tandem mediis]* qui populi adhuc incerti essent, in  
*Pulsus iam ante mediis ex coniect.* quorum partes se adderent.  
 Gronov. recepit Bekker.

<sup>8</sup> *Spem reliquit]* Reliquerat Bek-  
<sup>7</sup> *Si qua dubia in Hispania]* Si ker. reposuit.

Himilcone, praefecto Hannibalis, expugnata est. Multo sanguine ac vulneribus ea Poenis victoria stetit: nec ulla magis vis obsessos, quam fames, expugnavit. Absumptis enim frugum alimentis, carnisque omnis generis quadrupedum, sutrinae postremo coriis, herbisque et radicibus, et corticibus teneris, strictisque rubis vivere; nec, antequam vires ad standum in muris ferendaque arma deerant, expugnati sunt. Recepta Petelia, Poenus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus et Bruttiorum exercitus Crotonem, Graecam urbem, circumscdit, opulentam quondam armis virisque, tum iam adeo multis magnisque cladibus afflictam, ut omnis aetatis minus viginti millia civium superessent. Itaque urbe a defensoribus vasta facile potiti sunt hostes: arx tantum retenta, in quam inter tumultum captae urbis e media caede quidam effugere. Et Locrenses descivere ad Bruttios Poenosque, prodita multitudine a principibus. Rhegini tantummodo regionis eius, et in fide erga Romanos, et potestatis suae ad ultimum manserunt. In Siciliam quoque eadem inclinatio animorum pervenit: et ne domus quidem Hieronis tota ab defectione abstinuit. Namque Gelo maximus stirpis, contempta simul senectute patris, simul post Cannensem cladem Romana societate, ad Poenos defecit: movissetque in Sicilia res, nisi mors adeo opportuna, ut patrem quoque suspicione aspergeret, armantem eum multitudinem, sollicitantemque socios absumpsisset. Haec eo anno in Italia, in Africa, in Sicilia, in Hispania vario eventu acta.

Exitu anni Q. Fabius Maximus a senatu postulavit, ut aedem Veneris Erycinae, quam dictator vovisset, dedicare liceret. Senatus decrevit, ut Ti. Sempronius consul designatus, quum primum honorem inisset, ad populum ferret, ut Q. Fabium duumvirum esse iuberent aedis dedicandae causa. Et M. Aemilio Lepido, qui bis consul augurque fuerat, filii tres, Lucius, Marcus, Quintus, ludos funebres per triduum, et gladiatorum paria duo et viginti per triduum in foro dederunt. Aediles curules C. Laetorius, et Ti.

U. C. 536.  
A. C. 216.  
Petelia in  
Bruttiis ab  
Himilcone  
capta.

Croto ca-  
pitur a  
Bruttiis.

Gelo filius  
Hieronis  
defecit ad  
Poenos.

Moritur.

M. Aemilii  
ludi fune-  
bres

9 *Sutrinae postremo coriis*] *Scutorum* coniecit Valla. cf. supr. 19. Ceterum *sutrinae*, h. e. sutorum officinae, sensus optime huic loco conveniret.

1 *Strictisque rubis*] Eos vixisse corticibus, quos ex rubis strinxerant, indicari putat Drakenb. et ita corticibus teneris modo memoratis opponi cortices ruborum, quos duros vulgo vocari, docuit Burmann. ad Ovid. Met. i. 105.

2 *Urbe a defensoribus vasta*] Sic Sall. Iug. 48. "Mons et ab natura et ab humano cultu vastus."

3 *Quam dictator vovisset*] cf. Supr. xxii. 10.

4 *Et gladiatorum paria*] Gladiatores in honorem patris sui defuncti primum Romae edidisse D. Iunium Brutum U. C. 490. in Epit. supr. xvi. legimus. cf. Val. Max. ii. 4. 7.

U. C. 536. Sempronius Gracchus, consul designatus, qui in aedilitate  
A. C. 216. magister equitum fuerat, ludos Romanos fecerunt, qui per  
triduum instaurati sunt. Plebei ludii aedilium M. Aurelii  
Cottae et M. Claudii Marcelli ter instaurati.

U. C. 537. Circumacto tertio anno Punici belli, Ti. Sempronius  
A. C. 215. consul Idibus Martiis magistratum iniit. Praetores Q.  
Ti. Sempronio Cos. Fulvius Flaccus, qui ante bis consul censorque fuerat, urba- 5  
nam, M. Valerius Laevinus peregrinam sortem in iurisdic-  
tione habuit. Ap. Claudius Pulcher Siciliam, Q. Mucius  
Scaevola Sardiniam sortiti sunt. M. Marcello pro consule  
imperium esse populus iussit, quod post Cannensem cladem  
unus Romanorum imperatorum in Italia prospere rem ges-

31. sisset. Senatus, quo die primum est in Capitolio consultus,  
Duplex tri- decrevit, ut, quo eo anno duplex tributum imperaretur, 6  
butum im- simplex confestim exigeretur, ex quo stipendium praesens  
peratum. omnibus militibus daretur, praeterquam qui milites ad Can-

Decreta de nas fuissent. De exercitibus ita decreverunt, ut duabus  
exercitibus. legionibus urbanis Ti. Sempronius consul Cales ad conveni-  
endum diem ediceret: inde eae legiones in castra Claudiana 7  
supra Suessulam deducerentur: quae ibi legiones essent,  
(erant autem Cannensis maxime exercitus) eas Ap. Claudius  
Pulcher praetor in Siciliam traiceret; quaeque in Sicilia  
essent, Romam deportarentur. Ad exercitum, cui ad con-  
veniendum Cales edicta dies erat, M. Claudius Marcellus  
missus; isque iussus in castra Claudiana deducere urbanas  
legiones. Ad veterem exercitum accipiendum deducen-  
dumque inde in Siciliam, T. Metilius Croto legatus ab Ap.  
Claudio est missus. Taciti primo expectaverant homines,  
uti consul comitia collegae creando haberet. Deinde, ubi  
ablegatum, velut de industria, M. Marcellum viderunt,  
quem maxime consulem in eum annum ob egregie in prae-  
tura res gestas creari volebant, fremitus in curia est ortus.  
Quod ubi sensit consul, 'Utrumque,' inquit, 'e republica  
'fuit, Patres conscripti, et M. Claudium ad permutandos  
'exercitus in Campaniam proficisci, et comitia non prius  
'edici, quam is inde, confecto, quod mandatum est, negotio,  
'revertisset; ut vos consulem, quem tempus reipublicae  
'postularet, quem maxime vultis, haberetis.' Ita de comitiis,  
donec rediit Marcellus, silentium fuit. Interea duumviri

5 Qui ante bis consul] Ita pro  
vulg. *antea consul* emendavit Perizon.

6 Ut, quo eo anno] Nostram le-  
ctionem Gronov. et Drakenb. ex opti-  
mis codd. receperunt, eamque sic in-  
telligo: senatus simplex tributum  
confestim exigi decrevit, hoc consilio,  
ut duplex eo anno imperari atque  
commodius conferri posset. STROTH.

7 Inde eae legiones] Ita Perizon.  
pro vulg. *inde sex legiones*, unde enim  
sex legiones, quot nemo unus, sive  
consul, sive dictator, toto hoc bello  
habuit, contrahi possent, non liquet.

8 Castra Claudiana] Castra Clau-  
diana a M. Claudio praetore dicta  
sunt, qui cum exercitu ibi consedit.  
supr. 17. DRAK.

creati sunt Q. Fabius Maximus et T. Otacilius Crassus, U. C. 537.  
 aedibus dedicandis, Menti Otacilius, Fabius Veneri Ery- A. C. 215.  
 cinae. Utraque in Capitolio est, canali uno discretæ. Et  
 9 de trecentis equitibus Campanis, qui, in Sicilia cum fide  
 stipendiis emeritis, Romam venerant, dein latum ad  
 1 populum, ut cives Romani essent: item, uti municipes  
 3 Cumani essent, pridie quam populus Campanus a populo  
 Romano defecisset. Maxime, ut hoc ferretur, moverat,  
 4 quod, quorum hominum essent, scire se ipsi negabant;  
 vetere patria relictâ, in eam, in quam redierant, nondum  
 asciti. Postquam Marcellus ab exercitu rediit, comitia uni  
 consuli rogando in locum L. Postumii edicuntur. Creatur  
 ingenti consensu Marcellus, qui extemplo magistratum  
 occiperet. Cui ineunti consulatum quum tonuisset, vocati Marcellus  
 augures vitio creatum videri pronuntiaverunt; vulgoque in locum  
 Patres ita fama ferebant, quod tum primum duo plebei con- Postumii  
 sules facti essent, id deis cordi non esse. In locum Marcelli, Cos. crea-  
 tur.  
 ubi is se magistratu abdicavit, suffectus Fabius Maximus Se abdicat.  
 tertium. Mare arsit eo anno: ad Sinuessam bos equuleum Ei suffici-  
 tur Fabius  
 5 peperit: signa Lanuvii ad Iunonis Sospitæ cruore mana- Maximus  
 vere, lapidibusque circa id templum pluit. Ob quem III. Cos.  
 imbrem novendiale, ut assolet, sacrum fuit: ceteraque pro- Prodigia.  
 digia cum cura expiata.

Consules exercitus inter sese diviserunt. Fabio exercitus, 32.  
 6 cui M. Iunius dictator præfuerat, evenit; Sempronio  
 7 volones, qui fierent, et sociorum viginti quinque millia; M.  
 Valerio prætori legiones, quæ ex Sicilia redissent, decretæ;  
 M. Claudius proconsul ad eum exercitum, qui supra Sues-

9 *Equitibus Campanis*] cf. Supr.

STROTH.

4  
 1 *Ut cives Romani essent*] Sed  
 iam supr. viii. 11. civitatem equiti-  
 bus Romanis datam legimus: unde  
 collegeris cives Romanos nunc optimo  
 iure eos factos fuisse, ut qui antea qui-  
 dem municipes tantum Campani, et  
 in *legione Campana* stipendia mere-  
 rent. cf. Niebhr. ii. n. 105. 113.

2 *Uti municipes Cumani essent*] Hi quidem ea conditione cives Ro-  
 mani erant, "ut participes essent om-  
 nium rerum ad munus fungendum  
 una cum Romanis civibus, præter-  
 quam de suffragio ferendo aut magi-  
 stratu capiendâ." cf. Festus v. *Muni-  
 ceps*.

3 *Pridie quam populus Campanus*] Inde ab eo die, qui esset ante diem  
 defectionis populi Campani, ne tum  
 hi equites Campani fuisse, atque una  
 cum popularibus defecisse viderentur.

4 *Quod, quorum hominum essent*] Cuius populi cives se profiterentur.

5 *Signa Lanuvii . . . cruore ma-  
 navere*] cf. Supr. xxii. 1. ubi hoc  
 genus prodigii fusius narratur.

6 *M. Iunius dictator*] cf. Supr. iv.  
 40.

7 *Volones, qui fierent*] *Volones*  
*dicti sunt milites*, inquit Festus, *qui*  
*post Cannensem cladem usque ad octo*  
*millia, quum essent servi, voluntarie*  
*se ad militiam obtulerunt*. Rem nar-  
 ravit Livius supr. xxii. 57. Hi igitur  
 volones eximuntur de exercitu cui  
 Fabius præfuturus erat, et traduntur  
 Sempronio. Ceterum Crevier. *volo-*  
*num quod fuerat* legendum censet, ne  
 duplices esse volones, alios a Iunio,  
 alios a Graccho scriptos, ex hoc loco  
 intelligamus, quum tamen nulla apud  
 Livium volonum, nisi qui in Gracchi  
 exercitu erant, mentio fiat.

U. C. 537. sulam Nolae praesideret, missus. Praetores in Siciliam ac  
A. C. 215. Sardiniam profecti. Consules edixerunt, quoties in senatum  
vocassent, uti senatores, quibusque in senatu dicere senten- 8  
tiam liceret, ad portam Capenam convenirent. Praetores,  
quorum iurisdictio erat, tribunalia ad Piscinam publicam 9  
posuerunt. Eo vadimonia fieri iusserunt: ibique eo anno  
ius dictum est.

Vocantur  
Poeni in  
Sardiniam  
ab Ham-  
psicora.

Interim Carthaginem, unde Mago frater Hannibalis duo-  
decim millia peditum et mille quingentos equites, viginti ele-  
phantos, mille argenti talenta in Italiam transmissurus erat, 2  
cum praesidio sexaginta navium longarum, nuntius affertur,  
in Hispania rem male gestam, omnesque ferme eius provinciae  
populos ad Romanos defecisse. Erant, qui Magonem cum  
classe ea copiisque, omissa Italia, in Hispaniam averterent;  
quum Sardiniae recipiendae repentina spes affulsit. 'Parvum  
'ibi exercitum Romanum esse: veterem praetorem inde A.  
'Cornelium provinciae peritum decedere, novum expectari.  
'Ad hoc, fessos iam animos Sardorum esse diuturnitate  
'imperii: et proximo iis anno acerbe atque avare imperatum.  
'Gravi tributo et collatione iniqua frumenti pressos. Nihil  
'deesse aliud, quam auctorem, ad quem deficerent.' Haec  
clandestina legatio per principes missa erat; maxime eam  
rem moliente Hampsicora, qui tum auctoritate atque opibus  
longe primus erat. His nuntiis prope uno tempore tur-  
bati erectique Magonem cum classe sua copiisque in  
Hispaniam mittunt. In Sardiniam Hasdrubalem deligunt  
ducem: et tantum ferme copiarum, quantum Magoni, de-  
cernunt.

Et Romae consules, transactis rebus, quae in urbe agen-  
dae erant, movebant iam sese ad bellum. Ti. Sempronius  
militibus Sinuessam diem ad conveniendum edixit; et Q. 3  
Fabius, consulto prius senatu, ut frumenta omnes ex agris,  
ante Kalendas Iunias primas, in urbes munitas conveherent. 4

8 *Quibusque in senatu dicere sententiam liceret*] "Qui post lustrum conditum ex iunioribus magistratum cepere, in senatu sententiam dicunt, non tamen senatores vocantur ante, quam in senioribus sunt censi." Festus. cf. A. Gell. iii. 18. "Imo pedarii dicti, qui, nondum a censoribus in senatum lecti, senatores quidem non erant, sed, quia honoribus populi usi erant, in senatum veniebant, et sententiae ius habebant."

9 *Piscinam publicam*] "Piscinae publicae hodie nomen manet, ipsa non manet, ad quam et natatum, et exercitationis alioqui causa veniebat populus." Festus.

1 *Eo vadimonia fieri*] h. e. Lites,

causas privatas agi iusserunt. cf. Iuvenal. iii. 298.

2 *Mille argenti talenta*] cf. Sapr. 13, ubi pro vulg. *multa talenta*, quod in plerisque edd. extat, *mille quingenta* ex Mureti sententia, aut *mille quinquaginta* legendum videtur. Utrius vero loci lectio ex altero emendanda sit, parum liquet.

3 *Militibus Sinuessam*] Volonibus, et sociorum decem millibus, quae illi sorte evenerant, quippe duae legiones urbanae Cales convenerant. SIGON.

4 *Ante Kalendas Iunias primas*] Inscriptiones plures apud Gruter. in quibus *Kalendas primas* legimus, citat Drakenb.



‘Qui non invexisset, eius se agrum populaturum, servos sub  
 ‘hasta venditurum, villas incensurum.’ Ne praetoribus  
 quidem, qui ad ius dicendum creati erant, vacatio ab belli  
 administratione data est. Valerium praetorem in Apuliam  
 ire placuit, ad exercitum a Terentio accipiendum: quum  
 ex Sicilia legiones venissent, iis potissimum uti ad regionis  
 5 eius praesidium: Terentianum mitti cum aliquo legatorum.  
 6 Et viginti quinque naves P. Valerio datae sunt, quibus oram  
 maritimam inter Brundisium ac Tarentum tutari posset.  
 Par navium numerus Q. Fulvio praetori urbano decretus ad  
 suburbana litora tutanda. C. Terentio proconsuli negotium  
 datum, ut in Piceno agro conquisitionem militum haberet,  
 locisque iis praesidio esset. Et T. Otacilius Crassus, post-  
 quam aedem Mentis in Capitolio dedicavit, in Siciliam cum  
 imperio, qui classi praeesset, missus.

In hanc dimicationem duorum opulentissimorum in terris  
 populorum omnes reges gentesque animos intenderant:  
 7 inter quos Philippus Macedonum rex, eo magis, quo pro-  
 prior Italiae, ac mari tantum Ionio discretus erat. Is ubi  
 primum fama accepit, Hannibalem Alpes transgressum, ut  
 bello inter Romanos Poenumque orto laetatus erat, ita,  
 8 utrius populi mallet victoriam esse, incertis adhuc viribus,  
 fluctuatus animo fuerat. Postquam tertia iam pugna, tertia  
 victoria cum Poenis erat, ad fortunam inclinavit, legatosque  
 ad Hannibalem misit: qui, vitantes portus Brundisium  
 Tarentinumque, quia custodiis navium Romanarum tene-  
 bantur, ad Lacinae Iunonis templum in terram egressi sunt.  
 Inde per Apuliam petentes Capuam, media in praesidia Ro-  
 mana illati sunt: deductique ad M. Valerium Laevinum  
 9 praetorem, circa Luceriam castra habentem. Ibi intrepide  
 Xenophanes legationis princeps, a Philippo rege se missum,  
 ait, ad amicitiam societatemque iungendam cum populo Ro-  
 mano, mandata habere ad consules ac senatum populumque  
 Romanum. Praetor, inter defectiones veterum sociorum nova  
 societate tam clari regis laetus admodum, hostes pro hospiti-  
 bus comiter accepit: dat, qui prosequantur, itinera cum  
 cura demonstrent, quae loca, quosque saltus, aut Romanus,  
 aut hostes teneant. Xenophanes per praesidia Romana in

33.

Philippus  
 rex Maced.  
 legatos  
 mittit ad  
 Hanniba-  
 lem.

5 *Terentianum mitti*] Exercitum Terentii in Siciliam mitti intelligit Sigon. id autem cum narratione Livii pugnare ostendisse sibi videtur Duker. qui *Tarentum mitti* legendum suadet.

6 *P. Valerio datae sunt*] Ita emendat. Crev. sed *M. Valerio* apud edd. plures inveneris.

7 *Eo magis, quo propior*] Ita Crev. et Stroth. sed *quod propior* Drakenb. et Bekker. retinent.

8 *Incertain adhuc viribus*] Quum nondum constaret, uter populus viribus praestaret.

9 *Circa Luceriam*] Ita pro vulg. *Nuceriam* Sigonius emendavit.



U. C. 537. Campaniam, inde, qua proximum fuit, in castra Hannibalis  
 A. C. 215. pervenit, foedusque cum eo atque amicitiam iunxit legibus  
 Foedus in- his: 'ut Philippus rex quam maxima classe (ducentas autem  
 ter Philip- 'naves videbatur effecturus) in Italiam traiceret, et vastaret  
 pum et 'maritimam oram: bellum pro parte sua terra marique  
 Hanniba- 'gereret. Ubi debellatum esset, Italia omnis cum ipsa urbe  
 lem. 'Roma Carthaginensium atque Hannibalis esset, praeda-  
 'que omnis Hannibali cederet. Perdomita Italia, naviga-  
 'rent in Graeciam, bellumque, cum quibus regibus pla-  
 'ceret, gererent. Quae civitates continentis, quae in-  
 'sulae ad Macedoniam vergunt, eae Philippi regnique eius  
 essent.'

34. In has ferme leges inter Poenum ducem legatosque  
 Legati Macedonum ictum foedus, missique cum iis ad regis ipsius:  
 Poenorum firmandam fidem legati, Gisgo, et Bostar, et Mago, eodem  
 ad Philip- ad Iunonis Lacinae, ubi navis occulta in statione erat, per-  
 pum. veniunt: inde profecti, quum iam altum tenerent, conspecti  
 a classe Romana sunt, quae praesidio erat Calabriae litori-  
 bus. P. Valerius Flaccus cercuros ad persequendam retra-  
 hendamque navem quum misisset, primo fugere regii conati:  
 deinde, ubi celeritate vinci senserunt, tradunt se Romanis,  
 et ad praefectum classis adducti: quum quaereret, 'qui, et  
 'unde, et quo tenderent cursum?' Xenophanes primo, satis  
 iam semel felix, mendacium struere, 'a Philippo se ad Ro-  
 'manos missum, ad M. Valerium, ad quem unum iter tutum  
 'fuerit, pervenisse. Campaniam superare nequisse, saeptam  
 'hostium praesidiis.' Deinde, ut Punicus cultus habitusque  
 suspectos legatos fecit Hannibalis, interrogatosque sermo  
 prodidit: tum, comitibus eorum seductis ac metu territis,  
 literae quoque ab Hannibale ad Philippum inventae, et  
 pacta inter regem Macedonum Poenumque ducem. Qui-  
 bus satis cognitis, optimum visum est, captivos comitesque  
 eorum Romam ad senatum, aut ad consules, ubicunque  
 essent, quam primum deportare. Ad id celerrimae quin-  
 que naves delectae, ac L. Valerius Antias, qui praecesset,  
 missus: eique mandatum, ut in omnes naves legatos sepa-

1 *Cum quibus regibus placeret*] *Cum quibus regi*, sc. Philippo, *place-  
ret*, ex coniect. Gronov. in textum re-  
posuit Bekker.

2 *Ad regis ipsius firmandam fidem*] *Ad firmandam societatem fide*, seu,  
iuramento ipsius regis. Eodem fere  
modo infr. xxxii. 40. *firmato praesi-  
dio*, id est, quum firmasset urbem  
praesidio. CREV.

3 *Cercuros*] Cercurus erat genus

navigii velocis et brevis cum longa  
puppi. Nomen ei videtur inditum a  
Coreyra insula, quae Graecis Κερύρα,  
ubi fortasse illa navigii forma inventa  
est. Vid. Martini Lexic. CREV. cf.  
Suidas et Nonius Marcellus.

4 *L. Valerius Antias*] Non con-  
fundendus cum annalium scriptore  
longe iuniore, qui Sullanis tempori-  
bus vixit. cf. supr. iii. 5.

ratim custodiendos divideret, daretque operam, ne quod U. C. 537.  
iis colloquium inter se, neve quae communicatio consilii A. C. 215.  
esset.

Per idem tempus Romae quum A. Cornelius Mammula, Sardiniae  
ex Sardinia provincia decedens, retulisset, qui status rerum status.  
in insula esset, bellum ac defectionem omnes spectare; Q.  
Mucium, qui successisset sibi, gravitate coeli aquarumque  
advenientem exceptum, non tam in periculosum, quam  
longum, morbum implicitum, diu ad belli vim sustinendam  
inutilem fore, exercitumque ibi ut satis firmum pacatae pro-  
vinciae praesidio esse, ita parum bello, quod motum iri  
videretur: decreverunt Patres, ut Q. Fulvius Flaccus quin-  
que millia peditum, quadringentos equites scriberet, eamque  
legionem primo quoque tempore in Sardiniam traiciendam  
curaret, mitteretque cum imperio, quem ipsi videretur, qui  
rem gereret, quoad Mucius convalesceret. Ad eam rem missus  
est T. Manlius Torquatus, qui bis consul censorque fuerat,  
subegeratque in consulatu Sardos. Sub idem fere tempus  
et a Carthagine in Sardiniam classis missa, duce Hasdrubale,  
5 cui Calvo cognomen erat, foeda tempestate vexata, ad Bali-  
ares insulas deiicitur: ibique (adeo non armamenta modo,  
sed etiam alvei navium quassati erant) subductae naves dum  
reficiuntur, aliquantum temporis triverunt.

In Italia quum post Cannensem pugnam, fractis partis  
alterius viribus, alterius mollitis animis, segnius bellum 35.  
esset: Campani per se adorti sunt rem Cumanam suae  
ditionis facere; primo sollicitantes, ut ab Romanis defice-  
rent. Ubi id parum processit, dolum ad capiendos eos  
comparant. Campanis omnibus statum sacrificium ad Campano-  
Hamas. Eo senatum Campanum venturum certiores Cu- rum moli-  
manos fecerunt: petieruntque, ut et Cumanus eo senatus tiones in  
veniret ad consultandum communiter, ut eosdem uterque Cumanos.  
populus socios hostesque haberet: praesidium ibi armatum  
sese habituros, ne quid ab Romano Poenove periculi esset.  
Cumani (quanquam suspecta fraus erat) nihil abnuere; ita  
6 tegi fallax consilium posse rati. Interim Ti. Sempronius  
consul Romanus Sinuessae, quo ad conveniendum diem  
edixerat, exercitu lustrato, transgressus Vulturnum flumen,  
circa Liternum castra posuit. Ibi, quia otiosa stativa erant,  
7 crebro decurrere milites cogebat, ut tirones (ea maxima

5 *Ad Baliares insulas deiicitur]*  
*Deiici* dicuntur ii qui vi tempestatis  
vertuntur a cursu, aut ad terram in-  
viti impelluntur, summa tamen re  
salva. Sic supr. xxi. 49. *eam quoque*  
*classem ad Aegates insulas deiectam.*  
CREV.

6 *Fallax consilium]* Fraudem quam

et ipsi meditabantur adversus frau-  
dulentos. CREV.

7 *Crebro decurrere]* Verbum *de-*  
*currere* militare exercitum significat,  
de quo sollemniter adhiberi solet. Si-  
mulacrum erat incursus in hostes.  
infr. xxix. 22. xxxv. 35. STROTH.

U. C. 537. pars vo'onum erat) assuescerent signa sequi, et in acie ag-  
 A. C. 215. noscere ordines suos. Inter quae concordiae maxima inerat <sup>8</sup>  
 cura duci, itaque legatis tribunisque praeceperat, 'ne qua  
 'exprobratio cuiquam veteris fortunae discordiam inter or-  
 'dines sereret: vetus miles tironi, liber voloni sese exae-  
 'quari sineret: omnes satis honestos generososque ducerent,  
 'quibus arma sua signaque populus Romanus commisisset:  
 'quae fortuna coegisset ita fieri, eandem cogere tueri factum.'  
 Ea non maiore cura praecepta ab ducibus sunt, quam a  
 militibus observata; brevique tanta concordia coaluerant  
 omnium animi, ut prope in oblivionem veniret, qua ex con-  
 ditione quisque esset miles factus. Haec agenti Graccho  
 legati Cumani nuntiarunt, quae a Campanis legatio paucos  
 ante dies venisset, et quid iis ipsi respondissent. Triduum  
 post eum diem festum esse: non senatum solum omnem  
 ibi futurum, sed castra etiam et exercitum Campanum.  
 Gracchus, iussis Cumanis omnia ex agris in urbem conve-  
 here, et manere intra muros, ipse pridie, quam statum sa-  
 crificium Campanis esset, Cumas movet castra. Hamae  
 inde tria millia passuum absunt. Iam Campani eo fre-  
 quentes ex composito convenerant, nec procul inde in  
 occulto Marius Alfius Medixtuticus (summus magistratus <sup>9</sup>  
 erat Campanis) cum quattuordecim millibus armatorum  
 habebat castra; sacrificio apparando, et inter id instruendae  
 fraudi aliquanto intentior, quam muniendis castris, aut ulli  
 militari operi. Triduum sacrificatum ad Hamas. No-  
 cturnum erat sacrum, ita ut ante mediam noctem complere-  
 tur. Huic Gracchus insidiandum tempori ratus, custodibus <sup>2</sup>  
 ad portas positis, ne quis enuntiare posset coepta, et ad de-  
 cimam diei horam coactis militibus corpora curare, somno-  
 que operam dare, ut primis tenebris convenire ad signum  
 possent, vigilia ferme prima tolli iussit signa; silentique

<sup>8</sup> *Inter quae concordiae maxima inerat cura duci*] Vocem *concordiae* omiserunt Drakenb. Crev. et Bekker. Gronovium secuti, qui *itaque* non particulam hic causalem esse, sed potius pro *et ita* positam animadvertit. Verum Douiatius *concordiae*, quod et scripti non pauci atque editi habent, retinendum censet, "alioqui enim suspensam quodammodo futuram orationem, nec appariturum, cuius rei maxima Sempronio cura esset."

<sup>9</sup> *Medixtuticus*] *Meddix tuticus*, Niebhr. iii. n. 494. *medix tuticus*, Bekker. Nomen Oscum, seu Campanum magistratûs, quod occurrit infr. xxiv. 19. xxvi. 16. Et Festus apud Paulum: "Meddix apud Oscos nomen magistratûs est." Ennius: "Sum-

mus ibi capitur Meddix, occiditur alter." Ex quibus verbis conficitur, *Meddix* commune nomen fuisse, respondens Latino *magistratus*; Oscum nomen *tuticus* exprimere Latinum *summus*: ut adeo *Medixtuticus* non aliquod proprium magistratûs nomen sit, quale e. g. Romanis dictator, consul etc., sed Osca lingua nihil aliud denotet, quam commune Latinorum nomen *summus magistratus*. STROTH.

<sup>1</sup> *Sacrificatum ad Hamas*] Drakenb. cum Perizonio legendum censeret *sacrificandum*; Crevier. *sacrificatur*. Sensus fortasse, *sacrificari solitum est*, ut Raschig. placet.

<sup>2</sup> *Insidiandum tempori*] Similiter Cic. in Cat. i. 10. "insidiantem somno maritorum."

profectus agmine, quum ad Hamas media nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntes obtruncat. Hominum eo tumultu nocturno caesa plus duo millia, cum ipso duce Mario Alfio: capta sunt signa militaria quattuor et triginta.

U. C. 537.  
A. C. 215.  
Castra  
Campana  
invadit  
Gracchus.

Gracchus, minus centum militum iactura castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri fefellit opinio. Nam simul Capuam ea clades est nuntiata, ratus Hannibal, ab re bene gesta insolenter laetum exercitum tironum magna ex parte servorumque, spoliantem victos, praedasque agentem, ad Hamas se inventurum; citatum agmen praeter Capuam rapit, obviosque ex fuga Campanorum, dato praesidio, Capuam duci, saucios vehiculis portari iubet. Ipse Hamis vacua ab hostibus castra, nec quicquam praeter recentis vestigia caedis, strataque passim corpora sociorum invenit. Auctores erant quidam, ut protinus inde Cumas duceret, urbemque oppugnaret. Id quanquam haud modice Hannibal cupiebat, ut, quia Neapolim non potuerat, Cumas saltem, maritimam urbem, haberet; tamen, quia praeter arma nihil secum miles, raptim acto agmine, extulerat, retro in castra supra Tifata se recepit. Inde, fatigatus Campanorum precibus, sequenti die cum omni apparatu oppugnandae urbis Cumas redit: perpopulatoque agro Cumano, mille passus ab urbe castra locat; quum Gracchus magis verecundia in tali necessitate deserendi socios, implorantes fidem suam populi que Romani, substitisset, quam satis fidens exercitui. Nec alter consul Fabius, qui ad Cales castra habebat, Vulturum flumen traducere audebat exercitum; occupatus primo auspiciis repetendis, dein prodigiis, quae alia super alia nuntiabantur, expiantique ea haud facile litari haruspices respondebant.

36.

Defendit  
Cumas  
Gracchus.

Hae causae quum Fabium tenerent, Sempronius in obsidione erat; et iam operibus oppugnabatur. Adversus ligneam ingentem admotam urbi, aliam turrem ex ipso muro excitavit consul Romanus, aliquanto altiore: quia muro satis per se alto subiectis validis sublicis pro solo usus erat. Inde primum saxis sudibusque et ceteris missilibus propugnatores moenia atque urbem tuebantur: postremo, ubi promovendo adjunctam muro viderunt turrem, facibus ar-

37.

3 *Haud facile litari*] sc. Haud laeta exta reperiri, quippe *litare* est pacem deum hostiis caesis impetrare. cf. infr. xxvii. 23.

locum iis annumerare licet, in quibus gerundum passivam vim habet. cf. Cic. Somn. Scip. 8. "hoc principium movendi." RASCH.

4 *Ubi promovendo*] Hunc quoque

U. C. 537. dentibus plurimum simul ignem coniecerunt. Quo incendio  
 A. C. 215. trepida armatorum multitudo quum de turre sese praecipitaret, eruptio ex oppido simul duabus portis stationes hostium fudit, fugavitque in castra; ut eo die obsessio, quam obsidenti, similior esset Poenus. Ad mille trecenti Carthaginensium caesi, et undesexaginta vivi capti; qui, circa muros et in stationibus solute ac negligenter agentes, quum nihil minus, quam eruptionem, timuissent, ex improvise oppressi fuerant. Gracchus, priusquam se hostes ab repentino pavore colligerent, receptui signum dedit, ac suos intra muros recepit. Postero die Hannibal, laetum secunda re consulem iusto proelio ratus certaturum, aciem inter castra atque urbem instruxit. Ceterum postquam neminem moveri ab solita custodia urbis vidit, nec committi quicquam temerariae spei, ad Tifata redit infecta re.

Cumas deserit Hannibal.

Quibus diebus Cumae liberatae sunt obsidione, iisdem diebus et in Lucanis ad Grumentum Ti. Sempronius, cui Longo cognomen erat, cum Hannone Poeno prospere pugnat. Supra duo millia hostium occidit, et ducentos octoginta milites amisit: signa militaria ad quadraginta unum cepit. Pulsus finibus Lucanis Hanno retro in Bruttios sese recepit. Et ex Hirpinis oppida tria, quae a populo Romano defece- rant, vi recepta per M. Valerium praetorem, Vercellium, Vescellium, Sicilinum: et auctores defectionis securi percussi. Supra mille captivorum sub hasta venierunt: praeda alia militi concessa, exercitus Luceriam reductus.

38. Dum haec in Lucanis atque in Hirpinis geruntur, quinque naves, quae Macedonum atque Poenorum captos legatos Romam portabant, ab supero mari ad inferum circumvectae prope omnem Italiae oram, quum praeter Cumas velis ferrentur, neque, hostium an sociorum essent, satis sciretur, Gracchus obviam ex classe sua naves misit. Quum percunctando in vicem cognitum esset, consulem Cumis esse; naves Cumas appulsae, captivique ad consulem deducti, et literae datae. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehi legatos iussit. Quum eodem fere die literae legatique Romam venissent, et, percunctatione facta, dicta cum scriptis congruerent, primo gravis cura Patres incessit, cernentes, quanta vix tolerantibus Punicum bellum Macedonici belli moles instaret. Cui tamen adeo non succubuerunt, ut extemplo agitaretur, quemadmodum ultro inferendo bello averterent ab Italia hostem.

Legati Philippi et Hannibalis Romam ducuntur.

5 Vercellium, Vescellium, Sicilinum: et auctores] Vulg. Vercellius Siciliusque auctores, sed optimi codd.

quos Gronov. Stroth. et Bekker. secuti sunt, lectionem, quam Kreyssig. habet, prae se ferunt.

Captivis in vincula condi iussis, comitibusque eorum sub U. C. 537.  
 6 hasta venditis, ad naves viginti quinque, quibus P. Valerius A. C. 215.  
 Flaccus praefectus praeerat, viginti parandas alias decernunt. His comparatis deductisque, et additis quinque navibus, quae advexerant captivos legatos, triginta naves ab Ostia Tarentum profectae: iussusque P. Valerius, militibus Varronianis, quibus L. Apustius legatus Tarenti praeerat, in naves impositis, quinquaginta navium classe non tueri modo Italiae oram, sed explorare de Macedonico bello. Si congruentia literis legatorumque indicis Philippi consilia essent, ut M. Valerium praetorem literis certiores faceret: isque, L. Apustio legato exercitui praeposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quae Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devecta. Simul ab Hierone missa ducenta millia modium tritici, et hordei centum.

Dum haec Romani parant aguntque, ad Philippum cap- 39.  
 tiva navis, una ex iis, quae Romam missae erant, ex cursu Alteram  
 refugit: inde scitum, legatos cum literis captos. Itaque legationem  
 7 ignarus de iis, quae cum Hannibale legatis suis convenissent, mittit Phil.  
 quaeque legati eius ad se allaturi fuissent, legationem aliam ad Hanni-  
 cum iisdem mandatis mittit. Legati ad Hannibalem missi, balem.  
 Heraclitus, cui Scotino cognomen erat, et Crito Beroeaeus, et Sositheus Magnes. Hi prospere tulerunt ac retulerunt mandata. Sed prius se aestas circumegit, quam movere ac moliri quicquam rex posset: tantum navis una capta cum legatis momenti fecit ad dilationem imminentis Romanis belli.

Et circa Capuam, transgresso Vulturnum Fabio post expiata tandem prodigia, ambo consules rem gerebant. Compulteriam, et Trebulam, et Saticulam, urbes, quae ad Poenum defecerant, Fabius vi cepit; praesidiaque in iis Hannibalis, Campanique permulti capti. Et Nolae, sicut Nolano-  
 priore anno, senatus Romanorum, plebs Hannibalis erat: rum dis-  
 consiliaque occulta de caede principum et proditione urbis cordiae.  
 inibantur. Quibus ne incepta procederent, inter Capuam castraque Hannibalis, quae in Tifatis erant, traducto exercitu, Fabius super Suessulam in castris Claudianis consedit;

6 *Ad naves viginti quinque*] Vocem *quinque* transponit Iac. Gron. legitque, *ad naves viginti, quibus . . . praeerat, viginti quinque paratas alias decernunt.*

7 *Ignarus de iis, quae*] Gronov. ex vestigiis scriptae lectionis emendat,

*ignarus rex ecquae cum Hannibale legatis suis convenissent.*

8 *Fabius super Suessulam*] Ita Cluverius Ital. Ant. v. p. 1183. legendum haud inepte suadet pro vulg. *super Vesuvium*, quod Stroth. et Bekker. servant. cf. supr. 17. et 32. infr. 46. et 48.



U. C. 537. inde M. Marcellum propræto-  
A. C. 215. rem cum iis copiis, quas habe-  
bat, Nolam in praesidium misit.

40. Et in Sardinia res per T. Manlium præto-  
Rem in Sar- trari coeptae, quae omissae erant, postquam Q. Mucius  
dinia ges- prætor gravi morbo est implicitus. Manlius, navibus longis  
tae. ad Carales subductis, navalibusque sociis armatis, ut terra  
rem gereret, et a prætore exercitu accepto, duo et viginti  
millia peditum, mille et ducentos equites confecit. Cum  
his equitum peditumque copiis profectus in agrum hostium,  
haud procul ab Hampsicorae castris castra posuit. Ham-  
psicora tum forte profectus erat in Pellitos Sardos, ad iuven-  
tutem armandam, qua copias augeret. Filius eius, nomine  
Hiostus, castris praeerat: is, adolescentia ferox, temere  
proelio inito fusus fugatusque. Ad tria millia Sardorum  
eo proelio caesa, octingenti ferme vivi capti. Alius exer-  
citus primo per agros silvasque fuga palatus; dein, quo  
ducem fugisse fama erat, ad urbem nomine Cornum, caput  
eius regionis, confugit: debellatumque eo proelio in Sardi-  
nia esset, ni classis Punica cum duce Hasdrubale, quae  
tempestate deiecta ad Baliares erat, in tempore ad spem  
rebellandi advenisset. Manlius post famam appulsae Pu-  
nicae classis, Carales se recepit. Ea occasio Hampsicorae  
data Poeno se iungendi. Hasdrubal, copiis in terram ex-  
positis, et classe remissa Carthaginem, duce Hampsicora ad  
sociorum populi Romani agrum populandum profectus,  
Carales perventurus erat, ni Manlius obvio exercitu ab  
effusa eum populatione continuisset. Primo castra castris  
modico intervallo sunt obiecta: deinde procursationes levia-  
que certamina vario eventu inita: postremo descensum in  
Proelium, aciem, signisque collatis, iusto proelio per quattuor horas  
quo supe- pugnatum. Diu pugnam ancipitem Poeni, Sardis facile  
riorum Ro- vinci assuetis, fecerunt: postremo et ipsi, quum omnia  
mani. circa strage ac fuga Sardorum repleta essent, fusi. Cete-  
rum terga dantes, circumducto cornu, quo pepulerat Sardos,  
inclusit Romanus. Caedes inde magis, quam pugna, fuit.  
Duodecim millia hostium caesa Sardorum simul Poenorum-  
que, ferme tria millia et septingenti capti, et signa militaria  
41. septem et viginti. Ante omnia claram et memorabilem  
pugnam fecit Hasdrubal imperator captus, et Hanno, et

9 T. Manlium præto-  
rem] Legendum suadet Perizon. *propræto-  
rem*, quum T. Manlius hoc anno prætu-  
ram non gesserit; sed vocabulum  
*præto-rem* hic latiore vocis significa-  
tione pro quovis belli duce, vel pro-  
vinciae præfecto, dici bene monet  
Duker.

1 Ad Carales] Hod. Cagliari. De

sociis navalibus cf. supr. xxi. 49.

2 Pellitos Sardos] Sic codd. optimi,  
teste Gronovio. Vulgo *Pellidos*. *Pel-  
liti* Sardiniae populus, qui, quia in mon-  
tibus habitabant, ideo ad arcendum  
frigus mastrucis et pellibus utebantur:  
unde illis nomen Pelliti. CREV. cf.  
Plin. H. N. xxxiii. 12. Crev. Epist. 3  
ad Harduinum de eius editione Plinii.



Mago, nobiles Carthaginienses: Mago ex gente Barcina, U. C. 537. propinqua cognatione Hannibali iunctus; Hanno auctor A. C. 215. rebellionis Sardis, bellicue eius haud dubie concitor. Nec Sardorum duces minus nobilem eam pugnam cladibus suis fecerunt. Nam et filius Hampsicorae Hiosus in acie cecidit: et Hampsicora, cum paucis equitibus fugiens, ut super afflictas res necem quoque filii audivit, nocte, ne cuius interventus coepta impediret, mortem sibi conscivit. Ceteris urbs Cornus eadem, quae ante, fugae receptaculum fuit: quam Manlius, victore exercitu aggressus, intra paucos dies recepit. Deinde aliae quoque civitates, quae ad Hampsicoram Poenosque defecerant, obsidibus datis, dediderunt sese. Quibus stipendio frumentoque imperato, pro cuius-Perdomita que aut viribus aut delicto, Carales exercitum reduxit. Ibi Sardinia. navibus longis deductis, impositoque, quem secum advexerat, milite, Romam navigat, Sardiniamque perdomitam nuntiat Patribus: et stipendium quaestoribus, frumentum aedilibus, captivos Q. Fulvio praetori tradidit.

3 Per idem tempus T. Otacilius praetor, quinquaginta navium ab Lilybaeo classe in Africam transvectus, depopulatusque agrum Carthaginensem, quum Sardiniam inde peteret, quo fama erat Hasdrubalem a Baliaribus nuper traiecisse, classi Africam repetenti occurrit, levique certamine in alto commisso, septem inde naves cum sociis navibus cepit: ceteras metus haud secus, quam tempestas, passim disiecit.

Per eosdem forte dies et Bomilcar cum militibus, ad supplementum Carthagine missis, elephantisque, et com-  
meatu, Locros accessit. Quem ut incautum opprimeret Ap. Claudius, per simulationem provinciae circumeundae  
4 Messanam raptim exercitu ducto, aestu secundo Locros traiecit. Iam inde Bomilcar ad Hannonem in Bruttios profectus erat; et Locrenses portas Romanis clausurunt. Appius magno conatu nulla re gesta, Messanam repetit.

Eadem aestate Marcellus ab Nola, quam praesidio obtinebat, crebras excursiones in agrum Hirpinum et Samnites Caudinos fecit: adeoque omnia ferro atque igni vastavit, ut antiquarum cladum Samnio memoriam renovaret. Itaque  
extemplo legati, ad Hannibalem missi simul ex utraque  
gente, ita Poenum allocuti sunt: ‘Hostes populi Romani,

42.

Oratio  
Samnitum  
ad Hanni-  
balem.

3 *T. Otacilius praetor*] Otacilius non hoc anno, sed superiore praetor fuit. cf. supr. 40.

4 *Aestu secundo*] Scita et elegans locutio, qua usus est Sallust. Hist. Fragm. i. *Itaque Sertorius ... aestu secundo furtivaque celeritate*. Ex-

hibent tamen hoc Livii loco scripti codices *aestuque suo*. Sed hic potior nobis est editorum auctoritas, cui sensus ratio et sermonis elegantia favet. CREV. *Aestu suo* Stroth. *Aestuque suo* Bekker reposuit.

U. C. 537. ' Hannibal, fuimus primum per nos ipsi, quoad nostra arma,  
 A. C. 215. ' nostrae vires nos tutari poterant. Postquam iis parum  
 ' fidebamus, Pyrrho regi nos adiunximus; a quo relict  
 ' pacem necessariam accepimus, fuimusque in ea per annos 5  
 ' prope quinquaginta, ad id tempus, quo in Italiam venisti.  
 ' Tua nos non magis virtus fortunaque, quam unica comitas  
 ' ac benignitas erga cives nostros, quos captos nobis remi-  
 ' sisti, ita conciliavit tibi, ut, te salvo atque incolumi amico,  
 ' non modo populum Romanum, sed ne deos quidem iratos  
 ' (si dici fas est) timeremus. At, hercule, non solum inco-  
 ' lumi et victore, sed praesente te, quum ploratum prope  
 ' coniugum ac liberorum nostrorum exaudire, et flagrantia  
 ' tecta posses conspicere, ita sumus aliquoties hac aestate  
 ' devastati, ut M. Marcellus, non Hannibal, vicisse ad  
 ' Cannas videatur; glorienturque Romani, te, ad unum 6  
 ' modo ictum vigentem, velut aculeo emisso, torpere. Per 7  
 ' centum prope annos cum populo Romano bellum gessimus,  
 ' nullo externo adiuti nec duce, nec exercitu: nisi quod per  
 ' biennium Pyrrhus nostro magis milite suas auxit vires,  
 ' quam suis viribus nos defendit. Non ego secundis rebus  
 ' nostris gloriabor, duos consules, ac duos consulares exer-  
 ' citus a nobis sub iugum missos, et si qua alia aut laeta aut  
 ' gloriosa nobis evenerunt. Quae aspera adversaque tunc  
 ' acciderunt, minore indignatione referre possumus, quam  
 ' quae hodie eveniunt. Magni dictatores cum magistris  
 ' equitum, bini consules cum binis consularibus exercitibus  
 ' ingrediebantur fines nostros; ante explorato, et subsidiis  
 ' positis, et sub signis ad populandum ducebant: nunc pro- 8  
 ' praetoris unius et parvi ad tuendam Nola praesidii praeda  
 ' sumus. Iam ne manipulatim quidem, sed latronum modo,  
 ' percursant totis finibus nostris negligentius, quam si in  
 ' Romano vagarentur agro. Causa autem haec est, quod  
 ' neque tu defendis, et nostra iuventus, quae, si domi esset,  
 ' tutaretur, omnis sub signis militat tuis. Nec te, nec  
 ' exercitum tuum norim, nisi, a quo tot Romanas acies fusas  
 ' stratasque esse sciam, ei facile esse ducam opprimere popu-  
 ' latores nostros vagos, sine signis, palatos, quo quemque

5 *Per annos prope quinquaginta*] Sigonius legi iubet *prope sexaginta*. Ab anno enim U. C. 480. quo pax cum Samnitibus eorumque sociis facta fuerat, ad annum 534. quo Hannibal in Italiam venit, anni sunt quattuor et quinquaginta. CREV.

6 *Velut aculeo emisso*] De elegantia huius lectionis a Gronov. in textum receptae nemo dubitaverit. Eadem ab apibus ducta metaphora

usus est Q. Curt. iv. 14. DOER. Ceterum *aculeo amisso* ex emendat. Trilleri reposuit Bekker.

7 *Per centum prope annos*] cf. Supr. 5.

8 *Nunc propraetoris unius*] Ita Bekker. ex coniectura Walchii emendavit. Vulg. *nunc prope unius*, quod Crev. retinuit. *Nunc proprii unius*, Stroth. ex coniect. Gronov. admittit.

‘trahit, quamvis vana, praedae spes. Numidarum paucorum U. C. 537.  
 9 ‘illi quidem praeda erunt, praesidiumque missum nobis et A. C. 215.  
 ‘Nolae ademerit: si modo, quos, ut socios haberes, dignos  
 ‘duxisti, haud indignos iudicas, quos in fidem receptos  
 ‘tuearis.’

Ad ea Hannibal respondit: ‘Omnia simul facere Hir- 43.  
 ‘pinos Samnitesque: et indicare clades suas, et petere Respon-  
 ‘praesidium, et queri indefensos se neglectosque. Indican- sum Han-  
 ‘dum autem fuisse primum, dein petendum praesidium: po- nibalis.  
 ‘stremo, ni impetraretur, tum denique querendum, frustra  
 ‘opem imploratam. Exercitum sese non in agrum Hirpi-  
 ‘num Samnitemve, ne et ipse oneri esset, sed in proxima  
 ‘loca sociorum populi Romani adducturum: iis populandis  
 ‘et militem suum repleturum se, et metu procul ab iis sum-  
 ‘moturum hostes. Quod ad bellum Romanum attineret,  
 ‘si Trasimeni quam Trebiae, si Cannarum quam Trasimeni  
 ‘pugna nobilior esset; Cannarum se quoque memoriam  
 ‘obscuram maiore et clariore victoria facturum.’ Cum hoc  
 responso muneribusque amplis legatos dimisit. Ipse, prae-  
 sidio modico relicto in Tifatis, profectus cetero exercitu ire  
 Nolam pergit. Eodem Hanno ex Bruttis, cum supple-  
 mento Carthagine advecto atque elephantis, venit. Castris  
 haud procul positis, longe alia omnia inquirenti comperta  
 sunt, quam quae a legatis sociorum audierat. Nihil enim  
 Marcellus ita gerebat, ut aut fortunae, aut temere hosti com-  
 missum dici posset. Explorato, cum firmisque praesidiis,  
 tuto receptu praedatum ierat: omniaque, velut adversus  
 praesentem Hannibalem, cauta provisaeque fuerunt. Tum,  
 ubi sensit hostem adventare, copias intra moenia tenuit: per Animos  
 muros inambulare senatores Nolanos iussit, et omnia circa Nolano-  
 explorare, quae apud hostes fierent. Ex iis Hanno, quum rum tentat  
 ad murum successisset, Herennium Bassum et Herium Hannibal.  
 Pettium, ad colloquium evocatos, permissuque Marcelli  
 egressos, per interpretem alloquitur. Hannibalis virtutem  
 fortunamque extollit: populi Romani obterit senescentem  
 cum viribus maiestatem. ‘Quae si paria essent, ut quondam  
 ‘fuissent, tamen expertis, quam grave Romanum imperium  
 ‘sociis, quanta indulgentia Hannibalis etiam in captivos  
 ‘omnes Italici nominis fuisset, Punicam Romanae societatem  
 ‘atque amicitiam praeoptandam esse. Si ambo consules  
 ‘cum suis exercitibus ad Nolam essent, tamen non magis  
 ‘pares Hannibali futuros, quam ad Cannas fuissent: ne-

9 *Praesidiumque missum nobis et Nolae ademerit*] Sensus erit, pauco-  
 rum Numidarum praesidium nobis  
 missum etiam ademerit praesidium  
 Nolanis, quia Numidis his praedae

erunt praesidiarii Nolani. DRAK.  
 1 *Populi Romani obterit*] h. e. De-  
 primit. cf. infr. xxiv. 15. Cic. ad Div.  
 i. 16. Plaut. Poen. iii. 1. 34.

- U. C. 537. 'dum praetor unus, cum paucis et novis militibus, Nolam  
A. C. 215. 'tutari possit. Ipsorum, quam Hannibalis, interesse, capta,  
'an tradita Nola potiretur. Potiturum enim, ut Capua  
'Nuceriaque potitus esset: sed, quid inter Capuae Nuceriae-  
'que fortunam interesset, ipsos prope in medio sitos No-  
'lanos scire. Nolle ominari, quae captae urbi cessura  
'forent: sed potius spondere, si Marcellum cum praesidio  
'ac Nolam tradidissent, neminem alium, quam ipsos, legem,  
'qua in societatem amicitiamque Hannibalis venirent,  
44. 'dicturum.' Ad ea Herennius Bassus respondit: 'Multos  
'annos iam inter Romanum Nolanumque populum amici-  
'tiam esse, cuius neutros ad eam diem poenitere; et sibi, si  
'cum fortuna mutanda fides fuerat, sero iam esse mutare  
'eam. Dedituris se Hannibali non fuisse arcessendum  
'Romanum praesidium: cum iis, qui ad se tuendos venis-  
'sent, omnia sibi et esse consociata, et ad ultimum fore.'

Oppugnat  
Nolam.

Hoc colloquium abstulit spem Hannibali per prodicionem recipiendae Nolae. Itaque oppidum corona circumdedit, ut simul ab omni parte moenia aggrederetur. Quem ut successisse muris Marcellus vidit, instructa intra portam acie, cum magno tumultu erupit. Aliquot primo impetu perculsi caesique sunt; dein, concursu ad pugnantes facto, aequatisque viribus, atrox coepit esse pugna: memorabilisque inter paucas fuisset, ni ingentibus procellis effusus imber diremisset pugnantes. Eo die commisso modico certamine, atque irritatis animis, in urbem Romani, Poeni in castra sese receperunt. Tamen Poenorum prima eruptione perculsi ceciderant haud plus quadringenti, Romani quinquaginta. Imber continens per noctem totam usque ad horam tertiam diei insequentis tenuit: itaque, quanquam utraque pars avidi certaminis erant, eo die tenuerunt sese tamen munimentis. Tertio die Hannibal partem copiarum praedatum in agrum Nolanum misit. Quod ubi animadvertit Marcellus, extemplo in aciem copias eduxit; neque Hannibal detrectavit. Mille fere passuum inter urbem

2 *Ipsorum, quam Hannibalis*] Quem- admodum Livius particulam *magis* comparativo nonnunquam addere, ita eandem ante vocem *quam* haud raro omittere solet. cf. infr. xxv. 29. STROTH.

3 *Inter Capuae Nuceriaeque fortunam*] sc. Capua sponte tradita, supr. 7. Nuceria capta, et fame ad deditio- nem compulsata erat. supr. 15.

4 *Fides fuerat, sero iam*] *Fuerit, serum* ex coniect. Gronov. in textum recepit Bekker.

5 *Ceciderant haud plus quadrin-*

*genti, Romani quinquaginta*] Vulg. *cecidere haud plus quam triginta, Romanorum nullus*. Ceterum *haud plus quadringenti* coniecit Drakenb., et *Romani L.* sive *quinquaginta*, ex vetere lectione *Romani liber*, quae in cod. Put. exstat, ascripta super secundam literam vocis *liber* litera *n*, optima emendatio est, quae Gronov. et Crevier. placuit.

6 *Tenuit*] Duravit, ut supr. ii. 3. iii. 19.

7 *Copias eduxit*] *Eduxit* Drakenb. et Bekker. habent.

8 erant castraque. Eo spatio (et sunt omnia campi circa No- U. C. 537.  
lam) concurrerunt. Clamor, ex parte utraque sublatus, A. C. 215.  
proximos ex cohortibus iis, quae in agros praedatum exie- Proelium  
rant, ad proelium iam commissum revocavit. Et Nolani ad Nola.  
aciem Romanam auxerunt: quos collaudatos Marcellus in  
subsidiis stare, et saucios ex acie efferre iussit; pugna  
abstinere, ni ab se signum accepissent. Proelium erat an- 45.  
ceps: summa vi et duces hortabantur, et milites pugnabant.  
Marcellus victis ante diem tertium, fugatis ante paucos dies  
a Cumis, pulsus priore anno ab Nola ab eodem se duce,  
milite alio, instare iubet. 'Non omnes esse in acie: prae-  
'dantes vagari in agro: sed, qui pugnent, marcere Cam-  
9 'pana luxuria, vino et scortis, omnibusque lustris per totam  
'hiemem confectos. Abisse illam vim vigoremque, dilapsa  
'esse robora corporum animorumque, quibus Pyrenaei  
'Alpiumque superata sint iuga: reliquias illorum virorum,  
'vix arma membraque sustinentes, pugnare. Capuam  
'Hannibali Cannas fuisse. Ibi virtutem bellicam, ibi  
'militarem disciplinam, ibi praeteriti temporis famam, ibi  
'spem futuri extinctam.' Quum haec exprobrando hosti  
Marcellus suorum militum animos erigeret, Hannibal multo  
gravioribus probris increpabat: 'Arma signaque eadem se  
'noscere, quae ad Trebiam Trasimenumque, postremo ad  
'Cannas viderit habueritque: militem alium profecto se in  
'hiberna Capuam duxisse, alium inde eduxisse. Lega-  
1 'tumne Romanum et legionis unius atque alae magno cer-  
'tamine vix toleratis pugnam, quos binae acies consulares  
'nunquam sustinuerunt? Marcellus, tirone milite ac Nolanis  
'subsidiis, inultus nos iam iterum laccessit? Ubi ille meus  
'miles est, qui erepto ex equo C. Flaminio consuli caput  
'abstulit? ubi, qui L. Paullum ad Cannas occidit? Ferrum  
'nunc hebet? an dextrae torpent? an quid prodigii est  
'aliud? Qui pauci plures vincere soliti estis, nunc paucis  
'plures vix restatis. Romam vos expugnaturus, si quis du-  
2 'ceret, fortes lingua, iactabatis. Enim minor est res. Hic  
'experiri vim virtutemque volo. Expugnate Nola, cam-  
'pestrem urbem, non flumine, non mari saeptam. Hinc

8 *Et sunt omnia campi circa Nola*] Particula *et* in simili parenthesi occurrit infr. xxix. 23.

9 *Omnibusque lustris*] Lustra sunt latebrae, ubi qui ventri et libidinibus operam dant, velut ferae in locis deviiis, delitescunt. cf. Festus v. *Lustra*. Plautus Bacch. iii. 3. 10. Cic. Philipp. ii. 6.

1 *Legionis unius atque alae*] So-

ciorum copias hic voce *alae* intelligi vult Crevier., contra autem unius legionis Romanae equites ab Hannibale innui monet Stroth.

2 *Enim minor est res*] *En nunc minor* Drakenb. et Bekker. servant. *Enim minor* revocavit Gronov. et particulam *enim* similiter ab initio periodi positam monet, infr. xxxiv. 32. Plaut. Epidic. v. 2. 36. Pers. ii. 2. 54.

U. C. 537. 'vos ex tam opulenta urbe praeda spoliisque onustos vel  
A. C. 215. 'ducam, quo voletis, vel sequar.'

46. Nec bene, nec male dicta profuerunt ad confirmandos  
animos. Quum omni parte pellerentur, Romanisque cre-  
scerent animi, non duce solum adhortante, sed Nolanis  
etiam per clamorem, favoris indicem, accendentibus ar-  
dorem pugnae, terga Poeni dederunt, atque in castra com-  
puli sunt. Quae oppugnare cupientes milites Romanos  
Marcellus Nola reduxit, cum magno gaudio et gratu-  
latione etiam plebis, quae ante inclinatio ad Poenos fuerat.  
Hostium plus quinque millia caesa eo die, vivi capti sex-  
centi, et signa militaria undeviginti et duo elephanti: quat-  
tuor in acie occisi. Romanorum minus mille interfecti:  
posterum diem indutiis tacitis, sepeliendo utrimque caesos  
in acie, consumpserunt. Spolia hostium Marcellus, Vul-  
cano votum, cremavit. Tertio post die (ob iram credo  
aliquam, aut spem liberalioris militiae) mille ducenti sep-  
tuaginta duo equites, mixti Numidae Hispanique, ad Mar-  
cellum transfugerunt. Eorum forti fidelique opera in eo  
bello usi sunt saepe Romani. Ager Hispanis in Hispania,  
Numidis in Africa post bellum, virtutis causa, datus est.

Hannibal, ab Nola remisso in Bruttios Hannone, cum  
quibus venerat copiis, ipse Apuliae hiberna petit, circaque  
Arpos consedit. Q. Fabius, ut profectum in Apuliam Han-  
nibalem audivit, frumento ab Nola Neapolique in ea castra  
convecto, quae super Suessulam erant, munimentisque fir-  
matis, et praesidio, quod per hiberna ad tutandum locum;  
satis esset, relicto, ipse Capuam propius movit castra,  
agrumque Campanum ferro ignique est depopulatus: donec  
coacti sunt Campani, nihil admodum viribus suis fidentes,  
egredi portis, et castra ante urbem in aperto communire.  
Sex millia armatorum habebant, peditem imbellem: equi-  
tatu plus poterant: itaque equestribus proeliis lacescebant  
hostem. Inter multos nobiles equites Campanos Cerrinus  
Iubellius erat, cognomine Taurea. Civis indidem erat,  
longe omnium Campanorum fortissimus eques: adeo ut,  
quum apud Romanos militaret, unus eum Romanus Clau-  
dius Asellus gloria equestri aequaret. Hic Taurea, quum

Q. Fabii  
res gestae.

Iubellius  
Taurea.

3 *Ad tutandum locum*] Plerique  
scripti *ad petendum*. Unus e nostris  
*ad tenendum*: quod verum est: et  
praeceperat iam coniectura Grono-  
vius. CREV. *Ad tenendum* reposuit  
Bekker.

4 *Civis indidem erat*] *Indidem* pro-  
prie est Graecorum *αὐτόθεν*, ut infr.  
xxv. 15. xxvii. 12. Hoc loco signifi-

cat, Iubellium ex eadem hac gente  
oriundum civitatem Romanam ade-  
ptum esse.

5 *Hic Taurea*] *Hunc Taurea* ple-  
rique, qui accusativum *hunc* cum voce  
*quaesivit* iungendum monent. *Tunc*  
*Taurea* ex coniect. Walchii recepit  
Bekker. Sed plures mss. *Hic Taurus*  
habent.



diu perlustrans oculis obequitasset hostium turmis, tandem U. C. 537.  
facto silentio, 'ubi esset Claudius Asellus?' quaesivit: 'et, A. C. 215.  
' quoniam verbis secum de virtute ambigere solitus esset, Claudius  
' cur non ferro decerneret; daretque opima spolia victus, Asellus.  
' aut victor caperet?' Haec ubi Asello nuntiata sunt in 47.  
castra, id modo moratus, ut consulem percunctaretur, lice-  
retne extra ordinem in provocantem hostem pugnare? per-  
missu eius arma extemplo cepit: proventusque ante sta-  
tiones equo, Tauream nomine compellavit, congregique,  
ubi vellet, iussit. Iam Romani ad spectaculum pugnae  
eius frequentes exierant: et Campani, non vallum modo  
castrorum, sed moenia etiam urbis prospectantes repleve-  
6 rant. Quum iam ante ferocibus dictis rem nobilitassent,  
infestis hastis concitarunt equos. Dein libero spatio inter  
se ludificantes, sine vulnere pugnam extrahebant. Tum  
Campanus Romano, 'Equorum,' inquit, 'hoc, non equi-  
' tum, erit certamen, nisi e campo in cavam hanc viam de-  
' mittimus equos: ibi nullo ad evagandum spatio cominus  
' conserentur manus.' Dicto prope citius equum in viam  
7 Claudius deiecit. Taurea, verbis ferocior, quam re, 'Minime  
8 sis,' inquit, 'cantherium in fossam.' Quae vox in rusticum  
9 inde proverbium prodita. Claudius, quum ea via longe  
perequitasset, nullo obvio hoste in campum rursum evectus,  
increpans ignaviam hostis, cum magno gaudio et gratu-  
latione victor in castra redit. Huic pugnae equestri rem  
1 (quam vera sit, communis existimatio est) mirabilem certe,

6 Quum iam ante ferocibus dictis rem nobilitassent] Quum initio celebritatem quandam fastumque certamini mox futuro per ferocia dicta addidissent. CREV.

7 Minime sis . . . cantherium in fossam] *Kavθήλιος* Graecis *asinus*, et *Kavθήλια* *clitellae*. Latinis *cantherius* equus castratus, cf. Varr. de R. R. ii. 7. et *cantherius* vel *cantherium* adminiculum et pedamentum vitium, instar furcae, vel iugi, cf. Columell. iv. 12. Fodiebantur vineae: in fossa figebantur cantherii, quibus applicabantur et imponebantur tenerae vites. Igitur proprie *cantherium in fossa* est, ubi cantheriata vitis est. Sed quia *cantherius* etiam genus equi est, via autem cava propter altiore utrimque campum, instar fossae; illudens Taurea, postquam Claudius equum egerat in viam cavam, Quid te esse vis, inquit, cantherium in fossa? Cave te esse patiari cantherium in fossa. Hoc equidem me esse nolo. Quod quidem dictum nullam aliam tunc temporis vim habebat, quam ut invidiam igna-

vi turpisque discessus dicenti minueret. Haec Gronovius. Potuit quoque ludere Taurea in cognomen adversarii, quod *Kavθήλιος* apud Graecos, ut iam observavimus, *asinus*, Romanus autem *Asellus* cognominabatur. Observat idem Gronovius hoc proverbium aliam vim habuisse, sed quae nihil ad hunc locum pertinere videatur. *Minime sis cantherium in fossa*: id est, ne sinas alios de te crescere, ut vitis crescit stante et adminiculante cantherio. CREV.

8 Quae vox in rusticum] Merito videtur Gronovio hoc proverbium iam antiquitus receptum fuisse, neque huic Taureae dicto debere originem suam. CREV.

9 Quum ea via] Vulgo in omnibus mss. et edd. *ex via*. Ceterum *ex via*, quod Perizon. coniecit, probante Drakenborchio Stroth. et Bekker. receperunt.

1 Quam vera sit, communis existimatio est] Ita Gronov. pro vulg. *quam satis certam*, legendum monuit. *Communis existimatio*, h. e. existimare li-



U. C. 537. adiiciunt quidam annales: quum refugientem ad urbem  
A. C. 215. Tauream Claudius sequeretur, patenti hostium portae in-  
vectum, per alteram, stupentibus miraculo hostibus, intac-  
tum evasisse.

48. Quieta inde stativa fuere, ac retro etiam consul movit  
castra, ut sementem Campani facerent: nec ante violavit  
agrum Campanum, quam iam altae in segetibus herbae  
pabulum praebere poterant. Id convexit in Claudiana  
castra super Suessulam; ibique hiberna aedificavit. M.  
Claudio proconsuli imperavit, ut, retento Nolae necessa-  
rio ad tuendam urbem praesidio, ceteros milites dimitteret  
Romam, ne oneri sociis, et sumptui reipublicae essent. Et  
Ti. Gracchus a Cumis Luceriam in Apuliam legiones quum  
duxisset, M. Valerium inde praetorem Brundisium cum eo,  
quem Luceriae habuerat, exercitu misit, tuerique oram  
agri Sallentini, et providere, quod ad Philippum bellumque  
Macedonicum attineret, iussit.

Litterae ex  
Hispania.

Exitu aestatis eius, qua haec gesta perscripsimus, litterae  
a P. et Cn. Scipionibus venerunt, quantas, quamque pro-  
speras in Hispania res gessissent: sed pecuniam in stipen-  
dium, vestimentaue, et frumentum exercitui, et sociis na-  
valibus omnia deesse. Quod ad stipendium attineat, si  
aerarium inops esset, se aliquam rationem inituros, quo  
modo ab Hispanis sumant: cetera utique ab Roma mit-  
tenda esse: nec aliter aut exercitum aut provinciam retineri  
posse. Literis recitatis, nemo omnium erat, quin, et vera  
scribi, et postulari aequa, fateretur: sed occurrebat animis,  
quantos exercitus terrestres navalesque tuerentur, quan-  
taue nova classis mox paranda esset, si bellum Mace-  
donicum moveretur. Siciliam ac Sardiniam, quae ante  
bellum vectigales fuissent, vix praesides provinciarum ex-  
ercitus alere: tributo sumptus suppeditari: quum ipsum  
tributum conferentium numerum tantis exercituum stra-  
gibus, et ad Trasimenum lacum, et ad Cannas, immi-  
nutum; tum, qui superessent pauci, si multiplici grava-  
rentur stipendio, alia perituros peste. Itaque, nisi fide  
staret respublica, opibus non staturam. Prodeundum in  
concionem Fulvio praetori esse, indicandas populo pu-  
blicas necessitates, cohortandosque, qui redempturis auxis-

Romano-  
rum inopia.

cet, prout cuique placet. cf. supr. iv.  
20. STROTH.

2 *Quae ante bellum vectigales*] Quae reipublicae *vectigal* pendebant, quippe in voce *provincia*, si Niebhr. R. Gesch. iii. p. 727. audiendus sit, vox *proventus* latet, quoniam *provin-*  
*ciales* non armis, sed *proventu* neces-  
sitatibus reipublicae subveniebant.

3 *Tributo sumptus suppeditari*] sc.

Tributo, quod cives Romani et Ita-  
lici conferebant, pecuniam in sumptus  
suppeditari.

4 *Nisi fide staret respublica*] *Fides*  
hic pro eo, quod Anglice *credit* dicitur.  
Nisi sustentaretur respublica pecuniis  
mutuatis, quarum solutio in multum  
tempus differretur.

5 *Redempturis*] *Redimere* est con-  
ducere aliquid faciendum, vel prae-

sent patrimonialia, ut reipublicae, ex qua crevissent, ad tem- U. C. 537.  
 6 pus commodarent; conducerentque ea lege praebenda, A. C. 215.  
 7 quae ad exercitum Hispaniensem opus essent, ut, quum  
 pecunia in aerario esset, iis primis solveretur. Haec praetor  
 in concione edixit, et qua die vestimenta, frumentum His-  
 paniensi exercitui praebenda, quaeque alia opus essent na-  
 valibus sociis, esset locaturus. Ubi ea dies venit, ad con- 49.  
 ducendum tres societates aderant hominum undeviginti, Privata pe-  
 8 quorum duo postulata fuere: unum, ut militia vacarent, cunia res-  
 9 dum in eo publico essent: alterum, ut, quae in naves im- publica ad-  
 posuissent, ab hostium tempestatisque vi publico periculo ministra-  
 essent. Utroque impetrato, conduxerunt, privataque pe-  
 cunia respublica administrata est. Hi mores, eaque caritas  
 patriae per omnes ordines velut tenore uno pertinebat.  
 Quemadmodum conducta omnia magno animo sunt, sic  
 summa fide praebita, nec secus quam si ex opulento aerario,  
 1 ut quondam, alerentur.

2 Quum hi commeatus venerunt, Illiturgi oppidum ab Has- Illiturgis  
 3 drubale, ac Magone, et Hamilcare Bomilcaris filio, ob de- obsessa a  
 fectionem ad Romanos oppugnabatur. Inter haec trina tribus Poe-  
 castra hostium Scipiones, quum in urbem sociorum magno norum du-  
 certamine ac strage obsistentium pervenissent, frumentum, cibis.  
 cuius inopia erat, advexerunt: cohortatique oppidanos, ut

bendum. Hinc *redemptor*, qui con-  
 ducit: *redemptura*, conductio. Qui  
*redempturis auxissent patrimonialia*,  
 sunt hoc loco publicani, qui condu-  
 cendo publica ditati fuerant. CREV.

6 *Commodarent*] Dukerus pulchre  
 vidit vocem *commodarent* hic signi-  
 ficare, ut reipublicae commodo con-  
 sulerent. Iure quippe Facciolatus ne-  
 gaverat *commodare* a bonis scriptori-  
 bus usurpatum esse de pecunia aliis-  
 que rebus, quae non redduntur eae-  
 dem, id quod Schellerus non accepit,  
 atque hunc locum citavit. cf. Ruhn-  
 ken. Opusc. p. 717.

7 *Conducerentque ea lege*] *Condu-  
 cere* de iis dicitur, qui pacta mercede  
 aliquid perficiendum suscipiunt, *lo-  
 care* de iis, qui aliquid aliis commit-  
 tunt. cf. infr. xxxiv. 6.

8 *Ut militia vacarent, dum in eo  
 publico essent*] Haec Gronovii emen-  
 datio non multum abit ab optimi  
 codicis scriptura. Longe aliam Valla  
 finxerat lectionem, quam prius editi  
 praeferebant, *ne alii triennio eo pu-  
 blicani essent*. *Publica* dicuntur, sive  
 vectigalia et redditus populi Romani,  
 quae inferenda, aerario locantur a ma-  
 gistratibus, fruenda conducuntur a lo-  
 cupletibus et idoneis hominibus, qui

inde *publicani* appellantur; ita ut  
 definitum sit, quid pro iis pendere  
 illi debeant aerario: sive munera ope-  
 rare aut functiones ac necessitates rei-  
 publicae, puta templi alicuius aut  
 pontis exaedicatio, frumenta ac ve-  
 stimenta exercitui, quae facienda vel  
 praebenda locantur itidem a magi-  
 stratibus, conducuntur a publicanis;  
 ita ut definitum sit, quid hi pretii  
 loco accipere debeant ex aerario.  
 Posteriore hoc sensu *publicum* hic  
 intellige. *Dum in eo publico essent*:  
 quamdiu illam curationem, tanquam  
 conductores et publicani, gererent.  
 Haec fere Gronovius Observ. iv. 23.  
 CREV.

9 *Ut, quae in naves imposuissent*]  
 Ut, quae in naves imposuissent, si aut  
 propter hostilem vim, aut per tem-  
 pestatem interiissent, hoc damnum  
 respublica sustineret, non ipsi. CREV.

1 *Alerentur*] sc. Exercitus. STR.

2 *Illiturgi oppidum*] In Baetica,  
 circa Baetin flumen. cf. Plin. H. N.  
 iii. 1. DUKER.

3 *Hamilcare Bomilcaris filio*] *Han-  
 nibale*, quod mss. longe plurimi opti-  
 mique habent et Gronov. probat, re-  
 posuit Stroth.

U. C. 537. eodem animo moenia tutarentur, quo pro se pugnantes  
 A. C. 215. Romanum exercitum vidissent, ad castra maxima oppu-  
 gnanda, quibus Hasdrubal praeerat, ducunt. Eodem et  
 duo duces, et duo exercitus Carthaginiensium, ibi rem  
 summam agi cernentes, convenerunt. Itaque eruptione e  
 castris pugnatum est. Sexaginta hostium millia eo die in  
 pugna fuerunt, sexdecim circiter Romanis. Tamen adeo  
 haud dubia victoria fuit, ut plures numero, quam ipsi erant,  
 Romani hostium occiderint: ceperint amplius tria millia  
 hominum, paullo minus mille equorum, undesexaginta mi-  
 litaria signa, septem elephantos, quinque in proelio occisis:  
 trinisque castris eo die potiti sunt. Illiturgi obsidione  
 liberato, ad Intibili oppugnandum Punici exercitus tra-  
 ducti, suppletis copiis ex provincia, ut quae maxime om-  
 nium belli avida, modo praeda aut merces esset, et tum  
 iuventute abundante. Iterum signis collatis, eadem for-  
 tuna utriusque partis pugnatum. Supra tredecim millia  
 hostium caesa, supra duo capta, cum signis duobus et  
 quadraginta, et novem elephantis. Tum vero omnes prope  
 Hispaniae populi ad Romanos defecerunt: multoque  
 maiores ea aestate in Hispania, quam in Italia, res gestae.

Romani  
 trina cas-  
 tra Poeno-  
 rum capi-  
 unt.

## EPITOME LIBRI XXIV.

---

**HIERONYMUS**, Syracusanorum rex, cuius avus Hiero amicus populi Romani fuerat, ad Carthaginienses defecit; et propter crudelitatem superbiamque a suis interfectus est. Ti. Sempronius Gracchus proconsul prospere adversus Poenos et Hannonem ducem ad Beneventum pugnavit, servorum maxime opera, quos liberos esse iussit. Claudius Marcellus consul, in Sicilia, quae prope tota ad Poenos defecerat, Syracusas obsedit. Philippo Macedonum regi bellum indictum est; qui, ad Apolloniam nocturno proelio oppressus fugatusque, in Macedoniam cum prope inermi exercitu perfugit. Ad id bellum gerendum Valerius praetor missus est. Res praeterea in Hispania a P. et Cn. Scipionibus adversus Carthaginienses gestas continet. Syphax, rex Numidarum, in amicitiam ascitus, et a Masinissa, rege Massylorum, pro Carthaginiensibus pugnante, victus, in Maurusios cum magna manu transiit contra Gades; ubi angusto freto Africa et Hispania dirimuntur. Celtiberi quoque in amicitiam recepti sunt: quorum auxiliis ascitis, tunc primum mercenarium militem Romana castra habuerunt.

# T. LIVII PATAVINI

## LIBER XXIV.

U. C. 537.  
A. C. 215.  
Res a Poenis apud  
Bruttios  
gestae.  
Rhegium  
frustra tentatum.

Locrenses  
se dedunt  
Poenis.

**U**T ex Campania in Bruttios reditum est, Hanno, adiutoribus et ducibus Bruttiis, Graecas urbes tentavit, eo facilius in societate manentes Romana, quod Bruttios, quos et oderant, et metuebant, Carthaginensium partis factos cernebant. Rhegium primum tentatum est, diesque aliquot ibi nequicquam absumpti. Interim Locrenses frumentum, lignaque, et cetera necessaria usibus ex agris in urbem reperere, etiam ne quid relictum praedae hostibus esset: et in dies maior omnibus portis multitudo effundi. Postremo ii modo relictii in urbe erant, qui reficere muros ac portas, telaque in propugnacula congerere cgebantur. In permixtam omnium aetatum ordinumque multitudinem, et vagantem in agris magna ex parte inermem, Hamilcar Poenus equites emisit; qui, violare quemquam vetiti, tantum, ut excluderent ab urbe fuga dissipatos, turmas obiecere. Dux ipse, loco superiore capto, unde agros urbemque posset conspicere, Bruttiorum cohortem adire muros, atque evocare principes Locrensiu ad colloquiu iussit, et, pollicentes amicitiam Hannibalis, adhortari ad urbem tradendam. Bruttiis in colloquio nullius rei primo fides est: deinde ut Poenus apparuit in collibus, et refugientes pauci aliam omnem multitudinem in potestate hostiu esse afferebant; tum, metu victi, consulturos se populu responderunt: advocataque extemplo concione, quum et levissimu quisque novas res novamque societatem mallent, et, quorum propinqui extra urbem interclusi ab hostibus erant, velut obsidibus datis, pigneratos haberent animos, pauci magis taciti<sup>4</sup>

<sup>1</sup> *Interim Locrenses*] At de Locrensiu noster alia narraverat, supr. xxiii. 30. et 41. nisi dicere malis, eum illic occupavisse res nunc demum gestas. STROTH.

<sup>2</sup> *Hamilcar Poenus*] Trium mss. fide *Bomilcar* reposuit Stroth.

<sup>3</sup> *Societatem mallent*] Edd. ante

Gronov. *mallet*. Sed et verbo et adiectivo plurali numero distributivum *quisque* iungi apud Liviu passim animadverteris. supr. ii. 22. vii. 19.

<sup>4</sup> *Pigneratos*] sc. Obstrictos Poenis propinquos illorum, tanquam pignora, in potestate sua habentibus. DOER.

5 probarent constantem fidem, quam probatam tueri auderent; U. C. 537.  
 haud dubio in speciem consensu fit ad Poenos deditio. L. A. C. 215.  
 Atilio praefecto praesidii, quique cum eo milites Romani Praesidio  
 erant, clam in portum deductis, atque impositis in naves, ut Romano  
 Rhegium deveherentur, Hamilcarem Poenosque ea condi- dimisso.  
 tione, ut foedus extemplo aequis legibus fieret, in urbem  
 acceperunt. Cuius rei prope non servata fides deditis est,  
 quum Poenus dolo dimissum Romanum incusaret; Lo-  
 crenses profugisse ipsum causarentur. Insecuti etiam equi-  
 tes sunt, si quo casu in freto aestus morari, aut deferre  
 naves in terram posset. Et eos quidem, quos sequebantur,  
 non sunt adepti: alias a Messana traicientes freto Rhegium  
 naves conspexerunt. Milites erant Romani, a Claudio  
 praetore missi ad obtinendam urbem praesidio. Itaque  
 Rhegio extemplo abscessum est. Locrensibus iussu Han- Leges so-  
 nibalis data pax, 'ut liberi suis legibus viverent: urbs pate- cietatis in-  
 6 'ret Poenis, portus in potestatem Locrensiū esset: societas ter Poenos  
 'eo iure staret, ut Poenus Locrensem, Locrensisque Poe- et Locren-  
 'num pace ac bello iuvaret.' ses.

Sic a freto Poeni reducti, frementibus Bruttiis, quod 2.  
 Rhegium ac Locros, quas urbes direpturos se destinaverant,  
 intactas reliquissent. Itaque per se ipsi, conscriptis arma- Bruttii  
 tisque iuventutis suae quindecim millibus, ad Crotonem Crotonem  
 oppugnandum pergunt ire, Graecam et ipsam urbem, et oppugnant.  
 maritimam: plurimum accessurum opibus, si in ora maris  
 urbem portu ac moenibus validam tenuissent, credentes.  
 Ea cura angebat, quod neque non arcessere ad auxilium  
 7 Poenos satis audebant, ne quid non pro sociis egisse vide-  
 rentur: et, si Poenus rursus magis arbiter pacis, quam  
 adiutor belli, fuisset, ne in libertatem Crotonis, sicut ante  
 Locrorum, frustra pugnaretur. Itaque optimum visum est,  
 ad Hannibalem mitti legatos, caverique ab eo, ut receptus  
 Croto Bruttiorum esset. Hannibal quum praesentium eam  
 consultationem esse respondisset, et ad Hannonem eos  
 8 reiecisset, ab Hannone nihil certi ablatum. Nec enim  
 diripi volebant nobilem atque opulentam urbem: et spera-  
 bant, quum Bruttius oppugnaret, Poenos nec probare, nec  
 iuvare eam oppugnationem appareret, eo maturius ad se  
 defecturos. Crotone nec consilium unum inter populares,

5 *Probatam tueri*] *Propalam tueri*  
 ex emend. Walchii recepit Bekker.

6 *In potestatem Loorensium esset*] Similem loquendi formam iam obser-  
 vavimus supr. ii. 14. Sic ap. Cic. pro  
 lege Man. 33. *in praedonum fuisse*  
*potestatem*. Terent. Eun. ii. 2. *videt*  
*me esse in tantum honorem*. cf. supr.  
 xxii. 25. *Minucium prope in custo-*

*diam habitum*.

7 *Non pro sociis*] Pro sociis quippe  
 tum demum acturi erant, si socios in  
 partes suas vocavissent.

8 *Nihil certi ablatum*] *Allatum*  
 edd. ante Iac. Gronov. cf. Cic. ad  
 Att. xvi. 16. Ep. ad Planc. *decretum*  
*liberalissimum abstulimus*. et Cic. ad  
 Div. iv. 12.

U. C. 537. nec voluntas erat. Unus velut morbus invaserat omnes  
 A. C. 215. Italiae civitates, ut plebes ab optimatibus dissentirent: se-  
 Crotonia- natus Romanis faveret, plebs ad Poenos rem traheret. Eam  
 tarum dis- dissensionem in urbe perfuga nuntiat Bruttiis; Aristoma-  
 cordia. chum esse principem plebis, tradendaeque auctorem urbis:  
 et in vasta urbe lateque omnibus disiectis moenibus raras  
 et stationes custodiasque senatorum esse: quacunque cus-  
 todiant plebis homines, ea patere aditum. Auctore ac  
 Urbs capi- duce perfuga, Bruttii corona cinxerunt urbem: acceptique  
 tur a Brut- a plebe primo impetu locos omnes, praeter arcem, cepere.<sup>1</sup>  
 tiis, praeter arcem. Arcem optimates tenebant, preparato iam ante ad talem  
 casum perfugio. Eodem Aristomachus perfugit; tanquam  
 Poenis, non Bruttiis, auctor urbis tradendae fuisset.

3. Urbs Croto murum in circuitu patentem duodecim millia  
 passuum habuit, ante Pyrrhi in Italiam adventum. Post  
 vastitatem eo bello factam vix pars dimidia habitabatur:  
 flumen, quod medio oppido fluxerat, extra frequentia tectis  
 loca praeterfluebat: et arx procul iis, quae habitabantur.  
 Sex millia aberat ab urbe nobili templum (ipsa urbe erat no-  
 bilius) Lacinae Iunonis, sanctum omnibus circa populis.  
 Lacinae Iunonis templum. Lucus ibi, frequenti silva et proceris abietis arboribus saep-  
 tus, laeta in medio pascua habuit, ubi omnis generis sacrum  
 deae pascebatur pecus sine ullo pastore: separatimque  
 egressi cuiusque generis greges nocte remeabant ad stabula,  
 nunquam insidiis ferarum, non fraude violati hominum.  
 Magni igitur fructus ex eo pecore capti, columnaue inde  
 aurea solida facta et sacrata est: inclutumque templum,  
 divitiis etiam, non tantum sanctitate, fuit. Ac miracula  
 aliqua affinguntur plerumque tam insignibus locis. Fama  
 est, aram esse in vestibulo templi; cuius cinerem nullo:  
 Arx Croto- unquam moveri vento. Sed arx Crotonis, una parte im-  
 nis.

9 *Omnibus disiectis moenibus*] In varias admodum partes huc illuc procurrentibus. DRAK.

1 *Locos omnes, praeter arcem*] *Om-nem praeter arcem* probante Gronov. reposuit Bekker.

2 *Sex millia aberat ab urbe*] Strab. vi. p. 262. Lacinae Iunonis templum distare ait ab Crotone centum quinquaginta stadiis, hoc est, novendecim prope millibus. An aliquid corrigendum apud alterutrum scriptorem? An potius ita conciliabimus, ut Strabonem maritimum iter, quod circumvectio reddit longius; Livium terrestre designasse dicamus? GRONOV.

3 *Templum (ipsa urbe erat nobilius) Lacinae Iunonis*] Quod commune Latinorum sive Oenotrorum populorum fanum, haud aliter atque il-

lud Ioniorum, quod Panionium vocabatur, antiquitus fuisse censet Niebhr. i. n. 263. Ante Troicum bellum colatitia pecunia regum populorumque exstructum fuisse narratur ap. Serv. in Aen. iii. 552. cf. Plin. H. N. ii. 107. Cic. de Div. i. 24. de Invent. ii. 1. 2. Heyn. Opusc. Acad. ii. p. 174. et 186. Ceterum *ipsa urbe nobilius*, quod ante Drakenb. exstabat, omitta parenthesi revocavit Bekker.

4 *Separatimque egressi cuiusque generis greges*] *Separatimque greges sui quisque generis* ex coniect. Gronov. recepit Bekker. *Sui quisque generis* mavult Drakenb.

5 *Nullo unquam moveri vento*] Ita Gronov. emendavit pro vulg. *nullus unquam moveat ventus*, quod Stroth. servat.



minens mari, altera vergente in agrum, situ tantum naturali U. C. 537.  
 quondam munita, postea et muro cincta est, qua per aver- A. C. 215.  
 sas rupes ab Dionysio Siciliae tyranno per dolum fuerat  
 capta. Eam tum arcem, satis, ut videbatur, tutam, Croto-  
 niatum optimates tenebant, circumsedente cum Bruttiis eos  
 etiam plebe sua. Postremo Bruttii, quum suis viribus in-  
 expugnabilem viderent arcem, coacti necessitate, Hannonis  
 auxilium implorant. Is, conditionibus ad deditionem com-  
 pellere Crotoniatas conatus, ut coloniam Bruttiorum eo  
 6 deduci, antiquamque frequentiam eo recipere vastam ac  
 desertam bellis urbem paterentur, omnium neminem,  
 praeter Aristomachum, movit. Morituros se affirmabant  
 citius, quam, immixti Bruttiis, in alienos ritus, mores,  
 legesque, ac mox linguam etiam verterentur. Aristoma-  
 chus unus, quando nec suadendo ad deditionem satis va-  
 lebat, nec, sicut urbem prodiderat, locum prodendae arcis  
 inveniebat, transfugit ad Hannonem. Locrenses brevi post  
 legati, quum permissu Hannonis arcem intrassent, per-  
 suadent, ut traduci se in Locros paterentur, nec ultima ex-  
 periri vellent. Iam hoc ut sibi liceret, impetraverant et ab  
 Hannibale, missis ad id ipsum legatis. Ita Crotone exces-  
 sum est, deductique Crotoniatae ad mare naves con-  
 scendunt. Locros omnis multitudo abeunt. Crotonia-  
 tae Locros  
 abeunt.

In Apulia ne hiems quidem quieta inter Romanos atque  
 Hannibalem erat. Luceriae Sempronius consul, Hannibal  
 haud procul Arpis hibernabat. Inter eos levia proelia ex  
 occasione, aut opportunitate huius aut illius partis, orie-  
 bantur: meliorque iis Romanus, et in dies cautior tutiorque  
 ab insidiis fiebat.

In Sicilia Romanis omnia mutaverat mors Hieronis, 4.  
 regnumque ad Hieronymum nepotem eius translatus: Hieroni  
 7 puerum, vixdum libertatem, nedum dominationem, modice succedit  
 8 laturum. Laete id ingenium tutores atque amici ad prae- Hierony-  
 cipitandum in omnia vitia acceperunt: quae ita futura mus Syra-  
 cernens Hiero, ultima senecta voluisse dicitur liberas Syra-  
 9 cusas relinquere, ne sub dominatu puerili, per ludibrium,  
 bonis artibus partum firmatumque interiret regnum. Huic  
 consilio eius summa ope obstitere filiae, nomen regium  
 penes puerum futurum ratae, regimen rerum omnium  
 1 penes se virosque suos, Andranodorum et Zoippum: nam  
 ii tutorum primi relinquebantur. Non facile erat nona-

6 *Antiquamque frequentiam*] *Suam*  
 addidit Bekker. probante Gronovio.

7 *Libertatem*] Ut qui ex potestate  
 avi mortui exisset, et sui iuris iam  
 factus esset.

8 *Laturum. Laete id*] *Laturum. Ea*  
*aetate id*, Stroth. *Laturae aetatis, id*,

Bekker. reposuit.

9 *Per ludibrium . . . interiret*] In-  
 teriret per lasciviam pueri Hierony-  
 mi, cuius levitas regno velut illuderet.  
 CREV.

1 *Nam ii tutorum*] Hae voces de-  
 sunt in scriptis, et adiectae sunt a

U. C. 537. gesimum iam agenti annum, circumssesso dies noctesque  
 A. C. 215. muliebribus blanditiis, liberare animum, et convertere ad  
 publicam privata curam. Itaque tutores modo quindecim  
 puero reliquit: quos precatus est moriens, ut fidem erga  
 populum Romanum, quinquaginta annos ab se cultam, in-  
 violatam servarent, iuvenemque suis potissimum vestigiis  
 insistere vellent disciplinaeque, in qua edoctus esset. Haec  
 mandata. Quum expirasset, per tutores testamento pro-  
 lato, pueroque in concionem producto, (erat autem quin-  
 decim tunc ferme annorum) paucis, qui per concionem ad  
 excitandos clamores dispositi erant, approbantibus testa-  
 mentum, ceteris velut patre amisso in orba civitate omnia  
 timentibus, funus fit regium, magis amore civium et caritate,  
 quam cura suorum, celebre. Brevi deinde ceteros tutores  
 summovet Andranodorus, iuvenem iam esse dictitans Hier-  
 onymum, ac regni potentem: deponendoque tutelam ipse,  
 quae cum pluribus communis erat, in se unum omnium  
 vires convertit.

5. Vix quidem ulli bono moderatoque regi facilis erat favor  
 Hieronymi apud Syracusanos, succedenti tantae caritati Hieronis.  
 vitia. Verum enim vero Hieronymus, velut suis vitiis desidera-  
 bilem efficere vellet avum, primo statim conspectu, omnia  
 quam disparia essent, ostendit. Nam qui per tot annos  
 Hieronem filiumque eius Gelonem, nec vestis habitu, nec  
 alio ullo insigni differentes a ceteris civibus vidissent, con-  
 spexere purpuram, ac diadema, ac satellites armatos; qua-  
 drigisque etiam alborum equorum interdum ex regia proce-  
 dentem, more Dionysii tyranni. Hunc tam superbum  
 apparatus habitumque convenientes sequebantur contemp-  
 tus omnium hominum, superbae aures, contumeliosa dicta,  
 rari aditus, non alienis modo, sed tutoribus etiam, libidines  
 novae, inhumana crudelitas. Itaque tantus omnes terror  
 invaserat, ut quidam ex tutoribus aut morte voluntaria, aut  
 fuga praeverterent metum suppliciorum. Tres ex iis, qui-

Valla. Andreas et Campanus dedere  
 qui tutorum. CREV.

2 Convertere ad publicam privata  
 curam] Ita statuere de domo sua, ut  
 praecipue reipublicae consuleret, et  
 illius statum huius commodo attem-  
 peraret. GRONOV.

3 Tutores modo quindecim] Haud  
 scio an Hiero veterem civitatis re-  
 gendae rationem respexerit, quum  
 apud Thucyd. vi. 72. rem publicam  
 Syracusanam a quindecim magistrati-  
 bus, Graece *στρατηγοῖς*, administra-  
 tam videmus. Polybius vii. 8. Hiero-  
 nem in animo saepius habuisse im-  
 perium deponere, sed invitis civibus

noluisse scribit.

4 In qua edoctus esset] *Eductus*,  
 quod placuit Gronovio, recepit Bek-  
 ker.

5 Regni potentem] Regno admi-  
 nistrando parem. STROTH.

6 Succedenti tantae caritati Hiero-  
 nis] Hieroni, qui tam carus fuerat  
 civibus. Sic supr. iv. 11. *quo maiori*  
*gloriae rerum domi forisque gestarum*  
*succedere se cernebant*. Similiter Ius-  
 tin. xxii. 1. *Agathocles, qui magnitu-*  
*dini prioris Dionysii successit*.

7 Filiumque eius Gelonem] cf. Supr.  
 xxiii. 30.

bus solis aditus in domum familiarior erat, Andranodorus et U. C. 537.  
 Zoippus, generi Hieronis, et Thraso quidam, de aliis quidem A. C. 215.  
 rebus haud magnopere audiebantur: tendendo autem duo  
 ad Carthaginienses, Thraso ad societatem Romanam, certa-  
 mine ac studiis interdum in se convertebant animum ado-  
 lescentis: quum coniuratio, in tyranni caput facta, indicatur <sup>Conspira-</sup>  
 per Callonem quendam, aequalem Hieronymi, et iam inde <sup>tio in eius</sup>  
 8 a puero in omnia familiaria iura assuetum. Index unum ex <sup>caput.</sup>  
 coniuratis Theodotum, a quo ipse appellatus erat, nominare  
 potuit. Qui comprehensus extemplo, traditusque Andrano-  
 doro torquendus, de se ipse haud cunctanter fassus, conscios  
 celabat. Postremo, quum omnibus intolerandis patientiae  
 humanae cruciatibus laceraretur, victum malis se simulans,  
 avertit ab consciis in insontes indicium, Thrasonem esse  
 auctorem consilii mentitus, nec, nisi tam potenti duce con-  
 9 fisos, rem tantam ausuros ab latere tyranni, quorum capita  
 vilissima fingenti inter dolores gemitusque occurrere.  
 Maxime animo tyranni credibile indicium Thraso nomina-  
 tus fecit. Itaque extemplo traditur ad supplicium: adiec-  
 1 tique poenae ceteri iuxta insontes. Consciorum nemo,  
 quum diu socius consilii torqueretur, aut latuit, aut fugit.  
 Tantum illis in virtute ac fide Theodoti fiducia fuit: tan-  
 tumque ipsi Theodoto virium ad arcana occultanda.

Ita, quod unum vinculum cum Romanis societatis erat, 6.  
 Thrasone sublato e medio, extemplo haud dubie ad defec-  
 tionem res spectabat: legatique ad Hannibalem missi, ac <sup>Ad Hanni-</sup>  
 2 remissi ab eo cum Hannibale, nobili adolescente, Hippo- <sup>balem in-</sup>  
 crates et Epicydes, nati Carthagine, sed oriundi ab Syra- <sup>clinat.</sup>  
 cusis exsule avo, Poeni ipsi materno genere. Per hos  
 iuncta societas Hannibali ac Syracusano tyranno: nec invito  
 Hannibale apud tyrannum manserunt. Ap. Claudius prae-  
 tor, cuius Sicilia provincia erat, ubi ea accepit, extemplo le-  
 gatos ad Hieronymum misit: qui, quum sese ad renovandam <sup>Legati</sup>  
 societatem, quae cum avo fuisset, venisse dicerent, per ludi- <sup>Rom. per</sup>  
 brium auditi dimissique sunt ab quaerente per iocum Hie- <sup>ludibrium</sup>  
 ronymo, ‘quae fortuna iis pugnae ad Cannas fuisset? vix <sup>ab eo au-</sup>  
 ‘credibilia enim legatos Hannibalis narrare. Velle, quid

8 *Familiaria iura assuetum*] *Assumptum* pro *assuetum* legendum coniecit Ruhnken. ad Vell. Paterc. ii. 29.

9 *Ausuros ab latere tyranni*] *Ab latere* alicuius esse dicuntur, qui sunt eius familiares, et eius plerumque tegunt latera. Edd. ante Gronov. *ausuros*. *Ab latere inde eos nominat tyranni*, quod Stroth. servat, quamvis mss. fidem ei non faciant.

1 *Ceteri iuxta insontes*] cf. Supr.

v. 6. ix. 13. xxiii. 28.

2 *Cum Hannibale, nobili adolescente*] Quum huius Hannibalis mentio nusquam alibi occurrat, *ab eodem Hannibale nobiles adolescentes* legendum censuit Sigon. Sed quum Polybius vii. 2. hunc ipsum Hannibalem memoret, haud dubium videtur, illum, postquam imperatori Hannibali societatem iunctam renuntiavit, partes nullas suscepisse, et idcirco non amplius commemoratum fuisse.

U. C. 537. 'veri sit, scire, ut ex eo, utram spem sequatur, consilium 3  
 A. C. 215. 'capiat.' Romani, 'quum serio legationes audire coepisset,  
 'redituros se ad eum' dicentes 'esse,' monito magis eo,  
 quam rogato, ne fidem temere mutaret, proficiscuntur.  
 Hieronymus legatos Carthaginem misit ad foedus ex socie- 4  
 tate cum Hannibale faciendum. Pacto convenit, ut, quum  
 Romanos Sicilia expulissent, (id autem brevi fore, si naves  
 atque exercitum misissent) Himera amnis, qui ferme insu-  
 lam dividit, finis regni Syracusani ac Punici imperii esset.  
 Aliam deinde, inflatus assentationibus eorum, qui eum non  
 Hieronis tantum, sed Pyrrhi etiam regis, materni avi, iube- 5  
 bant meminisse, legationem misit, qua aequum censebat,  
 Sicilia sibi omni cedi: Italiae imperium proprium quaeri  
 Carthaginensi populo. Hanc levitatem ac iactationem  
 animi neque mirabantur in iuvene furioso, neque arguebant,  
 dummodo averterent eum ab Romanis.

Foedus  
 eius cum  
 Poenia.

7. Sed omnia in eo praecipitia ad exitium fuerunt. Nam  
 quum, praemissis Hippocrate atque Epicyde cum binis  
 millibus armatorum ad tentandas urbes, quae praesidiis  
 tenebantur Romanis, et ipse in Leontinos cum cetero omni  
 exercitu (erant autem ad quindecim millia peditum equi- 6  
 tumque) profectus esset; liberas aedes coniurati (et omnes 7  
 forte militabant) imminentes viae angustae, qua descendere  
 ad forum rex solebat, sumpserunt. Ibi, quum instructi  
 armatique ceteri transitum exspectantes starent, uni ex iis,  
 (Dinomeni fuit nomen) quia custos corporis erat, partes  
 datae sunt, ut, quum appropinquaret ianuae rex, per cau-  
 sam aliquam in angustiis sustineret ab tergo agmen. Ita,  
 ut convenerat, factum est. Tanquam laxaret elatum pedem  
 ab stricto nodo, moratus turbam Dinomenes, tantum inter-  
 valli fecit, ut, quum in praetereuntem sine armatis regem  
 impetus fieret, confoderetur aliquot prius vulneribus, quam  
 succurri posset. Clamore et tumultu audito, in Dinome-  
 nem, iam haud dubie obstantem, tela coniiciuntur: inter  
 quae tamen, duobus acceptis vulneribus, evasit. Fuga sa-  
 tellitum, ut iacentem videre regem, facta est. Interfectores  
 pars in forum ad multitudinem laetam libertate, pars Syra-  
 cusas pergunt, ad praeoccupanda Andranodori regionumque

A coniura-  
 tis occidi-  
 tur.

3 *Utram spem sequatur*] In utrius  
 populi societate spem et fiduciam  
 ponat. DOER.

4 *Ad foedus*] Quo leges conditio-  
 nesque rerum alteri parti ab altera  
 praestandae ponerentur. cf. Polyb.  
 vii. 3. ubi singula traduntur.

5 *Pyrrhi etiam regis*] Huius enim  
 filiam Nereidem duxerat Gelo Hie-  
 ronymi pater. Polyb. vii. 3.

6 *Liberas aedes*] Aedes vacuas, in  
 quibus ipsi soli hospitarentur. cf. infr.  
 xxx. 17. xxxv. 23. xlii. 6. Plaut. Mil.  
 Glor. iii. 1. 83.

7 *Et omnes forte*] cf. Supr. xxiii.  
 44. *et sunt omnia campi*. Hinc nulla  
 in coniuratores incideret suspicio,  
 quod regem in Leontinos sequerentur.

aliorum consilia. Incerto rerum statu, Ap. Claudius, bel- U. C. 537.  
lum oriens ex propinquo quum cerneret, senatum literis A. C. 215.  
certiorem fecit, Siciliam Carthaginensi populo et Hanni-  
8 bali conciliari: ipse adversus Syracusana consilia, provin-  
ciam, regnique fines omnia convertit praesidia.

Exitu anni eius, Q. Fabius ex auctoritate senatus Puteo-  
los, per bellum coeptum frequentari emporium, communiit,  
praesidiumque imposuit. Inde Romam comitiorum causa Comitia  
9 veniens, in eum, quem primum diem comitialem habuit, consularia.  
1 comitia edixit; atque ex itinere praeter urbem in campum  
2 descendit. Eo die quum sors praerogativae Aniensi iuni-  
orum exisset, eaque T. Otacilium, M. Aemilium Regillum  
consules diceret, tum Q. Fabius, silentio facto, tali oratione  
est usus: 'Si aut pacem in Italia, aut bellum cum eo hoste 8.  
' haberemus, in quo negligentiae laxior locus esset, qui Fabii Cos.  
' vestris studiis, quae in campum ad mandandos, quibus oratio de  
' velitis, honores affertis, moram ullam offerret, is mihi deligendis  
' parum meminisse videretur vestrae libertatis. Sed quum magna cu-  
8 ra Cos.  
' in hoc bello, in hoc hoste, nunquam ab ullo duce sine in-  
' genti nostra clade erratum sit, eadem vos cura, qua in  
' aciem armati descenditis, inire suffragium ad creandos  
' consules decet, et sibi sic quemque dicere: Hannibali  
' imperatori parem consulem nomino. Hoc anno ad Ca-  
' puam Iubellio Taureae Campano summo equiti provocanti  
3 ' summus Romanus eques Asellus Claudius est oppositus.  
' Adversus Gallum, quondam provocantem in ponte Anienis,  
4 ' T. Manlium, fidentem et animo et viribus, misere maiores  
' nostri. Ob eandem causam haud multis annis post fuisse

8 *Provinciam, regnique fines*] Haec lectio stare nequit. Pighius emendat: *ad provinciae regnique fines*: id est, versus eam partem, ubi provincia regnum continebatur. Pulsis Sicilia primo Punico bello Carthaginensibus, tota insula duas in partes divisa erat, quarum altera erat ditioris Romanorum, et ideo vocatur hic *provincia*; altera regnum Hieronis fuerat. CREV. Pighium sequitur Bekker.

9 *Quem primum diem comitialem*] Non interiecto trinundino, quod, ex lege Hortensia, alioqui inter edictum et comitia intercedebat. Quippe ea lege effectum est, ut nundinae fastae essent. cf. Macrob. Saturn. i. 16. Antea enim nundinae nefastae erant, in quibus comitia haberi non liceret. cf. Niebhr. ii. n. 483.

1 *Praeter urbem*] Non ingressus urbem, sed praeter moenia in campum Martium transgressus.

2 *Quum sors praerogativae Aniensi iuniorum exisset*] Quum sorte obtigisset centuriae iuniorum, quae Aniensis nominabatur, ut prima omnium suffragium ferret. Ceterum hoc notatu dignum est, omnes centurias quae a Livio peculiari nomine designantur, tribubus esse cognomines, hic Aniensem, xxvi. 22. Veturiam, xxvii. 6. Galeriam: unde apparet, quod et aliunde constat, centurias, quae initio ad tribuum divisionem nihil pertinuerant, postea in iis inclusas fuisse. Igitur hoc loco *Aniensis iuniorum* est centuria iuniorum ex Aniensi tribueducta. Vid. supr. i. 43. et v. 18. Ceterum huius loci emendatio Gronovio debetur. Adi doctissimi viri Observ. iv. 1. CREV. cf. supr. x. 22.

3 *Asellus Claudius*] Supr. xxiii. 46, et 47.

4 *T. Manlium*] cf. Supr. vii. 10.

U. C. 537. ' non negaverim, cur M. Valerio non diffideretur, adversus 5  
 A. C. 215. ' similiter provocantem arma capienti Gallum ad certamen.  
 ' Quemadmodum pedites equitesque optamus, ut validiores,  
 ' si minus, ut pares hosti habeamus; ita duci hostium  
 ' parem imperatorem quaeramus. Quum, qui est summus  
 ' in civitate dux, eum legerimus; tamen repente lectus, in  
 ' annum creatus, adversus veterem ac perpetuum imperato-  
 ' rem comparabitur, nullis neque temporis, neque iuris in-  
 ' clusum angustiis, quo minus ita omnia gerat administretque,  
 ' ut tempora postulabunt belli: nobis autem in apparatu  
 ' ipso, ac tantum inchoantibus res, annus circumagitur.  
 ' Quoniam, quales viros creare vos consules deceat, satis est  
 ' dictum; restat, ut pauca de iis, in quos praerogativae  
 ' favor inclinavit, dicam. M. Aemilius Regillus flamen est  
 ' Quirinalis, quem neque mittere ab sacris, neque retinere  
 ' possumus, ut non deum aut belli deseramus curam. Ota-  
 ' cilius sororis meae filiam uxorem atque ex ea liberos habet.  
 ' Ceterum non ea vestra in me maioresque meos merita  
 ' sunt, ut non potio-rem privatis necessitudinibus rempubli-  
 ' cam habeam. Quilibet nautarum vectorumque tranquillo  
 ' mari gubernare potest: ubi saeva orta tempestas est, ac  
 ' turbato mari rapitur vento navis, tum viro et gubernatore  
 ' opus est. Non tranquillo navigamus, sed iam aliquot pro-  
 ' cellis submersi paene sumus. Itaque, quis ad gubernacula  
 ' sedeat, summa cura providendum ac praecavendum vobis  
 ' est. In minore te experti, T. Otacili, re sumus: haud  
 ' sane, cur ad maiora tibi fidamus, documenti quicquam de-  
 ' disti. Classem hoc anno, cui tu praefuisti, trium rerum  
 ' causa paravimus: ut Africae oram populetur; ut tuta  
 ' nobis Italiae litora essent; ante omnia ne supplementum  
 ' cum stipendio commeatuque ab Carthagine Hannibali  
 ' transportaretur. Create consulem T. Otacilium, non dico,  
 ' si omnia haec, sed si aliquid eorum reipublicae praestitit. 6  
 ' Sin autem, te classem obtinente, etiam, velut pacato mari,  
 ' quaelibet Hannibali tuta atque integra ab domo venerunt;  
 ' si ora Italiae infestior hoc anno, quam Africae, fuit: quid  
 ' dicere potes, cur te potissimum ducem Hannibali hosti op- 7  
 ' ponant? Si consul esses, dictatorem dicendum exemplo  
 ' maiorum nostrorum censeremus: nec tu id indignari  
 ' posses, aliquem in civitate Romana meliorem bello haberi,  
 ' quam te. Magis nullius interest, quam tua, T. Otacili,  
 ' non imponi cervicibus tuis onus, sub quo concidas. Ego

5 *M. Valerio*] cf. Supr. vii. 26.

6 *Aliquid eorum*] Noster tamen  
 supr. xxiii. 41. Otacilium agrum Car-  
 thaginiensem depopulatum esse, et  
 septem naves Punicas cum sociis na-

valibus cepisse scribit. Fabius ora-  
 torum more haec omnia elevat. Duk.

7 *Hosti opponant*] *Opponamus* ex  
 Salmasii emendatione recepit Bek-  
 ker.



‘ magnopere suadeo, eodem animo, quo, si stantibus vobis U. C. 537.  
 ‘ in aciem armatis repente deligendi duo imperatores essent, A. C. 215.  
 ‘ quorum ductu atque auspicio dimicaretis, hodie quoque  
 8 ‘ consules creetis: quibus sacramento liberi nostri dicant,  
 ‘ ad quorum edictum conveniant, sub quorum tutela atque  
 9 ‘ cura militent. Lacus Trasimenus et Cannae tristia ad  
 1 ‘ recordationem exempla, sed ad praecavendum simile utili  
 ‘ documento sunt. Praeco, Aniensem iuniorum in suffra-  
 ‘ gium revoca.’

Quum T. Otacilius ferociter, eum continuare consulatum 9.  
 velle, vociferaretur atque obstreperet, lictores ad eum acce-  
 dere consul iussit: et, quia in urbem non inierat, protinus  
 2 in campum ex itinere profectus, admonuit, cum securibus  
 sibi fasces praeferri. Iterum praerogativa suffragium init;  
 creatique in ea consules Q. Fabius Maximus quartum, M.  
 Marcellus tertium. Eisdem consules ceterae centuriae  
 sine variatione ulla dixerunt. Et praetor unus reffectus Q.  
 3 Fulvius Flaccus: novi alii creati, T. Otacilius Crassus ite-  
 rum, Q. Fabius consulis filius, qui tum aedilis curulis erat,  
 P. Cornelius Lentulus. Comitibus praetorum perfectis, se-  
 natusconsultum factum est, ‘ ut Q. Fulvio extra ordinem  
 4 ‘ urbana provincia esset: isque potissimum, consulibus ad  
 ‘ bellum profectis, urbi praeeset.’ Aquae magnae bis eo  
 anno fuerunt: Tiberisque agros inundavit cum magna  
 strage tectorum, pecorumque et hominum pernicie.

Quinto anno secundi Punici belli, Q. Fabius Maximus U. C. 538.  
 quartum, M. Claudius Marcellus tertium, consulatum in- A. C. 214.  
 euntes, plus solito converterant in se civitatis animos. Q. Fabio  
 Multis enim annis tale consulum par non fuerat. Refere- IV. M.  
 5 bant senes, sic Maximum Rullum cum P. Decio ad bellum Marcello  
 III. Coss.

8 *Quibus sacramento*] Quorum in  
 verba liberi vestri iurent, sollenni mi-  
 litiae sacramento se obstringentes.  
 Notae phrases, *sacramento dicere, ro-  
 gari, adigi.* CREV.

9 *Tristia ad recordationem exem-  
 pla*] Ita Gronov. pro vulg. *triste* . . .  
*exemplar*, quod Stroth. servat.

1 *Ad praecavendum simile utili do-  
 cumento*] *Ad praecavendas similes*,  
 sub. clades, *utiles documento.* STROTH.  
*Ad praecavendos similes duces docu-  
 mento*, ex coniect. Gronov. reposuit  
 Bekker. Sed Drakenb. et Crevier.  
 cum Kreyssig. faciunt.

2 *Cum securibus sibi fasces prae-  
 ferri*] Intra urbem secures non prae-  
 ferebantur consulibus ex instituto Va-  
 lerii Publicolae. At Fabius, qui ur-  
 bem non inierat, eas etiamnum fasci-

bus illigatas habebat. Itaque admo-  
 net Otacilium, se in eum statim anim-  
 advertere posse, si in contumacia ac  
 ferocia perseveret. CREV.

3 *Novi alii creati*] *Novi tres alii  
 creati* ex emend. Gronov. reposuit  
 Bekker.

4 *Urbana provincia*] sc. Iurisdictio  
 in urbe. *Provincia* enim universim de  
 quovis negotio publico administrando  
 dicitur, et de *provincia urbana* sae-  
 pius ap. Livium mentio facta est. cf.  
 Fragn. legis Thoriae ap. Pighium ad  
 ann. U. C. 646. *Extra ordinem* vero  
 erat, quando neque sortito, neque  
 comparando praetores inter se con-  
 venirent.

5 *Sic Maximum Rullum cum P.  
 Decio*] Hi consules fuerunt U. C. 457.  
 cf. supr. x. 24.



U. C. 538. Gallicum, sic postea Papirium Carviliūque adversus Sam-  
 A. C. 214 nites Bruttiosque, et Lucanum cum Tarentino populum,  
 consules declaratos. Absens Marcellus consul creatus,  
 Fabiolaudi quum ad exercitum esset; praesenti Fabio, atque ipso co-  
 mitia habente, consulatus continuatus. Tempus ac neces-  
 sitas belli, ac discrimen summae rerum faciebant, ne quis<sup>7</sup>  
 aut in exemplum exquireret, aut suspectum cupiditatis im-  
 perii consulem haberet. Quin laudabant potius magnitu-  
 dinem animi, quod, quum summo imperatore esse opus  
 reipublicae sciret, seque eum haud dubie esse, minoris in-  
 vidiam suam, si qua ex re oriretur, quam utilitatem reipu-  
 blicae, fecisset.

10. Quo die magistratum inierunt consules, senatus in Capi-  
 tolio est habitus; decretumque omnium primum, ut con-  
 sules sortirentur, compararentve inter se, uter censoribus  
 creandis comitia haberet, priusquam ad exercitum proficis-  
 ceretur. Prorogatum deinde imperium omnibus, qui ad  
 exercitus erant, iussique in provinciis manere, Ti. Gracchus  
 Luceriae, ubi cum volonum exercitu erat, C. Terentius  
 Varro in agro Piceno, M'. Pomponius in Gallico: et prae-<sup>8</sup>  
 toribus prioris anni pro praetore Q. Mucius obtineret Sar-  
 diniam, M. Valerius ad Brundisium orae maritimae, inten-  
 tus adversus omnes motus Philippi Macedonum regis, prae-  
 esset. P. Cornelio Lentulo praetori Sicilia decreta provin-  
 cia; T. Otacilio classis eadem, quam adversus Carthagini-  
 enses priore anno habuisset.

Prodigia. Prodigia eo anno multa nuntiata sunt. Quae quo magis  
 credebant simplices ac religiosi homines, eo plura nuntia-  
 bantur: Lanuvii in aede intus Sospitae Iunonis corvos  
 nidum fecisse: in Apulia palmam viridem arsisse: Mantuae  
 stagnum effusum Mincio amni cruentum visum: et Calibus<sup>9</sup>  
 creta, et Romae in foro boario sanguine pluisse: et in vico<sup>1</sup>  
 Insteio fontem sub terra tanta vi aquarum fluxisse, ut series<sup>3</sup>

6 *Sic postea Papirium Carviliūque*] U. C. 480. cf. Fragm. Fast. Cap-  
 itolin.

7 *Ne quis aut in exemplum exqui-  
 reret*] sc. In exemplum legis violan-  
 dae, quippe U. C. 413. lege cautum  
 est. "Ne quis eundem magistratum  
 intra decem annos caperet." cf. supr.  
 vii. 42.

8 *M'. Pomponius in Gallico*] Hic  
 Manius Pomponius iubetur in agro  
 Gallico manere, quem eo missum esse  
 nusquam scriptum est. Quin contra  
 xxiii. 25. narratur placuisse senatui,  
 ut Gallia eo anno omitteretur. Rur-

sus idem ille Pomponius, qui hic Gal-  
 liam obtinere dicitur, infr. 17. in Cam-  
 pania praesidet castris super Sueanu-  
 lam. CREV.

9 *Stagnum effusum Mincio amni*] Stagnantes aquas, e Mincio amni ex-  
 undanti effusas.

1 *Sanguine pluisse*] cf. Supr. xxiii.  
 31.

2 *In vico Insteio*] *Istrico* edd. plures.  
*Tusco* coniiciebat Gronov. Notum in  
 Romanis familiis vocabulum *Insteius*  
 fuit, sed de *vico Insteio* nulla alibi  
 occurrit mentio.

3 *Serias*] Seriae sunt vasa fictilia,

doliaque, quae in eo loco erant, provoluta velut impetus U. C. 538.  
 torrentis tulerit: tacta de coelo atrium publicum in Capi- A. C. 214.  
 4 tolio, aedem in campo Vulcani, arcem in Sabinis publicam-  
 que viam, murum ac portam Gabiis. Iam alia vulgata  
 miracula erant: hastam Martis Praeneste sua sponte pro-  
 motam: bovem in Sicilia locutum: infantem in utero  
 matris in Marrucinis, 'Io triumphe!' clamasse: ex muliere  
 Spoleti virum factum: Hadriae aram in coelo, speciesque  
 hominum circum eam, cum candida veste, visas esse. Quin  
 5 Romae quoque in ipsa urbe, secundum apum examen in  
 foro visum, affirmantes quidam, legiones se armatas in Iani-  
 culo videre, concitaverunt civitatem ad arma: qui tum in  
 Ianiculo essent, negarunt, quemquam ibi, praeter assuetos  
 collis eius cultores, apparuisse. Haec prodigia hostiis ma-  
 ioribus procurata sunt ex haruspicum responso: et suppli-  
 catio omnibus deis, quorum pulvinaria Romae essent, indicta  
 est.

Perpetratis, quae ad pacem deum pertinebant, de repu- 11.  
 blica belloque gerendo, et quantum copiarum, et ubi quaeque  
 essent, consules ad senatum retulerunt. Duodeviginti le- 18. Legio-  
 gionibus bellum geri placuit: binas consules sibi sumere: nes.  
 binis Galliam, Siciliamque, ac Sardiniam obtineri: duabus-  
 que Q. Fabium praetorem Apuliae, duabus volonum Ti.  
 Gracchum circa Luceriam praeesse: singulas C. Terentio  
 proconsuli ad Picenum, et M. Valerio ad classem circa  
 Brundisium relinqui, et duas urbi praesidio esse. Hic ut  
 numerus legionum expleretur, sex novae legiones erant  
 scribendae. Eas primo quoque tempore consules scribere  
 iussi, et classem parare: ut cum iis navibus, quae pro  
 Calabriae litoribus in statione essent, centum quinquaginta  
 longarum navium classis eo anno expleretur. Delectu Censores  
 habito et centum navibus novis deductis, Q. Fabius comitia M. Atilius,  
 censoribus creandis habuit. Creati M. Atilius Regulus et P. Furius.  
 P. Furius Philus.

Quum increbesceret rumor, bellum in Sicilia esse, T.  
 Otacilius eo cum classe proficisci iussus est. Quum dees- Nautae  
 sent nautae, consules ex senatusconsulto edixerunt, 'ut, qui, privatis  
 ' L. Aemilio, C. Flaminio censoribus, millibus aeris quinqu- imperati.  
 ' ginta ipse aut pater eius census fuisset, usque ad centum

grandia ut videtur, septem enim am-  
 phorarum commemorantur, quibus vi-  
 num, oleum, salsamenta et alia hu-  
 iusmodi condebantur. Formam urnae  
 similem habuisse videntur ex Colu-  
 mell. xii. 53. STROTH.

4 Aedem in campo Vulcani] Iun-  
 gendum Vulcani aedem in campo pa-  
 tet. Pro Arcem in Sabinis legebat

Valla nucem in Sabinis, quod Crev.  
 et Bekker. receperunt, atque eam in-  
 signem quandam et notam arborem  
 fuisse censet Duker. cf. infr. xxvii.  
 11.

5 Secundum apum examen] Se-  
 cundum, id est, post. Postquam apum  
 examen in foro visum esset. CREV.

U. C. 538. 'millia, aut cui postea res tanta esset facta, nautam unum  
 A. C. 214. 'cum sex mensium stipendio daret: qui supra centum millia,  
 'usque ad trecenta millia, tres nautas cum stipendio annuo:  
 'qui supra trecenta millia, usque ad decies aeris, quinque  
 'nautas: qui supra decies, septem: senatores octo nautas  
 'cum annuo stipendio darent.' Ex hoc edicto dati nautae,<sup>5</sup>  
 armati instructique ab dominis, cum triginta dierum coctis<sup>6</sup>  
 cibariis naves conscenderunt. Tum primum est factum, ut  
 classis Romana sociis navalibus privata impensa paratis  
 compleretur.

12. Hic maior solito apparatus praecipue conterruit Campa-  
 Terrentur nos, ne ab obsidione Capuae bellum eius anni Romani  
 Campani. inciperent. Itaque legatos ad Hannibalem oratum mise-  
 runt, ut Capuam exercitum admoveret: 'ad eam oppu-  
 'gnandam novos exercitus scribi Romae; nec ullius urbis  
 'defectioni magis infensos eorum animos esse.' Id quia tam  
 trepidi nuntiabant, maturandum Hannibal ratus, ne prae-  
 venirent Romani, profectus Arpis, ad Tifata in veteribus<sup>7</sup>  
 castris super Capuam consedit. Inde, Numidis Hispanisque  
 ad praesidium simul castrorum, simul Capuae relictis, cum  
 cetero exercitu ad lacum Averni per speciem sacrificandi,  
 re ipsa, ut tentaret Puteolos, quodque ibi praesidii erat,  
 descendit. Maximus, postquam Hannibalem Arpis profec-  
 tum, et regredi in Campaniam, allatum est, nec die nec  
 nocte intermisso itinere, ad exercitum redit: et Ti. Grac-  
 chum ab Luceria Beneventum copias admovere, Q. Fabium  
 praetorem (is filius consulis erat) Luceriam Graccho succe-  
 dere iubet. In Siciliam eodem tempore duo praetores pro-  
 fecti, P. Cornelius ad exercitum, Otacilius, qui maritimae  
 orae reiue navali praeeset; et ceteri in suas quisque pro-  
 vincias profecti: et, quibus prorogatum imperium erat, eas-  
 dem, quas priore anno, regiones obtinuerunt.

13. Ad Hannibalem, quum ad lacum Averni esset, quinque  
 Legati Ta- nobiles iuvenes ab Tarento venerunt, partim ad Trasimenum  
 rentini ad lacum, partim ad Cannas capti, dimissique domos cum  
 Hanniba- eadem comitate, qua usus adversus omnes Romanorum  
 lem. socios Poenus fuerat. Ii, 'memores beneficiorum eius per-  
 'pulisce magnam partem se iuventutis Tarentinae,' referunt,  
 'ut Hannibalis amicitiam ac societatem, quam populi Ro-  
 'mani, mallent; legatosque ab suis missos rogare Hanni-<sup>8</sup>  
 'balem, ut exercitum propius Tarentum admoveat. Si

<sup>5</sup> *Ex hoc edicto]* Unde rationem infr. xxvi. 36. xxxiv. 6. CREV.

classium Serviensiū non amplius habitam fuisse liquet. cf. Niebhr. i. <sup>7</sup> *Tifata]* Colles Capuae imminentes. cf. supr. vii. 29.

n. 1011. iii. n. 564.

<sup>6</sup> *Ab dominis]* Ac proinde nautae suis missos esse, rogatuos Hannibalem, ut . . . .

<sup>8</sup> *Legatosque]* h. e. Se legatos ab

‘signa eius, si castra conspecta a Tarento sint, haud ullam U. C. 538.  
 ‘intercessuram moram, quin urbs dedatur. In potestate A. C. 214.  
 ‘iuniorum plebem, in manu plebis rem Tarentinam esse.’

Hannibal collaudatos eos, oneratosque ingentibus promissis, domum ad coepta maturanda redire iubet: se in tempore affuturum esse. Hac cum spe dimissi Tarentini. Ipsum ingens cupido incesserat Tarenti potiundi. Urbem esse videbat, quum opulentam nobilemque, tum maritimam, et in Macedoniam opportune versam: regemque Philippum hunc portum, si transiret in Italiam, quum Brundisium Romani haberent, petiturum. Sacro inde perpetrato, ad quod Puteolos frustra tentat.  
 venerat, et, dum ibi moratur, pervastato agro Cumano usque ad Miseni promontorium, Puteolos repente agmen convertit, ad opprimendum praesidium Romanum. Sex millia hominum erant, et locus munimento quoque, non natura modo, tutus. Triduum ibi moratus Poenus, ab omni parte tentato praesidio, deinde, ut nihil procedebat, ad populandum agrum Neapolitanum, magis ira quam potiundae urbis spe, processit. Adventu eius in propinquum agrum Nolana A Nolanis vocatur.  
 mota est plebs, iam diu aversa ab Romanis et infesta senatui suo. Itaque legati ad arcessendum Hannibalem, cum haud dubio promisso tradendae urbis, venerunt. Praevenit inceptum eorum Marcellus consul, a primoribus Praevenit eum Marcellus.  
 accitus. Die uno Suessulam a Calibus, quum Vulturnus annis traiicientem moratus esset, contenderat. Inde proxima nocte sex millia peditum, equitesque trecentos, qui praesidio senatui essent, Nolam intromisit: et, uti a consule omnia impigre facta sunt ad praeoccupandam Nolam, ita Hannibal tempus terebat; bis iam ante nequicquam tentata re, segnior ad credendum Nolanis factus.

Iisdem diebus et Q. Fabius consul ad Casilinum tentandum, quod praesidio Punico tenebatur, venit; et ad Bene- 14.  
 ventum, velut ex composito, parte altera Hanno ex Bruttis Hannonis et Gracchi exercitus ad Bene-  
 cum magna peditum equitumque manu, altera Ti. Gracchus ventum.  
 ab Luceria accessit: qui primo oppidum intravit: Deinde, ut Hannonem tria millia ferme ab urbe ad Calorem fluvium castra posuisse, et inde agrum populari audivit, et ipse, egressus moenibus, mille ferme passus ab hoste castra locat, ibique concionem militum habuit. Legiones magna ex Volonea.  
 parte volonum habebat, qui iam alterum annum libertatem tacite mereri, quam postulare palam, maluerant. Senserat tamen hibernis egrediens murmur in agmine esse quaerentium, ‘en unquam liberi militaturi essent?’ scripseratque senatui, non tam quid desiderarent, quam quid meruissent:

9 *En unquam*] Nunquamne. Ex- x. 8. et infr. xxx. 21. CREV.  
 empla passim occurrunt, supr. iv. 3.

U. C. 538. 'bona fortique opera eorum se ad eam diem usum: neque  
 A. C. 214. 'ad exemplum iusti militis quicquam iis, praeter libertatem,  
 'deesse.' De eo permissum ipsi erat, faceret, quod e repu-  
 blica duceret esse. Itaque prius, quam cum hoste manum  
 consereret, pronuntiat, 'tempus venisse iis libertatis, quam  
 'diu sperassent, potiundae. Postero die signis collatis  
 'dimicaturum puro ac patenti campo, ubi sine ullo insidia-  
 'rum metu vera virtute geri res posset. Qui caput hostis  
 'retulisset, eum se extemplo liberum iussurum esse: qui  
 'loco cessisset, in eum servili supplicio animadversurum.  
 'Suam cuique fortunam in manu esse: libertatis auctorem  
 'iis non se fore solum, sed consulem M. Marcellum et uni-  
 'versos Patres; quos, consultos ab se de libertate eorum,  
 'sibi permisisse.' Literas inde consulis ac senatusconsultum  
 recitavit. Ad quae clamor cum ingenti assensu est sub-  
 latus. Pugnam poscebant, signumque ut daret extemplo,  
 ferociter instabant. Gracchus, proelio in posterum diem  
 pronuntiato, concionem dimisit. Milites laeti, praecipue  
 quibus merces navatae in unum diem operae libertas futura  
 erat, armis expediendis quod reliquum consumunt. Postero  
 die, ubi signa coeperunt canere, primi omnium parati in-  
 structique ad praetorium conveniunt. Sole orto, Gracchus  
 in aciem copias educit: nec hostes moram dimicandi fece-  
 runt. Decem et septem millia peditum erant, maxima ex  
 parte Bruttii ac Lucani: equites mille ducenti; inter quos  
 pauci admodum Italici, ceteri Numidae fere omnes Mauri-  
 que. Pugnatum est et acriter, et diu. Quattuor horis  
 neutro inclinata est pugna: nec alia magis Romanum im-  
 pediebat res, quam capita hostium pretia libertati facta.  
 Nam ut quisque hostem impigre occiderat, primum capite  
 aegre inter turbam tumultumque abscidendo tempus terebat:  
 deinde, occupata dextra tenendo caput, fortissimus quisque  
 pugnator esse desierat: segnibus ac timidis tradita pugna  
 erat. Quod ubi tribuni militum Graccho nuntiaverunt,  
 'neminem stantem iam vulnerari hostem, carnificari iacentes,  
 'et in dextris militum pro gladiis humana capita esse:' sig-  
 num dari propere iussit, 'proiicerent capita, invaderentque  
 'hostem. Claram satis et insignem virtutem esse: nec  
 'dubiam libertatem futuram strenuis viris.' Tum redinte-  
 grata pugna est, et eques etiam in hostem emissus. Quibus

Gracchus  
 iis liberta-  
 tem pro-  
 mittit, qui  
 capita hos-  
 tium retu-  
 lissent.

15.

Acris pu-  
 gna.

1 *Ad exemplum iusti militis*] Ut  
 similes plane sint vero et suis omni-  
 bus numeris absoluto militi. *Iusto*  
*militi*, quemadmodum *iusta arma*,  
 infr. xxii. 48. *iusti amnis*, supr. i. 4.  
 CREV.

2 *Servili supplicio*] sc. Verberibus,

cruciatibus, et ipsa cruce. STRON.

3 *Quod reliquum*] Sub. *Diei*, quam  
 vocem loco vocis *quod* substituendam  
 censet Gronov.

4 *Abscidendo*] Ita Drakenb. pro  
*abscindendo*, ab *abs* et *caedo*, probante  
 Crev. et Gronov.

5 quum impigre Numidae occurrissent, nec segnior equitum, U. C. 538.  
 quam peditum, pugna esset, iterum in dubium adducta res; A. C. 214.  
 quum utrimque duces, Romanus Bruttium Lucanumque,  
 toties a maioribus suis victos subactosque; Poenus mancipia  
 6 Romana et ex ergastulo militem verbis obtereret. Postremo  
 pronuntiat Gracchus, 'esse nihil, quod de libertate spera-  
 'rent, nisi eo die fusi fugatique hostes essent.' Ea demum 16.  
 7 vox ita animos accendit, atque renovato clamore, velut alii Romani  
 repente facti, tanta vi se in hostem intulerunt, ut sustineri vincunt.  
 ultra non possent. Primo antesignani Poenorum, deinde  
 signa perturbata, postremo tota impulsata acies; inde haud  
 dubie terga data, ruuntque fugientes in castra, adeo pavid  
 trepidique, ut ne in portis quidem aut vallo quisquam re-  
 stiterit, ac prope continenti agmine Romani insecuti, novum  
 de integro proelium inclusi hostium vallo ediderint. Ibi  
 sicut pugna impeditior in angustiis, ita caedes atrocior fuit:  
 et adiuvere captivi, qui, rapto inter tumultum ferro, conglo-  
 bati et ab tergo ceciderunt Poenos, et fugam impedierunt.  
 Itaque minus duo millia hominum ex tanto exercitu, et ea  
 maior pars equitum, cum ipso duce effugerunt: alii omnes  
 caesi aut capti. Capta et signa duodequadraginta. Ex  
 victoribus duo millia ferme cecidere. Praeda omnis (prae-  
 terquam hominum captorum) militi concessa est: et pecus  
 exceptum est, quod intra dies triginta domini cogno-  
 vissent.

Quum praeda onusti in castra redissent, quattuor millia  
 ferme volonum militum, qui pugnaverant segnius, nec in  
 castra irruperant simul, metu poenae collem haud procul  
 castris ceperunt. Postero die per tribunos militum inde  
 8 deducti, concione militum advocata a Graccho, superve-  
 niunt. Ubi quum proconsul veteres milites primum, prout Volonibus  
 cuiusque virtus atque opera in ea pugna fuerat, militaribus libertas da-  
 donis donasset, tunc, quod ad volones attineret, 'omnes,' tur.  
 ait, 'malle laudatos a se, dignos indignosque, quam quem-  
 'quam eo die castigatum esse. Quod bonum, faustum,  
 'felixque reipublicae ipsisque esset, omnes eos liberos esse  
 'iubere.' Ad quam vocem quum clamor ingenti alacritate  
 sublatus esset, ac nunc complexi inter se gratulantesque,  
 nunc manus ad coelum tollentes, bona omnia populo Ro-  
 mano Gracchoque ipsi precarentur; tum Gracchus: 'Pri-  
 'usquam omnes iure libertatis aequassem,' inquit, 'nemi-

5 *Numidae occurrissent*] Edd. post Aldum *concurrissent*, sed *occurrissent* a Drakenb. et Stroth. probatur.

6 *Verbis obtereret*] cf. Supr. xxiii. 43.

7 *Ita animos accendit*] *Ira* ex conjectura Gronov. pro *ita* reposuit Bek-

ker. qui, interpunctione post *accendit* posita, particulam *atque* omittit.

8 *Concione militum advocata*] Vocem *militum*, ut quae odiose ex verbis praecedentibus repetita sit, omiserunt Crev. et Bekker.



U. C. 538. 'nem nota strenui aut ignavi militis notasse volui. Nunc,  
A. C. 214. 'exsoluta iam fide publica, ne discrimen omne virtutis  
'ignaviaeque pereat, nomina eorum, qui, detrectatae pu-  
'gnae memores, secessionem paullo ante fecerunt, referri ad  
'me iubebo: citatosque singulos iureiurando adigam, nisi  
'queis morbus causa erit, non aliter, quam stantes, cibum  
'portionemque, quoad stipendia facient, capturos esse.  
'Hanc multam ita aequo animo feretis, si reputabitis, nulla  
'ignaviae nota leviores vos designari potuisse.' Signum  
deinde colligendi vasa dedit: militesque praedam portantes  
agentesque, per lasciviam ac iocum, ita ludibundi Bene-  
ventum rediere, ut ab epulis per celebrem festumque diem  
actis, non ex acie, reverti viderentur. Beneventani omnes  
turba effusa quum obviam ad portas exissent, complecti  
milites, gratulari, vocare in hospitium. Apparata convivia  
omnibus in propatulo aedium fuerant: ad ea invitabant,  
Gracchumque orabant, ut epulari permetteret militibus.  
Et Gracchus ita permisit, in publico epularentur omnes.  
Ante suas quibusque fores prolata omnia. Pileati, aut  
lana alba velatis capitibus volones epulati sunt; alii accu-  
bantes, alii stantes, qui simul ministrabant vescebanturque.  
Digna res visa, ut simulacrum celebrati eius diei Gracchus,  
postquam Romam rediit, pingi iuberet in aede Libertatis,  
quam pater eius in Aventino ex multatitia pecunia faci-  
endam curavit dedicavitque.

17. Dum haec ad Beneventum geruntur, Hannibal, depopu-  
latus agrum Neapolitanum, ad Nolam castra movet. Quem  
Marcellus obviam it Hannibali. ubi adventare consul sensit, Pomponio propraetore cum eo  
exercitu, qui super Suessulam in castris erat, accito, ire  
obviam hosti parat, nec moram dimicandi facere. C. Clau-  
dium Neronem cum robore equitum silentio noctis per  
aversam maxime ab hoste portam emittit: circumvectum-  
que occulte subsequi sensim agmen hostium iubet, et, quum  
coortum proelium videret, ab tergo se obiiicere. Id errore

9 *Non aliter, quam stantes*] Etiam in coena. Nam vulgo omnes stantes prandebant. cf. Lips. de Mil. Rom. xvi. et xviii. Duk.

1 *In propatulo aedium*] Id est, ut recte explicat Douiatius, intra aedes quidem, sed loco aperto, nudoque sub aetheris axe. At *in publico* est extra aedes, in ipsa via publica. Itaque, quum Gracchus non permisisset militibus epulari, nisi ea lege ut in publico vescerentur, Beneventani ante fores quisque protulisse sua omnia dicuntur. CREV.

2 *Ita permisit, in publico*] Saepe vocabulum *ut* post verba permittendi

omittitur. cf. infr. xxxiii. 45. DRAK.

3 *Pileati*] Pileus erat libertatis receptae signum. Hinc infr. 32. "Servi ad pileum vocati." cf. Sueton. Ner. 57.

4 *Lana alba*] Qua tanquam insigni futurae libertatis utebantur.

5 *Faciendam curavit*] Quam censor aut potius aedilis curulis exegerat. cf. supr. x. 33.

6 *Pomponio propraetore*] Assignatio itaque provinciarum in initio anni facta iam mutata, ac praefectura castrorum super Suessulam Pomponio data esse videtur. cf. supr. 10. DRAK.



viarum, an exiguitate temporis, Nero exsequi non potuerit, U. C. 538.  
 incertum est. Absente eo quum proelium commissum A. C. 214.  
 esset, superior quidem haud dubie Romanus erat; sed, Romani  
 quia equites non affuere in tempore, ratio compositae rei  
 turbata est. Non ausus insequi cedentes Marcellus, vin-  
 centibus suis signum receptui dedit. Plus tamen duo  
 millia hostium eo die caesa traduntur: Romani minus  
 quadringentis. Solis fere occasu Nero, diem noctemque  
 nequicquam fatigatis equis hominibusque, ne viso quidem  
 7 hoste rediens, adeo graviter est ab consule increpitus, ut  
 per eum stetisse diceret, quo minus accepta ad Cannas  
 redderetur hosti clades. Postero die Romanus in aciem  
 descendit: Poenus, tacita etiam confessione victus, castris  
 se tenuit. Tertio die silentio noctis, omissa spe Nolae po-  
 tiundae, rei nunquam prospere tentatae, Tarentum ad cer-  
 tiorem spem prodicionis profisciscitur.

Nec minore animo res Romana domi, quam militiae, 18.  
 8 gerebatur. Censores, vacui ab operum locandorum cura, Censura  
 propter inopiam aerarii, ad mores hominum regendos Romae se-  
 9 animum adverterunt, castigandaque vitia, quae, velut diu- vere exer-  
 10 cinis morbis aegra corpora ex se gignunt, nata bello erant. cita.  
 Primum eos citaverunt, qui post Cannensem pugnam rem-  
 1 publicam deseruisse, Italiaque excessisse velle dicebantur.  
 Princeps eorum L. Caecilius Metellus quaestor tum forte  
 erat. Iusso deinde eo ceterisque eiusdem noxae reis cau-  
 sam dicere, quum purgari nequissent, pronuntiarunt, verba  
 orationemque eos adversus rempublicam habuisse, quo  
 coniuratio deserendae Italiae causa fieret. Secundum eos  
 2 citati nimis callidi exsolvendi iurisiurandi interpretes; qui  
 captivorum, ex itinere regressi clam in castra Hannibalis,  
 solutum, quod iuraverant redituros, rebantur. His supe-  
 3 rioribusque illis equi adempti, qui publicum equum habe-  
 4 bant: tribuque moti, aerarii omnes facti. Neque senatu  
 modo aut equestri ordine regendo cura se censorum tenuit.  
 5 Nomina omnium ex iuniorum tabulis excerpserunt, qui

7 *Ut per eum stetisse diceret]* Eum in mora, in culpa fuisse. cf. supr. ii. 31.

8 *Operum locandorum]* Aedificio- rum publice exstruendorum et re- demptoribus locandorum. STROTH.

9 *Ex se gignunt]* sc. Vitia, quae vox ex priori membro orationis repe- tenda est. DRAK.

1 *Deseruisse, Italiaque excessisse velle dicebantur]* cf. Muretus iii. p. 349. Hoc loquendi genere, *fecisse velle*, Romani significabant "volunta- tem, quae foras erupisset, seque iam

actione aliqua prodidisset." cf. infr. xxxix. 15.

2 *Interpretes]* cf. Supr. xxii. 18.

3 *Equi adempti]* De ademptione equi publici cf. Niebhr. i. n. 1015.

4 *Tribuque moti]* Non modo tri- bum mutare iussi, sed ex omnibus tribubus emoti, atque inter aerarios relati. cf. infr. xlv. 15.

5 *Ex iuniorum tabulis]* Iuniores omnes, qui annos septendecim usque ad quadraginta quinque haberent. cf. supr. i. 43.

U. C. 538. quadriennio non militassent, quibus neque vacatio iusta  
 A. C. 214. militiae, neque morbus causa fuisset. Et ea supra duo  
 millia nominum in aerarios relata, tribuque omnes moti.  
 Additumque inerti censoriae notae triste senatusconsul- 6  
 tum: ut ii omnes, quos censores notassent, pedibus mere-  
 rent, mitterenturque in Siciliam ad Cannensis exercitus  
 reliquias, cui militum generi non prius, quam pulsus Italia  
 hostis esset, finitum stipendiorum tempus erat.

Liberalitas  
 privatorum  
 erga Remp.

Quum censores, ob inopiam aerarii, se iam locationibus  
 abstinerent aedium sacrarum tuendarum, curuliumque;  
 equorum praebendorum, ac similium his rerum; convenere  
 ad eos frequentes, qui hastae huius generis assueverant: 5  
 hortatique censores, 'ut omnia perinde agerent, locarent,  
 'ac si pecunia in aerario esset. Neminem, nisi bello con-  
 'fecto, pecuniam ab aerario petiturum esse.' Convenere  
 deinde domini eorum, quos Ti. Sempronius ad Beneventum  
 manu emiserat: arcessitosque se ab triumviris mensariis 9  
 esse dixerunt, ut pretia servorum acciperent: ceterum non  
 ante, quam bello confecto, accepturos esse. Quum haec  
 inclinatio animorum plebis ad sustinendam inopiam aerarii  
 fieret; pecuniae quoque pupillares primo, deinde viduarum,  
 coeptae conferri: nusquam eas tutius sanctiusque deponere  
 credentibus, qui deferebant, quam in publica fide. Inde,  
 si quid emptum paratumque pupillis ac viduis foret, a quae- 1  
 store perscribebatur. Manavit ea privatorum benignitas ex  
 urbe etiam in castra, ut non eques, non centurio stipendium  
 acciperent, mercenariumque increpantes vocarent, qui ac-  
 cepisset.

19. Q. Fabius consul ad Casilinum castra habebat, quod

6 *Inerti censoriae notae*] h. e. Quod  
 alioquin hoc tempore iners esset,  
 quum aerarii in legionibus non mili-  
 tarent.

7 *Curuliumque equorum*] "Curules  
 equi quadrigales," inquit Festus, id est,  
 ex interpretatione Dukeri, qui glos-  
 sariis veteribus, et codice tam Theo-  
 dosiano quam Iustiniano nititur, ad  
 vehendas quadrigas in ludis Circensi-  
 bus publico sumptu praebiti. Hi  
 ab redemptoribus pretio, locantibus  
 censoribus, ex aerario accepto prae-  
 bebantur. STROTH.

8 *Hastae huius generis*] Hastae  
 subiiciebantur, id est, hasta posita ve-  
 nibant, quaecunque publice venun-  
 dabant Romani; more inde deducto,  
 quod primis temporibus ea tantum  
 publice venibant, quae bello capta  
 fuerant. Ad hastam quoque fiebant  
 locationes publicorum operum. Ita-

que qui hastae huius generis assueve-  
 rant ii sunt, qui similibus rebus con-  
 ducendis assueverant. CREV.

9 *Triumviris mensariis*] Vid. supr.  
 xxiii. 21.

1 *Si quid emptum*] Si quid a tuto-  
 ribus in usum viduarum vel pupillo-  
 rum emptum esset, creditoribus scri-  
 ptura dabatur, qua ad quaestorem  
 remissa, aut pretium rei venditae, aut  
 scripturam publica fide munitam ac-  
 cipiebant. Hoc primum apud Ro-  
 manos exemplum est eius ad sustinen-  
 dam aerarii inopiam inventae rationis,  
 quae apud hodiernos pervulgata est,  
 Anglice, *a paper currency*. cf. supr.  
 vii. 21. Quoniam consilio publico  
*mensas* in foro positae sunt, Anglice,  
*a bank of deposits*, et quinqueviri  
 mensarii publica fide nomina tarda  
 dissolvebant. De voce *viduis*, cf.  
 supr. i. 43.

duum millium Campanorum, et septingentorum militum U. C. 538.  
Hannibalis tenebatur praesidio. Praeerat Statius Metius, A. C. 214.  
<sup>2</sup> missus ab Cn. Magio Atellano: qui eo anno Medixtuticus Fabius Casilinum ob-  
erat, servitiaque et plebem promiscue armabat, ut castra sidet.  
Romana invaderet, intento consule ad Casilinum op-  
pugnandum. Nihil eorum Fabium fefellit. Itaque Nola  
<sup>3</sup> ad collegam mittit, 'altero exercitu, dum Casilinum op-  
'pugnatur, opus esse, qui Campanis opponatur. Vel ipse,  
' relicto Nolae praesidio modico, veniret: vel, si eum Nola  
' teneret, et necdum securae res ab Hannibale essent, se  
' Ti. Gracchum proconsulem a Benevento accitutum.' Hoc Marcellus  
nuntio Marcellus, duobus militum millibus Nolae in prae- eodem cum  
sidio relictis, cum cetero exercitu Casilinum venit, adven- exercitu  
tuque eius Campani, iam moventes sese, quieverunt. Ita venit.  
a duobus consulibus Casilinum oppugnari coeptum. Ubi  
quum multa, succedentes temere moenibus, Romani milites  
acciperent vulnera, neque satis inceptis succederet; Fabius,  
<sup>4</sup> omittendam rem parvam ac iuxta magnis difficilem, absce-  
dendumque inde censebat, quum res maiores instarent.  
Marcellus, 'multa magnis ducibus sicut non aggredienda,  
<sup>5</sup> 'ita semel aggressis non dimittenda esse,' dicendo, 'quia  
' magna famae momenta in utramque partem fierent,' tenuit,  
ne irritum incepto abiretur. Vineae inde omniaque alia  
operum machinationumque genera quum admoverentur,  
Campanique Fabium orarent, ut abire Capuam tuto liceret;  
paucis egressis, Marcellus portam, qua egrediebantur, occu-  
pavit, caedesque promiscue omnium circa portam primo,  
deinde, irruptione facta, etiam in urbe fieri coepta est.  
Quinquaginta fere primo egressi Campanorum, quum  
ad Fabium confugissent, praesidio eius Capuam per-  
venerunt. Casilinum, inter colloquia cunctationemque Casilinum  
petentium fidem, per occasionem captum est. Captivi, captum.  
quique Campanorum, quique Hannibalis militum erant,  
Romam missi, atque ibi in carcere inclusi sunt: oppi-  
danorum turba per finitimos populos in custodiam divisa.

Quibus diebus a Casilino, re bene gesta, recessum est, iis 20.

Gracchus in Lucanis aliquot cohortes, in ea regione con-  
scriptas, cum praefecto sociorum in agros hostium praedatum  
misit. Eos effuse palatos Hanno adortus, haud multo mi- In Lucanis  
norem, quam ad Beneventum acceperat, reddidit hosti accepta  
clades.

<sup>2</sup> *Medixtuticus*] Summus Capuae magistratus. cf. supr. xxiii. 35.

<sup>3</sup> *Ad collegam mittit, altero exercitu . . . . opus esse*] Mittit literas, quibus monebat collegam altero exercitu opus esse. Vid. similem loquendi modum, supr. viii. 23. CREV.

<sup>4</sup> *Iuxta magnis*] Aequae ac magnas. CREV.

<sup>5</sup> *Quia magna famae momenta*] Tam in bonam partem, si res semel suscepta obtineretur, quam in malam si dimitteretur. RASCH.

U. C. 538. cladem, atque in Bruttios raptim, ne Gracchus assequeretur, A. C. 214. concessit. Consules, Marcellus retro, unde venerat, Nolam redit; Fabius in Samnium ad populandos agros recipiendasque armis, quae defecerant, urbes processit. Caudinus Samnis gravius devastatus; perusti late agri, praedae pecudum hominumque actae. Oppida vi capta, Compulteria, Telesia, Compsa, Melae, Fulfulae et Orbitanium. Ex Lucanis Blandae: Apulorum Aecae oppugnatae. Millia<sup>6</sup> hostium in his urbibus viginti quinque capta, aut occisa: et recepti perfugae trecenti septuaginta; quos quum Romam misisset consul, virgis in comitio caesi omnes, ac de saxo deiecti. Haec a Q. Fabio intra paucos dies gesta Marcellum ab gerundis rebus valetudo adversa Nola tenuit. Et a praetore Q. Fabio, cui circa Luceriam provincia erat, Accua oppidum per eos dies vi captum: stativague ad Ardoneas communita.

Fabius  
Samnium  
vastat.

Perfugae  
virgis caesi  
et de saxo  
deiecti.

Ad Tarentum  
castra  
ponit Hannibal.

M. Livius  
Tarentum  
tuetur.

Hannibal  
Salapiam  
se confert.

Dum haec aliis locis ab Romanis geruntur, iam Tarentum pervenerat Hannibal, cum maxima omnium, quacunque ierat, clade. In Tarentino demum agro pacatum incedere agmen coepit. Nihil ibi violatum, neque usquam via excessum est: apparebatque, non id modestia militum aut ducis, nisi ad conciliandos Tarentinorum animos, fieri. Ceterum quum propemodo muris accessisset, nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo ante, quam Hannibal ad moenia accederet, a M. Valerio propraetore, qui classi ad Brundisium praeerat, missus M. Livius, primore iuventute conscripta, dispositisque ad omnes portas circaque muros, qua res postulabat, stationibus, die ac nocte plurimum intentus, neque hostibus, neque dubiis sociis loci quicquam praebuit ad tentandum. Quare diebus aliquot frustra ibi absumptis, Hannibal, quum eorum nemo, qui ad lacum Averni adissent, aut ipsi venirent, aut nuntium literasve mitterent, vana promissa se temere secutum cernens, castra inde movit. Tum quoque, intacto agro Tarentino, quanquam simulata lenitas nihildum profuerat, tamen spe labefactandae fidei haud absistens, Salapiam ut venit, frumentum ex agris Metapontino atque Heracleensi (iam

6 *Aecae oppugnatae*] *Expugnatae* ex emend. Gronov. recepit Bekker.

7 *De saxo deiecti*] sc. Tarpeio. Illa pars Capitolini montis, de qua damnati deiciebantur, simpliciter vocabatur *saxum*. STROTH.

8 *Nisi ad conciliandos*] Particulam *nisi* pro *sed* apud Plautum, Terentium, et Ciceronem usurpatam esse monet Gronov. cf. Cic. ad Att. v.

14. Caes. de B. Gall. v. 13.

9 *Muris accessisset*] *Successisset* ex emend. Gronov. reposuit Bekker.

1 *M. Livius*] Hoc nomen ex Sigonii coniectura addidit Gronov. Et quidem sic vocatur hic Tarenti praefectus, infr. xxvi. 39. xxvii. 25. Polybius viii. 27. in praenomine dissentientemque appellat *C. Livium*. CAR.

media aestas exacta erat, et hibernis placebat locus) com- U. C. 538.  
portat. Praedatum inde Numidae Maurique per Sallenti- A. C. 214.  
num agrum proximosque Apuliae saltus dimissi: unde ce-  
terae praedae haud multum, equorum greges maxime  
abacti; e quibus ad quattuor millia domanda equitibus  
divisa.

Romani, quum bellum nequaquam contemnendum in 21.  
Sicilia oriretur, morsque tyranni duces magis impigros de- Rerum sta-  
2 disset Syracusanis, quam causam aut animos mutasset, M. tus in Sici-  
Marcello alteri consulum eam provinciam decernunt. Se- lia.  
cundum Hieronymi caedem primo tumultuatum in Leon-  
3 tinis apud milites fuerat, vociferatumque ferociter, paren-  
tandum regi sanguine coniuratorum esse. Deinde libertatis  
4 restitutae dulce auditu nomen crebro usurpatum, spes facta  
5 ex pecunia regia largitionis, militiaeque fungendae potiori-  
bus ducibus, et relata tyranni foeda scelera foedioresque  
libidines, adeo mutavere animos, ut insepultum iacere cor-  
pus paullo ante desiderati regis paterentur. Quum ceteri  
6 ex coniuratis ad exercitum obtinendum remansissent, Theo-  
dotus et Sosis regiis equis, quanto maximo cursu poterant,  
ut ignaros omnium regiones opprimerent, Syracusas conten-  
dunt. Ceterum praevenerat non fama solum, (qua nihil in  
talibus rebus est celerius) sed nuntius etiam ex regiis servis.  
7 Itaque Andranodorus et Insulam, et arcem, et alia, quae Andrano-  
8 poterat, quaeque opportuna erant, praesidiis firmarat. Hex- dorus ar-  
apylo Theodotus ac Sosis post solis occasum iam obscura cem Syra-  
luce invecti, quum cruentam regiam vestem atque insigne cusis occu-  
capitis ostentarent, travecti per Tychem, simul ad liberta- pat.  
tem, simul ad arma vocantes, in Achradinam convenire  
iubent. Multitudo pars procurrit in vias, pars in vestibulis

2 *Causam*] Similiter Cicero hac voce utitur ad designandas partes Caesarianas aut Pompeianas. cf. Or. pro Marc. 2. et 31.

3 *Parentandum*] Expiandam regis mortem, Manes regis placandos. CREV.

4 *Dulce auditu nomen*] Olim auditum. Mutavit merito Gronovius: et hanc eius coniecturam firmat margo Victor. codicis. CREV.

5 *Militiaeque fungendae potioribus ducibus*] Militandi sub potioribus ducibus, quam erant illi tyranni assentatores, quibus imperia Hieronymus demandabat. Gronovius recte emendavit *militiaeque*, pro *militi atque*. At quod idem iussit legi *potioris*, in eo illi assentiri non potuimus. CREV.

6 *Ad exercitum obtinendum*] Ut ex-

ercitum in potestate haberent. CREV.

7 *Insulam*] sc. Ortygiam, quae hodie urbs est Syracusae. De quattuor Syracusarum regionibus, Insula, Achradina, Tycha, Neapoli, cf. Cic. in Verr. iv. 52, et 53. Arcem autem potio-rem Insulae partem fuisse monet Drak. Nomina quidem regionum urbis minime cum iis quae ap. Thucyd. vi. et vii. exstant, conveniunt. In Thucyd. vi. 98. Sycae nomen est regioni, quae, haud scio, an Tychae congruat. Fieri tamen potest ut Hieronis tempore multa adiecta mutataque fuissent. GLAREAN.

8 *Hexapylo*] Hexapylum portam fuisse istius partis Syracusarum, quae Tycha dicebatur, docet Cluver. Sicil. Ant. i. 12. cf. infr. xxv. 24. Strothio pars quaedam urbis portae proxima eodem nomine appellata fuisse videtur.

U. C. 538. stat, pars ex tectis fenestrisque prospectant, et, quid rei sit, A. C. 214. rogitant. Omnia luminibus collucent, strepituque vario complentur. Armati locis patentibus congregantur: inermes ex Olympii Iovis templo spolia Gallorum Illyriorumque, dono data Hieroni a populo Romano, fixaque ab eo, detrahunt, precantes Iovem, ut volens propitius praebeat sacra arma, pro patria, pro deum delubris, pro libertate sese armantibus. Haec quoque multitudo, stationibus per principes regionum urbis dispositis, adiungitur. In Insula inter cetera Andranodorus praesidiis firmat horrea publica. Locus, saxo quadrato saeptus, atque arcis in modum emunitus, capitur ab iuventute, quae praesidio eius loci attributa erat, mittuntque nuntios in Achradinam, horrea frumentumque in senatus potestate esse.

22. Luce prima populus omnis armatus inermisque in Achradinam ad curiam convenit. Ibi pro Concordiae ara, quae in eo sita loco erat, ex principibus unus nomine Polyaenus concionem et liberam et moderatam habuit: ‘Servitudinis  
Polyaeni oratio libera et moderata.  
‘indignitatisque homines expertos, adversus notum malum  
‘irritatos esse. Discordia civilis quas importet clades, an-  
‘disse magis a patribus Syracusanos, quam ipsos vidisse.  
‘Arma quod impigre ceperint, laudare: magis laudaturum,  
‘si non utantur, nisi ultima necessitate coacti. In praesentia  
‘legatos ad Andranodorum mitti placere, qui denuntient,  
‘ut in potestate senatus ac populi sit: portas Insulae pate-  
‘faciat, reddat praesidium. Si tutelam alieni regni suum  
‘regnum velit facere, eundem se censere, multo acrius ab  
‘Andranodoro, quam ab Hieronymo, repeti libertatem.  
Legati mittuntur ad Andranodorum.  
Ab hac concione legati missi sunt. Senatus inde haberi coeptus est: quod sicut, regnante Hierone, manserat publicum consilium, ita post mortem eius, ante eam diem, nulla de re neque convocati, neque consulti fuerant. Ut ventum ad Andranodorum est, ipsum quidem movebat et civium consensus, et quum aliae occupatae urbis partes, tum pars Insulae munitissima velut prodita atque alienata. Sed evocatum eum ab legatis Damarata uxor, filia Hieronis, inflata adhuc regiis animis ac muliebri spiritu, admonet

7 *Per principes regionum*] Per primarias urbis regiones. STROTH.

8 *Servitudinis*] Vocabulum *servitudo* in hoc solo Livii loco invenitur, nisi quod infr. xxxix. 37. in cod. Laud. recurrit. Ceterum ap. Festum, *Eritudo aut servitudo* notatur. *Expertus* cum genitivo ex Virg. et Tacit. etiam lexica habent.

9 *Reddat praesidium*] Ita pro vulg. *recedat praesidium* emendavit Gronov.

nov. *Praesidium* autem hic intelligit Crevier. locum ipsum praesidio firmatum; Strothius vero ita vertit, *reddat* civitate iuventutem, seu eos milites, qui *praesidio* Insulae attributi sunt.

1 *Munitissima velut prodita*] Vulg. *velut munitissima*, pro quo *vel munitissima* coniecit Gronov., quem Stroth. et Bekker. secuti sunt.



<sup>2</sup> saepe usurpatae Dionysii tyranni vocis: qua, 'pedibus tra- U. C. 538.  
 'ctum, non insidentem equo, relinquere tyrannidem,' dixerit, A. C. 214.  
 'debere. Facile esse momento, quo quis velit, cedere pos-  
 'sessione magnae fortunae: facere et parare eam difficile  
 'atque arduum esse. Paullum sumeret spatii ad consul-  
 'tandum ab legatis. Eo uteretur ad arcessendos ex Leon-  
 'tinis milites: quibus si pecuniam regiam pollicitus esset,  
 'omnia in potestate eius futura.' Haec muliebria consilia  
 Andranodorus neque tota aspernatus est, neque extemplo  
 accepit: tutiorem ad opes affectandas ratus esse viam, si in  
 praesentia tempori cessisset. Itaque legatos renuntiare  
 iussit, futurum se in senatus ac populi potestate. Postero  
 die luce prima, patefactis Insulae portis, in forum Achradi-  
 nae venit. Ibi in aram Concordiae, ex qua pridie Polyae-  
 nus concionatus erat, escendit: orationemque eam orsus  
 est, qua primum cunctationis suae veniam petivit. 'Se  
 'enim clausas habuisse portas, non separantem suas res a  
 'publicis, sed strictis semel gladiis timentem, qui finis cae-  
 'dibus esset futurus: utrum, quod satis libertati foret, con-  
 'tenti nece tyranni essent, an, quicunque aut propinquitate,  
 'aut affinitate, aut aliquibus ministeriis regiam contigissent,  
<sup>3</sup> 'alienae culpa rei trucidarentur. Postquam animadvertit,  
 'eos, qui liberassent patriam, servare etiam liberatam velle,  
<sup>4</sup> 'atque undique consuli in medium; non dubitasse, quin et  
<sup>5</sup> 'corpus suum, et cetera omnia, quae suae fidei tutelaeque  
 'essent, quoniam eum, qui mandasset, suus furor absum-  
 'psisset, patriae restitueret.' Conversus deinde ad interfe-  
 ctore tyranni, ac nomine appellans Theodotum ac Sosim:  
 'Facinus,' inquit, 'memorabile fecistis. Sed, mihi credite,  
 'inchoata vestra gloria, nondum perfecta, est; periculum-  
<sup>6</sup> 'que ingens manet, nisi paci et concordiae consulitis, ne  
 'libera efferatur respublica.'

Oratio eius  
ad Syracu-  
sanos.

Post hanc orationem claves portarum pecuniaeque regiae 23.

<sup>2</sup> *Pedibus tractum*] cf. Diod. Sic. xiv. 8. qui Philistum huius vocis auctorem tradit.

<sup>3</sup> *Postquam animadvertit*] *Animadvertit*, quod orationis sententia, utpote obliqua, postulat, ex emendatione Gronov. reposuerunt Stroth. et Bekker.

<sup>4</sup> *Undique consuli in medium*] Neminem sibi proprias opes quaerere, sed undique conspirari in communem salutem. CREV.

<sup>5</sup> *Quae suae fidei tutelaeque essent*] Quae ad suam fidem tutelamque pertinerent, quae suae fidei tutela commissa essent. CREV.

<sup>6</sup> *Ne libera efferatur respublica*]

Exponit Sigonius: ne libera intereat respublica; ne id unum ex morte tyranni fructus capiat, ut libera intereat. Interpretationem suam firmat consimili exemplo infr. xxviii. 28. *Moo unius funere elata esset respublica*. Aliter intelligit Gronovius, nempe, ne respublica libertati recens partae moderari nequeat, et eam in lasciviam vertat. Nobis potior videtur Sigonii interpretatio. CREV. Equidem contra Crevierii et Strothii opinionem cum Gronovius Duker. Drakenb. et Douiat. censeo hunc locum ita vertendum esse "ne respublica insolentius se efferat."



U. C. 538. ante pedes eorum posuit. Atque illo quidem die dimissi  
 A. C. 214. ex concione laeti, circa omnia fana deum supplicaverunt  
 Praetores cum coniugibus ac liberis: postero die comitia praetoribus  
 Syracusis creandis habita. Creatus in primis Andranodorus; ceteri  
 creantur. magna ex parte interfectores tyranni: duos etiam abeentes,  
 Sopatrum ac Dinomenem, fecerunt. Qui, auditis, quae  
 Syracusis acta erant, pecuniam regiam, quae in Leontinis  
 erat, Syracusas devectam, quaestoribus ad id ipsum creatis  
 tradiderunt: et ea, quae in Insula erat et Achradina, tra-  
 dita est; murique ea pars, quae ab cetera urbe nimis firmo  
 munimento intersaepebat Insulam, consensu omnium de-  
 iecta est. Secutae et ceterae res hanc inclinationem ani-  
 morum ad libertatem.

Hippocrates et Epicydes re-  
 dire velle se ad Hannibalem si-  
 mulant.

Hippocrates atque Epicydes, audita morte tyranni, quam  
 Hippocrates, etiam nuntio interfecto, celare voluerat, de-  
 sertum a militibus, quia id tutissimum ex praesentibus vide-  
 batur, Syracusas redire. Ubi ne suspecti obversarentur,  
 tanquam novandi res aliquam occasionem quaerentes, prae-  
 tores primum, dein per eos senatum adeunt. 'Ab Hanni-  
 bale se missos' praedicant 'ad Hieronymum, tanquam  
 'amicum ac socium. Paruisse imperio eius, cuius impe-  
 'rator suus voluerit. Velle ad Hannibalem redire. Cete-  
 'rum, quum iter tutum non sit, vagantibus passim per  
 'totam Siciliam Romanis armis, petere, ut praesidii dent  
 'aliquid, quo Locros in Italiam perducantur. Gratiam  
 'magnam eos parva opera apud Hannibalem inituros.'  
 Facile res impetrata: abire enim duces regios, quum peri-  
 tos militiae, tum egentes eosdem atque audaces, cupiebant:  
 sed, quod volebant, non, quam maturato opus erat, naviter,  
 expediebant. Interim iuvenes militares et assueti militibus,  
 nunc apud eos ipsos, nunc apud transfugas, quorum maxima  
 pars ex navalibus sociis Romanorum erat, nunc etiam apud  
 infimae plebis homines, crimina serebant in senatum opti-  
 matesque: 'id moliri clam eos atque struere, ut Syracusae  
 'per speciem reconciliatae societatis in ditione Romanorum  
 'sint; dein factio et pauci auctores foederis renovati domi-  
 'nentur.'

24. His audiendis credendisque opportuna multitudo, maior  
 in dies, Syracusas confluebat: nec Epicydi solum spem

7 *Et ea, quae in Insula erat et Achradina, tradita est*] Campanus, Andreas, duo mss. a Gronovio memorati, et omnes nostri, carent particula *et*: plerique autem ex his mss. habent *Achradinam*: quidam etiam *translata est*. Atque hoc modo legendum videtur: *Et ea* (pecunia) *quae in Insula erat, Achradinam*

*translata est*. CREV. Crevierium sequitur Bekker.

8 *Id*] Nempe, ut Syracusas redirent. CREV.

9 *Naviter*] Supplenda est ex sensu particula *tam*, quae respondeat praecedenti *quam*. Non tam naviter, quam maturato opus erat. CREV.

novandarum rerum, sed Andranodoro etiam, praebebat. U. C. 538.  
 Qui, fessus tandem uxoris vocibus, monentis, 'Nunc illud A. C. 214.  
 'esse tempus occupandi res, dum turbata omnia nova Andrano-  
 'atque incondita libertate essent, dum regiis stipendiis dorus ty-  
 'pastus obversaretur miles, dum ab Hannibale missi duces rannidem  
 'assueti militibus iuvare possent incepta,' cum Themisto, affectat.  
 cui Gelonis filia nupta, rem consociatam paucos post dies  
 Aristoni cuidam tragico actori, cui et alia arcana commit-  
 tere assuerat, incaute aperit. Huic et genus et fortuna  
 honesta erant; nec ars, quia nihil tale apud Graecos pudori  
 est, ea deformabat. Itaque, fidem potiore ratur, quam  
 patriae debebat, indicium ad praetores defert. Qui, ubi Occiditur  
 rem haud vanam esse certis indiciis compererunt, consultis cum The-  
 senioribus, et auctoritate eorum praesidio ad fores posito, misto.  
 ingressos curiam Themistum atque Andranodorum interfe-  
 cerunt: et, quum tumultus ab re in speciem atrocior,  
 causam aliis ignorantibus, ortus esset, silentio tandem facto,  
 indicem in curiam introduxerunt. Qui quum ordine  
 omnia edocuisset, et principium coniurationis factum ab  
 Harmoniae Gelonis filiae nuptiis, quibus Themisto iuncta  
 esset; Afrorum Hispanorumque auxiliares instructos ad  
 caedem praetorum principumque aliorum; bonaque eorum  
 praedae futura interfectores pronuntiatum; iam merce-  
 nariorum manum assuetam imperiis Andranodori paratam  
 fuisse ad Insulam rursus occupandam; singula deinde, quae  
 per quosque agerentur, totamque viris armisque instructam  
 coniurationem ante oculos posuisset; senatui quidem tam  
 iure caesi, quam Hieronymus, videbantur. Ante curiam  
 variae atque incertae rerum multitudinis clamor erat: quam,  
 1 ferociter minitantem in vestibulo curiae, corpora coniurato-  
 2 rum eo metu compresserunt, ut silentes integram plebem  
 in concionem sequerentur. Sopatro mandatum ab senatu  
 3 et ab collegis, ut verba faceret. Is, tanquam reos ageret, 25.  
 ab anteacta vita orsus, quaecunque post Hieronis mortem  
 sceleste atque impie facta essent, Andranodorum ac The-  
 4 mistum arguit fecisse. 'Quid enim sua sponte fecisse Hie- Sopatri  
 'ronymum puerum, ac vixdum pubescentem facere potu- praetoris  
 'isse? Tutores ac magistros eius sub aliena invidia regnasse. oratio in  
 'Itaque aut ante Hieronymum, aut certe cum Hieronymo tyrannos.  
 'perire eos debuisse. At illos, debitos iam morti destina-

1 *Corpora coniuratorum*] sc. Pro-  
 iecta et exposita. GRONOV.

2 *Integram plebem*] Reliquam, non-  
 dum animi motu corruptam, nihil-  
 dum constitutum habentem, sed quae  
 rem integram in concione audire,  
 atque tum de ea constituere vellet.  
 STROTH.

3 *Tanquam reos ageret*] h. e. Ac-  
 cusaret. Sic supr. iv. 42. *reum per-*  
*agere* est, accusatione efficere ut dam-  
 natur. RASCH.

4 *Sua sponte fecisse*] Vocem *fe-*  
*cisse*, probante Gronov. delevit Bek-  
 ker.

U. C. 538. 'tosque, alia nova scelera post mortem tyranni molitos:  
 A. C. 214. 'palam primo, quum clausis Andranodorus Insulae portis  
 'hereditatem regni creverit, quaeque procurator tenuerat, 5  
 'pro domino possederit; proditus deinde ab iis, qui in 6  
 'Insula erant, circumsessus ab universa civitate, quae  
 'Achradinam tenuerit, nequicquam palam atque aperte  
 'petitum regnum, clam et dolo affectare conatus sit, et ne  
 'beneficio quidem atque honore potuerit vinci, quum inter 7  
 'liberatores patriae insidiator ipse libertatis creatus esset  
 'praetor. Sed animos iis regios regias coniuges fecisse, 8  
 'alteri Hieronis, alteri Gelonis, filias nuptas.' Sub hanc  
 vocem ex omnibus partibus concionis clamor oritur, nullam  
 earum vivere debere, nec quemquam superesse tyrannorum  
 stirpis. Haec natura multitudinis est; aut servit humiliter,  
 aut superbe dominatur: libertatem, quae media est, nec  
 spernere modice, nec habere sciunt: et non ferme desunt  
 irarum indulgentes ministri, qui avidos atque intemperantes  
 plebeiorum animos ad sanguinem et caedes irritent. Sicut  
 tum extemplo praetores rogationem promulgarunt: accep-  
 taque paene prius, quam promulgata, est, ut omnis regia  
 stirps interficeretur: missique a praetoribus Damaratam  
 Hieronis, et Harmoniam Gelonis filias, coniuges Andrano-  
 dori et Themisti, interfecerunt.

Stirps regia  
interficitur.

26. Heraclea erat filia Hieronis, uxor Zoippi; qui, legatus  
 ab Hieronymo ad regem Ptolemaeum missus, voluntarium  
 consciverat exsilium. Ea quum ad se quoque veniri prae-  
 scisset, in sacrarium ad penates confugit, cum duabus filia-  
 bus virginibus, resolutis crinibus, miserabilique alio habitu:  
 et ad ea addidit preces, nunc per memoriam Hieronis pa-  
 tris, Gelonisque fratris; 'ne se innoxiam invidia Hieronymi  
 'conflagrare sinerent. Nihil se ex regno illius, praeter ex-

Preces He-  
racleae  
Hier. Fil.

5 *Hereditatem regni creverit*] *Hereditatem cernere* est proprie delib-  
 rare, utrum eam velimus adire necne,  
 unde *cretio* dicitur spatium tempo-  
 ris, quod ad id deliberandum datur  
 heredi a testatore; deinde, quod hanc  
 deliberationem fere sequitur, illam  
 adire. cf. Ernest. Clav. Cicer. Peri-  
 zon. ad Sanctii Minerv. 780—795.  
 RUP.

6 *Pro domino*] Tanquam dominus.  
 CREV.

7 *Vinci*] Flecti ad respectum li-  
 bertatis amoremque patriae, et deter-  
 reri a tyrannicis consiliis. CREV.

8 *Animos iis regios*] Animos re-  
 gnandi avidos. CREV.

9 *Libertatem . . . spernere modice*] *Libertatem* is modice spernit, qui ita  
 se subiectum esse patitur alterius im-

perio, ut tamen non descendat ad hu-  
 mile ac deforme obsequium. CREV.

1 *Intemperantes plebeiorum ani-  
 mos*] Vox *plebeiorum* est ab ingenio  
 emendatorum. Scripti hic omnes cor-  
 rupti; sed ita ut a sese invicem non  
 multum discedant: *publiciorum*, vel  
*plubiciorum*, vel aliud quid simile  
 praeferunt. Solus Victor. codex id  
 habet quod sanum videri possit, *in-  
 temperantes suppliciorum*: qui semel  
 accensi ad saevitiam, nullum suppli-  
 ciis modum facere sciunt. CREV.

2 *Veniri praescisset*] Ita pro vulg.  
*venire* emendavit Gronov.

3 *Nunc per memoriam*] *Nunc*. h.e.  
 primo, sibi ut parceretur, rogabat, tum,  
 omissis pro se precibus, puellis ut  
 saltem parcerent, orare institit. STR.

'silium viri, habere: neque fortunam suam eandem vivo U. C. 538.  
 'Hieronymo fuisse, quam sororis; neque interfecto eo A. C. 214.  
 'causam eandem esse. Quid? quod, si Andranodoro con-  
 'silia processissent, illa cum viro fuerit regnatura; sibi cum  
 'ceteris serviendum. Si quis Zoippo nuntiet, interfectum  
 'Hieronymum, ac liberatas Syracusas, cui dubium esse,  
 'quin extemplo consensurus sit navim, atque in patriam  
 4 'rediturus? Quantum spes hominum falli! In liberata  
 'patria coniugem eius ac liberos de vita dimicare; quid  
 'obstantes libertati, aut legibus? Quod ab se cuiquam  
 'periculum, a sola ac prope vidua, et puellis in orbitate de-  
 5 'gentibus, esse? At enim periculi quidem nihil ab se  
 'timeri: invisam tamen regiam stirpem esse. Ablegarent  
 'ergo procul ab Syracusis Siciliaque, et asportari Alexan-  
 'driam iuberent, ad virum uxorem, ad patrem filias.' Aver-  
 6 sis auribus animisque, casse ne tempus tereretur, ferrum  
 quosdam expedientes cernebat. Tum, omissis pro se pre-  
 cibus, 'puellis ut saltem parcerent,' orare institit: 'a qua  
 'aetate etiam hostes iratos abstinere; ne, tyrannos ulcis-  
 'cendo, quae odissent, scelera ipsi imitarentur.' Inter  
 haec abstractam a penetralibus iugulant: in virgines deinde,  
 respersas matris cruore, impetum faciunt. Quae, alienata  
 mente simul luctu metuque, velut captae furore, eo cursu  
 se ex sacrario proripuerunt, ut, si effugium patuisset in  
 7 publicum, impleturae urbem tumultu fuerint. Tum quoque  
 haud magno aedium spatio, inter medios tot armatos, ali-  
 quoties integro corpore evaserunt: tenentibusque, quum  
 tot ac tam validae eluctandae manus essent, sese eripu-  
 erunt: tandem, vulneribus confectae, quum omnia reple-  
 sent sanguine, exanimes corruerunt; caedemque per se  
 miserabilem miserabiliorem casus fecit, quod paullo post  
 nuntius venit, mutatis repente ad misericordiam animis, ne

4 *Spes hominum falli*] Ita pro vulg. *fallit*, quae in oratione obliqua stare non potest, coniecit Gronov.

5 *At enim*] cf. Supr. xxii. 60. Hae particulae eleganter inserviunt objectionibus, quas nobis ipsi facientes deinde refellimus. STROTH.

6 *Casse ne tempus tereretur*] Adverbium *casse* alibi non occurrere animadvertit Drakenb. cf. Ruhnken. Opusc. p. 714. "Hoc vocabulum, tanquam probum, affertur ex hoc loco corruptissimo, qui Gronovii et aliorum interpretum ingenia vehementer torsit. Repone quod sententiae vis postulat, *quasi tempus tereretur*. *Quasi* ubi semel in *casse* abiisset, reliqua interpolata sunt, ut qualiscun-

que sensus efficeretur. Et *quasi* tam facile in *casse* mutatum est, quam infr. xxv. 3. *quassae naves* in *cassae naves*, praesertim si corruptela orta est tum, cum adhuc in Livio *quase* pro *quasi* legebatur. Hanc enim orthographiam Livio propriam fuisse testis est Quintilianus i. 7. p. 49. *Quassei* pro *quasi* saepe in lapidibus antiquis legi, docet Mazochius de Campan. Amphith. p. 153. Certe *casse*, unde male pedem intulit, abeat."

7 *Tum quoque*] Quamvis effugere non potuerint in publicum, et haud magno aedium spatio inclusae remanserint. CREV.

U. C. 538. interficerentur. Ira deinde ex misericordia orta, quod adeo  
A. C. 214. festinatum ad supplicium, neque locus poenitendi, aut regressus ab ira relictus esset. Itaque fremere multitudo, et in locum Andranodori ac Themisti (nam ambo praetores fuerant) comitia poscere: quae nequaquam ex sententia praetorum futura essent.

27. Statutus est comitiis dies: quo, necopinantibus omnibus, unus ex ultima turba Epicydem nominavit, tum inde alius Hippocratem. Crebriores deinde eae voces, et cum haud dubio assensu multitudinis esse. Et erat confusa concio, non populari modo, sed militari quoque turba, magna ex parte etiam perfugis, qui omnia novare cupiebant, permixtis. Praetores dissimulare primo, et trahenda re esse: postremo victi consensu, et seditionem metuentes, pronuntiant eos praetores. Nec illi primo statim creati nudare, quid vellent: quanquam aegre ferebant, et de indutiis dierum decem legatos isse ad Ap. Claudium, et, impetratis iis, alios, qui de foedere antiquo renovando agerent, missos. Ad Murgantiam tum classem navium centum Romanus<sup>9</sup> habebat, quoniam evaderent motus ex caedibus tyrannorum orti Syracusis, quove eos ageret nova atque insolita libertas, opperiens. Per eosdem dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus, posse rem convenire ratus, et ipse legatos Syracusas, qui coram cum praetoribus de renovando foedere agerent, misit. Et iam ibi nequaquam eadem quies et tranquillitas erat. Postquam Punicam classem accessisse Pachynum allatum est, dempto timore Hippocrates et Epicydes, nunc apud mercenarios milites, nunc apud transfugas, prodi Romano Syracusas, criminabantur. Ut vero Appius naves ad ostium portus, quo aliae partis hominibus animus accederet, in statione<sup>1</sup> habere coepit, ingens in speciem criminibus vanis accesserat fides: ac primo etiam tumultuose decurrerat multitudo ad prohibendos, si in terram egrederentur.

Epicydes  
et Hippo-  
crates prae-  
tores fiunt.

Legati ad  
Appium  
missi.

Turbae Sy-  
racusis.

28. In hac turbatione rerum in concionem vocari placuit.<sup>2</sup> Ubi quum alii alio tenderent, nec procul seditione res esset,

8 *Trahenda re esse*] In eo esse, id agere, ut extraherent rem. GRONOV. Ceterum *in trahenda re* legendum censet Duker.

9 *Murgantiam*] Alia erat huius nominis urbs in Samnio, cuius mentio fit supr. x. 17. Hoc loco Siciliae oppidum intelligendum esse, per se patet. STROTH.

1 *Aliae partis hominibus*] Iis qui alia sentirent et vellent, quam Hip-

pocrates et Epicydes; h. e. qui partis Romanae essent. *Aliae* antiquae pro genitivo aliis. Ea voce bis usus est Cic. de Div. ii. 30. Sic et *tam nulli consilii* ap. Terent. CÆRV.

2 *Turbatione*] Praeter Livium hac voce neminem antiquiorum usum fuisse monet Drak. licet quaedam exempla ap. recentiores scriptores extent.

Apollonides principum unus orationem salutarem, ut in tali U. C. 538.  
tempore, habuit: 'Nec spem salutis, nec perniciem propi- A. C. 214.  
'orem unquam civitati ulli fuisse. Si enim uno animo Apolloni-  
'omnes vel ad Romanos, vel ad Carthaginienses inclinent, dae saluta-  
3 'nullius civitatis statum fortunatiorem beatioremve fore. ris oratio.  
' Si alii alio trahant res, non inter Poenos Romanosque bel-  
' lum atrocius fore, quam inter ipsos Syracusanos: quum  
' intra eosdem muros pars utraque suos exercitus, sua arma,  
' suos habitura sit duces. Itaque, ut omnes idem sentiant,  
' summa vi agendum esse: utra societas sit utilior, eam  
' longe minorem ac levioris momenti consultationem esse.  
' Sed tamen Hieronis potius, quam Hieronymi, auctoritatem  
' sequendam in sociis legendis, vel quinquaginta annis feli-  
4 'citer expertam amicitiam nunc incognitae, quondam infi-  
5 'deli, praefendam. Esse etiam momenti aliquid ad con-  
' silium, quod Carthaginiensibus ita pax negari possit, ut  
' non utique in praesentia bellum cum iis geratur: cum  
' Romanis extemplo aut pacem, aut bellum habendum.'  
6 Quo minus cupiditatis ac studii visa est oratio habere, eo  
plus auctoritatis habuit. Adiectum est praetoribus ac de-  
lectis senatorum militare etiam consilium: iussi et duces  
ordinum praefectique auxiliorum simul consulere. Quum Pax cum  
saepe acta res esset magnis certaminibus, postremo, quia Rom. de-  
belli cum Romanis gerendi ratio nulla apparebat, pacem cernitur.  
7 fieri placuit, mittique cum iis legatos ad rem confir-  
mandam.

Dies haud ita multi intercesserunt, quum ex Leontinis 29.  
legati, praesidium finibus suis orantes, venerunt; quae Praesidium  
legatio peropportuna visa ad multitudinem inconditam ac mittitur in  
tumultuosam exonerandam, ducesque eius ablegandos. Leontinos.  
Hippocrates praetor ducere eo transfugas iussus: secuti  
multi ex mercenariis auxiliis quattuor millia armatorum  
effecerunt. Et mittentibus et missis ea laeta expeditio  
8 fuit. Nam et illis, quod iam diu cupiebant, novandi res

3 *Beatioremve*] *Ad beatiorem* ex emendatione Salmasii recepit Bekker.

4 *Nunc incognitae, quondam infideli*] Amicitiae Carthaginiensium, *nunc incognitae*, quia nova sit, et diu iam non experta; *quondam infideli*, quia olim, quum ante amicitiam cum Romanis initam Syracusani socios Carthaginienses habuissent, eos infideles senserant. CREV.

5 *Esse etiam momenti aliquid ad consilium*] Ad consilium captandum, in eo quoque aliquid momenti esse, id quoque valere aliquantum debere, quod . . . . CREV.

6 *Quo minus cupiditatis*] Recte exponit Crevier. *cupiditatem* studium partium, quo sensu saepius usurpatam videmus ap. Ciceronem. cf. Or. pro Marc. 9. et pro Caec. 8. At quum ad sequens *studii* perinde intelligendum sit *partium*, in interpretando distinguendae erunt hae voces. STR.

7 *Mittique cum iis*] h. e. Cum Romanis legatis a Marcello missis, de quibus in cap. praecedente mentio facta est. CREV.

8 *Nam et illis*] *Illis* ad proximum missis, *hi* ad remotius mittentibus referendum est. cf. supr. iii. 72. infr. xxx. 30. STROTH.



U. C. 538. occasio data est; et hi, sentinam quandam urbis rati exhaustam, laetabantur. Ceterum levaverunt modo in praesentia velut corpus aegrum, quo mox in graviores morbum recideret. Hippocrates enim finitima provinciae Romanae primo furtivis excursionibus vastare coepit: deinde, quum ad tuendos sociorum agros missum ab Appio praesidium esset, omnibus copiis impetum in oppositam stationem cum caede multorum fecit. Quae quum essent nuntiata Marcello, legatos extemplo Syracusas misit, qui pacis fidem ruptam esse dicerent: nec belli defuturam unquam causam, nisi Hippocrates atque Epicydes non ab Syracusis modo, sed tota procul Sicilia, ablegarentur. Epicydes, ne aut reus criminis absentis fratris praesens esset, aut deesset pro parte sua concitando bello, profectus et ipse in Leontinos, quia satis eos adversus populum Romanum concitatos cernebat, avertere etiam ab Syracusis coepit. 'Nam ita eos  
' pacem pepigisse cum Romanis, ut, quicumque populi sub  
' regibus fuissent, et suae ditionis essent; nec iam libertate  
' contentos esse, nisi etiam regnent ac dominantur. Re-  
' nuntiandum igitur iis esse, Leontinos quoque aequum  
' censere liberos esse; vel quod in solo urbis suae tyrannus  
' ceciderit, vel quod ibi primum conclamatum ad libertatem,  
' relictisque regiis ducibus Syracusas sit concursus. Itaque  
' aut eximendum id de foedere esse, aut legem eam foederis  
' non accipiendam.' Facile multitudini persuasum: legatisque Syracusanorum, et de caede stationis Romanae querentibus, et Hippocratem atque Epicydem abire seu Locros, seu quo alio mallent, dummodo Sicilia cederent, iubentibus, ferociter responsum est: 'Neque mandasse sese Syracusanis, ut pacem pro se cum Romanis facerent: neque  
' teneri alienis foederibus.' Haec ad Romanos Syracusani detulerunt, abnuentes, 'Leontinos in sua potestate esse.  
' Itaque integro secum foedere bellum Romanos cum iis  
' gesturos. Neque sese defuturos ei bello; ita ut in potestatem redacti suae rursus ditionis essent, sicut pax convenisset.'

Hippocrates provinciam Rom. invadit.

Epicydes et ipse in Leontinos proficiscitur.

Leontini alienantur ab Syracusanis.

30. Marcellus cum omni exercitu profectus in Leontinos, Appio quoque accito, ut altera parte aggrederetur, tanto ardore militum est usus ab ira inter conditiones pacis interfectae stationis, ut primo impetu urbem expugnarent.

Leontinorum urbs a Marcello capta.

9 *Legem eam foederis*] Foedus hac conditione ictum. DOER.

1 *Integro secum foedere*] Ita ut foedus secum integrum intactumque maneat. Non credituros Syracusanos foedus, quod Romani secum habeant, bello adversus Leontinos gerendo ulla

parte laedi. CREV.

2 *Ita ut*] Ea lege ut. CREV.

3 *Ab ira . . . interfectae stationis*] sc. Ob interfectam stationem. Praepositio *ab* saepe causam continet supr. v. 5. vi. 2. infr. xxvii. 30.



Hippocrates atque Epicydes, postquam capi muros refringi- U. C. 538.  
 que portas videre, in arcem sese cum paucis recepere. Inde A. C. 214.  
 4 clam nocte Herbessum perfugiunt. Syracusanis, octo mil-  
 lium armatorum agmine profectis domo, ad Mylam flumen  
 nuntius occurrit, captam urbem esse; cetera falsa mixta Atrox nun-  
 veris ferens: caedem promiscuam militum atque oppidano- tius de cae-  
 rum factam, nec quemquam puberem arbitrari superesse: de in Leon-  
 5 direptam urbem: bona locupletium donata. Ad nuntium tinis facta.  
 tam atrocem constitit agmen; concitatisque omnibus, Syracusa-  
 duces, (erant autem Sosis ac Dinomenes) quid agerent, norum ex-  
 6 consultabant. Terroris speciem haud vanam mendacio ercitus con-  
 praeberant verberati ac securi percussi transfugae ad duo citatur.  
 millia hominum. Ceterum Leontinorum militumque ali-  
 orum nemo, post captam urbem, violatus fuerat: suaque  
 omnia iis, nisi quae primus tumultus captae urbis absum-  
 pserat, restituebantur. Nec ut Leontinos irent, proditos ad  
 caedem commilitones querentes, perpelli potuere, nec ut  
 eodem loco certiores nuntium exspectarent. Quum ad  
 defectionem inclinatos animos cernerent praetores, sed eum  
 motum haud diuturnum fore, si duces amentiae sublati  
 essent; exercitum ducunt Megaram: ipsi cum paucis  
 equitibus Herbessum proficiscuntur, spe, territis omnibus,  
 per prodicionem urbis potiundae. Quod ubi frustra iis fuit  
 inceptum, vi agendum rati, postero die Megaris castra  
 movent, ut Herbessum omnibus copiis oppugnarent. Hip- Hippocra-  
 pocrates et Epicydes, non tam tutum prima specie, quam tes et Epi-  
 7 unum, spe undique abscisa, consilium, esse rati, ut se militi- cydes se ei  
 bus permitterent, et assuetis magna ex parte sibi, et tum permittunt.  
 fama caedis commilitonum accensis, obviam agmini proce-  
 dunt. Prima forte signa sexcentorum Cretensium erant,  
 qui apud Hieronymum meruerant sub iis, et Hannibalis  
 beneficium habebant, capti ad Trasimenum inter Roman-  
 orum auxilia, dimissique. Quos ubi ex signis armorumque  
 habitu cognovere Hippocrates atque Epicydes, ramos oleae  
 8 ac velamenta alia supplicum porrigentes, orare, 'ut recipe-  
 'rent sese, receptosque tutarentur, neu proderent Syracu-  
 9 'sanis, a quibus mox ipsi trucidandi populo Romano dede-  
 'rentur. Enimvero,' conclamant, 'bonum ut animum 31.

4 *Herbessum*] Cluverius *Erbessum* scribit, ut cuius nomen a voce *Erebus* deductum sit: sc. oppidum Siciliae ad fontes Anapi fluminis.

5 *Donata*] Intellige, militibus. Ceterum legisse alibi haud memini *res donata*, absolute positum, sine nomine eius, cui donata. STRUTH.

6 *Terroris speciem haud vanam*] Speciosam aliquam materiem terro-

ris; vim terrendi, quae aliquo colore niteretur. CREV.

7 *Spe undique abscisa*] cf. Supr. 15. Vulg. *abscissa*.

8 *Velamenta alia supplicum*] Infulas, et quae alia a supplicibus porrigi et praetendi solent. CREV.

9 *Ipsi*] Intellige ipsos Cretenses, ad quos hic sermo dirigitur. CREV.

U. C. 538. 'haberent: omnem se cum illis fortunam subituros.' Inter  
 A. C. 214. hoc colloquium signa constiterant, tenebaturque agmen:  
 necdum, quae morae causa foret, pervenerat ad duces.  
 Postquam Hippocratem atque Epicydem adesse pervasit  
 rumor, fremitusque toto agmine erat haud dubie approban-  
 tium adventum eorum; extemplo praetores citatis equis ad  
 prima signa perrexerunt, 'Qui mos ille, quae licentia Cre-  
 tensium esset,' rogitantes, 'colloquia serendi cum hoste,  
 'iniussuque praetorum miscendi eos agmini suo?' Compre-  
 hendi iniucique catenas iusserunt Hippocrati. Ad quam  
 vocem tantus extemplo primum a Cretensibus clamor est  
 ortus, deinde exceptus ab aliis, ut facile, si ultra tenderent,  
 appareret, iis timendum esse. Solliciti incertique rerum  
 suarum Megaram, unde profecti erant, referri signa iubent,  
 nuntiosque de statu praesenti Syracusas mittunt. Fraudem  
 quoque Hippocrates addit, inclinatis ad omnem suspicionem  
 animis: et, Cretensium quibusdam ad itinera insidenda  
 missis, velut interceptas literas, quas ipse composuerat, re-  
 citat: 'Praetores Syracusani consuli Marcello.' Secundum:  
 salutem, ut assolet, scriptum erat: 'Recte eum atque ordine  
 'fecisse, quod in Leontinis nulli pepercisset. Sed omnium  
 'mercenariorum militum eandem esse causam, nec unquam  
 'Syracusas quieturas, donec quicquam externorum auxilio-  
 'rum, aut in urbe, aut in exercitu suo, esset. Itaque daret  
 'operam, ut eos, qui cum suis praetoribus castra ad Mega-  
 'ram haberent, in suam potestatem redigeret, ac supplicio  
 'eorum liberaret tandem Syracusas.' Haec quum recitata  
 essent, cum tanto clamore ad arma discursum est, ut prae-  
 tores inter tumultum pavidum abequitaverint Syracusas. Et  
 ne fuga quidem eorum seditio compressa est, impetusque in  
 Syracusanos milites fiebant: nec ab ullo temperatum foret,  
 ni Epicydes atque Hippocrates irae multitudinis obviam is-  
 sent: non a misericordia aut humano consilio, sed ne spem  
 reditus praeciderent sibi, et quum ipsos simul milites fidos  
 haberent, simul obsides; tum cognatos quoque eorum at-  
 que amicos tanto merito primum, dein pignore sibi concili-

Fraus Hip-  
 pocratis.

1 *Postquam Hippocratem atque Epicydem adesse pervasit rumor]*  
*Adesse* ex emend. Gronov. delevit Bekker. qui *causas morae* esse intel-  
 ligi monet.

2 *Secundum salutem, ut assolet]*  
 Post salutem, ut mos est, initio epi-  
 stolae datam.

3 *Recte eum atque ordine fecisse]*  
 Sollennis formula, qua Senatus P. R.  
 acta civium, potissimum magistra-  
 tum, comprobare solebat; cui adde-  
 batur nonnunquam *et e republica*.

cf. Brisson. de Formul. ii. 80. Str.

4 *Abeguitaverint Syracusas]* *Abeguitaverint* Drakenb. et Bekker. No-  
 tram lectionem, quae a manu Cre-  
 vier. provenit, secutus est Stroth.

5 *Merito primum, dein pignore]*  
*Merito*, quod iis militibus vitam ser-  
 vassent; *pignore*, quod eosdem secum  
 haberent, tanquam totidem pignora  
 benevolentiae ac fidei eorum, qui co-  
 gnatione illos amicitiae Syracusanis  
 contingebant. CREV.

arent: expertique, quam vana aut levi aura mobile vulgus U. C. 538.  
6 esset, militem nacti ex eo numero, qui in Leontinis circum- A. C. 214.  
sessi erant, subornant, ut Syracusas perferret nuntium con-  
venientem iis, quae ad Mylam falso nuntiata erant; aucto-  
remque se exhibendo, ac velut visa, quae dubia erant, nar-  
rando, concitaret iras hominum. Huic non apud vulgum 32.  
modo fides fuit, sed senatum quoque in curiam introductus  
7 movit. Haud vani quidam homines palam ferre, 'perbene Syracusani  
'detectam in Leontinis esse avaritiam et crudelitatem Ro- in Roma-  
'manorum. Eadem, si intrassent Syracusas, aut foediora nos accen-  
'etiam, quo maius ibi avaritiae praemium esset, facturos duntur.  
'fuisse.' Itaque claudendas cuncti portas, et custodiendam  
urbem censere. Sed non ab iisdem omnes timere, nec  
8 eosdem odisse: ad militare genus omne partemque magnam  
plebis invisum esse nomen Romanum. Praetores optima-  
tiumque pauci, quanquam inflammati vano nuntio erant,  
9 tamen ad propius praesentiusque malum cautiores esse.  
Et iam ad Hexapylum erant Hippocrates atque Epicydes: Seditiosi  
serebanturque colloquia per propinquos popularium, qui in Syracusas  
exercitu erant, ut portas aperirent, sinerentque communem ingrediun-  
1 patriam defendi ab impetu Romanorum. Iam, unis foribus tur.  
Hexapyli apertis, coepti erant recipi, quum praetores inter-  
2 venerunt. Et primo imperio minisque, deinde auctoritate,  
deterrendo, postremo, ut omnia vana erant, obliti maiestatis,  
precibus agebant, ne proderent patriam tyranni ante satel-  
litibus, et tum corruptoribus exercitus. Sed surdae ad  
haec omnia aures concitatae multitudinis erant, nec minore  
intus vi, quam foris, portae effringebantur: effractisque  
3 omnibus, totum Hexapylo agmen receptum est. Praetores  
in Achradinam cum iuventute popularium confugiunt:  
mercenarii milites perfugaeque, et quicquid regionum mili-  
tum Syracusis erat, agmen hostium augent. Ita Achradina  
quoque primo impetu capitur, praetorumque, nisi qui inter  
tumultum effugerunt, omnes interficiuntur. Nox caedibus  
4 finem fecit. Postero die servi ad pileum vocati, et carcere  
vincti emissi: confusaque haec omnis multitudo Hippocra-

6 *Militem nacti*] *Nacti* auctore Gronov. receperunt Stroth. et Bekker.

7 *Haud vani*] Haud leves atque creduli, sed prudentiores. DOER.

8 *Ad militare genus*] Apud milites cuiuscunque generis. At pro apud saepius usurpatur. cf. supr. vii. 7.

9 *Praesentiusque malum*] Quod imminebat a pravis Hippocratis et Epicydis consiliis.

1 *Unis foribus Hexapyli*] Una e sex portis, quae erant in Hexapylo. Huic enim urbis Syracusanae parti

nomen, si vim verbi attendamus, inditum ex eo fuit, quod sex haberet portas. CREV. Similiter *Dipylon* Athenis fuisse, infr. xxxi. 24. et *Tetrapylon* Caesareae in Palaestina, Valerius monet.

2 *Auctoritate*] Consiliis monitisque. CREV.

3 *Totum Hexapylo agmen*] Vulg. *tuto in Hexapylo*. *Tutus* et *totus* saepius in mss. permutari videbimus. cf. infr. xxviii. 4.

4 *Ad pileum vocati*] Ad libertatem. cf. supr. 16.

U. C. 538. tem atque Epicydem creant praetores: Syracusaeque, quum  
A. C. 214. breve tempus libertas affulsisset, in antiquam servitutem reciderunt.

33. Haec nuntiata quum essent Romanis, ex Leontinis mota  
Romani ad sunt extemplo castra ad Syracusas. Et ab Appio legati per  
Syracusas portum missi forte in quinquere mi erant. Praemissa quadriremis, quum intrasset fauces portus, capitur: legati aegre effugerunt. Et iam non modo pacis, sed ne belli quidem iura relictas erant: quum Romanus exercitus ad Olympium (Iovis id templum est) mille et quingentis passibus ab urbe: Mittunt legatos Syracusae. castra posuit. Inde quoque legatos praemitti placuit: quibus, ne intrarent urbem, extra portam Hippocrates atque Epicydes obviam cum suis processerunt. Romanus orator 'non bellum se Syracusanis, sed opem auxiliumque afferre,' ait, 'et iis, qui, ex media caede elapsi, perfugerint ad se, et iis, qui, metu oppressi, foediorum, non exsilio solum, sed etiam morte, servitutem patiantur. Nec caedem nefandam sociorum inultam Romanos passuros. Itaque si iis, qui ad se perfugerint, tutus in patriam reditus pateret, caedis auctores dedantur, et libertas legesque Syracusanis restituantur, nihil armis opus esse. Si ea non fiant, quicumque in mora sit, bello persecuturos.' Ad ea Epicydes, 'Si qua ad se mandata haberent, responsum iis,' ait, 'se daturus fuisse: quum in eorum, ad quos venerint, manu res Syracusana esset, tum reverterentur. Si bello lacescant, ipsa re intellecturos, nequaquam idem esse Syracusas ac Leontinos oppugnare.' Ita legatis relictis, portas clausit. Inde terra marique simul coeptae oppugnari Syracusae: terra ab Hexapylo, mari ab Achradina, cuius murus fluctu alluitur. Et, quia, sicut Leontinos terrore ac primo impetu ceperant, non diffidebant, vastam disiectamque spatio urbem parte aliqua se invasuros, omnem apparatus oppugnandarum urbium muris admoverunt.

34. Et habuisset tanto impetu coepta res fortunam, nisi unus  
Archimedes conatus Romano- rum ludificatur. homo Syracusis ea tempestate fuisset. Archimedes is erat. unicus spectator coeli siderumque; mirabilior tamen:

4 *Reciderunt*] *Reciderant* Crev. et Bekker. reposuerunt.

5 *Mille et quingentis passibus*] *Mille et quingentos passus*, ut locutionem magis Livianam, receperunt Crev. et Bekker. De Olympio cf. Diod. Sic. xiii. 6. Huius templi locum columna unica superstes nunc indicat.

6 *Reditus pateret*] *Pateat*, quam vocem oratio videtur postulare, reposuerunt Crev. et Bekker. sed lectionem nostram retinendam censuit

Stroth. quoniam Livius nonnunquam tempora diversa iungit. cf. supr. xxii. 32. "Si omnes res Neapolitanorum suas duxissent, dignosque iudicaverint."

7 *Unicus spectator coeli siderumque*] Coeli siderumque spectandorum arte supra omnes excellens. Ceterum ita describit Archimedes Livius, et se ipse parum omnino peritum rerum mathematicarum exhibeat, quarum sane studia nunquam apud Romanos magnopere viguere. Non astrorum cognitione praecipue claruit Archi-

inventor ac machinator bellicorum tormentorum operumque, U. C. 538.  
 8 quibus ea, quae hostes ingenti mole agerent, ipse perlevi A. C. 214.  
 momento ludificaretur. Murum per inaequales ductum  
 colles, (pleraque alta et difficilia aditu, summissa quaedam,  
 et quae planis vallibus adiri possent) ut cuique aptum visum  
 est loco, ita omni genere tormentorum instruxit. Achra-  
 dinae murum, qui, ut ante dictum est, mari alluitur, ex  
 quinquereimibus Marcellus oppugnabat. Ex ceteris navibus  
 9 sagittarii funditoresque, et velites etiam, quorum telum in-  
 habile ad remittendum imperitis est, vix quemquam sine  
 vulnere consistere in muro patiebantur. Hi, quia spatio  
 1 missilibus opus est, procul muro tenebant naves. Iunctae  
 2 aliae binae ad quinquereimes, demptis interioribus remis, ut  
 latus lateri applicaretur, quum exteriori ordine remorum  
 velut una navis agerentur, turres contabulatas machinamen-  
 taque alia quatiendis muris portabant. Adversus hunc na-  
 valem apparatus Archimedes variae magnitudinis tormenta  
 in muris disposuit. In eas, quae procul erant, naves saxa  
 ingenti pondere emittebat: propiores levioribus, eoque  
 magis crebris, petebat telis: postremo, ut sui vulnere intacti  
 3 tela in hostem ingererent, murum ab imo ad summum cre-  
 bris cubitalibus fere cavis aperuit; per quae cava pars

medes: sed matheseos, quam puram  
 vocant. Quin et parum decorum  
 artis suae dignitati rebatur, eam ad  
 res corporeas convertere: et machinas  
 illas, quas Livius maxime miratur,  
 inventor ipse haud magni faciebat, et  
 pro quodam lascivientis Geometriae  
 lusu habebat. Vid. Plut. in Marcello.  
 CREV.

8 *Perlevi momento*] Levissima im-  
 pulsione, parvo molimine, facile. cf.  
 supr. xxi. 43. CREV.

9 *Velites . . . quorum telum*] Le-  
 vis armaturae milites, quorum telum  
 eiusmodi est, ut remitti non possit  
 ab imperitis. Polyb. vi. 22. illud te-  
 lum omnino remitti posse negat, et  
 causam affert. "Ferrum," inquit, "teli  
 velitaris adeo extenuatum est, et in  
 aciem productum, ut necessario sta-  
 tim a primo iactu inflectatur, nec pos-  
 sint hostes retorquere." Quod si eius-  
 modi est, profecto illud telum non  
 imperitis tantum, sed et peritis inha-  
 bile fuit ad remittendum. Lipsius, de  
 Mil. Rom. iii. 1. suspicatur aut vo-  
 cem *imperitis*, in hoc Livii loco red-  
 undare; aut mutandam in *impeditis*,  
 ut, nisi quis otiose mucronem refingat  
 et erigat, neget Livius remitti posse;  
 aut denique ideo etiam *imperitis* in-  
 habile, quia amento emittebatur, et

certo motu. CREV. Ceterum de ve-  
 litibus nondum institutis cf. supr. xxi.  
 55.

1 *Iunctae aliae binae ad quinque-  
 reimes*] Polybius, viii. 5. scribit octo  
 quinquereimes fuisse simul iunctas,  
 binas et binae. Plut. in Marcello  
 eundem numerum octo quinquere-  
 mium habet. Inde Sigonius recte  
 coniicit legendum: *iunctae aliae bi-  
 nae ad octo quinquereimes*: id est,  
 aliae quinquereimes ad octo, ad nu-  
 merum octo, iunctae, binae et binae.  
 CREV. Sigonio auctore octo in tex-  
 tum recepit Bekker.

2 *Interioribus remis*] Remis eorum  
 laterum quae ad sese mutuo applica-  
 bantur. *Exterior* ordo remorum est  
 is qui alterum navis latus, quod libe-  
 rum relinquebatur, instruebat. CREV.

3 *Crebris cubitalibus fere cavis*] Crebris foraminibus, quorum magni-  
 tudo, sive diameter esset unius cubi-  
 ti: per quae foramina alii sagittis . . .  
 Ceterum haec cava, si credimus Po-  
 lybio viii. 6, quem hic vertit Livius,  
 unius tantum palmi fuere. Quae qui-  
 dem multum discrepant. Cubitus  
 enim habet pedem unum et dimi-  
 dium: palmus quattuor tantum digi-  
 tos, et est sexta pars cubiti. CREV.  
 Sed fors utriusque narratio ita con-

U. C. 538. sagittis, pars scorpionibus modicis ex occulto petebant hos-  
 A. C. 214. tem. Quae propius quaedam subibant naves, quo interi-  
 ores ictibus tormentorum essent, in eas tollenone super  
 murum eminente ferrea manus firmæ catenæ illigata quum  
 iniecta proræ esset, gravi libramento plumbi recellente ad  
 solum, suspensa prora, navim in puppim statuebat: dein,  
 remissa subito, velut ex muro cadentem navim cum ingenti  
 trepidatione nautarum ita undae affligebat, ut, etiamsi recta  
 reciderat, aliquantum aquae acciperet. Ita maritima op-  
 pugnationis est elusa, omnisque vis est eo versa, ut totis viribus  
 terra aggredierentur. Sed ea quoque pars eodem omni  
 apparatu tormentorum instructa erat, Hieronis impensis  
 cura per multos annos, Archimedis unica arte. Natura  
 etiam iuvabat loci, quod saxum, cui imposita muri funda-  
 menta sunt, magna ex parte ita proclive est, ut non solum  
 missa tormento, sed etiam quae pondere suo provoluta  
 essent, graviter in hostem inciderent. Eadem causa ad  
 subeundum arduum aditum instabilemque ingressum prae-  
 bebatur. Ita, consilio habito, quum omnis conatus ludibrio  
 esset, absistere oppugnatione, atque obsidendo tantum ar-  
 cere terra marique commeatibus hostem placuit.

Ab oppu-  
 gnatione  
 absistunt  
 Romani.

35. Interim Marcellus, cum tertia fere parte exercitus ad  
 Marcellus  
 alias urbes  
 capit.  
 recipiendas urbes profectus, quae in motu rerum ad Car-

ciliari potest, ut dicas foramina ista  
 seu *cava* intrinsecus cubitalia, extrin-  
 secus vero palmaria, fuisse. STROTH.

4 *Scorpionibus*] *Scorpiones* sunt ma-  
 chinae bellicae ad vibranda missilia.  
 De iis sic habet Vegetius: "Scor-  
 piones dicebant, quas nunc manu-  
 ballistas vocant. Ideo sic nuncupati,  
 quod parvis subtilibusque spiculis  
 mortem inferant." Vir unus eos di-  
 rigere, iis uti poterat. Duplicis ge-  
 neris fuere, maiores minoresque. Vid.  
 Lips. Poliorc. iii. 4. CREV.

5 *Quae propius quaedam*] Sic Gronovius dedit ex tribus mss. quibus  
 assentiuntur duo Hearnio inspecti:  
 quum vulgati haberent, *quae propius*  
*quidem*. Displicet tamen τὸ *quae-*  
*dam*: et ipse Gronovius illud mutan-  
 dum censet in *moenia*. Nos illud  
 omnino delere satius esse ducimus, eo  
 quidem magis, quod abest a codice  
 Victor. CREV.

6 *Interiores ictibus tormentorum*] Propiores, quam ut ictibus tormento-  
 rum, quae in longinquum iaculaban-  
 tur, feriri possent; tam propinquae,  
 ut tela e tormentis emissa ultra eas  
 ferrentur. Sic supr. vii. 10. T. Man-  
 lius dicitur *interior periculo vulneris*

*factus*. CREV.

7 *In eas tollenone*] *Tolleno* est  
 machinae genus, quum trahi in ter-  
 ram praealte defixae in summo ver-  
 tice alia transversa longior dimensa  
 medietate connectitur eo libramento,  
 ut, si unum caput depresseris, alte-  
 rum erigatur. Igitur machina huius  
 generis super murum eminente, ferrea  
 manus firmæ catenæ illigata, quae  
 quidem catena pendebat ex uno br-  
 chio tollenonis, iniiciebatur proræ  
 alicuius navis. Tum gravi libramento  
 plumbi, quod alteri tollenonis brachio  
 connexum erat, recellente, seu reci-  
 dente ad solum, necesse erat cate-  
 nam, et ferream manum, et proram  
 navis sursum erigi, et, suspensa prora,  
 navim in puppim statui. Dein eadem  
 ferrea manus remissa, et exempta ma-  
 chinae διὰ τὴν σκασηπλά, ut habet  
 Polybius viii. 8. sinebat navem reci-  
 dere, et eam ita affligebat undis, ut...  
 CREV. cf. Vitruv. iv. 21. Haud ab-  
 similis erat machinis, quas in agris et  
 villis hodie passim videmus, ad aquas  
 e puteis tollendas adhibitae, et quae  
 apud Graecos κληωνήια appellaban-  
 tur. cf. Herod. i. 193. Plin. H. N.  
 xix. 4.



thaginienses defecerant, Helorum atque Herbessum, deden- U. C. 538.  
 tibus ipsis, recipit. Megara vi capta diruit ac diripuit ad A. C. 214.  
 reliquorum, ac maxime Syracusanorum, terrorem. Per Himilco  
 idem fere tempus et Himilco, qui ad Pachyni promontorium cum exer-  
 classem diu tenuerat, ad Heracleam, quam vocant Minoam, citu in Sici-  
 quinque et viginti millia peditum, tria equitum, duodecim liam venit.  
 8 elephantos exposuit: nequaquam cum quantis copiis ante  
 tenuerat ad Pachynum classem. Sed, postquam ab Hip-  
 pocrate occupatae Syracusae erant, profectus Carthaginem,  
 adiutusque ibi et ab legatis Hippocratis, literisque Hanni-  
 balis, qui venisse tempus aiebat Siciliae per summum decus  
 repetendae, et ipse haud vanus praesens monitor facile per-  
 pulerat, ut, quantae maximae possent, peditum equitumque  
 copiae in Siciliam traicerentur. Adveniens Heracleam,  
 intra paucos dies inde Agrigentum recipit: aliarumque  
 civitatum, quae partis Carthaginensium erant, adeo ac-  
 censae sunt spes ad pellendos Sicilia Romanos, ut postremo  
 etiam, qui obsidebantur Syracusis, animos sustulerint; et, Hippocra-  
 parte copiarum satis defendi urbem posse rati, ita inter se tes cum ex-  
 munera belli partiti sint, ut Epicydes praeesset custodiae ercitu Sy-  
 urbis, Hippocrates, Himilconi coniunctus, bellum adversus racusis  
 consulem Romanum gereret. Cum decem millibus pedi- egreditur.  
 tum, quingentis equitibus nocte per intermissa custodiis  
 9 loca profectus, castra circa Acrillas urbem ponebat. Muni-  
 entibus supervenit Marcellus, ab Agrigento iam occupato,  
 quum frustra eo praevenire hostem festinans tetendisset,  
 rediens; nihil minus ratus, quam illo tempore ac loco Syra-  
 cusanum sibi exercitum obviam fore; sed tamen metu Hi-  
 milconis Poenorumque, ut quibus nequaquam iis copiis,  
 quas habebat, par esset, quam poterat maxime intentus,  
 atque agmine ad omnes casus composito ibat. Forte ea 36.  
 cura, quae erat adversus Poenos praeparata, adversus Siculos Vincitur a  
 usui fuit. Castris ponendis incompositos ac dispersos nactus Marcello.  
 eos et plerosque inermes, quod peditum fuit, circumvenit:  
 eques, levi certamine inito, cum Hippocrate Acras per-  
 fugit.

Ea pugna deficientes ab Romanis quum cohibuisset  
 Siculos, Marcellus Syracusas rediit: et post paucos dies  
 Himilco, adiuncto Hippocrate, ad flumen Anapum, octo  
 ferme inde millia, castra posuit. Sub idem fere tempus et Auxilia  
 naves longae quinque et quinquaginta Carthaginensium Roma et  
 1 cum Bomilcare classis praefecto in magnum portum Syra- Carthagine  
 missa.

8 *Nequaquam cum quantis copiis*] Cum copiis, quae tantae erant, quan-  
 tae non fuerant illae, cum quibus  
 prius tenuerat ad Pachynum classem:  
 sive, cum copiis maioribus, quam

quantae fuerant illae, cum quibus,  
 etc. CREV.

9 *Acrillas*] Inter Agrigentum et  
 Acras. RUP.

1 *Magnum portum*] Maiorem enim



U. C. 538. **cusas ex alto decurrere; et Romana item classis, triginta**  
 A. C. 214- **quinneremes, legionem primam Panormi exposuere; ver-**  
**sumque ab Italia bellum (adeo uterque populus in Siciliam**  
**intentus) fuisse videri poterat. Legionem Romanam, quae**  
**exposita Panormi erat, venientem Syracusas, praedae haud**  
**dubie sibi futuram Himilco ratus, via decipitur. Mediter-**  
**aneo namque Poenus itinere duxit; legio maritimis locis,**  
**classe prosequente, ad Ap. Claudium, Pachynum cum parte**  
**copiarum obviam progressum, pervenit. Nec diutius Poeni**  
**ad Syracusas morati sunt. Et Bomilcar, simul parum fidens**  
**navibus suis, duplici facile numero classem habentibus Ro-**  
**manis, simul inutili mora cernens nihil aliud ab suis quam**  
**inopiam aggravari sociorum, velis in altum datis, in Africam**  
**transmisit: et Himilco, secutus nequicquam Marcellum**  
**Syracusas, si qua, priusquam maioribus copiis iungeretur,**  
**occasio pugnandi esset, postquam ea nulla contigerat,**  
**tutumque ad Syracusas et munimento et viribus hostem**  
**cernebat, ne frustra assidendo spectandoque obsidionem**  
**sociorum tempus tereret, castra inde movit; ut, quocunque**  
**vocasset defectionis ab Romanis spes, admoveret exercitum,**  
**ac praesens suas res foventibus adderet animos. Murgan-**  
**tiam primum, prodito ab ipsis praesidio Romano, recepit; 3**  
**ubi frumenti magna vis commeatusque omnis generis con-**  
**vecti erant Romanis.**

37. **Ad hanc defectionem erecti sunt et aliarum civitatum**  
**animi: praesidiaque Romana aut pellebantur arcibus, aut**  
**prodita per fraudem opprimebantur. Henna, excelso loco**  
**ac praerupto undique sita, quum loco inexpugnabilis erat,**  
**tum praesidium in arce validum, praefectumque praesidii**  
**haud sane opportunum insidiantibus habebat. L. Pinarius 5**  
**erat vir acer, et qui plus in eo, ne posset decipi, quam in**  
**fide Siculorum, reponeret: et tum intenderant eum ad**  
**cavendi omnia curam tot auditae proditioes defectionesque**  
**urbium, et clades praesidiorum. Itaque nocte dieque iuxta**  
**parata instructaque omnia custodiis ac vigiliis erant: nec**  
**ab armis aut loco suo miles abscedebat. Quod ubi Hen-**  
**nensium principes, iam pacti cum Himilcone de proditione**  
**praesidii, animadverterunt, nulli occasione fraudis Romanum**

Aliquot ur-  
 bes ad Poe-  
 nos defici-  
 unt.  
 Hennen-  
 sium moli-  
 tiones.

et minorem portum Syracusae habe-  
 bant, inter quos Insula sita erat.  
 STROTH.

2 *Habentibus Romanis*] Classis Ro-  
 mana centum navium fuisse dicitur  
 supr. 27: quare triginta quinneremes  
 aut pars classis Romanae erant, aut  
 in supplementum eius missae sunt.

3 *Ab ipsis*] sc. Civibus urbis, ut  
 supr. 35. *dedentibus ipsis*.

4 *Convecti erant Romanis*] Displi-  
 cet Fabro τὸ ubi, sed Drakenb. de-  
 fendendum videtur, quippe quod ma-  
 gna vis frumenti, *ibi*, sc. Murgantiae,  
 reposita erat, in usum Romanorum  
 convecta.

5 *Haud . . . opportunum insidian-*  
*tibus*] Qui se non facile captandum  
 praeberet insidiantibus. Sic supr. vi.  
 24. *Opportunus eruptioni*. CREV.

patere, palam rentur agendum. ‘Urbem arcemque suae U. C. 538.  
 ‘potestatis,’ aiunt, ‘debere esse, si liberi in societatem, non A. C. 214.  
 ‘servi in custodiam, traditi essent Romanis. Itaque claves  
 ‘portarum reddi sibi’ aequum censent. ‘Bonis sociis fidem  
 ‘suam maximum vinculum esse: et ita sibi populum Ro-  
 ‘manum senatumque gratias habiturum, si volentes, ac non  
 ‘coacti, mansissent in amicitia.’ Ad ea Romanus, ‘Se in  
 ‘praesidio impositum esse,’ dicere, ‘ab imperatore suo:  
 ‘clavesque portarum et custodiam arcis ab eo accepisse,  
 ‘quae nec suo nec Hennensium arbitrio haberet, sed eius,  
 6 ‘qui commisisset. Praesidio decedere apud Romanos ca-  
 7 ‘pital esse: et nece liberorum etiam suorum eam legem  
 ‘parentes sanxisse. Consulem Marcellum haud procul  
 8 ‘esse: ad eum mitterent legatos, cuius iuris atque arbitrii  
 ‘esset.’ Se vero negare illi missuros: testarique, si verbis  
 nihil agerent, vindictam aliquam libertatis suae quaesituros.  
 Tum Pinarius: ‘At illi, si ad consulem gravarentur mittere,  
 ‘sibi saltem darent populi concilium: ut sciretur, utrum  
 ‘paucorum ea denuntiata, an universae civitatis, essent.’  
 9 Consensu in posterum diem concio edicitur.

1 Postquam ab eo colloquio in arcem sese recepit, convo- 38.  
 cati militibus, ‘Credo ego vos audisse, milites,’ inquit, Pinarii  
 ‘quemadmodum praesidia Romana ab Siculis circumventa Henna  
 ‘et oppressa sint per hos dies. Eam vos fraudem, deum praefecti  
 ‘primo benignitate, dein vestra ipsi virtute, dies noctesque oratio ad  
 ‘perstando ac pervigilando in armis, vitastis. Utinam reli-  
 ‘quum tempus nec patiando infanda, nec faciendo, traduci  
 2 ‘possit! Haec occulta in fraude cautio est, qua usi adhuc  
 ‘sumus: cui quoniam parum succedit, aperte ac propalam  
 ‘claves portarum reposcunt; quas simul tradiderimus,  
 ‘Carthaginensium extemplo Henna erit, foediusque hic  
 ‘trucidabimur, quam Murgantiae praesidium interfectum  
 ‘est. Noctem unam aegre ad consultandum sumpsi, qua  
 ‘vos certiores periculi instantis facerem. Orta luce conci-

6 *Capital esse*] *Capitale* adiectivum  
 praeferunt edd. ante Gronov. Festus,  
 “capital, facinus quod capitis poena  
 luitur.” Eadem vox ap. Silium xiii.  
 155. exstat, et ap. Sueton. Calig. 24.  
 pro adiectivo a viris doctis recepta  
 est.

7 *Et nece liberorum . . . suorum . . .  
 sanxisse*] *Id nece liberorum suorum  
 iam parentes sanxisse*, auctore Iac.  
 Gronovio, reposuit Bekker.

8 *Arbitrii esset*] Supple, *res. Cr.*

9 *Consensu . . . . edicitur*] Quum  
 omnes mss. carent ultima voce, *edici-*  
*tur*, Gronovius *consensa in posterum*

*diem concio* legendum putat, quem  
 Bekker. secutus est.

1 *Convocatis militibus*] *Omni*  
 pro *militibus* coniecit Gronov. et re-  
 posuit Bekker. Sed repetitionem vo-  
 cum *militibus*, et *milites*, haud a more  
 Liviano alienam esse animadvertit  
 Drakenb. cf. supr. i. 3. ubi voces *colle*  
 et *colli*, verbis admodum paucis inter-  
 iectis, repetitae viris doctis displicue-  
 runt.

2 *Haec occulta in fraude*] Ita ab  
 occultis insidiis hactenus nobis cavi-  
 mus, quibus quoniam parum succe-  
 dit . . .

U. C. 538. 'onem habituri sunt ad criminandum me concitandumque  
 A. C. 214. 'in vos populum. Itaque crastino die, aut vestro, aut  
 'Hennensium sanguine Henna inundabitur. Nec praeoc-  
 'cupati spem ullam, nec occupantes periculi quicquam ha-  
 'bebitis. Qui prior strinxerit ferrum, eius victoria erit.  
 'Intenti ergo omnes armatique signum exspectabitis. Ego  
 'in concione ero: et tempus, quoad omnia instructa sint,  
 'loquendo altercandoque traham. Quum toga signum  
 'dederō, tum mihi undique clamore sublato turbam invadite,  
 'ac sternite omnia ferro: et cavete, quisquam supersit, a  
 'quibus aut vis, aut fraus timeri possit. Vos, Ceres mater<sup>3</sup>  
 'ac Proserpina, precor, ceteri superi infernique dii, qui  
 'hanc urbem, hōs sacros lacus lucosque colitis, ut ita nobis  
 'volentes propitii adsitis, si vitandae, non ferendae, fraudis  
 'causa hoc consilii capimus. Pluribus vos, milites, hortarer,  
 'si cum armatis dimicatio futura esset. Inermes, incautos  
 'ad satietatem trucidabitis. Et consulis castra in propinquo  
 'sunt, ne quid ab Himilcone et Carthaginiensibus timeri  
 'possit.'

39. Ab hac adhortatione dimissi corpora curant. Postero  
 die alii aliis locis, ad obsidenda itinera claudendosque oppo-<sup>4</sup>  
 siti exitus, pars maxima super theatrum circaque, assueti  
 et ante spectaculis concionum, consistunt. Productus ad  
 populum a magistratibus praefectus Romanus, quum con-  
 sulis ea de re ius ac potestatem esse, non suam, et pleraque  
 eadem, quae pridie, dixisset; primo sensim, ac plures, red-  
 dere claves, dein iam una voce id omnes iuberent, cunctan-  
 tique ac differenti ferociter minitarentur, nec viderentur  
 ultra vim ultimam dilaturi; tum praefectus toga signum, ut  
 convenerat, dedit: militesque intenti dudum ac parati, alii  
 superne in aversam concionem clamore sublato decurrunt,<sup>5</sup>  
 alii ad exitus theatri conferti obsistunt. Caeduntur Hen-  
 nenses cavea inclusi, coacervanturque, non caede solum,  
 sed etiam fuga; quum alii super aliorum capita ruerent,  
 atque integri sauciis, vivi mortuis incidentes, cumularentur.  
 Inde passim discurretur, et urbis captae modo fugaque et  
 caedes omnia tenet: nihilo remissiore militum ira, quod  
 turbam inermem caedebant, quam si periculum par-et ardor

Caeduntur  
 Hennenses.

3 *Vos, Ceres mater ac Proserpina*] Quippe prope Hennam a Plutone rapta erat Proserpina, in prato nempe "lucis lacubusque" circumdato. cf. Diod. Sic. v. 3. Ceterum urbs ipsa prae reliquis Cereri et Proserpinae sacra erat. cf. Cic. in Verr. iv. 48. v. 72. STROTH.

4 *Claudendosque oppositi exitus*]

Ita Drakenb. pro vulg. *claudendosque oppidanis exitus*, quod ex coniectura Vallae provenerat.

5 *In aversam concionem*] Mss. et edd. *in adversam*. Correxerit ex evidenti ratione Gronovius. Scilicet concio procul dubio erat a militibus in concionantem praefectum Romanum aversa. CREV.

6 certaminis eos irritaret. Ita Henna, aut malo, aut necessario facinore retenta. U. C. 538.  
A. C. 214.

Marcellus nec factum improbavit, et praedam Hennensium militibus concessit, ratus, timore deterritos temperaturos proditionibus praesidiorum Sículos. Atque ea clades, ut urbis in media Sicilia sitae, claraeque vel ob insignem munimento naturali locum, vel ob sacrata omnia vestigiis raptae quondam Proserpinae, prope uno die omnem Siciliam pervasit. Et quia caede infanda rebantur, non hominum tantum, sed etiam deorum sedem violatam esse, tum vero, qui etiam ante dubii fuerant, defecere ad Poenos. Hippocrates inde Murgantiam, Himilco Agrigentum sese recepit: quum acciti a proditoribus nequicquam ad Hennam exercitum admovissent. Marcellus retro in Leontinos redit: frumentoque et commeatibus aliis in castra convectis, praesidio modico ibi relicto, ad Syracusas obsidendas venit. Inde Ap. Claudio Romam ad consulatum petendum misso, 7 T. Quinctium Crispinum in eius locum classi castrisque praeficit veteribus. Ipse hibernacula quinque millia passuum Hexapylo (Leonta vocant locum) communiit, aedificavitque. Haec in Sicilia usque ad principium hiemis gesta.

Eadem aestate et cum Philippo rege, quod iam ante 40. suspectum fuerat, motum bellum est. Legati ab Orico ad Bellum cum Philippo. 9 M. Valerium praetorem venerunt, praesidentem classi Brundisio Calabriaeque circa litoribus, nuntiantes, Philippum primum Apolloniam tentasse, lembis biremibus centum

6 *Aut malo, aut necessario facinore*] Aut malo facinore, aut eo quod necessitas colore aliquo defendat, ac proinde pro malo damnari vetet. CREV.

7 *T. Quinctium Crispinum*] Hunc infr. xxv. 18. cum Badio Campano strenue in Campania pugnanti, et infr. xxv. 26. iterum castris veteribus ad Syracusas praefectum videbimus, unde suspicatur Drakenb. aut Crispinum, qui Ap. Claudio suffectus est, diversum fuisse ab eo qui cum Badio pugnavit, aut Livium diversos auctores secutum esse.

8 *Haec in Sicilia usque ad principium hiemis gesta*] Suspiciamus hic Livium duorum annorum res gestas in unum miscuisse: idque, duabus maxime adducti rationibus. Una, quod nihil omnino sequente anno, quo Ti. Sempronius II. Q. Fabius consules fuere, in Sicilia gestum memoratur a Livio: quod sane verisimile non est, quum tanti exercitus in in-

sula essent. Solas Cannensis exercitus ad Marcellum preces, huiusque literas de iis ad senatum retulit eo anno noster. Deinde, Polybius viii. 9. testis est Marcellum per octo menses cum Appio assedissee Syracusis, antequam ab eo discederet ad prohibendas per Siciliam defectiones urbium, et obviam eundum Carthaginensibus. Octo autem illi menses facile profecto reliquum consulatus Marcelli tempus consumpserunt. Unde sequitur expeditiones Marcelli adversus Sículos, Himilconemque et Hippocratem, in eum annum excurrere, quo Ti. Sempronius alterum consulatum cum Q. Fabio gessit. CREV.

9 *M. Valerium praetorem*] Id est, propaetorem, ut dicitur supr. 20. Praeturam gesserat anno superiore. cf. supr. xxiii. 24. CREV.

1 *Praesidentem classi*] *Classi* in ablativo casu hic accipiendum esse, recte monet Duker. cf. infr. xxviii. 7. xxx. 19.

U. C. 538. viginti flumine adverso subvectum: deinde, ut ea res tar-  
 A. C. 214. dior spe fuerit, ad Oricum clam nocte exercitum admovisse:  
 Oricum a Philippo  
 captum. eamque urbem, sitam in plano, neque moenibus, neque  
 viris atque armis validam, primo impetu oppressam esse.  
 Haec nuntiantes orabant, ut opem ferret, hostemque haud  
 dubium Romanis terra aut maritimis viribus arceret; qui  
 ob nullam aliam causam, nisi quod imminerent Italiae, pe-  
 terentur. M. Valerius, praesidio loci eius relicto P. Valerio  
 legato, cum classe instructa parataque, et, quod longae  
 naves militum capere non poterant, in onerarias impositis,  
 altero die Oricum pervenit: urbemque eam, levi tenente  
 praesidio, quod recedens inde reliquerat Philippus, haud  
 Apollonia  
 obsessa a  
 Philippo. magno certamine recepit. Legati eo ab Apollonia venerunt,  
 nuntiantes, in obsidione sese, quod deficere ab Romanis  
 nollent, esse: neque sustinere ultra vim Macedonum posse,  
 nisi praesidium mittatur Romanum. Facturum se, quae  
 vellent, pollicitus, duo millia delectorum militum navibus  
 longis mittit ad ostium fluminis, cum praefecto socium, Q.  
 Naevio Crista, viro impigro et perito militiae. Is, expositis  
 in terram militibus, navibusque Oricum retro, unde venerat,  
 ad ceteram classem remissis, milites procul a flumine per  
 viam minime ab regiis obsessam duxit, et nocte, ita ut nemo  
 hostium sentiret, urbem est ingressus. Die insequenti qui-  
 evere, dum praefectus iuventutem Apolloniatium, armaque  
 et urbis vires inspiceret. Ubi ea visa inspectaque satis ani-  
 morum fecere, simulque ab exploratoribus comperit, quanta  
 socordia ac negligentia apud hostes esset; silentio noctis ab  
 Castra Ma-  
 cedonum  
 invadun-  
 tur.

2 *Neque moenibus*] Put. codex *moeniis*. Sunt et aliae quoque voces, quae identidem in optimo libro non pervulgata forma scriptae reperiuntur: ut *obsidium* pro *obsidum*, bis xxii. 22. et contra *menum* pro *menium*, xxiii. 21. et xxiv. 11. et *passum* pro *passum*, xxvi. 13. et *poteretur* pro *potiretur*, xxiii. 43. *Oreretur* quidem semper exhibet idem liber, ut alibi notamus. Adde *traiciatur*, xxix. 24. et *traiceret*, xxx. 24. pro *traiciatur* et *traiceret*. Haec observare nobis operae pretium esse visum est, ob eximiam vetustissimi codicis auctoritatem. CREV.

3 *Terra aut maritimis viribus*] Haec procul dubio vitiosa sunt. Gronovius e mss. qui tamen hic corruptissimi sunt, suspicatur: *Hostemque haud dubium Romani, Macedonem Epiri maritimis urbibus arceret, quae* . . . . Sed haec etsi aptissime omnino congruunt ad sensum, longius abeunt

tum a vulgata lectione, tum etiam a mss. quam ut admittere audeamus. CREV.

4 *Imminerent Italiae*] Italiae vicinae essent, ex adverso Italiae sitae essent. cf. infr. xxxvii. 26. DRAK.

5 *Praesidio loci eius*] Cuius loci, quaerit Crevier; haud dubie eius, cui praesidebat Valerius, Brundisii nempe et Calabriae.

6 *Et, quod longae naves militum . . . impositis*] sc. iis militibus quos . . . impositis.

7 *Quod recedens inde reliquerat Philippus*] *Quod recedens inde res reliquerat*, ex coniectura Gronov. reposuit Bekker.

8 *Praefecto socium*] Vid. xxiii. 7. Ceterum magna pars scriptorum non agnoscit ultimam vocem: ut Naevius praefectus dicatur huic copiae, quocunque gradu militiae fuerit. CREV.

urbe sine ullo tumultu egressus, castra hostium adeo neglecta atque aperta intravit, ut satis constaret, prius mille hominum vallum intrasse, quam quisquam sentiret: ac, si caede abstinuissent, pervenire ab tabernaculum regium potuisse. Caedes proximorum portae excitavit hostes. Inde <sup>9</sup> tantus terror pavorque omnes occupavit, ut non modo alius quisquam arma caperet, aut castris pellere hostem conaretur; sed etiam ipse rex, sicut somno excitus erat, prope semindus fugiens, militi quoque, nedum regi, vix decoro habitu, ad flumen navesque perfugerit. Eodem et alia turba effusa est. Paulo minus tria millia militum in castris aut capta, aut occisa: plus tamen hominum aliquanto captum, quam caesum, est. Castris direptis, Apolloniatae catapultas, ballistas, tormentaque alia, quae oppugnandae urbi comparata erant, ad tuenda moenia, si quando similis fortuna venisset, Apolloniam devexere: cetera omnis praeda castrorum Romanis concessa est. Haec quum Oricum essent nuntiata, M. Valerius classem extemplo ad ostium fluminis duxit, ne navibus capessere fugam rex posset. Itaque Philippus, neque terrestri, neque navali certamine satis fore <sup>1</sup> parem se fidens, subductis aut incensis navibus, terra Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

U. C. 538.  
A. C. 214.

Philippi  
fuga.

Eodem anno in Hispania varie res gestae. Nam, priusquam Romani amnem Iberum transirent, ingentes copias Hispanorum Mago et Hasdrubal fuderunt: defecissetque ab Romanis ulterior Hispania, ni P. Cornelius, raptim tracto exercitu Iberum, dubiis sociorum animis in tempore advenisset. Primo ad Castrum Album (locus est insignis caede magni Hamilcaris) castra Romani habuere. Arx <sup>2</sup> erat munita, et convexerant ante frumentum. Tamen, quia omnia circa hostium plena erant, agmenque Romanum impune incursatum ab equitibus hostium fuerat, et ad duo millia, aut moratorum aut palantium per agros, interfecta, cessere inde Romani propius pacata loca, et ad montem Victoriae castra communivere. Eo Cn. Scipio cum omnibus copiis, et Hasdrubal Gisgonis filius, tertius Carthagini-

41.

Res in Hispania gestae.

<sup>9</sup> *Ut non modo*] Continet hic locus anacoluthon quoddam, cum *ne quidem*, quam negationem alteram post *non modo* expectamus, affirmative expressum sit per *sed etiam*. Ceterum si sententiam verborum spectamus, illud *perfugere ad flumen navesque* hanc comprehendit negationem, sc. ne regem quidem arma cepisse, aut suorum praesidio tectum esse. Similiter Cic. ad Att. ii. 1. *non modo excitatum esse ad scribendum*,

*sed deterritum*. Quo quidem in loco omissa negatio latet in voce *deterritum*. RASCH.

<sup>1</sup> *Subductis aut incensis*] *Subduotis atque incensis*, auctore Dukero, recepit Bekker.

<sup>2</sup> *Convexerant ante frumentum*] Romanine an Carthaginienses arcem possederint, dubitat Glarean. Sed ex sequenti *tamen* colligendum videri, Romanos arcem possedissee, monet Drakenb.



U. C. 538. ensium dux, cum exercitu iusto advenit: contraque castra  
 A. C. 214. Romana trans fluvium omnes consedere. P. Scipio, cum  
 expeditis clam profectus ad loca circa visenda, haud fefellit  
 hostes: oppressissentque eum in patentibus campis, ni  
 tumultum in propinquo cepisset. Ibi quoque circumsessus  
 adventu fratris obsidione eximitur. Castulo urbs Hispaniae  
 valida ac nobilis, et adeo coniuncta societate Poenis, ut  
 uxor inde Hannibali esset, ad Romanos defecit. Cartha-  
 ginenses Illiturgin oppugnare adorti, quia praesidium ibi  
 Romanum erat: videbanturque inopia eum locum maxime  
 expugnaturi. Cn. Scipio, ut sociis praesidioque ferret opem,  
 cum legione expedita profectus, inter bina castra cum magna  
 caede hostium urbem est ingressus, et postero die eruptione  
 aequae felici pugnavit. Supra duodecim millia hominum  
 caesa duobus proeliis: plus mille capti, cum sex et triginta  
 militaribus signis. Ita ab Illiturgi recessum est. Bigerra  
 inde urbs (socio et haec Romanorum erat) a Carthaginien-  
 sibus oppugnari coepta est. Eam obsidionem sine certa-  
 mine adveniens Cn. Scipio solvit. Ad Mundam exinde  
 castra Punica mota: et Romani eo confestim secuti sunt.  
 Ibi signis collatis pugnatum per quattuor ferme horas:  
 egregieque vincentibus Romanis signum receptui est datum,  
 quod Cn. Scipionis femur tragula confixum erat: pavorque  
 circa eum ceperat milites, ne mortiferum esset vulnus.  
 Ceterum haud dubium fuit, quin, nisi ea mora intervenisset,  
 castra eo die Punica capi potuerint. Iam non milites solum,  
 sed elephanti etiam usque ad vallum acti erant, superque  
 ipso novem et triginta elephanti pilis confixi. Hoc quoque  
 proelio ad duodecim millia hominum dicuntur caesa, prope  
 tria capta, cum signis militaribus septem et quinquaginta.  
 Ad Auringen inde urbem Poeni recessere; et, ut territis  
 instaret, secutus Romanus. Ibi iterum Scipio lecticula in  
 aciem illatus conflixit: nec dubia victoria fuit: minus tamen  
 dimidio hostium, quam antea, quia pauciores superfuerant,  
 qui pugnarent, occisum. Sed gens nata instaurandis re-  
 parandisque bellis, Magone adquisitionem militum a  
 fratre misso, brevi replevit exercitum, animosque ad ten-  
 tandum de integro certamen fecit. Alii plerique milites,

Illiturgin  
 oppugnant  
 Poeni.

42.  
 Proelium  
 ad Mun-  
 dam.

Altera  
 Rom. vi-  
 ctoria.

Tertia vi-  
 ctoria.

3 *Tragula*] Teli genus, a *traiciendo* dictum, ut ait Varro de L. L. cf. supr. xxi. 7.

4 *Sed gens nata*] Intellige gentem Barcinam, de qua supr. xxi. 10, non Punicam. STROTH. Sed alia aliis placuerint.

5 *A fratre misso*] Praepositionem a addidit Duker., sed Stroth. omit- tendam censet. *Fratre* sc. Hasdru-

bale, fratre Hannibalis et Magonia.

6 *Alii plerique milites*] Licet ple- rique milites, conquisiti et adducti recens a Magone, alii essent quam qui prioribus proeliis pugnaverant, ta- men iisdem animis quibus prius, ut qui pugnarent pro parte toties intra paucos dies victa, eodemque eventu pugnare. Videtur opponere inter se voluisse Livius, hinc alios milites,



sicut pro parte toties intra paucos dies victa, iisdem animis, U. C. 538.  
 7 quibus prius, eodemque eventu pugnare. Plus octo A. C. 214  
 millia hominum caesa: haud multo minus quam mille cap-  
 tum, et signa militaria quinquaginta octo; et spolia plurima  
 Gallica fuere, aurei torques, armillaeque, magnus numerus.  
 Duo etiam insignes reguli Gallorum (Moenicapto et Civi-  
 maro nomina erant) eo proelio ceciderunt: octo elephanti  
 capti, tres occisi.

Quum iam res prosperae in Hispania essent, verecundia Saguntum  
 8 Romanos tandem cepit, Saguntum oppidum, quae causa receptum a  
 9 belli esset, octavum iam annum sub hostium potestate esse. Rom.  
 Itaque id oppidum, vi pulso praesidio Punico, receperunt,  
 cultoribusque antiquis, quos vis reliquerat belli, restituerunt:  
 et Turdetanos, qui contraxerant iis cum Carthaginiensibus  
 bellum, in potestatem redactos sub corona vendiderunt,  
 urbemque eorum delevere.

Haec in Hispania, Q. Fabio, M. Claudio consulibus, gesta. 43.  
 Romae quum tribuni plebis novi magistratum inissent, ex- Censoribus  
 templo censoribus, P. Furio et M. Atilio, a L. Metello tri- dies dicta  
 buno plebis dies dicta ad populum est. Quaestorem eum ad popu-  
 1 proximo anno, adempto equo, tribu moverant, atque aera- lum.  
 rium fecerant, propter coniurationem deserendae Italiae ad  
 Cannas factam. Sed novem tribunorum auxilio vetiti  
 causam in magistratu dicere, dimissique fuerant. Ne lus-  
 trum perficerent, mors prohibuit P. Furii. M. Atilius  
 2 magistratu se abdicavit.

Consularia comitia habita a Q. Fabio Maximo consule.  
 Creati consules ambo absentes, Q. Fabius Maximus consulis  
 filius, et Ti. Sempronius Gracchus iterum. Praetores fiunt  
 M. Atilius, et, qui tum aediles curules erant, P. Sempronius  
 Tuditanus, et Cn. Fulvius Centumalus, et M. Aemilius  
 3 Lepidus. Ludos scenicos per quatrimum eo anno primum

illinc eosdem animos eundemque  
 eventum. Recte tamen videtur Val-  
 la emendare: *Galli plerique milites*,  
 id est, milites, qui magna ex parte  
 Galli erant. Vox *alii* parum clari  
 hic sensus est: et Vallae coniecturam  
 firmare videntur ea, quae de spoliis  
 Gallicis et regulis Gallorum infra me-  
 morantur. Emendationem Vallae ex-  
 pressit Campanus. CREV.

7 *Quibus prius*] *Quibus priores* ex  
 emendatione Vallae recepit Bekker.

8 *Saguntum oppidum, quae causa*  
*belli esset*] Hic restituimus Livio  
 amatam loquendi figuram, ut relati-  
 vum inter duo nomina positum ad  
 posterius referatur. Id monuerat Iac.  
 Gronovius, auctore optima fidei scri-  
 pto, cui consentit Put. cum fidissimo

e regia. Vulgo *quod*. CREV.

9 *Octavum iam annum*] Imo quin-  
 tum, si Livius secum ipse consentiat.  
 Hic enim quintus Punici belli annus  
 agitur. Anno autem huius belli pri-  
 mo captum esse Saguntum contendit  
 Livius xxi. 15. Polybius autem anno  
 ante bellum exortum, unde sextus hic  
 annus conficeretur.

1 *Aerarium fecerant*] cf. Supr. 18.

2 *Se abdicavit*] Quippe in censoris  
 demortui locum alium subrogari fas  
 non erat. cf. supr. v. 31. ix. 34. CR.

3 *Ludos scenicos*] Quo tempore Ro-  
 mae instituti, supr. vii. 2. narratur.  
 Ante hoc bellum Ludi Romani, sive  
 Magni, cf. Dion. vii. 71. et Ludi Sce-  
 nici publico sumptu editi sunt, sed  
 quum iam respublica bello gravata

U. C. 538. factos ab curulibus aedilibus, memoriae proditur. Aedilis  
A. C. 214. Tuditanus hic erat, qui ad Cannas, pavore aliis in tanta  
clade torpentibus, per medios hostes evasit.

U. C. 539. Comitiiis perfectis, auctore Q. Fabio consule, designati  
A. C. 213. consules Romam arcessiti magistratum inierunt: senatum-  
Q. Fabio, que de bello, ac provinciis suis praetorumque, et de exer-  
Ti. Sem- citibus, quibus quique praessent, consuluerunt. Itaque  
pronio II. provinciae atque exercitus divisi. Bellum cum Hannibale  
Coss. consulibus mandatum, et exercituum unus, quem ipse Sem-  
Provincia- pronius habuerat; alter, quem Fabius consul. Eae binae  
rum divi- erant legiones. M. Aemilius praetor, cuius peregrina sors  
sio. erat, iurisdictione M. Atilio collegae, praetori urbano, man-  
44. data, Luceriam provinciam haberet, legionesque duas, qui-  
bus Q. Fabius, qui tum consul erat, praetor praefuerat. P.  
Sempronio provincia Ariminum, Cn. Fulvio Suessula, cum  
binis item legionibus, evenerunt: ut Fulvius urbanas legi-  
ones duceret, Tuditanus a M'. Pomponio acciperet. Pro-  
rogata imperia provinciaeque, M. Claudio Sicilia finibus iis,  
quibus regnum Hieronis fuisset: Lentulo propraeatori pro-  
vincia vetus: T. Otacilio classis. Exercitus nulli additi  
novi. M. Valerio Graecia Macedoniaque cum legione et  
classe, quam haberet: Q. Mucio cum vetere exercitu (duae  
autem legiones erant) Sardinia: C. Terentio legio una, cui  
iam praeerat, et Picenum. Scribi praeterea duae legiones  
urbanae iussae, et viginti millia sociorum. His ducibus,  
his copiis, adversus multa simul, aut mota aut suspecta, bella  
munierunt Romanum imperium.

Prodigia. Consules, duabus urbanis legionibus scriptis, supplemen-  
toque in alias lecto, priusquam ab urbe moverent, prodigia  
procurarunt, quae nuntiata erant. Murus ac portae tactae:  
et Ariciae etiam Iovis aedes de coelo tacta fuerat. Et alia  
ludibria oculorum auriumque credita pro veris. Navium  
longarum species in flumine Tarracinae, quae nullae erant,  
visae; et in Iovis Vicilini templo, quod in Compsano agro  
est, arma concrepuisse: et flumen Amiterni cruentum flux-  
isse. His procuratis ex decreto pontificum, profecti con-  
sules, Sempronius in Lucanos, in Apuliam Fabius. Pater  
filio legatus ad Suessulam in castra venit. Quum obviam  
Fabius pa- ter a filio descendere equo ius- sus.

oneri ferendo non esset, ex hoc tem-  
pore munus horum ludorum appa-  
randorum, tanquam Graece *λειτουργία*,  
aedilibus curulibus deferebatur. cf.  
Niebhr. iii. n. 48.

3 *Itaque*] sc. *Et ita*, atque hoc  
modo, quo statim narrabitur.

4 *Eae binae erant*] Singuli exer-  
citus duas legiones habebant.

5 *Peregrina sors*] sc. Qui praetor

peregrinus esset, qui ius inter pere-  
grinos, vel inter peregrinos et cives  
diceret. cf. supr. xxii. 35.

6 *Provinciam haberet*] Sub. pla-  
cuit, seu iussum est. DOER.

7 *Iovis Vicilini*] Cognomen *Vici-  
linus* a loco hodie incognito ductum  
videtur. STROTH. Nisi malis *Vicil-  
linus*, aut Vescellinus. cf. supr. xxiii.  
37.

filius progrediretur, lictoresque verecundia maiestatis eius U. C. 539.  
 8 taciti anteirent; praeter undecim fasces equo praevectus A. C. 213.  
 9 senex, ut consul animadvertere proximum lictorem iussit,  
 1 et is, ut descenderet ex equo, inclamavit; tum demum desiliens, 'Experiri,' inquit, 'volui, fili, satin' scires, consulem  
 'te esse.'

In ea castra Dasius Altinius Arpinus clam nocte cum 45.  
 tribus servis venit, promittens, si sibi praemio foret, se Ar- Altinius  
 pos proditum esse. Quum eam rem ad consilium retu- Arpinus ve-  
 lisset Fabius, aliis 'pro transfuga verberandus necandusque' nit ad Coa.  
 2 videri, 'ancipitis animi communis hostis: qui post Can-  
 'nensem cladem, tanquam cum fortuna fidem stare oporteret,  
 3 'ad Hannibalem discessisset, traxissetque ad defectionem  
 'Arpos; quumque res Romana contra spem votaque eius  
 4 'velut resurgeret, turpius videatur novam referre proditio-  
 5 'nem proditis olim; qui aliunde stet semper, aliunde sen-  
 6 'tiat, infidus socius, vanus hostis; ad Faleriorum Pyrrhive  
 7 'proditorem tertium transfugis documentum esset.' Contra  
 ea consulis pater Fabius, 'Temporum oblitos homines in  
 'medio ardore belli, tanquam in pace, libera de quoque  
 'arbitria agere,' aiebat: 'qui, quum illud potius agendum  
 'atque iis cogitandum sit, si quo modo fieri possit, ne qui  
 8 'socii a populo Romano desciscant, id non cogitent; docu-  
 'mentum autem dicant statui oportere, si quis resipiscat, et

8 *Praeter undecim fasces*] Hinc apparet, quod et aliunde constat, lictores ire solitos ante magistratum, non gregatim, non binos ternosve, sed singulos, et in lineam. CREV.

9 *Animadvertere*] Verbum proprium de lictoris officio. Videntur hoc verbo comprehendisse quicquid honoris lictor venienti magistratui exhibendum curaret, ut assurgere, via decedere, equo aut curru descendere. CREV.

1 *Proximum lictorem*] Proximus lictor is erat, qui proxime aberat a magistratu. Primus, is qui anteibat, et quasi ducebat agmen. CREV.

2 *Ancipitis animi communis hostis*] Communis hostis et Romanorum et Poenorum, cuius animus inter utrosque anceps fluctuaret. CREV.

3 *Discessisset*] *Discisset*, ex Mureti libris, legendum monet Gronov. quem Bekker. secutus est; sed Drakenb. nihil mutandum censet.

4 *Referre proditionem*] Quemadmodum *gratiam referre* is dicitur qui, quod ipsi gratum est factum, id vicissim aliquo modo rependit, ita proditis olim *prodicionem refert*, qui

pristinae prodicionis damnum nova prodicione resarcit. RASCH.

5 *Qui aliunde stet semper, aliunde sentiat*] Qui semper alii faveat, quam cuius in partibus stet eius corpus. Nempe ille, dum numerabatur in sociis Romanorum, faverat Poenis; nunc quum habetur socius Poenorum, favet Romanis. CREV.

6 *Vanus hostis*] Levis, inconstans hostis, et facile transiturus in eius partes, cuius se hostem ferat. CREV.

7 *Faleriorum Pyrrhive proditorem*] De ludimagistro Falisco cf. supr. v. 27. De Nicia, vel Timochare, Pyrrhi medico, qui regem veneno se sublaturum esse C. Fabricio consuli pollicitus est, cf. Liv. Epit. xiii. A. Gell. iii. 8. Cic. Off. iii. 86. Val. Max. vi. 5.

8 *Documentum autem dicant*] Libri veteres ita habent, *Documentum autem ducant statui oportere non nocitum*; Muretus vero emendavit, *documentum statui oportere non nociturum*: et Thucyd. iii. 46. eandem sententiam recitat, οὕτε ἀνέλπιστον καραστήσαι τοῖς ἀποστᾶσι, ὥς οὐκ ἔσται μεταγνώναι. cf. Muret. Var. Lect. xv. 16.

U. C. 539. 'antiquam societatem respiciat. Quod si abire ab R.<sup>is</sup>  
 A. C. 213. 'liceat, redire ad eos non liceat; cui dubium est, <sup>an</sup>  
 'brevis deserta ab sociis Romana res foederibus <sup>unicis</sup>  
 'omnia in Italia iuncta visura sit? Se tamen ~~non~~ eum esse,  
 'qui Altinio fidei quicquam censeat habendum, sed mediam  
 'consecuturum consilii viam. Neque eum pro hoste, neque  
 'pro socio in praesentia habitum, libera custodia haud pro-<sup>9</sup>  
 'cul a castris placere in aliqua fida civitate servari per belli  
 'tempus: perpetrato bello, tum consultandum, utrum de-  
 'fectio prior plus merita sit poenae, an hic reditus veniae.  
 Fabio assensum est; catenisque ligatus traditur et ipse et  
 comites: et auri satis magnum pondus, quod secum tum  
 attulerat, ei servari iussum. Calibus eum interdiu solutum  
 custodes sequebantur: nocte clausum asservabant. Arpis  
 domi primum desiderari quaerique est coeptus: dein fama,  
 per totam urbem vulgata, tumultum, ut principe amisso,  
 fecit: metuque rerum novarum extemplo nuntii ad Hanni-  
 balem missi. Quibus nequaquam offensus Poenus, quia et  
 ipsum, ut ambiguae fidei virum, suspectum iam pridem  
 habebat, et causam nactus erat tam ditis hominis bona pos-  
 sidendi vendendique; ceterum ut irae magis, quam avari-  
 tiae, datum crederent homines, crudelitatem quoque gravi-  
 tati addidit, coniugemque eius ac liberos in castra accitos,  
 quaestione prius habita, primum de fuga Altinii, dein  
 quantum auri argentique domi relictum esset, satis cognitis  
 omnibus, vivos combussit.

Coniux  
 eius et li-  
 beri com-  
 busti ab  
 Hannibale.

46.  
 Arpos ag-  
 greditur  
 Fabius.

Fabius, ab Suessula profectus, Arpos primum institit  
 oppugnare. Ubi quum a quingentis fere passibus castra  
 posuisset, contemplatus ex propinquo situm urbis moenia-  
 que, quae pars tutissima moenibus erat, qua maxime neg-  
 lectam custodiam vidit, ea potissimum aggredi statuit.  
 Comparatis omnibus, quae ad urbes oppugnandas usui sunt,  
 centurionum robora ex toto exercitu delegit, tribunosque  
 viros fortes iis praefecit, et milites sexcentos, quantum satis  
 visum est, attribuit: eosque, ubi quartae vigiliae signum  
 cecinisset, ad eum locum scalas iussit ferre. Porta ibi hu-  
 milis et angusta erat, via infrequenti per desertam partem  
 urbis: eam portam scalis prius transgressos ad murum:

<sup>9</sup> *Libera custodia*] Quid sit libera  
 custodia sequentia declarant: *Calibus*  
*eum interdiu solutum custodes seque-*  
*bantur.*

<sup>1</sup> *Crudelitatem quoque gravitati*] Ita pro vulg. *crudelitate quoque gra-*  
*vitatem*, receperunt Stroth. et Bekker.  
 Sed Stroth. *gravitati* vix locum hic  
 esse putat, quum de duobus Hanni-  
 balis vitiis, sc. avaritia et ira, sermo

sit; quare legendum *aviditati*, aut  
 cum Gronov. *rapacitate* censet.

<sup>2</sup> *Eam portam . . . transgressos ad*  
*murum pergere*] Qui portam scalis  
 transgressi sunt, eos necesse non est  
 ad murum pergere, quum in ipso  
 muro sint. Quare ex vestigiis opti-  
 mi codicis emendandum videtur, *eam*  
*portam, scalis prius transgressos mu-*  
*rum, aperire.* CREV. Contra unam

bire ab R. re, et ex interiore parte vi claustra refringere iubet, U. C. 539.  
 enentes partem urbis cornu signum dare, ut ceterae A. C. 213.  
 piaae admoverentur: parata omnia atque instructa sese  
 habiturum. Ea impigre facta: et, quod impedimentum  
 agentibus fore videbatur, id maxime ad fallendum adiuvit.  
 Imber, ab nocte media coortus, custodes vigilesque, dilapsos  
 e stationibus, suffugere in tecta coegit: sonituque primo  
 largioris procellae strepitum molientium portam exaudiri  
 prohibuit; lentior deinde aequaliorque accidens auribus  
 magnam partem hominum sopivit. Postquam portam te- Et capit.  
 nuerunt, cornicines in via paribus intervallis dispositos  
 canere iubent, ut consulem excirent. Id ubi factum ex  
 composito est, signa efferri consul iubet, ac paullo ante  
 lucem per effractam portam urbem ingreditur. Tum de- 47.  
 mum hostes excitati sunt, iam et imbre conquiescente, et  
 propinqua luce. Praesidium in urbe erat Hannibalis,  
 quinque millia ferme armatorum: et ipsi Arpini tria millia  
 hominum armabant. Eos primos Poeni, ne quid ab tergo  
 fraudis esset, hosti opposuerunt. Pugnatum primo in te-  
 nebris angustisque viis est. Quum Romani non vias tan-  
 tum, sed tecta etiam proxima portae, occupassent, ne peti  
 superne ac vulnerari possent: cogniti inter se quidam Ar- Arpinis ip-  
 pinique et Romani; atque inde colloquia coepta fieri, per- sis adiu-  
 cunctantibus Romanis, quid sibi vellent Arpini? quam ob vantibus.  
 3 noxam Romanorum, quod aut meritum Poenorum, pro  
 alienigenis ac barbaris, Italici adversus veteres socios Ro-  
 4 manos bellum gererent, et vectigalem ac stipendiariam  
 Italiam Africae facerent? Arpinis purgantibus, ignaros  
 omnium se venum a principibus datos Poeno, captos op-  
 pressosque a paucis esse. Initio orto, plures cum pluribus  
 colloqui. Postremo praetor Arpinus ab suis ad consulem  
 deductus; fideque data inter signa aciesque, Arpini re-  
 pente pro Romanis adversus Carthaginiensem arma ver-  
 terunt. Hispani quoque, paullo minus mille homines,  
 nihil praeterea cum consule pacti, quam ut sine fraude  
 Punicum emitteretur praesidium, ad consulem transtule-  
 runt signa. Carthaginiensibus portae patefactae, emissique  
 cum fide incolumes ad Hannibalem Salapiam venerunt.

vocem transponens, loco male affecto  
 succurrere conatur Roellius, legendo,  
*ad eam portam scalis prius trans-*  
*gressos murum pergere:* non enim  
 prius portam aperiebant, dein claustra  
 refringebant. DRAK.

3 *Quod aut meritum*] *Quod autem*  
*ob meritum* ex cod. Pal. 2. recepit  
 Stroth., probante Dukero. *Quodve ob*  
*meritum* Doer. legendum mavult.  
 Durior quidem videtur lectio *quod*

*aut*, sed in mss. optimis exstat.

4 *Vectigalem ac stipendiariam*] Sae-  
 pe hae duae voces eodem sensu usur-  
 pantur, ut infr. xxxvii. 55. Tamen  
 si accuratam proprietatem quaerimus,  
 eo differunt, quod *stipendiarii* sunt il-  
 qui certum pecuniae frumentive aut  
 cuiuslibet rei modum pendere debent;  
*vectigales* qui incertum, e. g. decumas  
 fructuum. cf. supr. xxi. 41. CREV.

U. C. 539. Arpi sine clade ullius, praeterquam unius veteris proditoris,  
A. C. 213. novi perfugae, restituti ad Romanos. Hispanis duplicia<sup>5</sup><sub>6</sub>  
cibaria dari iussa: operaque eorum forti ac fideli persaepe  
respublica usa est.

Campani  
equites  
112. ad  
castra  
Rom. ve-  
niunt.

Aternum  
captum.

Romae in-  
cendium.

Quum consul alter in Apulia, alter in Lucanis esset; equites centum duodecim nobiles Campani, per speciem praedandi ex hostium agro, permissu magistratum ab Capua profecti, ad castra Romana, quae super Suessulam erant, venerunt. Stationi militum, qui essent, dixerunt; colloqui sese cum praetore velle. Cn. Fulvius castris praeerat: cui ubi nuntiatum est, decem ex eo numero iussis inermibus deduci ad se, ubi, quae postularent, audivit, (nihil autem aliud petebant, quam ut, Capua recepta, bona sibi restituerentur) in fidem omnes accepti. Et ab altero praetore Sempronio Tuditano oppidum Aternum expugnatum. Amplius septem millia hominum capta, et aeris argentique signati aliquantum. Romae foedum incendium per duas noctes ac diem unum tenuit: solo aequata omnia inter Salinas ac portam Carmentalem cum Aequimaelio Iugarioque vico. In templis Fortunae ac<sup>7</sup> matris Matutae et Spei extra portam late vagatus ignis<sup>8</sup> sacra profanaque multa absumpsit.

48.  
Res in His-  
pania ges-  
tae.  
Legati ad  
Syphacem  
missi a Sci-  
pionibus.

Eodem anno P. et Cn. Cornelii, quum in Hispania res prosperae essent, multosque et veteres reciperent socios, et novos adiicerent, in Africam quoque spem extenderunt. Syphax erat rex Numidarum, subito Carthaginiensibus hostis factus. Ad eum centuriones tres legatos miserunt, qui cum eo amicitiam societatemque facerent; et pollicerentur, si perseveraret urgere bello Carthaginienses, gratam eam rem fore senatui populoque Romano, et annisuros, ut in tempore, et bene cumulatam gratiam referant. Grata ea legatio barbaro fuit: collocutusque cum legatis de ratione belli gerundi, ut veterum militum verba audivit, quam multarum rerum ipse ignarus esset, ex comparatione tam ordinatae disciplinae, animum advertit. Tum, primum<sup>9</sup> ut pro bonis ac fidelibus sociis facerent, oravit, 'ut duo le-  
'gationem referrent ad imperatores suos; unus apud sese

<sup>5</sup> *Restituti ad Romanos*] cf. Supr. ii. 13. et 49. ubi similiter *restituo* cum accusativo casu iungitur.

<sup>6</sup> *Duplicia cibaria*] Usitatum fuit apud Romanos hoc modo virtutem militarem remunerare, unde *duplicarii* dicebantur, qui duplex frumentum ob virtutem acciperent. cf. supr. ii. 59.

<sup>7</sup> *Aequimaelio*] cf. Supr. iv. 16.

<sup>8</sup> *Spei extra portam*] Fortunae et Matris Matutae aedes intra Portam

Carmentalem erant, sola Spei extra portam. cf. infr. xxv. 7. Aedes Matris Matutae, ita enim Ino, Semeles soror, apud Italos vocabatur, a Servio Tulio primo dedicata erat, postea refecta et a Camillo dedicata. supr. v. 21. Aedes quoque Fortunae a Servio Tulio dedicata erat. supr. x. 46.

<sup>9</sup> *Animum advertit*] Sic saepe antiqui, quod postea per elisionem frequentius pronuntiatum est *animadvertit*. CRÆV.



‘magister rei militaris remaneret. Rudem ad pedestria U. C. 539.  
 ‘bella Numidarum gentem esse, equis tantum habilem. A. C. 213.  
 ‘Ita iam inde a principiis gentis maiores suos bella gessisse, Unus apud  
 1 ‘ita se a pueris insuetos. Sed habere hostem pedestri net militiae  
 ‘fidentem Marte: cui si aequari robore virium velit, et magister.  
 ‘sibi pedites comparandos esse; et ad id multitudine ho-  
 ‘minum regnum abundare: sed armandi, ornandique, et  
 ‘instruendi eos artem ignorare. Omnia, velut forte con-  
 2 ‘gregata turba, vasta ac temeraria esse.’ Facturos se in  
 praesentia, quod vellet, legati responderunt: fide accepta,  
 ut remitteret extemplo eum, si imperatores sui non com-  
 probassent factum. Q. Statorio nomen fuit, qui ad regem  
 remansit. Cum duobus Romanis reliquis Numida legatos  
 in Hispaniam misit ad accipiendam fidem ab imperatoribus  
 Romanis. Iisdem mandavit, ut protinus Numidas, qui  
 intra praesidia Carthaginiensium auxiliares essent, ad  
 transitionem pellicerent. Et Statorius ex multa iuventute  
 regi pedites conscripsit: ordinatosque proxime morem Ro-  
 3 manum, instruendo et decurrendo signa sequi, et servare  
 4 ordines docuit: et operi aliisque iustis militaribus ita as-  
 sufecit, ut brevi rex non equiti magis fideret, quam pediti;  
 collatisque aequo campo signis, iusto proelio Carthagini-  
 ensem hostem superaret. Romanis quoque in Hispania  
 legatorum regis adventus magno emolumento fuit. Namque  
 ad famam eorum transitiones crebrae ab Numidis coeptae  
 fieri. Ita cum Syphace Romanis iuncta amicitia est.

Quod ubi Carthaginienses acceperunt, extemplo ad  
 Galam, in parte altera Numidiae (Massyli ea gens vocatur)  
 regnantem, legatos mittunt. Filium Gala Masinissam ha- 49.  
 bebat, septem et decem annos natum, ceterum iuvenem ea Carthagin.  
 indole, ut iam tum appareret, latius regnum opulentiussque, cum Gala  
 quam quod accepisset, facturum. Legati, ‘quoniam Sy- foedus fa-  
 5 ‘phax se Romanis iunxisset, ut potentior societate eorum ciunt.  
 ‘adversus reges populosque Africae esset,’ docent; ‘melius  
 ‘fore Galae quoque, Carthaginiensibus iungi quam primum,  
 ‘antequam Syphax in Hispaniam, aut Romani in Africam  
 ‘transeant; opprimi Syphacem, nihildum praeter nomen  
 ‘ex foedere Romano habentem, posse.’ Facile persuasum Masinissa  
 Galae, filio deposcente id bellum, ut exercitum mitteret: Galae F.  
 Syphacem vincit.

1 *Insuetos*] Non adiectivum, sed participium verbi *insuescere* esse patet. STROTH.

2 *Vasta*] Incondita, incomposita. Emendatio Rubenii. Olim editi *sua inscia*: scripti *sua isca*, vel *suasca*. CREV.

3 *Instruendo*] Dum instruuntur. Notum est illud Virgilii, *Uritque vi-*

*dendo Femina*. Et eodem modo Livius, supr. xxiii. 37. *promovendo adiunctam . . . turrem*. CREV.

4 *Iustis militaribus*] Muniis militaribus. Sic dicuntur *iusta funebria*. *Iusta* sunt quodvis pensum, officium, munus. Sic supr. ix. 8. *quam omnia iusta in deditionem nostram perfecta erunt*. CREV.



U. C. 539. qui, Carthaginiensium legionibus coniunctis, magno proelio  
 A. C. 213. Syphacem devicit. Triginta millia eo proelio hominum  
 caesa dicuntur. Syphax cum paucis equitibus in Mauru-<sup>5</sup>  
 sios ex acie Numidas (extremi prope Oceanum adversus  
 Gades colunt) refugit: affluentibusque ad famam eius un-  
 dique barbaris, ingentes brevi copias armavit. Cum quibus  
 antequam in Hispaniam angusto diremptam freto traiceret,  
 Masinissa cum victore exercitu advenit: isque ibi cum Sy-  
 phace ingenti gloria per se, sine ullis Carthaginiensium  
 opibus, gessit bellum. In Hispania nihil memorabile ges-  
 tum, praeterquam quod Celtiberum iuventutem eadem  
 mercede, qua pacta cum Carthaginiensibus erat, impera-  
 tores Romani ad se perduxerunt: et nobilissimos Hispanos  
 supra trecentos in Italiam ad sollicitandos populares, qui  
 inter auxilia Hannibalis erant, miserunt. Id modo eius  
 Celtiberi primi mer-  
 cede mili-  
 tant apud  
 Rom. anni in Hispania ad memoriam insigne est, quod merce-<sup>6</sup>  
 narium militem in castris neminem ante, quam tum Celti-  
 beros, Romani habuerunt.

5 *In Maurusios ex acie Numidas*] Incommodum est hoc loco vocabu-  
 lum *Numidas*. Sigonius *Numidis* le-  
 gere, alii delere plane malebant. For-  
 san legendum; *in Maurusios ex acie*  
*(Numidarum extremi . . . .) refugit.*  
 STROTH.

6 *Mercenarium militem in castris*  
*neminem ante*] Gallos transfugas pri-  
 mo Punico bello a Romanis in com-  
 militum adscitos esse referunt Poly-  
 bius et Zonaras. Quod si ita est, non  
 primi Celtiberi in Romanis castris  
 mercede militarunt. CREV.

## EPITOME LIBRI XXV.

---

*P. CORNELIUS SCIPIO*, postea *Africanus*, ante annos aedilis factus est. *Hannibal* urbem *Tarentum*, praeter arcem, in quam praesidium Romanorum fugerat, per *Tarentinos iuvenes*, qui se noctu venatum ire simulaverant, cepit. *Ludi Apollinares* ex *Marcii* carminibus, quibus *Cannensis* clades praedicta fuerat, instituti sunt. A *Q. Fulvio* et *Ap. Claudio* consulibus adversus *Hannonem* *Poenorum* ducem prospere pugnatum est. *Ti. Sempronius Gracchus* proconsul, ab hospite suo *Lucano* in insidias deductus, a *Magone* interfectus est. *Centenius Penula*, qui centurio militaverat, quum petisset a senatu, ut sibi exercitus daretur, pollicitusque esset, si hoc impetrasset, de *Hannibale* victoriam, octo millibus acceptis, militum dux factus, conflixit acie cum *Hannibale*, et cum exercitu caesus est. *Cn. Fulvius* praetor male adversus *Hannibalem* pugnavit. In quo proelio hominum sexdecim millia ceciderunt: ipse cum equitibus ducentis effugit. *Capua* obsessa est a *Q. Fulvio* et *Ap. Claudio* consulibus. *Claudius Marcellus* *Syracusas* expugnavit anno tertio, et ingentem se virum gessit. In eo tumultu urbis captae *Archimedes*, intentus formis, quas in pulvere descripserat, interfectus est. *P.* et *Cn. Scipiones* in *Hispania* tot tantarumque rerum feliciter gestarum tristem exitum tulerunt; prope cum totis exercitibus caesi anno octavo, quam in *Hispaniam* iverant: amissaque eius provinciae possessio foret, nisi *L. Marcii* equitis *Romani* virtute et industria, contractis exercituum reliquiis, eiusdem hortatu, bina castra hostium expugnata essent. Ad triginta septem millia caesa, ad mille octingentos triginta capti, praeda ingens parta. Dux *Marcus* appellatus est.

# T. LIVII PATAVINI

## LIBER XXV.

U. C. 539.  
A. C. 213.  
Hannibal  
ad Taren-  
tum.

**D**UM haec in Africa atque in Hispania geruntur, Hannibal in agro Tarentino aestatem consumpsit, spe per prodicionem urbis Tarentinorum potiundae. Ipsorum interim et Sallentinorum ignobiles urbes ad eum defecerunt. Eodem tempore in Brutiis ex duodecim populis, qui anno priore ad Poenos desciverant, Consentini et Thurini in fidem populi Romani redierunt. Et plures rediissent, ni T. Pomponius Veientanus praefectus socium, prosperis aliquot populationibus in agro Bruttio iusti ducis speciem nactus, tumultuario exercitu coacto, cum Hannone conflisset. Magna ibi vis hominum, sed inconditae turbae agrestium servorumque, caesa aut capta est: minimumque iacturae fuit, quod praefectus inter ceteros est captus, et tum temerariae pugnae auctor, et ante publicanus, omnibus malis artibus et reipublicae et societatibus infidus damnosusque. Sempronius consul in Lucanis multa proelia parva, haud ullum dignum memoratu, fecit: et ignobilia oppida Lucanorum aliquot expugnavit.

Superstitiones Romae exortae.

Quo diutius trahebatur bellum, et variabant secundae adversaeque res non fortunam magis, quam animos, hominum; tanta religio, et ea magna ex parte externa, civitatem incessit, ut aut homines, aut dii repente alii viderentur facti. Nec iam in secreto modo atque intra parietes abolbantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium deos patrio more. Sacrificuli ac vates ceperant hominum mentes: quorum numerum auxit rustica plebs, ex incultis diutino bello infestisque agris egestate et metu

<sup>1</sup> *Ipsorum interim et Sallentinorum*] Particulam et addidit Rubenius. *Ipsos* intellige Tarentinos, ut Gronov. monet.

<sup>2</sup> *Anno priore*] Duobus ante annis, aut etiam amplius, supr. xxiv. 1. xxiii. 30. Sed haec minuta negligit

fere Livius. CREV.

<sup>3</sup> *Societatibus*] Publicanorum, de quibus haec vox sollenniter adhibetur. supr. xxiii. 49.

<sup>4</sup> *Sacrificuli ac vates*] Eadem fere res narratur supr. iv. 30. Similis quoque infr. xxxix. 8. et 14. STRUTH.

5 in urbem compulsa; et quaestus ex alieno errore facilis, U. C. 539.  
 quem velut ex concessae artis usu exercebant. Primo se- A. C. 213.  
 6 cretae bonorum indignationes exaudiebantur, deinde ad  
 Patres etiam et ad publicam querimoniam excessit res.  
 7 Incusati graviter ab senatu aediles triumvirique capitales,  
 8 quod non prohiberent, quum emovere eam multitudinem e  
 foro, ac disiicere apparatus sacrorum conati essent, haud  
 procul afuit, quin violarentur. Ubi potentius iam esse id  
 malum apparuit, quam ut minores per magistratus sedaretur,  
 M. Atilio praetori urbis negotium ab senatu datum est,  
 ut his religionibus populum liberaret. Is et in concione  
 senatusconsultum recitavit, et edixit, 'Ut, quicunque libros Coercitae  
 'vaticinos precationesve, aut artem sacrificandi conscriptam a senatu.  
 'haberet, eos libros omnes literasque ad se ante Kalendas  
 'Apriles deferret: neu quis, in publico sacrove loco, novo  
 'aut externo ritu sacrificaret.'

Et aliquot publici sacerdotes mortui eo anno sunt: L. 2.  
 Cornelius Lentulus pontifex maximus, et C. Papirius C. Sacerdotes  
 F. Maso pontifex, et P. Furius Philus augur, et C. Papirius mortui et  
 L. F. Maso decemvir sacrorum. In Lentuli locum M. suffecti.  
 Cornelius Cethegus, in Papirii Cn. Servilius Caepio, pon-  
 tifices suffecti sunt. Augur creatus L. Quinctius Flamini-  
 nus, decemvir sacrorum L. Cornelius Lentulus.

Comitiorum consularium iam appetebat tempus; sed, Dictator  
 quia consules a bello intentos avocare non placebat, Ti. comitiorum  
 Sempronius consul comitiorum causa dictatorem dixit C. causa.  
 Claudium Centhonem: ab eo magister equitum est dictus  
 9 Q. Fulvius Flaccus. Dictator primo comitiali die creavit  
 consules Q. Fulvium Flaccum, magistrum equitum, et Ap.  
 Claudium Pulchrum, cui Sicilia provincia in praetura fue-  
 rat. Tum praetores creati Cn. Fulvius Flaccus, C. Clau-  
 dius Nero, M. Iunius Silanus, P. Cornelius Sulla. Comitiiis

5 *Quaestus ex alieno errore*] sc. Quaestus ex aliorum superstitione et stultitia facile capiendus. RUP.

6 *Ad Patres etiam et ad publicam querimoniam excessit res*] Eo excessit res, ut iam Patres in eam inquire se debere existimarent, quererenturque de ea tanquam ad rempublicam pertinente. Haec querimonia vocatur *publica*, tum quia non iam a privatis, sed a toto senatu proficiscabatur; tum quia ad reipublicae decus tranquillitatemque spectabat. CREV.

7 *Aediles*] sc. Plebis, quibus idem negotium supr. iv. 30. datum est. DUK.

8 *Triumvirique capitales*] Hi ma-

gistratus erant suffragiis populi creati, qui de maleficiis et sceleribus cognoscerent. Multum de eorum potestate detractum est, constitutis circa annum U. C. 608. quaestionibus perpetuis. Tum enim de vilissimis fere hominibus, furibus servisque, iudicare ad columnam Maeniam, de qua frequens occurrit apud scriptores mentio. Idem carceri praeerant, et supplicia de noxiis sumenda curabant. Vid. Ascon. Paed. in Cic. Divin. et Pompon. de Orig. Iuris. CREV. Quo tempore primum creati essent, Liv. in Epit. xi. narrat.

9 *Primo comitiali die*] cf. Supr. xxiv. 7.

U. C. 539. perfectis, dictator magistratu abiit. Aedilis curulis fuit eo  
 A. C. 213. anno cum M. Cornelio Cethego P. Cornelius Scipio, cui  
 P. Corne- post Africano fuit cognomen. Huic petenti aedilitatem  
 lius Scipio quum obsisterent tribuni plebis, negantes rationem eius ha-  
 aedilia. bendam esse, quod nondum ad petendum legitima aetas  
 esset: 'Si me,' inquit, 'omnes Quirites aedilem facere  
 volunt, satis annorum habeo.' Tanto inde favore ad suf-  
 fragium ferendum in tribus discursum est, ut tribuni re-  
 pente incepto destiterint. Aedilicia largitio haec fuit: ludi  
 Romani pro temporis illius copiis magnifice facti, et diem  
 unum instaurati, et congii olei in vicos singulos dati. L.  
 Villius Tappulus et M. Fundanius Fundulus, aediles plebei,  
 aliquot matronas apud populum probri accusarunt: quas-  
 dam ex iis damnatas in exsilium egerunt. Ludi plebei  
 per biduum instaurati: et Iovis epulum fuit ludorum  
 causa.

3. Q. Fulvius Flaccus tertium, Ap. Claudius consulatum  
 U. C. 540. ineunt. Et praetores provincias sortiti sunt; P. Cornelius  
 A. C. 212. Sulla urbanam et peregrinam, quae duorum ante sors fue-  
 Q. Fulvio rat, Cn. Fulvius Flaccus Apuliam, C. Claudius Nero Sues-  
 III. Ap. sulam, M. Iunius Silanus Tuscos. Consulibus bellum cum  
 Claudio Hannibale et binae legiones decretae: alter a Q. Fabio  
 Coss. et exercitus  
 Provinciae divisi.

1 *Aedilis curulis . . . cum M. Cornelio Cethego*] At, si Polybio x. 4. et 5. atque Velleio Paterculo ii. 8. fides habenda sit, cum L. Cornelio Scipione fratre germano. Itaque Livius alios auctores secutus est, nisi legendum sit, cum L. Cornelio fratre germano. RUP.

2 *Quod nondum ad petendum legitima aetas esset*] Nondum quidem leges Annales latae erant. Sed nimirum iam tum sancitum fuerat, ne quis ullum urbanum magistratum caperet, antequam dena stipendia emerita haberet: quod suo aevo servari docet Polybius, vi. 17. Porro decimo-septimo demum aetatis anno militiae nomen dabant Romani. Itaque nullum poterant magistratum urbanum gerere ante annum aetatis vigesimum-septimum. At Scipio tertio abhinc anno quattuor et viginti tantum annos natus esse dicitur, infr. xxvi. 18. CREV.

3 *Satis annorum*] Rogationem demum, anno U. C. 572. ab L. Villio tribuno plebis latam fuisse scribit Livius xl. 44. qua definiretur, quot annos nati quemque magistratum peterent caperentque cives Romani, atque inde cognomen familiae inditum ut

*Annales appellarentur.* Hac lege Villia anni videntur constituti Quaesturae 31, vel si alios audiamus, 17. Aedilitati curuli 37, Praeturae 40, Consulatus 43, nam his annis eos magistratus gessit Cicero, qui suo quemque anno se gessisse gloriatur; quem cf. in Or. De Leg. Agrar. ii. 2. FUS. R. Ant. § 184.

4 *Aedilicia largitio*] De largitionibus aedilium cf. Cic. de Off. ii. 16.

5 *Diem unum instaurati*] sc. Dies unus pro hac vice ludis adiectus est. cf. Niebhr. ii. n. 68.

6 *Congii olei*] *Congiaria* hinc dicta ea dona, quae ab Imperatoribus populo distributa sunt. cf. infr. xxxvii. 57. Tac. Ann. xiii. 31.

7 *Ludi plebei*] Quemadmodum ludi Romani ab Aedilibus curulibus, ita plebei ab Aedilibus plebeis fiebant. cf. Cic. in Verr. v. 14.

8 *Iovis epulum*] Epulae Iovi, Innoni et Minervae in Capitolio apparabantur: ad quas curandas *Triumviri Epulones* U. C. 556 creati, infr. xxxiii. 42. qui postea ad septem a Sylla aucti, et Septemviri Epulorum vocati sunt.

superioris anni consule, alter a Fulvio Centumalo acciperet. U. C. 540.  
 Praetorum, Fulvii Flacci, quae Luceriae sub Aemilio prae- A. C. 212.  
 tore; Neronis Claudii, quae in Piceno sub C. Terentio  
 fuissent, legiones essent: supplementum in eas quisque scri-  
 beret sibi. M. Iunio in Tuscos legiones urbanae prioris  
 anni datae. Ti. Sempronio Graccho et P. Sempronio  
 9 Tuditano imperium provinciaeque Lucani et Gallia cum  
 suis exercitibus prorogatae: item P. Lentulo, qua vetus  
 provincia in Sicilia esset; M. Marcello Syracusae, et qua  
 Hieronis regnum fuisset: T. Otacilio classis: Graecia M.  
 1 Valerio: Sardinia Q. Mucio Scaevolae; Hispaniae P. et  
 Cn. Corneliis. Ad veteres exercitus duae urbanae legiones 23. legioni-  
 a consulibus scriptae, summaque trium et viginti legionum bus bellum  
 eo anno effecta est. gestum.

Delectum consulum M. Postumii Pyrgensis cum magno  
 prope motu rerum factum impediit. Publicanus erat Po-  
 stumius, qui multis annis parem fraude avaritiaque neminem  
 in civitate habuerat, praeter T. Pomponium Veientanum,  
 quem, populantem temere agros in Lucanis, ductu Hanno-  
 nis priore anno ceperant Carthaginienses. Hi, quia publi- Postumii  
 cum periculum erat a vi tempestatis in iis, quae portarentur publicani  
 ad exercitus, et ementiti erant falsa naufragia, et ea ipsa, fraud.  
 quae vera renuntiaverant, fraude ipsorum facta erant, non  
 casu. In veteres quassasque naves paucis et parvi pretii  
 rebus impositis, quum mersissent eas in alto, exceptis in  
 praeparatas scaphas nautis, multiplices fuisse merces emen-  
 tiebantur. Ea fraus indicata M. Atilio praetori priore anno  
 fuerat, ac per eum ad senatum delata, nec tamen ullo sena-  
 tusconsulto notata: quia Patres ordinem publicanorum in  
 tali tempore offensum nolebant. Populus severior vindex  
 fraudis erat; excitatique tandem duo tribuni plebis Sp. et  
 L. Carvili, quum rem invisam infamemque cernerent, du-  
 2 centum millium aeris multam M. Postumio dixerunt. Cui Multam ei  
 certandae quum dies advenisset, conciliumque tam frequens dicunt duo  
 plebis adesset, ut multitudinem area Capitolii vix caperet; Tr. Pl.  
 perorata causa, spes una videbatur esse, si C. Servilius Casca  
 tribunus plebis, qui propinquus cognatusque Postumio erat,  
 prius, quam ad suffragium tribus vocarentur, intercessisset.  
 Testibus datis, tribuni populum summovent; sitellaque

9 *Et Gallia*] sc. Cisalpina. In al-  
 teram nondum Romani transcende-  
 rant. CREV.

1 *Hispaniae*] sc. Citerior et ulte-  
 rior. At Cn. Scipio, tanquam legatus  
 fratris, bellum in Hispania gesserat,  
 nisi Livius memorare omiserit a po-  
 pulo extra ordinem, quum privatus

esset, imperium datum fuisse. DUK.

2 *Cui certandae*] Magistratus mul-  
 tare quempiam non poterat, sed mul-  
 tam pronuntiare, quam deinde popu-  
 lus aut iuberet, aut remitteret. Illud  
 erat *multam dicere*, hoc *multam cer-*  
*tare*. cf. Cic. de Legg. iii. 3. Philipp.  
 xi. 8. SIGON.

U. C. 540. allata est, ut sortirentur, ubi Latini suffragium ferrent. In-  
 A. C. 212. terim publicani Cascae instare, ut concilio diem eximeret.  
 Publicano- cui simul metus pudorque animum versabat. Quum in eo  
 rum auda- parum praesidii esset, turbandae rei causa publicani per  
 cia. vacuum in summotó locum cuneo irruerunt, iurgantes simul  
 cum populo tribunisque. Nec procul dimicatione res erat,  
 quum Fulvius consul tribunis, ‘Nonne videtis,’ inquit, ‘vos;  
 4. ‘in ordinem coactos esse, et rem ad seditionem spectare, ni  
 ‘propere dimittitis plebis concilium?’ Plebe dimissa, se-  
 natus vocatur, et consules referunt de concilio plebis tur-  
 bato vi atque audacia publicanorum. ‘M. Furium Camil-  
 ‘lum, cuius exsilium ruina urbis secuta fuerit, damnari se ab  
 ‘iratis civibus passum esse. Decemviros ante eum, quorum  
 ‘legibus ad eam diem viverent, multos postea principes civi-  
 ‘tatis, iudicium de se populi passos. Postumium Pyrgensem  
 ‘suffragium populo Romano extorsisse, concilium plebis  
 ‘sustulisse, tribunos in ordinem coegisse, contra populum  
 ‘Romanum aciem instruxisse, locum occupasse, ut tribunos  
 ‘a plebe intercluderet, tribus in suffragium vocari prohibe-  
 ‘ret. Nihil aliud a caede ac dimicatione continuisse ho-  
 ‘mines, nisi patientiam magistratum, quod cesserint in  
 ‘praesentia furori atque audaciae paucorum, vincique se ac  
 ‘populum Romanum passi sint: et comitia, quae reus vi  
 ‘atque armis prohibiturus erat, ne causa quaerentibus dimi-  
 ‘cationem daretur, voluntate ipsius sustulerint.’ Haec  
 quum ab optimo quoque pro atrocitate rei acta essent, vim-  
 que eam contra rempublicam et pernicioso exemplo factam,  
 senatus decreset; confestim Carvili tribuni plebis, omissa  
 multae certatione, rei capitalis diem Postumio dixerunt: ac,  
 Rei capi-  
 talis dies  
 Postumio  
 dicitur a  
 Tr. Pl.

3 *Ubi Latini suffragium ferrent*] Corruptum hunc locum tantum non omnes critici habent, et Gronov. emendare tentat, ut sortirentur tribus, ac dein suffragium ferrent. Sed Niebuhrius ubi Latini probat, censetque, quando a censoribus Q. Fabio et P. Decio vetus classium in centurias divisio ex instituto Servii Tullii mutata est, municipalibus qui Romae habitabant iura aliqua imminuta fuisse, et quo magis illam iacturam aequo animo ferrent, Latinis concessam esse, ut, qui Romam venissent, sortirentur tribum, in qua suffragium ferrent.

4 *Ut concilio diem eximeret*] Ut hunc diem concilio impendi vetaret, nempe intercedendo. Diem quoque saepe aliquis dicendo eximebat, sive tollebat, (utroque enim verbo uteban-

tur) si perpetua oratione diem consumeret. CREV.

5 *In cornu*] In extrema aut primore subselliorum, in arcum aut semicirculi formam collocatorum, parte STROTH.

6 *Publicani per vacuum*] Publicani conglobati et cuneo facto irruerunt per locum, in ea parte unde populus summotus erat, vacuum. Tribuni populum summovent, ut supra memoratum est. Itaque aliquid erat vacui intervalli tribunos inter et plebem. Eo publicani irruerunt. Ca.

7 *Vos in ordinem coactos esse*] Vestram auctoritatem minui. cf. supr. iii. 35. vi. 38.

8 *Haec quum . . . acta essent*] Gronovius contra fidem mss. et edd. legi iussit iacta, quem auctorem secutus est Bekker.



ni vades daret, prehendi a viatore, atque in carcerem duci U. C. 540.  
 iusserunt. Postumius, vadibus datis, non affuit. Tribuni A. C. 212.  
 plebem rogaverunt, plebesque ita scivit: 'Si M. Postumius  
 ' ante Kalendas Maias non prodisset, citatusque eo die non  
 9 ' respondisset, neque excusatus esset, videri eum in exilio  
 1 ' esse: bonaque eius venire, ipsi aqua et igni placere inter-  
 ' dici.' Singulis deinde eorum, qui turbæ ac tumultus  
 concitatores fuerant, rei capitalis diem dicere, ac vades  
 poscere coeperunt. Primo non dantes, deinde etiam eos, In exilium  
 qui dare possent, in carcerem coniciebant: cuius rei peri- ipse et alii  
 culum vitantes plerique in exilium abierunt. aliquot ab-  
 eunt.

Hunc fraus publicanorum, deinde fraudem audacia pro- 5.  
 2 tegens, exitum habuit. Comitia inde pontifici maximo  
 3 creando sunt habita. Ea comitia novus pontifex M. Cor-  
 4 nelius Cethegus habuit. Tres ingenti certamine petierunt:  
 Q. Fulvius Flaccus consul, qui et ante bis consul et censor  
 fuerat: et T. Manlius Torquatus, et ipse duobus consulati-  
 bus et censura insignis: et P. Licinius Crassus, qui et P. Licinius  
 aedilitatem curulem petiturus erat. Hic senes honoratos- Pont. Max.  
 que iuvenis in eo certamine vicit. Ante hunc, intra cen- ante aedi-  
 tum annos et viginti, nemo, præter P. Cornelium Calussam, litatem.  
 pontifex maximus creatus fuerat, qui sella curuli non se-  
 disset.

Consules quum aegre delectum conficerent, quod inopia Delectuum  
 iuniorum non facile in utrumque, ut et novæ urbanae le- difficultas.  
 giones, et supplementum veteribus scriberetur, sufficebat;  
 5 senatus 'absistere eos incepto' vetuit, 'et triumviros binos

9 *Videri*] Haec erat apud Roma-  
 nos formula ferendæ in reum sen-  
 tentiæ. Cic. in Verr. v. 14. *Fecisse*  
*videri pronuntiavit.* cf. infr. xxxiv.  
 44. CREV.

1 *Aqua et igni placere interdici*  
 cf. Supr. i. 60. Nulla lege apud Ro-  
 manos ante Calpurniam illam de am-  
 bitu latam maleficio exilio mul-  
 tabatur. cf. Cic. pro A. Caecin. 100.  
 Sed mos erat sontibus, qui in exilium  
 si recepissent et se sistere nolissent,  
 aqua et igni publice interdici, unde  
 fiebat, ut, nisi sublato interdicto, in  
 civitatem redire iis non liceret.

2 *Comitia inde pontifici maximo cre-*  
*ando*] L. Lentulus duobus sacerdotiis  
 præditus fuerat, pontificatu, et pon-  
 tificatu maximo. In eius mortui lo-  
 cum Cethegus pontifex factus fuerat  
 supr. 2. P. vero Crassus pontifex max-  
 imus. SIGON.

3 *Ea comitia novus pontifex*] Ad-  
 miratio quibusdam movetur, quo-  
 modo hæc comitia pontifex maximus  
 habuisse dictus sit, quum tot in aliis

locis commemoretur consules illa ha-  
 buisse. Sed quum post pontificatum  
 plebi communicatum ann. U. C. 452,  
 supr. x. 9. pontifex maximus usque  
 ad ann. U. C. 510. e patribus creatus  
 esset, fieri potest, ut in illis comitiis,  
 quæ pontifici maximo creando habe-  
 rentur, proprium esset aliquod pon-  
 tificum munus, sc. aliquid ab ipsis per-  
 agendum, ut, etiam si minus proprie,  
 aliquo tamen modo, sicut Crevier.  
 monet, comitia illa habuisse dici pos-  
 sent. Quum vero antiquitus ponti-  
 fices comitiis curiatis crearentur, at-  
 que ea comitia arbitris pontificibus  
 præberentur, cf. A. Gell. v. 19. simil-  
 limum quidem veri videtur, pon-  
 tificem, ut supr. iii. 54, *auctoritatem*  
*patrum*, quæ lege curiata olim daba-  
 tur, præ se tulisse.

4 *Tres ingenti certamine petierunt*  
 Qui ipsi ex numero octo pontificum  
 erant, quippe ex his octo unus pon-  
 tifex maximus creabatur.

5 *Triumviros binos*] Duplex colle-  
 gium triumvirorum. CREV.

U. C. 540. 'creari' iussit: 'alteros, qui citra, alteros, qui ultra quinquagesimum lapidem in pagis, forisque, et conciliabulis omnem copiam ingenuorum inspicerent: et, si qui roboris satis ad ferenda arma habere viderentur, etiamsi nondum militari aetate essent, milites facerent. Tribuni plebis, si iis videretur, ad populum ferrent, ut, qui minores septem et decem annis sacramento dixissent, iis perinde stipendia procederent, ac si septem et decem annorum, aut maiores, milites facti essent.' Ex hoc senatusconsulto creati triumviri bini conquisitionem ingenuorum per agros habuerunt.

Legati  
Cannensis  
exercitus  
ad Marcellum.

6.

Eorum  
oratio.

Eodem tempore ex Sicilia literae M. Marcelli de postulatis militum, qui cum P. Lentulo militabant, in senatu recitatae sunt. Cannensis reliquiae cladis hic exercitus erat, relegatus in Siciliam, sicut ante dictum est, ne ante Punici belli finem in Italiam reportaretur. Hi permissu Lentuli primores equitum centurionumque, et robora ex legionibus peditum, legatos in hiberna ad M. Marcellum miserunt, e quibus unus, potestate dicendi facta, 'Consulem,' inquit, 'te, M. Marcelle, in Italiam adissemus, quum primum de nobis, etsi non iniquum, certe triste senatusconsultum factum est; nisi hoc sperassemus, in provinciam nos morte regum turbatam ad grave bellum adversus Siculos simul Poenosque mitti: et sanguine nostro vulneribusque nos senatui satisfacturos esse: sicut patrum memoria, qui capti a Pyrrho ad Heracleam erant, adversus Pyrrhum ipsum pugnantes satisfecerunt. Quanquam quod ob meritum nostrum succensuistis, Patres conscripti, nobis, aut succensetis? Ambo mihi consules et universum senatum intueri videor, quum te, M. Marcelle, intueor: quem si ad Cannas consulem habuissemus, melior et reipublicae et nostra fortuna esset. Sine, quaeso, priusquam de conditione nostra queror, noxam, cuius arguimur, nos purgare. Si non deum ira, nec fato, cuius lege immobilis rerum humanarum ordo seritur, sed culpa perimus ad Cannas, cuius tandem ea culpa fuit? militum, an imperatorum? Equi-

6 *Quinquagesimum lapidem*] Quinquagesimum ab urbe milliarium.

7 *Forisque, et conciliabulis*] *Fora* sunt oppidula, in quibus conventus negotiandi et nundinandi causa habebantur, ubi etiam ius dicebatur. In *conciliabulis* quoque ius dicebatur; at ea tamen *foris* inferiora erant. Vid. Turneb. *Advers.* i. 11. CREV.

8 *Stipendia procederent*] cf. *Supr.* v. 7. *Procedere* autem *stipendia* dicuntur, quum anni, per quos quis stipendia facit, numerantur, et de summa annorum, quibus legitima imple-

tur stipendia, deducuntur. RASCH.

9 *In provinciam*] Siciliam morte Hieronis et Hieronymi turbatam.

1 *Capti a Pyrrho*] cf. *Flor.* i. 18. 7. *Plut. in Pyrrh.* In hac pugna P. Valerius Laevinus consul victus est, quum elephantum maxime odore et visu insolito equos Romanorum turbassent. CREV.

2 *Seritur*] Connectitur, catenam quandam efficiens a principiis rerum causisque ad exitus pertinentem. Hoc verbum a *sero*, *serui*, ut *supr.* vii. 2. CREV.

‘dem miles nihil unquam dicam de imperatore meo, cui U. C. 540.  
 ‘praesertim gratias sciam ab senatu actas, quod non despe- A. C. 212.  
 ‘raverit de republica; cui post fugam ab Cannis per omnes  
 ‘annos prorogatum imperium. Ceteros item ex reliquiis  
 ‘cladis eius, quos tribunos militum habuimus, honores pe-  
 ‘tere et gerere, et provincias obtinere audivimus. An vobis  
 ‘vestrisque liberis ignoscitis facile, Patres conscripti, in  
 ‘haec vilia capita saevitis? Et consuli primoribusque aliis  
 ‘civitatis fugere, quum spes alia nulla esset, turpe non fuit;  
 ‘milites utique morituros in aciem misistis? Ad Alliam  
 ‘prope omnis exercitus fugit: ad Furculas Caudinas, ne  
 ‘expertus quidem certamen, arma tradidit hosti, ut alias  
 ‘pudendas clades exercituum taceam: tamen tantum afuit  
 ‘ab eo, ut ulla ignominia iis exercitibus quaereretur,  
 ‘ut et urbs Roma per eum exercitum, qui ab Allia Veios  
 ‘transfugerat, recuperaretur; et Caudinae legiones, quae  
 ‘sine armis redierant Romam, armatae remissae in Sam-  
 ‘nium, eundem illum hostem sub iugum miserint, qui hac  
 ‘sua ignominia laetatus fuerat. Cannensem vero quisquam  
 ‘exercitum fugae aut pavoris insimulare potest, ubi plus  
 ‘quingenta millia hominum ceciderunt? unde consul  
 ‘cum equitibus septuaginta fugit? unde nemo superest,  
 ‘nisi quem hostis caedendo fessus reliquit? Quum captivis  
 ‘redemptio negabatur, nos vulgo homines laudabant, quod  
 ‘reipublicae nos reservassemus: quod ad consulem Venu-  
 ‘siam redissemus, et speciem iusti exercitus fecissemus.  
 ‘Nunc deteriore conditione sumus, quam apud patres no-  
 ‘stros fuerant captivi. Quippe illis arma tantum atque ordo  
 3 ‘militandi, locusque, in quo tenderent in castris, est muta-  
 ‘tus: quae tamen, semel navata reipublicae opera, et uno  
 ‘felici proelio, recuperarunt. Nemo eorum relegatus in  
 ‘exsilium est: nemini spes emerendi stipendia adempta:  
 ‘hostis denique est datus, cum quo dimicantes, aut vitam  
 ‘semel, aut ignominiam finirent. Nos, quibus, nisi quod  
 ‘commisimus, ut quisquam ex Cannensi acie miles Roma-  
 ‘nus superesset, nihil obiici potest, non solum a patria pro-  
 ‘cul Italiaque, sed ab hoste etiam, relegati sumus: ubi se-  
 ‘nescamus in exsilio, ne qua spes, ne qua occasio abolendae  
 ‘ignominiae, ne qua placandae civium irae, ne qua denique  
 ‘bene moriendi sit. Neque ignominiae finem, nec virtutis  
 ‘praemium petimus; modo experiri animum, et virtutem  
 ‘exercere liceat. Laborem et periculum petimus, ut viro-

3 *In quo tenderent*] Tentoria po-  
 nerent, nempe extra vallum tendere  
 eos oportebat. “Decreverunt,” in-  
 quit Val. Max. ii. 7, “ut . . . qui equo  
 meruerant, peditum numero milita-

rent; qui pedites fuerant, in fundito-  
 rum auxilia transcriberentur.” Haec  
 de captivis, quos Pyrrhus reddiderat,  
 a senatu decreta sunt.

U. C. 540. 'rum, ut militum officio fungamur. Bellum in Sicilia iam  
 A. C. 212. 'alterum annum ingenti dimicatione geritur: urbes alias  
 'Poenus, alias Romanus expugnat: peditum, equitum acies  
 'concurrunt: ad Syracusas terra marique res geritur: cla-  
 'morem pugnantium crepitumque armorum exaudimus re-  
 'sides ipsi ac segnes, tanquam nec manus, nec arma habea-  
 'mus. Servorum legionibus Ti. Sempronius consul toties  
 'iam cum hoste signis collatis pugnavit. Operae pretium  
 'habent, libertatem civitatemque. Pro servis saltem ad  
 'hoc bellum emptis vobis simus: congredi cum hoste liceat,  
 'et pugnando quaerere libertatem. Vis tu mari, vis terra,  
 'vis acie, vis urbibus oppugnandis experiri virtutem? As-  
 'perrima quaeque ad laborem periculumque deposcimus, ut,  
 'quod ad Cannas faciundum fuit, quam primum fiat; quo-  
 'niam, quicquid postea viximus, id omne destinatum igno-  
 'miniae est.' Sub haec dicta ad genua Marcelli procubue-  
 runt. Marcellus id nec iuris, nec potestatis suae esse  
 dixit. Senatui scripturum se, omniaque de sententia Pa-  
 trum facturum esse. Hae literae ad novos consules allatae,  
 ac per eos in senatu recitatae sunt: consultusque de his  
 literis ita decrevit senatus: 'Militibus, qui ad Cannas com-  
 'mitones suos pugnantes deseruissent, senatum nihil  
 'videre, cur respublica committenda sit. Si M. Claudio  
 'proconsuli aliter videretur, faceret, quod e republica fide-  
 'que sua duceret: dum ne quis eorum munere vacaret, neu  
 'dono militari virtutis ergo donaretur, neu in Italiam repor-  
 'taretur, donec hostis in terra Italia esset.'

7.  
 Ad sena-  
 tum relici-  
 untur.

Senatus se-  
 veritas.

Comitia deinde a praetore urbano de senatus sententia  
 plebisque scitu sunt habita: quibus creati sunt quinque-  
 viri muris turribusque reficiendis: et triumviri bini; uni  
 sacris conquirendis donisque persignandis; alteri reficiendis:  
 aedibus Fortunae et matris Matutae intra portam Carmen-  
 talem, sed et Spei extra portam, quae priore anno incendio  
 consumptae fuerant.

Tempestates foedae fuere. In Albano monte biduum  
 continenter lapidibus pluit. Tacta de coelo multa: duae  
 in Capitolio aedes: vallum in castris multis locis supra  
 Suessulam, et duo vigiles exanimati. Murus turreaque

4 *Dum ne quis eorum munere va-  
 caret*] *Munus* hic est onus militare,  
 quale est, lignum, foenum, stramen,  
 aquam in castra portare, etc. *Iis*  
 autem oneribus vacare quibusdam mi-  
 litibus virtutis ergo dabatur. *Has*  
 etiam vacationes interdum pecunia a  
 centurionibus redimere solitos esse  
 milites docet Tac. Ann. i. 17. et alibi  
 saepius. CREV.

5 *Sacris conquirendis donisque per-  
 signandis*] Conquirendis sacris, quae  
 fuerant in aedibus de quibus infra.  
 priore anno incendio absumptis. *Do-  
 nis persignandis*, id est, recognoscen-  
 dis et in tabulas publicas referendis  
 donis, quae eorundem templorum fo-  
 rent. CREV.

6 *Consumptae fuerant*] cf. Supr.  
 xxiv. 47.

quaedam Cumis non ictae modo fulminibus, sed etiam de- U. C. 540.  
 cussae. Reate saxum ingens visum volitare: sol rubere A. C. 212.  
 solito magis, sanguineoque similis. Horum prodigiorum  
 causa diem unum supplicatio fuit, et per aliquot dies con-  
 sules rebus divinis operam dederunt: et per eosdem dies  
 sacrum novendiale fuit. Quum Tarentinorum defectio Obsides  
 iam diu et in spe Hannibali, et in suspicione Romanis Tarentini  
 esset, causa forte extrinsecus maturandae eius intervenit. Roma fu-  
 giunt.  
 Phileas Tarentinus, diu iam per speciem legationis Romae  
 quum esset, vir inquieti animi, et minime otium, quo tum  
 7 diutino senescere videbatur, patientis, aditum sibi ad ob-  
 sides Tarentinos invenit. Custodiebantur in atrio Liber-  
 tatis minore cura, quia nec ipsis, nec civitati eorum fallere  
 Romanos expediebat. Hos, crebris colloquiis sollicitatos,  
 corruptis aedituis duobus, quum primis tenebris custodia  
 eduxisset, ipse comes occulti itineris factus profugit. Luce  
 prima vulgata per urbem fuga est: missique, qui sequeren-  
 8 tur, ab Tarracina comprehensos omnes retraxerunt. De-  
 ducti in comitio, virisque, approbante populo, caesi de  
 9 saxo deiiciuntur. Huius atrocitas poenae duarum nobi- 8.  
 lissimarum in Italia Graecarum civitatum animos irritavit,  
 quum publice, tum etiam singulos privatim, ut quisque  
 tam foede interemptos aut propinquitate, aut amicitia con-  
 1 tingeat. Ex iis tredecim fere nobiles iuvenes Tarentini Coniuratio  
 coniuraverunt, quorum principes Nico et Philemenus erant. Tarenti.  
 Hi, prius, quam aliquid moverent, colloquendum cum Han-  
 nibale rati, nocte per speciem venandi urbem egressi, ad  
 eum proficiscuntur. Et, quum haud procul castris abes-  
 sent, ceteri silva prope viam sese occuluerunt: Nico et  
 Philemenus, progressi ad stationes comprehensique, ultro  
 id petentes, ad Hannibalem deducti sunt. Qui quum  
 et causas consilii sui, et quid pararent, exposuissent;  
 collaudati, oneratique promissis, iubentur, ut fidem popu-  
 2 laribus facerent, praedandi causa se urbe egressos, pecora  
 Carthaginiensium, quae pastum propulsa essent, ad urbem  
 agere. Tuto ac sine certamine id facturos, promissum est.  
 Conspecta ea praeda iuvenum est: minusque, iterum ac  
 saepius id eos audere, miraculo fuit. Congressi cum Han-  
 nibale rursus, fide sanxerunt, liberos Tarentinos leges

7 *Ad obsides Tarentinos]* Et *Thuri-  
 nos* addit Heusinger.

8 *Deducti in comitio]* *Reducti in  
 comitio virgis* legendum censet Gro-  
 nov.; *deducti in comitium* Stroth.

9 *Duarum]* Tarenti scilicet, et  
 Thuriarum de quibus *infr. 15*. Imo  
*tertiae*, nempe Metaponti, ut Gronov.  
 monet.

1 *Ex iis tredecim]* Ex numero il-  
 lorum, quorum propinqui vel amici  
 interempti essent. Duk.

2 *Praedandi causa se urbe egres-  
 sos]* cf. Thucyd. iv. 67. ubi simili  
 fraude Nisaea, Megarorum portus,  
 Atheniensibus prodita narratur. Ce-  
 terum de hac narratione cf. Polyb.  
 viii. 26.

U. C. 540. suaque omnia habituros, neque ullum vectigal Poeno pen-  
 A. C. 212. suros, praesidiumve invitos recepturos: prodita praesidia  
 Carthaginensium fore. Haec ubi convenerunt, tunc vero  
 Philemenus consuetudinem nocte egrediundi redeundique  
 in urbem frequentiore facere. Et erat venandi studio  
 insignis, canesque et alius apparatus sequebatur; captum-  
 que ferme aliquid, aut ab hoste ex praeparato ablatum re-  
 portando, donabat aut praefecto, aut custodibus portarum.  
 Nocte maxime commeare propter metum hostium, crede-  
 bant. Ubi iam eo consuetudinis adducta res est, ut, quo-  
 cunque noctis tempore sibilo dedisset signum, porta aperi-  
 retur, tempus agenda rei Hannibali visum est. Tridui  
 viam aberat: ubi, quo minus mirum esset, uno eodemque  
 loco stativa eum tam diu habere, aegrum simulabat. Ro-  
 manis quoque, qui in praesidio Tarenti erant, suspecta  
 esse iam segnis mora eius desierat. Ceterum postquam  
 Tarentum ire constituit, decem millibus peditum atque  
 equitum, quos in expeditione velocitate corporum ac le-  
 vitate armorum aptissimos esse ratus est, electis, quarta  
 vigilia noctis signa movit: praemissisque octoginta fere  
 Numidis equitibus praecepit, ut discurrerent circa vias,  
 perlustrarentque omnia oculis, ne quis agrestium procul  
 spectator agminis falleret; praegressos retraherent, obvios  
 occiderent, ut praedonum magis, quam exercitus, accolis  
 species esset. Ipse, raptim agmine acto, quindecim ferme  
 millium spatio castra ab Tarento posuit: et, ne ibi quidem  
 nuntiato, quo pergerent, tantum convocatos milites monuit,  
 via omnes irent; nec deverti quemquam, aut excedere  
 ordinem agminis paterentur, et in primis intenti ad imperia  
 accipienda essent; neu quid nisi ducum iussu facerent: se  
 in tempore editurum, quae vellet agi. Eadem ferme hora  
 Tarentum fama pervenerat, Numidas equites paucos popu-  
 lari agros, terroremque late agrestibus iniecis-  
 se. Ad quem nuntium nihil ultra motus praefectus Romanus, quam ut  
 partem equitum postero die luce prima iuberet exire ad  
 arcendum populationibus hostem. In cetera adeo nihil ob  
 id intenta cura est, ut contra pro argumento fuerit illa pro-  
 cursatio Numidarum, Hannibalem exercitumque castris non  
 movisse. Hannibal concubia nocte movit. Dux Phile-

9.  
 Hannibal  
 it Taren-  
 tum versus.

3 *In expeditione*] Magis placeret,  
*in expeditionem . . . aptissimos.* CR.

4 *Raptim agmine acto*] Olim *facto*.  
 Sigonius correxit. CREV.

5 *Nuntiato, quo pergerent*] Primo  
 melius videretur *pergeret*. Deinde  
 nuntiamus ea fere quae vidimus, au-  
 divimus, aut aliunde didicimus. E-  
 nuntiamus quum cetera arcana, tum  
 animi nostri consilia. Videtur igitur

legendum, *enuntiato quo pergeret*.  
 Haec fere Perizonius. *Enuntiato* re-  
 posuit Bekker.

6 *Concubia nocte*] *Concubium*, sive  
*concubia nox*, est illud noctis tempus,  
 quum primum omnes fere cubile ac  
 somnus habet. Vid. Macrob. Sat. i. 3.  
 Polybius, cuius e libro viii. totam  
 hanc Tarentinae defectionis narratio-  
 nem sumpsit Livius, Hannibalem mo-



menus erat, cum solito captae venationis onere: ceteri pro- U. C. 540.  
 ditores ea, quae composita erant, exspectabant. Convenerat A. C. 212.  
 autem, ut Philemenus, portula assueta venationem inferens,  
 armatos induceret: parte alia portam Temenida adiret  
 7 Hannibal. Ea mediterranea regione orientem spectabat:  
 aliquantum intra moenia includuntur. Quum portae ap-  
 propinquaret, editus ex composito ignis ab Hannibale est,  
 refulsitque. Idem redditum ab Nicone signum: extinctae  
 deinde utrimque flammae sunt. Hannibal silentio ducebat  
 ad portam. Nico ex improvise adortus sopitos vigiles in  
 cubilibus suis obtruncat, portamque aperit. Hannibal cum Tarentum  
 peditum agmine ingreditur, equites subsistere iubet: ut, ingreditur  
 quo res postulet, occurrere libero campo possent. Et Phi- Hannibal.  
 lemenus portulae parte alia, qua commeari assuerat, appro-  
 pinquabat. Nota vox eius et familiare iam signum quum  
 excitasset vigilem, dicenti, vix sustinere grandis bestiae onus,  
 portula aperitur. Inferentes aprum duos iuvenes secutus  
 ipse cum expedito venatore, vigilem, incautius miraculo  
 magnitudinis in eos, qui ferebant, versum, venabulo traiecit.  
 Ingressi deinde triginta fere armati, ceteros vigiles obtrun-  
 cant, refringuntque portam proximam: et agmen sub signis  
 confestim irrupit. Inde cum silentio in forum ducti, Han-  
 nibali sese coniunxerunt. Cum duobus millibus Gallorum  
 Poenus, in tres divisas partes, per urbem dimittit Tarenti-  
 nos, et itinera quam maxime frequentia occupare iubet:  
 tumultu orto, Romanos passim caedi, oppidanis parci.  
 8 Sed, ut fieri id posset, praecipit iuvenibus Tarentinis, ut,  
 ubi quem suorum procul vidissent, quiescere et silere, ac  
 bono animo esse iuberent. Iam tumultus erat clamorque, 10.  
 qualis esse in capta urbe solet: sed, quid rei esset, nemo  
 satis pro certo scire. Tarentini Romanos ad diripiendam  
 urbem credere coortos: Romanis seditio aliqua cum fraude  
 9 videri ab oppidanis mota. Praefectus, primo excitatus  
 tumultu, in portum effugit: inde, acceptus scapha, in arcem

visse dicit κρέπατος ἀπὸ γερουμένων,  
 quod quidem potuisset verti, primis  
 intendentibus se tenebris. CREV.

7 *Ea mediterranea . . . . aliquan-  
 tum*] Locus corruptus. Polybius auc-  
 tor est, ad eam portam de qua hic  
 agitur, intra moenia fuisse sepulcra  
 Tarentinorum, ad quae Nico sedere  
 debebat Hannibalem exspectans. De  
 iis sepulcris hic mentionem fecisse  
 Livium, probabiliter omnino suspi-  
 cantur Sigonius et uterque Gronovius,  
 qui varie hunc locum refinxerunt.  
 Nihil melius videtur, quam si legas:

*Ea mediterranea regione Orientem  
 spectat, ad busta quae intra moenia  
 includuntur.* CREV.

8 *Tarentinis*] Intellige quosdam  
 ex coniuratis, ut disertis verbis docet  
 Polybius. CREV.

9 *Praefectus, primo excitatus tu-  
 multu*] *M. Livius*, ut supr. xxiv. 20.  
 legitur. Sed Polyb. in praenomine  
 dissentit, eumque appellat *C. Livium*.  
 Idem narrat eum hesterno gravatum  
 mero tum maxime crapulam edor-  
 misse.



U. C. 540. circumvehitur. Errorem et tuba audita ex theatro faciebat.<sup>1</sup>  
 A. C. 212. Nam et Romana erat, a proditoribus ad hoc ipsum praeparata: et inscianter a Graeco inflata, quis, aut quibus signum daret, incertum efficiebat. Ubi illuxit, et Romanis Punica et Gallica arma cognita tum dubitationem exemerunt; et Graeci, Romanos passim caede stratos cernentes, ab Hannibale captam urbem senserunt. Postquam lux certior erat, et Romani, qui caedibus superfuerant, in arcem confugerant, conticescebatque paullatim tumultus; tum Hannibal Tarentinos sine armis convocare iubet. Convenere omnes, praeterquam qui cedentes in arcem Romanos ad omnem adeundam simul fortunam prosecuti fuerant. Ibi Hannibal, benigne allocutus Tarentinos, testatusque, quae praestitisset civibus eorum, quos ad Trasimenum aut ad Cannas cepisset, simul in dominationem superbam Romanorum invectus, recipere se in domos suas quemque iussit, et foribus nomen suum inscribere: se domos eas, quae inscriptae non essent, signo extemplo dato, diripi iussurum. Si quis in hospitio civis Romani (vacuas autem tenebant domos) nomen inscripsisset, eum se pro hoste habiturum. Concione dimissa, quum titulis notatae fores discrimen pacatae ab hostili domo fecissent, signo dato, ad diripienda hospitia Romana passim discursus est: et fuit praedae aliquantum.

Romani in  
arcem con-  
fugiunt.

Hannibal  
benigne  
Tarentinos  
alloquitur.

11. Postero die ad oppugnandam arcem ducit: quam quum et a mari, quo in paeninsulae modum pars maior circumluitur, praealtis rupibus, et ab ipsa urbe muro et fossa ingenti saeptam videret, eoque nec vi, nec operibus expugnabilem esse; ne aut se ipsum cura tuendi Tarentinos a maioribus rebus moraretur; aut in relictos sine valido praesidio Tarentinos impetum ex arce, quum vellent, Romani facerent, vallo urbem ab arce intersaepire statuit: non sine illa etiam spe, cum prohibentibus opus Romanis manum posse conseri; et, si ferocius procucurrissent, magna caede ita attenuari praesidii vires, ut facile per se ipsi Tarentini urbem ab iis tueri possent. Ubi coeptum opus est, patefacta repente porta, in munientes impetum fecerunt Romani: pellique se statio passa est, quae pro opere erat, ut

Arx ab urbe  
vallo inter-  
saepitur.

<sup>1</sup> *Errorem et tuba audita*] Ita Lipsius pro vulg. *terrorem*.

<sup>2</sup> *Convocare iubet*] Legendum cum vetere Mureti libro *convocari* monet Crevier. quem Bekker. secutus est.

<sup>3</sup> *Vacuas autem tenebant domos*] *Vacuas domos*, id est, proprias, in quibus soli habitarent, non permisti cum Tarentinis civibus. Ceterum scripti

habuere *tenebat*. Emendavit Lipsius. CREV. cf. supr. xxiv. 7.

<sup>4</sup> *A mari*] Praepositionem *a* addidit Gronov. Intelligendum est, arcem ab ea parte qua mari alluebatur, rupibus saeptam fuisse; ab urbe, muro et fossa.

<sup>5</sup> *Quae pro opere erat*] Quae ad opus tuendum collocata erat.

6 **successu cresceret audacia, pluresque et longius pulsos per-** U. C. 540.  
**sequerentur.** Tum signo dato coorti undique Poeni sunt, A. C. 212.  
 quos instructos ad hoc Hannibal tenuerat; nec sustinere  
 impetum Romani, sed ab effusa fuga loci angustiae eos,  
 impeditaque alia opere iam coepto, alia apparatu operis,  
 morabantur. Plurimi in fossam praecipitavere, occisique  
 sunt plures in fuga, quam in pugna. Inde et opus nullo  
 prohibente fieri coeptum. Fossa ingens ducta, et vallum  
 intra eam erigitur: modicoque post intervallo murum etiam  
 eadem regione addere parat, ut vel sine praesidio tueri se  
 adversus Romanos possent. Reliquit tamen modicum prae-  
 sidium, ut simul in faciendo muro adiuveret: ipse, profec-  
 tus cum ceteris copiis, ad Galaesum flumen (quinque millia  
 ab urbe abest) posuit castra. Ex iis stativis regressus ad  
 inspiciendum opus, quod aliquantum opinione eius celerius  
 creverat, spem cepit, etiam arcem expugnari posse. Et Hannibal  
 7 **est non altitudine, ut cetera, tuta, sed loco plano posita, et** arcem op-  
 ab urbe muro tantum ac fossa divisa. Quum iam machina- pugnatur.  
 tionum omni genere et operibus oppugnaretur, missum a  
 Metaponto praesidium Romanis fecit animum, ut nocte ex  
 improvviso opera hostium invaderent. Alia disiecerunt, alia  
 igni corruerunt: isque finis Hannibali fuit ea parte arcem  
 oppugnandi. Reliqua erat in obsidione spes, nec ea satis  
 efficax, quia arcem tenentes, quae in paeninsula posita im-  
 minet faucibus portus, mare liberum habebant: urbs contra  
 exclusa maritimis com meatibus, propiusque inopiam erant  
 obsidentes, quam obsessi. Hannibal, convocatis princi-  
 pibus Tarentinorum, omnes praesentes difficultates ex-  
 posuit: 'neque arcis tam munitae expugnandae viam cer-  
 'nere, neque in obsidione quicquam habere spei, donec  
 'mari potiantur hostes. Quod si naves sint, quibus com-  
 'meatus invehì prohibeant, extemplo aut abscessuros, aut  
 'dedituros se hostes.' Assentiebantur Tarentini; ce-  
 terum ei, qui consilium afferret, opem quoque in eam  
 rem afferendam esse, censebant. 'Punicas enim naves  
 'ex Sicilia accitas id posse facere: suas, quae sinu  
 'exiguo intus inclusae essent, quum claustra portus hos-  
 'tis haberet, ecquem ad modum inde in apertum mare  
 'evasuras? Evadent,' inquit Hannibal. 'Multa, quae  
 'impedita natura sunt, consilio expediuntur. Urbem in  
 'campo sitam habetis: planae et satis latae viae patent in  
 8 'omnes partes. Via, quae in portum per mediam urbem

6 *Pluresque et longius pulsos persequerentur*] Maiorque numerus Romanorum prosequerentur pulsos Poenos, et longius ab arce excurrerent. CREV.

7 *Ut cetera, tuta*] sc. *Ut cetera* pars, quae a mari erat et quae praeruptis rupibus septa est. DRAK.

8 *Via, quae in portum*] *In portu*, ut plures mss. habent, reposuit Bek-

U. C. 540. 'ad mare transmissa est, plaustis transveham naves haud  
A. C. 212. 'magna mole. Et mare nostrum erit, quo nunc hostes  
Plaustis 'potiuntur: et illinc mari, hinc terra circumsidebimus  
navestrans- 'arcem. Imo brevi, aut relictam ab hostibus, aut cum  
feruntur in 'ipsis hostibus capiemus.' Haec oratio non spem modo  
mare. effectus, sed ingentem etiam ducis admirationem fecit.

Contracta extemplo undique plaustra, iunctaque inter se:  
et machinae ad subducendas naves admotae, munitumque  
iter, quo faciliora plaustra minorque moles in transitu esset.  
Iumenta inde et homines contracti, et opus impigre coe-  
ptum: paucosque post dies classis instructa ac parata cir-  
cumvehitur arcem, et ante os ipsum portus ancoras iacit.  
Hunc statum rerum Hannibal Tarenti reliquit, regressus  
ipse in hiberna. Ceterum, defectio Tarentinorum utrum  
priore anno, an hoc, facta sit, in diversum auctores tra-  
hunt: plures propioresque aetate memoriae rerum hoc  
anno tradunt factam.

12. Romae consules praetoresque usque ante diem quin-  
tum Kalendas Maias Latinae tenuerunt. Eo die per-  
petrato sacro in monte, in suas quisque provincias profici-  
scuntur. Religio deinde nova obiecta est ex carminibus  
Marcianis. Vates hic Marcius illustris fuerat, et quum  
conquisitio priore anno ex senatusconsulto talium librorum:  
fieret, in M. Atilii praetoris urbani, qui eam rem agebat,  
manus venerant. Is protinus novo praetori Sullae tradide-  
rat. Ex huius Marcii duobus carminibus, alterius post rem  
actam editi cum rato auctoritas eventu, alteri quoque, cuius  
nondum tempus venerat, afferebat fidem. Priore carmine  
Cannensis praedicta clades in haec ferme verba erat: 'Am-  
'nem Troiugena Cannam Romane fuge: ne te alienigenae  
'cogant in campo Diomedis conserere manus. Sed neque:  
'credes tu mihi, donec compleris sanguine campum; mul-

Marcus  
vates.

Cannensem  
cladem  
praedix-  
erat.

ker. Sigonii emendationem *ex portu* probat Crevier. Id enim agebatur, ut naves Tarentinorum, quae in portu erant, at eum egredi nequibant, quod claustra portus hostis haberet, ex eo in apertum mare transmitterentur. Et ita habet Polybius, ἐκ τοῦ λυμένους εἰς τὴν ἕξω θάλατταν.

9 *Latinae*] Ferae, de quibus cf. supr. v. 17.

1 *In monte*] sc. Albano, ubi Iovis Latiaris aedes erat.

2 *Talium librorum*] sc. Vaticinorum, quippe in Capitolino templo postea asservabantur plures libri fatales, sc. Sibyllae Erythraeae, ut dicebatur, Bygoes nymphae Etruscae, Albunae Sibyllae Tiburtinae, atque huius Marcii vatis Romani. Sed sui

cuique urbi Etruscae erant libri fatales, quemadmodum Veis, supr. v. 15. cf. Niebhr. i. n. 1125.

3 *Alterius post rem actam*] Alterius carminis post rem actam editi auctoritas, quam ratam fecerat et comprobat eventus. *Cum rato eventu*, est, cum eventu congruente, vera. CREV.

4 *Amnem . . . Cannam*] Quis sit iste amnis Canna, parum liquet. Alii Aufidum ipsum esse volunt; alii aliquem ignobilem rivulum, qui Cannas praeterfluat. CREV.

5 *In campo Diomedis*] "Diomedis campi in Apulia appellantur, qui ei in divisione regni, quam cum Danno fecit, cesserant." Festus. Hic designantur Cannenses campi. CREV.

‘taque millia occisa tua deferat amnis in pontum magnum U. C. 540.  
‘ex terra frugifera; piscibus atque avibus ferisque, quae A. C. 212.  
6 ‘incolunt terras, iis fuit esca caro tua: nam mihi ita Iupiter  
‘fatus est.’ Et Diomedis Argivi campos et Cannam flumen,  
qui militaverant in iis locis, iuxta atque ipsam cladem  
agnoscebant. Tum alterum carmen recitatum, non eo  
7 perplexius etiam scripturae genere. ‘Hostem, Romani, si Alterum  
8 ‘expellere vultis, vomicamque, quae gentium venit longe, eius vati-  
‘Apollini vovendos censeo ludos, qui quotannis comiter cinium.  
‘Apollini fiant: quum populus dederit ex publico partem,  
‘privati uti conferant pro se suisque. Iis ludis faciendis  
9 ‘praeerit praetor is, qui ius populo plebeiue dabit summum.  
‘Decemviri Graeco ritu hostiis sacra faciant. Haec si recte  
‘faxitis, gaudebitis semper, fietque res vestra melior. Nam  
‘is divus exstinguet perduelles vestros, qui vestros campos  
‘pascunt placide.’ Ad id carmen explanandum diem unum  
sumpserunt. Postero die senatusconsultum factum est, ut  
1 decemviri libros, de ludis Apollini reque divina faciunda,  
inspicerent. Ea quum inspecta relataque ad senatum  
essent, censuerunt Patres: ‘Apollini ludos vovendos faci-  
‘undosque: et, quando ludi facti essent, duodecim millia  
‘aeris praetori ad rem divinam et duas hostias maiores  
‘dandas.’ Alterum senatusconsultum factum est, ‘Ut de-  
2 ‘cemviri sacra Graeco ritu facerent, hisque hostiis: Apollini  
‘bove aurato et capris duabus albis auratis, Latonae bove  
‘femina aurata.’ Ludos praetor in circo maximo quum fac-  
turus esset, edixit, ut populus per eos ludos stipem Apollini,  
quantam commodum esset, conferret. Haec est origo lu- Origo  
dorum Apollinarium, victoriae, non valetudinis, ergo, ut Apollina-  
3 plerique rentur, votorum factorumque. Populus coronatus rium lu-  
spectavit: matronae supplicavere: vulgo apertis ianuis in dorum.  
propatulo epulati sunt, celeberraque dies omni caerimoniarum  
genere fuit.

Quum Hannibal circa Tarentum, consules ambo in Sam-

13.

6 *Fuat*] Antiquae, pro *sit*. *Tros Rutulusve fuit* apud Virgilium. Ca.

7 *Hostem, Romani*] Totum hoc carmen Macrob. Saturn. i. 17. refert.

8 *Vomicamque, quae gentium venit longe*] Duriorem hanc vocem *vomicam* iudicat Quinct. Inst. viii. 6. Perplexior haud dubie haec oratio, et sensu et structura. *Longe gentium*, ut *ubi*, vel *nusquam*, *gentium*, sc. quae venit a longinquis gentibus.

9 *Qui ius populo plebeiue*] Hoc exemplo inter alia confirmat Niebhr. vocem *populum* antiquitus ad patricios spectasse, quem cf. i. n. 984.

1 *Libros*] Sibyllinos, quorum auctoritas maxima erat. Ceterum vocem *libros* omittit Bekker., auctore Gronovio, qui verbum *inspicerent* ad libros Marcianos spectare censet.

2 *Apollini bove aurato et capris duabus*] Recte suspicatur Iac. Gronovius excidisse hic nomen Dianae. Quid enim caprae ad Apollinem? Et Dianam cum fratre iungi solenne erat. Bos auratus est bos cuius cornua aurata fuere. CREV. De bove aurato cf. supr. iv. 16.

3 *Coronatus spectavis*] Haec res Graeci moris erat. cf. supr. xxiii. 11.

U. C. 540.  
A. C. 212.  
Capuae  
inopia.

Hanno in  
Campaniam  
cum  
exercitu  
venit.

nio essent, sed circumsessuri Capuam viderentur; quod malum diuturnae obsidionis esse solet, iam famem Campani sentiebant; quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quam consules in agros suos educerent legiones, viaeque omnes hostium praesidiis insiderentur, frumentum ex propinquis locis conveyi iuberet Capuam. Hannibal, Hannonem ex Brutiis cum exercitu in Campaniam transire, et dare operam, ut frumenti copia fieret Campanis, iussit. Hanno, ex Brutiis profectus cum exercitu, vitabundus castra hostium consulesque, qui in Samnio erant, quum Benevento iam appropinquaret, tria passuum millia ab ipsa urbe loco edito castra posuit. Inde ex sociis circa populis, quo aestate comportatum erat, devehi frumentum in castra iussit; praesidiis datis, quae commeatus eos prosequerentur. Capuam inde nuntium misit, qua die in castris ad accipiendum frumentum praesto essent, omni undique genere vehiculorum iumentorumque ex agris contracto. Id pro cetera socordia negligentiaque a Campanis actum. Paullo plus quadringenta vehicula missa, et pauca praeterea iumenta. Ob id castigatis ab Hannone, quod ne fames quidem, quae mutas accenderet bestias, curam eorum stimulare posset, alia prodicta dies ad frumentum maiore apparatu petendum. Ea omnia, sicut acta erant, quum enuntiata Beneventanis essent, legatos decem extemplo ad consules (circa Bovianum castra Romanorum erant) miserunt. Qui quum, auditis, quae ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat, profectus, nocte Beneventi moenia est ingressus. Ex propinquo cognoscit, Hannonem cum exercitus parte profectum frumentatum: per quaestorem Campanis datum frumentum: duo millia plastrorum, inconditam inermemque aliam turbam, advenisse: per tumultum ac trepidationem omnia agi, castrorumque formam et militarem ordinem, immixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Punica oppugnanda esse. Quarta vigilia profecti, sarcinis omnibus impedimentisque Beneventi relictis, paullo ante lucem quum ad castra pervenissent, tantum pavoris iniecerunt, ut, si in plano castra posita essent, haud dubie primo impetu capi potuerint. Altitudo loci et munimenta defenderunt, quae nulla ex parte adiri, nisi arduo ac difficili ascensu, poterant. Luce prima proelium ingens accensum est: nec vallum

4 *Alia prodicta dies*] *Prodicere* ii. 61. iii. 57. Vulg. *prodita* hic legitur. *diem* est diem dictam proferre. cf. *supr.*

modo tutantur Poeni, sed, ut quibus locus aequior esset, U. C. 540.  
 deturbant nitentes per ardua hostes. Vicit tamen omnia A. C. 212.  
 pertinax virtus, et aliquot simul partibus ad vallum ac fossas 14.  
 perventum est; sed cum multis vulneribus ac militum per- Hannonis  
 nicie. Itaque convocatis tribunis militum consul, 'absi- castra ca-  
 'stendum temerario incepto,' ait: 'tutius sibi videri, reduci piuntur a  
 5 'eo die exercitum Beneventum: dein postero castris se hos- Romanis.  
 'tium iungi, ne exire inde Campani, neve Hanno regredi  
 'posset. Id quo facilius obtineatur, collegam quoque et  
 'exercitum eius se acciturum, totumque eo versuros bellum.'  
 Haec consilia ducis, quum iam receptui caneret, clamor  
 militum aspernantium tam segne imperium disiecit. Pro-  
 xima portae hostium erat cohors Peligna: cuius praefectus  
 Vibius Accuaeus arreptum vexillum trans vallum hostium  
 6 traiecit. Exsecratus inde seque et cohortem, si eius vexilli  
 hostes potiti essent, princeps ipse per fossam vallumque in  
 castra irrumpit. Iamque intra vallum Peligni pugnabant,  
 quum altera parte, Valerio Flacco tribuno militum tertiae  
 legionis exprobrante Romanis ignaviam, qui sociis captorum  
 7 castrorum concederent decus, T. Pedanius, princeps primus  
 centurio, quum signifero signum ademisset, 'Iam hoc sig-  
 'num, et hic centurio,' inquit, 'intra vallum hostium erit.  
 'Sequantur, qui capi signum ab hoste prohibitori sunt.'  
 Manipulares sui primum transcendentem fossam, dein legio  
 tota secuta est. Iam et consul, ad conspectum transgredi-  
 entium vallum mutato consilio, ab revocando ad incitandos

5 *Dein postero castris*] Haec pa-  
 rum clara sunt. Romano enim ex-  
 exercitu Beneventum reducto, quis ve-  
 tare poterat, aut Campanos exire,  
 aut Hannonem regredi. Adde quod  
 in his vocibus *castris se hostium iungi*  
 aliquid est inconcinnum, quod vix a  
 manu Livii proficisci potuisse videat-  
 ur. Huic posteriori incommodo me-  
 deri aliquatenus possumus, si detracta  
 una voce, adiecta alia, rescribamus:  
*castra castris hostium iungi*. Put. li-  
 ber ignorat τὸ se. CREV. Pronomen  
 se delevit Bekker.

6 *Traiecit*] Signum in castra hos-  
 tium iniectum etiam supr. iv. 29.  
 narratur. *Accuaeus* ab oppido *Ac-  
 cua*, ut videtur. *Accua* supr. xxiv. 20,  
 urbs Apuliae, memoratur, sed quum  
 socios militibus suis praefectos de-  
 disse scribat Polyb. vi. 19, minime  
 verisimile est Apulum Pelignis prae-  
 fectum fuisse. *Aecaeus* legendum con-  
 iicit Douiatius, ab oppido *Aecae* supr.  
 xxiv. 20. sed quum neque *Accua*,  
 neque *Aecae* in Pelignis sint, cogno-

men illud Vibii aliunde esse posse  
 agnoscit.

7 *Princeps primus centurio*] Quem-  
 admodum qui primi ordinis *pili*, sive  
 triariorum centurio est, et *primi pili*  
*centurio* et ipse *primus pilus* dicitur,  
 ita quoque *primi hastati centurio* et  
*primus hastatus*, item *primi princi-  
 pis centurio*, et *primus princeps*. Or-  
 do centurionum in legione hic erat,  
 ut *decimi hastati* infimus, *primi pili*  
 summus esset, qui inde et olim *pri-  
 mus centurio* vocabatur. supr. vii.  
 41. Graduum ratio inter centuriones  
 optime cognoscitur infr. xlii. 34.  
 STROTH. Sed Lipsius emendat: *Prin-  
 cept primas*, sive *prioris centurias*.  
 In unoquoque enim manipulo duo  
 erant ordines, sive centuriae. Ordo  
 autem dexter sinistro dignitate prae-  
 stabat. Sic apud Caesarem Civil. iii.  
 64. *praeter Principem priorem*. *Prin-  
 cept* igitur *prior*, sive, *prioris centu-  
 riae*, est is centurio qui in primo ma-  
 nipulo Principum priorem ordinem  
 ducit. CREV.



U. C. 540. hortandosque versus milites, ostendere, in quanto discrimine  
 A. C. 212. ac periculo fortissima cohors sociorum et civium legio esset. Itaque pro se quisque omnes per aequa atque iniqua loca, quum undique tela coniicerentur, armaque et corpora hostes obiicerent, pervadunt, irrumpuntque. Multi vulnerati, etiam quos vires sanguisque desereret, ut intra vallum hostium caderent, nitebantur. Capta itaque momento temporis, velut in plano sita, nec permunita castra. Caedes inde, non iam pugna erat, omnibus intra vallum permixtis. Supra sex millia hostium occisa, supra septem millia capitum, cum frumentatoribus Campanis omnique plaustrorum et iumentorum apparatu, capta. Et alia ingens praeda fuit, quam Hanno, populabundus passim quum isset, ex sociorum populi Romani agris traxerat. Inde, deiectis hostium castris, Beneventum reditum est, praedamque ibi ambo consules (nam et Ap. Claudius eo post paucos dies venit) vendiderunt, diviseruntque. Et donati, quorum opera castra hostium capta erant: ante alios Accuaeus Pelignus, et T. Pedanius princeps tertiae legionis. Hanno ab Cominio<sup>8</sup> Cerito, quo nuntiata castrorum clades est, cum paucis frumentatoribus, quos forte secum habuerat, fugae magis, quam itineris, modo in Bruttios rediit. Et Campani, audita sua pariter sociorumque clade, legatos ad Hannibalem miserunt, qui nuntiarent, 'duos consules ad Beneventum esse, diei  
 15. 'iter a Capua; tantum non ad portas et muros bellum esse: Campani Hannibalem vocant. 'ni propere subveniat, celerius Capuam, quam Arpos, in 'potestatem hostium venturam. Ne Tarentum quidem, 'non modo arcem, tanti debere esse, ut Capuam, quam<sup>9</sup> 'Carthagini aequare sit solitus, desertam indefensamque 'populo Romano tradat.' Hannibal, curae sibi fore rem Campanam pollicitus, in praesentia duo millia equitum cum legatis mittit, quo praesidio agros populationibus possent prohibere.

Arcem Tarentinam frumento et milite instruunt Romani.

Romanis interim, sicut aliarum rerum, arcis Tarentinae, praesidiique, quod ibi obsideretur, cura esse. C. Servilius legatus, ex auctoritate Patrum a P. Cornelio praetore in Etruriam ad frumentum coemendum missus, cum aliquot navibus onustis in portum Tarentinum inter hostium custodias pervenit. Cuius adventu, qui ante, in exigua spe, vocati saepe ad transitionem ab hostibus per colloquia erant, ultro ad transeundum hostes vocabant sollicitabantque. Et erat satis validum praesidium, traductis ad arcem Tarentinam, qui Metaponti erant, militibus. Itaque Metapon-

<sup>8</sup> *Princeps tertiae legionis*] E principibus, h. e. ex eorum militum ordine, qui *principes* vocantur. STROTH.

<sup>9</sup> *Non modo arcem*] Id est, nedum, multo minus arcem, ut Cic. de Div. ii. 55. et passim. DUX.



tini extemplo, metu, quo tenebantur, liberati, ad Hannibalem defecere. U. C. 540.  
A. C. 212.

Hoc idem eadem ora maris et Thurini fecerunt. Movit Metapontinos non Tarentinorum magis defectio Metapontinorumque, <sup>ni Thurini-</sup> quibus, indidem ex Achaia oriundi, etiam cognatione iuncti <sup>que ad</sup> erant, quam ira in Romanos propter obsides nuper interfectos. <sup>Hannibalam defi-</sup> Eorum amici cognatique literas ac nuntios ad Hannonem Magonemque, qui in propinquo in Brutiis erant, miserunt, 'si exercitum ad moenia admovissent, se in potestatem eorum urbem tradituros esse.' M. Atinius Thuriis cum modico praesidio praeerat: quem facile elici ad certamen temere ineundum rebantur posse; non militum, quos perpauca habebat, fiducia, quam iuventutis Thurinae. Eam ex industria centuriaverat armaveratque ad tales casus. Divisis copiis inter se, duces Poeni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ad tegendas insidias oppositis, subsistit. Atinius, peditum tantum agmine per exploratores comperto, in aciem copias educit, et fraudis intestinae, et hostium insidiarum ignarus. Pedestre proelium fuit persegne, paucis in prima acie pugnantibus Romanis; Thurinis expectantibus magis, quam adjuvantibus, eventum: et Carthaginensium acies de industria pedem referebat, ut ad terga collis ab equite suo insessi hostem incautum pertraheret. Quo ubi ventum est, coorti cum clamore equites, prope inconditam Thurinorum turbam, nec satis fido animo, unde pugnabat, stantem, extemplo in fugam averterunt. Romani, quanquam circumventos hinc pedes, hinc eques urgebat, tamen aliquamdiu pugnam traxere. Postremo et ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis accepissent, ubi Romanos fusos ad urbem ferri viderunt, conclamant, 'instare Poenum, permixtosque et hostes urbem invasuros, ni propere portas claudant.' Ita exclusos Romanos praebuere hosti ad caedem. Atinius tamen cum paucis receptus. Seditio inde paulisper tenuit; quum alii urbem tuendam, inde alii

<sup>1</sup> *Indidem ex Achaia*] Similiter infr. xxviii. 1. *Indidem ex Celtiberia*. xxxix. 12. *Indidem ex Aventino*. sc. ex eadem inde regione. cf. Cic. pro Sext. Rosc. 27. *Indidemne Ameria*? Amabat autem hoc vocabulum Livius. supr. xxiii. 46. infr. xxvii. 12.

<sup>2</sup> *Non militum*] Similiter supr. ii. 56, tam ante quam omittitur. RASCH.

<sup>3</sup> *Prope inconditam*] Ita malebat Crevier. ex codd. duobus pro vulg. *propere inconditam*. Non enim om-

nino incondita haec turba, ut quam armaverat centuriaveratque Atinius, sed parum assuefacta disciplinae militari erat.

<sup>4</sup> *Permixtosque*] sc. Cum Romanis. CREV.

<sup>5</sup> *Alii urbem tuendam*] Haec verba ab omnibus scriptis abesse Gronovius affirmat. Sed nobis sensus non videtur sine iis constare posse. CREV. Ea omittit Bekker.

<sup>6</sup> *Inde alii cedendum*] Suspectum

U. C. 540. cedendum fortunae, et tradendam urbem victoribus cense-  
A. C. 212. rent. Ceterum, ut plerumque, fortuna et consilia mala  
vicerunt: Atinio cum suis ad mare ac naves deducto, magis  
quia ipsi, ob imperium in se mite ac iustum, consultum  
volebant, quam respectu Romanorum, Carthaginienses in  
urbem accipiunt.

Cosa. in  
Campa-  
num agrum  
legiones  
ducunt.

16.  
Prodigium  
Graccho  
factum.

Flavius  
Lucanus  
proditor.

Consules a Benevento in Campanum agrum legiones  
ducunt, non ad frumenta modo, quae iam in herbis erant,  
corrumpenda, sed ad Capuam oppugnandam; nobilem se  
consulatum tam opulentae urbis excidio rati facturos, simul  
et ingens flagitium imperio dempturos, quod urbi tam pro-  
pinquae tertium annum impunita defectio esset. Ceterum,  
ne Beneventum sine praesidio esset, et ut ad subita belli, si  
Hannibal (quod facturum haud dubitabant) ad opem feren-  
dam sociis Capuam venisset, equites vim sustinere possent,  
Ti. Gracchum ex Lucanis cum equitatu ac levi armatura  
Beneventum venire iubent: legionibus stativisque ad obti-  
nendas res in Lucanis aliquem praeficeret. Graccho,  
priusquam ex Lucanis moveret, sacrificanti triste prodigium  
factum est. Ad exta, sacrificio perpetrato, angues duo ex  
occulto allapsi, edere iecur, conspectique repente ex oculis  
abierunt. Id quum haruspicum monitu sacrificium instau-  
raretur, atque intentius exta resecta servarentur: iterum ac  
tertium venisse tradunt, libatoque iecinore intactos angues  
abiisse. Quum haruspices, ad imperatorem id pertinere  
prodigium, praemonuissent, et ab occultis cavendum homini-  
bus consultisque; nulla tamen providentia fatum imminens  
moveri potuit. Flavius Lucanus fuit, caput partis eius Lu-  
canorum, quum pars ad Hannibalem defecisset, quae cum  
Romanis stabat: et iam anno in magistratu erat; ab iisdem  
illis creatus praetor. Is, mutata repente voluntate, locum

est *τὸ inde*, quod et redundat, et ex  
superiore versu temere huc immi-  
grasse potuit. CREV. *Inde* Gronovius  
vertit, nunc demum, post talem ca-  
sum.

7 *Quae iam in herbis erant*] Ita  
Iac. Gronov. pro vulg. *hibernis*, cf.  
Ovid. Met. v. 482. viii. 290. supr.  
xxiii. 48.

8 *Tertium annum*] Capua defecit  
anno ipso Cannensis cladia. Ex quo  
apparet Livium, quum *tertium annum*  
dixit, annos medios intelligere, im-  
perfectos non numerare. Alioquin  
*quintum* erat scribendum. SIGON.

9 *Ad subita belli*] cf. Supr. iv. 27.  
*ad subita belli ministeria*.

1 *Equites vim sustinere possent*]  
Ut equitatu possent sustinere vim

Hannibalis, qui equestribus copiis  
praecelebat. CREV.

2 *Ad obtinendas res*] Ad tuendas  
res, ad tenendos in officio Lucanos.  
CREV.

3 *Extā resecta servarentur*] Lo-  
cus vexatus. *Extā reservarentur*,  
Stroth. *extā servarentur*, Bekker.  
*extā reserata servarentur*, Drakenb.  
legit, qui tamen *extā prosecta serve-  
rentur* mavult. Equidem Kreysigii  
lectionem, quae ad scripturam Put.  
cod. *extā reserservarentur* proxime  
accedit, maxime probandam existi-  
mo.

4 *Et iam anno*] Et iam annus erat  
ex quo magistratum Flavius gerebat.  
Expediior est Vict. codicis scriptura.  
*et eo anno*. CREV.

gratiae apud Poenum quaerens, neque transire ipse, neque U. C. 540.  
 trahere ad defectionem Lucanos satis habuit, nisi imperatoris A. C. 212.  
 et eiusdem hospitis proditi capite ac sanguine foedus cum  
 hostibus sanxisset. Ad Magonem, qui in Bruttis praecerat,  
 5 clam in colloquium venit: fideque ab eo accepta, si Romanum  
 iis imperatorem tradidisset, liberos cum suis legibus venturos  
 6 in amicitiam Lucanos; deducit Poenum in locum, quo erat  
 cum paucis Gracchum adducturus. Magonem ibi pedites  
 equitesque armare, et capere eas latebras, ubi ingentem  
 numerum occuleret, iubet. Loco satis inspecto atque un-  
 dique explorato, dies composita gerendae rei est. Flavius  
 ad Romanum imperatorem venit: 'Rem se,' ait, 'magnam  
 'inchoasse, ad quam perficiendam ipsius Gracchi opera  
 7 'opus esse. Omnium populorum praetoribus, qui ad Poe-  
 'num in illo communi Italiae motu descissent, persuasisse,  
 'ut redirent in amicitiam Romanorum: quando res quoque  
 Romana, quae prope exitium clade Cannensi venisset, in  
 'dies melior atque auctior fieret; Hannibalis vis senesceret,  
 'ac prope ad nihilum venisset. Veteri delicto haud impla-  
 'cabiles fore Romanos: nullam unquam gentem magis ex-  
 'orabilem, promptioremque veniae dandae fuisse. Quoties  
 'rebellioni etiam maiorum suorum ignotum? Haec ab se,'  
 ait, 'dicta: ceterum ab ipso Graccho eadem haec audire  
 'malle eos, praesentisque contingere dextram: id pignus  
 'fidei secum ferre. Locum se consiliis dixisse a conspectu  
 'amotum, haud procul a castris Romanis. Ibi paucis verbis  
 'transigi rem posse, ut omne nomen Lucanum in fide ac  
 'societate Romana sit.' Gracchus, fraudem et sermoni et  
 rei abesse ratus, ac similitudine veri captus, cum lictoribus  
 ac turma equitum e castris profectus, duce hospite in insidias  
 praecipitatur. Hostes subito exorti: et, ne dubia proditio  
 esset, Flavius his se adiungit. Tela undique in Gracchum  
 atque equites coniiciuntur. Gracchus ex equo desilit: idem Gracchus  
 ceteros facere iubet, hortaturque, 'Ut, quod unum reliquum proditioe  
 fortuna fecerit, id cohonestent virtute. Reliquum autem circumven-  
 tus,  
 'quid esse paucis, a multitudine in valle silva ac montibus  
 8 'saepta circumventis, praeter mortem? Id referre, utrum

5 *Si Romanum iis imperatorem]*  
 Sic scripti: nisi quod quidam pro *iis*  
 habent *is*, quod idem est. Sigonius  
 dederat ex coniectura parum prospera  
*sibi. Iis*, nempe Carthaginensibus,  
 qui facile ex sensu intelliguntur. CR.

6 *Deducit Poenum in locum]* Hunc  
 locum sic refingit adiutus optimo co-  
 dice Gronovius: "deducit Poenum,  
 quo cum paucis Gracchum ait ductu-  
 rum. Mago ubi pedites equitesque  
 armasset, caperet eas latebras, quae

ingentem numerum occulerent. Lo-  
 co . . ." Ipsa Put. codicis scriptura,  
 ex qua haec eruta est emendatio, ta-  
 lis est: "Deducit Poenum in locum  
 paucis Gracchum adducturum mago  
 ibi pedites equitesque armare et ca-  
 pere eos latebras ubi ingentem nume-  
 rum occuleret." CREV. Gronovium se-  
 cutus est Bekker.

7 *Omnium populorum]* Lucanae  
 gentis. CREV.

8 *Id referre]* Id unum interesse. .

U. C. 540. 'praebentes corpora pecorum modo inulti trucidentur, an,  
 A. C. 212. 'toto animo a patiando expectandoque eventu in impetum  
 'atque iram verso, agentes audentesque, perfusi hostium  
 'cruore, inter expirantium inimicorum cumulata armaque  
 'et corpora cadant. Lucanum proditorem ac transfugam  
 'omnes peterent. Qui eam victimam prae se ad inferos  
 'misisset, eum decus eximium egregiumque solatium suae  
 'morti inventurum.' Inter haec dicta, paludamento circum  
 laevum brachium intorto, (nam ne scuta quidem secum ex-  
 tulerant) in hostes impetum fecit. Maior, quam pro nu-  
 mero hominum, editur pugna. Iaculis maxime aperta cor-  
 pora Romanorum, et quum undique ex altioribus locis in  
 cavam vallem coniectus esset, transfiguntur. Gracchum,  
 iam nudatum praesidio, vivum capere Poeni nituntur.  
 Ceterum ille, conspicatus Lucanum hospitem inter hostes,  
 adeo infestus confertos invasit, ut parci ei sine multorum  
 perniciem non posset. Exanimem eum Mago extemplo ad  
 Hannibalem misit, ponique cum captis simul fascibus ante  
 tribunal imperatoris iussit.

17. Haec vera fama est. Gracchus in Lucanis ad campos,  
 qui Veteres vocantur, periit. Sunt, qui in agro Beneven-  
 tano, prope Calorem fluvium, ostendant a castris cum li-  
 ctoribus ac tribus servis lavandi causa progressum, quum  
 forte inter salicta innata ripis laterent hostes, nudum atque  
 inermem, saxisque, quae volvit amnis, propugnantem, inter-  
 lectum. Sunt, qui haruspicum monitu quingentos passus a  
 castris progressum, uti loco puro ea, quae ante dicta pro-  
 digia sunt, procuraret, ab insidentibus forte locum duabus  
 turmis Numidarum circumventum scribant. Adeo nec  
 locus, nec ratio mortis in viro tam claro et insigni constat.  
 Funeris quoque Gracchi varia est fama. Alii in castris  
 Romanis sepultum ab suis, alii ab Hannibale (et ea vulga-  
 tior fama est) tradunt in vestibulo Punicorum castrorum  
 rogam exstructum esse: armatum exercitum decucurrisse:  
 cum tripudiis Hispanorum, motibusque armorum et corpo-  
 rum suae cuique genti assuetis, ipso Hannibale omni rerum;  
 verborumque honore exsequias celebrante. Haec tradunt,  
 qui in Lucanis rei gestae auctores sunt. Si illis, qui ad

9 *Periit*] Loquitur de hac re Polybius in Excerpt. Vatican. viii. 1. ubi in eiusmodi infortuniis, utrum victos obiurgare, an iis potius compati oporteat, disserit.

1 *Loco puro*] Quia ipsa castra, multiplici illo ac saepius repetito infausto anguium omine, quasi polluta et incesta erant. Simili fere sensu *locus purus* infr. xxxi. 44. DRÄK.

2 *Decucurrisse*] Solebant milites non solum exercitationis causa, sed etiam in quibusdam sollennibus militariis decurrere. cf. supr. xxiii. 35-xxiv. 48. Tac. Ann. ii. 7.

3 *Suae cuique genti assuetis*] Pro *suae cuique* legendum *unicuique* iubet Gronov. *Suae quibusque genti*, mavult Crevier.

Calorem fluvium interfectum memorant, credere velis, ca- U. C. 540.  
pitis tantum Gracchi hostes potiti sunt. Eo delato ad A. C. 212.  
Hannibalem, missus ab eo confestim Carthalo, qui in castra  
Romana ad Cn. Cornelium quaestorem deferret. Is funus  
imperatoris in castris, celebrantibus cum exercitu Beneven-  
tanis, fecit.

Consules, agrum Campanum ingressi, quum passim po- 18.  
pularentur, eruptione oppidanorum et Magonis cum equi- Coss. ad  
tatu territi et trepidi, ad signa milites palatos passim revo- Capuam  
carunt: et, vixdum instructa acie fusi, supra mille et quin- fusi.  
gentos milites amiserunt. Inde ingens ferocia superbae  
suoapte ingenio genti crevit, multisque proeliis lacessebant  
Romanos: sed intentiores ad cavendum consules una pugna  
fecerat, incaute atque inconsulte inita. Restituit tamen  
his animos, et illis minuit audaciam, parva una res. Sed in  
bello nihil tam leve est, quod non magnae interdum rei  
momentum faciat. T. Quinctio Crispino Badius Campanus Badius  
hospes erat, perfamiliari hospitio iunctus. Creverat con- Camp. pro-  
suetudo, quod aeger Romae apud Crispinum Badius ante vocat ad  
defectionem Campanam liberaliter comiterque curatus fue- pugnam  
rat. Tum Badius, progressus ante stationes, quae pro Rom. Cris-  
porta stabant, vocari Crispinum iussit. Quod ubi est pinum.  
Crispino nuntiatum, ratus colloquium amicum ac familiare  
quaeri, manente memoria, etiam in discidio publicorum  
foederum, privati iuris, paullum a ceteris processit. Post-  
quam in conspectum venere, 'Provoco te,' inquit, 'ad pu-  
'gnam, Crispine,' Badius: 'conscendamus equos, summotis-  
'que aliis, uter bello melior sit, decernamus.' Ad ea Cris-  
pinus, 'Nec sibi, nec illi,' ait, 'hostes deesse, in quibus vir-  
'tutem ostendant: se, etiamsi in acie occurrat, declinatu-  
'rum, ne hospitali caede dextram violet;' conversusque  
abibat. Enimvero ferocius tum Campanus increpare mol-  
litiem ignaviamque, et se digna probra in insontem iacere,  
'hospitalem hostem' appellans, 'simulantemque parcere,  
'cui sciat parem se non esse. Si parum publicis foederibus  
'ruptis dirempta simul et privata iura esse putet, Badium  
'Campanum T. Quinctio Crispino Romano palam, duobus  
'exercitibus audientibus, renuntiare hospitium. Nihil sibi  
'cum eo consociatum, nihil foederatum hosti cum hoste,  
'cuius patriam ac penates publicos privatosque oppugnatum  
'venisset. Si vir esset, congredideretur.' Diu cunctantem

4 *Magonis*] Hic locus suspectus  
est Iac. Gronovio et Dukero, quum  
infr. xxvi. 5, et 12. Hanno praefectus  
praesidii Punici dicatur, Mago au-  
tem supr. 15, et 16. Brutiis praesse  
memoretur.

5 *Se digna probra*] Probra quibus

ipse dignus erat.

6 *Renuntiare hospitium*] Decla-  
rare nullum iam esse hospitium; ir-  
ritum facere et rescindere hospitii  
ius. Eodem modo et sensu dicitur *re-  
nuntiare societatem, renuntiare ami-  
citiam*. CAEV.

U. C. 540. Crispinum perpulere turmales, ne impune insultare Campanum pateretur. Itaque tantum moratus, dum imperatores consuleret, permitterentne sibi extra ordinem in provocantem hostem pugnare, permissu eorum arma cepit, equumque conscendit, et Badium, nomine compellans, ad pugnam evocavit. Nulla mora a Campano facta est: infestis equis concurrerunt. Crispinus supra scutum sinistrum humerum Badio hasta transfixit, superque delapsus cum vulnere ex equo desiluit, ut pedes iacentem conficeret. Badius, priusquam opprimeretur, parma atque equo relicto, ad suos aufugit. Crispinus, equum, armaque capta, et cruentam cuspidem insignis spoliis ostentans, cum magna laude et gratulatione militum, ad consules est deductus, laudatusque ibi magnifice, et donis donatus.

Singulare eorum certamen.

19. Hannibal ex agro Beneventano castra ad Capuam quum movisset, tertio post die, quam venit, copias in aciem eduxit: haudquaquam dubius, quod Campanis, absente se, paucos ante dies secunda fuisset pugna, quin multo minus se suumque toties victorem exercitum sustinere Romani possent. Ceterum, postquam pugnari coeptum est, equitum maxime incursu, quum iaculis obrueretur, laborabat Romana acies: donec signum equitibus datum est, ut in hostem admitterent equos. Ita equestre proelium erat; quum procul visus Sempronianus exercitus, cui Cn. Cornelius quaestor praeerat, utrique parti parem metum praebuit, ne hostes novi adventarent. Velut ex composito utrimque signum receptui datum: reductique in castra prope aequo Marte discesserunt. Plures tamen ab Romanis primo incursu equitum ceciderunt.

Cosa. pugnant cum Hannibale, aequo Marte.

M. Centenius.

Inde consules, ut averterent Capua Hannibalem, nocte, quae secuta est, diversi, Fulvius in agrum Cumanum, Claudius in Lucanos abiit. Postero die, quum vacua castra esse Romanorum nuntiatum Hannibali esset, et duobus agminibus diversos abiisse; incertus primo, utrum sequeretur, Appium institit sequi. Ille, circumducto hoste, quae voluit, alio itinere ad Capuam rediit. Hannibali alia in his locis bene gerendae rei fortuna oblata est. M. Centenius fuit cognomine Penula, insignis inter primi pili centuriones et magnitudine corporis et animo. Is, perfunctus militia, per P. Cornelium Sullam praetorem in senatum introductus, petit a Patribus, uti sibi quinque millia militum darentur. ‘Se, peritum et hostis et regionum, brevi operae pretium facturum; et, quibus artibus ad id locorum nostri

7 *In Lucanos abiit*] Haud raro ad ultimum duntaxat nomen verbum ap. Livium refertur. cf. supr. x. 44. 8 *Ad id locorum*] Ad id usque tempus. cf. supr. xxii. 38. ix. 45.



‘et duces et exercitus capti forent, iis adversus inventorem U. C. 540.  
 ‘usurum.’ Id non promissum magis stolide, quam stolide A. C. 212.  
 creditum: tanquam eadem militares et imperatoriae artes  
 essent. Data, pro quinque, octo millia militum; pars  
 dimidia cives, pars socii: et ipse aliquantum voluntariorum  
 itinere in agris concivit, ac, prope duplicato exercitu, in  
 Lucanos pervenit; ubi Hannibal, nequicquam secutus  
 Claudium, substiterat. Haud dubia res est, quippe inter  
 Hannibalem ducem et centurionem, exercitusque, alterum  
 vincendo veteranum, alterum novum totum, magna ex parte  
 etiam tumultuarium ac semiermem. Ut conspecta inter se  
 agmina sunt, et neutra pars detrectavit pugnam, extemplo  
 9 instructae acies. Pugnatum tamen, ut in nulla pari re,  
 1 duas amplius horas, concitata et, donec dux stetisset, Ro-  
 mana acie. Postquam is, non pro vetere fama solum, sed  
 etiam metu futuri dedecoris, si sua temeritate contractae  
 cladi superesset, obiectans se hostium telis, cecidit; fusa  
 extemplo est Romana acies. Sed adeo ne fugae quidem  
 iter patuit, omnibus viis ab equite insessis, ut ex tanta mul-  
 titudine vix mille evaserint; ceteri passim, alii alia peste,  
 absumpti sint.

Capua a consulibus iterum summa vi obsideri coepta est: 20.  
 quaeque in eam rem opus erant, comportabantur paraban- Capua ob-  
 turque. Casilinum frumentum convectum: ad Vulturni sessa.  
 2 ostium, ubi nunc urbs est, castellum communitum: (ante  
 Fabius Maximus munierat) praesidium impositum, ut mare  
 proximum et flumen in potestate essent. In ea duo mari-  
 tima castella frumentum, quod ex Sardinia nuper missum  
 erat, quodque M. Iunius praetor ex Etruria coemerat, ab  
 Ostia convectum est, ut exercitui per hiemem copia esset.  
 Ceterum super eam cladem, quae in Lucanis accepta erat,  
 volonum quoque exercitus, qui, vivo Graccho, summa fide  
 stipendia fecerat, velut exauctoratus morte ducis, ab signis  
 discessit.

3 Hannibal non Capuam neglectam, neque, ut tanto dis-

9 *Ut in nulla pari re*] Ut pugnari  
 potuit, ubi nulla res erat par; ubi  
 neque dux duci, neque exercitus ex-  
 ercitus ullo modo comparandus. CR.

1 *Concitata et*] sc. In hostes. *Con-*  
*citata etiam* Bekker. reponit.

2 *Ante Fabius Maximus munie-*  
*rat*] Non castellum ad Vulturni  
 ostium, sed Puteolos Fabius munie-  
 rat. Vid. supr. xxiv. 7. Ac de Pu-  
 teolis mentionem hoc loco fecisse Li-  
 vium patet, tum ex eo quod infra *duo*  
*maritima castella* appellat, tum ex c.  
 22. huius libri, in quo Puteoli diserte  
 nominantur. “App. Claudius consul,

D. Iunio ad ostium Vulturni, M. Au-  
 relio Cotta Puteolis praeposito, qui”  
 etc. Vult igitur Livius, praeter Pu-  
 teolos, quos aliquanto ante Fabius  
 munierat, etiam aliud castellum in  
 eadem ora maris ad Vulturni ostium  
 hoc anno fuisse communitum. Unde  
 legendum videtur: “ad Vulturni os-  
 tium . . . . castellum communitum:  
 Puteolis (ante Fabius Maximus mu-  
 nierat) praesidium impositum: ut,”  
 etc. CREV.

3 *Ut tanto discrimine*] Utpote qui in  
 tanto discrimine versarentur. RASCH.



U. C. 540. crimine, desertos volebat socios: sed, prospero ex temeritate unius Romani ducis successu, in alterius ducis exercitusque opprimendi occasionem imminebat. Cn. Fulvium praetorem Apuli legati nuntiabant, primo, dum urbes quasdam Apulorum, quae ad Hannibalem descivissent, oppugnaret, intentius rem egisse: postea nimio successu et ipsum et milites, praeda impletos, in tantam licentiam socordiamque effusos, ut nulla disciplina militiae esset. Quum saepe alias, tum paucis diebus ante expertus, qualis sub inscio duce exercitus esset, in Apuliam castra movit. Circa Herdoneam Romanae legiones et praetor Fulvius erant. Quo ubi allatum est, hostes adventare, prope est factum, ut iniussu praetoris signis convulsis in aciem exirent. Nec res ulla magis tenuit, quam spes haud dubia, suo id arbitrio, ubi vellent, acturos. Nocte insequenti Hannibal, quum tumultuatum in castris, et plerosque ferociter, signum ut daret, instituisse duci ad arma vocantes sciret, haud dubius prosperae pugnae occasionem dari, tria millia expeditorum militum in villis circa, vepribusque et silvis disponit, qui, signo dato, simul omnes e latebris existerent: et Magonem ac duo ferme millia equitum, qua fugam inclinaturam credebat, omnia itinera insidere iubet. His nocte praeparatis, prima luce in aciem copias educit. Nec Fulvius est cunctatus, non tam sua ulla spe, quam militum impetu fortuito tractus. Itaque eadem temeritate, qua processum in aciem est, instruitur ipsa acies ad libidinem militum forte procurrentium consistentiumque, quo loco ipsorum tulisset animus, deinde per libidinem aut metum deserentium locum. Prima legio et sinistra ala in primo instructae, et in longitudinem: porrecta acies. Clamantibus tribunis, 'nihil introrsus roboris ac virium esse, et, quacunque impetum fecisset hostis, 'perrupturos:' nihil, quod salutare esset, non modo ad animum, sed ne ad aures quidem admittebant. Et Hannibal, haudquaquam similis dux, neque simili exercitu, neque ita instructo aderat. Ergo ne clamorem quidem atque impetum primum eorum Romani sustinere. Dux, stultitia et temeritate Centenio par, animo nequaquam comparandus, ubi rem inclinatham ac trepidantes suos vidit, equo arrepto cum ducentis ferme equitibus effugit: cetera a fronte pulsa, a tergo atque alis circumventa acies, eo usque est caesa, ut

Ab Hannibale vincitur.

3 *Sinistra ala*] Socialis exercitus a Romanis dividebatur in duo corpora: alterum appellabant *dexteram alam*, alterum *sinistram*. Itaque id fere erat *ala* in sociali exercitu, quod legio in Romano. Hinc prima legio et sinistra ala hoc loco iunguntur,

tanquam corpora eiusdem generis atque ordinis. Cave igitur hic equites intelligas. Fuere pedites socii. Vid. Lipa. de Mil. Rom. ii. 7. CREV.

4 *A tergo atque alis*] *Alas* hic sunt latera aciei. CREV.

ex duodeviginti millibus hominum, duo millia haud amplius U. C. 540.  
evaserint. Castris hostes potiti sunt. A. C. 212.

Hae clades, super aliam alia, Romam quum essent nuntiatae, ingens quidem et luctus et pavor civitatem cepit: sed tamen, quia consules, ubi summa rerum esset, ad id locorum prospere rem gererent, minus his cladibus commovebantur. Legatos ad consules mittunt C. Laetorium, M. Metilium, qui nuntiarent, ut reliquias duorum exercituum cum cura colligerent: darentque operam, ne per metum ac desperationem hosti se dederent, id quod post Cannensem accidisset cladem, et ut desertores de exercitu volonum conquirent. Idem negotii P. Cornelio datum, cui et delectus mandatus erat: isque per fora conciliabulaque edixit, ut conquisitio volonum fieret, iique ad signa reducerentur. Haec omnia intentissima cura acta.

22.

Ap. Claudius consul, D. Iunio ad ostium Vulturni, M. Aurelio Cotta Puteolis praeposito, qui, ut quaeque naves ex Etruria ac Sardinia accessissent, extemplo in castra mitterent frumentum; ipse ad Capuam regressus Q. Fulvium collegam invenit Casilini, omnia inde portantem molientemque ad oppugnandam Capuam. Tum ambo circumsederunt urbem, et Claudium Neronem praetorem ab Suesula ex Claudianis castris exciverunt. Is quoque, modico ibi praesidio ad tenendum locum relicto, ceteris omnibus copiis ad Capuam descendit. Ita tria praetoria circa Capuam erecta, tres et exercitus, diversis partibus opus aggressi, fossa valloque circumdare urbem parant, et castella excitant modicis intervallis: multisque simul locis cum prohibentibus opera Campanis eo eventu pugnant, ut postremo portis muroque se contineret Campanus. Prius tamen, quam haec continuarentur opera, legati ad Hannibalem missi, qui quererentur, desertam ab eo Capuam, ac prope redditam Romanis: obtestarenturque, ut tunc saltem opem non circumsessis modo, sed etiam circumvallatis, ferret. Consulibus literae a P. Cornelio praetore missae, 'Ut, priusquam clauderent Capuam operibus, potestatem Campanis facerent, ut, qui eorum vellent, exirent ab Capua, suasque res secum auferrent. Liberos fore suaque omnia habituros, qui ante Idus Martias exissent: post eam diem quique exissent, quique ibi mansissent, hostium futuros numero.' Ea pronuntiata Campanis, atque ita spreta, ut ultro dicerent contumelias, minarenturque. Hannibal ab Herdonea Ta-

Capua operibus cingitur.

5 *Ad id locorum*] cf. Supr. 19.

6 *Claudianis castris*] Castris a Claudio Marcello primum communis, quaeque, quum per aliquot iam annos starent, auctoris semper nomen

servabant. Vid. supr. xxiii. 17. et 31. CREV.

7 *Praetore missae*] Nempe ex senatusconsulto. DOER. cf. supr. xxii. 33.

U. C. 540. rentum duxerat legiones; spe, aut vi, aut dolo, arcis  
 A. C. 212. Tarentinae potiundae. Quod ubi parum processit, ad  
 Brundisium flexit iter, prodi id oppidum ratus. Ibi quo-  
 que quum frustra tereret tempus, legati Campani ad eum  
 Hannibal auxilium promittit Campanis. venerunt, querentes simul, orantesque: quibus Hannibal  
 magnifice respondit, et antea solvisse obsidionem, et nunc  
 adventum suum consules non laturos. Cum hac spe dimissi  
 legati, vix regredi Capuam, iam duplici fossa valloque cin-  
 ctam, potuerunt.

23. Quum maxime Capua circumvallaretur, Syracusarum  
 oppugnatio ad finem venit, praeterquam vi ac virtute ducis  
 exercitusque, intestina etiam proditione adiuta. Namque  
 Marcellus initio veris incertus, utrum Agrigentum ad  
 Himilconem et Hippocratem verteret bellum, an obsidione<sup>8</sup>  
 Syracusas premeret, quanquam nec vi capi videbat posse  
 inexpugnabilem terrestri ac maritimo situ urbem, nec fame,  
 quam prope liberi ab Carthagine commeatus alerent, tamen,  
 ne quid inexpertum relinqueret, transfugas Syracusanos  
 (erant autem apud Romanos aliqui nobilissimi viri, inter  
 defectionem ab Romanis, quia ab novis consiliis abhorrebant,  
 Colloquia de prodendis Marcellus Syracusis. pulsi) colloquiis suae partis tentare hominum animos iussit,  
 et fidem dare, si traditae forent Syracusae, liberos eos ac  
 suis legibus victuros esse. Non erat colloqui copia, quia  
 multorum animi suspecti omnium curam oculosque conver-  
 terant, ne quid falleret tale admissum. Servus unus exsu-  
 lum, pro transfuga intromissus in urbem, conventis paucis,  
 initium colloquendi de tali re fecit. Deinde in piscatoria  
 quidam navi, retibus operti, circumvectique ita ad castra  
 Romana, collocutique cum transfugis: et idem saepius  
 eodem modo alii atque alii. Postremo ad octoginta facti.  
 Res defer- Et, quum iam composita omnia ad proditionem essent, in-  
 tur ad Epi- dicio delato ad Epicydem per Attalum quendam, indignan-  
 cyden. tem sibi rem creditam non esse, necati omnes cum cruciatu  
 sunt. Alia subinde spes, postquam haec vana evaserat,  
 excepit. Damippus quidam Lacedaemonius, missus ab  
 Syracusis ad Philippum regem, captus ab Romanis navibus  
 erat. Huius utique redimendi et Epicydae cura erat  
 ingens; nec abnuvit Marcellus, iam tum Aetolorum, cuius  
 gentis socii Lacedaemonii erant, amicitiam affectantibus  
 Romanis. Ad colloquium de redemptione eius missis,  
 medius maxime atque utrisque opportunus locus, ad portum  
 Trogiliorum, propter turrin, quam vocant Galeagram, est  
 visus. Quo quum saepius commearent, unus ex Romanis,  
 ex propinquo murum contemplatus, numerando lapides,

<sup>8</sup> *Verteret bellum*] Quemadmo- tempore Appius Syracusas obsidebat.  
 dum priore anno, supr. xxiv. 39. quo

9 aestimandoque ipse secum, quid in fronte paterent singuli, U. C. 540.  
 altitudinem muri, quantum proxime coniectura poterat, A. C. 212.  
 permensus, humilioremque aliquanto pristina opinione sua  
 et ceterorum omnium ratus esse, et vel mediocribus scalis  
 superabilem, ad Marcellum rem defert. Haud spernenda  
 visa. Sed, quum adiri locus, qui ob id ipsum intentius  
 custodiebatur, non posset, occasio quaerebatur: quam ob-  
 tulit transfuga, nuntians, diem festum Dianae per triduum  
 agi, et, quia alia in obsidione desint, vino largius epulas  
 celebrari, et ab Epicyde praebito universae plebei, et per  
 tribus a principibus diviso. Id ubi accepit Marcellus, cum  
 paucis tribunorum militum collocutus, electisque per eos  
 ad rem tantam agendam audendamque idoneis centurioni-  
 bus militibusque, et scalis in occulto comparatis, ceteris  
 2 signum dari iubet, ut mature corpora curarent, quietique  
 darent: nocte in expeditionem eundum esse. Inde ubi id  
 3 temporis visum, quo de die epulatis iam vini satias prin-  
 4 cipiumque somni esset, signi unius milites ferre scalas  
 iussit; et ad mille fere armati tenui agmine per silentium  
 eo deducti. Ubi sine strepitu ac tumultu primi evaserunt Murum ur-  
 in murum, secuti ordine alii; quum priorum audacia bis supe-  
 5 dubiis etiam animum faceret. Iam mille armatorum cepe- rant scalis  
 rant partem, quum ceterae admotae, pluribusque scalis in Romani.  
 murum evadebant, signo ab Hexapylo dato; quo per in- 24.  
 gentem solitudinem erat perventum, quia magna pars, in  
 turribus epulati, aut sopiti vino erant, aut semigraves po-  
 tabant. Paucos tamen eorum oppressos in cubilibus inter-  
 fecerunt. Prope Hexapylon est portula magna vi refringi  
 coepta; et e muro ex composito tuba datum signum erat.  
 Et iam undique, non furtim, sed vi aperta, gerebatur res:  
 6 quippe ad Epipolas, frequentem custodiis locum, perventum  
 erat, terrendique magis hostes erant, quam fallendi; sicut  
 territi sunt. Nam simul ac tubarum est auditus cantus,

9 *Quid in fronte paterent singuli*] Quam ampli essent singuli lapides in fronte. DOER. cf. Thuc. iii. 20. ubi simili arte Plataeenses Lacedaemoniorum munimenta scalis admotis superant.

1 *Diem festum*] Latini fortassis etiam plurium dierum sollemnia *diem festum* dicunt, ut unius diei plurali numero *dies festos*. DUK.

2 *Signum dari*] Nempe per tesseram. CREV.

3 *De die epulatis*] cf. Supr. xxiii.

8. Debetur particula *de* coniecturae Lipsii. CREV.

4 *Signi unius*] Unius manipuli.

5 *Iam mille armatorum*] Iam mille

armati transcenderant murum, et ceperant partem urbis, quum ceterae scalae admotae. Clarius foret, quod suggerit Muretus: *quum ceteri admotis pluribus scalis in murum evadebant*. Sane unus e nostris codd. praefert *pluribus scalis sine rē que*. CREV. Emendationem Mureti recepit Bekker., quam Stroth. reponendam censet. Hic vero post *ceterae* vocem *cohortes* intelligendam putat.

6 *Ad Epipolas*] Epipolarum, loci muniti extra Syracusas, urbi tamen imminentis, et ut videtur, posteriore aevo cum ea muro coniuncti, frequens mentio est ap. Diod. Sic. xiii. 7. sqq.

U. C. 540. clamorque tenentium muros partemque urbis; omnia teneri;  
 A. C. 212. custodes rati, alii per murum fugere, alii salire de muro,  
 praecipitarique turba paventium. Magna pars tamen  
 ignara tanti mali erat, et gravatis omnibus vino somnoque,  
 et, in vastae magnitudinis urbe, partium sensu non satis  
 pertinente in omnia. Sub luce, Hexapylo effracto, Mar-  
 cellus, omnibus copiis urbem ingressus, excitavit convertit-  
 que omnes ad arma capienda, opemque, si quam possent,  
 iam captae prope urbi ferendam. Epicydes, ab Insula,<sup>9</sup>  
 quam ipsi Nason vocant, citato profectus agmine, haud  
 dubius, quin paucos, per negligentiam custodum trans-  
 gressos murum, expulsurus foret, occurrentibus pavidis, tu-  
 multum augere eos, dictitans, et maiora ac terribiora vero  
 afferre, postquam conspexit omnia circa Epipolas armis  
 completa, lacessito tantum hoste paucis missilibus, retro in  
 Achradinam agmen convertit, non tam vim multitudinem-  
 que hostium metuens, quam ne qua intestina frans per oc-  
 casionem oriretur, clausasque inter tumultum Achradinae  
 Marcelli lacrimae. atque Insulae inveniret portas. Marcellus, ut, moenia in-  
 gressus, ex superioribus locis urbem, omnium ferme illa  
 tempestate pulcherrimam, subiectam oculis vidit, illacri-  
 masse dicitur, partim gaudio tantae perpetratae rei, partim  
 vetusta gloria urbis. Atheniensium classes demersae, et  
 duo ingentes exercitus cum duobus clarissimis ducibus  
 deleti, occurrebant, et tot bella cum Carthaginiensibus  
 tanto cum discrimine gesta; tot tam opulenti tyranni re-  
 gesque; praeter ceteros Hiero, quum recentissimae me-  
 moriae rex, tum ante omnia, quae virtus ei fortunaque sua  
 dederat, beneficiis in populum Romanum insignis. Ea  
 quum universa occurrerent animo, subiretque cogitatio,  
 iam illa momento horae arsura omnia, et ad cineres redi-  
 tura; priusquam signa Achradinam admoveret, praemittit  
 Syracusanos, qui intra praesidia Romana, ut ante dictum:

7 *Omnia teneri custodes rati, alii*] Quamplurimi scripti carent voce *rati*, quae tamen necessaria est. Recte suspicatur Iac. Gronovius delendum *et alii*, male additum ut respondeat alteri quod sequitur, quum saepe soleat Livius in partitionibus alterum suppressere. Sic supr. iii. 37. *virgis caedi, alii securi subiici*. CREV.

8 *Et, in vastae magnitudinis urbe*] Similem, Babylone capta, narrationem inveneris ap. Herodot. i. 191. Aristot. Pol. iii. 1.

9 *Ab Insula, quam ipsi Nason vo-*  
*cant*] Graece insula est *νήσος*. At

Dores, quorum dialectus in Sicilia vigeat, dicunt *νήσος*, mutata pro suo more litera *η* in *α*. CREV.

1 *Cum duobus clarissimis ducibus*] Duo duces, quos hic indicat Livius, sunt Nicias et Demosthenes, qui in miserabili Atheniensium ab Syracusanis fuga interierunt. Durante Syracusanorum obsidione, duo iam alii Atheniensium duces occiderant, Lamachus et Eurymedon. cf. Thucyd. vii. Diocl. Sic. xiii. CREV.

2 *Intra praesidia*] In exercitiis Romanis. Praesidia hic nihil aliud sunt, quam copiae, vel castra. CREV.

est, fuerant, ut alloquio leni pellicerent hostes ad dedendam urbem. U. C. 540.  
A. C. 212.

Tenebant Achradinae portas murosque maxime transfugae, quibus nulla erat per conditiones veniae spes: ii nec adire muros, nec alloqui quemquam passi. Itaque <sup>3</sup> Marcellus, postquam id inceptum irritum fuit, ad Euryalum signa referri iussit. Tumulus est in extrema parte urbis <sup>4</sup> versus a mari, viaeque imminens ferenti in agros mediterraneaue insulae, percommode situs ad commeatus excipiendos. Praeerat huic arcı Philodemus Argivus, ab Epicyde impositus. Ad quem missus a Marcello Sosis, unus ex interfectoribus tyranni, quum, longo sermone habito, dilatus per frustrationem esset, retulit Marcello, tempus eum ad deliberandum sumpsisse. Quum is diem de die differret, dum Hippocrates atque Himilco admoverent castra legionesque, haud dubius, si in arcem accepisset eos, deleri Romanum exercitum inclusum muris posse; Marcellus, ut <sup>5</sup> Euryalum neque tradi, neque capi vidit posse, inter Neapolim et Tycham (nomina partium urbis, et instar urbium sunt) posuit castra, timens, ne, si frequentia intrasset loca, contineri ab discursu miles avidus praedae non posset. <sup>6</sup> Legati eo ab Tycha et Neapoli cum infulis et velamentis venerunt, precantes, ut a caedibus et ab incendiis parceretur. De quorum precibus, quam postulatis, magis consilio habito, Marcellus ex omnium sententia edixit militibus, 'ne quis liberum corpus violaret: cetera praedae <sup>7</sup> futura.' Castraque tectis parietum pro muro saepta. <sup>8</sup> Portis regione platearum patentibus stationes praesidiaque disposuit, ne quis in discursu militum impetus in castra fieri posset. Inde, signo dato, milites discurrerunt: refractisque foribus, quum omnia terrore ac tumultu streperent, a caedibus tamen temperatum est. Rapinis nullus ante modus fuit, quam omnia diuturna felicitate cumulata

Neapolis  
et Tycha  
deduntur.

<sup>3</sup> *Ad Euryalum*] Euryalus arx in summa Epipolarum parte erat. cf. Thucyd. vi. 97.

<sup>4</sup> *Versus a mari*] Aversus, remotus a mari, in mediterraneas insulae partes versus.

<sup>5</sup> *Inter Neapolim et Tycham*] Neapolis sic dicta est, quia postrema aedificata fuerat: *Tycha*, quod in ea esset antiquissimum Fortunae fanum. Testis est Cic. in Verr. iv. 119. CREV. cf. supr. xxiv. 21.

<sup>6</sup> *Cum infulis et velamentis*] Supplicum more. Infulis velati sacerdotes sacra faciebant. Hinc assumptae sunt a supplicibus, ut religiosae vestis obiectu ira mitesceret. *Vela-*

*menta* proprie et signate dicebantur, quaecunque supplices misericordiae movendae causa praeferebant, ut ramos oleae vittis obvolutos, etc. Ca.

<sup>7</sup> *Castraque tectis parietum*] Hoc dicit, castra Marcelli inter Neapolim ac Tycham posita, aedificiorum parietes pro muro aut vallo habuisse: sive *lecta parietum* dixit pro parietibus ipsis structis ad tegendas aedes; sive scripsit, *castraque tectorum parietibus*. GRONOV. Sententiam satis aperit haec explicatio, sed oratio scabra est; nam *edixit, castraque septa, et disposuit* non cohaerent. DUK.

<sup>8</sup> *Regione platearum*] Plateas versus patentibus.



U. C. 540. bona egressere. Inter haec et Philodemus, quum spes  
 A. C. 212. auxilii nulla esset, fide accepta, ut inviolatus ad Epicydem  
 Tumulum rediret, deducto praesidio, tradidit tumulum Romanis.  
 Euryalum Aversis omnibus ad tumultum ex parte captae urbis, Bo-  
 recipit milcar, noctem eam nactus, qua propter vim tempestatis  
 Marcellus. stare ad ancoram in salo Romana classis non posset, cum  
 triginta quinque navibus ex portu Syracusano profectus,  
 libero mari vela in altum dedit, quinque et quinquaginta  
 navibus Epicydae et Syracusanis relictis: edoctisque Car-  
 thaginiensibus, in quanto res Syracusana discrimine esset,  
 cum centum navibus post paucos dies redit, multis, ut fama  
 est, donis ex Hieronis gaza ab Epicyde donatus.

26. Marcellus, Euryalo recepto praesidioque addito, una  
 cura erat liber, ne qua ab tergo vis hostium in arcem  
 accepta inclusos impeditosque moenibus suos turbaret.  
 Achradinam inde, trinis castris per idonea dispositis loca,  
 spe ad inopiam omnium rerum inclusos redacturum, cir-  
 cumsedit. Quum per aliquot dies quietae stationes utrim-  
 que fuissent, repente adventus Hippocratis et Himilconis,  
 ut ultro undique oppugnarentur Romani, fecit. Nam et  
 Hippocrates, castris ad magnum portum communis, signo-  
 que iis dato, qui Achradinam tenebant, castra vetera Ro-  
 manorum adortus est, quibus Crispinus praeerat; et Epi-  
 cydes eruptionem in stationes Marcelli fecit: et classis  
 Punica litori, quod inter urbem et castra Romana erat, ap-  
 pulsa est; ne quid praesidii Crispino summitti a Marcello  
 posset. Tumultum tamen maiorem hostes praebuerunt,  
 quam certamen. Nam et Crispinus Hippocratem non re-  
 pulit tantum munimentis, sed insecutus etiam est trepide  
 fugientem; et Epicydem Marcellus in urbem compulit:  
 satisque iam etiam in posterum videbatur provisum, ne  
 quid ab repentinis eorum excursionibus periculi foret.  
 Pestilentia. Accessit et pestilentia, commune malum, quod facile utro-  
 rumque animos averteret a belli consiliis. Nam tempore  
 auctumni, et locis natura gravibus, multo tamen magis:  
 extra urbem, quam in urbe, intoleranda vis aestus per  
 utraque castra omnium ferme corpora movit. Et primo  
 temporis ac loci vitio et aegri erant, et moriebantur: postea  
 curatio ipsa et contactus aegrorum vulgabat morbos: ut

9 *Magnum portum*] cf. Supr. xxiv.  
 37. Huius portus circuitus octo mil-  
 lia passuum efficiebat.

1 *Accessit et pestilentia*] Similiter  
 exercitus Carthaginiensium, quum Hi-  
 milcone duce Ol. xcvi. i. Syracusas  
 obsideret, gravissima peste vexatus  
 est. cf. Diod. Sic. xiv. 71. Niebhr. ii.  
 n. 1126.

2 *Locis natura gravibus*] Quippe  
 paludosa et insalubris regio inter  
 Anapum fluvium atque urbem Syra-  
 cusas iacebat.

3 *Postea curatio ipsa et contactus  
 aegrorum*] In hac descriptione Li-  
 vium ante oculos habuisse Thucydi-  
 dem ii. 51, et 52. monet Duker. Cete-  
 rum pestilentiam eam, qua Himilco-



aut neglecti desertique, qui incidissent, morerentur, aut as-  
sidentes curantesque eadem vi morbi repletos secum tra-  
herent: quotidianaque funera et mors ob oculos esset, et  
undique dies noctesque ploratus audirentur. Postremo ita  
assuetudine mali efferaverant animos, ut non modo lacrimis  
iustoque comploratu prosequerentur mortuos, sed ne effer-  
rent quidem, aut sepelirent, iacerentque strata exanima  
corpora in conspectu similem mortem exspectantium; mor-  
tisque aegros, aegri validos, quum metu, tum tabe ac pe-  
stifero odore corporum, conficerent: et, ut ferro potius  
morerentur, quidam invadebant soli hostium stationes.  
Multo tamen vis maior pestis Poenorum castra, quam Ro-  
mana, (diu circumsedendo Syracusas, coelo aquisque as-  
suerant magis) affecerat. Ex hostium exercitu Siculi, ut  
primum videre ex gravitate loci vulgari morbos, in suas  
quisque propinquas urbes dilapsi sunt. At Carthagini-  
enses, quibus nusquam receptus erat, cum ipsis ducibus  
Hippocrate atque Himilcone, ad internecionem omnes per-  
ierunt. Marcellus, ut tanta vis ingruerat mali, traduxerat  
in urbem suos: infirmaque corpora tecta et umbrae re-  
creaverant. Multi tamen ex Romano exercitu eadem peste  
absumpti sunt.

Qua absumitur exercitus Punica.

Deleto terrestri Punico exercitu, Siculi, qui Hippocratis  
milites fuerant, in haud magna oppida, ceterum et situ et  
munimentis tuta, (tria millia alterum ab Syracusis, alterum  
quindecim abest) eo et commeatus e civitatibus suis com-  
portabant, et auxilia arcessebant. Interea Bomilcar, iterum  
cum classe profectus Carthaginem, ita exposita fortuna so-  
ciorum, ut spem faceret, non ipsis modo salutarem opem  
ferri posse, sed Romanos quoque in capta quodammodo  
urbe capi, perpulit, ut onerarias naves quam plurimas omni  
copia rerum onustas secum mitterent, classemque suam  
augerent. Igitur, centum triginta navibus longis et sep-  
tingentis onerariis profectus a Carthagine, satis prosperos  
ventos ad traiciendum in Siciliam habuit. Sed iidem

27.

Classis Punica.

nis exercitus gravabatur, id genus  
quod Anglice *measles* appellatur, fu-  
isse censet Niebhr. ii. n. 1126. quum  
Diodorus voce *φλύκταινα* utitur. Fieri  
tamen potest, ut pestis illa quae apud  
Indos Occidentales Anglice *yellow  
fever* appellatur, et quae in Hispania  
ad arcem Calpem quondam saeviisse  
satis creditur, vel illa quae hodie ab  
insula Smyrna nomen ducit, et quae  
plerumque vomiciis corpus aegrum  
vexat, gravioribus anni temporibus  
in his regionibus aliquando grassata  
sit. cf. supr. iii. 6, 7. 32. iv. 30. Dion.

ix. 42. x. 53. Diod. Sic. xiii. 114.  
xiv. 41. 45.

4 *Haud magna oppida*] Quippe  
Siculorum *πολίσματα*, sive oppidula,  
in iugis montium, qui Syracusas de-  
spectant, posita fuisse apud Thucydi-  
dem legimus.

5 *Eo et commeatus*] Supervacua  
videtur particula *eo*. At nonnun-  
quam amat Livius ita loqui, ut clari-  
tati serviat. Vid. supr. i. 19. et 58. et  
alibi saepius. CREV.

6 *Sed iidem venti*] Carthagine Pa-  
chynum petentes ventus ab occasu

U. C. 540. venti superare eum Pachynum prohibebant. Bomilearis  
 A. C. 212. adventus, fama primo, dein praeter spem mora, quum  
 gaudium et metum in vicem Romanis Syracusanisque  
 prae buisset; Epicydes metuens, ne, si pergerent iidem,  
 qui tum tenebant, ab ortu solis flare per dies plures venti,  
 classis Punica Africam repeteret, tradita Achradina merce-  
 nariorum militum ducibus, ad Bomilcarem navigat. Clas-  
 sem in statione versa in Africam habentem, atque timentem  
 navale proelium, non tam quod impar viribus aut numero  
 navium esset, (quippe etiam plures habebat) quam quod  
 venti aptiores Romanae, quam suae, classi flarent, perpulit  
 tandem, ut fortunam navalis certaminis experiri vellet. Ex  
 Marcellus, quum et Siculum exercitum ex tota insula con-  
 ciri videret, et cum ingenti commeatu classem Punicam  
 adventare, ne simul terra marique inclusus urbe hostium  
 urgeretur, quanquam impar numero navium erat, prohibere  
 aditu Syracusarum Bomilcarem constituit. Duae classes  
 infestae circa promontorium Pachynum stabant, ubi prima  
 tranquillitas maris in altum evexisset, concursurae. Itaque,  
 cadente iam Euro, qui per dies aliquot saevierat, prior  
 Bomilcar movit: cuius prima classis petere altum visa est,  
 quo facilius superaret promontorium. Ceterum, postquam  
 tendere ad se Romanas naves vidit, incertum qua subita  
 territus re, Bomilcar vela in altum dedit, missisque nuntiis  
 Heracleam, qui onerarias retro in Africam repetere iube-  
 rent, ipse, Siciliam praetervectus, Tarentum petit. Epi-  
 cydes, a tanta repente destitutus spe, ne in obsidionem  
 magna ex parte captae urbis rediret, Agrigentum navigat,  
 expectaturus magis eventum, quam inde quicquam mo-  
 turus.

Proelium  
 navale de-  
 trectat.

Epicydes  
 Agrigen-  
 tum abit.

28.

Legati ex-  
 ercitus Si-  
 culorum ad  
 Marcellum.

Quae ubi in castra Siculorum sunt nuntiata, Epicydem  
 Syracusis excessisse, a Carthaginiensibus relictam insulam,  
 et prope iterum Romanis traditam; legatos de conditioni-  
 bus dedendae urbis, explorata prius per colloquia voluntate

ferme flans vexerat. Auster neces-  
 sarius erat navigaturis ab Pachyno  
 Syracusaa. CREV.

7 *Si pergerent iidem*] Hinc ventos,  
 nisi mutati fuerant, postquam Bomil-  
 car ad Pachynum pervenerat, ab ortu  
 non ab occasu flavisse Crevierio vi-  
 detur. Equidem Punicam classem  
 Siciliam versus navigasse atque ad  
 litus, e. g. Agrigenti appulisse, ven-  
 tis ab ortu solis flantibus, crediderim,  
 ventos tamen eosdem, quum ad litus  
 Siciliae Pachynum versus navigare  
 oporteret, non satis prosperos fuisse.

8 *Classem in statione versa in Afri-*

*cam habentem*] Bomilcarem, qui ha-  
 bebat classem in statione versa in  
 Africam; classem stantem prorsus in  
 Africam versis, tanquam eo brevi tra-  
 iecturam. CREV.

9 *In altum evasisset*] Sivisset in  
 altum evehi. CREV.

1 *Retro in Africam repeters*] Ad  
 verbum *repetere* suppleri posse ita  
 monet Drakenb. *retro* ut supr. xxiv.  
 19. *retro redit*, sc. cursu retro con-  
 verso.

2 *Iterum Romanis traditam*] *It-*  
*rum*, quia foedere ad Aegatos insulas  
 icto iam tradita fuerat Romania. Ca.

eorum, qui obsidebantur, ad Marcellum mittunt. Quum U. C. 540.  
 3 haud ferme discreparet, quin, quae ubique regum fuissent, A. C. 212.  
 Romanorum essent; Siculis cetera cum libertate ac legibus  
 suis servarentur; evocatis ad colloquium his, quibus ab  
 Epicyde creditae res erant, 'missos se simul ad Marcellum,  
 'simul ad eos ab exercitu Siculorum,' aiunt, 'ut una om-  
 'nium, qui obsiderentur, quique extra obsidionem essent,  
 'fortuna esset: neve alteri proprie sibi paciscerentur quic-  
 'quam.' Recepti deinde ab iis, ut necessarios hospitesque Intrant Sy-  
 alloquerentur, expositis, quae pacta iam cum Marcello ha- racusas.  
 berent, oblata spe salutis perpulere eos, ut secum praefectos Praefecti  
 Epicydis, Polyclitum, et Philistionem, et Epicydem, cui Epicydis  
 Sindon cognomen erat, aggrederentur. Interfectis iis, et interficiun-  
 tur.  
 multitudine ad concionem vocata, et inopiam, qua ipsi  
 inter se fremere occulte soliti erant, conquesti, 'quanquam  
 'tot mala urgerent,' negarunt, 'fortunam accusandam esse,  
 'quod in ipsorum esset potestate, quam diu ea paterentur.  
 'Romanis causam oppugnandi Syracusas fuisse caritatem  
 'Syracusanorum, non odium: nam, ut occupatas res ab  
 'satellitibus Hannibalis, deinde Hieronymi, Hippocrate  
 'atque Epicyde, audierint, tum bellum movisse, et obsidere  
 'urbem coepisse, ut crudeles tyrannos eius, non ut ipsam  
 4 'urbem, expugnarent. Hippocrate vero interempto, Epi-  
 'cyde intercluso ab Syracusis, et praefectis eius occisis,  
 'Carthaginensibus omni possessione Siciliae terra marique  
 'pulsis, quam superesse causam Romanis, cur non, perinde  
 'ac si Hiero ipse viveret, unicus Romanae amicitiae cultor,  
 'incolumes Syracusas esse velint? Itaque nec urbi nec  
 'hominibus aliud periculum, quam ab semet ipsis, esse, si  
 'occasionem reconciliandi se Romanis praetermisissent,  
 '(eam autem, qualis illo momento horae sit, nullam deinde  
 'fore) simul libertas ab impotentibus tyrannis apparuisset.'

Omniū ingenti assensu audita ea oratio est. Praetores 29.  
 tamen prius creari, quam legatos nominari, placuit. Ex  
 ipsorum deinde praetorum numero missi oratores ad Mar-  
 cellum. Quorum princeps, 'Neque primo,' inquit, 'Sy- Legatorum  
 'racusani a vobis defecimus, sed Hieronymus, nequaquam Syracusa-  
 'tam in vos impius, quam in nos: nec postea pacem, tyranni norum ad  
 'caede compositam, Syracusanus quisquam, sed satellites Marcellum  
 'regii, Hippocrates atque Epicydes, oppressis nobis hinc oratio.  
 'metu, hinc fraude, turbaverunt. Nec quisquam dicere  
 'potest, aliquando nobis libertatis tempus fuisse, quod pacis  
 'vobiscum non fuerit. Nunc certe caede eorum, qui oppres-

3 *Discreparet*] Hoc verbo imper-  
 sonaliter uti solet Livius. cf. supr.  
 xxii. 61.

4 *Hippocrate vero interempto*] sc.  
 Peste absumpto, ut supr. 26. narra-  
 tur.

U. C. 540. 'sas tenebant Syracusas, quum primum nostri arbitrii esse  
 A. C. 212. 'coepimus, extemplo venimus ad tradenda arma; dedendos  
 'nos, urbem, moenia: nullam recusandam fortunam, quae  
 'imposita a vobis fuerit. Gloriam captae nobilissimae pul-  
 'cherrimaeque urbis Graccarum dei tibi dederunt, Mar-  
 'celle. Quicquid unquam terra marique memorandum  
 'gessimus, id tui triumphi titulo accedit. Famaene credi  
 'velis, quanta urbs a te capta sit, quam posteris quoque  
 'eam spectaculo esse? Quo quisque terra, quisque mari  
 'venerit, nunc nostra de Atheniensibus Carthaginiensibus-  
 'que tropaea, nunc tua de nobis ostendat; incolumesque  
 'Syracusas familiae vestrae sub clientela nominis Marcel-  
 'lorum tutelaque habendas tradas. Ne plus apud vos  
 'Hieronimi, quam Hieronis, memoria momenti faciat.  
 'Diutius ille multo amicus fuit, quam hic hostis: et illius  
 'etiam benefacta persensistis; huius amentia ad perniciem  
 'tantum ipsius valuit.'

Transfuga-  
 rum et  
 mercena-  
 riorum tu-  
 multus Sy-  
 racusis.

30.

Omnia et impetrabilia et tuta erant apud Romanos: in-  
 ter ipsos plus belli ac periculi erat. Namque transfugae,  
 tradi se Romanis rati, mercenariorum quoque militum  
 auxilia in eundem compulere metum: arreptisque armis  
 praetores primum obtruncant, inde ad caedem Syracusa-  
 norum discurrent: quosque fors obtulit, irati interfecere,  
 atque omnia, quae in promptu erant, diripuerunt. Tum,  
 ne sine ducibus essent, sex praefectos creavere, ut terni  
 Achradinae ac Naso praessent. Sedato tandem tumultu,  
 exsequentibus sciscitando mercenariis, quae acta cum Ro-  
 manis essent, dilucere id, quod erat, coepit; aliam suam ac  
 perfugarum causam esse. In tempore legati a Marcello  
 redierunt, falsa eos suspitione incitados memorantes, nec  
 causam expetendae poenae eorum ullam Romanis esse.  
 Erat ex tribus Achradinae praefectis Hispanus, Mericus  
 nomine. Ad eum inter comites legatorum de industria  
 unus ex Hispanorum auxiliaribus est missus: qui, sine ar-  
 bitris Mericum nactus, primum, quo in statu reliquisset  
 Hispaniam, (et nuper inde venerat) exponit. 'Omnia Ro-  
 'manis ibi obtineri armis. Posse eum, si operae pretium  
 'faciat, principem popularium esse: seu militare cum Ro-  
 'manis, seu in patriam reverti libeat. Contra, si malle

5 *Ostendat*] Magis placet intelli-  
 gere verbum *ostendat* de urbe, quam  
 de iis qui in eam venerint. Credimus  
 igitur sensum esse: ita ut, quicumque  
 in eam terra, quicumque mari vene-  
 rint, eis illa ostendat, nunc nostra de  
 Atheniensibus Carthaginiensibusque  
 tropaea, nunc tua de nobis. CREV.

6 *Sciscitando mercenariis*] Vocem  
*mercenariis*, quae in mss. deest, quam  
 tamen necessariam esse iudicat Cre-  
 vier., delevit Bekker.

7 *Si operae pretium faciat*] Si ali-  
 quid magnum faciat; si praestet Ro-  
 manis officium, quod sit magni mo-  
 menti. CREV.

‘obsideri pergat, quam spem esse terra marique clauso?’ U. C. 540.  
 Motus his Mericus, quum legatos ad Marcellum mitti pla- A. C. 212.  
 cuisset, fratrem inter eos mittit: qui per eundem illum Hi-  
 spanum secretus ab aliis ad Marcellum deductus, quum  
 fidem accepisset, composuissetque agenda rei ordinem,  
 Achradinam redit. Tum Mericus, ut ab suspicione pro-  
 ditionis averteret omnium animos, negat ‘sibi placere, le-  
 ‘gatos commeare ultro citroque, neque recipiendum quem-  
 ‘quam, neque mittendum: et, quo intentius custodiae ser-  
 ‘ventur, opportuna loca dividenda praefectis esse, ut suae  
 ‘quisque partis tutandae reus sit.’ Omnes assensi sunt Achradina  
 partibus dividundis: ipsi regio evenit ab Arethusa fonte proditur  
 usque ad ostium magni portus. Id ut scirent Romani, Romanis a  
 fecit. Itaque Marcellus nocte navem onerariam cum arma- Merico  
 tis remulco quadriremis trahi ad Achradinam iussit, expo- Hispano.  
 nique milites regione portae, quae prope fontem Arethu-  
 sam est. Hoc quum quarta vigilia factum esset, exposi-  
 tosque milites porta, ut convenerat, recepisset Mericus;  
 luce prima Marcellus omnibus copiis moenia Achradinae  
 aggreditur: ita ut non eos solum, qui Achradinam tene-  
 bant, in se converteret, sed ab Naso etiam agmina armato-  
 rum concurrerent, relictis stationibus suis, ad vim et impe-  
 tum Romanorum arcendum. In hoc tumultu actuariae  
 naves, instructae iam ante circumvectaeque, ad Nasum ar-  
 matos exponunt, qui, improvise adorti semiplenas stationes  
 et adaperas fores portae, qua paullo ante excurrerant ar-  
 mati, haud magno certamine Nasum cepere, desertam tre-  
 pidatione et fuga custodum. Neque ullis minus praesidii  
 aut pertinaciae ad manendum, quam transfugis, fuit: quia,  
 ne suis quidem satis credentes se, medio certamine effuge-  
 runt. Marcellus ut captam esse Nasum didicit, et Achra-  
 dinae regionem unam teneri, Mericumque cum praesidio

8 *Secretus ab aliis*] *Secretim* ex  
 coniectur. Gronov. reposuit Bekker.

9 *Opportuna loca*] Consentiant hic  
 quoque scripti in omittendo τῶν *loca*.  
 Iudicet lector utrum *opportuna* sic  
 nude dici possit. Nobis id durius so-  
 nat. CREV. Bekker. tamen *loca* de-  
 let.

1 *Reus*] *Reus* hoc loco intelligitur,  
 qui obligatione teneatur. cf. supr. ix.  
 9.

2 *Ab Arethusa fonte usque ad*  
*ostium magni portus*] Hic videtur  
 dormitasse Livius. Arethusa enim  
 fons nihil ad Achradinam pertinuit,  
 sed est in extrema Insula, teste Ci-  
 cerone in Verr. iv. 118. et Strabone  
 vi. p. 270. et Virgil. Aen. iii. 696. et

mille aliis. Et vero Mericus dicitur  
 infr. xxvi. 21. non Achradinam, quo-  
 modo hic narratur, sed Nasum, sive  
 Insulam, prodidisse. Unde non in-  
 iuria arguit Livium Perizonius, Ani-  
 madv. Hist. 8. tanquam parum con-  
 stantem sibi. Sed veremur, ne ma-  
 ioris culpa ille hoc loco reus agi pos-  
 sit, et totam hanc de Merici prodi-  
 tione narrationem valde turbaverit.  
 In talibus locis multum nobis opus  
 esset Polybio incolumi. CREV.

3 *Remulco quadriremis*] *Remulco*  
 trahitur navis, quoties alteri alligata  
 non suis remis agitur. Quum vero  
 onerariae velis solum utebantur, si  
 quando venti usus non erat, ita al-  
 ligatae trahebantur.

U. C. 540. suis adiunctum, receptui cecinit: ne regiae opes, quarum  
A. C. 212. fama maior, quam res, erat, diriperentur.

31. Suppresso impetu militum, et iis, qui in Achradina erant, transfugis spatium locusque fugae datus est; et Syracusani, tandem liberi metu, portis Achradinae apertis, oratores ad Marcellum mittunt, nihil petentes aliud, quam incolumitatem sibi liberisque suis. Marcellus, consilio advocato, et adhibitis etiam Syracusanis, qui per seditiones pulsati ab domo intra praesidia Romana erant, respondit: 'Non plura per annos quinquaginta benefacta Hieronis, quam paucis his annis maleficia eorum, qui Syracusas tenuerint, erga populum Romanum esse. Sed pleraque eorum, quo debuerint, recidisse; foederumque ruptorum ipsos ab se graviore multo, quam populus Romanus voluerit, poenas exegisse. Se quidem tertium annum circumsedere Syracusas: non ut populus Romanus servam civitatem haberet, sed ne transfugarum duces captam et oppressam tenerent. Quid potuerint Syracusani facere, exemplo vel eos Syracusanorum esse, qui intra praesidia Romana fuerint, vel Hispanum ducem Mericum, qui praesidium tradiderit, vel ipsorum Syracusanorum postremo, serum quidem, sed forte consilium. Omnium sibi laborum periculorumque, circa moenia Syracusana terra marique tam diu exhaustorum, nequaquam tantum fructum esse, quam capere Syracusas potuisse.' Inde quaestor cum praesidio ad Nasum ad accipiendam pecuniam regiam custodiendamque missus. Urbs diripienda militi data est, custodibus divisim per domos eorum, qui intra praesidia Romana fuerant. Quum multa irae, multa avaritiae, foeda exempla ederentur, Archimedes, memoriae proditum est, in tanto tumultu, quantum capta urbs in discursu diripientium militum ciere poterat, intentum formis, quas in pulvere descriperat, ab ignaro milite, quis esset, interfectum. Aegre id Marcellum tulisse, sepulturaeque curam habitam: et pro-

Syracusani  
permittunt  
se Marcel-  
lo.

Urbs diri-  
pienda mi-  
liti datur.  
Archimedis  
mora.

4 *Nequaquam tantum fructum esse, quam capere*] Locus deploratus. Gronovius suspicatur, *quam si parcere Syracusis potuisset*. Alb. Rubenius vulgatam interpretatur hoc modo: nequaquam ex omnibus laboribus periculisque tantum esse fructum sibi, quantum capere Syracusae potuissent, si in amicitiam Romanorum mature et volentes rediissent. Sed haec omnia parum faciunt ad mentem Marcelli, qui exaggerare vult labores sibi in obsidione Syracusarum exhaustos, ut ex eo Syracusani intelligant, qua poena digni sint. Tota enim oratio spirat severitatem. Si et

coniecturis nostris hic detur locus, placeret magis legere: *Omnium sibi laborum . . . nequaquam dignum fructum esse, quod capere Syracusas potuisset*. Quod . . . potuisset exhibent scripti, et vetustissimi editi. Haec igitur foret huius loci sententia: tantos a Marcello in obsidione Syracusarum exhaustos labores, ut vel ipsae Syracusae captae exigua sit eorum merces. CREV.

5 *Archimedes, memoriae proditum est*] De Archimedis casu fusius agunt Plut. in Marcello, et Val. Max. viii. 7. De eius sepulcro vide Cic. Tusc. Quaest. v. 23. et sqq. CREV.



pinquis etiam inquisitis honori praesidioque nomen ac memoriam eius fuisse. Hoc maxime modo Syracusae captae: in quibus praedae tantum fuit, quantum vix capta Carthagine tum fuisset, cum qua viribus aequis certabatur.

Paucis ante diebus, quam Syracusae caperentur, T. Otacilius cum quinquagemis octoginta Uticam ab Lilybaeo transmisit: et quum ante lucem portum intrasset, onerarias frumento onustas cepit; egressusque in terram, depopulatus est aliquantum agri circa Uticam, praedamque omnis generis retro ad naves egit. Lilybaeum tertio die, quam inde profectus erat, cum centum triginta onerariis navibus frumento praedaeque onustis rediit: idque frumentum ex templo Syracusas misit. Quod ni tam in tempore subvenisset, victoribus victisque pariter perniciosa fames instabat.

Eadem aestate in Hispania, quum biennio ferme nihil admodum memorabile factum esset, consiliisque magis, quam armis, bellum gereretur, Romani imperatores egressi hibernis copias coniunxerunt. Ibi consilium advocatum, omniumque in unum congruerunt sententiae; quando ad id locorum id modo actum esset, ut Hasdrubalem tendentem in Italiam retinerent; tempus esse id iam agi, ut bellum in Hispania finiretur: et satis ad id virium credebant accessisse, viginti millia Celtiberorum ea hieme ad arma excitata. Tres exercitus erant. Hasdrubal Gisgonis filius et Mago, coniunctis castris quinque ferme dierum iter ab Romanis aberant. Propior erat Hamilcaris filius Hasdrubal, vetus in Hispania imperator. Ad urbem nomine Anitorgin exercitum habebat. Eum volebant prius opprimi duces Romani: et spes erat, satis superque ad id virium esse. Illa restabat cura, ne, fuso eo percussi, alter Hasdrubal et Mago, in avios saltus montesque recipientes sese, bellum extraherent. Optimum igitur rati, divisis bifariam copiis, totius simul Hispaniae amplecti bellum, ita inter se diviserunt, ut P. Cornelius duas partes exercitus Romanorum sociorumque adversus Magonem duceret atque Hasdrubalem; Cn. Cornelius cum tertia parte veteris exercitus, Celtiberis adiunctis, cum Hasdrubale Barcino bellum gereret. Una profecti ambo duces exercitusque, Celtiberis praegredientibus, ad urbem Anitorgin in conspectu hostium, dirimente amni, ponunt castra. Ibi Cn. Scipio, cum quibus ante dictum est copiis, substitit, et P. Scipio profectus ad destinatam belli partem.

T. Otacilius Uticam cum classe traiecit.

32. Res in Hispania gestae.

Vires Poenorum.

Scipiones exercitum partiuntur.

6 *Ad arma excitata*] *Ad arma excitatorum* ex emend. Gronov. reposuit Bekker.

7 *Anitorgin*] Oppidum incerti si-

tus, nisi forte legendum sit *Conistorgin*, quod Appian. Bell. Hispan. 57, 58. memorat. cf. Strab. iii. 2. Rup.



U. C. 540. Hasdrubal postquam animadvertit, exiguum Romanum  
 A. C. 212. exercitum in castris, et spem omnem in Celtiberorum aux-  
 33. iliis esse; peritus omnis barbaricae, et praecipue omnium  
 Celtiberi earum gentium, in quibus per tot annos militabat, perfidiae,  
 deserunt Cn. Scipio- facili linguae commercio, quum utraque castra plena His-  
 nem. panorum essent, per occulta colloquia paciscitur magna  
 mercede cum Celtiberorum principibus, ut copias inde ab-  
 ducant. Nec atrox visum facinus. Non enim, ut in Ro-  
 manos verterent arma, agebatur: et merces, quanta vel pro  
 bello satis esset, dabatur, ne bellum gererent: et quum  
 quies ipsa, tum reditus domum fructusque videndi suos  
 suaque, grata vulgo erant. Itaque non ducibus facilius,  
 quam multitudini, persuasum est: simul ne metus quidem  
 ab Romanis erat, quippe tam paucis, si vi retinerent. Id  
 quidem cavendum semper Romanis ducibus erit, exempla-  
 que haec vere pro documentis habenda, ne ita externis cre-  
 dant auxiliis, ut non plus sui roboris suarumque proprie  
 virium in castris habeant. Signis repente sublatis, Celti-  
 beri abeunt, nihil aliud quaerentibus causam obtestantibus-  
 que, ut manerent, Romanis respondentes, quam domestico  
 se avocari bello. Scipio, postquam socii nec precibus, nec  
 vi retineri poterant, nec se aut parem sine illis hosti esse,  
 aut fratri rursus coniungi vidit posse, nec ullum aliud salu-  
 tare consilium in promptu esse, retro, quantum posset, ce-  
 dere statuit; in id omni cura intentus, necubi hosti aequo  
 se committeret loco; qui, transgressus flumen, prope vesti-  
 giis abeuntium insistebat.

Cn. Scipio-  
 nis pericu-  
 lum.

34. Per eosdem dies P. Scipionem par terror, periculum  
 Item P. maius ab novo hoste, urgebat. Masinissa erat iuvenis, eo  
 Scipionis tempore socius Carthaginensium, quem deinde clarum  
 a Masinis potentemque Romana fecit amicitia. Is tum cum equitatu  
 Numidarum et advenienti P. Scipioni occurrit, et deinde  
 assidue dies noctesque infestus aderat, ut non vagos tan-  
 tum, procul a castris lignatum pabulatumque progressos  
 exciperet, sed ipsis obequitaret castris, invectusque in me-  
 dias saepe stationes, omnia ingenti tumultu turbaret. Nocti-  
 bus quoque saepe incursu repentino in portis valloque tre-  
 pidatum est: nec aut locus, aut tempus ullum vacuum a  
 metu ac sollicitudine erat Romanis: compulsisque intra  
 vallum, adempto rerum omnium usu, quum prope iusta  
 obsidio esset, futuramque artiolem eam appareret, si se

8 *Facili linguae commercio*] Omnes scripti, tum Gronoviani, tum nostri, ignorant *ad commercio*, quod tamen sensus omnino requirit. Hoc exemplum iis annumeramus, ex quibus colligi potest non usquequaque ita fidem habendam scriptis, vel com-

pluribus et optimis, ut omnis editis dissentientibus detrahatur auctoritas CREV.

9 *Si vi retinerent*] Si vi retinere conarentur Romani. Ita supr. xiii. 19. *si palam frumentum importaret*.

Indibilis, quem cum septem millibus et quingentis Suesse- U. C. 540.  
tanorum adventare fama erat, Poenis coniunxisset; dux A. C. 212.  
cautus et providens Scipio, victus necessitatibus, temera- P. Scipio-  
rium capit consilium, ut nocte Indibili obviam iret: et, nis temera-  
quocunque occurrisset loco, proelium consereret. Relicto rium con-  
igitur modico praesidio in castris, praepositoque T. Fonteio silium.  
legato, media nocte profectus, cum obviis hostibus manus  
conseruit. Agmina magis, quam acies, pugnabant: supe-  
rior tamen, ut in tumultuaria pugna, Romanus erat. Ce-  
terum et equites Numidae repente, quos fefellisse se dux  
ratus erat, ab lateribus circumfusi, magnum terrorem intu-  
lere. Contracto adversus Numidas certamine novo, ter-  
tius insuper advenit hostis, duces Poeni, assecuti ab tergo  
iam pugnantes: ancepsque proelium Romanos circumsterat,  
incertos in quem potissimum hostem, quamve in par-  
tem conferti eruptionem facerent. Pugnantibus hortantique  
imperator et offerenti se, ubi plurimus labor erat, latus  
dextrum lancea traiecit: cuneusque is hostium, qui in P. Scipio  
confertos circa ducem impetum fecerat, ut exanimem la- occisus, et  
bentem ex equo Scipionem vidit, alacres gaudio cum cla- exercitus  
more per totam aciem nuntiantes discurrunt, imperatorem caesus.  
Romanum cecidisse. Haec pervagata passim vox, ut et  
hostes haud dubie pro victoribus, et Romani pro victis es-  
sent, fecit. Fuga confestim ex acie, duce amisso, fieri  
coepta est. Ceterum ut ad erumpendum inter Numidas  
leviumque armorum alia auxilia haud difficilis res erat; ita  
effugere tantum equitum, aequantiumque equos velocitate  
peditum, vix poterant: caesique prope plures in fuga, quam  
in pugna, sunt. Nec superfuisset quisquam, ni praecipiti  
iam ad vesperum die nox intervenisset.

Haud segniter inde duces Poeni fortuna usi, confestim e 35.  
proelio, vix necessaria quiete data militibus, ad Hasdruba-  
lem Hamilcaris citatum agmen rapiunt, non dubia spe,  
quum iuncti essent, debellari posse. Quo ubi est ventum, Tres Poeni  
inter exercitus ducesque, victoria recenti laetos, gratulatio duces con-  
ingens facta, imperatore tanto cum omni exercitu deleti, iungunt se  
et alteram pro haud dubia parem victoriam expectantes. adversus  
Ad Romanos nondum quidem fama tantae cladis pervene- Cn. Scipio-  
rat, sed maestum quoddam silentium erat, et tacita divina- nem.  
tio; qualis iam praesagientibus animis imminentis mali esse

1 *Agmina magis, quam acies*] Itineri magis instructi, quam pugnae.

2 *Difficilis res erat*] Vocem *res* delevit Bekker. ut quae ab optimis mss. absit, et, auctore Gronov. ex superioribus intelligendam esse vocem *fuga* monet.

3 *Quum iuncti essent*] Lectionem

omnium edd. ante Gronov. *quum copias coniunxissent*, revocavit Stroth. Sed omnes mss. omittunt *copias*, optimi vero etiam *quum*, teste eodem Gronov. Fieri quidem potest ut in voce *coniunxissent*, lateant voces *cum iunxissent*, sc. *copias* sive *agmen*.

U. C. 540. solet. Imperator ipse, praeterquam quod ab sociis se de-  
 A. C. 212. sertum, hostium tantum auctas copias sentiebat, coniectura  
 etiam et ratione ad suspicionem acceptae cladis, quam ad  
 ullam bonam spem, pronior erat. 'Quonam modo enim  
 'Hasdrubalem ac Magonem, nisi defunctos suo bello, sine  
 'certamine adducere exercitum potuisse? Quomodo au-  
 'tem non obstitisse, aut ab tergo secutum fratrem? ut, si  
 'prohibere, quo minus in unum coirent et duces et exer-  
 'citus hostium, non posset, ipse certe cum fratre coniun-  
 Recedit 'geret copias.' His anxius curis id modo esse salutare in  
 Cn. Scipio. praesens credebat, cedere inde, quantum posset: et inde  
 una nocte, ignaris hostibus, et ob id quietis, aliquantum  
 emensus est iter. Luce, ut senserunt profectos hostes,  
 praemissis Numidis, quam poterant maxime citato agmine  
 sequi coeperunt: ante noctem assecuti Numidae, nunc ab  
 tergo, nunc in latera incursantes. Consistere coeperunt,  
 ac tutari agmen, quantum possent; tamen, tuto ut simul  
 pugnarent procederentque, Scipio hortabatur, priusquam  
 pedestres copiae assequerentur. Ceterum nunc agendo,  
 36. nunc sustinendo agmen, quum aliquamdiu haud multum:  
 Tumulum occupat. procederetur, et nox iam instaret, revocat e proelio suos  
 Scipio: et collectos in tumulum quendam, non quidem  
 satis tutum, (praesertim agmini perculso) editiorem tamen,  
 quam cetera circa erant, subducit. Ibi primo, impedimen-  
 tis et equitatu in medium receptis, circumdati pedites haud  
 difficulter impetus incursantium Numidarum arcebant:  
 dein, postquam toto agmine tres imperatores cum tribus  
 iustis exercitibus aderant, apparebatque, parum armis ad  
 tuendum locum sine munimento valituros esse; circum-  
 spectare atque agitare dux coepit, si quo modo posset val-  
 lum circumiicere. Sed erat adeo nudus tumulus et asper;  
 soli, ut nec virgulta vallo caedendo, nec terra cespiti fa-  
 ciendo, aut ducendae fossae, aliive ulli operi apta inveniri  
 posset: nec natura quicquam satis arduum aut abscisum  
 erat, quod hosti aditum ascensumve difficilem praeberet;  
 omnia fastigio leni subvexa. Ut tamen aliquam imaginem:

4 *Nisi defunctos suo bello*] Nisi ex animo suam partem belli confecissent, sc. Publio fratre exercituque eius devicto.

5 *Cedere inde . . . et inde una nocte*] Alterutrum *inde* vacare putat Crevier. qui ex Victor. cod. *cedere in quantum posset* legend. coniicit. Posteriorius *inde* unciolis inclusit Bekker.

6 *Tamen, tuto ut simul*] Adverbium *tuto* quod Crevierio et Strothio suspectum est, Bekker. unciolis inclusit.

7 *Sustinendo*] Morando et consistere per aliquod tempus iubenda. CREV.

8 *Circumdati pedites*] Pedites Romani circum impedimenta equitatumque locati. CREV.

9 *Circumiicere*] *Circumiacere* Stroth. et Bekker. probant.

1 *Subvexa*] Quemadmodum *devera* declivia, ita *subvera* paululum acclivia et assurgentia dicuntur. DORRING.

valli obiicerent, clitellas illigatas oneribus, velut struentes U. C. 540.  
 ad altitudinem solitam, circumdabant; cumulo sarcinarum A. C. 212.  
 omnis generis obiecto, ubi ad moliendum clitellae defue-  
 rant. Punici exercitus postquam advenere, in tumulum Eum ag-  
 quidem perfacile agmen erexere: munitionis vero facies grediuntur  
 nova primo eos velut miraculo quodam tenuit, quum duces Poeni.  
 undique vociferarentur, 'Quid starent? et non ludibrium  
 'illud, vix feminis puerisque morandis satis validum, distra-  
 'herent diriperentque? Captum hostem teneri, latentem  
 'post sarcinas.' Haec contemptim duces increpabant. Ce-  
 terum, neque transilire, neque moliri onera obiecta, nec  
 caedere stipatas clitellas, ipsisque obrutas sarcinis, facile erat.  
 2 Tardatis diu quum amolita obiecta onera armatis dedissent  
 viam, pluribusque idem partibus fieret, capta iam undique  
 castra erant: pauci ab multis, percussique a victoribus,  
 passim caedebantur. Magna pars tamen militum, quum in  
 propinquas refugisset silvas, in castra P. Scipionis, quibus  
 T. Fonteius legatus praeerat, perfugerunt. Cn. Scipionem Cn. Scipio  
 alii in tumulo primo impetu hostium caesum tradunt: alii occisus, ex-  
 cum paucis in propinquam castris turrim perfugisse. Hanc ercitusque  
 igni circumdatam, atque ita exustis foribus, quas nulla mo- caesus.  
 liri potuerunt vi, captam; omnesque intus cum ipso im-  
 3 peratore occisos. Anno octavo, postquam in Hispaniam  
 venerat, Cn. Scipio, undetrigesimo die post fratris mortem,  
 est interfectus. Luctus ex morte eorum non Romae maior,  
 quam per totam Hispaniam, fuit. Quin apud cives par-  
 tem doloris et exercitus amissi, et alienata provincia, et  
 publica trahebat clades. Hispaniae ipsos lugebant deside-  
 rabantque duces: Cnacum tamen magis, quo diutius prae-  
 4 fuerat iis, priorque et favorem occupaverat, et speciem  
 iustitiae temperantiaeque Romanae primus dederat.

Quum deletus exercitus amissaeque Hispaniae viderentur, 37.  
 vir unus res perditas restituit. Erat in exercitu L. Marcius L. Marcius  
 Septimi filius, eques Romanus, impiger iuvenis, animique res afflictas  
 et ingenii aliquanto, quam pro fortuna, in qua erat natus, restituit.  
 maioris. Ad summam indolem accesserat Cn. Scipionis  
 disciplina: sub qua per tot annos omnes militiae artes edo-

2 *Amolita obiecta onera armatis*] *Amolita* hic passive usurpatur; *amoliti* opt. mss. atque edd. nonnulli prae se ferunt. *Obiecta onera armatis* Bekkero suspecta sunt.

3 *Anno octavo*] Sed hic est septimus annus ab initio huius belli. Primo autem belli Hannibalicis anno venerat Cn. Scipio in Hispaniam. Vid. supr. xxi. 32. Tamen infra Marcius in oratione eundem numerum, quem

hic coarguimus, habet: *Invictos per octo annos milites suos*: ut possis suspicari errorem fuisse ipsius Livii. CREV.

4 *Priorque et favorem occupaverat, et speciem ... primus dederat*] Prior refertur ad fratrem; *primus* ad omnes. Primus enim omnium Romanorum in Hispaniam cum imperio et exercitu venit Cn. Scipio. SIGON.

U. C. 540. ctus fuerat. Hic, et ex fuga collectis militibus, et quibus-  
 A. C. 212. dam de praesidiis deductis, haud contemnendum exercitum  
 fecerat, iunxeratque cum T. Fonteio P. Scipionis legato.  
 Sed tantum praestitit eques Romanus auctoritate inter  
 milites atque honore, ut, castris citra Iberum communis,  
 quum ducem exercituum comitiis militaribus creari placu-  
 isset, subeuntes alii aliis in custodiam valli stationesque,  
 donec per omnes suffragium iret, ad L. Marcium cuncti  
 summam imperii detulerint. Omne inde tempus (exiguum  
 id fuit) muniendis castris convehendisque commeatibus con-  
 sumptum: et omnia imperia milites, quum impigre, tum  
 haudquaquam abiecto animo, exsequebantur. Ceterum  
 postquam Hasdrubalem Gisgonis, venientem ad reliquias  
 belli delendas, transisse Iberum, et appropinquare allatum  
 est, signumque pugnae propositum ab novo duce milites  
 viderunt; recordati, quos paullo ante imperatores habuissent,  
 quibusque et ducibus et copiis freti prodire ad pugnam  
 soliti essent, flere omnes repente et offensare capita: et alii  
 manus ad coelum tendere, deos incusantes: alii, strati humi,  
 suum quisque nominatim ducem implorare: neque sedari  
 lamentatio poterat, excitantibus centurionibus manipulares  
 et ipso mulcente et increpante Marcio, 'quid in muliebres  
 'et inutiles se proiecissent fletus potius, quam ad tutandos  
 'semet ipsos et rempublicam secum acuerent animos?' et  
 'ne inultos imperatores suos iacere sinerent:' quum subito  
 clamor tubarumque sonus (iam enim prope vallum hoste-  
 erant) exauditur. Inde, verso repente in iram luctu, dis-  
 currere ad arma: ac, velut accensi rabie, discurrunt ad  
 portas, et in hostem, negligenter atque incomposite veni-  
 entem, incurrunt. Extemplo improvisa res pavorem incutit  
 Poenis: mirabundique, unde tot hostes tam subito exorti  
 prope deleto exercitu forent, unde tanta audacia, tanta  
 fiducia sui victis ac fugatis, quis imperator duobus Scipioni-  
 bus caesis exstitisset, quis castris praeesset, quis signum de-  
 disset pugnae, ad haec tot tam necopinata primo omnium  
 incerti stupentesque referunt pedem: dein, valida impres-  
 sione pulsati, terga vertunt. Et aut fugientium caedes foeda  
 fuisset, aut temerarius periculosusque sequentium impetus,  
 ni Marcius propere receptui dedisset signum, obsistensque  
 ad prima signa, quosdam et ipse retinens, concitatam re-  
 pressisset aciem. Inde in castra avidos adhuc caedisque et  
 sanguinis reduxit. Carthaginienses, trepide primo ab ho-  
 stium vallo acti, postquam neminem insequi viderunt, metu

Reliquias  
 Rom. per-  
 sequitur  
 Hasdrubal  
 Gisgonis F.  
 Luctus mil.  
 Roman.

Arma ta-  
 men capi-  
 unt.

Poenos re-  
 pellunt.

5 *Iunxeratque*] cf. Supr. 35.  
*quum iuncti essent*, et quae ibi notata  
 sunt.

6 *Discurrere ad arma*] Vox *dis-*  
*currere* abest ab uno ms., teste la.  
 Gronov. et Bekkero suspecta est.

substitisse rati, contemptim rursus et sedato gradu in castra U. C. 540.  
abeunt. A. C. 212.

Par negligentia in castris custodiendis fuit. Nam, etsi propinquus hostis erat, tamen reliquias eum esse duorum exercituum ante paucos dies deletorum succurrebat. Ob Marcius statuit oppugnare castra hostium. hoc quum omnia neglecta apud hostes essent, exploratis iis, Marcius ad consilium, prima specie temerarium magis, quam audax, animum adiecit, ut ultro castra hostium oppugnaret: facilius esse ratus, unius Hasdrubalis expugnari castra, quam, si se rursus tres exercitus ac tres duces iunxissent, sua defendi: simul aut, si successisset coeptis, recepturum se afflictas res: aut, si pulsus esset, tamen ultro inferendo arma, contemptum sui dempturum. Ne tamen 38. subita res et nocturnus terror etiam non suae fortunae consilium perturbaret, alloquendos adhortandosque sibi milites ratus, concione advocata ita disseruit: ‘Vel mea erga imperatores nostros vivos mortuosque pietas, vel praesens Eius oratio ad milites. ‘omnium nostrum, milites, fortuna fidem cuivis facere potest, mihi hoc imperium, ut amplum iudicio vestro, ita re ipsa grave ac sollicitum esse. Quo enim tempore, nisi metus maerorem obstupefaceret, vix ita compos mei essem, ut aliqua solatia invenire aegro animo possem; cogor vestram omnium vicem, quod difficillimum in luctu est, unus consulere: et ne tum quidem, ubi, quonam modo has reliquias duorum exercituum patriae conservare possim, cogitandum est, avertere animum ab assiduo maerore libet. Praesto est enim acerba memoria, et Scipiones me ambo dies noctesque curis insomniisque agitant, et excitant saepe <sup>1</sup> somno; neu se, neu invictos per octo annos in his terris milites suos, commilitones vestros, neu rempublicam patiar inultam, et suam disciplinam suaque instituta sequi iubent: et, ut imperiis vivorum nemo obedientior me uno fuerit, ita post mortem suam, quod quaque in re facturos <sup>2</sup> illos fuisse maxime censeam, id optimum ducere. Vos quoque velim, milites, non lamentis lacrimisque tanquam extinctos prosequi, (vivunt vigentque fama rerum gestarum) sed, quotiescunque occurret memoria illorum, velut si adhortantes signumque dantes videatis eos, ita proelia inire. Nec alia profecto species, hesterno die oculis ani-

<sup>7</sup> *Recepturum se afflictas res*] *Refecturum* Duker. et Drakenb. probant, sed Ernest. *recepturum* defendit, ut quod *rebus afflictis* magis respondeat.

<sup>8</sup> *Etiam non suae fortunae consilium perturbaret*] Impedimentum et perturbationem afferret consilio, quod per se ipsum parum convenire

videretur afflictas tunc ac prope desperatae Romanorum fortunae. CR.

<sup>9</sup> *Amplum iudicio vestro*] Honorificum, si quis illud spectat tanquam delatum suffragio vestro. CREV.

<sup>1</sup> *Per octo annos*] Imo septem. Vid. supr. 36.

<sup>2</sup> *Id optimum ducere*] Supple ex praecedentibus, *iubent*. CREV.



U. C. 540. ' misque vestris oblata, memorabile illud edidit proelium:  
 A. C. 212. ' quo documentum dedistis hostibus, non cum Scipionibus  
 ' extinctum esse nomen Romanum: et, cuius populi vis  
 ' atque virtus non obruta sit Cannensi clade, ex omni pro-  
 ' fecto saevitia fortunae emersuram esse. Nunc, quia tan-  
 ' tum ausi estis sponte vestra, experiri libet, quantum aude-  
 ' atis duce vestro auctore. Non enim hesterno die, quum  
 ' signum receptui dedi sequentibus effuse vobis turbatum  
 ' hostem, frangere audaciam vestram, sed differre in maiorem  
 ' gloriam atque opportunitatem, volui: ut postmodo praepa-  
 ' rati incautos, armati inermes, atque etiam sopitos, per  
 ' occasionem aggredi possetis. Nec huius occasionis spem,  
 ' milites, forte temere, sed ex re ipsa conceptam habeo. A  
 ' vobis quoque profecto si quis quaerat, quonam modo pauci  
 ' a multis, victi a victoribus castra tutati sitis; nihil aliud  
 ' respondeatis, quam id ipsum timentes vos omnia et operi-  
 ' bus firmata habuisse, et ipsos paratos instructosque fuisse.  
 ' Et ita se res habet. Ad id, quod, ne timeatur, fortuna;  
 ' facit, minime tuti sunt homines: quia, quod neglexeris,  
 ' incautum atque apertum habeas. Nihil omnium nunc  
 ' minus metuunt hostes, quam ne obsessi modo ipsi atque  
 ' oppugnati castra sua ultro oppugnemus. Audeamus, quod  
 ' credi non potest ausuros nos. Eo ipso, quod difficillimum  
 ' videtur, facillimum erit. Tertia vigilia noctis silenti ag-  
 ' mine ducam vos. Exploratum habeo, non vigiliarum  
 ' ordinem, non stationes iustas esse. Clamor in portis au-  
 ' ditus et primus impetus castra ceperit. Tum inter torpi-  
 ' dos somno, paventesque ad necopinatum tumultum, et in-  
 ' ermes in cubilibus suis oppressos, illa caedes edatur, a qua  
 ' vos hesterno die revocatos aegre ferebatis. Scio, audax  
 ' videri consilium: sed in rebus asperis et tenui spe fortis-  
 ' sima quaeque consilia tutissima sunt: quia, si in occa-  
 ' sionis momento, cuius praetervolat opportunitas, cunctatur  
 ' paullum fueris, nequicquam mox omissam quaeras. Unus  
 ' exercitus in propinquo est: duo haud procul absunt.  
 ' Nunc aggredientibus spes aliqua est: et iam tentastis vestras  
 ' atque illorum vires. Si diem proferimus, et hesternae  
 ' eruptionis fama contemni desierimus, periculum est, ne  
 ' omnes duces, omnes copiae conveniant. Tres deinde  
 ' duces, tres exercitus sustinebimus hostium, quos Cn. Scipio  
 ' incolumi exercitu non sustinuit? Ut dividendo copias per-  
 ' iere duces nostri, ita separati ac divisi opprimi possunt

3 *Ad id, quod, ne timeatur*] Nihil minus tutum est hominibus, quam quod praesens fortuna vetat timeri: quoniam id plerumque ab iis negligi-

tur; quod autem neglexeris, incautum atque apertum est, ac facillime hosti patet. CREV. *Ad id, . . . tuti*, cf. infr. xxxvi. 32.



‘hostes.’ Alia belli gerendi via nulla est. Proinde nihil, U. C. 540.  
 ‘praeter noctis proximae opportunitatem, expectemus. A. C. 212.  
 ‘Ite, deis bene iuvantibus, corpora curate, ut integri vigen-  
 ‘tesque eodem animo in castra hostium irrumpatis, quo  
 ‘vestra tutati estis.’

Laeti et audiere ab novo duce novum consilium, et, quo  
 audacius erat, magis placebat. Reliquum diei expediendis  
 armis et curatione corporum consumptum: et maior pars  
 4 noctis quieti data est. Quarta vigilia movere. Erant 39.  
 ultra proxima castra sex millium intervallo distantes Castra  
 aliae copiae Poenorum. Vallis cava intererat, condensa Hasdruba-  
 arboribus. In huius silvae medio ferme spatio cohors Ro- lis capiun-  
 mana arte Punica abditur, et equites. Ita medio itinere  
 intercepto, ceterae copiae silenti agmine ad proximos hostes  
 ductae. Et, quum statio nulla pro portis, neque in vallo  
 custodiae essent, velut in sua castra, nullo usquam obsis-  
 tente, penetravere. Inde signa canunt, et tollitur clamor.  
 Pars semisomnos hostes caedunt: pars ignes casis, stramento  
 arido tectis, iniiciunt: pars portas occupant, ut fugam  
 intercludant. Hostes simul ignis, clamor, caedes, velut  
 alienatos sensibus, nec audire, nec providere quicquam si-  
 nunt. Incidunt inermes inter catervas armatorum; alii  
 ruunt ad portas, alii obsaeptis itineribus super vallum  
 saliunt: et, ut quisque evaserat, protinus ad castra altera  
 fugiunt: ubi ab cohorte et equitibus ex occulto procurren-  
 tibus circumventi, caesique ad unum omnes sunt. Quan-  
 quam, etiam si quis ex ea caede effugisset, adeo raptim  
 captis propioribus castris in altera transcursum castra ab  
 Romanis est, ut praevenire nuntius cladis non posset. Ibi  
 vero, quo longius ab hoste aberant, et quia sub lucem pabu-  
 latum, lignatum, et praedatum quidam dilapsi fuerant, neg-  
 lecta magis omnia ac soluta invenere; arma tantum in  
 stationibus posita: milites inermes, aut humi sedentes ac-  
 cubantesque, aut obambulantes ante vallum portasque.  
 Cum his tam securis solutisque Romani, calentes adhuc ab Altera  
 recenti pugna, ferocesque victoria, proelium ineunt. Itaque etiam cas-  
 nequaquam resisti in portis potuit. Intra portas, concursu tra capta.  
 ex totis castris ad primum clamorem et tumultum facto,  
 atrox proelium oritur: diuque tenuisset, ni cruenta scuta  
 Romanorum visa, indicium alterius cladis Poenis, atque  
 inde pavorem iniecissent. Hic terror in fugam avertit  
 omnes: effusique, qua iter est, nisi quos caedes oppressit,  
 exuuntur castris. Ita nocte ac die bina castra hostium ex-  
 pugnata ductu L. Marcii. Ad triginta septem millia hos-

4 Quarta vigilia] Marcius in ora- sed parum scilicet interest. CREV.  
 tione dixit se tertia vigilia moturum:

U. C. 540. tium caesa, auctor est Claudius, qui annales Acilianos ex:  
 A. C. 212. Graeco in Latinum sermonem vertit: captos ad mille  
 octingentos triginta: praedam ingentem partam: in ea  
 fuisse clipeum argenteum pondo centum triginta octo, cum  
 imagine Barcini Hasdrubalis. Valerius Antias una castra  
 Magonis capta tradit, septem millia caesa hostium: altero  
 proelio, eruptione pugnatum cum Hasdrubale: decem millia  
 occisa, quattuor millia trecentos triginta captos. Piso quin-  
 que millia hominum, quum Mago cedentes nostros effuse  
 sequeretur, caesa ex insidiis scribit. Apud omnes magnum  
 nomen Marcii ducis est. Et verae gloriae eius etiam mira-  
 cula addunt: flammam ei concionanti fusam e capite,  
 sine ipsius sensu, cum magno pavore circumstantium mili-  
 tum: monumentumque victoriae eius de Poenis, usque ad  
 incensum Capitolium, fuisse in templo clipeum, Marcium  
 appellatum, cum imagine Hasdrubalis. Quietae deinde  
 aliquamdiu in Hispania res fuere, utrisque, post tantas ac-  
 ceptas in vicem illatasque clades, cunctantibus periculum  
 summae rerum facere.

Flamma e  
 capite Mar-  
 cii emicans.

40.  
 Spolia Sy-  
 racusis Ro-  
 mam de-  
 vecta.

Dum haec in Hispania geruntur, Marcellus captis Syra-  
 cusis, quum cetera in Sicilia tanta fide atque integritate  
 composuisset, ut non modo suam gloriam, sed etiam maie-  
 statem populi Romani, augeret; ornamenta urbis, signa,  
 tabulasque, quibus abundabant Syracusae, Romam devexit.  
 Hostium quidem illa spolia, et parta belli iure: ceterum  
 inde primum initium mirandi Graecarum artium opera,  
 licentiaeque huic sacra profanaque omnia vulgo spoliandis  
 factum est: quae postremo in Romanos deos, templum id  
 ipsum primum, quod a Marcello eximie ornatum est, vertit.  
 Visebantur enim ab externis ad portam Capenam dedicata  
 a Marcello templa, propter excellentia eius generis orna-

5 *Annales Acilianos*] Huius Acilii, qui Graece scripsit historiam, meminit Cic. de Off. iii. 32. Quis vero ille fuerit, aut quando vixerit non satis constat. STROTH. Sed et quum Plut. in Cat. maiore meminerit C. Acilii, clari hominis, qui laudi sibi duxerit Carneadis et sociorum legationis philosophorum orationes apud senatum interpretari, hunc tam cupidum Graecarum literarum virum non inepte suspicabimur Graece quoque scripsisse historiam. Legatio illa cadit in annum U. C. 597. Claudium, qui annales Acilianos in Latinum sermonem convertit, dicamusne Clodium Licinium, de quo infr. xxix. 22. an Claudium Quadrigarium, de quo supr. viii. 19. an alium aliquem Claudium, decernere non possumus. CREV.

6 *Valerius Antias*] cf. Supr. iii. 5. Vixit paullo ante aetatem Ciceronis, et aequales habuit inter historicos S. Sennam et C. Licinium Macrum, inter poetas Lucretium et Catulum. STROTH.

7 *Incensum Capitolium*] Anno U. C. 669, Scipione et Norbano consulibus.

8 *Licentiaeque huic*] sc. Huius temporis, quo ista scribuntur. cf. supr. i. 55. vi. 4. GRONOV. Structurae variatione, qualis est *initium mirandi licentiaeque huic*, Livium passim usum esse monet Drakenb. cf. infr. xxxviii. 39.

9 *Eximie ornatum est*] Intelligit haud dubie aedem Honoris et Virtutis, de qua cf. infr. xxvii. 25. xxix. 11. Cic. in Verr. iv. 54. DUK.

menta, quorum perexigua pars comparet. Legationes om- U. C. 540.  
nium ferme civitatum Siciliae ad eum conveniebant. Dis- A. C. 212.  
par ut causa earum, ita conditio erat. Qui ante captas Sy- Marcellus  
racusas aut non desciverant, aut redierant in amicitiam, ut res Siculo-  
socii fideles accepti cultique: quos metus post captas Syra- rum com-  
cusas dediderat, ut victi a victore leges acceperunt. ponit.

Erant tamen haud parvae reliquiae belli circa Agrigentum  
Romanis: Epicydes et Hanno duces reliqui prioris belli, et Mutines  
tertius novus ab Hannibale in locum Hippocratis missus, novus Poe-  
Libyphoenicum generis Hipponiates, (Mutinem populares norum in  
vocabant) vir impiger, et sub Hannibale magistro omnes Sicilia dux.  
belli artes edoctus. Huic ab Epicyde et Hannone Nu-  
midae dati auxiliares: cum quibus ita pervagatus est hos-  
tium agros, ita socios ad retinendos in fide animos eorum,  
ferendoque in tempore cuique auxilium, adiit, ut brevi  
tempore totam Siciliam impleret nominis sui, nec spes alia  
maior apud faventes rebus Carthaginiensium esset. Itaque  
inclusi ad tempus moenibus Agrigenti dux Poenus Syra-  
cusanusque, non consilio Mutinis, quam fiducia, magis ausi  
egredi extra muros, ad Himeram amnem posuerunt castra.  
Quod ubi perlatum ad Marcellum est, extemplo copias  
movit; et ab hoste quattuor ferme millium intervallo con-  
sedit, quid agerent pararentve expectaturus. Sed nullum Terret Ro-  
neque locum, neque tempus cunctationi consiliove dedit manos.  
Mutines, transgressus amnem, ac stationibus hostium cum  
ingenti terrore ac tumultu invectus. Postero die prope  
iusto proelio compulit hostem intra munimenta. Inde re-  
vocatus seditione Numidarum in castris facta, quum tre-  
centi ferme eorum Heracleam Minoam concessissent, ad  
mitigandos revocandosque eos profectus, magnopere monu-  
isse duces dicitur, ne absente se cum hoste manus con-  
sererent. Id ambo aegre passi duces, magis Hanno, iam  
ante anxius gloria eius: 'Mutinem sibi modum facere,  
'degenerem Afrum imperatori Carthaginiensi, misso ab  
'senatu populoque.' Is perpulit cunctantem Epicydem,  
ut, transgressi flumen, in aciem exirent. Nam si Mutinem  
opperirentur et secunda pugnae fortuna evenisset, haud  
dubie Mutinis gloriam fore. Enimvero indignum ratus 41.

<sup>1</sup> *Perexigua pars comparet*] Nempe ablata erant reliqua bellis civilibus. STROTH.

<sup>2</sup> *Quos metus . . . dediderat*] Quos metus impulerat, ut se dederent. CR.

<sup>3</sup> *Libyphoenicum generis*] Supr. xxi. 22. *Libyphoenices, mixtum Punicum Afris genus*. Hinc infra Hanno vocat Mutinem *degenerem Afrum*. CREV. Ceterum Libyphoenices ma-

ritimas urbes habebant, et in numero quattuor populorum erant, qui Africam tenebant, sc. Carthaginienses, Libyphoenices, Afri, Numidae. cf. Diodor. Sic. xx. 55. *Hipponiatem* esse Hippone oppido natum monet Sigon. ut *Crotoniatem* etc.

<sup>4</sup> *Sibi modum facere*] sc. Ipsi Hanno leges praescribere.

U. C. 540.  
A. C. 212.  
Eoabsente,  
proelium  
committi-  
tur.

Vincuntur  
Poeni.

Marcellus se, qui Hannibalem subnisi victoria Cannensi ab Nola repulisset, his terra marique victis ab se hostibus cedere, arma propere capere milites, et efferri signa iubet. Instruenti exercitum decem effusis equis advolant ex hostium acie Numidae, nuntiantes, populares suos, primum ea seditione motos, qua trecenti ex numero suo concesserint Heracleam, dein quod praefectum suum ab obtreçantibus ducibus gloriae eius, sub ipsam certaminis diem, ablegatum videant, quieturos in pugna. Gens fallax promissi fidem praestitit. Itaque et Romanis crevit animus, nuntio celeri per ordines misso, destitutum ab equite hostem esse, quem maxime timuerant: et territi hostes, praeterquam quod maxima parte virium suarum non iuvabantur, timore etiam incusso, ne ab suo et ipsi equite oppugnarentur. Itaque haud magni certaminis fuit: primus clamor atque impetus rem decrevit. Numidae, quum in concursu quieti stetissent in cornibus, ut terga dantes suos viderunt, fugae tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum caesa captaque, et octo elephanti. Haec ultima in Sicilia Marcelli pugna fuit: victor inde Syracusas rediit.

Iam ferme in exitu annus erat. Itaque senatus Romae decrevit, ut P. Cornelius praetor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules compararunt, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum et P. Sulpicium Servii filium Galbam, qui nullum antea curulem magistratum gessisset. Praetores deinde creati, L. Cornelius Lentulus, M. Cornelius Cethegus, C. Sulpicius, C. Calpurnius Piso. Pisoni iurisdictio urbana, Sulpicio Sicilia, Cethego Apulia, Lentulo Sardinia evenit. Consulibus prorogatum in annum imperium est.

5 *Haud magni certaminis fuit*] sc. Res, quae ex proximo sequente membro intelligitur.

6 *Sulpicio Sicilia*] Nempe vetus provincia, quae Cannensi exercitu obtinebatur. Id apparet ex c. 1. libr. seq. CREV.

7 *Cethego Apulia*] Is postea, commutata sorte, Marcello decedenti e

Sicilia successit, ut patet infr. xvi. 21. et 28. Apuliam consules obtinuerunt, ex cap. 22. eiusdem libri. De his magistratuum anni sequentis provinciis fuse disseruit accuratissimus Perizonius in nota ad hunc locum. Ex ea, quae maxime necessaria sunt, hic excerpta habes. CR.

## EPITOME LIBRI XXVI.

---

*HANNIBAL ad tertium ab urbe Roma lapidem super Anienem castra posuit: ipse vero cum duobus millibus equitum usque ad ipsam Capenam portam, ut urbis situm exploraret, obequitavit; et quum per triduum in aciem utrimque exercitus omnis descendisset, certamen tempestas diremit: nam quum in castra rediissent, statim serenitas erat. Capua capta est a Q. Fulvio et Ap. Claudio consulibus. Principes Campanorum veneno sibi consciverunt mortem. Quum senatus Campanorum deligatus esset ad palos, ut securi feriretur; literas a senatu missas Q. Fulvius consul, quibus iubebatur parcere, antequam legeret, in sinu posuit, et lege agi iussit, et supplicium peregit. Quum in comitiis apud populum quaereretur, cui mandaretur Hispaniarum imperium; nullo id volente suscipere, P. Scipio P. filius, qui in Hispania ceciderat, professus est se iturum: et, suffragio populi consensuque omnium missus, Novam Carthaginem uno die expugnavit, quum ageret vigesimum quartum annum, videreturque divina stirpe creatus: quoniam et ipse, postquam togam acceperat, quotidie in Capitolio erat; et in cubiculo matris eius anguis saepenumero videbatur. Res praeterea in Sicilia gestas continet, et amicitiam cum Aetolis iunctam, bellumque gestum adversus Acarnanas et Philipppum Macedoniae regem.*

# T. LIVII PATAVINI

## LIBER XXVI.

U. C. 541.  
A. C. 211.  
Cn. Fulvio,  
P. Sulpicio  
Coss.  
Provinciae  
et exerci-  
tua.

**C**N. FULVIUS CENTUMALUS, P. Sulpicius Galba consules, quum Idibus Martiis magistratum inissent, senatu in Capitolium vocato, de republica, de administratione belli, de provinciis exercitibusque Patres consuluerunt. Q. Fulvio, Ap. Claudio, prioris anni consulibus, prorogatum imperium est; atque exercitus, quos habebant, decreti: adiectumque, ne a Capua, quam obsidebant, abscederent, priusquam expugnassent. Ea tum cura maxime intentos habebat Romanos: non ab ira tantum, quae in nullam unquam civitatem iustior fuit, quam quod urbs tam nobilis ac potens, sicut defectione sua traxerat aliquot populos, ita recepta inclinata rursus animos videbatur ad veteris imperii respectum. Et praetoribus prioris anni, M. Iunio in Etruria, P. Sempronio in Gallia, cum binis legionibus, quas habuerant, prorogatum est imperium. Prorogatum et M. Marcello, ut pro consule in Sicilia reliqua belli perficeret eo exercitu, quem haberet. Si supplemento opus esset, suppleret de legionibus, quibus P. Cornelius propraetor in Sicilia praeesset: dum ne quem militem legeret ex eo numero, quibus senatus missionem redditumque in patriam negasset ante belli finem. C. Sulpicio, cui Sicilia evenerat, duae legiones, quas P. Cornelius habuisset, decretae: et supplementum de exercitu Cn. Fulvii, qui priore anno in Apulia foede caesus fugatusque erat. Huic generi militum senatus eundem, quem Cannensibus, finem statuerat militiae: additum

<sup>1</sup> *Non ab ira tantum . . . quam]*  
Non tam propter iram, quam quod . . . Non raro *quam et tantum* sibi invicem respondent. Terentius, Hec. Act. iii. Sc. 4. *Non hercle verbis dici potest tantum, quam reipsa navigare incommodum est.* Et eodem fere modo idem, Phorm. Act. ii. Sc. 1. *Quo magis novi, tanto saepius.* CREV.

<sup>2</sup> *Praetoribus prioris anni, M. Iunio . . . P. Sempronio]* M. Iunio prae-

tori prioris anni, P. Sempronio, qui quum biennio ante praeturam gessisset, priore anno Galliam, prorogato imperio, propraetor obtinuerat. Iam observavimus supr. xxiii. 40. interdum a Livio dici *praetorem* eum qui cum praetorio imperio est, quamvis praeturam non gerat. CREV.

<sup>3</sup> *Quibus senatus]* cf. Supr. xxiii. 25.

etiam utrorumque ignominiae est, ne in oppidis hibernarent, U. C. 541.  
 nevé hiberna propius ullam urbem decem millibus passuum A. C. 211.  
 aedificarent. L. Cornelio in Sardinia duae legiones datae,  
 quibus Q. Mucius praefuerat: supplementum, si opus esset,  
 consules scribere iussi. T. Otacilio et M. Valerio Siciliae  
 Graeciaeque ora cum legionibus classibusque, quibus prae-  
 erant, decretae. Quinquaginta Graeci cum legione una,  
 centum Siculi cum duabus legionibus habebant naves.  
 Tribus et viginti legionibus Romanis eo anno bellum terra 23. Legio-  
 marique est gestum. nes.

Principio eius anni quum de literis L. Marcii referretur, 2.  
 res gestae magnificae senatui visae: titulus honoris, quod Literae L.  
 imperio, non populi iussu, non ex auctoritate Patrum dato, Marcii.  
 'Propraetor senatui,' scripserat, magnam partem hominum  
 offendebat. Rem mali exempli esse, imperatores legi ab  
 4 exercitibus: et solenne auspicatorum comitiorum in castra  
 et provincias, procul ab legibus magistratibusque, ad mili-  
 tarem temeritatem transferri. Et, quum quidam referendum  
 ad senatum censerent, melius visum differri eam consulta-  
 tionem, donec proficiscerentur equites, qui ab Marcio literas  
 attulerant. Rescribi de frumento et vestimentis exercitus  
 placuit: 'eam utramque rem curae fore senatui:' ascribi  
 5 autem, 'Propraetori L. Marcio,' non placuit; ne id ipsum,  
 quod consultationi reliquerant, pro praeiudicato ferret.  
 Dimissis equitibus, de nulla re prius consules retulerunt,  
 omniumque in unum sententiae congruebant, agendum cum  
 tribunis plebis esse, primo quoque tempore ad plebem fer-  
 rent, quem cum imperio mitti placeret in Hispaniam ad  
 eum exercitum, cui Cn. Scipio imperator praefuisset. Ea  
 res cum tribunis acta promulgataque est.

Sed aliud certamen occupaverat animos. C. Sempronius Cn. Ful-  
 Blaesus die dicta Cn. Fulvium, ob exercitum in Apulia vius accu-  
 amissum, in concionibus vexabat: 'multos imperatores te- satur.  
 'meritate atque inscientia exercitum in locum praecipitem  
 'perduxisse' dictitans: 'neminem, praeter Cn. Fulvium,  
 'ante corrupisse omnibus vitiis legiones suas, quam prode-  
 'ret. Itaque vere dici posse, prius eos periisse, quam vide-  
 'rent hostem; nec ab Hannibale, sed ab imperatore suo,  
 'victos esse. Neminem, quum suffragium ineat, satis cer-  
 6 'nere, cui imperium, cui exercitus permittat. Quid inter-  
 'fuisse inter Ti. Sempronium? Quum ei servorum exercitus

4 *Sollenne auspicatorum comitio-  
 rum*] Sollenne institutum, quo co-  
 mitia auspato Romae habebantur.  
 CREV.

5 *Ne id ipsum*] sc. Utrum ei con-  
 cederet senatus propraetoris titulum.

*Ferret idem quod acciperet.*

6 *Quid interfuisse inter Ti. Sem-  
 pronium*] Hoc mancum esse iudicat  
 Crevier. Ceterum Bekker. fide ms.  
 Pal. 2. *inter hunc et Ti. Sempronium*  
 reponit, quod Gebhardus probat.



U. C. 541. 'datus esset, brevi effecisse disciplina atque imperio, ut  
 A. C. 211. 'nemo eorum generis ac sanguinis sui memor in acie esset,  
 'praesidio sociis, hostibus terrori essent: Cumas, Beneven-  
 'tum, aliasque urbes eos velut e faucibus Hannibalis ereptas  
 'populo Romano restituisse. Cn. Fulvium Quiritium Ro-  
 'manorum exercitum, honeste genitos, liberaliter educatos,  
 'servilibus vitiis imbuisse: ergo effecisse, ut feroces et in-  
 'quieti inter socios, ignavi et imbelles inter hostes essent,  
 'nec impetum modo Poenorum, sed ne clamorem quidem<sup>7</sup>  
 'sustinere possent. Nec, hercule, mirum esse, milites in<sup>8</sup>  
 'acie non stetisse, quum primus omnium imperator fugeret.  
 'Magis mirari se, aliquos stantes cecidisse, et non omnes  
 'comites Cn. Fulvii fuisse pavoris ac fugae. C. Flaminium,  
 'L. Paullum, L. Postumium, Cn. ac P. Scipiones cadere in  
 'acie maluisse, quam deserere circumventos exercitus: Cn.  
 'Fulvium prope unum nuntium deleti exercitus Romam  
 'redisse. Facinus indignum esse, Cannensem exercitum,  
 'quod ex acie fugerit, in Siciliam deportatum, ne prius inde  
 'dimittatur, quam hostis ex Italia decesserit, et hoc idem  
 'in Cn. Fulvii legionibus nuper decretum: Cn. Fulvio  
 'fugam ex proelio, ipsius temeritate commisso, impunitam  
 'esse: et eum in ganea lustrisque, ubi iuventam egerit,  
 'senectutem acturum: milites, qui nihil aliud peccaverint,  
 'quam quod imperatoris similes fuerint, relegatos prope in  
 'exsilium, ignominiosam pati militiam. Adeo imparem  
 'libertatem Romae diti ac pauperi, honorato atque inhono-  
 'rato esse.' Reus ab se culpam in milites transferebat:  
 3. 'Eos ferociter pugnam poscentes productos in aciem, non  
 Se defen- 'eo, quo voluerint, quia serum diei fuerit, sed postero die,  
 dit. 'et tempore et loco aequo instructos, seu famam seu vim  
 'hostium non sustinuisse. Quum effuse omnes fugerent,  
 'se quoque turba ablatum; ut Varronem Cannensi pugna,  
 'ut multos alios imperatores. Qui autem solum se restan-  
 'tem prodesse reipublicae, nisi si mors sua remedio publicis  
 'cladibus futura esset, potuisse? Non se inopia commeatus,  
 'non in loca iniqua incaute deductum, non agmine inex-  
 'plorato euntem insidiis circumventum. Vi aperta, armis,  
 'acie victum: nec suorum animos, nec hostium, in potestate  
 'habuisse. Suum cuique ingenium audaciam aut pavorem  
 'facere.' Bis est accusatus, pecuniaque anquisitum. Tertio;

7 *Nec impetum modo*] Et impe-  
 tum Poenorum non modo sustinere  
 non possent. Plerumque Livius post  
 has voces *non modo* supprimit *non*,  
 ubi in sequenti membro reperitur *ne*  
 ... *quidem*. Exempla alibi collegi-  
 mus. CREV.

8 *Milites in acie non stetisse*] Duas

postremas voces Bekker. delet, ut  
 quae in plur. codd. non exstant: sed  
 vocem aliquam, e. g. *cessisse*, quam  
 ante *milites* reponit Gronov., deside-  
 rari plane liquet.

9 *Pecuniaque anquisitum*] *Anqui-*  
*rere* proprie idem est ac *quacrere*,  
 sive *inquirere*. Hic de eo dicitur

testibus datis, quum, praeterquam quod omnibus probris U. C. 541.  
 onerabatur, iurati permulti dicerent, fugae pavorisque ini- A. C. 211.  
 tium a praetore ortum; ab eo desertos milites, quum haud  
 vanum timorem ducis crederent, terga dedisse; tanta ira  
 accensa est, ut capite anquirendum concio succlamaret.  
 De eo quoque novum certamen ortum. Nam, quum tribu-  
 nus bis pecunia anquisisset, tertio capitis se anquirere  
 1 diceret; tribuni plebis appellati, 'collegae,' negarunt, 'se  
 'in mora esse, quo minus, quod ei more maiorum permis-  
 2 'sum esset, seu legibus, seu moribus mallet, anquireret,  
 'quoad vel capitis, vel pecuniae iudicasset privato.' Tum  
 3 Sempronius, 'perduellionis se iudicare Cn. Fulvio,' dixit,  
 4 diemque comitiis ab C. Calpurnio praetore urbis petit.  
 Inde alia spes ab reo tentata est: si adesse in iudicio Q.  
 Fulvius frater posset, florens tum et fama rerum gestarum,  
 et propinqua spe Capuae potiundae. Id quum per literas It in exsi-  
 miserabiliter pro fratris capite scriptas petisset Fulvius, ne- lium.  
 gassentque Patres e republica esse, abscedi a Capua; post-  
 quam dies comitiorum aderat, Cn. Fulvius exsulatum Tar-  
 5 quinios abiit. Id ei iustum exsilium esse, scivit plebs.

Inter haec vis omnis belli versa in Capuam erat. Obsi- 4.  
 debatur tamen acrius, quam oppugnabatur: nec aut famem Capuae  
 tolerare servitia ac plebs poterant, aut mittere nuntios ad artior ob-  
 Hannibalem per custodias tam artas. Inventus est Numida, sidio.  
 qui, acceptis literis, evasurum se professus, ut promissum  
 praestaret, per media Romana castra nocte egressus, spem  
 accendit Campanis, dum aliquid virium superesset, ab  
 omni parte eruptionem tentandi. Ceterum in multis certa- Equestria  
 6 minibus equestria proelia ferme prospera faciebant; pedites proelia pro-  
 superabantur. Sed nequaquam tam laetum vincere, quam spera Cam-  
 triste vinci ulla parte erat ab obsesso et prope expugnato pania.  
 hoste. Inita tandem ratio est, ut, quod viribus deerat, arte

qui accusat. *Anquiri* igitur *pecunia*  
 is qui postulat, ut reus pecuniae dam-  
 netur. *Capite anquiri* is qui postu-  
 lat, ut reus damnetur capitis. Sed  
 observandum *capite* non semper de-  
 signari vitam, sed interdum statum  
 tantummodo eius qui in discrimen  
 vocatur. CREV. *Capite* enim *anqui-*  
*situs*, si damnatus esset, *deminutio-*  
*nem capitis* patiebatur, et *deterioris*  
*iuris* fiebat.

1 *Collegae, negarunt, se in mora es-*  
*se*] Negarunt se impedimento esse  
 collegae suo. CREV.

2 *Seu legibus, seu moribus mallet*]  
*Leges* capite damnasse imperatorem,  
 qui exercitum sua culpa amisisset;  
 sed *moribus*, sive usu, institutum fu-

isse, ut pecunia lueret, censet Cre-  
 vier.

3 *Se iudicare*] *Iudicare* dicitur, non  
 modo qui pronuntiat et sententiam  
 fert, verum quoque qui accusat et  
 diem alicui dicit. cf. Muret. Var. Lect.  
 xiv. 16. et supr. i. 26.

4 *Diemque comitiis*] Perduellio iu-  
 dicabatur comitiis centuriatis, quae  
 tribunus habere non poterat. Ideo a  
 praetore urbano diem comitiis petit.  
 Idem reperies factum in simili causa,  
 infr. xliii. 16. CREV.

5 *Iustum exsilium*] Legitimum ex-  
 silium. cf. supr. i. 60. Niebhr. ii. n.  
 129.

6 *Pedites superabantur*] *Pedite*, ex  
 coniect. Gronov. reposuit Bekker.

U. C. 541. *aequaretur.* Ex omnibus legionibus electi sunt iuvenes, A. C. 211. *maxime vigore ac levitate corporum veloces: iis parvae breviores, quam equestres, et septena iacula quaternos longa pedes data, praefixa ferro, quale hastis velitaribus inest.* Eos singulos in equos suos accipientes equites assuefecerunt, et vehi post sese, et desilire perneciter, ubi signum datum esset. Postquam assuetudine quotidiana satis intrepide visum est fieri, in campum, qui medius inter castra murumque erat, adversus instructos Campanorum equites processerunt: et, ubi ad coniectum teli ventum est, signo dato velites desiliunt. Pedestris inde acies ex equitatu repente in hostium equites incurrit: iaculaque cum impetu alia super alia emittunt. Quibus plurimis in equos virosque passim coniectis permultos vulneraverunt: pavoris tamen plus ex re nova atque inopinata iniectum est, et in perculsum hostem equites invecti, fugam stragemque eorum usque ad portas fecerunt. Inde equitatu quoque superior Romana res fuit. Institutum, ut velites in legionibus essent. Auctorem peditum equiti immiscendorum centurionem Q. Navium ferunt, honorique id ei apud imperatorem fuisse.

Velites in legionibus.

5. Quum in hoc statu ad Capuam res essent, Hannibalem diversum Tarentinae arcis potiundae Capuaeque retinendae trahebant curae. Vicit tamen respectus Capuae, in quam omnium sociorum hostiumque conversos videbat animos; documento futurae, qualemcunque eventum defectio ab Romanis habuisset. Igitur, magna parte impedimentorum relictis in Brutiis, et omni graviore armatu, cum delectis peditum equitumque, quam poterat aptissimis ad maturandum iter, in Campaniam contendit. Secuti tamen tam raptim euntem tres et triginta elephantibus. In valle occulta

Hannibal in Campaniam redit.

7 *Ferro, quale hastis velitaribus inest]* De velitum institutione hic agitur. Quid ergo opus est observare velites armatos esse hastis velitaribus? Nimirum hasta velitaris sumitur universae pro hasta missili: quae quidem in usu fuit et ante institutos velites, supr. xxiv. 34, et post extinctos. CREV.

8 *Institutum, ut velites in legionibus essent]* Antea iam in exercitiis Romanis levis armaturae milites erant. Sed levis armatura commune nomen est, cuius plura sunt genera sive partes, ut rorarii, accensi, de quibus Livius viii. 8. egit, et ii qui hoc loco dicuntur velites. Vetus ergo illa levis armatura habuit sagittarios, funditores, iaculatores, qui videntur comprehensi fuisse duplici nomine

rorariorum et accensorum; at non velites proprie dictos. Si quando igitur mentio fit velitum prioribus temporibus, ut xxiv. 34. intellige veteribus illis levis armaturae militibus accommodatum esse illud nomen, quod tamen iis proprio sensu non compete-  
tebat. Haec fusius explicata habes apud Lipsium, de Mil. Rom. iiii. 1. CREV.

9 *Hannibalem diversum]* h. e. in diversas partes.

1 *Documento futurae, qualemcunque eventum]* Propositae in exemplum ac documentum, ut ex eventu quem Campanorum ab Romanis defectio habuisset, ceteri omnes populi iudicarent utra societas, Romanorumne an Hannibalis, potior esset. Ca.

post Tifata montem imminentem Capuae consedit. Adve- U. C. 541.  
A. C. 211.  
niens quum castellum Galatiam, praesidio vi pulso, cepisset,  
in circumsedentes Capuam se vertit. Praemissis ante  
nuntiis Capuam, quo tempore castra Romana aggressurus  
esset, ut eodem et illi, ad eruptionem parati, portis omnibus  
sese effunderent, ingentem praebuit terrorem. Nam alia  
parte ipse adortus est; alia Campani omnes, pedites equi- Castra Ro-  
mana ag-  
greditur.  
Campani  
quoque  
erumpunt.  
tesque, et cum iis Punicum praesidium, cui Bostar et Hanno  
praeerant, erupit. Romani, ut in re trepida, ne ad unam  
concurrento partem aliquid indefensi relinquerent, ita inter  
se copias partiti sunt. Ap. Claudius Campanis, Fulvius  
Hannibali est oppositus. C. Nero proprætor cum equiti-  
bus sextae legionis via, quae Suessulam fert; C. Fulvius  
Flaccus legatus cum sociali equitatu constitit e regione  
Vulturni amnis. Proelium non solito modo clamore ac  
tumultu est coeptum, sed, ad alium virorum, equorum,  
armorumque sonum, disposita in muris Campanorum im-  
bellis multitudo tantum cum aeris crepitu, qualis in defectu  
<sup>2</sup> lunae silenti nocte cieri solet, edidit clamorem, ut averteret  
etiam pugnantium animos. Campanos facile a vallo Appius  
arcebat. Maior vis ab altera parte Fulvium, Hannibal et  
Poeni, urgebant. Legio ibi sexta loco cessit: qua pulsa,  
cohors Hispanorum cum tribus elephantis usque ad vallum  
pervasit: ruperatque mediam aciem Romanorum, et in  
ancipiti spe ac periculo erat, utrum in castra perrumperet,  
an intercluderetur a suis. Quem pavorem legionis pericu-  
lumque castrorum Fulvius ubi vidit, Q. Navium primores-  
que alios centurionum hortatur, 'ut cohortem hostium sub  
vallo pugnantem invadant. 'In summo discrimine rem  
'verti: aut viam dandam iis esse, et minore conatu, quam  
'condensam aciem rupissent, in castra irrupturos: aut con-  
'ficiendos sub vallo esse. Nec magni certaminis rem fore:  
'paucos esse, et ab suis interclusos; et quae, dum paveat  
'Romanus, interrupta acies videatur, eam, si se utrimque  
'in hostem vertat, ancipiti pugna medios circumventuram.'

<sup>3</sup> Navius ubi haec imperatoris dicta accepit, secundi hastati  
signum ademptum signifero in hostes infert; iacturum in  
medios eos minitans, ni se propere sequantur milites, et  
partem capessant pugnae. Ingens corpus erat, et arma  
honestabant; et sublatum alte signum converterat ad spe-  
ctaculum cives hostesque. Ceterum, postquam iam ad signa  
<sup>4</sup> pervenerat Hispanorum, tum undique in eum tragulae con-  
iectae, et prope tota in unum acies versa: sed neque  
hostium multitudo, neque telorum vis arcere impetum eius

<sup>2</sup> *Ut averteret etiam pugnantium animos]* *Adverteret* ex coniect. Mu-  
reti reposuit Bekker.

<sup>3</sup> *Secundi hastati]* sc. Secundi ma-  
nipuli hastatorum.

<sup>4</sup> *Tragulae]* cf. Supr. xxi. 7.

U. C. 541. viri potuerunt. Et M. Atilius legatus, primi principis ex;  
 A. C. 211. eadem legione signum inferri in cohortem Hispanorum  
 6. coegit. Et, qui castris praeerant, L. Porcius Licinus et T. Popillius legati pro vallo acriter propugnant, elephantosque transgredientes in ipso vallo conficiunt. Quorum corporibus quum oppleta esset fossa, velut aggere aut ponte iniecto, transitum hostibus dedit. Ibi per stragem iacentium elephantorum atrox edita caedes. Altera in parte castrorum iam impulsus erant Campani Punicumque praesidium, et sub ipsa porta Capuae, quae ad Vulturnum fert, pugnabatur: neque tam armati irrumpentibus Romanis resistebant, quam quod porta, ballistis scorpionibusque instructa, missilibus<sup>6</sup> procul hostes arcebat. Et suppressit impetum Romanorum vulnus imperatoris Ap. Claudii: cui, suos ante prima signa adhortanti, sub laevo humero summum pectus gaeso ictum; est. Magna tamen vis hostium ante portam est caesa: ceteri trepidi in urbem compulsi. Et Hannibal, postquam cohortis Hispanorum stragem vidit, summaque vi castra hostium defendi, omissa oppugnatione, recipere signa, et convertere agmen peditum, obiecto a tergo equitatu, ne hostis instaret, coepit. Legionum ardor ingens ad hostem insequendum fuit: sed Flaccus receptui cani iussit; satis ad utrumque profectum ratus, ut et Campani, quam haud multum in Hannibale praesidii esset, et ipse Hannibal sentiret. Caesa eo die, qui huius pugnae auctores sunt, octo millia hominum de Hannibalis exercitu, tria ex Campanis tradunt: signaque Carthaginensibus quindecim adempta, duodeviginti Campanis. Apud alios nequaquam tantam molem pugnae inveni, plusque pavoris, quam certaminis, fuisse: quum inopinato in castra Romana Numidae Hispanique cum elephantis irrupissent; elephantis, per media castra vadentes, stragem tabernaculorum ingenti sonitu ac fugam abrumpentium vincula iumentorum facerent; fraudem quoque super tumultum adiectam, immissis ab Hannibale, qui (habuit aliquot) gnari Latinae linguae iuberent consulum verbis, quoniam amissa castra essent, pro se quemque militum in proximos montes fugere: sed eam celeriter cognitam fraudem, oppressamque magna caede hostium; elephantos igni e castris exactos.

Repulsi in  
urbem  
Campani.

Hannibal  
recipit si-  
gna.

Hoc ultimum (utcunque initum finitumque est) ante deditionem Capuae proelium fuit. Medixtuticus, qui sum-

5 *Primi principis*] Primi principum manipuli. cf. supr. xxv. 14.

6 *Scorpionibusque*] Huius machinae quae spicula aliaque missilia mittebat, descriptionem uberiores dedit Ammian. Marcell. xxiii. 4. cf. supr. xxiv. 34.

7 *Gaeso ictum est*] Gaesum proprie telum Gallicum erat, forsan simile verutro, certe missile. cf. supr. viii. 8. DOER.

8 *Medixtuticus*] cf. Supr. xii. 35.

mus magistratus apud Campanos est, eo anno Seppius U. C. 541.  
 Lesius erat, loco obscuro tenuique fortuna ortus. Matrem A. C. 211.  
 9 eius quondam, pro pupillo eo procurantem familiare osten- Seppius  
 tum, quum respondisset haruspex, summum quod esset im- Lesius Me-  
 1 perium Capuae, perventurum ad eum puerum, nihil ad dixtuticus  
 eam spem agnoscentem, dixisse ferunt, 'Nae tu perditas res Capuae.  
 'Campanorum narras, ubi summus honos ad filium meum  
 2 'perveniet!' Ea ludificatio veri et ipsa in verum vertit.  
 Nam quum fame ferroque urgerentur, nec spes ulla super-  
 esset, iis, qui nati in spem honorum erant, honores detrec-  
 tantibus; Lesius, querendo desertam ac proditam a primo-  
 ribus Capuam, summum magistratum ultimus omnium  
 Campanorum cepit.

Ceterum Hannibal, ut nec hostes elici amplius ad pugnam 7.  
 vidit, nec per castra eorum perrumpi ad Capuam posse, ne  
 suos quoque commeatus intercluderent novi consules, abs-  
 cedere irritum incepto, et movere a Capua statuit castra.  
 Multa secum, quonam inde ire pergeret, volventi subiit  
 animum impetus, caput ipsum belli Romam petendi: cuius  
 rei semper cupitae praetermissam occasionem post Cannen-  
 sem pugnam et alii vulgo fremebant, et ipse non dissimula-  
 bat. 'Necopinato pavore ac tumultu, non esse desperan- Hannibal  
 'dum, aliquam partem urbis occupari posse; et, si Roma in Romam  
 'discrimine esset, Capuam extemplo omissuros aut ambo petere sta-  
 'imperatores Romanos, aut alterum ex iis: et, si divisissent tuit.  
 'copias, utrumque infirmiores factum aut sibi, aut Cam-  
 'panis, bene gerendae rei fortunam daturus esse.' Una ea  
 cura angebat, ne, ubi abscessisset, extemplo dederentur  
 Campani. Numidam promptum ad omnia audenda donis  
 pellicit, ut, literis acceptis, specie transfugae castra Romana  
 ingressus, altera parte Capuam clam pervadat. Literae  
 autem erant adhortatione plenae. 'Profectionem suam,  
 'quae salutaris illis foret, abstracturam ad defendendam  
 'Romam ab oppugnanda Capua duces atque exercitus  
 'Romanos. Ne desponderent animos: tolerando paucos  
 'dies totam soluturos obsidionem.' Inde naves in flumine  
 Vulturno comprehensas subigi ad id, quod iam ante prae-  
 sidii causa fecerat, castellum iussit. Quarum ubi tantam

9 *Procurantem familiare osten-  
 tum*] Dum sacrum facit expiandi ali-  
 cuius ostenti causa, quod puero domi  
 oblatum fuerat. CREV.

1 *Nihil ad eam spem*] Nihil in sua  
 aut filii sorte, quod ad talem spem  
 pertineat.

2 *Ea ludificatio veri et ipsa in ve-  
 rum vertit*] Ludificata fuerat Lesii  
 mater responsum haruspicii, quod ta-

men verum eventu comprobatum est:  
 si quidem Lesius summum imperium  
 Capuae tenuit. Sed et ipsa illa ludi-  
 ficatio veri vaticinii in verum quoque  
 vertit. Tum enim Lesius ad sum-  
 mum Capuae magistratum evectus  
 est, quum perditae et deploratae res  
 Campanorum erant. CREV.

3 *Subigi ad id*] sc. Remigiorum  
 ope, ut monet Gronov.



U. C. 541. copiam esse, ut una nocte traici posset exercitus, allatum  
A. C. 211. est, cibariis decem dierum praeparatis, deductas nocte ad  
fluvium legiones ante lucem traiecit.

8. Id priusquam fieret, ita futurum compertum ex transfugis,<sup>4</sup>  
Fulvius Flaccus senatui Romam quum scripsisset, varie  
Variae in hominum animi pro cuiusque ingenio affecti sunt. Ut in  
senatu re tam trepida, senatu extemplo vocato, P. Cornelius, cui  
sententiae. Asinae cognomen erat, omnes duces exercitusque ex tota  
Italia, neque Capuae, neque ullius alterius rei memor, ad  
urbis praesidium revocabat. Fabius Maximus, abscedi a  
Capua, terrerique et circumagi ad nutus comminationesque  
Hannibalis, flagitiosum ducebat. 'Qui ad Cannas victor  
'ire tamen ad urbem ausus non esset, eum, a Capua repul-  
'sum, spem potiundae urbis Romae cepisse? Non ad Ro-  
'mam obsidendam, sed ad Capuae liberandam obsidionem,<sup>5</sup>  
'ire. Romam cum eo exercitu, qui ad urbem esset, Iovem,  
'foederum ruptorum ab Hannibale testem, deosque alios  
'defensuros esse.' Has diversas sententias media sententia  
P. Valerii Flacci vicit: qui, utriusque rei memor, imperato-  
ribus, qui ad Capuam essent, scribendum censuit, 'Quid  
'ad urbem praesidii esset; quantas autem Hannibal copias  
'duceret, aut quanto exercitu ad Capuam obsidendam opus  
'esset, ipsos scire. Si et Romam e ducibus alter, et exerci-  
'tus pars mitti posset, ut ab reliquo et duce et exercitu  
'Capua recte obsideretur; inter se compararent Claudius  
'Fulviusque, utri obsidenda Capua, utri, ad prohibendam  
Fulvius a 'obsidione patriam, Romam veniundum esset.' Hoc senatus-  
Capua Ro- consulto Capuam perlato, Q. Fulvius proconsul, cui, collega  
mam evo- ex vulnere aegro, eundum Romam erat, e tribus exercitibus  
catur. milite electo, ad quindecim millia peditum, mille equites  
Vulturnum traducit. Inde quum Hannibalem Latina via  
iturum satis comperisset, ipse per Appiae municipia, quae-  
que propter eam viam sunt, Setiam, Coram, Lanuvium  
praemisit, ut commeatus paratos et in urbibus haberent, et  
ex agris deviis in viam proferrent, praesidiaque in urbes  
contraherent, ut sua cuique respublica in manu esset.

<sup>4</sup> *Id . . . compertum ex transfugis, Fulvius Flaccus senatui . . . quum scripsisset*] Polybius in tota hac narratione, quae libro eius ix. habetur, multum a Livio discrepat. Neque enim Romanos ante comperisse consilium Hannibalis scribit, quam Poenus trajecto Anienem exercitu quadraginta stadiis ab urbe castra posuerit. Tum nihil omnino dicit de Fulvio a Capua revocato. Romam denique a consulibus eo solo exercitu,

qui ad urbem esset, defensam fuisse memorat. Utrius potior sit fides, Polybii an Livii, non decernimus. Sed eos in re tam clara tamque illustri tantopere dissentire vehementer miramur. CREV.

<sup>5</sup> *Liberandam obsidionem*] Similem locutionem apud nostrum inf. xxxvi. 25. invenies.

<sup>6</sup> *Utriusque rei*] Et obsidendae Capuae et defendendae Romae.

<sup>7</sup> *Ut sua cuique respublica*] [



Hannibal, quo die Vulturnum est transgressus, haud  
 procul a flumine castra posuit. Postero die praeter Cales  
 in agrum Sidicinum pervenit. Ibi diem unum populando  
 8 moratus, per Suessanum Allifanumque et Casinatem  
 agrum via Latina ducit. Sub Casinum biduo stativa habita  
 et passim populationes factae. Inde, praeter Interamnam  
 Aquinumque, in Fregellanum agrum ad Lirim fluvium  
 ventum: ubi intercisum pontem a Fregellanis morandi  
 itineris causa invenit. Et Fulvium Vulturnus tenuerat  
 9 annis, navibus ab Hannibale incensis, rates ad traiciendum  
 exercitum, in magna inopia materiae, aegre comparantem.  
 Traiecto ratibus exercitu, reliquum Fulvio expeditum iter,  
 non per urbes modo, sed circa viam, expositis benigne  
 commeatibus, erat: alacresque milites alius alium, ut adde-  
 ret gradum, memor ad defendendam ire patriam, horta-  
 bantur. Romam Fregellanus nuntius, diem noctemque  
 itinere continuato, ingentem attulit terrorem. Tumultuo-  
 sius, quam allatum erat, cursus hominum, affingentium vana  
 auditis, totam urbem conciverat. Ploratus mulierum non  
 ex privatis solum domibus exaudiebatur; sed undique ma-  
 tronaë, in publicum effusae, circa deum delubra discurrunt,  
 crinibus passis aras verrentes, nisae genibus, supinas manus  
 ad coelum ac deos tendentes, orantesque, ut urbem Romanam  
 e manibus hostium eriperent; matresque Romanas et liberos  
 parvos inviolatos servarent. Senatus magistratibus in foro  
 praesto est, si quid consulere velint. Alii accipiunt impe-  
 ria, disceduntque ad suas quisque officiorum partes: alii  
 offerunt se, si quo usus operae sit. Praesidia in arce, in  
 Capitolio, in muris, circa urbem, in monte etiam Albano  
 atque arce Aesulana ponuntur. Inter hunc tumultum, Q.  
 Fulvium proconsulem profectum cum exercitu a Capua  
 1 affertur; cui ne minueretur imperium, si in urbem venisset,  
 decernit senatus, ut Q. Fulvio par cum consulibus imperium  
 esset. Hannibal, infestius perpopulato agro Fregellano  
 propter intercisos pontes, per Frusinatem Ferentinatemque  
 et Anagninum agrum in Lavicanum venit. Inde Algidum  
 Tusculum petiit: nec receptus moenibus, infra Tusculum  
 2 dextrorsus Gabios descendit. Inde in Pupiniam exercitu

U. C. 541.  
 A. C. 211.  
 9.

Tumultus  
 Romae.

uniuscuiusque urbis cives suam rem-  
 publicam per se ipsi tenerent ac tu-  
 tari possent. CREV.

8 *Per Suessanum*] Ita Cluverius  
 pro vulg. *Suessulam*. Suessa Aurun-  
 ca est iuxta Latinam viam, paullum  
 ultra oppidum Cales Romam versus.  
 Allifae erant quidem ad laevam Vul-  
 turni: sed fortasse ager Allifanus ad  
 dextram quoque ripam pertendebat,

ut Crevier. monet.

9 *Rates ad traiciendum*] Intellige  
 tignorum inter se iunctorum seriem.  
 DOER.

1 *Cui ne minueretur*] Proconsu-  
 lem enim non, nisi extra urbem, im-  
 perium habuisse monet Sigon.

2 *In Pupiniam*] Supple, regionem,  
 sc. in agrum Pupinae tribus, sive  
 Pupiniensem. Eodem plane modo

U. C. 541. demisso, octo millia passuum ab Roma posuit castra. Quo  
A. C. 211. propius hostis accedebat, eo maior caedes fiebat fugientium,  
praecedentibus Numidis: pluresque omnium generum at-  
que aetatum capiebantur.

10. In hoc tumultu Fulvius Flaccus, porta Capena cum ex-  
Fulvius ercitu Romam ingressus, media urbe per Carinas Esquilias;  
cum exer- contendit. Inde egressus, inter Esquilinam Collinamque  
citu Ro- portam posuit castra. Aediles plebis commeatum eo com-  
mam ingre- portarunt. Consules senatusque in castra venerunt: ibi  
ditur. de summa republica consultatum. Placuit, consules circa  
portas Collinam Esquilinamque ponere castra: C. Calpur-  
nium praetorem urbanum Capitolio atque arci praeesse: et  
senatum frequentem in foro contineri, si quid in tam subitis  
Hannibal rebus consulto opus esset. Inter haec Hannibal ad Anie-  
tria millia nem fluvium, tria millia passuum ab urbe, castra admovit.  
passuum ab Ibi stativis positus, ipse cum duobus millibus equitum a  
urbe castra porta Collina usque ad Herculis templum est progressus:  
locat. atque, unde proxime poterat, moenia situmque urbis ob-  
Urbem ob- equitans contemplabatur. Id eum tam licenter atque otiose  
equitans contemplatur. facere, Flacco indignum visum est. Itaque immisit equites,  
summoverique atque in castra redigi hostium equitatum  
iussit. Quum commissum proelium esset, consules trans-  
fugas Numidarum, qui tum in Aventino ad mille et ducenti  
erant, media urbe transire Esquilias iusserunt: nullos apti-  
ores, inter convalles tectaque hortorum et sepulcra aut  
cavas undique vias, ad pugnandum futuros rati. Quos  
quum ex arce Capitolioque clivo Publicio in equis decur-  
rentes quidam vidissent, captum Aventinum conclamave-  
runt. Ea res tantum tumultum ac fugam praebuit, ut, nisi  
castra Punica extra urbem fuissent, effusura se omnis pavida  
multitudo fuerit. Tunc in domos atque in tecta refugie-  
bant: vagosque in viis suos pro hostibus lapidibus telisque  
incessebant. Nec comprimi tumultus apeririue error po-  
terat, refertis itineribus agrestium turba pecorumque, quae  
Summotus repentinus pavor in urbem compulerat. Equestre proelium  
Hannibal. secundum fuit, summotique hostes sunt: et, quia multis  
locis comprimendi tumultus erant, qui temere oriebantur,  
placuit, omnes, qui dictatores, consules, censorsve fuissent,  
cum imperio esse, donec recessisset a muris hostia. Et  
diei quod reliquum fuit, et nocte insequenti, multi temere  
excitati tumultus sunt, compressique.

Val. Max. iv. 4. *In agello, quem in Pupinia habebat.* cf. Niebhr. i. n. 971.

3 *Per Carinas Esquilias contendit*] Per eam regionem urbis quae dicitur *Carinae*, perrexit ad Esquilias. CREV.

4 *Clivo Publicio*] Edd. plures *publico*, sed *Publicio* legendum censet Gronov. quem Bekker. sequitur. Iunge, "quum quidam ex arce Capitolioque Numidas, in equis clivo Publicio decurrentes, vidissent." cf. Var. de L. L. 32.

Postero die transgressus Anienem Hannibal in aciem U. C. 541.  
omnes copias eduxit: nec Flaccus consulesque certamen A. C. 211.  
detrectavere. Instructis utrimque exercitibus in eius pu- 11.  
gnae casum, in qua urbs Roma victori praemium esset, imber Instructas  
ingens grandine mixtus ita utramque aciem turbavit, ut vix utrimque  
armis retentis in castra sese receperint, nullius rei minore, acies tem-  
quam hostium, metu. Et postero die eodem loco acies in- pestas diri-  
structas eadem tempestas diremit. Ubi recepissent se in mit.  
castra, mira serenitas cum tranquillitate oriebatur. In re-  
ligionem ea res apud Poenos versa est: auditaque vox  
Hannibalis fertur, 'Potiundae sibi urbis Romae modo  
mentem non dari, modo fortunam.' Minuere etiam spem  
eius et aliae, parva magnaue, res: magna illa, quod, quum Supple-  
ipse ad moenia urbis Romae armatus sederet, milites sub mentum  
vexillis in supplementum Hispaniae profectos audivit: parva in Hispa-  
autem, quod per eos dies eum forte agrum, in quo ipse Ager, in  
castra haberet, venisse, nihil ob id deminuto pretio, cogni- quo Hanni-  
tum ex quodam captivo est. Id vero adeo superbum atque bal castra  
indignum visum, eius soli, quod ipse bello captum posside- habebat,  
ret haberetque, inventum Romae emptorem; ut, extemplo venit Ro-  
vocato praecone, tabernas argentarias, quae circa forum mae.  
Romanum tunc essent, iusserit venire. His motus ad Tu- Recedit  
tiam fluvium castra retulit, sex millia passuum ab urbe. Hannibal.  
Inde ad lucum Feroniae pergit ire, templum ea tempestate  
5 inclutum divitiis. Capenates antiqui accolae eius erant;  
primitias frugum eo donaque alia pro copia portantes, multo  
auro argentoque id exornatum habebant. His omnibus  
6 donis tum spoliatum templum. Aeris acervi, quum rudera  
7 milites religione intacti iacerent, post profectionem Hanni-  
balis magni inventi. Huius populatio templi haud dubia  
inter scriptores est. Coelius, Romam euntem ab Ereto  
devertisse eo Hannibalem, tradit: iterque eius ab Reate, Hannibalis  
Cutiliisque, et ab Amiterno orditur. Ex Campania in abeuntis  
8 Samnium, inde in Pelignos pervenisse; praeterque oppi- iter.  
dum Sulmonem in Marrucinos transisse; inde Albensi agro  
in Marsos, hinc Amiternum, Forulosque vicum venisse.  
Neque ibi error est, quod tanti exercitus vestigia intra tam  
brevis aevi memoriam potuerint confundi: isse enim ea  
constat. Tantum id interest, veneritne eo itinere ad urbem,  
an ab urbe in Campaniam redierit.

5 *Capenates antiqui accolae*] *Antiqui* coniecit Walchius pro vulg. *aliqui*, quod merito tantum non omnibus criticis displicet. Ceterum Feroniae templum in agro Capenate sub montem Soractem erat. cf. supr. i. 30.

6 *Rudera*] *Rudus*, *rodus*, et *raudus* aes rude infectum et nondum

cusum notant. cf. Varr. de L. L. 34.

7 *Religione intacti*] Ita Walchius pro communi *inducti*; verum *iacerent* hic idem, quod proiicerent, significat.

8 *Albensi agro*] h. e. Agro, qui ad Albam Fuentiam in Marsis ad septentrionale lacus Fucini latus sitam pertinebat. cf. supr. x. i.

U. C. 541.  
A. C. 211.  
12.  
It Rhegi-  
um.

Campano-  
rum torpor  
et despera-  
tio.

Litterae  
Bostaris et  
Hannonis  
ad Hanni-  
balem.

Ceterum non quantum pertinaciae ad premendam obsi-  
dione Capuam Romanis fuit, tantum ad defendendam Han-  
nibali. Namque ex Lucanis in Bruttium agrum, ad fretum  
vero ac Rhegium eo cursu contendit, ut prope repentino  
adventu incautos oppresserit. Capua etsi nihilo segnius  
obsessa per eos dies fuerat, tamen adventum Flacci sensit:  
et admiratio orta est, non simul regressum Hannibalem.  
Inde per colloquia intellexerunt, relictos se desertosque, et  
spem Capuae retinendae deploratam apud Poenos esse.  
Accessit edictum proconsulis ex senatusconsulto propositum,  
vulgatumque apud hostes: 'Ut, qui civis Campanus ante  
'certam diem transisset, sine fraude esset.' Nec ulla facta  
est transitio, metu magis eos, quam fide, continente; quia  
maiora in defectione deliquerant, quam quibus ignosci pos-  
set. Ceterum quemadmodum nemo privato consilio ad  
hostem transibat, ita nihil salutare in medium consulebatur.  
Nobilitas rempublicam deseruerat, neque in senatum cogi  
poterant. In magistratu autem erat, qui non sibi honorem  
adiecisset, sed indignitate sua vim ac ius magistratui, quem  
gerebat, dempsisset. Iam ne in foro quidem, aut publico  
loco, principum quisquam apparebat: domibus inclusi pa-  
triae occasum cum suo exitio in dies expectabant. Summa  
curae omnis in Bostarem Hannonemque praefectos praesidii  
Punici versa erat, suo, non sociorum, periculo sollicitos.  
Hi, conscriptis ad Hannibalem literis, non libere modo,  
sed etiam aspere, quibus, 'non Capuam solam traditam in  
'manum hostibus, sed se quoque et praesidium in omnes  
'cruciatus proditos,' incusabant: 'abiisse eum in Bruttios.  
'velut avertentem sese, ne Capua in oculis eius caperetur.  
'At, hercule, Romanos ne oppugnatione quidem urbis Ro-  
'manae abstrahi ab Capua obsidenda potuisse. Tanto con-  
'stantiorem inimicum Romanum, quam amicum Poenum  
'esse. Si redeat Capuam, bellumque omne eo vertat, et  
'se et Campanos paratos eruptioni fore. Non cum Rhe-  
'ginis, neque Tarentinis bellum gesturos transisse Alpes.  
'Ubi Romanae legiones sint, ibi et Carthaginensium ex-  
'ercitus debere esse. Sic ad Cannas, sic ad Trasimenum  
'rem bene gestam; coeundo, conferendo cum hoste castra,  
'fortunam tentando.' In hanc sententiam litterae conscriptae  
Numidis, proposita mercede iam professis operam, dantur.  
Hi specie transfugarum quum ad Flaccum in castra venis-  
sent, ut inde tempore capto abirent; famesque, quae tam  
diu Capuae erat, nulli non probabilem causam transitionis

9 *Sine fraude esset*] Ei ne fraudi  
esset defectio Campanorum; is im-  
munis esset ab omni et noxa et poena.  
CREV.

1 *Hi, conscriptis*] Pendet quo-  
dammodo vox *hi*, nisi forte delendum  
sit *quibus*, ut iungantur *hi incuse-*  
*bant*.

faceret, mulier repente Campana in castra venit, scortum U. C. 541.  
transfugarum unius; indicatque imperatori Romano, Nu- A. C. 211.  
midas fraude composita transisse, literasque ad Hannibalem  
<sup>2</sup>ferre. Id unum ex iis, qui sibi rem aperuisset, arguere  
sese paratam esse. Productus primo satis constanter igno-  
rare se mulierem simulabat: paullatim dein convictus veris,  
quum tormenta posci et parari videret, fassus id ita esse.  
<sup>3</sup>Literaeque prolatae; et additum etiam indicio, quod cela-  
batur, et alios specie transfugarum Numidas vagari in cas-  
tris Romanis. Hi supra septuaginta comprehensi, et cum  
transfugis novis mulcati virgis, manibusque praecisis, Ca-  
puam rediguntur. Conspectum tam triste supplicium fre-  
git animos Campanorum. Concursus ad curiam populi 13.  
factus coegit Lesium senatum vocare: et primoribus, qui <sup>Senatus</sup>  
iam diu publicis consiliis aberant, propalam minabantur, <sup>Campanus</sup>  
nisi venirent in senatum, circa domos eorum ituros se, et <sup>convoca-</sup>  
in publicum omnes vi extracturos esse. Is timor frequen-  
tem senatum magistratui praebuit. Ibi quum ceteri de <sup>Vibii Vir-</sup>  
legatis mittendis ad imperatores Romanos agerent, Vibius <sup>rii oratio.</sup>  
Virrius, qui defectionis ab Romanis auctor fuerat, interro-  
gatus sententiam, negat, 'eos, qui de legatis et de pace ac  
' deditione loquantur, meminisse, nec quid facturi fuerint,  
' si Romanos in potestate habuissent; nec quid ipsis pati-  
<sup>4</sup>' endum sit. Quid? vos,' inquit, 'eam deditionem fore  
' censetis, qua quondam, ut adversus Samnites auxilium im-  
' petraremus, nos nostraque omnia Romanis dedidimus?  
' Iam e memoria excessit, quo tempore, et in qua fortuna  
' a populo Romano defecerimus? iam, quemadmodum in  
' defectione praesidium, quod poterat emitti, per cruciatum  
<sup>5</sup>' et ad contumeliam necarimus? quoties in obsidentes,  
' quam inimice eruperimus, castra oppugnarimus? Hanni-  
' balem vocaverimus ad opprimendos eos? hoc quod recen-  
' tissimum est, ad oppugnandam Romam hinc eum miseri-  
' mus? Age contra, quae illi infeste in nos fecerint, repe-  
' tite: ut ex eo, quid speretis, habeatis. Quum hostis  
' alienigena in Italia esset, et Hannibal hostis, et cuncta  
' bello arderent, omissis omnibus, omisso ipso Hannibale,  
' ambo consules et duo consulares exercitus ad Capuam op-  
' pugnandam miserunt. Alterum annum circumvallatos in-

<sup>2</sup> *Id unum*] Unum esse accusati-  
vum a verbo *arguere* pendentem fa-  
cile intelligitur. Ceterum locutio *ali-*  
*quem aliquid arguere* satis insolens  
est. RASCH.

<sup>3</sup> *Et additum*] Et indicio ac con-  
fessionem de literis id etiam additum  
quod primo celatum fuerat, nempe  
alios quoque Numidas. CREV.

<sup>4</sup> *Quid? vos . . . eam deditionem*  
*fore censetis, qua*] Talemne fore cen-  
setis deditionem quam suadetis nunc  
fieri, qualis fuit illa, qua quondam . . .  
De illa veteri Campanorum deditione  
vid. nostrum, *supr.* vii. 30, et 31.  
CREV.

<sup>5</sup> *Necarimus*] cf. *Supr.* xxiii. 7.

U. C. 541. 'clusosque nos fame macerant, et ipsi nobiscum ultima  
 A. C. 211. 'pericula ac gravissimos labores perpessi, circa vallum ac  
 'fossas saepe trucidati, et prope ad extremum castris exuti.  
 'Sed omitto haec. Vetus atque usitata res est, in oppu-  
 'gnanda hostium urbe labores ac pericula pati. Illud irae<sup>6</sup>  
 'atque odii execrabilis indicium est. Hannibal ingentibus  
 'copiis peditum equitumque castra oppugnavit, et ex parte  
 'cepit: tanto periculo nihil moti sunt ab obsidione. Pro-  
 'fectus trans Vulturum perussit Calenum agrum: nihil  
 'tanta sociorum clade avvocati sunt. Ad ipsam urbem Ro-  
 'mam infesta signa ferri iussit: eam quoque tempestatem  
 'imminentem spreverunt. Transgressus Anienem tria mil-  
 'lia passuum ab urbe castra posuit: postremo ad moenia  
 'ipsa et ad portas accessit. Romam se adepturum iis,  
 'nisi omitterent Capuam, ostendit: non omiserunt. Feras  
 'bestias, caeco impetu ac rabie concitatas, si ad cubilia et  
 'catulos earum ire pergas, ad opem suis ferendam avertas.  
 'Romanos Roma circumsessa, coniuges, liberi, quorum plo-  
 'ratus hinc prope exaudiebantur, arae, foci, deum delubra,  
 'sepulcra maiorum temerata ac violata, a Capua non aver-  
 'terunt. Tanta aviditas supplicii expetendi, tanta san-  
 'guinis nostri hauriendi est sitis. Nec iniuria forsitan.  
 'Nos quoque idem fecissemus, si data fortuna esset. Ita-  
 'que quando aliter diis immortalibus visum est, quum mor-  
 'tem ne recusare quidem debeam; cruciatus contumelias-  
 'que, quas sperat hostis, dum liber, dum mei potens sum,  
 'effugere morte, praeterquam honesta, etiam leni, possum.  
 'Non videbo Ap. Claudium et Q. Fulvium, victoria inso-  
 'lenti subnisos, neque vinctus per urbem Romanam tri-  
 'umphum spectaculum trahar, ut deinde in carcere, aut ad  
 'palum deligatus, lacerato virgis tergo, cervicem securi Ro-  
 'manae subiiciam: nec dirui incendique patriam videbo:  
 'nec rapi ad stuprum matres Campanas, virginesque, et  
 'ingenuos pueros. Albam, unde ipsi oriundi erant, a fun-  
 'damentis proruerunt, ne stirpis, ne memoria originum<sup>8</sup>  
 'suarum exstaret: nedum eos Capuae parsuros credam, cui  
 'infestiores, quam Carthagini, sunt. Itaque quibus ves-  
 'trum ante fato cedere, quam haec tot tam acerba videant,  
 'in animo est; iis apud me hodie epulae instructae paratae-  
 'que sunt. Satiatis vino ciboque poculum idem, quod mihi  
 'datum fuerit, circumferetur: ea potio corpus ab cruciatu,

<sup>6</sup> *Illud*] sc. Quod Romani nulla re ab obsidione moti essent.

<sup>7</sup> *Subnisos*] h. e. Elatos, ut supr. xxv. 41. *Hannibalem subnissum victoria Cannensi.*

<sup>8</sup> *Ne stirpis*] Non minus placeret

*ne stirps*, quomodo habent vetustae editiones, et duo mss. unus Gronovio, alter nobis inspectus. Nisi forte legendum est *stirpes*, ut infr. xli. 8. antique pro *stirps*. CREV.



‘animum a contumeliis, oculos, aures, a videndis audiendis- U. C. 541.  
 ‘que omnibus acerbis indignisque, quae manent victos, vin- A. C. 211.  
 ‘dicabit. Parati erunt, qui magno rogo in propatulo aedium  
 ‘accenso corpora exanima iniiciant. Haec una via et ho-  
 ‘nesta et libera ad mortem. Et ipsi virtutem mirabuntur  
 ‘hostes, et Hannibal fortes socios sciet ab se desertos ac  
 ‘proditos esse.’

Hanc orationem Virrii plures audierunt cum assensu, 14.  
 quam forti animo id, quod probabant, exsequi potuerunt.  
 Maior pars senatus, multis saepe bellis expertam populi Legati ad  
 Romani clementiam haud diffidentes sibi quoque placabilem Rom. mis-  
 fore, legatos ad dedendam Romanis Capuam decreverunt, si.  
 miseruntque. Vibium Virrium septem et viginti ferme Virrius  
 senatores domum secuti sunt, epulatique cum eo; et quan- cum 27.  
 tum facere potuerant, alienatis mentibus vino ab imminentis senatoribus  
 sensu mali, venenum omnes sumpserunt: inde misso con- venenum  
 vivio, dextris inter se datis, ultimoque complexu, collacri- sumit.  
 mantes suum patriaeque casum, alii, ut eodem rogo crema-  
 rentur, manserunt; alii domos digressi sunt. Impletae  
 cibus vinoque venae minus efficacem in maturanda morte  
 vim veneni fecerunt. Itaque noctem totam plerique  
 eorum, et diei insequentis partem quum animam egissent;  
 omnes tamen, priusquam aperirentur hostibus portae, ex-  
 spirarunt.

Postero die porta Iovis, quae adversus castra Romana Capuam  
 erat, iussu proconsulis aperta est. Ea intromissa legio una ingrediun-  
 9 et duae alae, cum C. Fulvio legato. Is, quum omnium tur Roma-  
 primum arma telaque, quae Capuae erant, ad se conferenda ni.  
 curasset, custodiis ad omnes portas dispositis, ne quis exire  
 aut emitti posset, praesidium Punicum comprehendit,  
 senatum Campanum ire in castra ad imperatores Romanos  
 iussit. Quo quum venissent, extemplo his omnibus catenae  
 iniectae, iussique ad quaestores deferre, quod auri argenti-  
 que haberent. Auri pondo septuaginta fuit; argenti tria  
 millia pondo et ducenta. Senatores quinque et viginti  
 Cales in custodiam, duodetriginta Teanum missi: quorum  
 de sententia maxime descitum ab Romanis constabat. De 15.  
 supplicio Campani senatus haudquaquam inter Fulvium  
 Claudiumque conveniebat. Facilis impetrandae veniae  
 Claudius, Fulvio durior sententia erat. Itaque Appius  
 Romam ad senatum arbitrium eius rei totum reiiciebat:  
 percunctandi etiam aequum esse potestatem fieri Patribus,  
 num communicassent consilia cum aliquibus sociorum

9 *Duae alae*] De equitibus socialis  
 exercitus vocem *alas* hic intelligen-  
 dam esse docet Crevier., et Lipsium  
 de Mil. Rom. ii. 7. testem adhibet.

1 *Cum aliquibus sociorum Latini  
 nominis et municipiorum*] Particulam  
 et ante ultimam vocem adiecit Gro-  
 nov. Ceterum Niebhr. ii. n. 150, So-



U. C. 541. Latini nominis et municipiorum: et num ope eorum in:  
 A. C. 211. bello forent adiuti. 'Id vero minime committendum esse,'  
 Fulvius dicere, 'ut sollicitarentur criminibus dubiis socio-  
 rum fidelium animi: et subiicerentur indicibus, queis, ne-  
 que quid facerent, neque quid dicerent, quicquam unquam  
 pensi fuisset. Itaque se eam quaestionem oppressurum  
 extincturumque.' Ab hoc sermone quum digressi essent,  
 et Appius, quamvis ferociter loquentem, collegam, non  
 dubitaret, tamen literas super tanta re ab Roma expecta-  
 turum; Fulvius, ne id ipsum impedimentum incepto foret,  
 dimittens praetorium, tribunis militum ac praefectis socium;  
 imperavit, uti duobus millibus equitum delectis denuntia-  
 rent, ut ad tertiam buccinam praesto essent. Cum hoc  
 equitatu nocte Teanum profectus, prima luce portam intra-  
 vit, atque in forum perrexit: concursuque ad primum equi-  
 tum ingressum facto, magistratum Sidicinum citari iussit,  
 imperavitque, ut produceret Campanos, quos in custodia  
 haberet. Producti omnes, virgisque caesi, ac securi per-  
 cussi. Inde citato equo Cales percurrit. Ubi quum in  
 tribunali consedisset, productique Campani deligarentur ad  
 palum, eques citus ab Roma venit, literasque a C. Calpurnio  
 praetore Fulvio et senatusconsultum tradidit. Murmur ab  
 tribunali totam concionem pervasit, differri rem integram ad  
 Patres de Campanis: et Fulvius, id ita esse ratus, acceptas  
 literas, neque resolutas, quum in gremio reposuisset, prae-  
 conis imperavit, ut lictorem lege agere iuberet. Ita de iis  
 quoque, qui Calibus erant, sumptum supplicium. Tum  
 literae lectae senatusque consultum, serum ad impediendam  
 rem actam; quae summa ope approperata erat, ne impedi-  
 ri posset. Consurgentem iam Fulvium Taurea Iubellius,  
 Campanus, per mediam vadens urbem turbamque, nomine  
 inclamavit: et, quum, mirabundus quidnam sese vellet, re-  
 sedisset Flaccus, 'Me quoque,' inquit, 'iube occidi, ut  
 'gloriari possis, multo fortio-rem, quam ipse es, virum abs te  
 'occisum esse.' Quum Flaccus negaret, 'profecto satis  
 'compotem mentis esse:' modo, 'prohiberi etiam se, si id  
 'vellet, senatusconsulto,' diceret: tum Iubellius, 'Quando-  
 'quidem,' inquit, 'capta patria, propinquis amicisque

Senatores  
 Campani  
 securi per-  
 cutiuntur.

Iubellii  
 mora.

*ciorum, Latini nominis, municipi-  
 orum:* sine coniunctione legendum  
 censet, et tria genera hominum hic  
 designari, *Socios*, videlicet *Italicos*,  
*Latinos*, et *municipales* aequo foedere  
 cum Romanis coniunctos.

2 *Num ope eorum in bello forent  
 adiuti*] Post vocem *forent* edd. plures  
 et *municipiorum* habent, quas voces  
 Kreyssig. et Bekker. delent, sed

Niebhr. ii. n. 150. pro vocibus *et mu-  
 nicipiorum*, veram lectionem *et admi-  
 niculo* in codd. quibusdam cerni scri-  
 bit.

3 *Dimittens praetorium*] Eos, quos  
 in commune consilium ad se in prae-  
 torium vocaverat. cf. supr. xxi. 54.  
 DOER.

4 *Taurea Iubellius*] cf. Supr. xiii.  
 46.

‘amissis, quum ipse manu mea coniugem liberosque inter- U. C. 541.  
 ‘fecerim, ne quid indigni paterentur, mihi ne mortis qui- A. C. 211.  
 ‘dem copia eadem est, quae his civibus meis; petatur a  
 5 ‘virtute invisae huius vitae vindicta.’ Atque ita gladio,  
 quem veste texerat, per adversum pectus transfixus, ante  
 pedes imperatoris moribundus procubuit.

Quia, et quod ad supplicium attinet Campanorum, et 16.  
 pleraque alia, de Flacci unius sententia acta erant; mor-  
 tuum Ap. Claudium sub deditionem Capuae, quidam tra-  
 dunt. Hunc quoque ipsum Tauream neque sua sponte  
 venisse Cales, neque sua manu interfectum: sed, dum inter  
 ceteros ad palum deligatur, quia parum inter strepitus ex-  
 audiri possent, quae vociferabatur, silentium fieri Flaccum  
 iussisse: tum Tauream illa, quae ante memorata sunt, dix-  
 isse, ‘virem se fortissimum ab nequaquam pari ad virtutem  
 ‘occidi.’ Sub haec dicta, iussu proconsulis praeconem ita  
 pronuntiasse: ‘Lictor, viro forti adde virgas, et in eum pri-  
 ‘mum lege age.’ Lectum quoque senatusconsultum, prius-  
 quam securi feriret, quidam auctores sunt: sed, quia ascri-  
 ptum in senatusconsulto fuerit, ‘si ei videretur, integram  
 ‘rem ad senatum reiiceret,’ interpretatum esse, quid magis  
 e republica duceret, aestimationem sibi permissam.

6 Capuam a Calibus reditum est, Atellaque et Calatia in  
 deditionem acceptae. Ibi quoque in eos, qui capita rerum  
 erant, animadversum. Ita ad septuaginta principes senatus  
 interfecti: trecenti ferme nobiles Campani in carcerem  
 conditi: alii, per sociorum Latini nominis urbes in custo-  
 dias dati, variis casibus interierunt: multitudo alia civium Cives Cam-  
 7 Campanorum venundata. De urbe agroque reliqua con- pani vendi-  
 sultatio fuit, quibusdam delendam censentibus urbem prae- ti.  
 validam, propinquam, inimicam. Ceterum praesens utilitas  
 vicit. Nam propter agrum, quem omni fertilitate terrae Urbs ser-  
 satis constabat primum in Italia esse, urbs servata est, ut vata.  
 esset aliqua aratorum sedes. Urbi frequentandae multitudo  
 8 incolarum libertinorumque et institorum opificumque re-  
 tenta: ager omnis et tecta publica populi Romani facta.  
 Ceterum habitari tantum, tanquam urbem, Capuam, fre- Sed ita ut  
 quentarique placuit: corpus nullum civitatis, nec senatus, nullum in  
 nec plebis concilium, nec magistratus esse. Sine consilio ea sit cor-  
 publico, sine imperio multitudinem, nullius rei inter se pus civita-  
 9 sociam, ad consensum inhabilem fore: praefectum ad iura

5 *Huius vitae vindicta*] h. e. Li-  
 beratio.

6 *Atellaque et Calatia*] Quae ad  
 Poenos defecerant supr. xxii. 61.

7 *Venundata*] h. e. Venundari ius-  
 sa est. cf. infr. 34.

8 *Incolarum*] Eorum qui ex alia

aliqua urbe vel regione immigrassent.  
 CREV.

9 *Praefectum ad iura reddenda*] cf. Supr. ix. 20. Iam vero Capua  
*praefectura Romana* facta est, et om-  
 nes tum Campani, tum Romani, iuris-  
 dictioni *Praefectorum* subiecti sunt.

U. C. 541. reddenda ab Roma quotannis missuros. Ita ad Capuam  
 A. C. 211. res compositae, consilio ab omni parte laudabili. Severe et  
 celeriter in maxime noxios animadversum: multitudo civium  
 dissipata in nullam spem reditus: non saevitum incendiis  
 ruinisque in tecta innoxia murosque: et cum emolumento  
 quaesita etiam apud socios lenitatis species, incolumitate  
 urbis nobilissimae opulentissimaeque, cuius ruinis omnis  
 Campania, omnes, qui Campaniam circa accolunt, populi  
 ingemuissent: confessio expressa hosti, quanta vis in Ro-  
 manis ad expetendas poenas ab infidelibus sociis, et quam  
 nihil in Hannibale auxilii ad receptos in fidem tuendos  
 esset.

17. Romani Patres, perfuncti, quod ad Capuam attinebat,  
 cura, C. Neroni ex iis duabus legionibus, quas ad Capuam  
 habuerat, sex millia peditum, et trecentos equites, quos ipse  
 legisset, et socium Latini nominis peditum numerum parem,  
 et octingentos equites decernunt. Eum exercitum Puteolis  
 in naves impositum Nero in Hispaniam transportavit.  
 Quum Tarraconem navibus venisset, expositisque ibi copiis,  
 et navibus subductis, socios quoque navales multitudinis  
 augendae causa armasset; profectus ad Iberum flumen,  
 exercitum ab T. Fonteio et L. Marcio accepit. Inde pergit  
 ad hostes ire. Hasdrubal Hamilcaris ad Lapides atros cas-  
 tra habebat in Ausetanis. Is locus est inter oppida Illi-  
 turgin et Mentissam. Huius saltus fauces Nero occupavit.  
 Hasdrubal, ne in arto res esset, caduceatorem misit, qui  
 promitteret, si inde missus foret, se omnem exercitum ex  
 Hispania deportaturum. Quam rem quum laeto animo  
 Romanus accepisset, diem posterum Hasdrubal colloquio

Nero it in  
 Hispan-  
 niam.

Hasdrubal  
 circumven-  
 tus fraude  
 elabatur.

Praefecturas conditione fere dediticiis  
 oppidis aequavit vulgaris sententia,  
 et recte, si omnium eadem, quae Ca-  
 puae, conditio fuisset, sed recentissi-  
 mi auctores, Savignyum secuti (Gesch.  
 des Röm. Rechts. ii. § 14.) praefectu-  
 ras a municipiis *Praefecto* tantum,  
 unde nomen habent, discrepantes fa-  
 ciunt, quem iuri dicundo quotannis  
 ex urbe missum Festus testatur. v.  
*Praefecturae*. Sed, sicut civitates il-  
 las universe a dediticiorum conditione  
 longe remotas fuisse persuasum ha-  
 beas, ita alias aliis deterioris iuris fuisse  
 vel inde coniicias, quod in alias a po-  
 pulo, in alias a Praetore lectus, Prae-  
 fectus mittebatur. *Praefectus*, si Sa-  
 vignyum audiamus, *duumvirorum* vi-  
 cem implebat, qui in aliis civitatibus  
 liberis civium suffragiis iuri dicundo  
 creabantur, sed Fussia non tam ip-  
 sius urbis quam regionis iudex fuisse

videtur. cf. Fuss. Rom. Ant. § 136.  
 Creuzer. § 212. Cic. ad Divers. xiii.  
 11.

1 *Ne in arto res esset*] Ut rem  
 suam angustiis expediret, nisi inter-  
 pretari malis, ne in arto rem cum  
 hostibus gerere cogeretur. RASCH.

2 *Caduceatorem*] Legatum cum  
 caduceo, qui pacem peteret. Cadu-  
 ceum est virga duorum serpentum  
 implexa imagine, qui media corporis  
 parte nodo alligati, primisque parti-  
 bus inflexi in modum circuli, oscula  
 iungunt. Haec est symbolum pacis.  
 Hanc Graeci aliaeque gentes legatis  
 suis dabant, quum eos mitterent pa-  
 cem oraturos. Eam fabulantur ab  
 Apolline Mercurio dono datam, in  
 mercedem lyrae ab eo acceptae. De  
 caduceo vid. Serv. ad Aen. iv. 24.  
 CREV.

petivit, ut Romani leges conscriberent de tradendis arcibus U. C. 541.  
urbium, dieque statuenda, ad quam praesidia deducerentur, A. C. 211.  
suaque omnia sine fraude Poeni deportarent. Quod ubi  
impetravit, extemplo primis tenebris, atque inde tota nocte,  
quod gravissimum exercitus erat, Hasdrubal, quacunque  
posset, evadere e saltu iussit. Data sedulo opera est, ne  
multi ea nocte exirent, ut ipsa paucitas, quum ad hostem  
silentio fallendum aptior, tum ad evadendum per artas  
semitas ac difficiles esset. Ventum insequenti die ad col-  
loquium est: sed loquendo plura scribendoque dedita opera,  
quae in rem non essent, die consumpto, in posterum dilatum  
est. Addita insequens nox spatium dedit et alios emittendi:  
nec postero die res finem invenit. Ita aliquot dies disce-  
ptando palam de legibus, noctesque emittendis clam e cas-  
tris Carthaginiensibus, absumptae: et, postquam maior pars  
<sup>3</sup>emissa exercitus erat, iam ne iis quidem, quae ultro dicta  
erant, stabatur: minusque ac minus, cum timore simul fide  
decescente, conveniebat. Iam ferme pedestres omnes  
copiae evaserant e saltu: quum prima luce densa nebula  
saltum omnem camposque circa intexit. Quod ubi sensit  
Hasdrubal, mittit ad Neronem, qui in posterum diem col-  
loquium differret: illum diem religiosum Carthaginiensibus  
ad agendum quicquam rei seriae esse. Ne tum quidem  
suspecta fraus. Quum data esset venia eius diei, extemplo  
Hasdrubal, cum equitatu elephantisque castris egressus,  
sine ullo tumultu in tutum evasit. Hora ferme quarta dis-  
pulsata sole nebula aperuit diem, vacuaque hostium castra  
conspexerunt Romani. Tum demum Claudius, Punicam  
fraudem agnoscens, ut se dolo captum sensit, proficiscentem  
institit sequi, paratus configere acie: sed hostis detrectabat  
pugnam; levia tamen proelia inter extremum Punicum  
agmen praecursoresque Romanorum fiebant.

Inter haec Hispaniae populi, nec qui post cladem acce- 18.  
ptam defecerant, redibant ad Romanos, nec ulli novi deficie-  
bant. Et Romae senatui populoque, post receptam Capuam,  
non Italiae iam maior, quam Hispaniae, cura erat; et  
<sup>4</sup>exercitum augeri et imperatorem mitti placebat: nec  
tamen, quem mitterent, satis constabat, quam illud, ubi  
duo summi imperatores intra dies triginta cecidissent, qui  
in locum duorum succederet, extraordinaria cura deligen-  
dum esse. Quum alii alium nominarent, postremum eo  
decursum est, ut populus proconsuli creando in Hispaniam

Comitia  
proconsuli  
creando in  
Hispaniam.

<sup>3</sup> *Iam ne iis quidem*] Iam Hasdrubal ne iis quidem acquiescebat, quae ultro obtulerat. CREV.

<sup>4</sup> *Nec tamen*] In hoc orationis membro particulam *tamen* intelligen-

dam esse monet Crev., nisi quis forte pro *tamen* legendum *tam* suspicetur, sed *tamen* omnes codd. apud Drakenb. exhibent.

U. C. 541. comitia haberet: diemque comitiis consules edixerunt.  
 A. C. 211. Primo exspectaverant, ut, qui se tanto imperio dignos crederent, nomina profiterentur. Quae ut destituta exspectatio; est, redintegratus luctus acceptae cladis, desideriumque imperatorum amissorum. Maesta itaque civitas, prope inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeo perditas res desperatumque de republica esse, ut nemo audeat in Hispaniam imperium accipere: quum subito P. Cornelius, illius, qui<sup>6</sup> in Hispania ceciderat, filius, quattuor et viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. Iussi deinde inire confusum suffragium, ad unum omnes non centuriae modo, sed etiam<sup>8</sup> homines, P. Scipioni imperium esse in Hispania iusserunt. Ceterum post rem actam, ut iam resederat impetus animorum ardorque, silentium subito ortum et tacita cogitatio, quidnam egissent? num favor plus valuisset quam ratio? Aetatis maxime poenitebat: quidam fortunam etiam domus horrebant nomenque, ex funestis duabus familiis, in eas provincias, ubi inter sepulcra patris patruique res gerendae essent, proficiscentis. Quam ubi ab re tanto impetu acta sollicitudinem curamque hominum animum ad-<sup>9</sup>vertit, advocata concione, ita de aetate sua imperioque

Deligitur  
 P. Scipio  
 annos 24-  
 natus.

19.

5 *Nomina profiterentur*] h. e. Se candidatos *profiterentur*, ut rationem eorum magistratus haberet, qui comitiis praefuturus erat.

6 *P. Cornelius, illius*] Vulgatam ante Gronovium lectionem, qui pro *illius* praenomen *Publii* legendum coniecit, fide plurium mss. nissus Kreyssig. restituit, sed Bekker. Gronovium sequitur.

7 *Inire confusum suffragium*] Quum non caperent interpretes, quo sensu Livius *suffragium* nova plane ratione nunc dixerit *confusum*, alii *confusum* in *confestim* mutarunt, alii, ut Drakenb. et Bekker. vocem illam deleverunt. Sed quum Romani cura plusquam solita proconsulem in Hispaniam mittendum crearent, non *tributa*, sed *centuriata* praeter ordinem comitia habebant: in quibus, suffragiis centuriarum in unum confusis, non *centuriatim* sed *viritim* suffragia numerarentur. Hinc additur *omnes non centuriae modo, sed etiam homines*. Hoc modo exponit P. Manu-

tius *confusionem suffragiorum* ap. Cic. pro Mur. 23. cf. Ernest. in Clav. Cic. v. *Confusio*. Haec fere Stroth. sed de hac re alia aliis placuerunt. Ap. Sall. de Republ. ii. 8. legem C. Gracchus in tribunatu de magistratibus creandis promulgasse dicitur, *et ex confusis quinque classibus forte centuriae vocarentur*, unde colligitur *confusum suffragium* esse, quando classes confusae essent, et centuriae forte vocatae suffragia ferrent.

8 *Omnes non centuriae*] Proconsules vulgo creatos tributis comitiis probat Nic. Gruchius, de Com. Rom. ii. 2. Sola excipit haec nostra Scipionis comitia. Gronovius putat hic, et infr. 41. huius libri *centurias* pro *tribubus* a Livio nominatas, quemadmodum alibi saepius *tribus* pro *centuriis*. Nos rem in medio relinquimus. CREV.

9 *Animum advertit*] Ita Gronov. pro vulg. *animadvertit*, quod Stroth. et Bekker. habent.

mandato, et bello, quod gerundum esset, magno elatoque U. C. 541.  
 animo disseruit, ut ardorem eum, qui resederat, excitaret A. C. 211.  
 rursus novaretque: et impleret homines certioris spei, quam  
 quantam fides promissi humani, aut ratio ex fiducia rerum  
 subiicere solet. Fuit enim Scipio non veris tantum virtuti- Scipionis  
 bus mirabilis, sed arte quoque quadam ab iuventa in osten- artes apud  
 tationem earum compositus: pleraque apud multitudinem, multi-  
 tudinem.  
 1 aut per nocturnas visa species, aut velut divinitus mente  
 2 monita, agens: sive et ipse capti quadam superstitione  
 animi, sive ut imperia consiliaque, velut sorte oraculi missa,  
 sine cunctatione exsequerentur. Ad hoc iam inde ab initio  
 praeparans animos, ex quo togam virilem sumpsit, nullo die  
 prius ullam publicam privatamque rem egit, quam in  
 3 Capitolium iret, ingressusque aedem consideret, et plerum-  
 que solus in secreto ibi tempus tereret. Hic mos, qui per  
 omnem vitam servabatur, seu consulto, seu temere, vul-  
 gatae opinioni fidem apud quosdam fecit, stirpis eum Divina  
 divinae virum esse; retulitque famam, in Alexandro Magno stirpe sa-  
 4 prius vulgatam, et vanitate et fabula parem, anguis immanis tus credi-  
 concubitu conceptum, et in cubiculo matris eius persaepe tur.  
 visam prodigii eius speciem, interventuque hominum evo-  
 5 lutam repente, atque ex oculis elapsam. His miraculis nun-  
 quam ab ipso elusa fides est: quin potius aucta arte qua-  
 dam, nec abnuendi tale quicquam, nec palam affirmandi.  
 Multa alia eiusdem generis, alia vera, alia assimilata, admi-  
 rationis humanae in eo iuvene excesserant modum: quibus  
 freta tunc civitas, aetati haudquaquam maturae tantam  
 molem rerum, tantumque imperium permisit.

Ad eas copias, quas ex vetere exercitu Hispania habebat,  
 quaeque a Puteolis cum C. Nerone traiectae erant, decem  
 6 millia militum et mille equites adduntur: et M. Iunius  
 Silanus proprætor adiutor ad res gerendas datus est. Ita  
 cum triginta navium classe (omnes autem quinqueremes  
 erant) ostiis Tiberinis profectus præter oram Tusci maris,  
 Alpes atque Gallicum sinum, et deinde Pyrenæi circum-

1 *Aut per nocturnas*] Tanquam aut per noctem in somnis ea vidisset, aut instinctu divino moneretur quid esset diis cordi. CREV.

2 *Sive et ipse capti*] Polyb. x. 2. Scipionem nullo modo superstitione laborasse probat, sed commentum esse, ad exemplum Lycurgi Spartani, somnia illa et colloquia cum diis, ut ad exsequenda iussa promptiores, et ad quidlibet audendum alacriores milites essent. CREV.

3 *Ingressusque aedem*] Cellam Iovis hic intelligendam esse monet Du-

ker. cf. Aur. Victor de Vir. Ill. 49. A. Gell. vii. 1.

4 *Et vanitate et fabula parem*] Tam quod ad vanam divinae stirpis gloriam, quam quod ad rem fabulosam de concubitu anguis immanis attinet.

5 *His miraculis*] Huius miraculi ex coniect. Gronov. reposuit Bekker.

6 *Militum*] Milites de peditibus saepe dici monent Gronov. et Drakenb. cf. supr. iv. 59. Cic. ad Divers. x. 23. 34.



U. C. 541.  
A. C. 211.  
Venit in  
Hispaniam.

20.

vectus promontorium, Emporiis urbe Graeca (oriundi et ipsi a Phocaea sunt) copias exposuit: inde sequi navibus iussis, Tarraconem pedibus profectus, conventum omnium sociorum (etenim legationes ad famam adventus eius ex omni se provincia effuderant) habuit. Naves ibi subduci iussit, remissis quattuor triremibus Massiliensium, quae officii causa ab domo prosecutae fuerant. Responsa inde legationibus suspensis varietate tot casuum dare coepit, ita elato ab ingenti virtutum suarum fiducia animo, ut nullum ferox verbum excideret; ingensque omnibus, quae diceret, quum maiestas inesset, tum fides. Profectus ab Tarracone, et civitates sociorum et hiberna exercitus adiit: collaudavitque milites, quod, duabus tantis cladibus deinceps icti, provinciam obtinuissent: nec fructum secundarum rerum sentire hostes passi, omni cis Iberum agro eos arcuissent, sociosque cum fide tutati essent. Marcium secum habebat cum tanto honore, ut facile appareret, nihil minus, quam vereri, ne quis obstaret gloriae suae. Successit inde Neroni Silanus, et in hiberna novi milites deducti. Scipio, omnibus, quae adeunda agendaque erant, mature aditis peractisque, Tarraconem concessit. Nihilo minor fama apud hostes Scipionis erat, quam apud cives sociosque, et divinationo quaedam futuri; quo minus ratio timoris reddi poterat oborti temere, maiorem inferens metum. In hiberna diversi concesserant: Hasdrubal Gisgonis usque ad Oceanum et Gades: Mago in mediterranea, maxime supra Castulonensem saltum: Hasdrubal Hamilcaris filius proximus Ibero circa Saguntum hibernavit.

Punica  
classis ad  
Tarentum.

Aestatis eius extremo, qua capta est Capua, et Scipio in Hispaniam venit, Punica classis, ex Sicilia Tarentum accita ad arcendos commeatus praesidii Romani, quod in arce Tarentina erat, clauserat quidem omnes ad arcem a mari aditus; sed assidendo diutius artiores annonam sociis, quam hosti, faciebat. Non enim tantum subyehi oppidanis per pacata litora apertosque portus praesidio navium Punicarum poterat, quantum frumenti classis ipsa turba navali

7 *Oriundi et ipsi a Phocaea*] Huic loco notulam hanc apposuit Clericus. "Ita loquitur Livius, quod Gallicum sinum memorans cogitasset de Massilia illic sita, et a Phocaeis, ut notum est, olim condita. Itaque voces *hae et ipsi* potius cum cogitatione Livii, quam cum eius oratione connexae sunt." Nobis suspicio oritur ex eo, quod infra mentio fit de triremibus Massiliensium Scipionem officii causa ab domo prosecutis, in narratione navigationis eius aliquot excidisse voces,

in quibus de Massilia scriptor egisset. CREV.

8 *Nihil minus, quam*] Oratio elliptica, quemadmodum *nihil aliud quam*, sub. *agere*.

9 *Maiorem inferens metum*] Scipius eo omittit Livius, ut in hoc loco, quum particulae *quo* respondere debeat.

1 *Qua capta est*] Quo edd. plures, sed Perizon. ex ratione temporum *qua* scribendum probat.



mixta ex omni genere hominum absumebat: ut arcis praesidium etiam sine invecto, quia pauci erant, ex ante praeparato sustentari posset; Tarentinis classique ne invectum quidem sufficeret. Tandem maiore gratia, quam venerat,

U. C. 541.  
A. C. 211.

<sup>2</sup> classis dimissa est. Annona haud multum laxaverat: quia, remoto maritimo praesidio, subvehi frumentum non poterat.

Eiusdem aestatis exitu, M. Marcellus ex Sicilia provincia quum ad urbem venisset, a C. Calpurnio praetore senatus ei ad aedem Bellonae datus est. Ibi quum de rebus a se gestis disseruisset, questus leniter non suam magis, quam <sup>3</sup> militum, vicem, quod provincia confecta exercitum deportare non licuisset, postulavit, ut triumphanti urbem inire liceret. Id non impetravit. Quum multis verbis actum esset, utrum minus conveniret, cuius nomine absentis, ob res prospere ductu eius gestas, supplicatio decreta foret, et diis immortalibus habitus honos, ei praesenti negare triumphum: an, <sup>4</sup> quem tradere exercitum successori iussissent, quod, nisi manente in provincia bello, non decerneretur, eum quasi debellato triumphare, quum exercitus, testis meriti atque immeriti triumphi, abesset; medium visum, ut ovans urbem iniret. Tribuni plebis ex auctoritate senatus ad populum <sup>5</sup> tulerunt, ut M. Marcello, quo die urbem ovans iniret, imperium esset. Pridie, quam urbem iniret, in monte Albano triumphavit: inde ovans multam prae se praedam in urbem <sup>7</sup> intulit. Cum simulacro captarum Syracusarum, catapultae ballistaeque, et alia omnia instrumenta belli lata, et pacis diuturnae regiaeque opulentiae ornamenta, argenti aerisque fabrefacti vis, alia supellex, pretiosaeque vestis, et multa nobilia signa, quibus inter primas Graeciae urbes Syracusae ornatae fuerant. Punicae quoque victoriae signum, octo ducti elephanti. Et non minimum fuit spectaculum cum

21.

Marcellus  
ovans urbem  
init.

<sup>2</sup> *Dimissa est. Annona*] *Dimissa annonam* Gronov. legendum suspicatur.

<sup>3</sup> *Provincia confecta*] Debellato, provincia omnino in ditionem populi Romani redacta. CREV.

<sup>4</sup> *Successori*] Successor fuit M. Cornelius Cethegus. Vid. Perizon. ad xxv. 41. DUK.

<sup>5</sup> *Imperium esset*] A proconsulibus et propraetoribus, ut qui in urbe imperium non haberent, si Sigonium audiamus, legem de imperio, quo magis triumphantes urbem inirent, saepius latam reperimus, sed aliam eius rei causam fuisse Gruchius censet.

<sup>6</sup> *In monte Albano*] Hoc sine senatusconsulto factitabant nonnulli imperatores, quibus triumphantibus

inire urbem non concessum fuit. Qui vero in monte Albano triumphum ducebant, si Niebuhrio ii. n. 68. fides danda est, non ideo triumphabant, quod Romae magistratum gerebant, sed quod *Latinas cohortes ducebant*, et quod urbe remoti imperio suo tuti erant. Hanc triumphandi rationem diu intermissam C. Papirius Maso ann. 521. U. C. revocavit, qui criticis aliis auctor huius exempli extitisse visus est. cf. Plin. H. N. xv. 38. Val. Max. iii. 6. 5.

<sup>7</sup> *Catapultae ballistaeque*] Machinarum et telorum ad oppugnationes urbium singularis generis inventorem fuisse Dionysium tyrannum Siciliae scribit Diod. Sic. xiv. p. 269. Harum perfectorem fuisse Archimedes admodum verisimile est.

U. C. 541. coronis aureis praecedentes Sosis Syracusanus, et Mericus  
 A. C. 211. Hispanus: quorum altero duce nocturno Syracusas in-  
 troitum erat; alter Nasum, quodque ibi praesidii erat, pro-  
 diderat. His ambobus civitas data, et quingena iugera  
 agri. Sosidi in agro Syracusano, qui aut regius, aut hos-  
 tium populi Romani fuisset, et aedes Syracusis, cuius vellet  
 eorum, in quos belli iure animadversum esset: Merico His-  
 panisque, qui cum eo transierant, urbs agerque in Sicilia  
 ex iis, qui a populo Romano defecissent, iussa dari. Id  
 M. Cornelio mandatum, ut, ubi ei videretur, urbem agrum-  
 que iis assignaret. In eodem agro Belligeni, per quem illec-  
 tus ad transitionem Mericus erat, quadringenta iugera agri  
 decreta.

Sosidi et  
 Merico  
 agri dati.

Defectio  
 urbium  
 aliquot Si-  
 cularum.

Post profectionem ex Sicilia Marcelli, Punica classis octo  
 millia peditum, tria Numidarum equitum exposuit. Ad  
 eos Murgantinae desciverunt terrae: secutae defectionem,  
 earum Hybla et Macella sunt, et ignobiliore quaedam  
 aliae. Et Numidae, praefecto Mutine, vagi per totam  
 Siciliam, sociorum populi Romani agros urebant. Super  
 haec exercitus Romanus iratus, partim quod cum impera-  
 tore non devectus ex provincia esset, partim quod in oppidis  
 hibernare vetiti erant, segni fungebantur militia: magisque  
 iis auctor ad seditionem, quam animus, deerat. Inter has  
 difficultates M. Cornelius praetor et militum animos, nunc  
 consolando, nunc castigando, sedavit, et civitates omnes,  
 quae defecerant, in ditionem redegit: atque ex his Mur-  
 gantiam Hispanis, quibus urbs agerque debebatur ex  
 senatusconsulto, attribuit.

22. Consules, quum ambo Apuliam provinciam haberent,  
 minusque iam terroris a Poenis et Hannibale esset, sortiri  
 iussi Apuliam Macedoniamque provincias. Sulpicio Mace-  
 donia evenit, isque Laevino successit. Fulvius, Roman  
 comitiorum causa arcessitus, quum comitia consulibus ro-  
 gandis haberet, praerogativa Veturia iuniorum declaravit:  
 T. Manlium Torquatum et T. Otacilium. Manlius, qui  
 praesens erat, gratulandi causa quum turba coiret, nec  
 dubius esset consensus populi, magna circumfusus turba ad  
 tribunal consulis venit; petitque, ut pauca sua verba  
 audiret, centuriamque, quae tulisset suffragium, revocari  
 iuberet. Erectis omnibus expectatione, quidnam postula-  
 turus esset, oculorum valetudinem excusavit. 'Impuden-

Manlius  
 consulatum  
 recusat.

8 *Alter Nasum*] Non Nasum, sed  
 Achradinam a Merico proditam fuisse  
 supr. xxv. 30. traditur. De Sosidis  
 ductu Livius omnino tacet, ut Peri-  
 zon. animadvertit.

9 *Murgantinae desciverunt terrae*]  
 Emendationem Gronovii *Murgantini*

*desciverunt*, omissa voce *terrae*, re-  
 posuit Bekker.

1 *Praerogativa Veturia iuniorum*]  
 sc. Centuria iuniorum ex Veturia tri-  
 bu, quae praerogativam sortita erat.  
 cf. supr. v. 18. Fusa. Rom. Ant. § 163.  
 infr. xxvii. 6.

‘tem et gubernatorem et imperatorem esse, qui, quum U. C. 541.  
 ‘alienis oculis ei omnia agenda sint, postulet sibi aliorum A. C. 211.  
 ‘capita ac fortunas committi. Proinde, si videretur, et re-  
 2 ‘dire in suffragium Veturiam iuniorum iuberet, et memi-  
 ‘nisset in consulibus creandis belli, quod in Italia sit,  
 ‘temporumque reipublicae. Vixdum requiesse aures a  
 3 ‘strepitu et tumultu hostili, quo paucos ante menses ascen-  
 ‘derint prope moenia Romana.’ Post haec quum centuria  
 frequens succlamasset, ‘nihil se mutare sententiae, eosdem-  
 4 ‘que consules dicturos esse;’ tum Torquatus, ‘Neque ego  
 ‘vestros,’ inquit, ‘mores consul ferre potero, neque vos im-  
 ‘perium meum. Redite in suffragium, et cogitate bellum  
 ‘Punicum in Italia, et hostium ducem Hannibalem esse.’  
 Tum centuria, et auctoritate mota viri et admirantium  
 circa fremitu, petit a consule, ut Veturiam seniorum citaret:  
 ‘Velle se cum maioribus natu colloqui, et ex auctoritate  
 ‘eorum consules dicere.’ Citatis Veturiae senioribus, da-  
 5 tum secreto in ovili cum his colloquendi tempus. Seniores  
 de tribus consulendum dixerunt esse, duobus iam plenis  
 honorum, Q. Fabio et M. Marcello; et, si utique novum  
 aliquem adversus Poenos consulem creari vellent, M. Vale-  
 rium Laevinum egregie adversus Philippum regem terra  
 marique res gessisse. Ita de tribus consultatione data, Alii consu-  
 senioribus dimissis, iuniores suffragium ineunt. M. Clau- les crean-  
 6 dium Marcellum, fulgentem tum Sicilia domita, et M. Va- tur.  
 7 lerium absentes consules dixerunt. Auctoritatem praero-  
 gativae omnes centuriae secutae sunt. Eludant nunc anti-  
 qua mirantes. Non equidem, si qua sit sapientium civitas,  
 8 quam docti fingunt magis, quam norunt, aut principes gra-

2 *Et meminisset*] sc. Veturia: sed lectio Gronoviana *meminisse* Crevier. et Stroth. magis placet, quam Bekker. recepit.

3 *Ascenderint*] Vulgo *ascenderint*, quod merito Crevierio durius videtur, qui ita componi orationem vult, ut *moenia Romana* in recto casu accipi possint. Kreyszig. quum *ascenderent* reposuit, *hostes* haud dubie spectat, qui in voce praeced. *hostili* intelliguntur.

4 *Neque ego vestros*] cf. Dionis Excerpt. 20. in Fragm. Vatican. Hunc enim a Manlio recusatum consulatum Dio ad priscum illum Torquatum refert. De hoc loco A. Maius “Inepta sane haec responsio est, si ad oculorum valetudinem referatur, sed multo aptissima, si ad prisci Torquati severitatem, atque ad odium, quo illum Romana praesertim iuventus ob interfectum filium prosequabantur. Emen-

dandus igitur ex Dione Livius, cuius errorem hodierni fastorum scriptores gregatim sequuntur.” cf. supr. viii. 7.

5 *In ovili*] Id est, in loco cancellis undique clauso, qui propter similitudinem cum iis septis, in quibus stabulantur greges, *Ovile* dicebatur. Eum in locum singulae centuriae, prout citabantur, ingressae, ita suffragium ferebant, ut nemini interim liceret in Ovili esse. Ideo dimittuntur seniores, antequam iuniores suffragium ineant. CREV.

6 *Absentes*] Valerium absentem ab urbe, Marcellum a Campo. Eodem modo locutus est noster, supr. x. 22. CREV.

7 *Eludant nunc*] Rideant, vel ludibrio habeant illos qui antiqua mirantur.

8 *Quam docti fingunt magis*] Platonem intelligit in libris de Republica. SIGON.

U. C. 541. vires temperantioresque a cupidine imperii, aut multitu-  
A. C. 211. dinem melius moratam censeam fieri posse. Centuriam  
vero iuniorum seniores consulere voluisse, quibus imperium  
suffragio mandaret, vix ut verisimile sit, parentum quoque  
hoc saeculo vilis levisque apud liberos auctoritas fecit.

23. Praetoria inde comitia habita. P. Manlius Vulso, et L.  
Manlius Acidinus, et C. Laetorius, et L. Cincius Alimentus  
creati sunt. Forte ita incidit, ut comitiis perfectis nuntia-  
retur, T. Otacilium, quem T. Manlio, nisi interpellatus ordo  
comitiorum esset, collegam absentem daturus fuisse vide-  
batur populus, mortuum in Sicilia esse. Ludi Apollinares  
et priore anno fuerant, et, eo anno ut fierent, referente  
Calpurnio praetore, senatus decrevit, ut in perpetuum  
voverentur. Eodem anno prodigia aliquot visa nuntiata-  
que sunt. In aede Concordiae Victoria, quae in culmine  
erat, fulmine icta decussaque, ad Victorias, quae in ante-<sup>8</sup>  
fixis erant, haesit, neque inde procidit. Et Anagnia et<sup>9</sup>  
Fregellis nuntiatum est, murum portasque de coelo tactas:  
et in foro Subertano sanguinis rivos per diem totum  
fluxisse, et Ereti lapidibus pluuisse, et Reate mulam  
peperisse. Ea prodigia hostiis maioribus sunt procurata,  
et obsecratio in unum diem populo indicta, et noven-  
diale sacrum. Sacerdotes publici aliquot eo anno demor-  
tui sunt, novique suffecti: in locum M'. Aemilii Numidae  
decemviri sacrorum M. Aemilius Lepidus: in locum  
M'. Pomponii Mathonis pontificis C. Livius: in locum Sp.  
Carvili Maximi auguris M. Servilius. T. Otacilius Crassus  
pontifex quia exacto anno mortuus erat, ideo nominatio in  
locum eius non est facta. C. Claudius flamen Dialis, quod  
exta perperam dederat, flaminio abiit.

Ludi Apol-  
linares voti  
in perpe-  
tuum.

Sacerdotes  
creati.

24. Per idem tempus M. Valerius Laevinus, tentatis prius  
per secreta colloquia principum animis, ad indictum ante  
ad id ipsum concilium Aetolorum classe expedita venit.  
Ubi quum Syracusas Capuamque captam, in fidem in Sicilia:  
Italiaque rerum secundarum, ostentasset, adiecissetque, 'iam;  
Valerii oratio apud Aetolos. ' inde a maioribus traditum morem Romanis colendi socios,  
' ex quibus alios in civitatem atque aequum secum ius acce-

<sup>8</sup> *Ad Victorias, quas in antefixis erant]* Ad statuas Victoriae, quae erant inter antefixa. *Antefixa*, inquit Festus, *quas ex opere figulino tectis affiguntur sub stillicidio*. Et consonat illud Livii xxxiv. 4. *Antefixa fictilia deorum Romanorum*. CREV.

<sup>9</sup> *Anagnia]* *Anagniae* edidit Aldus.

<sup>1</sup> *Quod exta perperam dederat]* Quod in distribuendis victimae extis aliquid peccaverat. CREV. cf. Val. Max. i. 1. 4.

<sup>2</sup> *In fidem]* Ut fidem faceret, res secundas Romanis in Sicilia Italiaque esse. GRONOV.

<sup>3</sup> *Adiecissetque]* Apodosim aliquam desiderari censet Raschig. Sed si interpunctionem post *eorum* tollas, oratio optime ita cohaerebit: postquam adiecerat *Aetolos eo in maiori honore futuros* etc., dicta eius Scopas et Dorymachus auctoritate sua affirmaverunt, spes tamen potiundae Arcarnaniae concilium maxime movebat.

‘pissent, alios in ea fortuna haberent, ut socii esse, quam U. C. 541.  
 ‘cives, mallent. Aetolos eo in maiore futuros honore, quod A. C. 211.  
 ‘gentium transmarinarum in amicitiam primi venissent.  
 ‘Philippum iis et Macedonas graves accolas esse; quorum  
 ‘se vim ac spiritus et iam fregisse, et eo redacturum esse,  
 ‘ut non his modo urbibus, quas per vim ademissent Aetolis,  
 ‘excedant, sed ipsam Macedoniam infestam habeant. Et  
 ‘Acarnanas, quos aegre ferrent Aetoli a corpore suo direm-  
 ‘ptos, restitutum se in antiquam formulam iurisque ac  
 ‘ditionis eorum.’ Haec, dicta promissaque ab Romano Foedus  
 imperatore, Scopas, qui tum praetor gentis erat, et Dory- cum Aeto-  
 machus, princeps Aetolorum, affirmaverunt auctoritate sua, lis.  
 minore cum verecundia et maiore cum fide vim maiestatem-  
 que populi Romani extollentes. Maxime tamen spes poti-  
 undae movebat Acarnaniae. Igitur conscriptae conditiones,  
 quibus in amicitiam societatemque populi Romani venirent:  
 additumque, ‘ut, si placeret vellentque, eodem iure ami-  
 ‘citiae Elei, Lacedaemoniique, et Attalus, et Pleuratus, et  
 ‘Scerdilaedus essent.’ (Asiae Attalus, hi Thracum et Illy-  
 riorum reges). ‘Bellum ut extemplo Aetoli cum Philippo  
 ‘terra gererent: navibus ne minus viginti quinquere-  
 ‘mibus adiuveret Romanus. Urbium Corcyrae tenus ab Aetolia  
 ‘incipienti solum tectaque, et muri cum agris, Aetolorum;  
 ‘alia omnis praeda populi Romani esset: darentque operam  
 ‘Romani, ut Acarnaniam Aetoli haberent. Si Aetoli pa-  
 4 ‘cem cum Philippo facerent, foederi ascriberent, ita ratam  
 ‘eorum pacem, si Philippus arma ab Romanis sociisque,  
 ‘quique eorum ditionis essent, abstinuisset. Item, si  
 ‘populus Romanus foedere iungeretur regi, ut caveret, ne  
 ‘ius ei belli inferendi Aetolis sociisque eorum esset.’ Haec  
 convenerunt, conscriptaque biennio post Olympiae ab  
 Aetolis, in Capitolio ab Romanis, ut testata sacratis monu-  
 mentis essent, sunt posita. Morae causa fuerant retenti  
 Romae diutius legati Aetolorum. Nec tamen impedimento  
 id rebus gerendis fuit. Et Aetoli extemplo moverunt ad- Res gestae  
 versus Philippum bellum, et Laevinus Zacynthum (parva ab Aetolis  
 insula est propinqua Aetoliae: urbem unam eodem, quo et a Va-  
 ipsa est, nomine habet; eam praeter arcem vi cepit) et lerio.  
 5 Oeniadas Nasumque Acarnanum captas Aetolis contribuit.  
 Philippum quoque satis implicatum bello finitimo ratus, ne  
 Italiam Poenosque et pacta cum Hannibale posset respicere,  
 Corcyram ipse se recepit.

Philippo Aetolorum defectio Pellae hibernanti allata 25.

4 Ita ratam eorum pacem] Auctorem Muretum secutus, ita ratam fore pacem reposuit Bekker.

5 Nasumque] Insula haec erat ad

ostium Acheloi, ut Mullero in Append. vii. § 10. über die Dor. videtur. cf. Polyb. ix. 39.

U. C. 541.  
A. C. 211.  
Philippus  
vicina pa-  
cat.

Acarna-  
niae bel-  
lum infe-  
runt Aeto-  
li.  
Acarna-  
num con-  
iuratio.

est. Itaque, quia primo vere moturus exercitum in Graeciam erat, Illyrios finitimasque iis urbes alterno metu<sup>6</sup> quietas ut Macedonia haberet, expeditionem subitam in Oricinorum atque Apolloniatium fines fecit: egressosque Apolloniatas, cum magno terrore atque pavore, compulit intra muros. Vastatis proximis Illyrici, in Pelagoniam eadem celeritate vertit iter; inde Dardanorum urbem Sintiam, in Macedoniam transitum Dardanis facturam, cepit. His raptim actis, memor Aetolici iunctique cum eo Romani belli, per Pelagoniam, et Lyncum, et Bottiaeam, in Thessaliam descendit. Ad bellum secum adversus Aetolos capesendum incitari posse homines credebat: et, relicto ad fauces Thessaliae Perseo cum quattuor millibus armatorum ad<sup>8</sup> arcendos aditu Aetolos, ipse, priusquam maioribus occuparetur rebus, in Macedoniam, atque inde in Thraciam exercitum ac Maedos duxit. Incurrere ea gens in Macedoniam solita erat, ubi regem occupatum externo bello, ac sine praesidio esse regnum sensisset. Ad Phragandas igitur vastare agros, et urbem Lamphorinam, caput arcemque Maedicae, oppugnare coepit. Scopas, ubi profectum in Thraciam regem, occupatumque ibi bello audivit, armata omni iuventute Aetolorum, bellum inferre Acarnaniae parat. Adversus quod Acarnanum gens et viribus impar, et iam Oeniadas Nasumque amissa cernens, Romanaque<sup>9</sup> insuper arma ingruere, ira magis instruit, quam consilio, bellum. Coniugibus liberisque et senioribus supra sexaginta annos in propinquam Epirum missis, ab quindecim ad sexaginta annos coniurant, nisi victores, se non redituros. Qui victus acie excessisset, eum ne quis urbe, tecto, mensa, lare reciperet, diram exsecrationem in populares, obtestationem quam sanctissimam potuerunt adversus hospites, composuerunt: precatique simul Epirotas sunt, ut, qui suorum in acie cecidissent, eos uno tumulo contegerent, adhiberentque humatis titulum: HIC SITI SUNT ACARNANES, QUI ADVERSUS VIM ATQUE INIURIAM AETOLORUM PRO PATRIA PUGNANTES, MORTEM OCCUBUERUNT. Per haec incitatis animis, castra in extremis finibus suis obvia hosti posuerunt. Nuntiis ad Philippum missis, quanto res in discrimine esset, omittere Philippum id, quod in manibus erat, coegerunt bellum, Lamphorina per deditionem recepta, et prospero

6 *Alterno metu*] *Alternus metus* est, exponente Gronovio, Illyriorum a Macedonibus, ut prius Macedonum ab Illyriis. CREV.

7 *Sintiam, in Macedoniam*] Ita Rubenius pro vulg. *sitam in Macedonia*.

8 *Perseo*] Perseum Philippi regis filium hunc fuisse censet Sigonius,

sed Crevierio aliter placuit, qui unum ex praefectis regis hic intelligi vult, quippe Philippi filius undecimo ab hinc anno, infr. xxxi. 28. puer admodum fuisse dicitur.

9 *Amisssa*] *Oppida* scilicet, ut Drakenb. monet.



alio successu rerum. Aetolorum impetum tardaverat primo U. C. 541.  
coniurationis fama Acarnanicae: deinde auditus Philippi A. C. 211.  
adventus, regredi etiam in intimos coegit fines. Nec Phi-  
lippus, quanquam, ne opprimerentur Acarnanes, itineribus  
magnis ierat, ultra Diuum est progressus. Inde, quum au-  
disset reditum Aetolorum ex Acarnania, et ipse Pellam  
rediit.

Laevinus, veris principio a Corcyra profectus navibus, 26.  
superato Leucata promontorio, quum venisset Naupactum, Anticyram  
Anticyram inde se petiturum edixit, ut praesto ibi Scopas oppugnat  
Aetolique essent. Sita Anticyra est in Locride laeva parte Laevinus.  
sinum Corinthiacum intrantibus. Breve terra iter eo,  
brevis navigatio ab Naupacto est. Tertio ferme post die  
utrimque oppugnari coepta est. Gravior a mari oppugnatio  
erat, quia et tormenta machinaeque omnis generis in navi-  
bus erant, et Romani inde oppugnabant. Itaque intra  
paucos dies recepta urbs per deditionem Aetolis traditur,  
praeda ex pacto Romanis cessit.

Litterae Laevino redditae, consulem eum absentem decla-  
ratum, et successorem venire P. Sulpicium. Ceterum,  
diuturno ibi morbo implicitus, serius spe omnium Romam  
venit. M. Marcellus, quum Idibus Martiis consulatum U. C. 542.  
inisset, senatum eo die, moris modo causa, habuit: pro- A. C. 210.  
fessus, 'nihil se, absente collega, neque de republica, neque M. Claudio  
' de provinciis, acturum. Scire se, frequentes Siculos prope IV. M. Va-  
' urbem in villis obtreptatorum suorum esse. Quibus, tan- lio II.  
' tum abesse, ut per se non liceat palam Romae crimina Cosa.  
' edita fictaque ab inimicis vulgare, ut, ni simularent, ali-  
' quem sibi timorem, absente collega, dicendi de consule  
' esse, ipse iis extemplo daturus senatum fuerit. Ubi qui-  
' dem collega venisset, non passurum quicquam prius agi,  
' quam ut Siculi in senatum introducantur. Delectum  
' prope a M. Cornelio per totam Siciliam habitum, ut  
' quam plurimi questum de se Romam venirent. Eundem  
' literis falsis urbem implesse, bellum in Sicilia esse, ut  
' suam laudem minuat.' Moderati animi gloriam eo die  
adeptus consul, senatum dimisit; ac prope iustitium omnium  
rerum futurum videbatur, donec alter consul ad urbem ve-  
nisset. Otium, ut solet, excitavit plebis rumores: 'belli Querelae  
' diuturnitatem, et vastatos agros circa urbem, qua infesto P. R.  
' agmine isset Hannibal, et exhaustam delectibus Italiam, et  
' prope quotannis exercitus caesos' querebantur; 'et consules

1 *Anticyra*] Quum Anticyra a Stra-  
bone modo Locridi, modo Phocidi  
ascripta sit, duas urbes nomine Anti-  
cyras ad sinum Corinthiacum sitas  
esse Drakenb. verisimile videtur. A-

lia quoque eiusdem nominis urbs ad  
Oetam in sinu Maliaco. cf. Hor. Ep.  
ad Pison. 300. si tribus Anticyris etc.  
2 *Ex pacto*] Conditionibus con-  
scriptis supr. 24.



U. C. 542. 'bellicosos ambo, viros acres nimis et feroces, creatos, qui  
A. C. 210. 'vel in pace tranquilla bellum excitare possent, nedum in  
'bello respirare civitatem forent passuri.'

27. Interruptit hos sermones nocte, quae pridie **Quinquatrus**;  
Incendium fuit, pluribus simul locis circa forum incendium ortum.  
Romae. Eodem tempore septem tabernae, quae postea quinque, et  
argentinae, quae nunc Novae appellantur, arsere. Com-  
prehensa postea privata aedificia: neque enim tum basilicae;  
erant: comprehensae lautumiae, forumque piscatorium, et  
atrium regium. Aedes Vestae vix defensa est tredecim  
maxime servorum opera, qui in publicum redempti ac ma-  
numissi sunt. Nocte ac die continuatum incendium fuit.  
Nec ulli dubium erat, humana id fraude factum esse, quod  
pluribus simul locis, et iis diversis, ignes coorti essent.  
Itaque consul ex auctoritate senatus pro concione edixit,  
qui, quorum opera id conflatum incendium, profiteretur,  
praemium fore, libero pecuniam, servo libertatem. Eo  
Campano- praemio inductus Campanorum Calaviorum servus (Mannus  
rum fraude ei nomen erat) indicavit, 'dominos et quinque praetera  
ortum. 'juvenes nobiles Campanos, quorum parentes a Q. Fulvio  
'securi percussi erant, id incendium fecisse; vulgoque fac-  
'tuos alia, ni comprehendantur.' Comprehensi ipsi fami-  
liaeque eorum. Et primo elevabatur index indiciumque:

3 **Quinquatrus**] Ex Festi senten-  
tia, unicus fuit dies Minervae sacer,  
sic dictus, quod esset post diem quin-  
tum Idus mensis Martii. Repugnat  
Livius, xlv. 20. Et Ovid. Fast. iii.  
vult illa sacra per quinque dies cele-  
brata, et habere nomen a iunctis quin-  
que diebus. Fortasse primis tempo-  
ribus unicus tantum dies festus fuerat;  
postea vero in plures prolatus. Vid.  
Festum in voce **Quinquatrus**, et ad  
eum Dacerii not. CREV.

4 **Quae postea quinque**] Numeri  
notam putarunt esse, quae non erat.  
Habebat enim antiquus liber: *septem  
tabernae quas postea vet. et argenta-  
riae quas nunc novae appellantur.*  
Nam ut novae, ita veteres tabernae  
in foro erant. Unde locorum no-  
mina, *sub veteribus et sub novis.* At  
illi, deletis duobus literis, quas fru-  
stra geminatas putarunt, illud V no-  
tam esse quinarum numeri iudicabant.  
cf. Muretus Var. Lect. xvi. 8.

5 **Neque enim tum basilicae erant**] Postea basilicam eo loco post Novas  
argentarias exstructam esse a M. Ful-  
vio censore memorat Livius xl. 51.  
**Basilicae** sunt publica aedificia, in  
quibus senatores deliberare, iudices

causas cognoscere, clientibus homines  
periti de iure respondere solebant.  
Mercatores ibidem et nummularum  
tractabant negotia. CREV. cf. infr.  
xxxix. 44. xlv. 16.

6 **Lautumiae**] Proprie loca, ex qui-  
bus excisi sunt lapides, a *lâs* lapis,  
et *répve* caedo. Sic vocabatur unus  
ex carceribus urbis, quod in eo vide-  
licet lapidicinae fuerant. *Carceris  
lautumiarum* fit mentio infr. xxxii.  
26. CREV. cf. Festus v. *Latunias*.

7 **Forumque piscatorium**] Secun-  
dum Tiberim ad Iunium (Ianum qui-  
dam) Forum Piscarium vocant. Var.  
de L. L. v. 32.

8 **Atrium regium**] Atrium regium  
Numae Pompilii. Regia Numae erat  
prope aedem Vestae, cuius infra fit  
mentio. Sic quoque apud Horatium  
. . . *monumenta Regis, Templaque Ve-  
stae.* CREV.

9 **Aedes Vestae**] Quae in ripa Ti-  
beris effigies pristini sui decoris, ad-  
huc cernitur.

1 **In publicum redempti**] Redem-  
pti, ut in potestate populi, non pri-  
vatorum dominorum essent, ac postea  
manumissi. CREV.

‘pridie eum verberibus castigatum ab dominis discessisse, U. C. 542.  
 ‘per iram ac levitatem ex re fortuita crimen commentum.’ A. C. 210.  
 Ceterum ut coram coarguebantur, et quaestio ex ministris  
 facinoris foro medio haberi coepta est, fassi omnes, atque in  
 dominos servosque conscios animadversum est. Indici  
 libertas data, et viginti millia aeris.

Consuli Laevino Capuam praetereunti circumfusa multi- Campani  
 tudo Campanorum est, obsecrantium cum lacrimis, ut sibi querelas de  
 Romam ad senatum ire liceret, oratum, si qua misericordia Fulvio de-  
 tandem flecti possent, ne se ad ultimum perditum irent, ferunt ad  
 nomenque Campanorum a Q. Flacco deleri sinerent. Flac- Valerium  
 cus, ‘sibi privatam simultatem cum Campanis,’ negare,  
 ‘ullam esse: publicas inimicitias et hostiles esse, et futuras,  
 ‘quoad eo animo esse erga populum Romanum sciret.  
 ‘Nullam enim in terris gentem esse, nullum infestiores  
 ‘populum nomini Romano. Ideo se moenibus inclusos te-  
 2 ‘nere eos: quia, si qui evasissent aliqua, velut feras bestias  
 ‘per agros vagari, et laniare, et trucidare, quodcunque  
 ‘obvium detur. Alios ad Hannibalem transfugisse, alios ad  
 ‘Romam incendendam profectos. Inventurum in semiusto  
 ‘foro consulem vestigia sceleris Campanorum. Vestae  
 ‘aedem petitam, et aeternos ignes, et conditum in penetrali  
 3 ‘fatale pignus imperii Romani. Se minime censere tutum  
 ‘esse, Campanis potestatem intrandi Romana moenia fieri.’  
 Laevinus Campanos, iureiurando a Flacco adactos, quinto Romam  
 die, quam ab senatu responsum accepissent, Capuam redi- eunt.  
 tuos, sequi se Romam iussit. Hac circumfusus multitu-  
 dine, simul Siculis obviam egressis Aetolisque, Romam  
 praeivit, clarissimarum urbium excidio celeberrimis viris  
 victos bello accusatores in urbem adducens. De republica  
 tamen primum ac de provinciis ambo consules ad senatum  
 retulere.

Ibi Laevinus, quo statu Macedonia et Graecia, Aetoli, 28.  
 Acarnanes Locrique essent, quasque ibi res ipse egisset  
 terra marique, exposuit. ‘Philippum, inferentem bellum  
 ‘Aetolis, in Macedoniam retro ab se compulsum, ad intima  
 ‘penitus regni abisse, legionemque inde deduci posse:  
 4 ‘classem satis esse ad arcendum Italia regem.’ Haec de se Provincia-  
 deque provincia, cui praefuerat. Consulum de provinciis rum divi-  
 communis relatio fuit. Decrevere Patres, ‘Ut alteri con- sio.

2 *Quia ... vagari*] Insolita con-  
 structio. cf. supr. iv. 3. *et, si non eas-*  
*dem opes habere.*

3 *Fatale pignus*] Palladium, quod  
 in aede Vestae ab Aenea in Italiam  
 advectum, asservari iactitabant.

4 *Classem satis esse*] Classem sine

legionario milite, sociis tantum nava-  
 libus instructam. Socii enim nava-  
 les, ut probavimus ad xxi. 49. non ii  
 solum sunt, qui nautica ministeria  
 obeunt, sed et milites tuendis navibus  
 attributi. CREV.

U. C. 541. 'sulum Italia bellumque cum Hannibale provincia esset:  
 A. C. 210. 'alter classem, cui T. Otacilius praefuisset, Siciliamque pro-  
 'vinciam cum L. Cincio praetore obtineret.' Exercitus iis  
 duo decreti, qui in Etruria Galliaque essent. Eae quattuor  
 erant legiones. Urbanæ duae superioris anni in Etruriam;  
 duae, quibus Sulpicius consul praefuisset, in Galliam mitte-  
 rentur. Galliae et legionibus praeeset, quem consul, cuius  
 Italia provincia esset, praefecisset. In Etruriam C. Cal-  
 purnius, post praeturam prorogato in annum imperio, mis-  
 sus; et Q. Fulvio Capua provincia decreta, prorogatumque  
 in annum imperium. Exercitus civium sociorumque minui  
 iussus, ut ex duabus legionibus una legio, quinque millia  
 peditum et trecenti equites essent; dimissis, qui plurima  
 stipendia haberent: et sociorum septem millia peditum et  
 trecenti equites relinquerentur, eadem ratione stipendiorum  
 habita in veteribus militibus dimittendis. Cn. Fulvio con-  
 suli superioris anni, nec de provincia Apulia, nec de exer-  
 citu, quem habuerat, quicquam mutatum. Tantum in an-  
 num prorogatum imperium est. P. Sulpicius collega eius  
 omnem exercitum, praeter socios navales, iussus dimittere  
 est. Item ex Sicilia exercitus, cui M. Cornelius praeeset,  
 ubi consul in provinciam venisset, dimitti iussus. L.  
 Cincio praetori ad obtinendam Siciliam Cannenses milites  
 dati, duarum instar legionum. Totidem legiones in Sardi-  
 niam P. Manlio Vulsoni praetori decretae, quibus L. Cor-  
 nelius in eadem provincia priore anno praefuerat. Urbanas  
 legiones ita scribere consules iussi, ne quem militem face-  
 rent, qui in exercitu M. Claudii, M. Valerii, Q. Fulvii,  
 fuissent; neve eo anno plures, quam una et viginti, Roma-  
 nae legiones essent.

Legiones  
21.

29.  
 Marcello  
 obvenit  
 Sicilia.  
 Siculorum  
 legatorum  
 complora-  
 tio.

His senatusconsultis perfectis, sortiti provincias consules.  
 Sicilia et classis Marcello, Italia cum bello adversus Hanni-  
 balem Laevino evenit. Quae sors, velut iterum captis Sy-  
 racusis, ita exanimavit Siculos, expectatione sortis in con-  
 sulum conspectu stantes, ut comploratio eorum flebilesque  
 voces et extemplo oculos hominum converterent, et post-  
 modo sermones praebuerint. Circumibant enim senatum  
 cum veste sordida, affirmantes, 'se non modo suam quem-  
 'que patriam, sed totam Siciliam, relicturos, si eo Marcellus  
 'iterum cum imperio redisset. Nullo suo merito eum ante  
 'implacabilem in se fuisse: quid iratum, quod Romam de  
 'se questum venisse Siculos sciat, facturum? Obrui Aetnae  
 'ignibus, aut mergi freto, satius illi insulae esse, quam

5 Urbanas duae] Ex multis locis  
 Livii constat, legiones urbanas ad tu-  
 telam urbis scribi, ac deinde fere  
 altero anno, interdum etiam eodem,

si ita res posceret, adversus hostem  
 duci solitas fuisse. Dux.

6 Fuissent] sc. Ex iis, qui fuissent.  
 CREV.

7 *‘velut dedi noxae inimico.’* Hae Siculorum querelae, U. C. 542.  
domos primum nobilium circumlatae, celebrataeque sermo- A. C. 210.  
nibus, quos partim misericordia Siculorum, partim invidia  
Marcelli excitabat, in senatum etiam pervenerunt. Postu- Mutantur  
latum a consulibus est, ut de permutandis provinciis senatum provinciae.  
consulerent. Marcellus, *‘si iam auditi ab senatu Siculi  
‘essent, aliam forsitan futuram fuisse sententiam suam,’  
dicere. ‘Nunc, ne quis timore frenari eos dicere posset,  
‘quo minus de eo libere querantur, in cuius potestate mox  
‘futuri sint, si collegae nihil intersit, mutare se provinciam  
8 ‘paratum esse. Deprecari senatus praeiudicium; nam,  
‘quum extra sortem collegae optionem dari provinciae ini-  
9 ‘quum fuerit, quanto maiorem iniuriam, imo contumeliam  
‘esse, sortem suam ad eum transferri?’* Ita senatus, quum,  
quid placeret, magis ostendisset, quam decreasset, dimittitur.  
Inter ipsos consules permutatio provinciarum, rapiente fato  
Marcellum ad Hannibalem, facta est: ut, ex quo primus  
adversae pugnae gloriam ceperat, in eius laudem postremus  
Romanorum imperatorum, prosperis tum maxime bellicis  
rebus, caderet.

Permutatis provinciis, Siculi, in senatum introducti, 30.  
multa de Hieronis regis fide perpetua erga populum Roma- Siculorum  
num verba fecerunt, in gratiam publicam avertentes, *‘Hie- oratio in  
Marcel-  
lum.*  
ronymum ac postea Hippocratem et Epicydem tyrannos,  
‘quum ob alia, tum propter defectionem ab Romanis ad  
‘Hannibalem, invisos fuisse sibi. Ob eam causam et Hie-  
‘ronymum a principibus iuventutis prope publico consilio  
‘interfectum: et in Epicydis Hippocratisque caedem sep-  
‘tuaginta nobilissimorum iuvenum coniurationem factam;  
‘quos, Marcelli mora destitutos, quia ad praedictum tempus  
‘exercitum ad Syracusas non admovisset, indicio facto,  
‘omnes ab tyrannis interfectos. Eam quoque Hippocratis  
‘atque Epicydis tyrannidem Marcellum excitasse, Leontinis  
‘crudeliter direptis. Nunquam deinde principes Syracusa-  
‘norum desisse ad Marcellum transire, pollicerique, se ur-  
‘bem, quum vellet, ei tradituros. Sed eum primo vi capere  
‘maluisse: dein, quum id neque terra, neque mari, omnia

7 *Dedi noxae]* Discrimen inter *noxam* et *noxam* Oudendorp. ad Sueton. Caesar. 81. ita constituit, scilicet *noxam* vere adiectivum, subintellecto *culpam* vel *rem*, semper significare culpam, iniuriam, peccatum: *noxam* culpae poenam, unde *noxas dare*, et hinc quodvis detrimentum ac damnum. cf. Ruhnken. Opusc. p. 743. supr. ii. 59.

8 *Praeiudicium]* Precari ne decretum interponatur senatûs, quo minus

haec res sui ipsius iudicio et collegae permittatur.

9 *Iniuriam, imo contumeliam]* *Iniuria* est id quod fit contra ius, *iniustice*; *contumelia* denotat probum, *affront*. CREV.

1 *In gratiam publicam avertentes]* Id agentes, ut pro meritis Hieronis in populum Romanum gratia toti Syracusanorum civitati habenda videretur. CREV.

U. C. 542. 'expertus, potuisset, auctores traditarum Syracusarum  
 A. C. 210. 'fabrum aerarium Sosim, et Mericum Hispanum, quam  
 'principes Syracusanorum habere, toties id nequicquam  
 'ultra offerentes, praeoptasse: quo scilicet iustiore de causa  
 'vetustissimos socios populi Romani trucidaret, ac diriperet.  
 'Si non Hieronymus ad Hannibalem defecisset, sed popu-  
 'lus Syracusanus et senatus; si portas Marcello Syracusani  
 'publice, et non, oppressis Syracusanis, tyranni eorum Hip-  
 'pocrates et Epicydes, clausissent; si Carthaginiensium  
 'animis bellum cum populo Romano gessissent: quid ultra,  
 'quam quod fecerit, nisi ut deleret Syracusas, facere hosti-  
 'liter Marcellum potuisse? Certe praeter moenia et tecta  
 'exhausta urbis, et refracta ac spoliata deum delubra, diis  
 'ipsis ornamentisque eorum ablatis, nihil relictum Syracusis  
 'esse. Bona quoque multis adempta, ita ut ne nudo qui-  
 'dem solo, reliquiis direptae fortunae, alere sese ac suos  
 'possent. Orare se Patres conscriptos, ut, si nequeant  
 'omnia, saltem, quae compareant cognoscique possint, re-  
 'stitui dominis iubeant.' Talia conquestos quum excedere  
 ex templo, ut de postulatis eorum Patres consuli possent,  
 Laevinus iussisset, 'Maneant imo,' inquit Marcellus, 'ut  
 'coram his respondeam, quando ea conditione pro vobis,  
 'Patres conscripti, bella gerimus, ut victos armis accusatores  
 'habeamus. Duae captae hoc anno urbes Capua Fulvium  
 'reum, Marcellum Syracusae habeant.' Reductis in curiam  
 legatis, tum consul, 'Non adeo maiestatis,' inquit, 'populi  
 'Romani imperiique huius oblitus sum, Patres conscripti,  
 'ut, si de meo crimine ambigeretur, consul dicturus causam,  
 'accusantibus Graecis, fuerim. Sed non, quid ego fecerim,  
 'in disquisitionem venit, quam quid isti pati debuerint.  
 'Qui si non fuerunt hostes, nihil interest, nunc, an vivo Hie-  
 'rone, Syracusas violaverim. Sin autem desciverunt, legatos  
 'nostros ferro atque armis petierunt, urbem ac moenia  
 'clauserunt, exercituque Carthaginiensium adversus nos  
 'tutati sunt; quis passos esse hostilia, quum fecerint, indig-  
 'natur? Tradentes urbem principes Syracusanorum aver-  
 'satus sum: Sosim et Mericum Hispanum, quibus tantum

31.  
 Siculis re-  
 spondet  
 Marcellus.

2 *Ita ut ne nudo quidem solo*] sc. Postquam solum fere nudatum erat. Conqueruntur nimirum Syracusani, post spoliata urbem ac domos, etiam reliquias direptae fortunae, id est, privata bona, agros, domos, etc. multis quoque adempta. CREV.

5 *Templo*] In loco enim auguriis consecrato senatus semper habebatur. CREV.

4 *Maneant imo*] Rhenanus ex suo

codice inseruit vocem *imo*, quae ceteri scripti carent. CREV.

5 *Imperiique huius*] Et imperii consularis, quod gero. CREV.

6 *Sed non, quid ego fecerim, in disquisitionem venit, quam*] Particula *tam* in primo membro supplenda est, ut et supr. 18. Monebimus tamen vocem *quam* esse a Gronovio. Pro ea scripti habent *nam*: Andreas et Campanus *sed*. CREV.

- 7 'crederem, potiores habui. Non estis extremi Syracusano- U. C. 542.  
'rum, quippe qui aliis humilitatem obiiciatis. Quis est A. C. 210.  
'vestrum, qui se mihi portas aperturum, qui armatos mili-  
'tes meos in urbem accepturum promiserit? Odistis et ex-  
'secramini eos, qui fecerunt, et ne hic quidem contumeliis  
'in eos dicendis parcitis: tantum abest, ut et ipsi tale quic-  
'quam facturi fueritis. Ipsa humilitas eorum, Patres con-  
'scripti, quam isti obiiciunt, maximo argumento est, me  
'neminem, qui navatam operam reipublicae nostrae velit,  
'aversatum esse. Et, antequam obsiderem Syracusas, nunc  
'legatis mittendis, nunc ad colloquium eundo, tentavi pa-  
'cem: et, postquam neque legatos violandi verecundia erat,  
'nec mihi ipsi congresso ad portas cum principibus respon-  
'sum dabatur, multis terra marique exhaustis laboribus,  
'tandem vi atque armis Syracusas cepi. Quae captis acci-  
8 'derint, apud Hannibalem et Carthaginienses victosque  
'iustius, quam apud victoris populi senatum, quererentur.  
'Ego, Patres conscripti, Syracusas spoliatas si negaturus  
'essem, nunquam spoliis earum urbem Romam exornarem.  
'Quae autem singulis victor aut ademi, aut dedi, quum  
'belli iure, tum ex cuiusque merito, satis scio me fecisse.  
9 'Ea vos rata habeatis, Patres conscripti, nae magis reipu-  
'blicae interest, quam mea. Mea quippe fides exsoluta est:  
'ad rempublicam pertinet, ne acta mea rescindendo, alios in  
'posterum segniores duces faciatis. Et quoniam coram et  
'Siculorum et mea verba audistis, Patres conscripti, simul  
'templo excedemus, ut, me absente, liberius consuli senatus  
'possit.' Ita dimissis Siculis, et ipse in Capitolium ad de-  
lectum discessit. Consul alter de postulatis Siculorum ad  
1 Patres retulit. Ibi quum diu de sententiis certatum esset, et  
magna pars senatus, principe eius sententiae T. Manlio Tor-  
quato, 'cum tyrannis bellum gerendum fuisse,' censerent,  
'hostibus et Syracusanorum et populi Romani: et urbem  
2 'recipi, non capi: et receptam legibus antiquis et libertate  
'stabiliri, non fessam miseranda servitute bello affligi. Inter  
'tyrannorum et ducis Romani certamina, praemium victoris  
'in medio positam urbem pulcherrimam ac nobilissimam

32.

7 *Extremi Syracusanorum*] sc. Infimae inter Syracusanos sortis, ut qui Merico et Sosidi humilitatem exprobetis. Vult enim Marcellus dicere; quum vos et ipsi ex principibus Syracusanorum sitis, quos urbem mihi tradituros fuisse iactatis, quis est vestrum etc. RASCHIG.

8 *Viotosque*] *Viotos secum* ex commendatione Gronovii, licet nullus codex astipuletur, reposuit Bekker.

Doer. autem simpliciter dedit *viotos*, quod Colbert. probat.

9 *Ea vos rata habeatis*] Intellige ut, ex more admodum usitato. CREV.

1 *De sententiis*] Praepositionem delendam censet Gronov. quem Bekker secutus est.

2 *Recipi, non capi*] Intellige vocem oportuisse, quae in antecedenti gerendum fuisse latet.



U. C. 542. 'periisse, horreum atque aerarium quondam populi Ro-  
 A. C. 210. 'mani: cuius munificentia ac donis multis tempestatibus,  
 'hoc denique ipso Punico bello, adiuta ornataque respublica  
 'esset. Si ab inferis exsistat rex Hiero, fidissimus imperii  
 'Romani cultor, quo ore aut Syracusas, aut Romam ei  
 'ostendi posse? quum, ubi semirutam ac spoliatam patriam  
 'respexisset, ingrediens Romam in vestibulo urbis, prope in  
 'porta, spolia patriae suae visurus sit?' Haec taliaque  
 quum ad invidiam consulis miserationemque Siculorum di-  
 cerentur, mitius tamen decreverunt Patres causa Marcelli:  
 'Quae is gerens bellum victorque egisset, rata habenda esse.  
 'In reliquum curae senatui fore rem Syracusanam, manda-  
 'tuosque consuli Laevino, quod sine iactura reipublicae  
 'fieri posset, fortunis eius civitatis consuleret.' Missis  
 duobus senatoribus in Capitolium ad consulem, uti rediret  
 in curiam, et introductis Siculis, senatusconsultum recitatum  
 est: legatique, benigne appellati ac dimissi, ad genus se  
 Marcelli consulis proiecerunt, obsecrantes, 'ut, quae de plo-  
 'randae ac levandae calamitatis causa dixissent, veniam iis  
 'daret, et in fidem clientelamque se urbemque Syracusas ac-  
 'ciperet.' Post haec consul clementer appellatos dimisit.

Senatus-  
consultum  
de Syracu-  
sanorum  
rebus.

Syracusae  
in clientela  
Marcelli.

33.  
Campanis  
datur sena-  
tus.

Campanis deinde senatus datus est, quorum oratio misera-  
 bilior, causa durior erat. Neque enim meritas poenas ne-  
 gare poterant, nec tyranni erant, in quos culpam conferrent:  
 sed satis pensum poenarum, tot veneno absumptis, tot se-  
 curi percussis senatoribus, credebant. 'Paucos nobilium  
 'superstitibus esse, quos nec sua conscientia, ut quicquam de  
 'se gravius consulerent, impulerit, nec victoris ira capitis  
 'damnaverit; eos libertatem sibi suisque, et bonorum ali-  
 'quam partem orare, cives Romanos, affinitatibus plerosque  
 'et propinquis iam cognationibus ex connubio vetusto  
 'iunctos.' Summotis deinde e templo, paullisper dubi-  
 tatum, an arcessendus a Capua Q. Fulvius esset, (mortuus  
 enim post captam Claudius consul erat) ut coram impe-  
 ratore, qui res gessisset, sicut inter Marcellum Siculosque  
 disceptatum fuerat, disceptaretur: dein, quum M. Atilium,  
 C. Fulvium fratrem Flacci, legatos eius, ac Q. Minucium et

3 *Prope in porta*] Ad portam Ca-  
 penam erant templa a Marcello dedi-  
 cata, et spoliis Syracusarum exornata,  
 ut memoravit Livius supr. xxv. 40.  
 CREV.

4 *Gravius consulerent*] sc. Morte  
 sibi consciscenda.

5 *Ex connubio vetusto*] Connu-  
 bium peregrinis cum civibus Romanis  
 non erat. Quum vero Campanis ann.  
 U. C. 417. civitas sine suffragio data  
 esset, municipales Romani fiebant, ne-

que amplius peregrinis annumeraba-  
 tur. Unde connubium iis cum Ro-  
 manis vetustum fuisse patet. cf. supr.  
 viii. 14.

6 *Claudius consul*] Ob prorogatum  
 consulare imperium *consul* dicitur,  
 qui proconsul appellandus erat, quem-  
 admodum paullo post de Fulvio et  
 Claudio: *In consilio* . . . *consulibus*.  
 Saepe autem, sicut praetorem pro  
 praetore, ita consulem pro pro-  
 consule dici animadvertit Drakenh.



L. Veturium Philonem, item Claudii legatos, qui omnibus U. C. 542.  
gerendis rebus affuerant, in senatu viderent, nec Fulvium A. C. 210.  
avocari a Capua, nec differri Campanos vellent; interro- M. Atilii  
gatus sententiam M. Atilius Regulus, cuius ex iis, qui ad sententia.  
Capuam fuerant, maxima auctoritas erat: 'In consilio,'  
7 inquit, 'arbitror me fuisse consulibus, Capua capta, quum  
'quaereretur, ecquis Campanorum de republica nostra bene  
'meritus esset: duas mulieres compertum est, Vestiam  
'Oppiam Atellanam Capuae habitantem, et Fauculam Clu-  
'viam, quae quondam quaestum corpore fecisset; illam  
'quotidie sacrificasse pro salute et victoria populi Romani;  
'hanc captivis egentibus alimenta clam suppeditasse.  
'Ceterorum omnium Campanorum eundem erga nos ani-  
'mum, quem Carthaginensium, fuisse: securique percussos  
'a Q. Fulvio esse magis, quorum dignitas inter alios, quam  
'quorum culpa eminebat. Per senatum agi de Campanis,  
'qui cives Romani sunt, iniussu populi non video posse:  
8 'idque et apud maiores nostros in Satricanis factum est,  
'quum defecissent, ut M. Antistius tribunus plebis prius ro-  
9 'gationem ferret, sciretque plebs, uti senatui de Satricanis  
'sententiae dicendae ius esset. Itaque censeo, cum tri-  
'bunis plebis agendum esse, ut eorum unus pluresve roga-  
'tionem ferant ad plebem, qua nobis statuendi de Campanis  
'ius fiat.' L. Atilius tribunus plebis ex auctoritate senatus  
plebem in haec verba rogavit: 'Omnes Campani, Atellani,  
'Calatini, Sabatini, qui se dediderunt in arbitrium ditio-  
'nemque populi Romani Fulvio proconsuli, quaeque una  
'secum dediderunt, agrum urbemque, divina, humanaque,  
'utensiliaque, sive quid aliud dediderunt; de iis rebus quid  
'fieri velitis, vos rogo, Quirites.' Plebes sic iussit: 'Quod  
1 'senatus iuratus, maxima pars, censeat, qui assidetis, id  
'volumus iubemusque.' Ex hoc plebeiscito senatus con- 34.  
sultus 'Oppiae Cluviaeque primum bona ac libertatem Senatus-  
'restituit: si qua alia praemia petere ab senatu vellent, consultum  
'venire eas Romam.' Campanis in familias singulas decreta de Campu-  
nis.

7 *Arbitror*] Duker. quaerit, cur *arbitrari* se dicit, quod haud dubie pro certo sciebat. Ceterum voce *arbitror* uti solebant etiam testes, licet iurati aliquid deferrent. cf. supr. iii. 13. iv. 40. Cic. pro Font. 12.

8 *In Satricanis*] De Satricanorum defectione cf. supr. ix. 16. ubi tamen rei hic memoratae nulla fit mentio. DOER.

9 *Sciretque plebs*] Dubitari potest, utrum mendum sit in verbo *sciret*, legendumque sit, *scisceret*; an vero haec verba *scio* et *scisco* promiscui sint usus, et alterum alterius locum

ac vices obtinere possit. Quemadmodum enim hic *sciret* pro *scisceret*, sic apud Plautum in Amphitr. Act. v. Sc. 1. *ut sciscam quid velit*, id est, *ut sciam*; et apud nostrum infr. xxvii. 35. *et praesciscere, quam quisque eorum provinciam . . . haberet*. CREV.

1 *Senatus iuratus*] Iuratum senatum in rebus gravioribus sententiam dixisse, et apud Ciceronem passim invenitur, et ap. Livium infr. xxx. 40. xlii. 21. Illud *qui assidetis* propterea addi, ne forte in infrequentia senatus aliqua mora faciendi senatusconsulti esse posset, monet Gronov.

U. C. 542. facta, quae non operae pretium est omnia enumerare.  
 A. C. 210. 'Aliorum bona publicanda: ipsos liberosque eorum et coniuges vendendas, extra filias, quae enupsissent prius, quam in populi Romani potestatem venirent. Alios in vincula condendos, ac de his posterius consulendum.' Aliorum Campanorum summam etiam census distinxerunt, publicanda necne bona essent; 'pecua captiva, praeter equos, et mancipia, praeter puberes virilis sexus, et omnia, quae solo non containerentur, restituenda,' censuerunt, 'dominis Campanos omnes, Atellanos, Calatinos, Sabatinos, extra quam, qui eorum, aut ipsi aut parentes eorum, apud hostes essent, liberos esse,' iusserunt, 'ita ut nemo eorum civis Romanus, aut Latini nominis esset: neve quis eorum, qui Capuae fuissent, dum portae clausae essent, in urbe agrove Campano intra certam diem maneret. Locus, ubi habitarent, trans Tiberim, qui non contingeret Tiberim, daretur. Qui nec Capuae, nec in urbe Campana, quae a populo Romano defecisset, per bellum fuissent, eos cis Lirim amnem Romam versus; qui ad Romanos transissent prius, quam Hannibal Capuam veniret, cis Vulturum emovendos,' censuerunt: 'ne quis eorum propius mare quindecim millibus passuum agrum aedificiumve haberet. Qui eorum trans Tiberim emoti essent, ne ipsi posterive eorum uspiam pararent haberentve, nisi in Veiente, aut: Sutrino, Nepesinove agro: dum ne cui maior, quam quinquaginta iugerum, agri modus esset. Senatorum omnium, quique magistratus Capuae, Atellae, Calatiae gessissent, bona venire Capuae,' iusserunt: 'libera corpora, quae venundari placuerat, Romam mitti, ac Romae venire. Signa, statuas aeneas, quae capta de hostibus dicerentur, quae eorum sacra ac profana essent, ad pontificum collegium' reiecerunt. Ob haec decreta maestiores aliquanto, quam Romam venerant, Campanos dimiserunt. Nec iam Q. Fulvii saevitiam in sese, sed iniquitatem deum atque execrabilem fortunam suam incusabant.

35. Dimissis Siculis Campanisque, delectus habitus. Scripto deinde exercitu, de remigum supplemento agi coeptum.

2 *Enupsissent*] sc. E patris domo per nuptias exiissent.

3 *Summam etiam census distinxerunt*] *Summa* est multitudo, turba, ut sensus sit; reliqui Campani, in quos singulos non decretum erat, secundum census puniti sunt. ERNEST. Ceterum alii *distinxerunt* ad nominativum *senatores* referunt, inter quos Crevier. et Raschig. numerandi sunt.

4 *Campanos omnes . . . liberos esse, iusserunt*] Ex his verbis, et iis quae

sequuntur, patet Livium, dum scripsit supr. 16. multitudinem civium Campanorum venundatam, magis ostendisse, quid facere decreverit Flaccus, quam quid fecerit. Nempe ille iusserat Campanos venundari. At, re in hoc tempus extracta, senatus eius decretorum severitatem hac quidem in parte mitigavit. CREV.

5 *Pararent haberentve*] Nempe agrum aedificiumve. DOER.

In quam rem quum neque hominum satis, nec, ex qua U. C. 542.  
 pararentur, stipendiumque acciperent, pecuniae quicquam A. C. 210.  
 6 ea tempestate in publico esset, edixerunt consules, ut pri- Edictum  
 7 vati ex censu ordinibusque, sicut antea, remiges darent cum Coss. de  
 stipendio cibariisque dierum triginta. Ad id edictum tan- remigibus  
 tus fremitus hominum, tanta indignatio fuit, ut magis dux, dandis.  
 quam materia, seditioni deesset. 'Secundum Siculos Cam- Querelas  
 'panosque plebem Romanam perdendam lacerandamque excitat.  
 'sibi consules sumpsisse. Per tot annos tributo exhaustos  
 'nil reliqui praeter terram nudam ac vastam, habere.  
 'Tecta hostes incendisse, servos agri cultores rempublicam  
 'abduxisse, nunc ad militiam parvo aere emendo, nunc  
 'remiges imperando. Si quid cui argenti aerisve fuerit,  
 'stipendio remigum et tributis annuis ablatum. Se, ut  
 'dent, quod non habeant, nulla vi, nullo imperio cogi posse.  
 'Bona sua venderent: in corpora, quae reliqua essent, sae-  
 'virent. Ne unde redimantur quidem, quicquam super-  
 'esse.' Haec non in occulto, sed propalam in foro atque  
 oculis ipsorum consulum ingens turba circumfusi fremebant:  
 nec eos sedare consules, nunc castigando, nunc consolando,  
 poterant. Spatium deinde his tridui se dare ad cogitandum  
 dixerunt: quo ipsi ad rem inspiciendam expediendamque  
 8 usi sunt. Senatum postero die habuerunt de remigum Consilia ea  
 supplemento: ubi quum multa disseruissent, cur aequa de re.  
 plebis recusatio esset, verterunt orationem eo, ut dicerent,  
 'Privatis id, seu aequum, seu iniquum, onus iniungendum  
 'esse. Nam unde, quum pecunia in aerario non esset,  
 9 'paraturos navales socios? Quomodo autem sine classibus  
 'aut Siciliam obtineri, aut Italia Philippum arceri posse,  
 'aut tuta Italiae litora esse?' Quum in hac difficultate re- 36.  
 'rum consilium haereret, ac prope torpor quidam occupasset Laevini  
 hominum mentes, tum Laevinus consul, 'Magistratus Cos. sen-  
 'senatui, et senatum populo, sicut honore praestent, ita ad tentia.  
 'omnia, quae dura atque aspera essent, subeunda duces de-  
 'bere esse. Si quid iniungere inferiori velis, id prius in te  
 9 'ac tuos si ipse iuris statueris, facilius omnes obedientes  
 1 'habeas. Nec impensa gravis est, quum ex ea plus quam  
 'pro virili parte sibi quemque capere principum vident.  
 'Itaque classes habere atque ornare volumus populum Ro-  
 'manum? privatos sine recusatione remiges dare? nobismet  
 'ipsis primum imperemus. Aurum, argentum, aes signatum  
 'omne senatores crastino die in publicum conferamus: ita

6 *In publico*] sc. Aerario. DOER.

7 *Sicut antea*] cf. Supr. xxiv. 11.

8 *Navales socios*] Socii navales hoc loco sunt remiges, ut ex praecedentibus constat. CREV.

9 *Iuris*] Hic non quod per leges fieri debet, sed quod officio erga patriam convenit, intelligendum est.

1 *Gravis est*] Ceteris civibus gravis esse videbitur.

U. C. 542. 'ut annulos sibi quisque, et coniugi, et liberis, et filio bul-  
 A. C. 210. 'lam, et, quibus uxor filiaeve sunt, singulas uncias pondo:  
 'auri relinquant; argenti, qui curuli sella sederunt, equi  
 'ornamenta et libras pondo, ut salinum patellamque deorum;  
 'causa habere possint. Ceteri senatores libram argenti  
 'tantum, aeris signati quina millia in singulos patres familiae  
 'relinquamus. Ceterum omne aurum, argentum, aes sig-  
 'natum, ad triumviros mensarios extemplo deferamus, nullo  
 'ante senatusconsulto facto: ut voluntaria collatio et cer-  
 'tamen adiuvandae reipublicae excitet ad aemulandum ani-  
 'mos primum equestris ordinis, dein reliquae plebis. Hanc  
 'unam viam, multa inter nos collocuti, consules invenimus.  
 'Ingredimini, diis bene iuvantibus. Respublica incolumis;  
 'et privatas res facile salvas praestat: publica prodendo, tua  
 'nequicquam serves.' In haec tanto animo consensum est,

Magistr. et  
 senatores  
 pecuniam  
 sponte con-  
 ferunt.

Idem faci-  
 unt eque-  
 stris ordo et  
 plebs.

37.  
 Paria tum  
 omnia in-  
 ter Roma-  
 nos Poe-  
 nosque.

ut gratiae ultro consulibus agerentur. Senatu inde misso,  
 pro se quisque aurum, argentum et aes in publicum confe-  
 runt, tanto certamine iniecto, ut prima inter primos nomina  
 sua vellent in publicis tabulis esse; ut nec triumviri acci-  
 piundo, nec scribae referendo sufficerent. Hunc consensum  
 senatus equestris ordo est secutus: equestris ordinis, plebes.  
 Ita sine edicto, sine coercitione magistratus, nec remige in  
 supplementum, nec stipendio respublica eguit: paratisque  
 omnibus ad bellum, consules in provincias profecti sunt.

Neque aliud tempus belli fuit, quo Carthaginienses Ro-  
 manique pariter variis casibus immixti magis in ancipiti spe  
 ac metu fuerint. Nam Romanis et in provinciis, hinc in  
 Hispania adversae res, hinc prosperae in Sicilia, luctum et  
 laetitiam miscuerant: et in Italia, quum Tarentum amissum  
 damno et dolori, tum arx cum praesidio retenta praeter  
 spem gaudio fuit: et terrorem subitum pavoremque urbis  
 Romae obsessae et oppugnatae Capua post dies paucos  
 capta in laetitiam vertit. Transmarinae quoque res quadam;

1 *Et filio bullam*] Pueri ingenui  
 bullam auream in figuram cordis for-  
 matam e collo suspensam ante pec-  
 tus gerebant: quam simul cum toga  
 praetexta, ubi in viros ascribebantur,  
 deponebant. Libertinorum filii pro  
 bulla aurea lorum in collo, sive bul-  
 lam scorteam praeferebant. Vid. Ma-  
 crob. Saturn. i. 6. et Ascon. in Cic.  
 Verr. iii. CREV.

2 *Singulas uncias pondo auri*] Ita  
 ut uxor filiaeque singulas uncias auri  
 habeant ad ornatum suum. Aliquid  
 tamen morae facere potest quod di-  
 scimus infr. xxxiv. i. sc. cautum fuisse  
 lege Oppia, paucis ante hoc tempus  
 annis lata, ne qua mulier plus semun-

cia auri haberet. Crevierius legen-  
 aliquando neglectam fuisse censet;  
 Gronovius *filiaeque* legendum vult, ita  
 ut singulae auri unciae non solum  
 uxoribus, sed earum filiabus simul  
 relictas essent.

3 *Salinum patellamque deorum  
 causa*] Salinum et patella, in qua diis  
 apponebantur epulae, maximae reli-  
 gioni apud antiquos erant. CREV.

4 *Triumviros mensarios*] cf. Supr.  
 xxiii. 21. xxiv. 17.

5 *Respublica incolumis*] cf. Thuc.  
 ii. 60.

6 *Referendo*] Nempe in tabulas.

7 *Quadam vice pensatas*] Varie-  
 tate eventuum ita mistas, ut alternante

vice pensatae. Philippus hostis tempore haud satis oppor- U. C. 542.  
 tuno factus; Aetoli novi asciti socii, Attalusque Asiae rex, A. C. 210.  
 iam velut despondente fortuna Romanis imperium orientis.  
 Carthaginienses quoque Capuam amissam et Tarentum  
 captum aequabant: et, ut ad moenia urbis Romanae nullo  
 prohibente se pervenisse in gloria ponebant, ita pigebat  
 irriti incepti; pudebatque adeo se spretos, ut, sedentibus  
 ipsis ad Romana moenia, alia porta exercitus Romanus in  
 8 Hispaniam duceretur. Ipsae quoque Hispaniae, quo pro-  
 pius spem venerant, tantis duobus ducibus exercitibusque  
 caesis, debellatum ibi, ac pulsos inde Romanos esse; eo  
 plus, ab L. Marcio tumultuario duce ad vanum et irritum  
 victoriam redactam esse, indignationis praebebant. Ita  
 aequante fortuna, suspensa omnia utrimque erant, integra  
 spe, integro metu, velut illo tempore primum bellum  
 inciperent.

Hannibalem ante omnia angebat, quod Capua, pertina- 38.  
 cius oppugnata ab Romanis, quam defensa ab se, multo- Hannibalis  
 rum Italiae populorum animos averterat: quos neque om- anxietas.  
 nes tenere praesidiis, nisi vellet in multas parvasque partes  
 carpere exercitum, quod minime tum expediebat, poterat:  
 9 nec, deductis praesidiis, spei liberam vel obnoxiam timori so-  
 ciorum relinquere fidem. Praeceptis in avaritiam et crudelita- Vastat  
 tem animus ad spolianda, quae tueri nequibat, ut vastata hosti quae tueri  
 relinquerentur, inclinavit. Id foedum consilium, quum in- nequit.  
 cepto, tum etiam exitu fuit. Neque enim indigna patien-  
 tium modo abalienabantur animi, sed ceterorum etiam:  
 quippe ad plures exemplum, quam calamitas, pertinebat.  
 Nec consul Romanus tentandis urbibus, sicunde spes aliqua  
 se ostendisset, deerat. Salapiae principes erant Dasius et Blattius et  
 Blattius: Dasius Hannibali amicus; Blattius, quantum ex Dasius Sa-  
 tuto poterat, rem Romanam fovebat, et per occultos nun- lapiae  
 tios spem prodicionis fecerat Marcello; sed sine adiutore principes.  
 Dasio res transigi non poterat. Multum ac diu cunctatus,  
 et tum quoque magis inopia consilii potioris, quam spe  
 effectus, Dasium appellabat. At ille, quum ab re aversus,  
 tum aemulo potentatus inimicus, rem Hannibali aperit.  
 Arcessito utroque, Hannibal quum pro tribunali quaedam  
 ageret, mox de Blattio cogniturus, starentque summo  
 populo accusator et reus: Blattius de prodicione Dasium  
 appellabat. ‘Enimvero,’ ille, velut in manifesta re, excla-  
 mat, ‘sub oculis Hannibalis secum de prodicione agi.’

fortuna adversa prosperis pensaren-  
 tur. CREV.

8 *Propius spem venerant*] sc. Car-  
 thaginienses. DUX.

9 *Spei liberam*] Relinquere socios

in eo statu, ubi fides eorum vel spem  
 veniae feliciorisque conditionis ab Ro-  
 manis ostentatam libere sequi, vel ti-  
 more concuti posset. CREV.

U. C. 542. Hannibali atque iis, qui aderant, quo audacior res erat,  
 A. C. 210. minus similis veri visa est. 'Aemulationem profecto atque  
 'odium esse: et id crimen afferri, quod, quia testem habere  
 'non posset, liberius fingenti sit.' Ita inde dimissi sunt.  
 Salapia tradita Marcello. Nec Blattius ante abstinit tamen tam audaci incepto, quam  
 idem obtundendo, docendoque, quam ea res ipsis patriaeque  
 salutaris esset, pervicit, ut praesidium Punicum (quingenti  
 autem Numidae erant) Salapiaque traderetur Marcello.  
 Nec sine caede multa tradi potuit: longe fortissimi equitum  
 toto Punico exercitu erant. Itaque, quanquam improvisa  
 res fuit, nec usus equorum in urbe erat, tamen, armis inter  
 tumultum captis, et eruptionem tentaverunt, et, quum eva-  
 dere nequirent, pugnantes ad ultimum occubuerunt. Nec  
 plus quinquaginta ex his in potestatem hostium vivi vene-  
 runt; plusque aliquanto damni haec ala equitum amissa  
 Hannibali, quam Salapia, fuit: nec deinde unquam Poenus,  
 quo longe plurimum valuerat, equitatu superior fuit.

39.

In Taren-  
 tina arce  
 inopia.

D. Quin-  
 ctius dux  
 Rom. clas-  
 sis.

Proelium  
 Rom. et  
 Tarentinae  
 classis.

Per idem tempus, quum in arce Tarentina vix inopia  
 tolerabilis esset, spem omnem praesidium, quod ibi erat,  
 Romanum praefectusque praesidii atque arcis M. Livius in  
 com meatibus ab Sicilia missis habebant. Qui ut tuto prae-  
 terveherentur oram Italiae, classis viginti ferme navium  
 Rhegii stabat. Praeerat classi com meatibusque D. Quin-  
 ctius, obscuro genere ortus, ceterum multis fortibus factis  
 gloria militari illustris. Primo quinque naves, quarum  
 maximae duae triremes a Marcello ei traditae erant, ha-  
 buit: postea rem impigre saepe gerenti tres additae quin-  
 queremes: postremo ipse a sociis, Rheginisque, et a Velia,  
 et a Paesto, debitas ex foedere exigendo, classem viginti  
 navium, sicut ante dictum est, effecit. Huic ab Rhegio  
 profectae classi Democrates, cum pari classe navium Ta-  
 rentinarum numero, quindecim millia ferme ab urbe ad  
 Sacriportum obvius fuit. Velis tum forte, improvidus fu-  
 turi certaminis, Romanus veniebat. Sed circa Crotonem  
 Sybarimque suppleverat remigio naves, instructamque et  
 armatam egregie pro magnitudine navium classem habebat:  
 et tum forte sub idem fere tempus et venti vis omnis ceci-  
 dit, et hostes in conspectu fuere, ut ad componenda arma-  
 menta, expediendumque remigem ac militem ad imminens  
 certamen satis temporis esset. Raro alias tantis animis;

1 *Quingenti autem Numidae erant*] Repositus est numerus ab Sigonio et Gronovio ex Val. Max. iii. 8. qui hanc eandem rem memorans quingentos Numidas cum Salapia Marcello traditos esse memorat. Vulgo *hi autem Numidae erant*. CREV.

2 *Pari classe*] Vocem *classe* ut-

pote superfluum, atque etiam odiosam, delendam censet Crevier.

3 *Satis temporis esset*] Quia ventus subito cadens morae hostibus fuit. Cui tamen hoc non satisfaciet, is legat, contrario plane sensu, ex vet. lib. Sigonii, *vix satis*. CREV.



4 iustae concurrerunt classes; quippe quum in maioris dis- U. C. 542.  
 5 crimen rei, quam ipsae erant, pugnarent: Tarentini, ut, re- A. C. 210.  
 6 cuperata urbe ab Romanis post centesimum prope annum,  
 arcem etiam liberarent; spe commeatus quoque hostibus,  
 si navali proelio possessionem maris ademissent, interclu-  
 suros: Romani, ut, retenta possessione arcis, ostenderent,  
 non vi aut virtute, sed proditione ac furto, Tarentum amis-  
 sum. Itaque ex utraque parte signo dato quum rostris  
 concurrissent, neque navem inhiherent, nec dirimi ab se  
 hostem paterentur, quam quis indeptus navem erat, ferrea  
 iniecta manu; ita conserebant ex propinquo pugnam, ut  
 non missilibus tantum, sed gladiis etiam prope collato pede  
 gereretur res. Prorae inter se iunctae haerebant, puppes  
 7 alieno remigio circumagebantur. Ita in arto stipatae erant  
 naves, ut vix ullum telum in mari vanum intercideret.  
 Frontibus velut pedestris acies urgebant, perviaeque naves  
 pugnantis erant. Insignis tamen inter ceteras pugna  
 fuit duarum, quae primae agminis concurrerant inter se.  
 In Romana nave ipse Quinctius erat, in Tarentina Nico, Quinctii et  
Niconis  
certamen.  
 cui Perconi fuit cognomen, non publico modo, sed privato  
 etiam odio invisus atque infestus Romanis: quod eius fa-  
 ctionis erat, quae Tarentum Hannibali prodiderat. Hic Cadit  
Quinctius.  
 Quinctium, simul pugnans hortantemque suos, incau-  
 tum hasta transfigit: atque ille praiceps cum armis pro-  
 cidit ante proram. Victor Tarentinus, in turbatam duce  
 amisso navem impigre transgressus, quum summovisset  
 hostes, et prora iam Tarentinorum esset, puppim male con-  
 globati tuerentur Romani; repente et alia a puppi trire-  
 mis hostium apparuit. Ita in medio circumventa Romana Capta  
praetoria  
victi Ro-  
mani.  
 navis capitur. Hinc ceteris terror iniectus, ut praeto-  
 riam navem captam videre: fugientesque passim, aliae in  
 alto mersae, aliae in terram remis abreptae, mox praedae  
 fuere Thurinis Metapontinisque. Ex onerariis, quae cum  
 commeatu sequebantur, perpaucae in potestatem hostium  
 venere: aliae, ad incertos ventos hinc atque illinc obliqua  
 transferentes vela, in altum evectae sunt.

Nequaquam pari fortuna per eos dies Tarenti res gesta.  
 Nam ad quattuor millia hominum frumentatum egressa  
 quum in agris passim vagarentur, Livius, qui arci praesi-

4 *Iustae . . . . classes*] Classes eo  
 navium numero constantes, ut vere  
 ac merito classes dici possent. Nem-  
 pe viginti naves non erant iusta clas-  
 sis, sed aliquod classis instar. CREV.

5 *Quum in maioris*] Quum in illa-  
 rum pugna ageretur de rebus maio-  
 ris momenti quam quanti ipsae clas-  
 ses erant. Quae sint autem illae res,

mox explicat Livius. CREV.

6 *Post centesimum prope annum*] Hic sexagesimus tertius annus agitur  
 ab eo, quo captum est Tarentum,  
 L. Papirio, Sp. Carvilio, utroque ite-  
 rum Coss. quem nos numeramus ab  
 anno U. C. 480. CREV.

7 *Alieno remigio*] Aliarum navium  
 remigio, quibus alligatae erant.



U. C. 542. dioque Romano praeerat, intentus in omnes occasiones  
A. C. 210. gerendae rei, C. Persium, impigrum virum, cum duobus  
millibus armatorum ex arce emisit. Qui, vage effusos per  
agros palatosque adortus, quum diu passim cecidisset, paucos  
ex multis, trepida fuga incidentes semiapertis portarum  
foribus, in urbem compulit, ne urbs eodem impetu caperetur.  
Ita aequatae res ad Tarentum; Romanis victoribus  
terra, Tarentinis mari. Frumenti spes, quae in oculis fuerat,  
erat, utrosque frustrata pariter.

40. Per idem tempus Laevinus consul, iam magna parte anni  
Res in Sicilia gestae. circumacta, in Siciliam, veteribus novisque sociis expectatus,  
quum venisset, primum ac potissimum omnium ratus, Syracusis  
nova pace inconditas componere res. Agrigentum inde, quod belli  
reliquum erat, tenebaturque a Carthaginensium valido praesidio,  
duxit legiones. Et affuit fortuna incepto. Hanno erat imperator  
Carthaginensium, sed omnem in Mutine Numidisque spem repositam  
habebat. Per totam Siciliam vagus praedas agebat ex sociis  
Romanorum: neque intercludi ab Agrigento vi aut arte ulla,  
nec, quin erumperet, ubi vellet, prohiberi poterat. Haec eius gloria,  
quia iam imperatoris quoque famae officiebat, postremo in invidiam  
vertit; ut ne bene gestae quidem res iam Hannoni propter auctorem  
satis laetae essent. Propter quae postremo praefecturam eius filio suo  
dedit, ratus, cum imperio auctoritatem quoque ei inter Numidas  
erepturum. Quod longe aliter evenit. Nam veterem favorem  
eius sua insuper invidia auxit. Neque ille indignitatem iniuriae  
tulit, confestimque ad Laevinum occultos nuntios misit de tradendo  
Agrigento. Per quos ut est facta fides, compositusque rei gerendae  
modus, portam ad mare ferentem Numidae quum occupassent,  
pulsis inde custodibus, aut caesis, Romanos ad id ipsum missos in  
urbem acceperunt. Et quum agmine iam in media urbis ac forum  
magno tumultu iretur, ratus Hanno non aliud, quam tumultum  
ac secessionem, id quod et ante acciderat, Numidarum esse,  
ad comprimendam seditionem processit. Atque ille, quum ei  
multitudo maior, quam Numidarum, procul visa, et clamor Romanus  
haudquaquam ignotus ad aures accidisset, prius, quam ad ictum  
teli veniret, capessit.

Agrigentum Rom. traditum.

8 *Semiapertis . . ne urbs . . caperetur*] Hanc verborum collocationem vix Livianam esse censet Tan. Faber. quum noster velit innuere, ideo semiapertas fuisse portarum fores, ne urbs a Romanis eodem caperetur impetu.

9 *Habebat*] Ita plures mss. Sed Gronovius *habebant*, sc. Carthaginenses, emendavit, quippe Hanno, si

spem in Mutine repositam habuisset, eum profecto non irritasset ablata praefectura, quinetiam ipsum Hannem Mutines invidia urebat, ut apparet ex iis quae sequuntur. Hanc Gronovii emendationem firmat unus e Colb. mss. teste Donatio, et instar omnium Put. *Habebant*, Crevier. et Bekker. reposuerunt.

1 *Ad ictum teli*] Insolentior haec

fugam. Per aversam portam emissus, assumpto comite U. C. 542.  
 Epicyde, cum paucis ad mare pervenit: nactique oppor- A. C. 210.  
 tune parvum navigium, relictis hostibus Sicilia, de qua per Sicilia de-  
 tot annos certatum erat, in Africam traiecerunt. Alia Poenia.  
 multitudo Poenorum Siculorumque, ne tentato quidem cer-  
 tamine, quum caeci in fugam ruerent, clausique exitus es-  
 sent, circa portas caesa. Oppido recepto Laevinus, qui  
 capita rerum Agrigenti erant, virgis caesos securi percus-  
 sit: ceteros praedamque vendidit: omnem pecuniam Ro-  
 mam misit. Fama Agrigentinorum cladis Siciliam quum  
 pervasisset, omnia repente ad Romanos inclinaverunt. Pro-  
 dita brevi sunt viginti oppida: sex vi capta: voluntaria de-  
 ditione in fidem venerunt ad quadraginta. Quarum civi-  
 tatum principibus quum pro cuiusque merito consul pretia  
 poenasque exsolvisset, coegissetque Siculos, positis tandem  
 armis, ad agrum colendum animos convertere, ut esset non  
 incolarum modo alimentis frugifera insula, sed urbis Romae  
 atque Italiae, id quod multis saepe tempestatibus fecerat, an-  
 nonam levaret; ab Agathyrna inconditam multitudinem se-  
 cum in Italiam transvexit. Quattuor millia hominum erant,  
 mixti ex omni colluvione exsules, obaerati, capitalia ausi  
 plerique; et quum in civitatibus suis ac sub legibus vixerant,  
 et postquam eos ex variis causis fortuna similis conglobave-  
 rat Agathyrnam, per latrocinia ac rapinam tolerantes vitam.  
 Hos neque relinquere Laevinus in insula, tum primum  
 nova pace coalescente, velut materiam novandis rebus, satis  
 tutum ratus est: et Rheginis usui futuri erant ad populan-  
 dum Bruttium agrum, assuetam latrociniiis quaerentibus  
 manum. Et, quod ad Siciliam attinet, eo anno debellatum  
 est.

- 2 In Hispania principio veris P. Scipio, navibus deductis, 41.  
 evocatisque edicto Tarraconem sociorum auxiliis, classem Hispaniae  
 onerariasque ostium inde Iberi fluminis petere iubet. res.  
 Eodem legiones ex hibernis convenire quum iussisset: ipse  
 cum quinque millibus sociorum ab Tarracone profectus ad  
 exercitum est. Quo quum venisset, alloquendos maxime  
 veteres milites, qui tantis superfuerant cladibus, ratus, con-  
 cione advocata, ita disseruit: 'Nemo ante me novus impe- Scipionis  
 'rator militibus suis prius, quam opera eorum usus esset, oratio ad  
 'gratias agere iure ac merito potuit. Me vobis prius, quam milites.  
 'provinciam aut castra viderem, obligavit fortuna: primum,  
 'quod ea pietate erga patrem patruumque meum vivos  
 'mortuosque fuistis: deinde, quod amissam tanta clade

locutio Drakenb. videtur, qui *sub ictu*  
 vel *sub iotum* Latine potius dici vult.  
 Perizonius ad *iactum teli* coniecit.

*ducere* et *subducere* opponuntur. *De-*  
*ducuntur* naves in mare, *subducuntur*  
 in siccum. CREV.

2 Navibus deductis] In mare. De-

U. C. 542. 'provinciae possessionem, integram, et populo Romano et  
 A. C. 210. 'successori mihi, virtute vestra obtinuistis. Sed quum iam  
 'benignitate deum id paremus atque agamus, non ut ipsi  
 'maneamus in Hispania, sed ne Poeni maneant, nec ut pro  
 'ripa Iberi stantes arceamus transitu hostes, sed ut ultro  
 'transeamus, transferamusque bellum; vereor, ne cui ve-  
 'strum maius id audaciusque consilium, quam aut pro me-  
 'moria cladium nuper acceptarum, aut pro aetate mea, vide-  
 'atur. Adversae pugnae in Hispania nullius in animo, quam  
 'meo, minus obliterari possunt: quippe cui pater et patruus  
 'intra triginta dierum spatium, ut aliud super aliud cumu-  
 'laretur familiae nostrae funus, interfecti sunt. Sed ut  
 'familiaris paene orbitas ac solitudo frangit animum; ita  
 'publica quum fortuna tum virtus desperare de summa re-  
 'rum prohibet. Ea fato quodam data nobis sors est, ut  
 'magnis omnibus bellis victi vicerimus. Vetera omitto,  
 'Porsennam, Gallos, Samnites: a Punicis bellis incipiam.  
 'Quot classes, quot duces, quot exercitus priore bello  
 'amissi sunt? Iam quid hoc bello memorem? Omnibus aut;  
 'ipse affui cladibus: aut, quibus afui, maxime unus omnium  
 'eas sensi. Trebia, Trasimenus, Cannae, quid aliud sunt,  
 'quam monumenta occisorum exercituum consulumque  
 'Romanorum? Adde defectionem Italiae, Siciliae maioris;  
 'partis, Sardiniae. Adde ultimum terrorem ac pavorem,  
 'castra Punica inter Anienem et moenia Romana posita,  
 'et visum prope in portis victorem Hannibalem. In hac  
 'ruina rerum stetit una integra atque immobilis vir-  
 'tus populi Romani. Haec omnia strata humi erexit ac  
 'sustulit. Vos omnium primi, milites, post Cannensem  
 'cladem vadenti Hasdrubali ad Alpes Italiamque, (qui si se  
 'cum fratre coniunxisset, nullum iam nomen esset populi  
 'Romani) ductu auspicioque patris mei obstitistis. Et hae  
 'secundae res illas adversas sustinuerunt. Nunc, benigni-  
 'tate deum, omnia secunda, prospera, in dies laetiora ac  
 'meliora in Italia Siciliaque geruntur. In Sicilia Syra-  
 'cusae, Agrigentum captum, pulsae tota insula hostes, recep-  
 'taeque provincia in ditione populi Romani est. In Italia  
 'Arpi recepti, Capua capta. Iter omne ab urbe Roma tre-  
 'pida fuga emensus Hannibal, in extremum angulum agri  
 'Bruttii compulsus, nihil iam maius precatur deos, quam ut  
 'incolumi cedere atque abire ex hostium terra liceat. Quid  
 'igitur minus conveniat, milites, quam, quum aliae super  
 'alias clades cumularentur, ac dii prope ipsi cum Hannibale

3 *Hoc bello memorem*] sc. Exerci-  
 tus amissos. Male Sigonius inseru-  
 erat particulam *de*. CREV.

4 *Siciliae maioris partis*] Nimirum,

qua regnum Hieronis fuit. Nam ve-  
 tus provincia semper Romanis in fide  
 mansit. CREV.

5 'starent, vos hic cum parentibus meis (aequentur enim U. C. 542.  
 'etiam honore nominis) sustinuisse labantem fortunam A. C. 210.  
 'populi Romani; nunc eosdem, quia illic omnia secunda  
 'laetaque sunt, animis deficere? Nuper quoque quae acci-  
 6 'derunt, utinam tam sine meo luctu, quam vestro, transis-  
 'sent! Nunc dii immortales imperii Romani praesides, qui  
 'centuriis omnibus, ut mihi imperium iuberent dari, fuere  
 'auctores, iidem auguriis auspiciisque, et per nocturnos  
 7 'etiam visus omnia laeta ac prospera portendunt. Animus  
 'quoque meus, maximus mihi ad hoc tempus vates, prae-  
 'sagit, nostram Hispaniam esse: brevi extorre hinc omne  
 'Punicum nomen, maria terrasque foeda fuga impleturum.  
 'Quod mens sua sponte divinat, idem subiicit ratio haud  
 'fallax. Vexati ab iis socii nostram fidem per legatos im-  
 8 'plorant. Tres duces discrepantes, prope ut defecerint alii  
 'ab aliis, trifariam exercitum in diversissimas regiones dis-  
 'traxere. Eadem in illos ingruit fortuna, quae nuper nos  
 'afflixit. Nam et deseruntur ab sociis, ut prius ab Celti-  
 'beris nos: et diduxerunt exercitus; quae patri patruoque  
 'meo causa exitii fuit. Nec discordia intestina coire eos in  
 'unum sinet, neque singuli nobis resistere poterunt. Vos  
 'modo, milites, favete nomini Scipionum, suboli imperato-  
 'rum vestrorum, velut accisis recrescenti stirpibus. Agite,  
 'milites veteres, novum exercitum novumque ducem tradu-  
 'cite Iberum, traducite in terras cum multis fortibus factis  
 'saepe a vobis peragratas. Brevi faciam, ut, quemadmo-  
 'dum nunc noscitatis in me patris patruique similitudinem  
 'oris vultusque, et lineamenta corporis; ita ingenii, fidei,  
 9 'virtutisque ad exemplum expressam effigiem vobis reddam,  
 'ut revixisse, aut renatum sibi quisque Scipionem imperato-  
 'rem dicat.'

Hac oratione accensis militum animis, relicto ad prae- 42.

5 *Cum parentibus meis (aequentur enim etiam honore nominis)]* Cum patre et patre meo, quos ambo appella-  
 bo parentes, ut, qui virtute, fortuna,  
 vita, morte pares fuerunt, ii etiam  
 eiusdem nominis honore a me aequen-  
 tur. CREV.

6 *Utinam tam sine meo luctu]* Vult enim elevare, quod ad milites attinet, cladem in Hispania acceptam. Utinam, inquit, ipsa illa clades non mihi magis, quam vobis, luctuosa fuisset! Cladis illius sensus ad me magis pertinet, qui in ea patrem patruumque amisi; quam ad vos, qui quod amiseratis primo, resarsistis. CREV.

7 *Portendunt]* Polyb. x. 11. tradit. Scipionem a Neptuno se monitum professum esse, ut Carthaginem in-

vaderet. cf. infr. 45. RASCHIG.

8 *Tres duces discrepantes, prope ut defecerint alii ab aliis]* Quod Livius observare suo loco neglexit, Polybius sedulo notaverat. "Carthaginensium duces," inquit, "qui hostibus superiores fuerant, sui ipsorum compotes esse non poterant: et rati se Romano bello defunctos esse, ipsi inter se hostiliter dissidebant." Lib. ix. in Excerpt. de Virt. et Vitiis. CR.

9 *Virtutisque ad exemplum expressam]* Ita quidem Ruhnkenius corrigit, praepositione *ad* in sedem suam revocata. *Exemplum* rariore et exquisitiore significatione dicitur exemplar, archetypum, ad quod exprimitur effigies. cf. Ruhnken. Opusc. i. p. 404.

U. C. 542. sidium regionis eius M. Silano, cum tribus millibus peditum  
 A. C. 210. et trecentis equitibus, ceteras omnes copias (erant autem  
 Transit viginti quinque millia peditum, duo millia et quingenti  
 Iberum. equites) Iberum traiecit. Ibi quibusdam suadentibus, ut,  
 quoniam in tres tam diversas regiones discessissent Punici  
 exercitus, proximum aggredideretur, periculum esse ratus, ne  
 eo facto in unum omnes contraheret, nec par esset unus tot  
 exercitibus, Carthaginem Novam interim oppugnare statuit;  
 Carthago urbem quum ipsam opulentam suis opibus, tum hostium  
 Nova op- omni bellico apparatu plenam; (ibi arma, ibi pecunia, ibi  
 pugnata. totius Hispaniae obsides erant) sitam praeterea quum oppor-  
 tune ad traiciendum in Africam, tum super portum satis  
 amplum quantaevs classi, et nescio an unum in Hispaniae  
 ora, qua nostro adiacet mari. Nemo omnium, quo iretur,  
 sciebat, praeter C. Laelium. Is, classe circummissus, ita  
 moderari cursum navium iussus erat, ut eodem tempore  
 exercitus ostenderetur, et classis portum intraret. Septimo  
 die ab Ibero Carthaginem ventum est simul terra marique.  
 Carthagi- Castra ab regione urbis, qua in septentrionem versa est, po-  
 nis N. situs. sita: his ab tergo (nam frons natura tuta erat) vallum obie-  
 ctum. Ceterum sita Carthago sic est. Sinus est maris media  
 fere Hispaniae ora, maxime Africo vento oppositus, et quin-  
 gentos passus introrsus retractus, paullulo plus passuum in  
 latitudinem patens. Huius in ostio sinus parva insula ob-  
 iecta ab alto portum ab omnibus ventis, praeterquam Africo,  
 tutum facit. Ab intimo sinu paeninsula excurrit, tumulus  
 is ipse, in quo condita urbs est, ab ortu solis et a meridie  
 cincta mari: ab occasu stagnum claudit, paullum et ad  
 septentrionem fusum; incertae altitudinis, utcunque ex-  
 aestuat aut deficit mare. Continenti urbem iugum duce-  
 tos fere et quinquaginta passus patens coniungit. Unde  
 quum tam parvi operis munitio esset, non obiecit vallum  
 imperator Romanus: seu fiduciam hosti superbe ostentans,  
 sive ut subeunti saepe ad moenia urbis recursus pateret.  
 43. Cetera, quae munienda erant, quum perfecisset, naves etiam  
 in portu, velut maritimam quoque ostentans obsidionem,  
 instruxit: circumvectusque classem, quum monuisset prae-  
 fectos navium, ut vigilias nocturnas intenti servarent, omnia  
 ubique primo obsessum hostem conari: regressus in castra  
 ut consilii sui rationem, quod ab urbe potissimum oppu-

1 *In tres tam diversas regiones]* cf. Supr. 20.

2 *Quingentos passus]* Ex Polybio, x. 10. legendum est, *ad bis mille et quingentos passus*: ipse enim *ad viginti stadia* habet. Sed et ex eodem mox legas *paullulo plus mille et du-*

*centorum passuum.* CREV.

3 *Utcunque]* *Utcunque* per *pro* interpretantur viri docti, quemadmodum supr. xxi. 35. hanc particulam dici, allato Plauti ap. Poen. iii. 5. 9 loco, monet Gronov.

gnanda bellum orsus esset, militibus ostenderet, et spem U. C. 542.  
 potiundae cohortando faceret, concione advocata ita disse- A. C. 210.  
 ruit: 'Ad urbem unam oppugnandam si quis vos adductos Cohortatur  
 ' credit, is magis operis vestri, quam emolumenti rationem milites  
 ' exactam, milites, habet. Oppugnabitis enim vere moenia Scipio.  
 ' unius urbis, sed in una urbe universam ceperitis Hispa-  
 ' niam. Hic sunt obsides omnium nobilium regum popu-  
 ' lorumque: qui, simul in potestate vestra erunt, extemplo  
 ' omnia, quae nunc sub Carthaginiensibus sunt, in ditionem  
 ' tradent. Hic pecunia omnis hostium, sine qua neque illi  
 ' gerere bellum possunt, quippe qui mercenarios exercitus  
 ' alant; et quae nobis maximo usui ad conciliandos animos  
 ' barbarorum erit. Hic tormenta, arma, armamenta, et om-  
 ' nis apparatus belli est, qui simul et vos instruet, et hostes  
 ' nudabit. Potiemur praeterea quum pulcherrima opulen-  
 ' tissimaque urbe, tum opportunissima portu egregio, unde  
 ' terra marique, quae belli usus poscunt, suppeditentur.  
 ' Quae quum magna ipsi habebimus, tum dempserimus  
 ' hostibus multo maiora. Haec illis arx, hoc horreum, ae-  
 ' rarium, armamentarium, hoc omnium rerum receptacu-  
 ' lum est. Hinc rectus in Africam cursus est: haec una  
 ' inter Pyrenaeum et Gades statio: hinc omni Hispaniae  
 ' imminet Africa. Sed, quoniam vos instructos et ordina-  
 ' tos cognosco, ad Carthaginem Novam oppugnandam totis  
 ' viribus et bono animo transeamus.' Quumque omnes  
 una voce, 'hoc faciendum,' succlamarent, eos Carthaginem  
 duxit. Tum terra marique eam oppugnari iubet.

Contra Mago Poenorum dux, quum terra marique in- 44.  
 strui oppugnationem videret, et ipse copias ita disponit.  
 Oppidanorum duo millia ab ea parte, qua castra Romana  
 erant, opponit: quingentis militibus arcem insedit: quin-  
 gentos tumulo urbis in orientem verso imponit: multitudi-  
 nem aliam, quo clamor, quo subita vocasset res, intentam Erumpunt  
 ad omnia, occurrere iubet. Patefacta deinde porta, eos, Poeni.  
 quos in via ferente ad castra hostium instruxerat, mittit.  
 Romani, duce ipso praecipiente, parumper cessere, ut pro-  
 piores subsidiis in certamine ipso summittendis essent. Et  
 primo haud impari stetero acie: subsidia deinde, identi- Avertuntur  
 dem summissa e castris, non averterunt solum in fugam in fugam.  
 hostes, sed adeo effusis institerunt, ut, nisi receptui cecinisset,  
 permixti fugientibus irrupturi fuisse in urbem videren-  
 tur. Trepidatio vero non in proelio maior, quam tota urbe  
 fuit. Multae stationes pavore atque fuga desertae sunt, re-

4 *Hinc omni Hispaniae imminet Africa*] Elegans et audax loquendi figura, quam sic fere exponit Gronovius. Hinc, tanquam ex arce qua-  
 dam, imminet Africa, id est Poenus, toti Hispaniae, cui iugum partim imposuit, partim minatur. CREV.



U. C. 542. A. C. 210. lictique muri; quum, qua cuique erat proximum, desilissent. Quod ubi egressus Scipio in tumulum, quem Mercurii vocant, animadvertit, multis partibus nudata defensoribus moenia esse; omnes e castris excitos ire ad oppugnandam urbem, et ferre scalas iubet. Ipse, trium prae se iuvenum validorum scutis oppositis, (ingens enim iam vis omnis generis telorum e muris volabat) ad urbem succedit, hortatur, imperat, quae in rem sunt: quodque plurimum ad accendendos militum animos intererat, testis spectatorque virtutis atque ignaviae cuiusque adest. Itaque in vulnera ac tela ruunt; neque illos muri, neque superstantes armati arcere queunt, quin certatim ascendunt. Et ab navibus eodem tempore ea, quae mari alluitur, pars urbis oppugnari coepta est. Ceterum tumultus inde maior, quam vis, adhiberi poterat. Dum applicant, dum partim exponunt scalas militesque, dum, qua cuique proximum est, in terram evadere properant, ipsa festinatione et certamine alii alios impediunt. Inter haec repleverat iam Poenus armatis muros, et vis magna, ex ingenti copia congesta, telorum suppeditabat. Sed neque viri, nec tela, nec quicquam aliud aequae, quam moenia ipsa sese, defendebant. Rarae enim scalae altitudini aequari poterant: et, quaeque altiores, eo infirmiores erant. Itaque, quum summus quisque evadere non posset, subirent tamen alii, onere ipso frangebantur. Quidam, stantibus scalis, quum altitudo caliginem oculis offudisset, ad terram delati sunt. Et quum passim homines scalaeque ruerent, et ipso successu audacia atque alacritas hostium cresceret, signum receptui datum est; quod spem non praesentis modo ab tanto certamine ac labore quietis obsessis, sed etiam in posterum dedit, scalis et corona capi urbem non posse: opera et difficilia esse, et tempus datura, ad ferendam opem, imperatoribus suis.

Scipio ad urbem succedit.

45.

Scalae frustra admotae.

Per vada urbem Scipio ingreditur.

Vix prior tumultus conticuerat, quum Scipio ab defessis iam vulneratisque recentes integrosque alios accipere scalas iubet, et vi maiore aggredi urbem. Ipse, ut ei nuntiatum est, aestum decedere, quod per piscatores Tarraconenses nunc levibus cymbis, nunc, ubi eae siderent, vadis pervagos stagnum, compertum habebat, facilem pedibus ad murum transitum dari, eo secum armatos duxit. Medium

5 *Oppositis*] cf. Polyb. x. 13.

6 *Partim*] Hanc vocem supervacaneam esse censet Crevier. qui *partim*, inverso suarum literarum ordine, reponendum vult.

7 *Evadere*] Nempe in summum murum.

8 *Certamine*] Dum certant inter se, quis maius studium maioremque celeritatem adhibeat. CREV.

9 *Ubi eae siderent*] In fundo. moso haerent. cf. Tac. Ann. i. 7. RASCHIG.



ferme diei erat: et ad id, quod sua sponte cedente in mare U. C. 542.  
aestu trahebatur aqua, acer etiam septentrio ortus inclina- A. C. 210.  
tum stagnum eodem, quo aestus, ferebat, et adeo nudaverat  
vada, ut alibi umbilico tenus aqua esset, alibi genua vix  
superaret. Hoc, cura ac ratione compertum, in prodigium  
ac deos vertens Scipio, qui ad transitum Romanis mare  
verterent, et stagno auferrent, viasque ante nunquam initas  
humano vestigio aperirent, Neptunum iubebat ducem iti-  
neris sequi, ac medio stagno evadere ad moenia. Ab terra 46.  
ingens labor succedentibus erat: nec altitudine tantum  
<sup>1</sup> moenium impediabantur, sed quod euntes ad ancipites  
utrimque ictus subiectos habebant Romanos; ut latera in-  
festiora subeuntibus, quam adversa corpora, essent. At  
parte in alia quingentis et per stagnum facilis transitus, et  
in murum ascensus inde fuit. Nam neque opere emunitus  
<sup>2</sup> erat, ut ubi ipsius loci ac stagni praesidio satis creditum  
foret; nec ulla armatorum statio aut custodia opposita,  
intentis omnibus ad opem eo ferendam, unde periculum  
ostendebatur. Ubi urbem sine certamine intravere, per-  
gunt inde, quanto maximo cursu poterant, ad eam portam,  
circa quam omne contractum certamen erat. In quod  
adeo intenti omnium non animi solum fuere, sed etiam  
oculi auresque pugnantium spectantiumque et adhortan-  
tium pugnautes, ut nemo ante ab tergo senserit captam  
urbem, quam tela in aversos inciderunt, et utrimque anci-  
pitem hostem habebant. Tunc, turbatis defensoribus metu, <sup>Urbs</sup>  
et moenia capta, et porta intus forisque pariter refringi <sup>capta.</sup>  
<sup>3</sup> coepta: et mox caedendo confractis, ne iter impediretur,  
foribus, armati impetum fecerunt. Magna multitudo et  
muros transcendebat; sed hi passim ad caedem oppidano-  
rum versi. Illa, quae portam ingressa erat, iusta acies,  
cum ducibus, cum ordinibus, media urbe in forum pro-  
<sup>4</sup> cessit. Inde quum duobus itineribus fugientes videret  
hostes, alios ad tumulum in orientem versum, qui teneba-  
tur quingentorum militum praesidio, alios in arcem, in  
quam et ipse Mago cum omnibus fere armatis, qui muris  
pulsii fuerant, refugerat; partim copiarum ad tumulum ex-

<sup>1</sup> *Sed quod euntes*] Clariss. Cre-  
vier. vel in voce *euntes* mendum la-  
tere, vel ad *habebant* subintelligendum  
esse *moenia* cum Gronovio iudicat:  
qui *cuneis*, aut tale quid vocabulum,  
moenia habuisse partes aliquas obli-  
quas et procurrentes significans, pro  
vocibus *quod euntes* reponendum con-  
iicit.

<sup>2</sup> *Ut ubi ipsius loci*] sc. Quippe  
ubi.

<sup>3</sup> *Confractis*] *Refringitur porta*,

quae per vim aperitur; *confringuntur*  
*fores*, quae securium ictibus prorsus  
conciduntur. RASCHIG.

<sup>4</sup> *Fugientes videret hostes*] Nempe  
Scipio. Hoc non ideo monemus,  
quod quicquam possit esse dubii, sed  
ut observemus toto hoc capite nus-  
quam Scipionis mentionem factam.  
Unde necesse fuisset hic nomen eius  
exprimi, nisi styli calor Livium abs-  
tulisset. CREV.

U. C. 542. pugnandum mittit, partim ipse ad arcem ducit. Et tumu-  
 A. C. 210. lus primo impetu est captus, et Mago, arcem conatus de-  
 fendere, quum omnia hostium plena videret, neque spem  
 ullam esse, se arcemque et praesidium dedit. Quoad  
 Praeda in- caedibus finis factus. Ad praedam victores versi, quae in-  
 gens. gens omnis generis fuit.

47. Liberorum capitum virile secus ad decem millia capta:  
 Captivi. Inde, qui cives Novae Carthaginis erant, dimisit: urbem-  
 que et sua omnia, quae reliqua iis bellum fecerat, restituit.  
 Opifices ad duo millia hominum erant: eos publicos fore  
 populi Romani edixit, cum spe propinqua libertatis, si ad  
 ministeria belli enixe operam navassent. Ceteram multi-  
 tudinem incolarum iuvenum, ac validorum servorum, in  
 classem ad supplementum remigum dedit: et auxerat na-  
 vibus octo captivis classem. Extra hanc multitudinem  
 Hispanorum obsides erant: quorum perinde, ac si socio-  
 rum liberi essent, cura habita. Captus et apparatus ingens  
 Apparatus belli cap- belli; catapultae maximae formae centum viginti, minores  
 tus. ducentae octoginta et una: ballistae maiores viginti tres,  
 minores quinquaginta duae: scorpionum maiorum mino-  
 rumque et armorum telorumque ingens numerus: signa  
 Aurum et militaria septuaginta quattuor. Et auri argentique relata  
 argentum. ad imperatorem magna vis: paterae aureae fuerunt du-  
 centae septuaginta sex, libras ferme omnes pondo: argenti  
 facti signatique decem et octo millia et trecenta pondo:  
 vasorum argenteorum magnus numerus. Haec omnia C.  
 Flaminio quaestori appensa annumerataque sunt. Tritici  
 quadraginta millia modium, hordei ducenta septuaginta.  
 Naves onerariae sexaginta tres in portu expugnatae captae-  
 que: quaedam cum suis oneribus, frumento, armis, aere  
 praeterea, ferroque, et linteis, et sparto, et navali alia ma-  
 teria ad classem aedificandam: ut minimum omnium, inter  
 tantas opes belli captas, Carthago ipsa fuerit.

5 *Virile secus*] Sic edendum cura-  
 vit Gronovius, quum prius legeretur  
*virilis sexus*; et hanc lectionem, quam  
 unus ms. praefert, et duo alii suadere vi-  
 dentur, multis exemplis firmat. Idem-  
 que observat hanc esse proprietatem  
 huius locutionis *virile* aut *muliebre*  
*secus*, ut nusquam fere ponatur, nisi  
 pro eo quod dicimus vulgo *virilis* aut  
*muliebris sexus*; in accusandi nimi-  
 rum casu, quem regat intellecta prae-  
 positio κατὰ, vel secundum. CREV.  
 cf. Tac. Ann. iv. 62. Hist. v. 13.

6 *Publicos fore populi Romani*]  
 sc. Publicis ministeriis obnoxios. cf.

Polyb. x. 17.

7 *Incolarum*] Qui Carthagine ha-  
 bitarent, neque tamen cives esset.  
 CREV.

8 *Libras ferme omnes pondo*] cf.  
 Supr. iii. 29.

9 *Argenti facti*] *Infecti*, ut inf.  
 xxxiv. 10. ubi argento infecto signa-  
 tum opponitur, coniecit Gronov.

1 *Sparto*] Spartum est herba  
 sponte nascentis praesertim in Hispa-  
 nia genus, quae ad vincula ac reticu-  
 la compingenda utilis est. cf. Plin.  
 H. N. xix. 2. CREV.

Eo die Scipio, C. Laelio cum sociis navalibus urbem U. C. 542.  
 custodire iusso, ipse in castra legiones reduxit: fessosque A. C. 210.  
 milites omnibus uno die belli operibus (quippe qui et acie 48.  
 dimicassent, et capienda urbe tantum laboris periculique  
 adissent, et capta, cum iis, qui in arcem confugerant, ini-  
 quo etiam loco pugnassent) curare corpora iussit. Postero Scipio gra-  
 die, militibus navalibusque sociis convocatis, primum diis tias Diis  
 immortalibus laudesque et grates egit, qui se non urbis agit.  
 solum opulentissimae omnium in Hispania uno die com-  
 potem fecissent, sed ante eo conguessissent omnis paene  
 Africae atque Hispaniae opes: ut neque hostibus quic-  
 quam relinqueretur, et sibi ac suis omnia superessent. Mi- Collaudat  
 litum deinde virtutem collaudavit, quod eos non eruptio milites.  
 hostium, non altitudo moenium, non inexplorata stagni  
 vada, non castellum in alto tumultu situm, non munitissima  
 arx deterruisset, quo minus transcenderent omnia per-  
 rumperentque. Itaque, quanquam omnibus omnia debe-  
 ret, praecipuum muralis coronae decus eius esse, qui pri-  
 mus murum ascendisset: profiteretur, qui se dignum eo  
 duceret dono. Duo professi sunt: Q. Trebellius centurio Certamen  
 2 legionis quartae, et Sex. Digitius socius navalis. Nec ipsi de murali  
 tam inter se acriter contendebant, quam studia excitave- corona.  
 rant uterque sui corporis hominum. Sociis C. Laelius  
 praefectus classis; legionariis M. Sempronius Tuditanus  
 aderat. Ea contentio quum prope seditionem veniret, Sci-  
 pio tres recuperatores quum se daturum pronuntiasset, qui,  
 cognita causa testibusque auditis, iudicarent, uter prior in  
 oppidum transcendisset; C. Laelio et M. Sempronio advo-  
 catis partis utriusque P. Cornelium Caudinum de medio  
 3 adiecit; eosque tres recuperatores considerare, et causam  
 cognoscere iussit. Quum res eo maiore ageretur certa-  
 4 mine, quod admoti tantae dignitatis non tam advocati,  
 quam moderatores studiorum fuerant; C. Laelius, relicto  
 consilio, ad tribunal ad Scipionem accedit, eumque docet,  
 ‘rem sine modo ac modestia agi: ac prope esse, ut manus  
 ‘inter se conserant. Ceterum, etiamsi vis absit, nihilo mi-  
 ‘nus detestabili exemplo rem agi; quippe ubi fraude ac  
 ‘periurio decus petatur virtutis. Stare hinc legionarios

2 *Socius navalis*] In hoc capite  
*socii navales* non intelliguntur remi-  
 geae, sed milites tuendis navibus attri-  
 buti, qui infr. *classici milites* vocan-  
 tur. CREV.

3 *Recuperatores*] sc. “Iudices qui  
 a Praetore in privatis controversiis,  
 quacunque de re ageretur, dari con-  
 sueverant. Itaque *recuperatores* ii  
 fere appellabantur, qui apud nos iu-

*dices delegati.*” cf. Dacrius ad Fe-  
 stum v. *Reciperatio*.

4 *Quod admoti*] Nam prius illi af-  
 fuerunt certantibus, sed ita eleganter,  
 ut potius regerent temperarentque  
 studia utrinque faventium, quam ac-  
 cenderent: nunc ab illis abstracti, et  
 iudices dati, multitudinem effraenatio-  
 rem reliquerant. GRONOV.

U. C. 542. 'milites, hinc classicos, per omnes deos paratos iurare, ma-  
 A. C. 210. 'gis quae velint, quam quae sciant, vera esse, et obstrin-  
 'gere periurio non se solum suumque caput, sed signa mi-  
 'litaria, et aquilas, sacramentique religionem. Haec se ad:  
 'eum de sententia P. Cornelii et M. Sempronii deferre.  
 Scipio, collaudato Laelio, ad concionem advocavit, pronun-  
 tiavitque, 'Se satis compertum habere, Q. Trebellium et  
 'Sex. Digitium pariter in murum escendisse: seque eos  
 'ambos, virtutis causa, coronis muralibus donare.' Tum  
 reliquos, prout cuique meritum virtusque erat, donavit:  
 ante omnes C. Laelium praefectum classis et omni genere  
 laudis sibimet ipse aequavit, et corona aurea ac triginta  
 bubus donavit.

49. Tum obsides civitatum Hispaniae vocari iussit: quorum  
 quantus numerus fuerit, piget scribere, quippe quum alibi  
 trecentos ferme, alibi septingentos viginti quinque fuisse  
 inveniam. Aequae et alia inter auctores discrepant. Prae-  
 sidium Punicum alius decem, alius septem, alius haud plus  
 quam duum millium fuisse scribit. Capta alibi decem mil-  
 lia capitum, alibi supra quinque et viginti invenias. Scor-  
 piones maiores minoresque ad sexaginta captos scripserim,  
 si auctorem Graecum sequar Silenum: si Valerium Antia-  
 tem, maiorum scorpionum sex millia, minorum tredecim:  
 adeo nullus mentiendi modus est. Ne de ducibus quidem  
 convenit. Plerique Laelium praefuisse classi; sunt, qui  
 M. Iunium Silanum dicant. Arinem praefuisse Punico  
 praesidio, deditumque Romanis, Antias Valerius; Mago-  
 nem alii scriptores tradunt. Non de numero navium cap-  
 tarum, non de pondere auri atque argenti, et redactae  
 pecuniae, convenit. Si aliquibus assentiri necesse est, me-  
 dia simillima veris sunt. Ceterum Scipio, vocatis obsidi-  
 bus, primum universos bonum animum habere iussit. 'Ve-  
 'nisse eos in populi Romani potestatem, qui beneficia  
 'quam metu, obligare homines malit; exterisque gentes  
 'fide ac societate iunctas habere, quam tristi subiectas ser-

Scipionis  
 in obsides  
 humanitas.

5 *Sacramentique religionem*] Quippe Laelius periculum esse putabat, ne, qui per signa militaria peieraverint, eadem irae deorum obiciant, et in poenae partem secum trahant. CREV.

6 *Si auctorem Graecum sequar Silenum: si Valerium Antiatem*] Quis non miretur diligentiam Livii in appellandis iis auctoribus quos refellit, quibus derogat finem; dum Polybii nomen, cuius e libro x. totam hanc expugnatae Carthaginis Novae narrationem pene ad verbum expressit, al-

to silentio premit? Idem et in aliis locis ab eo factitatum aliquoties iam monuimus, ut in transitu Alpium. Tarenti prodicione, expugnatione Syracusarum, etc. Ceterum de Sileno historico pauca nobis dicenda suppetunt. Scripserat res Romanas a primordio urbis, teste Dion. i. 6. Athenaeus, xii. 11. mentionem facit Silius Calactini, qui historiam Siculam condiderit: quem quidem eundem esse cum hoc rerum Romanarum scriptor nihil vetat. De Valerio Antiate egimus supr. iii. 5. CREV.

‘vitio.’ Deinde, acceptis nominibus civitatum, recensuit U. C. 542.  
 captivos, quot cuiusque populi essent: et nuntios domum A. C. 210.  
 misit, ut ad suos quisque recipiendos veniret. Si quarum  
 forte civitatum legati aderant, iis praesentibus suos resti-  
 tuit: ceterorum curam benigne tuendorum C. Flaminio  
 quaestori attribuit. Inter haec e media turba obsidum mu-  
 lier magno natu, Mandonii uxor, qui frater Indibilis Ner-  
 getum reguli erat, flens ad pedes imperatoris procubuit, Cura mu-  
 7 obtestarique coepit, ut curam cultumque feminarum im-  
 pensius custodibus commendaret. Quum Scipio, ‘nihil  
 ‘profecto defuturum,’ diceret; tum rursus mulier, ‘Haud  
 ‘magni ista facimus,’ inquit: ‘quid enim huic fortunae non  
 ‘satis est? Alia me cura, aetatem harum intuentem, (nam  
 ‘ipsa iam extra periculum iniuriae muliebris sum) stimu-  
 ‘lat.’ Aetate et forma florentes circa erant Indibilis filiae,  
 aliaeque nobilitate pari, quae omnes eam pro parente cole-  
 bant. Tum Scipio, ‘Meae populique Romani disciplinae  
 ‘causa facerem,’ inquit, ‘ne quid, quod sanctum usquam  
 ‘esset, apud nos violaretur. Nunc, ut id curem impensius,  
 ‘vestra quoque virtus dignitasque facit: quae ne in malis  
 ‘quidem oblitae decoris matronalis estis.’ Spectatae de-  
 inde integritatis viro tradidit eas, tuerique haud secus vere-  
 cunde ac modeste, quam hospitem coniuges ac matres,  
 iussit.

Captiva deinde a militibus adducitur ad eum adulta vir- 50.  
 go, adeo eximia forma, ut, quacunque incedebat, conver- Sponsa Al-  
 teret omnium oculos. Scipio, percunctatus patriam pa-  
 rentesque, inter cetera accepit, desponsam eam principi lucii pu-  
 3 Celtiberorum adolescenti: Allucio nomen erat. Extemplo dice ser-  
 igitur parentibus sponsoque ab domo accitis, quum interim vata.  
 audiret, deperire eum sponsae amore, ubi primum venit,  
 accuratiore eum sermone, quam parentes, alloquitur. ‘Iu- Oratio ad  
 ‘venis,’ inquit, ‘iuvenem appello, quo minor sit inter nos eum Sci-  
 ‘huius sermonis verecundia. Ego, quum sponsa tua capta pionis.  
 ‘a militibus nostris ad me ducta esset, audiremque, eam  
 ‘tibi cordi esse, et forma faceret fidem, quia ipse, si frui  
 ‘liceret ludo aetatis, praesertim recto et legitimo amore, et  
 ‘non respublica animum nostrum occupasset, veniam mihi  
 ‘dari sponsam impensius amanti vellem: tuo, cuius pos-  
 ‘sum, amoris faveo. Fuit sponsa tua apud me eadem, qua  
 ‘apud soceros tuos parentesque suos, verecundia: servata  
 ‘tibi est, ut inviolatum et dignum me teque dari tibi do-

7 *Cultumque feminarum*] Vere-  
 cundiam in feminas significare voluit  
 Mandonii uxor, sed Scipio ambiguae  
 significationis vocem *cultum* ad res,  
 quae habitum externum spectabant,

trahebat. cf. Polyb. x. 18. DOER.

8 *Allucio nomen erat*] Indibilis vo-  
 catur ap. Val. Max. iv. 3. 1. Luceius  
 ap. Plut. cf. Polyb. x. 19, qui rem,  
 non sponsi nomen, memorat. RUP.

U. C. 542. 'num posset. Hanc mercedem unam pro eo munere pa-  
 A. C. 210. 'ciscor: amicus populo Romano sis. Et, si me virum  
 'bonum credis esse, quales patrem patruumque meum iam  
 'ante hae gentes norant, scias multos nostri similes in civi-  
 'tate Romana esse; nec ullum in terris populum hodie  
 'dici posse, quem minus tibi hostem tuisque esse velis, aut  
 'amicum malis.' Adolescens, simul pudore et gaudio per-  
 fusus, dextram Scipionis tenens, deos omnes invocare ad  
 gratiam illi pro se referendam, quoniam sibi nequaquam  
 satis facultatis, pro suo animo atque illius erga se merito,  
 esset. Parentes inde cognatique virginis appellati. Qui,  
 quoniam gratis sibi redderetur virgo, ad quam redimendam  
 satis magnum attulissent auri pondus, orare Scipionem, ut  
 id ab se donum acciperet, coeperunt: haud minorem eius  
 rei apud se gratiam futuram esse, affirmantes, quam red-  
 ditae inviolatae foret virginis. Scipio, quando tanto opere  
 peterent, accepturum se pollicitus, poni ante pedes iussit:  
 vocatoque ad se Allucio, 'Super dotem,' inquit, 'quam ac-  
 'cepturus a socero es, haec tibi a me dotalia dona acce-  
 'dent:' aurumque tollere, ac sibi habere iussit. His laeta-  
 donis honoribusque dimissus domum, implevit populares  
 laudibus meritis Scipionis: 'Venisse diis simillimum iuve-  
 'nem, vincentem omnia, quum armis, tum benignitate ac  
 'beneficiis.' Itaque, delectu clientium habito, cum de-  
 lectis mille et quadringentis equitibus intra paucos dies ad  
 Scipionem revertit.

Recipit  
 sponsam  
 cum mu-  
 neribus.

51. Scipio retentum secum Laelium, dum captivos obsides-  
 que et praedam ex consilio eius disponderet, satis omnibus  
 compositis, data quinquere, captivisque, Magone et quin-  
 decim fere senatoribus, qui simul cum eo capti erant, in  
 navem impositis, nuntium victoriae Romam mittit. Ipse  
 paucos dies, quibus morari Carthagine statuerat, exercen-  
 dis navalibus pedestribusque copiis absumpsit. Primo die  
 legiones in armis quattuor millium spatio decurrerunt: se-  
 cundo die arma curare et tergere ante tentoria iussit: ter-  
 tio die rudibus inter se in modum iustae pugnae concurre-  
 runt, praepilatisque missilibus iaculati sunt: quarto die:

Laelius it  
 Romam.

Exercet  
 copias Sci-  
 pio.

9 *Illius erga se merito*] Vox *me-  
 rito* in omnibus mss. omittitur, et ab  
 Rhenano primum in textum recepta  
 est, quippe sine ea sensus constare  
 non possit.

1 *Quindecim fere senatoribus*] In-  
 tellige ex Polybio senatores magnae  
 Carthagini. Habet ille septendecim,  
 quorum duos ait fuisse e sanctiore  
 consilio seniorum, ἐκ τῆς γερουσίας,  
 quindecim e consilio publico, ἐκ τῆς  
 συκλήτου. CREV. cf. Arist. Pol. ii. 8.

2 *Iussit*] *Iussi* ex emendatione  
 Gronov. reposuit Bekker.

3 *Praepilatisque missilibus*] Poly-  
 bius, quem hic, ut modo monuimus,  
 vertit Livius, habet ἐσφαλισμένοις  
 γρόσφοις, id est, missilibus, quibus ro-  
 tunda aliqua e ligno vel corio pila  
 praefixa erat, ne pungerent ac vel-  
 nerarent: vel, quorum mucro a fabro  
 rotundatus fuerat. Ut ut sit, haec  
 vox a *pila* originem ducit. CREV.



quies data: quinto iterum in armis decursum est. Hunc U. C. 542.  
A. C. 210. ordinem laboris quietisque, quoad Carthagine morati sunt, servarunt. Remigium classicique milites, tranquillo in altum evecti, agilitatem navium simulacris navalis pugnae experiebantur. Haec extra urbem terra marique corpora simul animosque ad bellum acuebant. Urbs ipsa strepebat apparatu belli, fabris omnium generum in publica officina inclusis. Dux cuncta pari cura obibat. Nunc in classe ac navali erat: nunc cum legionibus decurrebat: nunc operibus aspiciendis tempus dabat, quaeque in officinis, quaeque in armamentario ac navalibus fabrorum multitudo plurima in singulos dies certamine ingenti faciebat. His ita inchoatis, reffectisque, qua quassati erant, muris, It Tarraconem. dispositisque praesidiis ad custodiam urbis, Tarraconem est profectus, a multis legationibus protinus in via aditus: quas partim dato responso ex itinere dimisit, partim distulit Tarraconem, quo omnibus novis veteribusque sociis edixerat conventum. Et cuncti fere, qui cis Iberum incolunt, populi, multi etiam ulterioris provinciae convenerunt. Carthaginensium duces primo ex industria famam captae Carthaginis compresserunt: deinde, ut clarior res erat, quam ut tegi ac dissimulari posset, elevabant verbis. ‘Necopinato adventu ac prope furto unius diei urbem unam Hispaniae interceptam. Cuius rei tam parvae praemio elatum insolentem iuvenem, immodico gaudio speciem magnae victoriae imposuisse. At, ubi appropinquare tres duces, tres victores hostium exercitus audisset, occursum ei extemplo domesticorum funerum memoriam.’ Haec in vulgus iactabant, haudquaquam ipsi ignari, quantum sibi ad omnia virium, Carthagine amissa, decessisset.

4 *Qua quassati erant*] Hanc lectionem, ut quae ad cod. Put. scripturam proprius accedat, pro vulg. *qua quassi erant*, reponendam coniecit Crevier.

5 *Uterioris provinciae*] Nondum Hispania ulterior inter provincias Romanas erat. Sed aut eo respicit Livius, quod Publius Cnaeusque pater et patruus Africani eam fere iam provinciam fecerant, aut utitur phrasi suo tempori convenientiore. Haec

ferme Gronovius, sed Dukerus provinciam hic ita dici censet, ut omnem regionem, in qua bellum geratur, significet.

6 *Immodico gaudio*] Per immodicum gaudium, quo Carthaginis expugnationem celebrabat, effecisse ut res per se parva speciem magnae victoriae habere videretur: quia nempe id necesse erat magnum videri, de quo tam immodicum gaudium esset. CREV.



## EPITOME LIBRI XXVII.

---

**CN. FULVIUS** proconsul cum exercitu ab **Hannibale** ad **Herdoneam** caesus est. Meliore eventu a **Claudio Marcello** consule adversus eundem ad **Numistronem** pugnatum est. Inde **Hannibal** noctu recessit. **Marcellus** insecutus est, et subinde cedentem pressit, donec confligeret. Priore pugna **Hannibal** superior fuit, **Marcellus** insequenti. **Fabius Maximus** pater consul **Tarentinos** per proditionem recepit. In **Hispania** ad **Baeculam** **Scipio** cum **Hasdrubale** **Hamilcaris** conflixit, et vicit. Inter alia captum puerum regalem criminiae formae ad avunculum **Masinissam** cum donis dimisit. **Claudius Marcellus**, **T. Quinctius Crispinus** consules, spectandi causa progressi e castris, insidiis ab **Hannibale** circumventi sunt. **Marcellus** occisus fuit, **Crispinus** fugit. Res praeterea a **P. Sulpicio** praetore adversus **Philippum** et **Achaeos** gestas continet. Lustrum a censoribus conditum est. Censa sunt civium capita centum triginta septem millia centum et octo: ex quo numero apparuit, quantum hominum tot proeliorum adversa fortuna populo Romano abstulisset. **Hasdrubal**, qui cum exercitu novo transcenderat **Alpes**, ut se **Hannibali** coniungeret, cum millibus hominum quinquaginta sex caesus est, **M. Livii** consulis ductu, sed non minore operi **Claudii Neronis** consulis. Qui, quum **Hannibali** oppositus esset, relictis castris, ita ut hostem falleret, cum electa manu profectus, **Hasdrubalem** circumvenit.

# T. LIVII PATAVINI

## LIBER XXVII.

**H**IC status rerum Hispaniae erat. In Italia consul Marcellus, Salapia per proditionem recepta, Maroneam et Meles de Samnitibus vi cepit. Ad tria millia militum ibi Hannibalis, quae praesidii causa relictæ erant, oppressa. Praeda (et aliquantum eius fuit) militi concessa. Tritici quoque ducenta quadraginta millia modium, et centum decem millia hordei inventa. Ceterum nequaquam inde tantum gaudium fuit, quanta clades intra paucos dies accepta est, haud procul ab Herdonea urbe. Castra ibi Cn. Fulvius proconsul habebat, spe recipiendae Herdoneae, quae post Cannensem cladem ab Romanis defecerat, nec loco satis tuto posita, nec praesidiis firmata. Negligentiam insitam ingenio ducis augebat spes ea, quod labare iis adversus Poenum fidem senserat, postquam, Salapia amissa, excessisse his locis in Bruttios Hannibalem auditum est. Ea omnia, ab Herdonea per occultos nuntios delata Hannibali, simul curam sociae retinendae urbis, et spem fecere incautum hostem aggrediendi. Exercitu expedito, ita ut famam prope praeveniret, magnis itineribus ad Herdoneam contendit, et, quo plus terroris hosti obiceret, acie instructa accessit. Par audacia Romanus, consilio et viribus impar, <sup>1</sup> copiis raptim eductis, conflixit. Quinta legio et sinistra ala acriter pugnam inierunt. Ceterum Hannibal, signo equitibus dato, ut, quum pedestres acies occupassent praesenti certamine oculos animosque, circumvecti, pars castra <sup>2</sup> hostium, pars terga trepidantium invaderent, ipse in Fulvii similitudinem nominis, quod Cn. Fulvium praetorem bienio ante in iisdem devicerat locis, increpans, similem eventum pugnae fore affirmabat. Neque ea spes vana fuit. Nam, quum cominus acie et peditum certamine multi ce-

U. C. 543.

A. C. 210.

Quaedam  
Samnii ur-  
bes captae.

Hannibal  
ad Herdo-  
neam Cn.  
Fulvium  
vincit.

<sup>1</sup> *Sinistra ala*] Milites sociales in sinistro aciei cornu positi. cf. supr. xxv. 21.

<sup>2</sup> *Trepidantium*] Hoc verbo talis

indicatur tumultus, qualis in initio proelii esse solet, antequam milites concurrere atque ad manus venire coeperint. DRAK.

U. C. 542. A. C. 210. cidissent Romanorum, starent tamen ordines signaque, equestris a tergo tumultus, simul a castris clamor hostilis auditus, sextam ante legionem, quae, in secunda acie posita, prior ab Numidis turbata est; quintam deinde atque eos, qui ad prima signa erant, avertit. Pars in fugam effusi, pars in medio caesi: ubi et ipse Cn. Fulvius cum undecim tribunis militum cecidit. Romanorum sociorumque quot caesa in eo proelio millia sint, quis pro certo affirmet? quum tredecim millia alibi, alibi haud plus, quam septem, inveniam. Castris praedaeque victor potitur. Herdoneam, quia et defecturam fuisse ad Romanos comperit, nec mansuram in fide, si inde abscessisset, multitudine omni Metapontum ac Thurios traducta, incendit: occidit principes, qui cum Fulvio colloquia occulta habuisse comperti sunt. Romani, qui ex tanta clade evaserant, diversis itineribus semerme<sup>4</sup> ad Marcellum consulem in Samnium perfugerunt.

Herdoneam delet, oppidanosque migrare iubet.

Marcellus ad Hannibalem contendit.

2. Marcellus, nihil admodum tanta clade territus, literas Romam ad senatum de duce et exercitu ad Herdoneam amisso scribit. 'Ceterum, eundem se, qui post Cannensem pugnam ferocem victoria Hannibalem contudisset, ire adversus eum, brevem illi laetitiam, qua exsultet, facturum.' Et Romae quidem quum luctus ingens ex praeterito, tum timor in futurum erat. Consul, ex Samnio in Lucanos transgressus, ad Numistrone<sup>3</sup> in conspectu Hannibalis loco plano, quum Poenus collem teneret, posuit castra. Addidit et aliam fidentis speciem, quod prior in aciem eduxit. Nec detrectavit Hannibal, ut signa portis efferri vidit. Ita tamen aciem instruxerunt, ut Poenus dextrum cornu in collem erigeret, Romani sinistram ad oppidum applicarent. Ab hora tertia quum ad noctem pugnam extendissent, fessaeque pugnando primae acies essent, ab Romanis prima legio et dextra ala, ab Hannibale Hispani milites et funditor Baliaris, elephantique quoque, commisso iam certamine in proelium acti. Diu pugna neutro inclinata stetit. Primae legioni tertia, dextrae alae sinistra subiit, et apud hostes integri a fessis pugnam acceperunt. Novum atque atrox proelium ex tam segni repente exarsit, recentibus animis corporibusque: sed nox incerta victoria diremit pugnantes. Postero die Romani ab sole orto in multum diei steterunt in acie: ubi nemo hostium adversus prodiit, spolia per otium legere, et congestos in unum lo-

<sup>3</sup> *Sextam ante*] Huic *ante*, respondet sequens *deinde*.

<sup>4</sup> *Semerme*] Voces a vocali incipientes, cum voce *semi* compositas, eiusdem voculae ultimam literam modo servare, modo abicere animadvertit Drakenb.

<sup>5</sup> *Ab hora tertia*] Hic aliquid locumotum fuisse credidit Crevier. et exsequentibus pauca verba huc retraxit, legens; *Diu pugna neutro inclinata fuit. Ab hora tertia, etc.* Quo iure viderint critici.

cum cremavere suos. Nocte insequenti Hannibal silentio U. C. 542.  
 movit castra, et in Apuliam abiit: Marcellus, ubi lux fu- A. C. 210.  
 gam hostium aperuit, sauciis cum praesidio modico Numi- Abit Han-  
 strone relictis, praepositoque his L. Furio Purpureone tri- nibal no-  
 buno militum, vestigiis institit sequi. Ad Venusiam ad- ctu, se-  
 ceptus eum est. Ibi per dies aliquot quum ab stationibus quente  
 procursaretur, mixta equitum peditumque tumultuosa ma- Marcello.  
 gis proelia, quam magna, et ferme omnia Romanis secunda  
 fuerunt. Inde per Apuliam ducti exercitus sine ullo me-  
 morando certamine; quum Hannibal nocte signa moveret,  
 locum insidiis quaerens; Marcellus, nisi certa luce, et ex-  
 plorato ante, non sequeretur.

Capuae interim Flaccus dum bonis principum vendendis, 3.  
 agro, qui publicatus fuerat, locando (locavit autem omnem  
 frumento) tempus terit; ne deesset materia in Campanos  
 saeviendi, novum in occulto gliscens per indicium pro-  
 tractum est facinus. Milites aedificiis emotos, simul ut Coniuratio  
 cum agro tecta urbis fruenda locarentur, simul metuens, Campano-  
 rum.  
 ne suum quoque exercitum, sicut Hannibalis, nimia urbis  
 amoenitas emolliret, in portis murisque sibimet ipsos tecta  
 militariter coegerat aedificare. Erant autem pleraque ex  
 cratibus aut tabulis facta, alia arundine texta, stramento in-  
 tecta omnia, velut de industria, alimentis ignis. Haec  
 noctis una hora ut omnia incenderent, centum septuaginta  
 Campani, principibus fratribus Blossiis, coniuraverant. In-  
 dicio eius rei ex familia Blossiorum facto, portis repente  
 iussu proconsulis clausis, quum ad arma signo dato milites  
 concurrissent; comprehensi omnes, qui in noxa erant, et,  
 quaestione acriter habita, damnati neque: indicibus li-  
 bertas, et aeris dena millia data. Nucerinos et Acerranos  
 querentes, ubi habitarent, non esse, Acerris ex parte in-  
 censis, Nuceria deleta, Romam Fulvius ad senatum misit.  
 Acerranis permissum, ut aedificarent, quae incensa erant:  
 Nucerini Atellam, quia id maluerant, Atellanis Calatiam  
 migrare iussis, traducti.

Inter multas magnasque res, quae, nunc secundae, nunc  
 adversae, occupabant cogitationes hominum, ne Tarentinae  
 quidem arcis excidit memoria. M. Ogulnius et P. Aquil-  
 lius in Etruriam legati ad frumentum coemendum, quod

6 *Locavit autem omnem frumento*] Scilicet fructum agri publicati mancipibus locavit; ea conditione ut quotannis certum frumenti modum reipublicae penderent. cf. Niebhr. ii. n. 285. Festus v. *Venditiones*. Ceterum *agrum locare*, ut ap. Cic. in Verr. iii. 6., elliptice pro *agrum fruendum locare* dicitur. cf. Niebhr. ii. n. 291.

7 *Tecta urbis fruenda locarentur*] Similiter infr. xxxii. 7. *censores portoria venalium . . . fruenda locarunt*, h. e. censores locabant ius vectigalis, sive fructus percipiendi, quod redemptores lege dicta conducebant.

8 *Ex familia Blossiorum*] Intellige a servo quodam ex familia Blossiorum. DOER.

U. C. 542. Tarentum portaretur, profecti: et mille milites de exercitu  
A. C. 210. urbano, par numerus Romanorum sociorumque, eodem in  
praesidium cum frumento missi sunt.

4. **Marcellus instat Hannibali.** Iam aestas in exitu erat, comitiorumque consularium instabat tempus. Sed literae Marcelli, negantis e republica esse, vestigium abscedi ab Hannibale, cui cedenti certamenque abnuenti gravis ipse instaret, curam iniecerant, ne aut consulem, tum maxime res agentem, a bello avocarent, aut in annum consules deessent. Optimum visum est, quanquam extra Italiam esset, Valerium potius consulem ex Sicilia revocari. Ad eum literae iussu senatus ab L. Manlio praetore urbis missae, cum literis consulis M. Marcelli: ut ex iis nosceret, quae causa Patribus eum potius, quam collegam, revocandi ex provincia esset.

**Syphacis legati ad Rom.** Eo fere tempore legati ab rege Syphace Romam venerunt, quae is prospera proelia cum Carthaginiensibus fecisset, memorantes. 'Regem nec inimiciorem ulli populo, quam Carthaginiensi, nec amiciorem, quam Romano, affirmabant 'esse. Misisse eum antea legatos in Hispaniam ad Cn. et P. Cornelios, imperatores Romanos: nunc 'ab ipso velut fonte petere Romanam amicitiam voluisse.' **Rom. legati ad Syphacem.** Senatus non legatis modo benigne respondit, sed et ipse legatos cum donis ad regem misit, L. Genucium, P. Poetellium, P. Popillium. Dona tulere, togam et tunicam purpuream, sellam eburneam, pateram ex quinque pondo aurifactam. Protinus et alios Africae regulos iussi adire. Is quoque quae darentur, portata, togae praetextae, et terna: pondo paterae aureae. Et Alexandriam ad Ptolemaeum: **Legati Alexandriam missi.** Cleopatramque reges M. Atilius et M'. Acilius legati, ad commemorandam renovandamque amicitiam missi, dona tulere, regi togam et tunicam purpuream cum sella eburnea: reginae pallam pictam cum amiculo purpureo.

Multa ea aestate, qua haec facta sunt, ex propinquis urbibus agrisque nuntiata sunt prodigia: Tusculi agnum cum ubere lactenti natum: Iovis aedis culmen fulmine

9 *Romanorum*] Hanc vocem, et particulam *que*, e margine in textum irrepsisse suspicatur Duker. quum urbanis legionibus socii non ascripti fuerint. Fieri tamen potest, ut Livius haec incuria scripserit, et quingentos Romanos e legionibus urbanis, paremque numerum sociorum missos fuisse intellexerit.

1 *Vestigium abscedi*] h. e. Vel unum passum. DOER. cf. Cic. pro Caecin. 14. *Facere vestigium in possessionem*. Crevierius vocem *vestigium* regi censet a praepositione intellecta, e. g. *secundum*.

2 *Terna pondo*] sc. *Terna pondera* librarum *pondo*. cf. supr. iii. 29. xxi. 47.

3 *Ptolemaeum*] sc. Philopator, regem Aegypti, qui paullo ante initium secundi Punici belli regnare occoepit. Cum eo hic renovatur amicitia inchoata ab avo eius Philadelpho. CREV.

4 *Pallam*] Pallium ad usum feminarum, acu pictum. "Amicula." inquit Festus, "genus est vestimentum a circumiectu dictum." Nempe *amiculum* ab *amico*, quod ab *am*, *syn* *amphi*, circum, et *icio*, iacio. CREV.

ictum, ac prope omni tecto nudatum: iisdem ferme diebus, U. C. 542.  
 Anagninae terram ante portam ictam, diem ac noctem sine A. C. 210.  
 ullo ignis alimento arsisse: et aves, ad compitum Anagninum,  
 in luco Dianae nidos in arboribus reliquisse: Tarracinae in  
 mari haud procul portu angues magnitudinis mirae lascivi-  
 entium piscium modo exsultasse: Tarquiniis porcum cum  
 ore humano genitum: et in agro Capenate, ad lucum Fero-  
 niae, quattuor signa sanguine multo diem ac noctem su-  
 classe. Haec prodigia hostiis maioribus procurata decreto  
 pontificum: et supplicatio diem unum Romae ad omnia  
 pulvinaria, alterum, in Capenate agro, ad Feroniae lucum,  
 indicta.

M. Valerius consul literis excitus, provincia exercituque 5.  
 mandato Cincio praetori, M. Valerio Messalla praefecto Valerius  
 classis cum parte navium in Africam praedatum simul spe- Cos. Ro-  
 culatumque, quae populus Carthaginiensis ageret pararet- mam redit.  
 que, misso, ipse decem navibus Romam profectus quum  
 prospere pervenisset, senatum extemplo habuit. Ibi de  
 6 suis rebus gestis commemoravit. ‘Quum annos prope sex- Res a se  
 ‘aginta in Sicilia terra marique saepe magnis cladibus bel- in Sicilia  
 7 ‘latum esset, se eam provinciam confecisse. Neminem gestas nar-  
 ‘Carthaginiensem in Sicilia esse: neminem Siculum, qui rat.  
 ‘metu inde fugati afuerint, non esse: omnes in urbes, in  
 ‘agros suos reductos, arare, serere: desertam recoli tandem  
 ‘terram, frugiferam ipsis cultoribus, populoque Romano  
 8 ‘pace ac bello fidissimum annonae subsidium.’ Exin  
 Mutine, et si quorum aliorum merita erga populum Roma-  
 num erant, in senatum introductis, honores omnibus, ad  
 exsolvendam fidem a consule, habiti. Mutines etiam civis  
 Romanus factus, rogatione ab tribuno plebis, ex auctoritate  
 Patrum, ad plebem lata.

Dum haec Romae geruntur, M. Valerius Messalla quin- Classis  
 quaginta navibus quum ante lucem ad Africam accessisset, Rom. Afri-  
 improvise in agrum Uticensem exscensionem fecit: eum- cam popu-  
 que late depopulatus, multis mortalibus cum alia omnis latur.  
 generis praeda captis, ad naves rediit, atque in Siciliam  
 transmisit: tertio decimo die, quam profectus inde erat,  
 Lilybaeum revectus. Ex captivis, quaestione habita, haec  
 comperta, consulique Laevino omnia ordine perscripta, ut  
 sciret, quo in statu res Africae essent. ‘Quinque millia

5 *Compitum Anagninum*] Hoc no-  
 men loci, id est, vici alicuius, sive  
 oppiduli, esse monet Douiatius. At  
 quo auctore id affirmet, docere neg-  
 lexit. Res per se ipsa admodum est  
 verisimilia. CREV.

6 *Annos prope sexaginta*] Ab anno

nimirum 488. U. C. a quo hic quin-  
 quagesimus quintus annus agitur.  
 CREV.

7 *Provinciam confecisse*] Debel-  
 lasse. cf. supr. xxvi. 21.

8 *Exin Mutine*] Qui Agrigentum  
 prodidisse traditur, supr. xxvi. 40.

U. C. 542. 'Numidarum cum Masinissa, Galae filio, acerrimo iuvene,  
A. C. 210. 'Carthagine esse; et alios per totam Africam milites mer-

Concerta-  
tio de dic-  
tatore di-  
cendo.

'cede conduci, qui in Hispaniam ad Hasdrubalem traice-  
'rentur: ut is, quam maximo exercitu primo quoque tem-  
'pore in Italiam transgressus, iungeret se Hannibali. In  
'eo positam victoriam credere Carthaginienses. Classem  
'praeterea ingentem apparari ad Siciliam repetendam,  
'eamque se credere brevi traiecturam.' Haec recitata a  
consule ita movere senatum, ut non expectanda comitia  
consuli censerent, sed dictatorem comitiorum habendorum  
causa dici, et extemplo in provinciam redeundum. Illa  
disceptatio tenebat, quod consul in Sicilia se M. Valerium  
Messallam, qui tum classi praeesset, dictatorem dicturum  
esse aiebat: Patres extra Romanum agrum (eum autem  
Italia terminari) negabant dictatorem dici posse. M. Lu-  
cretius tribunus plebis quum de ea re consuleret, ita de-  
crevit senatus, 'Ut consul prius, quam ab urbe discederet,  
'populum rogaret, quem dictatorem dici placeret; eumque,  
'quem populus iussisset, diceret dictatorem. Si consul  
'noluisset, praetor populum rogaret: si ne is quidem vellet,  
'tum tribuni ad plebem ferrent.' Quum consul se populum  
rogaturum negasset, quod suae potestatis esset, praetorem-  
que vetuisset rogare; tribuni plebis rogarunt, plebesque  
scivit, ut Q. Fulvius, qui tum ad Capuam erat, dictator  
diceretur. Sed, quo die id plebis concilium futurum erat,  
consul clam nocte in Siciliam abiit: destitutique Patres  
litteras ad M. Claudium mittendas censuerunt, ut desertae  
ab collega reipublicae subveniret, diceretque, quem populus  
iussisset, dictatorem. Ita a M. Claudio consule Q. Fulvius  
dictator dictus, et ex eodem plebiscito et ab Q. Fulvio dic-  
tatore P. Licinius Crassus pontifex maximus magister equi-  
tum dictus. Dictator postquam Romam venit, Cn. Sem-  
pronium Blaesum legatum, quem ad Capuam habuerat, in  
Etruriam provinciam ad exercitum misit, in locum C. Cal-  
purnii praetoris; quem, ut Capuae exercituique suo prae-  
esset, literis excivit. Ipse comitia, in quem diem primum  
potuit, edixit: quae, certamine inter tribunos dictatorem-  
que iniecto, perfici non potuerunt. Galeria iuniorum, quae

Q. Fulvius  
dictator.

6.

Comitia.  
Certamen  
inter dicta-  
torem et  
tribunos  
plebis.

9 *Eum autem Italia terminari*] Haec ita accipienda sunt, ut nullus extra Italiam ager pro Romano haberetur, non ut omnis Italiae ager Romanus esset. CREV.

1 *Quod suae potestatis esset*] Arbitrium vero liberum dictatorem, quem vellet, dicendi consulem habuisse negat Niebhr. i. n. 1251.

2 *Tribuni plebis rogarunt*] cf. Supr.

iv. 26. ubi senatus tribunos appellat adversus consules dictatorem dicere nolentes.

3 *Ex eodem plebiscito*] Hinc magistrum equitum antiquitus ex auctoritate plebeiorum equitum, non ad arbitrium dictatoris, dictum fuisse censet Niebhr. i. n. 1258, 1259.

4 *Galeria iuniorum*] cf. Supr. x. 22. xxiv. 7. xxvi. 22.



sorte praerogativa erat, Q. Fulvium et Q. Fabium consules U. C. 542.  
 5 dixerat, eodemque iure vocatae inclinassent, ni tribuni A. C. 210.  
 plebis C. et L. Arennii se interposuissent: qui, 'neque  
 6 'magistratum continuari satis civile esse,' aiebant; 'et  
 'multo foedioris exempli, eum ipsum creari, qui comitia  
 'haberet. Itaque, si suum nomen dictator acciperet, se  
 'comitiis intercessuros: si aliorum, praeterquam ipsius,  
 'ratio haberetur, comitiis se moram non facere.' Dictator  
 causam comitiorum auctoritate senatus, plebiscito, exemplis  
 tutabatur. 'Namque, Cn. Servilio consule, quum C. Fla-  
 'minius alter consul ad Trasimenum cecidisset, ex aucto-  
 'ritate Patrum ad plebem latum, plebemque scivisse, ut,  
 'quoad bellum in Italia esset, ex iis, qui consules fuissent,  
 'quos et quoties vellet, reficiendi consules populo ius esset:  
 'exemplumque eam in rem se habere vetus L. Postumii  
 'Megelli, qui interrex iis comitiis, quae ipse habuisset,  
 'consul cum C. Iunio Bubulco creatus esset; recens Q.  
 'Fabii, qui sibi continuari consulatum, nisi id bono publico  
 'fieret, profecto nunquam sisset.' His orationibus quum  
 diu certatum esset, postremo ita inter dictatorem ac tribu-  
 nos convenit, ut eo, quod censuisset senatus, staretur.  
 Patribus id tempus reipublicae visum est, ut per veteres, et  
 expertos, bellicae peritos imperatores respublica gereretur.  
 Itaque moram fieri comitiis non placere. Concedentibus  
 tribunis, comitia habita. Declarati consules Q. Fabius  
 Maximus quintum, Q. Fulvius Flaccus quartum. Praetores  
 inde creati, L. Veturius Philo, T. Quinctius Crispinus, C.  
 Hostilius Tubulus, C. Aurunculeius. Magistratibus in  
 annum creatis, Q. Fulvius dictatura se abdicavit.

Extremo aestatis huius classis Punica navium quadra-  
 ginta, cum praefecto Hamilcare in Sardiniam traiecta, Ol-  
 biensem primo, dein, postquam ibi P. Manlius Vulso prae-  
 tor cum exercitu apparuit, circumacta inde ad alterum in-  
 sulae latus, Caralitanum agrum vastavit, et cum praeda  
 omnis generis in Africam rediit.

Sacerdotes Romani eo anno mortui aliquot suffectique.  
 C. Servilius pontifex factus in locum T. Otacilii Crassi.  
 7 Ti. Sempronius Ti. F. Longus augur factus in locum T.  
 Otacilii Crassi. Decemvir item sacris faciundis in locum

5 *Iure vocatae*] cf. Supr. v. 18. *Iure vocatae* reliquae dicebantur tri-  
 bus, sive centuriae, praeter praeroga-  
 tivam, cuius suffragio renuntiato, in  
 eandem sententiam ceterae plerum-  
 que inclinabant.

6 *Satis civile*] sc. Congruum ae-  
 quae inter cives libertati, quippe ple-  
 biscito ann. U. C. 413. cautum erat,

ne quis eundem magistratum intra  
 decem annos caperet: quod haud du-  
 bie sublatum fuisset, si magistratus,  
 a dictatura ad consulatum transiturus,  
 cuivis continuatus esset.

7 *Ti. Sempronius . . . . T. Otacilii  
 Crassi*] Haec verba unciolis inclusit  
 Drakenb. quum Livius infr. xli. 21.  
 mortem huius Ti. Sempronii referens,

U. C. 542. Ti. Sempronii C. F. Longi Ti. Sempronius Ti. F. Longus  
A. C. 210. suffectus. M. Marcius rex sacrorum mortuus est, et M.  
Aemilius Papus maximus curio: neque in eorum locus  
sacerdotes eo anno suffecti.

Censores.

Et censores hic annus habuit L. Veturium Philonem et  
P. Licinium Crassum, maximum pontificem. Crassus Li-  
cinius nec consul, nec praetor ante fuerat, quam censor es-  
factus: ex aedilitate gradum ad censuram fecit. Sed hi  
censores neque senatum legerunt, nec quicquam publica  
rei egerunt: mors diremit L. Veturii. Inde et Licinius  
censura se abdicavit. Aediles curules L. Veturius et P.  
Licinius Varus ludos Romanos diem unum instaurarunt.  
Aediles plebis Q. Cadius et L. Porcius Licinus ex multatissimi  
argento signa aenea ad Cereris dedere: et ludos, pro tem-  
poris eius copia, magnifici apparatus fecerunt.

7.

Laelius ex  
Hispania  
Romam  
venit.

Exitu anni huius, die quarto et tricesimo, quam ab Tar-  
racone profectus erat, C. Laelius legatus Scipionis Romam  
venit: isque, cum agmine captivorum ingressus urbem,  
magnum concursum hominum fecit. Postero die in sena-  
tum introductus, captam Carthaginem, caput Hispaniae,  
uno die, receptasque aliquot urbes, quae defecissent, no-  
vasque in societatem ascitas, exposuit. Ex captivis com-  
perta his fere congruentia, quae in literis fuerant M. Valerii  
Messallae. Maxime movit Patres Hasdrubalis transitus in  
Italiam, vix Hannibali atque eius armis subsistentem.  
Productus et in concionem Laelius eadem edisseruit. Se-  
natus ob res feliciter a P. Scipione gestas supplicationem in  
unum diem decrevit. C. Laelium primo quoque tempore,  
cum quibus venerat navibus, redire in Hispaniam iussit.

Carthaginis expugnationem in hunc annum contuli,  
multis auctoribus; haud nescius, quosdam esse, qui anno  
insequenti captam tradiderint: quod mihi minus simile  
veri visum est, annum integrum Scipionem nihil gerendo  
in Hispania consumpsisse.

U. C. 543.  
A. C. 209.

Q. Fabio Maximo quintum, Q. Fulvio Flacco quartum  
consulibus, Idibus Martiis, quo die magistratum inierunt,

eum decemvirum sacrorum fuisse, et  
quis illi in hoc sacerdotio successerit,  
memorat, at auguratus non meminit;  
sed Gronov. fide mss. nisus, haec  
haud dubie Livii verba fuisse censet,  
et apud Romanos sacerdotia plura in  
singulos haud raro collata fuisse va-  
riis exemplis confirmat.

8 *Maximus curio*] cf. Supr. iii. 7.

9 *Inde et Licinius censura se abdi-  
cavit*] Quia religioni esset in de-  
mortui locum censorem suffici. cf.  
supr. v. 31.

1 *Diem unum instaurarunt*] h. e.  
Diem unum ad quatrimum adiece-  
runt. cf. supr. xxv. 2. Niebhr. ii. 1.  
68.

2 *Ludos*] sc. Plebeios, Cereri, Li-  
bero Liberaeque factos. cf. Cic. in  
Verr. v. 14.

3 *Vix Hannibali ... subsistentem*]  
Id est, vix parem: quemadmodum  
apud Cic. ad Divera. xi. 10. *subsisten-  
sumptui*, quod ex optimis mss. repe-  
suerunt Victorius et Gebhardus. Cf.

Italia ambobus provincia decreta; regionibus tamen parti- U. C. 543.  
tum imperium: Fabius ad Tarentum, Fulvius in Lucanis ac A. C. 209.  
Bruttiis rem gereret. M. Claudio prorogatum in annum Q. Fabio  
imperium. Praetores sortiti provincias: C. Hostilius Tu- V. Q. Ful-  
bulus urbanam, L. Veturius Philo peregrinam cum Gallia, Coss.  
T. Quinctius Crispinus Capuam, C. Aurunculeius Sardi- Provinciae  
niam. Exercitus ita per provincias divisi. Fulvio duae et exerci-  
legiones, quas in Sicilia M. Valerius Laevinus haberet: Q. tus.  
Fabio, quibus in Etruria C. Calpurnius praefuisset, decre-  
tae. Exercitus urbanus ut in Etruriam succederet: C.  
Calpurnius eidem praeeset provinciae exercituique: Ca-  
puam exercitumque, quem Q. Fulvius habuisset, T. Quin-  
ctius obtineret. L. Veturius ab C. Laetorio propratore  
provinciam exercitumque, qui tum iam Arimini erat, acci-  
peret. M. Marcello, quibus consul bene rem gesserat,  
legiones decretae. M. Valerio cum L. Cincio (his quoque  
est enim prorogatum in Sicilia imperium) Cannensis exer-  
citus datus: eumque supplere ex militibus, qui ex legioni-  
bus Cn. Fulvii superessent, iussi. Conquisitos eos consules  
in Siciliam miserunt: additaque eadem militiae ignominia,  
sub qua Cannenses militabant, quique ex praetoris Cn.  
Fulvii exercitu, ob similis iram fugae, missi eo ab senatu  
fuerant. C. Aurunculeio eadem in Sardinia legiones,  
quibus P. Manlius Vulso eam provinciam obtinuerat, de-  
cretae. P. Sulpicio, eadem legione eademque classe Ma-  
cedoniam obtinere iusso, prorogatum in annum imperium.  
Triginta quinqueres ex Sicilia Tarentum ad Q. Fabium  
consulem mitti iussae: cetera classe praedatum in Africam  
aut ipsum M. Valerium Laevinum traicere; aut mittere,  
seu L. Cincium, seu M. Valerium Messallam. Nec de  
Hispania quicquam mutatum, nisi quod non in annum Sci-  
pioni Silanoque, sed donec revocati ab senatu forent, pro-  
rogatum imperium est. Ita provinciae exercituumque in  
eum annum partita imperia.

Inter maiorum rerum curas comitia maximi curionis, 8.  
quum in locum M. Aemilii sacerdos crearetur, vetus exci-  
taverunt certamen; patriciis negantibus C. Mamili Vituli, C. Mami-  
qui unus ex plebe petebat, habendam rationem esse, quia lius primus  
nemo ante eum, nisi ex Patribus, id sacerdotium habuisset. ex plebe  
maximus  
curio.

4 *L. Veturius ab C. Laetorio*] Pro  
*L. Veturius*, quod Pighius reposuit,  
codices *C. Hostilius* prae se ferunt:  
sed Pighii coniectura iis, quae infr.  
10. et 22. memorantur, praeclare fir-  
matur.

5 *Praetoris Cn. Fulvii*] Triennio  
ante circa Herdoneam ab Hannibale  
victi. cf. supr. xxv. 21.

6 *P. Sulpicio*] Quem supr. xxvi.  
28. exercitum omnem praeter socios  
dimittere iussum fuisse animadvertit  
Pighius. Hinc, quum, prorogato im-  
perio, infr. 22, nulla legionis mentio  
facta sit, vel Livium hallucinatum  
esse, vel librariorum peccasse Perizonius  
coniecit.

U. C. 543. Tribuni appellati ad senatum reiecerunt. Senatus populi:  
A. C. 209. potestatem fecit. Ita primus ex plebe creatus maximus  
Flamen curio C. Mamilius Vitulus. Et flaminem Dialem invitum  
Dialis in- inaugurari coegit P. Licinius pontifex maximus C. Vale-  
vitus inau- rium Flaccum. Decemvir sacris faciundis creatus in locum  
guratur C. Q. Mucii Scaevolae demortui C. Laetorius. Causam in-  
Valerius. augurari coacti flaminis libens reticuissem, ni ex mala fama  
in bonam vertisset. Ob adolescentiam negligentem luxu-  
riosamque C. Flaccus flamen captus a P. Licinio pontifice  
maximo erat, L. Flacco fratri germano cognatisque aliis ob  
eadem vitia invisus. Is, ut animum eius cura sacrorum et  
caerimoniarum cepit, ita repente exuit antiquos mores, ut  
nemo tota iuventute haberetur prior, nec probatior primo-  
ribus Patrum, suis pariter alienisque, esset. Huius famae  
consensu elatus ad iustam fiduciam sui, rem intermissam  
per multos annos ob indignitatem flaminum priorum repe-  
tivit, ut in senatum introiret. Ingressum eum curiam quum  
L. Licinius praetor inde eduxisset, tribunos plebis appella-  
vit flamen. Vetustum ius sacerdotii repetebat: datum id  
cum toga praetexta et sella curuli flaminio esse. Praetor,  
non exoletis vetustate annalium exemplis stare ius, sed re-  
centissimae cuiusque consuetudinis usu, volebat: nec pa-  
trum, nec avorum memoria Dialem quemquam id ius usur-  
passe. Tribuni, rem inertia flaminum oblitteratam ipsis,  
non sacerdotio, damno fuisse, quum aequum censuissent,  
ne ipso quidem contra tendente praetore, magno assensu  
Patrum plebisque, flaminem in senatum introduxerunt;  
omnibus ita existimantibus, magis sanctitate vitae, quam  
sacerdotii iure, rem eam flaminem obtinuisse.

Iure sacer-  
dotii sena-  
tum ingre-  
ditur.

Consules prius, quam in provincias irent, duas urbanas  
legiones, in supplementum, quantum opus erat ceteris  
exercitibus militum, scripserunt. Urbanum veterem exer-  
citum Fulvius consul C. Fulvio Flacco legato (frater hic  
consulis erat) in Etruriam dedit ducendum, et legiones  
quae in Etruria erant, Romam deducendas. Et Fabius

7 *Senatus populi potestatem fecit*] Senatus censuit liberam huiusce rei potestatem populo esse relinquendam. Sic Sallust. B. Iug. 78. *Graeci optionem Carthaginiensium faciunt.* CR.

8 *Flamen captus*] Verbum in hac re proprium. Dicebatur enim flamen *capi*, vestalis *capi*, id est, eligi a pontifice maximo. Vid. A. Gellium, i. 12. Quod autem hic L. Flaccus flamen captus memoratur a pontifice maximo ob adolescentiam negligentem luxuriosamque, nimirum vel speravit pontifex maximus, id quod evenit, fore ut animus eius cura sacro-

rum et caerimoniarum occupatus vitia exueret; vel, quia clarissimo genere ortus adolescens ob prava mores nullum publicum munus adipisci posse videretur, ideo solari cognatos eius voluit, hoc ei impertito sacerdotio. CREV.

9 *Duas urbanas legiones*] Vitiosam esse huius loci interpunctionem suspicatur Crevier. qui *duas urbanas legiones*; legendum vult, quippe *legiones urbanas* a militibus, qui ad subita belli ministeria praesto essent, omnino diversae essent.

consul reliquias exercitus Fulviani conquisitas (fuere autem U. C. 543. ad tria millia trecenti triginta sex) Q. Maximum filium A. C. 209. ducere in Siciliam ad M. Valerium proconsulem iussit: Exercitus in Sicilia. atque ab eo duas legiones et triginta quinqueres accipere. Nihil hae eductae ex insula legiones minuerunt nec viribus nec specie eius provinciae praesidium. Nam quum, praeter egregie suppletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Poenorum fuerant, belli peritos viros, milites scripsit. Ea externa auxilia quum singulis Romanis legionibus adiunxisset, duorum speciem exercituum servavit: altero L. Cincium partem insulae, qua regnum Hieronis fuerat, tueri iussit; altero ipse ceteram insulam tuebatur, divisam quondam Romani Punicique imperii finibus; classe quoque navium septuaginta partita, ut omni ambitu litorum praesidia orae maritimae essent. Ipse cum Mutinis equitatu provinciam peragrabat, ut viseret agros, cultaque ab incultis notaret, et perinde dominos laudaret castigaretque. Ita tantum ea cura frumenti provenit, ut et Romam mitteret, et Catanam conveheret, unde exercitui, qui ad Tarentum aestiva acturus esset, posset praeberi.

Ceterum transportati milites in Siciliam (et erant maior pars Latini nominis sociorumque) prope magni motus causa fuere: adeo ex parvis saepe magnarum momenta rerum pendent. Fremitus enim inter Latinos sociosque in conciliis ortus: ‘Decimum annum delectibus, stipendiis exhaustos esse: quotannis ferme clade magna pugnare. Alios in acie occidi, alios morbo absumi: magis perire sibi civem, qui ab Romano miles lectus sit, quam qui a Poeno captus. Quippe ab hoste gratis remitti in patriam; ab Romanis extra Italiam in exilium verius, quam in militiam, ablegari. Octavum iam ibi annum senescere Canensem militem, moriturum ante, quam Italia hostis (quippe nunc quum maxime florens viribus) excedat. Si veteres milites non redeant in patriam, novi legantur, brevi neminem superfuturum. Itaque, quod propediem res ipsa negatura sit, priusquam ad ultimam solitudinem atque egestatem perveniant, negandum populo Romano esse. Si consentientes in hoc socios videant Romani, profecto de pace cum Carthaginiensibus iungenda cogitatu-  
9.

1 *Divisam quondam*] Hanc divisionem nunquam locum habuisse censet Duker. Sed Crevier. tempus belli Punici primi fortasse a nostro respici monet.

2 *Perinde dominos*] *Proinde* Gronovius emendat, quem auctorem se-

cutus est Bekker. Voculas *pro*, *prae*, et *per*, saepissime in mss. permutari, quum librarii passim compendia, quibus notari solebant, confuderint, monet Drakenb. De vocula *perinde*, cf. Ruhnken. Opusc. p. 748.

U. C. 543. 'aliter nunquam, vivo Hannibale, sine bello Italiam fore.'  
 A. C. 209. Haec acta in conciliis. Triginta tum coloniae populi Ro-  
 Coloniae mani erant. Ex iis duodecim, quum omnium legationes  
 duodecim negant se Romae essent, negaverunt consulibus esse, unde milites  
 negant se daturas pecuniamque darent. Eae fuere Ardea, Nepete, Sutrium,  
 milites Ro- Alba, Carseoli, Cora, Suessa, Circeii, Setia, Cales, Narnia,  
 mania. Interamna. Nova re consules icti, quum abstertere eos a  
 Castigan- tur a Cons. tam detestabili consilio vellent, castigando increpandoque  
 plus, quam leniter agendo, profecturos rati, 'eos ausos esse  
 'consulibus dicere,' aiebant, 'quod consules, in senatu ut  
 'pronuntiarent, in animum inducere non possent. Non  
 'enim detrectationem eam munerum militiae, sed apertam  
 'defectionem a populo Romano esse. Redirent itaque  
 'propere in colonias, et, tanquam integra re, locuti magis,  
 'quam ausi, tantum nefas, cum suis consulerent: admone-  
 'rent, non Campanos, neque Tarentinos eos esse, sed Ro-  
 'manos; inde oriundos, inde in colonias atque in agrum  
 'bello captum stirpis augendae causa missos: quae liberi  
 'parentibus deberent, ea illos Romanis debere, si ulla  
 'pietas, si memoria antiquae patriae esset. Consulerent  
 'igitur de integro: nam, tum quidem quae temere agitas-  
 'sent, ea prodendi imperii Romani, tradendae Hannibali  
 'victoriae esse.' Quum alternis haec consules diu iactas-  
 sent, nihil moti legati, 'neque se, quod domum renun-  
 'tiarent, habere,' dixerunt, 'neque senatum suum, quid  
 'novi consuleret, ubi nec miles, qui legeretur, nec pecunia,  
 'quae daretur in stipendium, esset.' Quum obstinatos eos  
 viderent consules, rem ad senatum detulerunt: ubi tantus  
 pavor animis omnium est iniectus, ut magna pars, 'actum  
 'de imperio,' diceret. 'Idem alias colonias facturas; idem  
 'socios consensisse omnes, ad prodendam Hannibali urbem  
 10. 'Romanam.' Consules hortari et consolari senatum, et  
 dicere, 'Alias colonias in fide atque officio pristino fore;  
 'eas quoque ipsas, quae officio decessissent, si legati circa  
 'eas colonias mittantur, qui castigent, non qui precentur,  
 'verecundiam imperii habituras esse.' Permissum ab se-  
 natu iis quum esset, agerent, facerentque, ut e republica  
 ducerent; pertentatis prius aliarum coloniarum animis,  
 citaverunt legatos, quaesiveruntque ab iis, 'ecquid milites  
 'ex formula paratos haberent?' Pro duodeviginti coloniis:

3 *Triginta tum colonias*] Tres et quadraginta colonias a Romanis ab urbe condita usque ad hoc tempus deductas fuisse Livio auctore docet Sigonius. Unde aut reliquas in potestate Hannibalis iam fuisse, aut ad subsidia Romam mittenda non satis valuisse, cum Crevierio existimes.

4 *Legationes Romas*] sc. Vel ob eam causam a consulibus evocatae. vel ultro Romam profectae, ut Lipsius de Mil. Rom. i. 7. animadvertit. Dr.

5 *Ex formula*] Qua descriptum erat, quantum quaeque colonia militum deberet. Vid. supr. xxii. 57. CREV.



M. Sextilius Fregellanus respondit: 'et milites ex formula U. C. 543.  
 ' paratos esse: et, si pluribus opus esset, plures daturus: A. C. 209.  
 ' et, quicquid aliud imperaret velletque populus Romanus, Reliquae  
 ' enixe facturos. Ad id sibi neque opes deesse, animum in officio  
 ' etiam superesse.' Consules, sibi parum videri, praefati, sunt.  
 pro merito eorum, sua voce collaudari eos, nisi universi Pa-  
 tres iis in curia gratias egissent, sequi in senatum iusserunt.  
 Senatus, quam poterat honoratissimo decreto allocutus eos,  
 mandat consulibus, ut ad populum quoque eos producerent,  
 et inter multa alia praeclara, quae ipsis maioribusque suis  
 praestitissent, recens etiam meritum eorum in rempub-  
 6 licam commemorarent. Ne nunc quidem post tot saecula  
 sileantur, fraudenturve laude sua. Signini fuere, et Norba-  
 ni, Saticulanique, et Brundisini, et Fregellani, et Lucerini,  
 7 et Venusini, et Hadriani, et Firmani, et Ariminenses: et ab  
 altero mari, Pontiani, et Paestani, et Cosani: et mediter-  
 ranei, Beneventani, et Aesernini, et Spoletini, et Placen-  
 tini, et Cremonenses. Harum coloniarum subsidio tum  
 imperium populi Romani stetit: iisque gratiae et in se-  
 natu, et ad populum actae. Duodecim aliarum coloniarum,  
 quae detrectaverunt imperium, mentionem fieri Patres ve-  
 tuerunt, neque illos dimitti, neque retineri, neque appellari  
 a consulibus. Ea tacita castigatio maxime ex dignitate  
 populi Romani visa est.

Cetera expedientibus, quae ad bellum opus erant, con-  
 8 sulibus, aurum vicesimarium, quod in sanctiore aerario ad  
 9 ultimos casus servabatur, promi placuit. Prompta ad  
 quattuor millia pondo auri. Inde quingena pondo data  
 consulibus, et M. Marcello, et P. Sulpicio proconsulibus,  
 et L. Veturio praetori, qui Galliam provinciam sortitus  
 erat; additumque Fabio consuli centum pondo auri  
 praecipuum, quod in arcem Tarentinam portaretur. Ce-  
 1 tero usi sunt ad vestimenta praesenti pecunia locanda ex-  
 ercitus, qui in Hispania bellum secunda sua fama ducisque  
 gerebat.

Prodigia quoque, priusquam ab urbe consules proficisce- 11.  
 rentur, procurari placuit. In Albano monte tacta de coelo Prodigia.

6 *Post tot saecula*] Paullo plus du-  
 centi anni effluxerant ab hoc tempore  
 ad illud, quo Livius suam historiam  
 scribebat. An et hic γέveαι intelligi  
 debent? Vid. supr. ix. 18. CREV.

7 *Ariminenses*] Hinc Savignius  
 locum apud Ciceron. Orat. pro A.  
 Caecina c. 35. refinxit, *duodeviginti*  
 pro *duodecim* coloniis legendum sua-  
 dens. cf. Museum Philolog. Cantab.  
 ii. p. 156.

VOL. II.

8 *Aurum vicesimarium*] Aurum  
 congestum paullatim ex vicesima par-  
 te pretii eorum, qui manumitteban-  
 tur; quae quidem solvi coepta fuerat  
 anno U. C. 398. Vid. supr. vii. 16.  
 CLERICUS.

9 *In sanctiore aerario*] sc. Recon-  
 ditore, unde, nisi in gravissimis discri-  
 minibus, non depromeretur.

1 *Ad vestimenta*] Quae exercitus  
 praebenda conducerent redemptores.



U. C. 543. erant signum Iovis, arborque templo propinqua, et Ostiae:  
 A. C. 209. lacus, et Capuae murus, Fortunaeque aedes, et Sinuessae  
 murus portaque. Haec de coelo tacta. Cruentam etiam  
 fluxisse aquam Albanam, quidam auctores erant: et Romae  
 intus cellam aedis Fortis Fortunae de capite signum, quod:  
 in corona erat, in manus sponte sua prolapsum. Et Pri-  
 verni satis constabat bovem locutum, vulturiumque fre-  
 quenti foro in tabernam devolasse, et Sinuessae natum am-  
 biguo inter marem ac feminam sexu infantem: quos an-  
 drogynos vulgus (ut pleraque, faciliore ad duplicanda verba  
 Graeco sermone) appellat: et lacte pluisse, et cum ele-  
 phanti capite puerum natum. Ea prodigia hostiis maiori-  
 bus procurata, et supplicatio circa omnia pulvinaria, et ob-  
 secratio in unum diem indicta: et decretum, ut C. Hosti-  
 lius praetor ludos Apollini, sicut his annis voti factique  
 erant, voveret faceretque.

Censores. Per eos dies et censoribus creandis Q. Fulvius consul  
 comitia habuit. Creati censores, ambo qui nondum con-  
 sules fuerant, M. Cornelius Cethegus, P. Sempronius Tu-  
 ditanus. Hi censores ut agrum Campanum fruendum:  
 locarent, ex auctoritate Patrum latum in plebem est, ple-  
 besque scivit. Senatus lectionem contentio inter censores  
 de principe legendo tenuit. Sempronii lectio erat: cete-  
 rum Cornelius 'morem traditum a patribus sequendum'  
 aiebat, 'ut, qui primus censor ex iis, qui viverent, fuisset,  
 'eum principem legerent.' Is T. Manlius Torquatus erat  
 Sempronius, 'cui dii sortem legendi dedissent, et ius li-  
 'berum eosdem dedisse deos. Se id suo arbitrio facturum:  
 'lecturumque Q. Fabium Maximum, quem tum principem  
 'Romanae civitatis esse, vel Hannibale iudice, victurus:  
 'esset.' Quum diu certatum verbis esset, concedente col-  
 lega, lectus a Sempronio princeps in senatu Q. Fabius  
 Maximus consul: inde alius lectus senatus, octo praeteritis,

De legen-  
 do prin-  
 cipe sena-  
 tus conten-  
 tio.

2 *Ostias lacus*] Quum lacum de  
 coelo tactum fuisse nusquam alibi le-  
 gerit, nec quomodo id dici possit, in-  
 tellexerit, *lucus* hoc loco Livium for-  
 tasse scripsisse coniecit Crevier.

3 *Intus cellam*] *Intus domum* apud  
 Plaut. Mil. Glor. ii. 6. 55. citat Gro-  
 novius.

4 *Obsecratio . . . indicta*] *Obse-  
 cratio* sumitur hic specialiore sensu pro  
 ritu quodam peculiari supplicandi  
 diis, quemadmodum supr. iv. 21. *Ob-  
 secratio . . . a populo duumviris prae-  
 euntibus est facta.* CREV.

5 *Ut agrum Campanum fruendum  
 locarent*] sc. Ut fructum seu vectigal,  
 quod possessores reipublicae pende-

rent, mancipibus locarent. Noster,  
 ut Crevier. monet, memoravit supr.  
 3. agrum Campanum a Fulvio locu-  
 tum esse. Sed nimirum haec res sol-  
 lenniore ritu peragitur a censoribus,  
 quorum proprium hoc munus erat, ex  
 auctoritate Patrum plebisque iussu.

6 *Latum in plebem*] Hanc inus-  
 tatam loquendi formam tantum non  
 respuit Crevier. quum semper alii  
 scriptores antiqui dixerint *ferre ad  
 plebem*, quam lectionem edd. quae-  
 dam prae se ferunt.

7 *Victurus esset*] Evicturus esset.  
 cf. Cic. ad Diversa. xi. 28. "Perinde  
 ac si iam vicerit, obitum eius rei  
 publicae fuisse utilem."

inter quos L. Caecilius Metellus erat, infamis auctor de- U. C. 543.  
serendae Italiae post Cannensem cladem. In equestribus A. C. 209.  
quoque notis eadem servata causa: sed erant perpauca,  
quos ea infamia attingeret. Illis omnibus (et multi erant) Notati  
adempti equi, qui Cannensium legionum equites in Sicilia Cannenses  
8 erant. Addiderunt acerbitati etiam tempus, ne praeterita equites.  
stipendia procederent iis, quae equo publico emeruerant,  
sed dena stipendia equis privatis facerent. Magnum prae-  
terea numerum eorum conquisiverunt, qui equo merere  
deberent: atque ex iis, qui principio eius belli septendecim  
annos nati fuerant, neque militaverant, omnes aerarios fe-  
cerunt. Locaverunt inde reficienda, quae circa forum  
9 incendio consumpta erant, septem tabernas, macellum,  
atrium regium.

Transactis omnibus, quae Romae agenda erant, consules 12.  
ad bellum profecti. Prior Fulvius praegressus Capuam.  
Post paucos dies consecutus Fabius; qui et collegam coram Fabius sta-  
obtestatus, et per literas Marcellum, ut quam acerrimo tuit Taren-  
bello detinerent Hannibalem, dum ipse Tarentum oppu- tum op-  
gnaret: ea urbe adempta hosti iam undique pulso, nec ubi pugnare.  
consisteret, nec quid fidum respiceret habenti, ne remo-  
randi quidem causam in Italia fore. Rhegium etiam nun-  
tium mittit ad praefectum praesidii, quod ab Laevino  
1 consule adversus Bruttios ibi locatum erat, octo millia ho-  
minum: pars maxima ab Agathyra, sicut antea dictum  
est, ex Sicilia traducta, rapto vivere hominum assuetorum.  
2 Additi erant Bruttiorum indidem perfugae, et audacia et  
audendi omnia necessitatibus pares. Hanc manum ad  
Bruttium primum agrum depopulandum duci iussit, inde  
ad Cauloniam urbem oppugnandam. Imperata non im-  
pigre solum, sed etiam avide, exsecuti, direptis fugatisque  
cultoribus agri, summa vi urbem oppugnabant. Marcellus, Marcellus  
et consulis literis excitus, et quia ita in animum induxerat, ad Canu-  
neminem ducem Romanum tam parem Hannibali, quam sium Han-  
se, esse, ubi primum in agris pabuli copia fuit, ex hibernis nibali oc-  
profectus, ad Canusium Hannibali occurrit. Sollicitabat Recedit  
ad defectionem Canusinos Poenus: ceterum, ut appropin- Hannibal,  
quare Marcellum audivit, castra inde movit. Aperta erat Marcello.

8 *Ne praeterita stipendia procederent iis, quae equo publico emeruerant*] Ne praeteritorum stipendiorum, quae equo publico emeruerant, ulla ratio haberetur. Hinc dena stipendia facere equis privatis iubentur. Tot enim annis, nempe decem, finiebatur equestris militiae tempus, teste Polyb. vi. 19. CREV.

9 *Septem tabernas*] cf. Supr. xxvi.

27.

1 *Octo millia hominum . . . vivere hominum assuetorum*] Alterutro loco vox *hominum* abundare videtur. Utrum autem ex posteriore Crevierius, an ex priori loco Gronovius expungendam rectius censuerit, viderint lectores.

2 *Indidem*] Ex hac ipsa regione, in qua Rhegium erat. CREV.

U. C. 543. regio, sine ullis ad insidias latebris; itaque in loca saltuosa  
 A. C. 209. cedere inde coepit. Marcellus vestigiis instabat, castraque  
 castris conferebat: et, opere perfecto, extemplo in aciem  
 legiones educebat. Hannibal, turmatim per equites pedi-  
 tumque iaculatores levia certamina serens, casum universae  
 pugnae non necessarium ducebat: tractus est tamen ad id,  
 quod vitabat, certamen. Nocte praegressum assequitur  
 locis planis ac patentibus Marcellus: castra inde ponentem,  
 pugnando undique in munitores, operibus prohibet. Ita  
 signa collata, pugnatumque totis copiis: et, quum iam nox  
 instaret, Marte aequo discessum est. Castra, exiguo dis-  
 tantia spatio, raptim ante noctem permunita. Postero die  
 luce prima Marcellus in aciem copias eduxit. Nec Han-  
 nibal detrectavit certamen, multis verbis adhortatus milites,  
 ‘ut, memores Trasimeni Cannarumque, contunderent ferro-  
 ‘ciam hostis: urgere atque instare eum: non iter quietos  
 ‘facere, non castra ponere pati, non respirare aut circum-  
 ‘spicere: quotidie simul orientem solem et Romanam  
 ‘aciem in campis videndam esse. Si uno proelio haud in-  
 ‘cruentus abeat, quietius deinde tranquilliusque eum bel-  
 ‘laturum.’ His irritati adhortationibus, simulque taedio  
 ferociae hostium quotidie instantium lacescentiumque,  
 acriter proelium ineunt. Pugnatum amplius duabus horis  
 est. Cedere inde ab Romanis dextra ala et extraordinarii;  
 coepere. Quod ubi Marcellus vidit, duodevicesimam le-  
 gionem in primam aciem inducit. Dum alii trepidi cedunt,  
 alii segniter subeunt, turbata tota acies est, dein prorsus  
 fusa; et, vincente pudorem metu, terga dabant. Cecidere  
 in pugna fugaque ad duo millia et septingenti civium so-  
 ciorumque: in his quattuor Romani centuriones, duo tri-  
 buni militum, M. Licinius et M. Helvius. Signa militaria  
 quattuor de ala, prima quae fugit; duo de legione, quae  
 cedentibus sociis successerat, amissa.

Proelium  
 aequo  
 Marte.

Alterum  
 proelium,  
 in quo su-  
 perior Poe-  
 nus.

13. Marcellus, postquam in castra reditum est, concionem  
 adeo saevam atque acerbam apud milites habuit, ut proelio,  
 per diem totum infeliciter tolerato, tristior iis irati ducis  
 oratio esset. ‘Diis immortalibus, ut in tali re, laudes gra-  
 ‘tesque,’ inquit, ‘ago, quod victor hostis, cum tanto pavore  
 ‘incidentibus vobis in vallum portasque, non ipsa castra est  
 ‘aggressus. Deseruissetis profecto eodem terrore castra,

Exercitus  
 acriter a  
 Marcello  
 increpitus.

3 *Dextra ala et extraordinarii*] Socii pars *alares* erant, pars *extraor-  
 dinarii*. Ex omni enim sociali exer-  
 citu eligebantur appositissimi ad ea  
 omnia quae vera virtute egent, quos  
 a ceteris abiungebant et vocabant *ex-  
 traordinarios*. Ex equitibus pars ter-  
 tia, ex peditibus quinta sumebatur.

Reliquos in duas alas, dextram et si-  
 nistram, dividebant. Haec fere Po-  
 lyb. vi. 26. quem interpretatur Lip-  
 sius, de Mil. Rom. ii. 7. Erant igitur  
*alares et extraordinarii*, tum equi-  
 tes tum pedites. Hic de peditibus  
 sermo est. CREV.

‘quo omisistis pugnam. Qui pavor hic, qui terror, quae  
 ‘repente, qui, et cum quibus pugnaretis, oblivio animos  
 ‘cepit? Nempe iidem sunt hi hostes, quos vincendo et  
 ‘victos sequendo priorem aetatem absumpsistis; quibus  
 ‘dies noctesque fugientibus per hos dies institistis; quos  
 ‘levibus proeliis fatigastis; quos hesterno die nec iter  
 ‘facere, nec castra ponere passi estis. Omitto ea, quibus  
 4 ‘gloriari potestis: cuius et ipsius pudere ac poenitere vos  
 ‘oportet, referam. Nempe, aequis manibus hesterno die  
 ‘diremistis pugnam. Quid haec nox, quid hic dies attulit?  
 ‘Vestrae his copiae imminutae sunt, an illorum auctae?  
 ‘Non equidem mihi cum exercitu meo loqui videor, nec  
 ‘cum Romanis militibus: corpora tantum atque arma  
 ‘eadem sunt. An, si eosdem animos habuissetis, terga  
 ‘vestra vidisset hostis? signa alicui manipulo aut cohorti  
 5 ‘abstulisset? Adhuc caesis Romanis legionibus gloria-  
 ‘batur. Vos illi hodierno die primum fugati exercitus  
 ‘dedistis decus.’ Clamor inde ortus, ut veniam eius diei  
 daret; ubi vellet, deinde experiretur militum suorum  
 animos. ‘Ego vero experiar,’ inquit, ‘milites: et vos  
 ‘crastino die in aciem educam, ut victores potius, quam  
 ‘victi, veniam impetretis, quam petitis.’ Cohortibus, quae  
 signa amiserant, hordeum dari iussit: centurionesque ma-  
 6 nipulorum, quorum signa amissa fuerant, destrictis gladiis  
 discinctos destituit; et, ut postero die omnes, equites, pe-  
 dites, armati adessent, edixit. Ita concio dimissa faten-  
 tium, iure ac merito sese increpitos; neque illo die virum  
 quemquam in acie Romana fuisse, praeter unum ducem;  
 cui aut morte satisfaciendum, aut egregia victoria esset.  
 Postero die ornati armatique ad edictum aderant. Impe-  
 rator eos collaudat, pronuntiatque, ‘a quibus orta pridie  
 ‘fuga esset, cohortesque, quae signa amisissent, se in pri-  
 ‘mam aciem inducturum. Edicere iam sese, omnibus  
 ‘pugnandum ac vincendum esse: et annitendum singulis  
 ‘universisque, ne prius hesternae fugae, quam hodiernae  
 ‘victoriae, fama Romam perveniat.’ Inde cibo corpora  
 firmare iussi, ut, si longior pugna esset, viribus sufficerent.  
 Ubi omnia dicta factaque sunt, quibus excitarentur animi  
 militum, in aciem procedunt. Quod ubi Hannibali nun-  
 tiatum est: ‘Cum eo nimirum,’ inquit, ‘hoste res est, qui

14.

Tertium  
proelium.

4 *Cuius et ipsius*] Id referam, quod  
 vobis ipsum pudori esse deberet, nem-  
 pe aequatam vobis hesterno die cum  
 hostibus pugnam. CREV.

5 *Adhuc caesis*] Hactenus gloria-  
 batur Hannibal caesas a se Romanas  
 legiones; at nunquam integras fuga-  
 verat. Vos ei hoc decus hodie pri-

mum dedistis. CREV.

6 *Destrictis gladiis discinctos*] Stare  
 eos Marcellus iussit per aliquantum  
 temporis, discinctos cum nudatis et  
 evaginatis gladiis: quod erat poenae  
 militaris genus, memoratum ap. Sue-  
 ton. Aug. 24. CREV.

U. C. 543. 'nec bonam, nec malâm ferre fortunam potest. Seu vicit,  
 A. C. 209. 'ferociter instat victis; seu victus est, instaurat cum victo-  
 ribus certamen.' Signa inde canere iussit; copias educit.  
 Pugnatum utrimque aliquanto, quam pridie, acrius est:  
 Poenis ad obtinendum hesternum decus annitentibus, Ro-  
 manis ad demendam ignominiam. Sinistra ala ab Romanis  
 et cohortes, quae amiserant signa, in prima acie pugnabant,  
 et legio vicesima ab dextro cornu instructa. L. Cornelius  
 Lentulus et C. Claudius Nero legati cornibus praeerant,  
 Marcellus mediam aciem, hortator testisque praesens, fir-  
 mabat. Ab Hannibale Hispani primam obtinebant fron-  
 tem, et id roboris in omni exercitu erat. Quum anceps  
 diu pugna esset, Hannibal elephantos in primam aciem  
 induci iussit: si quem iniicere ea res tumultum ac pavorem  
 posset. Et primo turbarunt signa ordinesque, et partim  
 occulcatis, partim dissipatis terrore, qui circa erant, nuda-  
 verant una parte aciem: latiusque fuga manasset, ni C.  
 Decimius Flavus tribunus militum, signo arrepto primi  
 hastati, manipulum eius signi se sequi iussisset. Duxit,  
 ubi maxime tumultum conglobatae belluae faciebant, pila-  
 que in eas coniici iussit. Haesere omnia tela haud difficili  
 ex propinquo in tanta corpora ictu, et tam conferta turba.  
 Sed ut non omnes vulnerati sunt: ita, in quorum tergis  
 infixae steterunt pila, (ut est genus anceps) in fugam versi  
 etiam integros avertere. Tum iam non unus manipulus,  
 sed pro se quisque miles, qui modo assequi agmen fugien-  
 tium elephantorum poterat, pila coniicere. Eo magis ruere  
 in suos belluae; tantoque maiorem stragem edere, quam  
 inter hostes ediderant, quanto acrius pavor consternatam  
 agit, quam insidentis magistri imperio regitur. In pertur-  
 batam transcursu belluarum aciem signa inferunt Romani  
 pedites: et haud magno certamine dissipatos trepidan-  
 tesque avertunt. Tum in fugientes equitatum immittit  
 Marcellus, nec ante finis sequendi est factus, quam in castra  
 paventes compulsi sunt. Nam super alia, quae terrorem  
 trepidationemque facerent, elephantique quoque duo in ipsa  
 porta corruerant, coactique erant milites per fossam val-  
 lumque ruere in castra. Ibi maxima hostium caedes facta:  
 caesa ad octo millia hominum, quinque elephantum. Nec

Elephantum  
 aciem  
 Rom. tur-  
 bant.

Fugantur.

Vincit  
 Marcellus.

7 *Obtinendum*] Retinendum, con-  
 servandum.

8 *Sinistra ala ... et legio vicesima*] Pronuntiaverat Marcellus se in pri-  
 mam aciem inducturum eos, a quibus  
 pridie fuga orta esset: in praecedenti  
 autem pugna fuga oritur a dextra  
 ala, ac deinde duodevicesima legione.  
 Itaque mirum videri debet, quod hic

sinistra ala et vicesima legio in prima  
 acie pugnent. CREV.

9 *Signo ... primi hastati*] Signo  
 primi manipuli hastatorum.

1 *Ut est genus anceps*] Quod ele-  
 phanti tam in suos, quam in hostes  
 ruant. SIGON.

2 *Consternatam*] Subendi bellum.

Romanis incruenta victoria fuit: mille ferme et septingenti U. C. 543.  
 de duabus legionibus, et sociorum supra mille et trecentos A. C. 209.  
 occisi: vulnerati permulti civium sociorumque. Hannibal Retrocedit  
 nocte proxima castra movit. Cupientem insequi Marcel- Hannibal.  
 lum prohibuit multitudo sauciorum. Speculatores, qui 15.  
 prosequerentur agmen, missi, postero die retulerunt, Brut-  
 tios Hannibalem petere.

3 Iisdem fere diebus et ad Q. Fulvium consulem Hirpini, Deseritur  
 et Lucani, et Volcentes, traditis praesidiis Hannibalis, quae ab Hirpi-  
 in urbibus habebant, dediderunt sese, clementerque a con- nis, aliis-  
 sule, cum verborum tantum castigatione ob errorem prae- que.  
 teritum, accepti sunt; et Bruttiis similis spes veniae facta  
 est: quum ab iis Vibius et Pactius fratres, longe nobilissimi  
 gentis eius, eandem, quae data Lucanis erat, conditionem  
 deditiois petentes venissent. Q. Fabius consul oppidum  
 in Sallentinis Manduriam vi cepit. Ibi ad quattuor millia  
 hominum capta, et ceterae praedae aliquantum. Inde Fabius Ta-  
 Tarentum profectus, in ipsis faucibus portus posuit castra. rentum op-  
 Naves, quas Livius tutandis commeatibus habuerat, partim pugnatur.  
 machinationibus onerat apparatuque moenium oppugnan-  
 dorum, partim tormentis et saxis omnique missilium telorum  
 genere instruit, onerarias quoque, non eas solum, quae  
 remis agerentur; ut alii machinas scalasque ad muros fer-  
 rent, alii procul ex navibus vulnerarent moenium propu-  
 gnatores. Eae naves, ab aperto mari ut urbem aggrede-  
 rentur, instructae parataeque sunt. Et erat liberum mare,  
 classe Punica, quum Philippus oppugnare Aetolos pararet,  
 Corcyram transmissa. In Bruttiis interim Caulonis oppu-  
 gnatores, sub adventum Hannibalis, ne opprimerentur, in  
 tumultum, a praesenti impetu tutum, se recepere.

Fabium, Tarentum obsidentem, leve dictu momentum ad  
 4 rem ingentem potiundam adiuvit. Praesidium Bruttiorum  
 datum ab Hannibale Tarentini habebant. Eius praesidii  
 praefectus deperibat amore mulierculae, cuius frater in  
 exercitu Fabii consulis erat. Is, certior literis sororis Tarentum  
 factus de nova consuetudine advenae locupletis, atque inter prodicione  
 populares tam honorati, spem nactus per sororem quolibet  
 impelli amantem posse, quid speraret, ad consulem detulit.  
 Quae quum haud vana cogitatio visa esset, pro perfuga  
 iussus Tarentum transire, ac per sororem praefecto concili-  
 atus, primo occulte animum eius tentando, dein satis explo-  
 rata levitate, blanditiis muliebribus perpulit eum ad prodi-

3 *Volcentes*] Qui Volsca, sive Osca, origine essent, Sabellica immigratione profugi in Lucaniam acti. Hoc vocabulum miram nominum Italicorum varietatem praeclare referre censet

Niebhr. i. n. 219. iii. n. 653.

4 *Praesidium Bruttiorum*] Id est, cohortem Bruttiorum, quae in partem veniret tuendae urbis.



U. C. 543. tionem custodiae loci, cui praepositus erat. Ubi et ratio  
 A. C. 209. agenda rei, et tempus convenit, miles, nocte per intervalla  
 stationum clam ex urbe emissus, ea, quae acta erant, quae-  
 que ut agerentur, convenerat, ad consulem refert. Fabius  
 vigilia prima, dato signo iis, qui in arce erant, quique custo-  
 diam portus habebant, ipse circuito portu ab regione urbis  
 in orientem versa occultus consedit. Canere inde tubae  
 simul ab arce, simul a portu et ab navibus, quae ab aperto  
 mari appulsae erant; clamorque undique cum ingenti tu-  
 multu, unde minimum periculi erat, de industria ortus  
 Consul interim silentio continebat suos. Igitur Democrates,  
 qui praefectus antea classis fuerat, forte illo loco praepositus;  
 postquam quieta omnia circa se vidit, alias partes eo tumultu  
 personare, ut captae urbis interdum excitaretur clamor,  
 veritus ne inter cunctationem suam consul aliquam vim  
 faceret, signaque inferret, praesidium ad arcem, unde  
 maxime terribilis accidebat sonus, traducit. Fabius, quum  
 et ex temporis spatio et ex silentio ipso (quod, ubi paullo  
 ante strepebant excitantes vocantesque ad arma, inde nulla  
 accidebat vox) deductas custodias sensisset; ferri scalas ad  
 eam partem muri, qua Bruttiorum cohortem praesidium  
 agitare prodicionis conciliator nuntiaverat, iubet. Ea pri-  
 mum est captus murus, adiuvantibus recipientibusque Brut-  
 tiis: et transcensum in urbem est. Inde et proxima re-  
 fracta porta, ut frequenti agmine signa inferrentur. Tum,  
 clamore sublato, sub ortum ferme lucis, nullo obvio armato,  
 in forum perveniunt: omnesque undique, qui ad arcem  
 portumque pugnabant, in se converterunt. Proelium in  
 aditu fori maiore impetu, quam perseverantia, commissum  
 est. Non animo, non armis, non arte belli, non vigore aut  
 viribus corporis, par Romano Tarentinus erat. Igitur, pilis  
 tantum coniectis, prius paene, quam consererent manus,  
 terga dederunt, dilapsique per nota urbis itinera in suas  
 amicorumque domos. Duo ex ducibus Nico et Democrates  
 fortiter pugnantes cecidere. Philemenus, qui prodicionis  
 ad Hannibalem auctor fuerat, quum citato equo ex proelio  
 avectus esset; vacuus paullo post equus errans per urbem  
 cognitus, corpus nusquam inventum est. Creditum vulgo  
 est, in puteum apertum ex equo praecipitasse. Cartha-  
 lonem autem, praefectum praesidii Punici, cum commemo-  
 ratione paterni hospitii, positis armis, venientem ad con-

16.  
 Pugna in  
 foro.

5 *Illo loco praepositus*] Intellige  
*praesidio*. GRONOV.

6 *Philemenus*] Hic Tarenti prodi-  
 tor *Philemenus* vocatur supr. xxv. 8.  
 et 9. Scripti fere *Philemenes*: Po-  
 lybius, *Φιλήμενος*. CREV.

7 *Cum commemoratione paterni  
 hospitii . . . venientem ad consulem*]  
 Quum veniret ad consulem, comme-  
 morans sibi paternum esse cum eo  
 hospitium. Intelligendus est autem  
 Carthalo id commemorasse, non apud



sulem, miles obuius obtruncat. Alii alios passim sine dis- U. C. 543.  
 crimine armatos, inermes, caedunt, Carthaginienses Taren- A. C. 209.  
 tinosque pariter. Bruttii quoque multi interfecti, seu per Multi pas-  
 errorem, seu vetere in eos insito odio, seu ad proditi- sim occisi.  
 onis famam, ut vi potius atque armis captum Tarentum videre-  
 tur, exstinguendam. Tum ab caede ad diripiendam urbem  
 discursum. Millia triginta servilium caputū dicuntur  
 capti: argenti vis ingens facti signatque: auri octoginta  
 tria pondo: signa tabulaeque, prope ut Syracusarum orna-  
 menta aequaverint. Sed maiore animo generis eius praeda  
 8 abstinuit Fabius, quam Marcellus; qui interrogante scriba,  
 9 quid fieri signis vellet, (ingentis magnitudinis dii sunt, suo  
 quisque habitu in modum pugnantium formati) 'deos iratos  
 Tarentinis relinqui' iussit. Murus inde, qui urbem ab  
 arce dirimebat, dirutus est ac disiectus.

Dum haec Tarenti aguntur, Hannibal iis, qui Cauloniam  
 obsidebant, in deditionem acceptis, audita oppugnatione  
 Tarenti, dies noctesque cursim agmine acto, quum, festinans  
 ad opem ferendam, captam urbem audisset; 'Et Romani,'  
 inquit, 'suum Hannibalem habent. Eadem, qua cepera-  
 'mus, arte Tarentum amisimus.' Ne tamen fugientis modo  
 1 convertisse agmen videretur, quo constiterat loco, quinque  
 millia ferme ab urbe posuit castra. Ibi paucos moratus  
 dies, Metapontum sese recepit. Inde duos Metapontinos  
 cum literis principum eius civitatis ad Fabium Tarentum  
 mittit, fidem ab consule accepturos, impunita iis priora fore,  
 si Metapontum ei cum praesidio Punico prodidissent.  
 Fabius, vera, quae afferrent, esse ratus, diem, qua accessurus  
 esset Metapontum, constituit; literasque ad principes dedit,  
 quae ad Hannibalem delatae sunt. Enimvero laetus suc-  
 cessu fraudis, si ne Fabius quidem dolo invictus fuisset,  
 haud procul Metaponto insidias ponit. Fabio auspicianti  
 prius, quam egrederetur ab Tarento, aves semel atque ite-  
 rum non addixerunt. Hostia quoque caesa consulenti deos

Accurrit  
 Hannibal,  
 serum post  
 urbem cap-  
 tam auxi-  
 lium.

consulem, quem antequam adiret, oc-  
 cisus est; sed apud eos quos circa se  
 habebat. CREV.

8 *Interrogante scriba . . . . relinqui  
 iussit*] Hanc locutionem vix Livianam  
 esse iudicat Drakenb. quippe *iubere*  
*alicui* optimi aevi scriptoribus vix  
 conveniret; sed *iubere* cum dativo hic  
 iungi negat Raschig. qui *iussit scri-  
 bae relinqui*, idem quod *iussit scri-  
 bam relinquere*, velle censet, atque  
 huic loco anacoluthon quoddam in-  
 esse, cuiusmodi plurima apud veteres  
 scriptores exempla inveniuntur. cf.

Tac. Ann. xiii. 15. et 40.

9 *Quid fieri signis vellet*] Aliquid  
 hic depravatum vel omissum esse  
 coniicit Crevier., quia verisimile non  
 est, omnia Tarentinis signa ingentis  
 magnitudinis fuisse, nec quemque  
 Deorum, nisi in modum pugnantis,  
 formatum. Roellius mutata distin-  
 ctione loco subveniri posse existimat,  
*quid fieri signis vellet ingentis magni-  
 tudinis*, (Dii sunt etc.)

1 *Constiterat loco*] Edd. plures *con-  
 stituerat*, subaud. agmen, prae se fe-  
 runt, quod Bekker. retinet.

U. C. 543. **haruspex**, cavendum a fraude hostili et ab insidiis, praedixit.  
 A. C. 209. **Metapontini**, postquam ad constitutam non venerat diem, remissi, ut cunctantem hortarentur, repente comprehensi, metu gravioris quaestionis, detegunt insidias.

17. **Aestatis eius principio**, qua haec agebantur, P. Scipio in Hispaniae quum hiemem totam reconciliandis barbarorum animis, partim donis, partim remissione obsidum captivorumque, absumpsisset; Edesco ad eum, clarus inter duces Hispanos, venit. Erant coniux liberique eius apud Romanos. Sed praeter eam causam etiam velut fortuita inclinatio animorum, quae Hispaniam omnem averterat ad Romanum a Punico imperio, traxit eum. Eadem causa Indibili Mandonioque fuit, haud dubie omnis Hispaniae principibus, cum omni popularium manu, relicto Hasdrubale, secedendi in imminentes castris eius tumulos, unde per continentia iuga tutus receptus ad Romanos esset. Hasdrubal, quum hostium res tantis augescere incrementis cerneret, suas imminui, ac fore, ut, nisi audendo aliquid moveret, qua coepissent, fluerent, dimicare quam primum statuit. Scipio avidior etiam certaminis erat, quum a spe, quam successus rerum augebat; tum quod prius, quam iungerentur hostium exercitus, cum uno dimicare duce exercituque, quam simul cum universis, malebat. Ceterum, etiam, si cum pluribus pariter dimicandum foret, arte quadam copias auxerat. Nam quum videret, nullum esse navium usum, quia vacua omnis Hispaniae ora classibus Punicis erat, subductis navibus Tarracone, navales socios terrestribus copiis addidit. Et armorum affatim erat captorum Carthagine, et quae post captam eam fecerat, tanto opificum numero incluso. Cum iis copiis Scipio, veris principio ab Tarracone egressus, (iam enim et Laelius redierat ab Roma, sine quo nihil maioris rei motum volebat) ducere ad hostem pergit. Per omnia pacata eunti, ut cuiusque populi fines transiret, prosequentibus excipientibusque sociis, Indibilis et Mandonius cum suis copiis occurrerunt. Indibilis pro utroque locutus, haudquaquam ut barbarus stolide incauteque, sed potius cum verecunda gravitate: propiorque excusanti transitionem ut necessariam, quam glorianti eam velut primam occasionem raptam. ‘Scire enim se, transfugae nomen execrabile ‘veteribus sociis, novis suspectum esse: neque eum se re- ‘prehendere morem hominum, si tamen anceps odium causa;

Indibilis et Mandonius ad Rom. deficiunt.

2 *Glorianti eam*] *Gloriari* cum quarto casu construit etiam Cic. de Senect. 10. DRAK.

3 *Si tamen anceps odium*] Si tamen geminum illud odium tum a

veteribus sociis, tum a novis, causa uniuscuiusque inspecta, non nomen ipsum transfugae faciat. CREV. cf. Thucyd. iii. 9. ubi Mitylensaeorum legati similia loquuntur.

‘non nomen, faciat.’ Merita inde sua in duces Carthagi- U. C. 543.  
 4 nienses commemoravit, avaritiam contra eorum, superbiam- A. C. 209.  
 que, et omnis generis iniurias in se atque populares. ‘Ita-  
 ‘que corpus duntaxat suum ad id tempus apud eos fuisse:  
 ‘animum iam pridem ibi esse, ubi ius ac fas crederent coli.  
 ‘Ad deos quoque confugere supplices, qui nequeant homi-  
 ‘num vim atque iniurias pati. Se id Scipionem orare, ut  
 ‘transitio sibi nec fraudi apud eum, nec honori sit: quales  
 ‘ex hac die experiundo cognorit, perinde operae eorum  
 ‘pretium faceret.’ Ita prorsus respondet facturum Roma-  
 nus: nec pro transfugis habiturum, qui non duxerint so-  
 cietatem ratam, ubi nec divini quicquam, nec humani  
 sanctum esset. Productae deinde in conspectum iis con-  
 iuges liberique lacrimantibus gaudio redduntur, atque eo  
 die in hospitium abducti. Postero die foedere accepta fides;  
 dimissique ad copias adducendas. Iisdem deinde castris  
 tendebant, donec ducibus iis ad hostem perventum est.

Proximus Carthaginensium exercitus Hasdrubalis prope 18.  
 urbem Baeculam erat. Pro castris equitum stationes ha- Ad Has-  
 5 bebat. In eas velites antesignanisque, et qui primi agminis drubalem  
 6 erant, advenientes ex itinere, priusquam castris locum ca- contendit  
 perent, adeo contemptim impetum fecerunt, ut facile appa- Scipio.  
 reret, quid utrique parti animorum esset. In castra trepida  
 fuga compulsi equites sunt: signaque Romana portis prope  
 ipsis illata. Atque illo quidem die, irritatis tantum ad cer-  
 tamen animis, castra Romani posuerunt. Nocte Hasdru-  
 bal in tumultum copias recipit, plano campo in summo pa-  
 tentem: fluvius ab tergo; ante circaque velut ripa praeceps  
 oram eius omnem cingebat. Suberat et altera inferior  
 summissa fastigio planities: eam quoque altera crepido  
 haud facilius in ascensum ambibat. In hunc inferiorem  
 campum postero die Hasdrubal, postquam stantem pro  
 castris hostium aciem vidit, equites Numidas, leviumque  
 armorum Baliares, et Afros dimisit. Scipio, circumvectus Milites  
 ordines signaque, ostendebat, ‘hostem, praedamnata spe hortatur.  
 ‘aequo dimicandi campo, captantem tumulos, loci fiducia,  
 ‘non virtutis armorumque, stare in conspectu. Sed altiora  
 ‘moenia habuisse Carthaginem, quae transcendisset miles  
 ‘Romanus. Nec tumulos, nec arcem, ne mare quidem  
 7 ‘armis obstitisse suis. Ad id fore altitudines, quas cepissent

4 *Avaritiam contra eorum*] cf. Polyb. Exc. de Virt. et Vitiis ix. 11. ubi Hasdrubal, pecunia nequicquam ab Indibile flagitata, eum filias suas obsides dare coegit.

5 *Antesignanisque*] Schellium ad Hygin. p. 1052. docuisse, *antesignanos* Livio esse primam gravis armaturae aciem, animadvertit Drakenb.

6 *Et qui primi agminis*] sc. Socii, vel si qui alii agmen in itinere forte ducerent.

7 *Ad id fore altitudines*] Nihil aliud profuturas hostibus altitudines quas cepissent, nisi ut fuga illis impeditior fieret, per praecipitia et praerupta salientibus. CREV.

U. C. 543. 'hostes, ut per praecipitia et praerupta salientes fugerent:  
 A. C. 209. 'eam quoque se illis fugam clausurum.' Cohortesque duas, alteram tenere fauces vallis, per quam deferretur amnis, iubet; alteram, viam insidere, quae ab urbe per tumuli obliqua in agros ferret. Ipse expeditos, qui pridie stationes hostium pepulerant, ad levem armaturam, infimo stantem supercilio, ducit. Per aspreta primo, nihil aliud quam via impediti, iere. Deinde, ut sub ictum venerunt, telorum primo omnis generis vis ingens effusa est in eos: ipsi contra, saxa, quae locus strata passim, omnia ferme missilia, praebet, ingerere, non milites solum, sed etiam turba calorum immixta armatis. Ceterum, quanquam ascensus difficilis erat, et prope obruebantur telis saxisque, assuetudine tamen succedendi muros, et pertinacia animi, subierunt primi. Qui, simul cepere aliquid aequi loci, ubi firmo consisterent gradu, levem et concursatorem hostem, atque intervallo tutum, quum procul missilibus pugna eluditur, instabilem eundem ad cominus conserendas manus, expulerunt loco, et cum caede magna in aciem altiori superstantem tumulo impegere. Inde Scipio, iussis adversus mediam evadere aciem victoribus, ceteras copias cum Laelio dividit; atque eum parte dextra tumuli circumire, donec mollioris ascensus viam inveniret, iubet. Ipse ab laeva, circuitu haud magno, in transversos hostes incurrit. Inde primo turbata acies est, dum ad circumsonantem undique clamorem flectere cornua et obvertere ordines volunt. Hoc tumultu et Laelius subiit; et, dum pedem referunt, ne ab tergo vulnerarentur, laxata prima acies, locusque ad evadendum et mediis datus est; qui per tam iniquum locum, stantibus integris ordinibus, elephantisque ante signa locatis, nunquam evasissent. Quum ab omni parte caedes fieret, Scipio, qui laevo cornu in dextrum incucurrerat, maxime in nuda hostium latera pugnabat. Et iam ne fugae quidem patebat locus. Nam et stationes utrimque Romanae dextra laevaue insederant vias: et portam castrorum ducis principumque fuga clauserat; addita trepidatione elephantorum, quos territos aequae atque hostes timebant. Caesa igitur ad octo millia hominum.

19. Hasdrubal iam ante, quam dimicaret, pecunia rapta, elephantisque praemissis, quam plurimos poterat, de fuga excipiens, praeter Tagum flumen ad Pyrenaeum tendit.

8 *Omnia ferme missilia*] Quae quidem saxa omnia ferme erant eiusmodi, ut manu capi et mitti possent. CREV.

9 *Laxata prima acies*] Laxata est prima acies Poenorum, locusque da-

tus est ad subeundum in altiores tumulum mediae quoque Romanorum aciei: quae nunquam subiisset, si stetissent integri hostium ordines, elephantique ante signa locati mansissent. CREV.

Scipio, castris hostium potitus, quum praeter libera capita U. C. 543.  
 omnem praedam militibus concessisset, in recensendis cap- A. C. 209.  
 tivis decem millia peditum, duo millia equitum invenit. Praeda et  
 Ex iis Hispanos sine pretio omnes domum dimisit: Afros captivi.  
 vendere quaestorem iussit. Circumfusa inde multitudo  
 Hispanorum, et ante deditorum, et pridie captorum, regem  
 eum ingenti consensu appellavit. Tum Scipio, silentio per Scipio ve-  
 1 praeconem facto, 'sibi maximum nomen imperatoris esse,' tat se re-  
 dixit, 'quo se milites sui appellassent. Regium nomen gem ap-  
 'alibi magnum, Romae intolerabile esse. Regalem ani- pellari.  
 'mum in se esse, si id in hominis ingenio amplissimum  
 'ducerent, tacite iudicarent; vocis usurpatione abstinerent.'  
 Sensere etiam barbari magnitudinem animi; cuius miraculo  
 2 nominis alii mortales stuperent, id ex tam alto fastigio as-  
 pernantis. Dona inde regulis principibusque Hispanorum  
 divisa, et ex magna copia captorum equorum trecentos,  
 quos vellet, eligere Indibilem iussit. Quum Afros ven-  
 deret iussu imperatoris quaestor, puerum adultum inter eos  
 forma insigni, quum audisset regii generis esse, ad Scipionem  
 misit. Quem quum percunctaretur Scipio, 'quis, et cuias, Massiva  
 'et cur id aetatis in castris fuisset? Numidam esse,' ait, Numida.  
 'Massivam populares vocare. Orbum a patre relictum,  
 3 'apud maternum avum Galam, regem Numidarum, educ-  
 'tum, cum avunculo Masinissa, qui nuper cum equitatu  
 'subsidio Carthaginensibus venisset, in Hispaniam traie-  
 'cisse. Prohibitum propter aetatem a Masinissa, nunquam  
 'ante proelium iniisse. Eo die, quo pugnatum cum Ro-  
 4 'manis esset, inscio avunculo, clam armis equoque sumpto,  
 'in aciem exisse: ibi, prolapso equo effusum in praeceps,  
 'captum ab Romanis esse.' Scipio, quum asservari Numi- Remittitur  
 dam iussisset, quae pro tribunali agenda erant, peragit. a Scipione  
 Inde, quum se in praetorium recepisset, vocatum eum ad avuncu-  
 interrogat, 'velletne ad Masinissam reverti?' Quum, effusis lum Masi-  
 gaudio lacrimis, 'cupere vero,' diceret; tum puero annulum nissam.  
 aureum, tunicam lato clavo, cum Hispano sagulo et aurea  
 fibula, equumque ornatum donat, iussisque prosequi, quoad  
 vellet, equitibus, dimisit.

De bello inde consilium habitum. Et, auctoribus qui- 20.

1 *Nomen Imperatoris . . . . quo se milites sui appellassent*] Hic nomen *Imperatoris* accipiendum est, non vulgari sensu pro duce tantum exercitus, sed pro eo duce, qui, hostibus magno proelio fuis, a militibus *Imperator* salutatus est: *prisco erga duces honore*, inquit Tac. Ann. iii. 74. *qui bene gesta republica gaudio et impetu victoris exercitus conclamabantur*. CR.

2 *Ex tam alto fastigio*] Quasi ex alto despicientis huius nominis magnitudinem, velut infra se positam.

3 *Eductum*] Editi vulgo *educatum*. Sed Livius supr. xxi. 43. *An me, in praetorio patris . . . eductum*.

4 *Avunculo*] cf. Infr. xxviii. 35. ubi Masinissa se patrum Massivae profitetur, ut qui patris frater esset.

U. C. 543. busdam, ut confestim Hasdrubalem consequeretur, anceps  
A. C. 209. id ratus, ne Mago atque alter Hasdrubal cum eo iungerent:  
copias, praesidio tantum ad insidendum Pyrenaeum misso,  
ipse reliquum aestatis recipiendis in fidem Hispaniae po-  
pulis absumpsit.

Hasdrubali Paucis post proelium factum ad Baeculam diebus, quum  
H. F. se Scipio, rediens iam Tarraconem, saltu Castulonensi exces-  
coniungunt sisset, Hasdrubal Gisgonis filius et Mago imperatores ex  
Hasdrubal ulteriore Hispania ad Hasdrubalem venire, serum post  
G. F. et male gestam rem auxilium; consilio in cetera exsequenda  
Mago. belli haud parum opportuni. Ibi conferentibus, quid in  
cuiusque provinciae regione animorum Hispanis esset, unus  
Hasdrubal Gisgonis, ultimam Hispaniae oram, quae ad  
Oceanum et Gades vergit, ignaram adhuc Romanorum es-  
se, eoque Carthaginensibus satis fidam, censebat. Inter  
Poenorum Hasdrubalem alterum et Magonem constabat, 'beneficiis  
consilia. 'Scipionis occupatos omnium animos publice privatimque  
'esse: nec transitionibus finem ante fore, quam omnes  
'Hispani milites aut in ultima Hispaniae amoti, aut tra-  
'ducti in Galliam forent. Itaque, etiamsi senatus Cartha-  
'giniensium non censuisset, eundum tamen Hasdrubali  
'fuisse in Italiam, ubi belli caput rerumque summa esset;  
'simul, ut Hispanos omnes procul ab nomine Scipionis ex  
'Hispania abduceret. Exercitum eius, quum transitioni-  
'bus, tum adverso proelio imminutum, Hispanis repleti;  
'militibus. Et Magonem, Hasdrubali Gisgonis filio tra-  
'dito exercitu, ipsum cum grandi pecunia ad conducenda  
'mercede auxilia in Baliares traicere: Hasdrubalem Gis-  
'gonis cum exercitu penitus in Lusitaniam abire, nec cum  
'Romanis manus conserere. Masinissae ex omni equitatu,  
'quod roboris esset, tria millia equitum expleri; eumque  
'vagum per citeriorem Hispaniam sociis opem ferre, hos-  
'tium oppida atque agros populari.' His decretis, ad ex-  
sequenda, quae statuerant, duces digressi. Haec eo anno  
in Hispania acta.

Romae fama Scipionis in dies crescere. Fabio Taren-  
tum captum astu magis, quam virtute, gloriae tamen esse.  
Fulvii senescere fama. Marcellus etiam adverso rumore

5 *Atque alter Hasdrubal*] Vox alter  
ex coniectura Gronovii in textum ad-  
missa est: sed ap. Bekker. aliosque  
locum non invenit.

6 *Non censuisset*] Contra quidem  
supr. xxiii. 27. allatum fuisse a Car-  
thagine traditur, "ut Hasdrubal pri-  
mo quoque tempore in Italiam exer-  
citum duceret."

7 *Repleri militibus*] Supple *opor-*

*tere*: quae vox latet quodammodo in-  
clusa in *et eundum*, quod in pra-  
cedenti membro reperitur. CREV.

8 *Citeriorem Hispaniam*] Quum  
hic Poeni loquantur, ea, quae dicitur  
hoc loco *citerior* Hispania, intelligen-  
da videtur quam Romani vocabant  
*ulteriorem*, nempe ab Ibero amne ad  
Oceanum. CREV.



esse, super quam quod primo male pugnaverat, quia, va- U. C. 543.  
 gante per Italiam Hannibale, media aestate Venusiam in A. C. 209.  
 tecta milites abduxisset. Inimicus erat ei C. Publicius Bi-  
 bulus tribunus plebis. Is iam a prima pugna, quae adversa  
 fuerat, assiduis concionibus infamem invisumque plebei  
 Claudium fecerat, et iam de imperio abrogando eius age-  
 bat: quum tamen necessarii Claudii obtinuerunt, ut, re-  
 licto Venusiae legato, Marcellus Romam rediret ad pur-  
 ganda ea, quae inimici decernerent: nec de imperio eius  
 abrogando, absente ipso, ageretur. Forte sub idem tempus  
 et Marcellus ad deprecandam ignominiam, et Q. Fulvius  
 consul comitiorum causa Romam venit. Actum de impe- 21.  
 rio Marcelli in circo Flaminio est, ingenti concursu plebis-  
 que et omnium ordinum. Accusavitque tribunus plebis, Accusatur  
 non Marcellum modo, sed omnem nobilitatem. 'Fraude Marcellus.  
 ' eorum et cunctatione fieri, ut Hannibal decimum iam an-  
 ' num Italiam provinciam habeat: diutius ibi, quam Car-  
 ' thagine, vixerit. Habere fructum imperii prorogati Mar-  
 ' cello populum Romanum: bis caesum exercitum eius ae-  
 ' stiva Venusiae sub tectis agere.' Hanc tribuni orationem Absolvitur  
 ita obruit Marcellus commemoratione rerum suarum, ut et Cos.  
 non rogatio solum de imperio eius abrogando antiquaretur, creatur.  
 sed postero die consulem eum ingenti consensu centuriae  
 omnes crearent. Additur collega T. Quinctius Crispinus,  
 qui tum praetor erat. Postero die praetores creati P. Li-  
 cinius Crassus Dives, pontifex maximus, P. Licinius Varus,  
 Sex. Iulius Caesar, Q. Claudius Flamen.

Comitiorum ipsorum diebus sollicita civitas de Etruriae  
 defectione fuit. Principium eius rei ab Arretinis fieri, C.  
 Calpurnius scripserat, qui eam provinciam pro praetore ob-  
 tinebat. Itaque confestim eo missus Marcellus, consul de-  
 signatus, qui rem inspiceret, ac, si digna videretur, exer-  
 citu accito, bellum ex Apulia in Etruriam transferret. Eo  
 metu compressi Etrusci quieverunt. Tarentinorum legatis  
 pacem petentibus cum libertate ac legibus suis responsum  
 ab senatu est, ut redirent, quum Fabius consul Romam  
 venisset.

Ludi et Romani et plebei eo anno in singulos dies in-  
 staurati. Aediles curules fuere L. Cornelius Caudinus et Aediles.  
 Ser. Sulpicius Galba: plebei C. Servilius et Q. Caecilius

9 *Ad purganda ea, quas . . . decer-  
 nerent*] Melius noster dixisset, ad  
 purganda crimina, ob quae decerne-  
 rentur. cf. infr. xxxiv. 5.

1 *Sex. Iulius Caesar*] Hunc pri-  
 mum Caesarem in historia Romana

memorari, annotat Graevius ad Sue-  
 ton. Caes. i. Dux.

2 *In singulos dies instaurati*] h. e.  
 Unus dies ad quatrimum adiectus  
 est. cf. supr. xxv. 3. xxvii. 6. Niebhr.  
 ii. n. 68.



U. C. 543. Metellus. Servilium negabant iure aut tribunum plebis.  
A. C. 209. fuisse, aut aedilem esse; quod patrem eius, quem triumvirum agrarium occisum a Boiis circa Mutinam esse opinio per decem annos fuerat, vivere, atque in hostium potestate esse, satis constabat.

22. Undecimo anno Punici belli consulatum inierunt M. Marcellus quintum (ut numeretur consulatus, quem vitio creatus non gessit) et T. Quinctius Crispinus. Utrisque consulibus Italia decreta provincia est, et duo consulares prioris anni exercitus: (tertius tum erat Venusiae, cui M. Marcellus praefuerat) ita ut ex tribus eligerent duo, quos vel lent; tertius ei traderetur, cui Tarentum et Sallentini provincia evenisset. Ceterae provinciae ita divisae praetoribus P. Licinio Varo urbana, P. Licinio Crasso pontifici maximo peregrina, et quo senatus censuisset: Sex. Iulio Caesari Sicilia, Q. Claudio Flamini Tarentum. Prorogatum imperium in annum est Q. Fulvio Flacco, ut provinciam Capuam, quae T. Quinctii praetoris fuerat, cum una legione obtineret: prorogatum et C. Hostilio Tubulo est, ut pro praetore in Etruriam ad duas legiones succederet C. Calpurnio: prorogatum et L. Veturio Philoni est, ut pro praetore Galliam eandem provinciam cum iisdem duabus legionibus obtineret, quibus praetor obtinuisset. Quod in L. Veturio, idem in C. Aurunculeio decretum ab senatu latumque de prorogando imperio ad populum est, qui praetor Sardiniam provinciam cum duabus legionibus obtinuerat. Additae ei ad praesidium provinciae quinquaginta naves, quas P. Scipio ex Hispania misisset. Et P. Scipioni et M. Silano suae Hispaniae, suique exercitus in annum decreti. Scipio ex octoginta navibus, quas aut secum ex Italia adductas aut captas Carthagine habebat, quinquaginta in Sardiniam transmitters iussus: quia fama erat magnum navalem apparatus eo anno Carthagine esse: ducentis navibus omnem oram Italiae, Siciliaeque, ac Sardiniae impleturos. Et in Sicilia ita divisa res est. Sex

3 *Servilium negabant iure aut tribunum plebis fuisse, aut aedilem esse*] Quia nempe, ut discimus ex Livio xxx. 19. vetabant leges quemquam, patre qui curuli sella sedisset vivo, aut tribunum, aut aedilem plebis esse. CREV.

4 *Quem triumvirum agrarium*] cf. Supr. xxi. 25.

5 *In hostium potestate*] cf. Inst. Gaii i. § 129. "Si ab hostibus captus fuerit parens, quamvis servus interim hostium fiat, tamen pendet ius libe-

rorum propter ius postliminii."

6 *Additae ei ad praesidium*] Gronovius *additum ei et praesidium provinciae quinquaginta naves*, emendavit, quem Bekker. secutus est.

7 *Et P. Scipioni*] Supr. 7. Scipioni Silanoque prorogatum imperium dicitur, non in annum, sed donec revocati ab senatu forent. Quod si est, nihil opus fuit nunc eis in annu suas Hispanias suosque exercitus cerni. CREV.

Caesari exercitus Cannensis est datus. M. Valerius Lae-<sup>U. C. 544.</sup>  
vinus (ei quoque enim prorogatum imperium est) classem,<sup>A. C. 208.</sup>  
quae ad Siciliam erat, navium septuaginta obtineret. Ad-  
deret eo triginta naves, quae ad Tarentum priore anno fu-  
erant: cum ea centum navium classe, si videretur ei, prae-  
datum in Africam traiceret. Et P. Sulpicio, ut eadem  
classe Macedoniam Graeciamque provinciam haberet, pro-  
rogatum in annum imperium est. De duabus, quae ad  
urbem Romam fuerant, legionibus nihil mutatum. Sup-  
plementum, quo opus esset, scriberent consules, permissum.  
Una et viginti legionibus eo anno defensum imperium Ro-<sup>Legiones</sup>  
manum est. Et P. Licinio Varo praetori urbis negotium<sup>21.</sup>  
datum, 'ut naves longas triginta veteres reficeret, quae  
'Ostiae erant, et viginti novas naves sociis navalibus im-  
'pleret: ut quinquaginta navium classe oram maris vici-  
'nam urbi Romanae tueri posset.' C. Calpurnius vetitus  
ab Arretio movere exercitum, nisi quum successor venis-  
set. Idem et Tubulo imperatum, ut inde praecipue cave-  
ret, ne qua nova consilia caperentur.

Praetores in provincias profecti. Consules religio tene-<sup>23.</sup>  
bat, quod, prodigiis aliquot nuntiatis, non facile litabant.<sup>Prodigia.</sup>  
Et ex Campania nuntiata erant, Capuae duas aedes, For-  
tunae et Martis, et sepulcra aliquot de coelo tacta. Cumis  
(adeo minimis etiam rebus prava religio inserit deos) mures  
in aede Iovis aurum rosisse. Casini examen apium ingens  
in foro consedis. Et Ostiae murum portamque de coelo  
tactam. Caere vulturium volasse in aedem Iovis. Volsi-  
niis sanguine lacum manasse. Horum prodigiorum causa<sup>Vix procu-</sup>  
diem unum supplicatio fuit. Per dies aliquot hostiae ma-<sup>rata.</sup>  
iores sine litatione caesae, diuque non impetrata pax deum.  
In capita consulum, republica incolumi, exitiabilis prodi-  
giorum eventus vertit.

<sup>2</sup> Ludi Apollinares, Q. Fulvio, Ap. Claudio consulibus, a  
P. Cornelio Sulla praetore urbis primum facti erant. Inde  
<sup>3</sup> omnes deinceps praetores urbani fecerant: sed in unum  
annum vovebant, dieque incerta faciebant. Eo anno pesti-<sup>Pestilentia.</sup>  
lencia gravis incidit in urbem agrosque: quae tamen magis

8 *Idem et Tubulo imperatum*] *Ei-*  
*dem* pro *idem* in textum recepit Bek-  
ker. Perizonium secutus, id quod Dra-  
kenb. probat, atque ita mox *caverent*  
legendum censet.

9 *Inde*] Ab Arretio, quae urbs a  
Romanis valde suspecta est. CREV.

1 *Non facile litabant*] *Litare* est  
in extis victimarum indicia placati  
numinis invenire, unde paullo infra  
*hostiae maiores sine litatione caesae.*

cf. infr. xli. 15. RASCH.

2 *Ludi Apollinares*] De eorum ori-  
gine, cf. supr. xxv. 12.

3 *Sed in unum annum*] Senatus  
iam antea decreverat, supr. xxvi. 23,  
ut hi ludi in perpetuum voverentur,  
h. e. quotannis de integro voverentur,  
sed certum diem non constituerat.  
Postquam iis status dies assignatus  
est, videntur desisse singulis diebus  
voveri. DUK.

U. C. 544. in longos morbos, quam in perniciales, evasit. Eius pesti-  
 A. C. 208. lentiae causa et supplicatum per compita tota urbe est, et  
 P. Licinius Varus praetor urbis legem ferre ad populum  
 iussus, ut hi ludi in perpetuum in statam diem voverentur.  
 Ludi Apol- Ipse primus ita vovit, fecitque ante diem tertium Nonas  
 linare in Quintiles. Is dies deinde sollennis servatus.  
 perpetuum  
 voti.

24. De Arretinis et fama in dies gravior, et cura crescere  
 Patribus. Itaque C. Hostilio scriptum est, ne differret ob-  
 siders ab Arretinis accipere: et, cui traderet Romam dedu-  
 cendos, C. Terentius Varro cum imperio missus. Qui ut  
 advenit, extemplo Hostilius legionem unam, quae ante ur-  
 bem castra habebat, signa in urbem ferre iussit, praesidia-  
 que locis idoneis disposuit: tum in foro citatis senatoribus  
 obsides imperavit. Quum senatus biduum ad consideran-  
 dum peteret tempus, aut ipsos extemplo dare, aut se po-  
 stero die senatorum omnes liberos sumpturum, edixit. Inde  
 portas custodire iussi tribuni militum, praefectique socium,  
 et centuriones, ne quis nocte urbe exiret. Id segnius  
 negligentiusque factum. Septem principes senatus, prius-  
 quam custodiae in portis locarentur, ante noctem cum li-  
 beris evaserunt. Postero die luce prima, quum senatus in  
 forum citari coeptus esset, desiderati, bonaque eorum ve-  
 nierunt. A ceteris senatoribus centum viginti obsides,  
 liberi ipsorum, accepti, traditique C. Terentio Romam de-  
 ducendi. Is omnia suspectiora, quam ante fuerant, in se-  
 natu fecit. Itaque, tanquam imminente Etrusco tumultu,  
 legionem alteram ex urbanis Arretium ducere iussus ipse  
 C. Terentius, eamque habere in praesidio urbis. C. Hos-  
 tilium cum cetero exercitu placet totam provinciam per-  
 agrare, et cavere, ne qua occasio novare cupientibus res  
 daretur. C. Terentius, ut Arretium cum legione venit,  
 claves portarum quum magistratus poposcisset, negantibus  
 iis comparere, fraude amotas magis ratus, quam negligentia  
 intercidissee, ipse alias claves omnibus portis imposuit: ca-  
 vitque cum cura, ut omnia in potestate sua essent. Hosti-  
 lium intentius monuit, ut in eo spem, non moturos quic-  
 quam Etruscos, poneret, si, ne quid moveri posset, cavis-  
 set.

Suspecti  
Etrusci.

25. De Tarentinis inde magna contentione in senatu actum  
 coram Fabio, defendente ipso, quos ceperat armis, aliis in-  
 fensis, et plerisque aequantibus eos Campanorum noxae  
 poenaeque. Senatusconsultum in sententiam M. Acilii  
 factum est, ut oppidum praesidio custodiretur: Tarentini-

De Taren-  
tinis in se-  
natu  
actum.

4 *Biduum . . . tempus*] In hac lo-  
 cutione abundat *τὸ tempus*, quum  
*biduum* per se notet tempus duorum  
 dierum, quemadmodum *τὸ μάστιγ* in  
 locutione *vidua mulier*, ap. Ter. in  
 Heaut. v. 1. 82. Duk.

5 que omnes intra moenia containerentur: res integra postea U. C. 544.  
 referretur, quum tranquillior status Italiae esset. Et de M. A. C. 208.  
 Livio, praefecto arcis Tarentinae, haud minore certamine Tum de  
 actum est, aliis senatusconsulto notantibus praefectum, quod M. Livio  
 eius socordia Tarentum proditum hosti esset; aliis praemia Tarenti  
 decernentibus, quod per quinquennium arcem tutatus es- praefecto.  
 set, maximeque unius eius opera receptum Tarentum foret;  
 6 mediis ad censores, non ad senatum, notionem de eo per-  
 7 tinere dicentibus: cuius sententiae et Fabius fuit. Adie-  
 cit tamen, 'fateri se, opera Livii Tarentum receptum, quod  
 'amici eius vulgo in senatu iactassent; neque enim reci-  
 8 'piundum fuisse, nisi amissum foret.'

Consulum alter T. Quinctius Crispinus ad exercitum,  
 quem Q. Fulvius Flaccus habuerat, cum supplemento in  
 Lucanos est profectus. Marcellum aliae atque aliae ob-  
 iectae animo religiones tenebant. In quibus, quod, quum Aedes Ho-  
 9 bello Gallico ad Clastidium aedem Honori et Virtuti vo- noris et  
 visset, dedicatio eius a pontificibus impediabatur: quod Virtutis.  
 negabant, unam cellam duobus recte dedicari: quia, si de  
 coelo tacta, aut prodigii aliquid in ea factum esset, difficilis  
 procuratio foret: quod, utri deo res divina fieret, sciri non  
 1 posset. Neque enim duobus, nisi certis, deis rite una  
 hostia fieri. Ita addita Virtutis aedes approperato opere:  
 neque tamen ab ipso aedes eae dedicatae sunt. Tum de-  
 mum ad exercitum, quem priore anno Venusiae reliquerat,  
 cum supplemento proficiscitur.

Locros in Brutiis Crispinus oppugnare conatus, quia  
 magnam famam attulisse Fabio Tarentum rebatur, omne  
 genus tormentorum machinarumque ex Sicilia arcessierat:  
 et naves indidem accitae erant, quae vergentem ad mare  
 partem urbis oppugnarent. Ea omissa oppugnatio est, quia  
 Lacinium Hannibal admoverat copias: et collegam edux-  
 isse iam ab Venusia exercitum fama erat, cui coniungi vo-  
 lebat. Itaque in Apuliam ex Brutiis reditum, et inter  
 Venusiam Bantiamque, minus trium millium passuum in-  
 tervallo, consules binis castris consederant. In eandem re-  
 gionem et Hannibal rediit, averso ab Locris bello. Ibi

5 *Res integra postea referretur*] Res postea de integro expendenda senatus deliberationi subiiceretur.

6 *Mediis*] Iis qui mediam sententiae viam sequebantur.

7 *Notionem*] Quum *noscere* pariter atque *notare* censorum esset, *censoria notio* passim ap. Ciceronem iudicium censorium significat.

8 *Nisi amissum foret*] Idem Fabii dictum inveneris ap. Cic. de Senect.

9 *Bello Gallico ad Clastidium*] Quum pugna equestri, Gallorum duce Viridomaro occiso, spolia opima cepit. cf. supr. Epit. xx. Polyb. ii. 34.

1 *Nisi certis*] Crevier. interpretatur, nisi certo constaret utrique eam deberi: fieri tamen potest, ut vox *certis* Deos quosdam significet, quibus de more una eademque hostia sacrificabatur. Ceterum post vocem *fieri* rem divinam subaudias, ita ut *una hostia* casu sexto accipias.

U. C. 544. ambo consules, ingenio feroces, prope quotidie in aciem  
 A. C. 208. exire; haud dubia spe, si duobus exercitibus consularibus  
 Ambo Coss. iunctis commisisset sese hostis, debellari posse. Hannibal  
 oppositi quia cum Marcello bis priore anno congressus vicerat vi-  
 Hannibali. ctusque erat, ut, cum eodem si dimicandum foret, nec  
 26. spem, nec metum ex vano haberet; ita duobus consulibus

Qui ad in-  
 sidias con-  
 vertitur.

haudquaquam sese parem futurum credebat. Itaque, totus  
 in suas artes versus, insidiis locum quaerebat. Levia tamen  
 proelia inter bina castra vario eventu fiebant: quibus quum  
 extrahi aestatem posse consules crederent, nihilo minus op-  
 pugnari Locros posse rati, L. Cincio, ut ex Sicilia Locros:  
 cum classe traiceret, scribunt. Et, ut ab terra quoque  
 oppugnari moenia possent, ab Tarento partem exercitus:  
 qui in praesidio erat, duci eo iusserunt. Ea ita futura per  
 quosdam Thurinos compertum Hannibali quum esset, mit-  
 tit ad insidendam ab Tarento viam. Ibi sub tumultu Pete-  
 liae tria millia equitum, peditum duo in occulto locata: in  
 quae inexplorato euntes Romani quum incidissent, ad duo  
 millia armatorum caesa, mille et quingenti ferme vivi capti:  
 alii dissipati fuga per agros saltusque Tarentum rediere.

Tumulus erat silvestris inter Punica et Romana castra,  
 ab neutris primo occupatus: quia Romani, qualis pars eius,  
 quae vergeret ad hostium castra, esset, ignorabant; Han-  
 nibal insidiis, quam castris, aptiorem eum crediderat. Ita-  
 que nocte ad id missas aliquot Numidarum turmas medio  
 in saltu condiderat, quorum interdum nemo ab statione mo-  
 vebatur, ne aut arma, aut ipsi procul conspicerentur. Fre-  
 mebant vulgo in castris Romanis, occupandum eum tumu-  
 lum esse, et castello firmandum; ne, si occupatus ab Han-  
 nibale foret, velut in cervicibus haberent hostem. Movit ea  
 res Marcellum, et collegae, 'Quin imus,' inquit, 'ipsi cum  
 'equitibus paucis exploratum? Subiecta res oculis nostris  
 'certius dabit consilium.' Consentiente Crispino, cum  
 equitibus ducentis et viginti, ex quibus quadraginta Fre-  
 gellani, ceteri Etrusci erant, proficiscuntur. Secuti M. Mar-  
 cellus consulis filius, et A. Manlius, tribuni militum: simul  
 et duo praefecti socium, L. Arennius, et M'. Aulius. Im-  
 molasse eo die quidam memoriae prodidere consulem Mar-  
 cellum, et, prima hostia caesa, iecur sine capite inventum;  
 in secunda omnia comparuisse, quae assolent. Auctum  
 etiam visum in capite: nec id sane haruspici placuisse,

Explora-  
 tum eunt  
 Coss.

2 *L. Cincio*] Cui in Sicilia proro-  
 gatum imperium erat, supr. 7.

3 *Partem exercitus*] Dimidiam par-  
 tem intelligit Crevier.

4 *Quin imus*] Ut supr. i. 57. *quin*  
*conscendimus equos*, h. e. cur non?

5 *Iecur sine capite*] De iecinoris

capite, cf. supr. viii. 9.

6 *Auctum etiam*] Simile extispi-  
 cium referre Lucanum i. 626. ani-  
 madvertit Rhenanus. *Auctum* pro  
 casu quarto substantivi *auctus* accipit  
 Crevier.

quod, secundum trunca et turpia exta, nimis laeta apparu- U. C. 544.  
issent. Ceterum consulem Marcellum tanta cupiditas tene- A. C. 208.  
bat dimicandi cum Hannibale, ut nunquam satis castra cas- 27.  
tris collata crederet. Tum quoque vallo egrediens signum  
7 dedit, ut ad locum miles esset paratus: ut, si collis, in quem  
speculatum irent, placuisset, vasa colligerent, ac sequerentur.  
Exiguum campi ante castra erat: inde in collem aperta  
undique et conspecta ferebat via. Numidis speculator, ne- Insidiis ex-  
quaquam in spem tantae rei positus, sed si quos vagos, cipiuntur  
pabuli aut lignorum causa longius a castris progressos, Coss.  
possent excipere, signum dat, ut pariter ab suis quisque  
latebris exorirentur. Non ante apparuere, quibus obviis  
ab iugo ipso consurgendum erat, quam circumiere, qui a  
8 tergo includerent viam. Tum undique omnes exorti, et  
clamore sublato impetum fecere. Quum in ea valle con-  
sules essent, ut neque evadere possent in iugum occupatum  
ab hoste, nec receptum ab tergo circumventi haberent;  
extrahi tamen diutius certamen potuisset, ni coepta ab  
Etruscis fuga pavorem ceteris inieciscet. Non tamen omi-  
sere pugnam deserti ab Etruscis Fregellani, donec integri  
consules hortando, ipsique ex parte pugnando rem sustine-  
bant. Sed, postquam vulneratos ambo consules, Marcellum Marcellus  
etiam transfixum lancea prolabentem ex equo moribundum occiditur.  
videre, tum et ipsi (perpauci autem supererant) cum Cris- Crispinus  
pino consule duobus iaculis icto, et Marcello adolescente, vulneratus  
saucio et ipso, effugerunt. Interfectus A. Manlius tribunus fugit.  
militum, et ex duobus praefectis socium M'. Aulius occisus,  
L. Arennius captus. Et lictores consulum quinque vivi in  
hostium potestatem venerunt: ceteri aut interfecti, aut cum  
consule effugerunt. Equites tres et quadraginta, aut in  
proelio, aut in fuga, ceciderunt, duodeviginti vivi capti.  
Tumultuatum et in castris fuerat, ut consulibus irent sub-  
sidio; quum consulem et filium alterius consulis saucios,  
exiguasque infelicis expeditionis reliquias, ad castra veni-  
entes cernunt. Mors Marcelli quum alioqui miserabilis  
fuit, tum quod nec pro aetate (maior iam enim sexaginta  
annis erat), neque pro veteris prudentia ducis, tam im-  
provide se, collegamque, et prope totam rempublicam, in  
praeceps dederat.

Multos circa unam rem ambitus fecerim, si, quae de Varia fama  
Marcelli morte variant auctores, omnia exsequi velim. Ut de morte  
9 omittam alios, L. Coelius triplicem rei gestae ordinem edit: Marcelli.

7 *Ad locum miles*] *Ad locum*, in quo nihil variant mss. Crevier. exponendum putat *statim*, ut idem sit atque *illico*, quod corruptum est ex duabus vocibus *in loco*.

8 *Includerent*] Hanc vocem pro *intercluderent* passim dici monet Gronovius.

9 *Ordinem edit: unam traditam*] Haec genere inter se non convenire



U. C. 544. unam traditam fama; alteram scriptam laudatione filii, qui  
 A. C. 208. rei gestae interfuerit; tertiam, quam ipse pro inquisita ac  
 sibi comperta affert. Ceterum ita fama variat, ut tamen  
 plerique loci speculandi causa castris egressum; omnes in-  
 sidiis circumventum tradant.

28. Hannibal, magnum terrorem hostibus, morte consulis  
 unius, vulnere alterius, iniectum esse ratus, ne cui deesset  
 occasione, castra in tumultum, in quo pugnatum erat, ex-  
 templo transfert. Ibi inventum Marcelli corpus sepelit.  
 Crispinus, et morte collegae, et suo vulnere territus, silentio  
 insequentis noctis profectus, quos proximos nactus est mon-  
 tes, in iis loco alto et tuto undique castra posuit. Ibi duo  
 duces sagaciter moti sunt, alter ad inferendam, alter ad  
 cavendam fraudem. Annulo Marcelli simul cum corpore  
 Hannibal potitus erat. Eius signi errore ne cui dolus  
 necteretur a Poeno, metuens Crispinus, circa civitates  
 proximas miserat nuntios: occisum collegam esse, annu-  
 loque eius hostem potitum: ne quibus literis crederent  
 nomine Marcelli compositis. Paulo ante hic nuntius con-  
 sulis Salapiam venerat, quum literae ab Hannibale allatae  
 sunt, Marcelli nomine compositae: 'Se nocte, quae diem  
 'illum secutura esset, Salapiam venturum: parati milites:  
 'essent, qui in praesidio erant, si quo opera eorum opus  
 'esset.' Sensere Salapitani fraudem: et ab ira, non defec-  
 tionis modo, sed etiam equitum interfectorum, rati occa-  
 sionem supplicii peti, remisso retro nuntio, (perfuga autem

Hannibal  
 ad Sala-  
 piam sua-  
 met fraude  
 captus.

animadvertit Perizonius, qui emen-  
 dandam putat *seriem* pro voce *ordi-*  
*nem*. Crevier. *ad traditam* ad voces  
 quae praecessere, nempe *rei gestae*,  
 referebat, id quod aliis doctissimis  
 placuit.

1 *Laudatione filii*] Obscura est quae-  
 stio, utrum laudatio quaedam patris  
 a filio, an filii a quovis cognato dicta  
 hic intelligatur, quum laudatoribus  
 filii proclivius esset memoriam rerum  
 gestarum vitare, famamque honorum  
 fallente mendacio aucupari. cf. Creu-  
 zer. R. Ant. § 208.

2 *Parati milites essent*] Carent  
 prima voce scripti, tum Gronoviani,  
 tum nostri. Sed nulli codici, ne exi-  
 mio quidem illi Puteanaeo, tantum  
 tribuimus, ut ibi statim mendum esse  
 existimemus, ubi illi dissident a vul-  
 gatis: praesertim si ratio evidens ap-  
 pareat cur eam quae recepta est lec-  
 tionem tueamur: ut hoc loco, ubi  
 sensus omnino flagitat vocem *parati*.  
 Gronovius ea omissa suspicatur le-  
 gendum *vigiles essent*, id est, vigila-  
 rent, intenti essent. Quanto simpli-

cior, aptior, clarior sit vulgata lectio,  
 quis non statim videt? In ea ergo  
 acquiescamus, ne, si semel clara et  
 aperta tentare conati fuerimus, statim  
 atque aliquot mss. in alia abeunt, om-  
 nia iam incerta fiant. Sic hoc ipso  
 capite, paullo superius, ubi vulgares  
 libri habent *alter ad inferendam, alter*  
*ad cavendam fraudem*; Puteaneus,  
*alter ad inferendam fraudem*, omittit  
 media. Supr. 14. mutilus quoque est  
 idem codex, et in hac Hannibalis no-  
 tabili de Marcello voce, *seu vicit,*  
*ferociter instat victis*; *seu victus est,*  
*instaurat cum victoribus certamen,*  
*transiit ad victis seu.* Et alibi se-  
 pius tales defectus in optimo libro  
 annotavimus. Statuimus itaque mul-  
 tumtribuendum esse scriptis codici-  
 bus, praesertim si sint venerandae an-  
 tiquitatis: sed ita tamen, ut sensus  
 quoque ratio habeatur. Et ubi proba  
 lectio occurrit, cui nostri mss. repe-  
 gnent, credendum est priores editores  
 aliorum codicum copiam habuisse,  
 ex quibus eam hauserint. CREV.



Romanus erat) ut sine arbitro milites, quae vellent, agerent, U. C. 544.  
 oppidanos per muros urbisque opportuna loca in stationibus A. C. 208.  
 disponunt: custodias vigilasque in eam noctem intentius  
 instruunt. Circa portam, qua venturum hostem rebantur,  
 quod roboris in praesidio erat, opponunt. Hannibal quarta  
 vigilia ferme ad urbem accessit. Primi agminis erant per-  
 fugae Romanorum, et arma Romana habebant. Ii, ubi ad  
 portam est ventum, Latine omnes loquentes excitant vi-  
 giles, apeririue portam iubent: consulem adesse. Vigiles,  
 velut ad vocem eorum excitati, tumultuari, trepidare, mo-  
 3 liri portam. Cataracta deiecta clausa erat. Eam partim  
 vectibus levant: partim funibus subducunt in tantum alti-  
 tudinis, ut subire recti possent. Vixdum satis patebat iter,  
 quum perfugae certatim ruunt per portam: et quum sex-  
 centi ferme intrassent, remisso fune, quo suspensa erat,  
 cataracta magno sonitu cecidit. Salapitani, alii perfugas  
 negligenter ex itinere suspensa humeris, ut inter pacatos,  
 gerentes arma, invadunt: alii e turri eius portae murisque  
 saxis, sudibus, pilis, absterrent hostem. Ita inde Hannibal  
 suamet ipse fraude captus abiit: profectusque ad Locro-  
 rum solvendam obsidionem, quam Cincius summa vi, ope-  
 ribus tormentorumque omni genere ex Sicilia advecto, op-  
 pugnabat. Magoni, iam haud ferme fidenti, retenturum  
 defensurumque se urbem, prima spes, morte nuntiata Mar-  
 celli, affulsit. Secutus inde nuntius, Hannibalem, Numi-  
 darum equitatu praemisso, ipsum, quantum accelerare pos-  
 set, cum peditum agmine sequi. Itaque ubi primum Nu-  
 midas edito e speculis signo adventare sensit, et ipse, pate-  
 facta repente porta, ferox in hostes erumpit. Et primo,  
 magis quia improviso id fecerat, quam quod par viribus  
 esset, anceps certamen erat: deinde, ut supervenere Nu-  
 midae, tantus pavor Romanis est iniectus, ut passim ad  
 mare ac naves fugerent; relictis operibus machinisque, qui-  
 bus muros quatiebant. Ita adventu Hannibalis soluta Lo-  
 crorum obsidio est.

Locrorum  
obsidionem  
solvit.

Crispinus, postquam in Bruttios profectum Hannibalem 29.  
 4 sensit, exercitum, cui collega praefuerat, M. Marcellum tri-  
 bunum militum Venusiam abducere iussit. Ipse, cum le-  
 gionibus suis Capuam profectus, vix lecticae agitationem  
 prae gravitate vulnerum patiens, Romam literas de morte  
 collegae scripsit, quantoque ipse in discrimine esset. 'Se  
 'comitiorum causa non posse Romam venire: quia nec

Crispinus  
it Capuam.

3 *Cataracta deiecta*] Cataracta est  
 porta pensilis e transversis lignis fer-  
 roque in reticuli modum compacta,  
 quae addita principi portae claudit  
 aditum quum demissa est, in altum

sublata aperit. CREV.

4 *M. Marcellum*] Intellige consu-  
 lis interfecti filium, cuius supr. 26.  
 mentio facta est. RASCH.

U. C. 544. 'viae laborem passurus videretur, et de Tarento sollicitus  
A. C. 208. 'esset, ne ex Bruttiiis Hannibal eo converteret agmen. Le-  
'gatos opus esse ad se mitti, viros prudentes: cum quibus,  
'quae vellet, de republica loqueretur.' Hae literae recita-  
tae magnum et luctum morte alterius consulis, et metum  
de altero fecerunt. Itaque et Q. Fabium filium ad exer-  
citus Venusiam miserunt: et ad consulem tres legati mis-  
si, Sext. Iulius Caesar, L. Licinius Pollio, L. Cincius Ali-  
mentus, quum paucis ante diebus ex Sicilia redisset. Hi  
nuntiare consuli iussi, ut, si ad comitia ipse Romam venire  
non posset, dictatorem in agro Romano diceret comitiorum:  
causa. Si consul Tarentum profectus esset, Q. Claudium  
praetorem placere in eam regionem inde abducere legiones,  
in qua plurimas sociorum urbes tueri posset.

Classis Ro-  
mana Afri-  
cam popu-  
latur.

Vincit  
classem  
Punicam.

Eadem aestate M. Valerius cum classe centum navium ex  
Sicilia in Africam transmisit: et, ad Clupeam urbem exscen-  
sione facta, agrum late, nullo ferme obvio armato, vastabat.  
Inde ad naves raptim praedatores recepti, quia repente fama  
accidit, classem Punicam adventare. Octoginta erant et  
tres naves. Cum iis haud procul Clupea prospere pugnat  
Romanus. Decem et octo navibus captis, fugatis aliis,  
cum magna terrestri navalique praeda, Lilybaeum rediit.

30.  
Res Grae-  
ciae.

Aetoli a  
Philippo  
victi.

Eadem aestate et Philippus implorantibus Achaeis aux-  
ilium tulit: quos et Machanidas tyrannus Lacedaemonio-  
rum finitimo bello urebat; et Aetoli, navibus per fretum,  
quod Naupactum et Patras interfluit, (Rhion incolae vo-  
cant) exercitu traiecto, depopulati erant. Attalum quoque  
regem Asiae, quia Aetoli summum gentis suae magistra-  
tum ad eum proximo concilio detulerant, fama erat in Eu-  
ropam traiecturum. Ob haec Philippo in Graeciam de-  
scendenti ad Lamiam urbem Aetoli, duce Pyrrhia, qui  
praetor in eum annum cum absente Attalo creatus erat,  
occurrerunt. Habebant et ab Attalo auxilia secum: et  
mille ferme ex Romana classe, a P. Sulpicio missos. Ad-  
versus hunc ducem atque has copias Philippus bis prospero  
eventu pugnavit: mille admodum hostium utraque pugna<sup>5</sup>  
occidit. Inde quum Aetoli metu compulsi Lamiae urbis  
moenibus tenerent sese, Philippus ad Phalara exercitum  
reduxit. In Maliaco sinu is locus est, quondam frequen-  
ter habitatus propter egregium portum, tutasque circa sta-  
tiones, et aliam opportunitatem maritimam terrestremque.  
Eo legati ab rege Aegypti Ptolemaeo, Rhodiisque, et Athe-  
niensibus, et Chiis venerunt, ad dirimendum inter Phi-

<sup>5</sup> *In agro Romano*] sc. Qui Ro-  
manae ditionis esset. cf. supr. 5.

<sup>6</sup> *Mille admodum*] *Admodum* hic  
pro *fere* accipit Gronovius, pro *plane*

Doering. positum esse censet.

<sup>7</sup> *In Maliaco sinu*] In ora adia-  
cente ad sinum Maliacum. Vid. infr.  
xxviii. 5. CREV.

lippum atque Aetolos bellum. Adhibitus ab Aetolis et ex U. C. 544.  
 finitimis pacificator Amynder, rex Athamanum. Om- A. C. 208.  
 nium autem non tanta pro Aetolis cura erat, ferocioribus Legati  
 quam pro ingeniis Graecorum gentis: quam ne Philippus conveniunt  
 regnumque eius, grave libertati futurum, rebus Graeciae ad bellum  
 immisceretur. De pace dilata consultatio est in concilium dirimen-  
 Achaeorum; concilioque ei et locus et dies certa indicta. dum.  
 Interim triginta dierum indutiae impetratae. Profectus Indutiae  
 inde rex per Thessaliam Boeotiamque, Chalcidem Euboeae 30. dierum.  
 venit, ut Attalum, quem classe Euboeam petiturum audi-  
 erat, portubus et litorum appulsu arceret. Inde, praesidio Philippus  
 relicto adversus Attalum, si forte interim traiecisset, pro- it in Pello-  
 fectus ipse cum paucis equitum levisque armaturae, Argos ponnesum.  
 venit. Ibi curatione Heraeorum Nemeorumque suffragiis  
 populi ad eum delata, quia se Macedonum reges ex ea  
 civitate oriundos referunt, Heraeis peractis, ab ipso ludicro  
 extemplo Aegium profectus est, ad indictum multo ante  
 sociorum concilium. Ibi de Aetolico finiendo bello actum,  
 ne causa aut Romanis, aut Attalo intrandi Graeciam esset.  
 Sed ea omnia, vixdum indutiarum tempore circumacto, Aetoli  
 Aetoli turbavere, postquam et Attalum Aeginam venisse, spem pacis  
 et Romanam classem stare ad Naupactum audivere. turbant.  
 Vocati enim in concilium Achaeorum, in quo eadem lega-  
 tiones erant, quae ad Phalara egerant de pace, primum  
 questi sunt quaedam parva contra fidem conventionis tem-  
 pore indutiarum facta: postremo negarunt dirimi bellum  
 posse, nisi Messeniis Achaei Pylum redderent, Romanis

8 *Ferocioribus quam pro ingeniis Graecorum gentis*] Possis utcumque exponere: ferocioribus quam pro ingeniis gentis alicuius Graecorum. Sed hoc illepidum est et inelegans. Libenter crederemus dedisse Livium: *ferociori, quam pro ingeniis Graecorum, gente*: id est, cuius ferocia male conveniret cum humanissimis Graecorum moribus. CREV. Hanc lectionem a Crevier. probatam, ex coniectura Gronovii in textum reposuit Bekker. Sed vulgarem defendit Drakenb. ut quae a stylo Liviano minime abhorreat, quoniam haud raro duplicem genitivum, alterum ex altero pendentem, ap. nostrum deprehendimus. cf. supr. xxv. 15. *hostium insidiarum ignarus*.

9 *Ne Philippus regnumque eius*] Apparet ex orationibus Lycisci Acarnanis, et legatorum Ptolemaei, apud Polyb. libb. ix. et xi. maiorem ab Romanis metum fuisse, quam a Phi-

lippo. GRONOV.

1 *Heraeorum*] Ludorum in honorem Iunonis, qui Graecis Ἥρα dicitur. CREV.

2 *Nemeorum*] Ludi quoque fuere, sic dicti a Nemea sylva; quos quidam in Archemori, alii in Herculis honorem institutos memorant. CREV.

3 *Ex ea civitate oriundos referunt*] Nimirum reges Macedonum genus ducebant a Carano Argivo, regni Macedonici conditore, si Iustinum vii. 2. auctorem sequamur, vel a Perdicca Temenida, si Herodotum viii. 137. audiamus, quem vide v. 22. et Thucyd. ii. 99.

4 *Aegium profectus est*] Concilia Achaeorum *Aegium* indicta infr. xxviii. 7. xxxv. 48. legi, animadvertit Drakenb. Olim *Rhium* hic legebatur, quum codices *regium* prae se ferunt, sed Polybius Achaeos *Rhium* ne semel quidem coactos memorat. *Aegium* emendavit Glareanus.

U. C. 544. restitueretur Atintania, Scerdilaedo et Pleurato Ardyaei;  
 A. C. 208. Enimvero indignum ratus Philippus, victos victori sibi ultro  
 conditiones ferre: 'Ne antea quidem se aut de pace au-  
 disse, aut indutias pepigisse,' dixit, 'spem ullam habentem  
 quieturos Aetolos; sed ut omnes socios testes haberet, se  
 pacis, illos belli causam quaesisse.' Ita infecta pace con-  
 cilium dimisit, quattuor millibus armatorum relictis ad  
 praesidium Achaeorum, et quinque longis navibus acceptis.  
 Quas si adiecisset missae nuper ad se classi Carthaginien-  
 sium, et ex Bithynia ab rege Prusia venientibus navibus,  
 statuerat navali proelio lacescere Romanos, iam diu in ea  
 regione potentes maria. Ipse ab eo concilio Argos re-  
 gressus: iam enim Nemeorum appetebat tempus, quae  
 celebrari volebat praesentia sua.

31. Occupato rege apparatu ludorum, et per dies festos li-  
 centius, quam inter belli tempora, remittente animum, P.  
 Sulpicius, ab Naupacto profectus, classem appulit inter  
 Sicyonem et Corinthum, agrumque nobilissimae fertilitatis  
 effuse vastavit. Fama eius rei Philippum ab ludis excivit:  
 raptimque cum equitatu profectus, iussis subsequi pediti-  
 bus, palatos passim per agros gravesque praeda, ut qui ni-  
 hil tale metuerent, adortus Romanos, compulit in naves.  
 Classis Romana, haudquaquam laeta praeda, Naupactum  
 rediit. Philippo quoque ludorum, qui reliqui erant, cele-  
 britatem quantaecunque, de Romanis tamen, victoriae  
 partae fama auxerat; laetitiaque ingenti celebrati festi dies:  
 eo magis etiam, quod populariter dempto capitis insigni,  
 purpuraque, atque alio regio habitu, aequaverat ceteris se  
 in speciem: quo nihil gratius est civitatibus liberis. Prae-  
 buissetque haud dubiam eo facto spem libertatis, nisi om-  
 nia intoleranda libidine foeda ac deformia effecisset. Va-  
 gabatur enim cum uno aut altero comite per maritas domos;  
 dies noctesque: et, summittendo se in privatum fastigium;  
 quo minus conspectus, eo solutior erat: et libertatem quam  
 aliis vanam ostendisset, totam in suam licentiam verterat.

Classis Ro-  
mana Co-  
rinthium  
agrum vas-  
tat.

Repellun-  
tur Roma-  
ni a Phi-  
lippo.

Philippi  
licentia.

5 *Atintania*] Regio Illyrici, a Ro-  
manis in deditionem accepta aliquot  
annis ante initium huius secundi Pu-  
nici belli. Vide supr. xx. 30. Occu-  
patis autem hoc bello Romanis, Phi-  
lippus, ut apparet ex hoc loco, eam  
invaserat. CREV.

6 *Quae celebrari*] Quibus celebri-  
tatem addi et spectantium concursus  
augeri praesentia sua volebat. CREV.

7 *Philippo quoque*] Ita Gronovius  
pro vulg. *Philippus*. Sensus erit:  
Fama victoriae, non quidem magnae,  
tamen, quod de Romanis parta erat,  
satis clarae, celebritatem dierum, qui

ludis supererant, auxerat Philippo, qui  
maiore ob novum hoc decus cum glo-  
ria illis praefuit. CREV.

8 *Per maritas domos*] sc. In quibus  
degunt matrimonio iuncti. Ita *terru*  
*maritus* est apud Ovid. Her. ii. 41.  
*Sacra marita*, Her. xii. 87. DRAX.

9 *Summittendo se*] Vocem *se* ex  
emendatione Gronov. delevit Bekker.  
quum hoc intelligatur, *summittendo*  
*fastigium* suum vel regium in prie-  
*tum*; sed lectionem nostram, quae-  
vis duriores, tutantur codd. Vict. et  
Haverc.

Neque enim omnia emebat aut eblandiebatur, sed vim U. C. 544.  
etiam flagitiis adhibebat: periculosumque et viris et paren- A. C. 208.  
tibus erat, moram incommoda severitate libidini regiae fe-  
cisse. Uni etiam principi Achæeorum Arato adempta uxor  
nomine Polycratia, ac spe regiarum nuptiarum in Macedo-  
niam asportata fuerat.

Per haec flagitia sollenni Nemeorum peracto, paucisque Adversus  
additis diebus, Dymas est profectus, ad praesidium Aetolo- Aetolos  
rum, quod ab Eleis accitum acceptumque in urbem erat, tur, in Eli-  
eiiciendum. Cycliadas (penes eum summa imperii erat) dem.  
Achaeique ad Dymas regi occurrere: et Eleorum accensi  
odio, quod a ceteris Achaeis dissentirent: et infensi Aeto-  
lis, quos Romanum quoque adversus se movisse bellum  
credebant. Profecti ab Dymis, coniuncto exercitu trans-  
eunt Larisum amnem, qui Eleum agrum ab Dymaeo diri-  
mit. Primum diem, quo fines hostium ingressi sunt, po- 32.  
pulando absumpserunt. Postero die acie instructa ad ur-  
bem accesserunt, praemissis equitibus; qui, obequitando  
portis, promptum ad excursions genus lacerarent Aetolo-  
rum. Ignorabant, Sulpicium cum quindecim navibus ab Sulpicius  
Naupacto Cyllenen traiecisse, et, expositis in terram quat- Cyllenen  
tuor millibus armatorum, silentio noctis, ne conspici agmen traiecit.  
posset, intrasse Elim. Itaque improvisa res ingentem inie-  
cit terrorem, postquam inter Aetolos Eleosque Romana  
signa atque arma cognovere. Et primo recipere suos vo- Rex vinci-  
luerat rex: dein, contracto iam inter Aetolos et Trallos tur.  
(Illyriorum id est genus) certamine, quum urgeri videret  
suos, et ipse rex cum equitatu in cohortem Romanam in-  
currit. Ibi equus pilo traiectus quum prolapsus per caput  
regem effudisset, atrox pugna utrimque accensa est, et ab  
Romanis impetu in regem facto, et protegentibus regiis.  
Insignis et ipsius pugna fuit, quum pedes inter equites co-  
actus esset proelium inire. Dein, quum iam impar certa-  
men esset, caderentque circa eum multi, et vulnerarentur,  
raptus ab suis, atque alteri equo iniectus, fugit. Eo die  
castra quinque millia passuum ab urbe Eleorum posuit.  
Postero ad castellum (Pyrgum vocant) copias omnes eduxit:  
quo agrestium multitudinem cum pecoribus metu popula-  
tionum compulsam audierat. Eam inconditam inermemque  
multitudinem primo statim terrore adveniens cepit: com-  
pensaveratque ea praeda, quod ignominiae ad Elim accep-  
tum fuerat. Dividenti praedam captivosque (fuerant au-

1 *Arato adempta uxor*] Ex Plut.  
in *Arato* versus finem, colligere licet  
hunc Aratum, cui uxorem ademit  
Philippus, fuisse Aratum iuniorem,  
filium eius Arati, cuius consilio et

opera respublica Achaeorum coaluit.  
CREV.

2 *Per caput*] Intellige caput equi,  
per quod et eiusdem collum rex lap-  
sus est. CREV.

U. C. 544. A. C. 208. tem quattuor millia hominum, pecoris omnis generis ad millia viginti) nuntius ex Macedonia venit, Eropum quendam, corrupto arcis praesidiique praefecto, Lychnidum cepisse: tenere et Dassaretiorum quosdam vicos, et Dardanos etiam concire. Omisso igitur Achaico bello, relictis tamen duobus millibus et quingentis omnis generis armatorum cum Menippo et Polyphanta ducibus ad praesidium sociorum, profectus ab Dymis, per Achaia Boeotiamque et Euboeam, decimis castris Demetriadem in Thessaliam pervenit. Ibi alii, maiorem afferentes tumultum, nuntii occurrunt: Dardanos, in Macedoniam effusos, Orestidem iam tenere, ac descendisse in Argestaeum campum: famamque inter barbaros celebrem esse, Philippum occisum. Expeditione ea, qua cum populatoribus agri ad Sicyonem pugnavit, in arborem illatus impetu equi, ad eminentem ramum cornu alterum galeae praefregit. Id inventum ab Aetolo quodam, perlatumque in Aetoliam ad Scerdilaedum, cui notum erat insigne galeae, famam interfecti regis vulgavit. Post profectionem ex Achaia regis, Sulpicius, Aeginam classe profectus, cum Attalo sese coniunxit. Achaei cum Aetolis Eleisque haud procul Messene prosperam pugnam fecerunt. Attalus rex et P. Sulpicius Aeginae hibernarunt.

Redit in  
Macedoni-  
am.

33.  
Dardani  
Macedoni-  
am popu-  
lantur.

Achaei  
bene rem  
gerunt.

Crispini  
Coa. mora.  
Dictator  
Torquatus.

Ludi  
magni.

Exitu huius anni T. Quinctius Crispinus consul, dictatore comitiorum ludorumque faciendorum causa dicto T. Manlio Torquato, ex vulnere moritur. Alii Tarenti, alii in Campania mortuum tradunt. Id quod nullo ante bello acciderat, duo consules, sine memorando proelio interfecti, velut orbam rempublicam reliquerant. Dictator Manlius magistrum equitum C. Servilium (tum aedilis curulis erat) dixit. Senatus, quo die primum est habitus, ludos magnos facere dictatorem iussit, quos M. Aemilius praetor urbis, C. Flaminio, Cn. Servilio consulibus, fecerat, et in quinquennium voverat. Tum dictator et ludos fecit, et in insequens lustrum vovit. Ceterum, quum duo consulares exercitus

3 *Lychnidum*] Hanc vocem pro vulg. *Bachindum* reposuit Sigonius. cf. infr. xxxiii. 34.

4 *Et Euboeam*] *Boebeidem* emendavit Sabellicus, sed Boebeis, sive palus, sive regiuncula, iacet sub Penei ostio, longe ultra Demetriadem, neque liquet, quare Philippus, tanto spatio iam praegressus, illic reverteret. Quapropter veterem lectionem defendit Iac. Gronovius, "quippe ob certas causas potuit Philippus coactus fuisse ex Boeotia deflectere versus dextram in Euboeam, ut res insulae inspiceret ac constitueret, maxime

quum eius insulae cultores in metu ab Aetolis essent, ut testatur Livius xxviii. 5."

5 *Argestaeum*] Vel corruptam ex hoc nomen, vel parum notum. Glaucanum legit *Aestraeum*; Sigonius *Argestaeum*, id est, Thesprotium. Thesproti enim alio nomine Aegestaei quoque vocabantur, teste Stephano. Cf.

6 *Cornu alterum*] Cornua inter insignia successorum Alexandri Magni illustravit Spanhemius de Praest. et Usu Nummorum vii. p. 387. *galeas* autem cornutas p. 399. DRAK.



tam prope hostem sine ducibus essent, omnibus aliis omissis, U. C. 544.  
 una praecipua cura Patres populumque incessit, consules A. C. 208.  
 primo quoque tempore creandi; et ut eos potissimum cre- Curae de  
 arent, quorum virtus satis tuta a fraude Punica esset: Coss. cre-  
 andis.  
 ‘quum toto eo bello damnosa praepropera ac fervida ingenia  
 ‘imperatorum fuissent, tum eo ipso anno consules, nimia  
 ‘cupiditate conserendi cum hoste manum, in necopinatam  
 ‘fraudem lapsos esse. Ceterum deos immortales, miseritos  
 ‘nominis Romani, pepercisse innoxiiis exercitibus: teme-  
 ‘ritatem consulum ipsorum capitibus damnasse.’ Quum 34.  
 circumspicerent Patres, quosnam consules facerent, longe Claudius  
 ante alios eminebat C. Claudius Nero. Ei collega quaere- Nero.  
 batur; et virum quidem eum egregium ducebant, sed  
 promptiorem acrioremque, quam tempora belli postularent,  
 aut hostis Hannibal: temperandum acre eius ingenium  
 moderato et prudenti viro adiuncto collega censebant. M. M. Livius.  
 Livius erat, multis ante annis ex consulatu populi iudicio  
 damnatus. Quam ignominiam adeo aegre tulerat, ut et rus  
 migraret, et per multos annos et urbe et omni coetu careret  
 hominum. Octavo ferme post damnationem anno M.  
 Claudius Marcellus et M. Valerius Laevinus consules re-  
 duxerant eum in urbem: sed erat veste obsoleta, capilloque  
 et barba promissa, praeferens in vultu habituque insignem  
 memoriam ignominiae acceptae. L. Veturius et P. Lici-  
 nius censores eum tonderi, et squalorem deponere, et in  
 senatum venire, fungique aliis publicis muneribus coege-  
 runt. Sed tum quoque aut verbo assentiebatur, aut pedi-  
 bus in sententiam ibat, donec cognati hominis eum causa  
 M. Livii Macati, quum fama eius ageretur, stantem coegit  
 in senatu sententiam dicere. Tum ex tanto intervallo  
 auditus convertit ora hominum in se, causamque sermonibus  
 praebuit, ‘indigno iniuriam a populo factam, magnoque id  
 ‘damno fuisse, quod tam gravi bello nec opera, nec consilio  
 ‘talisi viri usa respublica esset. C. Neroni neque Q. Fabium,  
 ‘neque M. Valerium Laevinum dari collegas posse, quia  
 ‘duos patricios creari non liceret. Eandem causam in T.  
 ‘Manlio esse, praeterquam quod recusasset delatum consu-

7 *Quorum virtus satis tuta*] Quo-  
 rum virtus et fortitudo bellica adhi-  
 beret tamen cautionem, ne fraude  
 Punica caperetur. CREV.

8 *Multis ante annis*] cf. Supr. xxii.  
 35. Quippe consul fuerat proximo  
 ante hoc bellum anno, et damnatus  
 primo huius belli anno.

9 *Coegerunt*] sc. Vel ut virum con-  
 sularem, vel quod antea in senatum

lectus fuerat; alias non cogi potuisset.  
 DOER.

1 *Stantem coegit in senatu*] Ni-  
 mirum, quum pluribus verbis senten-  
 tiam suam explicarent ac tuerentur  
 senatores, stantes dicebant: alioquin  
 aut verbo aliis assentiebantur, aut  
 discessione facta, pedibus in senten-  
 tiam ibant.



U. C. 544. 'latum, recusaturusque esset. Egregium par consulum fore.  
 A. C. 208. 'si M. Livium C. Claudio collegam adiunxissent.' Nec  
 populus mentionem eius rei ortam a Patribus est aspernatus.  
 Unus eam rem in civitate is, cui deferebatur honos, abnue-  
 bat, levitatem civitatis accusans. 'Sordidati rei non mise-  
 ritos, candidam togam invito offerre: eodem honores poe-  
 nasque congeri. Si bonum virum ducerent, quid ita pro  
 malo ac noxio damnassent? Si noxium comperissent, quid  
 ita, male credito priore consulatu, alterum crederent?'  
 Haec taliaque arguentem et querentem castigabant Patres,  
 'et M. Furium,' memorantes, 'revocatum de exilio, pa-  
 triam pulsam sede sua restituisse. Ut parentum saevitiam,  
 sic patriae, patiundo ac ferendo leniendam esse.' Annisi  
 omnes, cum C. Claudio M. Livium consulem fecerunt.

Coss. cre-  
antur.

35.

Post diem tertium eius diei praetorum comitia habita.  
 Praetores creati L. Porcius Licinus, C. Mamilius, A. et C.  
 Hostilii Catones. Comitibus perfectis, ludisque factis, dic-  
 tator et magister equitum magistratu abierunt. C. Tere-  
 tius Varro in Etruriam propraetor missus, ut ex ea provin-  
 cia C. Hostilius Tarentum ad eum exercitum iret, quem:  
 T. Quinctius consul habuerat. Et L. Manlius trans mare;  
 legatus iret, viseretque, quae res ibi gererentur: simul, quod  
 Olympiae ludicrum ea aestate futurum erat, quod maximo  
 coetu Graeciae celebraretur, ut, si tuto per hostem posset  
 adiret id concilium: ut, qui Siculi bello ibi profugi, aut  
 Tarentini cives relegati ab Hannibale essent, domos redi-  
 rent, scirentque, sua omnia, quae ante bellum habuissent,  
 reddere populum Romanum.

Coss. de-  
signati re-  
concilian-  
tur.

Quia periculosissimus annus imminere videbatur, neque  
 consules in republica erant, in consules designatos omnes  
 versi, quam primum eos sortiri provincias, et praesciscere;  
 quam quisque eorum provinciam, quem hostem haberet,  
 volebant. De reconciliatione etiam gratiae eorum in se-  
 natu actum est, principio facto a Q. Fabio Maximo. Ini-

2 *Quem T. Quinctius consul habu-  
erat*] Haec verba, quae sibi nullo in  
 scripto obvia fuisse Gronovius testa-  
 tur, nos in Victorino codice reperi-  
 mus, nisi quod mutatum ibi nomen  
 consulis est, legiturque *T. Manlius  
consul*: facili errore, quod *T. Man-  
lius* in sequenti versu nominetur.  
 Nec vero assentimur Gronovio, ea-  
 dem haec verba inutilia esse. Sine  
 iis enim nimis abrupta et obscura  
 fieret oratio. CREV.

3 *L. Manlius*] *T. Manlius* hic le-  
 gendum monet Crevier. quum in om-  
 nibus codd. suis *Titus* legitur. *Titus*

reposit Bekker.

4 *Olympiae ludicrum ea aestate*]  
 Ex Dodwelli sententia, de Cycl. Rom.  
 Diss. x. § 44. et 45. Olympiae ludi-  
 crum non in hunc annum, sed in  
 praecedentem Marcello et Crispis  
 consulibus conferendum est, neque  
 ab hac sententia alienum fuisse Pe-  
 tavium apparet ex libro suo de Doct.  
 Temp. ix. 53. DUK.

5 *Praesciscere*] Altera forma ver-  
 bi est *praescire*. cf. supr. xxvi. 33.

6 *Inimicitiae autem nobiles inter  
eos erant*] Ortae ex eo, quod in iudicio  
 illo, in quo Livius damnatus fuerat.

amicitiae autem nobiles inter eos erant, et acerbiores eas U. C. 544.  
indignioresque Livio sua calamitas fecerat, quod spretum A. C. 208.  
se in ea fortuna credebat. Itaque is magis implacabilis  
erat: et, 'nihil opus esse reconciliatione,' aiebat: 'acrius  
'et intentius omnia gesturos, timentes ne crescendi ex se  
'inimico collegae potestas fieret.' Vicit tamen auctoritas  
senatus, ut, positis simultatibus, communi animo consilio-  
que administrarent rempublicam. Provinciae iis non per- Provinciae  
iis divisae.  
mixtae regionibus, sicut superioribus annis, sed diversae  
extremis Italiae finibus, alteri adversus Hannibalem Bruttii,  
Lucani; alteri Gallia adversus Hasdrubalem, quem iam  
Alpibus appropinquare fama erat, decreta. Exercitum ex  
duobus, qui in Gallia, quique in Etruria essent, addito  
urbano, eligeret, quem mallet, qui Galliam esset sortitus.  
Cui Bruttii provincia evenisset, novis legionibus urbanis  
scriptis, utrius mallet consulum prioris anni, exercitum  
sumeret. Relictum a consule exercitum Q. Fulvius pro-  
consul acciperet; eique in annum imperium esset. Et C.  
Hostilio, cui pro Etruria Tarentum mutaverant provinciam,  
pro Tarento Capuam mutaverunt. Legio una data, cui  
Fulvius proximo anno praefuerat.

De Hasdrubalis adventu in Italiam cura in dies cres- 36.  
cebat. Massiliensium primum legati nuntiaverant, eum in Hasdrubal  
in Galliam  
transgres-  
sus.  
Galliam transgressum: erectosque adventu eius, quia ma-  
gnum pondus auri attulisse diceretur ad mercede auxilia  
conducenda, Gallorum animos. Missi deinde cum iis le-  
gati ab Roma Sex. Antistius et M. Raecius ad rem inspi-  
ciendam retulerant, misisse se cum Massiliensibus ducibus,  
qui per hospites eorum, principes Gallorum, omnia explo-  
rata referrent. Pro comperto habere, Hasdrubalem in-  
genti iam coacto exercitu proximo vere Alpes traiecturum:  
nec tum eum quicquam aliud morari, nisi quod clausae  
hieme Alpes essent.

In locum M. Marcelli P. Aelius Paetus augur creatus  
inauguratusque: et Cn. Cornelius Dolabella rex sacrorum  
inauguratus est in locum M. Marci, qui biennio ante mor-  
tuus erat. Hoc eodem anno et lustrum conditum est a Lustrum  
conditum.  
censoribus P. Sempronio Tuditano et M. Cornelio Cethego.  
Censa civium capita centum triginta septem millia, centum

Nero adversus eum testimonium dix-  
erat. Vid. Val. Max. iv. 2. et nostrum  
infr. xxix. 37. CREV.

7 *Et acerbiores eas*] Et calamitas  
Livii fecerat, ut acerbius in eo odium  
esset, et ex indignitate iniuriae acrius.  
CREV.

8 *Ne crescendi ex se*] Quum quis-  
que timeret ne ex culpa aut negligen-

tia sua daret occasionem inimico col-  
legae crescendi, et attolleret supra se  
inimicum collegam. CREV.

9 *Quique in Etruria essent*] *Es-*  
*set*, quod cod. Put. et Victor. habent,  
reposit Bekker. cf. supr. xxv. 20.  
*Consules . . . Fulvius in agrum Cu-*  
*manum, Claudius in Lucanos abiit.*

U. C. 544. et octo. Minor aliquanto numerus, quam qui ante bellum  
A. C. 208. fuerat. Eo anno primum, ex quo Hannibal in Italiam venisset, comitium tectum esse, memoriae proditum est, et ludos Romanos semel instauratos ab aedilibus curulibus Q. Metello et C. Servilio. Et plebeiis ludis biduum instauratum ab Q. Mamilio et M. Caecilio Metello aedilibus plebis. Et tria signa ad Cereris iidem dederunt: et Iovis epulum fuit ludorum causa.

U. C. 545. Consulatum inde ineunt C. Claudius Nero et M. Livius  
A. C. 207. iterum: qui, quia iam designati provincias sortiti erant.  
C. Claudio, praetores sortiri iusserunt. C. Hostilio urbana evenit:  
M. Livio addita et peregrina, ut tres in provincias exire possent.  
II. Coss. A. Hostilio Sardinia, C. Mamilio Sicilia, L. Porcio Gallia  
evenit. Summa legionum trium et viginti ita per provincias  
Praetorum provinciae. divisa, ut binae consulum essent; quattuor Hispania haberet; tres praetores binas, in Sicilia, in Sardinia  
Legiones et Gallia; duas C. Terentius in Etruria; duas Q. Fulvius  
23. in Brutiis; duas Q. Claudius circa Tarentum et Salentinos; unam C. Hostilius Tubulus Capuae: duae urbanae ut scriberentur. Primis quattuor legionibus populus tribunos creavit: in ceteras consules miserunt.

37. Priusquam consules proficiscerentur, novendiale sacrum  
Prodigia. fuit, quia Veiiis de coelo lapidaverat. Sub unius prodigii, ut fit, mentionem alia quoque nuntiata: Minturnis aedem Iovis et lucum Maricae; item Atellae murum et portam de coelo tacta. Minturnenses, terribilius quod esset, adiciebant, sanguinis rivum in porta fluxisse. Et Capuae.  
Procurata. lupus, nocte portam ingressus, vigilem laniaverat. Haec procurata hostiis maioribus prodigia, et supplicatio diem unum fuit ex decreto pontificum. Inde iterum novendiale

9 *Eo anno primum*] Perturbatas fuisse quasdam huius loci voces censet Crevier., qui lectionem ita refingit. "Eo anno primum, ex quo Hannibal in Italiam venisset, lustrum conditum est a censoribus... quam qui ante bellum fuerat. Hoc eodem anno et Comitium tectum esse memoriae proditum est, et ludos Romanos..." Omnia hoc modo apta omnino et clara sunt. Constat quippe hoc primum condi lustrum, ex quo Hannibal in Italiam venerit. Ter quidem censores creati sunt: at hi soli, de quibus loquitur nunc Livius, lustrum condidere. Vid. supr. xxiv. 11. et 43. xxvii. 6. Deinde ipsa particula *et*, quae sequitur illas voces *hoc eodem anno*, in eum locum quem volumus revocata, habet aliam comparem, quae sibi respondeat, *et ludos*

*Romanos*. Dukerus autem quaedam intercidiisse putat, quae ad annum operis incepti pertinerent.

1 *Semel instauratos*] sc. Uno die adiecto. cf. supr. xxv. 2. xxvii. 6. et 21. Niebhr. ii. n. 68.

2 *Ad Cereris*] Cuius aedi invigilabant aediles plebei. cf. supr. iii. 55.

3 *Tribunos creavit*] cf. Supr. ix. 30.

4 *Sanguinis rivum in porta fluxisse*] Similiter in fossis sub moenibus Mediolani urbis aliquando huiusmodi prodigium videre licet, quum genus quoddam confervarum sanguineo colore aquae identidem speciem sanguinis praebeat. Neque hoc prodigium aliis Italiae regionibus hactenus prorsus ignotum est. cf. Bellarmin. Giornal. de Fisica x. Bim. iii. p. 196. Settius Mem. Storico Natural. Venezia. 1824.

5 instauratum, quod in Armilustro lapidibus visum pluere. U. C. 545.  
 6 Liberatas religione mentes turbavit rursus nuntiatum, Fru- A. C. 207.  
 sinone infantem natum esse quadrimo parem: nec magni- Androgy-  
 tudine tam mirandum, quam quod is quoque, ut Sinuessae nus natus.  
 biennio ante, incertus, mas an femina esset, natus erat. Id  
 vero haruspices, ex Etruria acciti, foedum ac turpe pro-  
 digium dicere: extorrem agro Romano, procul terrae con-  
 tactu, alto mergendum. Vivum in arcam condidere, pro-  
 vectumque in mare proiecerunt. Decrevere item pon-  
 tifices, ut virgines ter novenae, per urbem euntes, carmen  
 canerent. Id quum in Iovis Statoris aede discerent, con-  
 7 ditum ab Livio poeta, carmen, tacta de coelo aedes in  
 Aventino Iunonis Reginae: prodigiumque id ad matronas  
 pertinere, haruspices quum respondissent, donoque divam  
 placandam esse; aedilium curulium edicto in Capitolium  
 convocatae, quibus in urbe Romana, intraque decimum la-  
 pidem ab urbe, domicilia essent, ipsae inter se quinque et  
 viginti delegerunt, ad quas ex dotibus stipem conferrent.  
 Inde donum pelvis aurea facta, lataque in Aventinum, pu-  
 reque et caste a matronis sacrificatum. Confestim ad aliud  
 sacrificium eidem divae ab decemviris edicta dies, cuius  
 ordo talis fuit. Ab aede Apollinis boves feminae albae  
 duae porta Carmentali in urbem ductae: post eas duo  
 signa cupressea Iunonis Reginae portabantur: tum septem  
 et viginti virgines, longam indutae vestem, carmen in  
 Iunonem Reginam canentes ibant; illa tempestate forsitan  
 laudabile rudibus ingeniis, nunc abhorrens et inconditum,  
 si referatur. Virginum ordinem sequebantur decemviri  
 coronati laurea, praetextatique. A porta Iugario vico in  
 8 forum venere: in foro pompa constitit; et, per manus reste  
 data, virgines sonum vocis pulsu pedum modulantes inces-  
 serunt. Inde vico Tusco Velabroque, per Boarium forum,  
 in clivum Publicium atque aedem Iunonis Reginae perre-  
 ctum. Ibi duae hostiae ab decemviris immolatae, et si-  
 mulacra cupressea in aedem illata.

Sacrificium  
 Iunoni Re-  
 ginae, et  
 pompa.

Diis rite placatis, delectum consules habebant acrius in- 38.  
 tentiusque, quam prioribus annis quisquam meminerat ha-

Acriter ha-  
 betur de-  
 lectus.

5 *In Armilustro*] *Armilustrum*, sive  
*Armilustrum* dies festus fuit apud  
 Romanos, qui in Kalendario notatur  
 a. d. xiv. Kalendas Novembres. In  
 eo, testibus Varrone et Festo, armati  
 sacra faciebant. Ceterum et locum  
 dictum esse *Armilustrum*, in quo ni-  
 mirum sacra tum fiebant, colligitur  
 ex eodem Varrone, de L. L. v. 32. et  
 vi. 3. Atque haec nostra Livii verba  
 potius capienda videntur de loco,  
 quam de die festo. CREV.

6 *Nuntiatum*] Haec vox in recto  
 casu est, et cum verbo *turbavit* iun-  
 gitur. CREV.

7 *Livio poeta*] Livio Andronico,  
 M. Livii Salinatoris liberto, qui pri-  
 mus Romae fabulam docuerat an.  
 512. U. C. De hoc eius carmine cf.  
 Festus v. *Scribae*.

8 *Reste data*] cf. Ter. Adelph. iv.  
 7. 34. *Tu inter eas restim ductans  
 saltabis.*

U. C. 545. bitum. Nam et belli terror duplicatus novi hostis in  
 A. C. 207. Italiam adventu : et minus iuventutis erat, unde scriberent  
 milites. Itaque colonos etiam maritimos, qui sacrosantam  
 vacationem dicebantur habere, dare milites cogeant. Qui-  
 bus recusantibus, edixere in diem certam, ut, quo quisque  
 iure vacationem haberet, ad senatum deferret. Ea die hi  
 populi ad senatum venerunt: Ostiensis, Alsiensis, Antias,  
 Anxuras, Minturnensis, Sinuessanus, et ab supero mari  
 Senensis. Quum vacationes suas quisque populus reci-  
 taret; nullius, quum in Italia hostis esset, praeter Antiater  
 Ostiensemque, vacatio observata est: et earum coloniarum:  
 iuniores iureiurando adacti, supra dies triginta non perno-  
 ctaturos se esse extra moenia coloniae suae, donec hostis in  
 Italia esset. Quum omnes censerent, primo quoque tem-  
 pore consulibus eundem ad bellum, (nam et Hasdrubal  
 occurrendum esse descendenti ab Alpibus, ne Gallos Cis-  
 pinos, neve Etruriam, erectam in spem rerum novarum:  
 sollicitaret: et Hannibalem suo proprio occupandum bello  
 ne emergere ex Brutiis atque obviam fratri ire posset  
 Livius cunctabatur, parum fidens suarum provinciarum ex-  
 ercitis: collegam ex duobus consularibus egregiis exer-  
 citibus, et tertio, cui Q. Claudius Tarenti praecesset, elec-  
 tionem habere: intuleratque mentionem de volonibus re-  
 vocandis ad signa. Senatus liberam potestatem consulibus  
 fecit, et supplendi, unde vellent, et eligendi de omnibus  
 exercitibus, quos vellent, permutandique, et ex provinciis  
 quos e republica censerent esse, traducendi. Ea omnia  
 cum summa concordia consulum acta. Volones in unde-  
 vicesimam et vicesimam legiones scripti. Magni roboris  
 auxilia ex Hispania quoque a P. Scipione M. Livio missa  
 quidam ad id bellum auctores sunt: octo millia Hispa-  
 norum Gallorumque, et duo millia de legione militum  
 equitum mille, mixtos Numidas Hispanosque. M. Lucr-

Exercitus  
 contra  
 Hasdruba-  
 lem et  
 Hanniba-  
 lem.

9 *Sacrosantam*] sc. Iureiurando interposito sancitam, ita ut sine magno scelere violari non posset. Itaque vacationes coloniarum maritimarum sacrosantas dixit Livius, ut quas auctoritate populi Romani et iuramento firmatas, nemini violare liceret, ob idque nec invitae dare milites cogi possent. DONATUS.

1. *Et earum coloniarum*] Nempe Antii et Ostiae, quibus quum vacatio ideo daretur, ne defensoribus nudarentur oppida, quae magnopere Romanorum intererat non intercipi ab hostibus, consentaneum erat, ut iuniores ab iis non discedere iuberentur. CREV.

2 *Erectam in spem rerum novarum*] Arrectam et suspensam in spem mutandi status, et, excusso imperi Romani iugo, socios Carthaginienses asciscendi. CREV.

3 *Et tertio, cui Q. Claudius Tarenti praecesset*] Duorum tantum exercitus electio datur consuli, cui Bruttii provincia evenisset, supr. 35. Omnia nempe Livius priore illo loco mentionem facere huius exercitus Claudii. Nunc aliud agendo reponit id quod tunc praetermisit. CREV.

4 *De legione militum*] Si haec sunt, intellige militum legionariorum qui opponuntur Hispanis et Gallis. CREV.

tium has copias navibus adduxisse: et sagittariorum fundito- U. C. 545.  
rumque ad quattuor millia ex Sicilia C. Mamilium misisse. A. C. 207.

Auxerunt Romae tumultum literae ex Gallia allatae ab 39.

L. Porcio praetore: 'Hasdrubalem movisse ex hibernis, et Hasdrubal  
' iam Alpes transire: octo millia Ligurum conscripta ar- transit Al-  
' mataque, coniunctura se transgresso in Italiam esse, nisi pes.

' mitteretur in Ligures, qui eos bello occuparet. Se cum  
' invalido exercitu, quoad tutum putaret, progressurum.'

Hae literae consules, raptim confecto delectu, maturius,  
quam constituerant, exire in provincias coegerunt, ea  
mente, ut uterque hostem in sua provincia contineret,  
neque coniungi, aut conferre in unum vires pateretur.  
Plurimum in eam rem adiuvit opinio Hannibalis: quod,  
etsi ea aestate transiturum in Italiam fratrem crediderat,  
recordando, quae ipse in transitu nunc Rhodani, nunc  
Alpium, cum hominibus locisque pugnando per quinque  
menses exhausisset, haudquaquam tam facilem maturumque  
transitum expectabat. Ea tardius movendi ex hibernis

causa fuit. Ceterum Hasdrubali et sua et aliorum spe  
omnia celeriora atque expeditiora fuere. Non enim rece- Gallis et  
perunt modo Arverni eum, deincepsque aliae Gallicae Alpinis  
atque Alpinae gentes; sed etiam secutae sunt ad bellum. gentibus  
faventibus.

Et quum per munita pleraque transitu fratris, quae antea  
invia fuerant, ducebat; tum etiam, duodecim annorum as-  
suetudine perviis Alpibus factis, inter mitiora iam hominum  
transibat ingenia. Invisitati namque antea alienigenis,  
nec videre ipsi advenam in sua terra assueti, omni generi  
humano insociabiles erant. Et primo ignari, quo Poenus  
pergeret, suas rupes suaeque castella, et pecorum hominum-  
que praedam peti crediderant: fama deinde Punici belli,  
quo duodecimum annum Italia urebatur, satis edocuerat,  
viam tantum Alpes esse: duas praevalidas urbes, magno  
inter se maris terrarumque spatio discretas, de imperio et  
opibus certare. Hae causae aperuerant Alpes Hasdrubali.

Ceterum quod celeritate itineris profectum erat, id mora Placen-  
ad Placentiam, dum frustra obsidet magis, quam oppugnat, tiam obai-  
corrupt. Crediderat campestris oppidi facilem expugna- det.

tionem esse: et nobilitas coloniae induxerat eum, magnum  
se excidio eius urbis terrorem ceteris raturum iniecturum.  
Non ipsum solum ea oppugnatio impediit; sed Hanni-  
balem post famam transitus eius, tanto spe sua celeriore,  
iam moventem ex hibernis, continuerat: quippe reputan-  
tem, non solum quam lenta urbium oppugnatio esset, sed  
etiam quam ipse frustra eandem illam coloniam, ab Trebia  
victor regressus, tentasset.

5 Quam ipse frustra] Nusquam Memoratur tantum Emporium prope  
legitur Hannibal tentasse Placentiam. 'Placentiam tentasse supr. xxi. 57. et



U. C. 545. Consules, diversis itineribus profecti ab urbe, velut in  
 A. C. 207. duo pariter bella distenderant curas hominum, simul recor-  
 40. dantium, quas primus adventus Hannibalis intulisset Italiae  
 Anxietas clades; simul, quum illa angeret cura, 'quos tam propitios  
 Romano- 'urbi atque imperio fore deos, ut eodem tempore utrobique  
 rum. 'respublica prospere gereretur? adhuc adversa secundis  
 'pensando rem ad id tempus extractam esse. Quum in  
 'Italia ad Trasimenum et Cannas praecipitasset Romana  
 'res, prospera bella in Hispania prolapsam eam erexisse.  
 'Postea, quum in Hispania alia super aliam clades, duobus  
 'egregiis ducibus amissis, duos exercitus ex parte delesset,  
 'multa secunda in Italia Siciliaque gesta quassatam rem-  
 'publicam excepisse: et ipsum intervallum loci, quod in  
 'ultimis terrarum oris alterum bellum gereretur, spatium  
 'dedisse ad respirandum. Nunc duo bella in Italiam ac-  
 'cepta, duo celeberrimi nominis duces circumstare urbem  
 'Romanam, et unum in locum totam periculi molem, omne  
 'onus incubuisse. Qui eorum prior vicisset, intra paucos  
 'dies castra cum altero iuncturum.' Terrebat et proximus  
 annus lugubris duorum consulum funeribus. His anxii  
 curis homines digredientes in provincias consules prosecuti  
 sunt. Memoriae proditum est, plenum adhuc irae in cives  
 M. Livium, ad bellum proficiscentem, monenti Q. Fabio,  
 'ne, priusquam genus hostium cognosset, temere manum  
 'consereret,' respondisse: 'Ubi primum hostium agmen  
 'conspexisset, pugnaturum.' Quum quaereretur, quae  
 causa festinandi esset? 'Aut ex hoste egregiam gloriam,  
 inquit, 'aut ex civibus victis gaudium, meritum certe, etsi  
 'non honestum, capiam.'

Livii vox  
 plena irae  
 in cives.

Priusquam Claudius consul in provinciam perveniret,  
 per extremum finem agri Larinatis ducentem in Sallentinos  
 exercitum Hannibalem cum expeditis cohortibus adortus;  
 C. Hostilius Tubulus in composito agmini terribilem tu-  
 multum intulit. Ad quattuor millia hominum occidit,  
 novem signa militaria cepit. Moverat ex hibernis ad  
 famam hostis Q. Claudius, qui per urbes agri Sallentini  
 castra disposita habebat. Itaque, ne cum duobus exerciti-  
 bus simul configeretur, Hannibal nocte castra ex agro Ta-  
 rentino movit, atque in Bruttios concessit. Claudius in  
 Sallentinos agmen convertit. Hostilius, Capuam petens

mox pugnasse ad Placentiam cum  
 Sempronio consule ibid. 59. Utrum  
 memoria fefellerit hoc loco Livium  
 an oppugnationem Emporii tentatio-  
 nem fuisse Placentiae interpretatus  
 sit, in medio relinquimus.

6 Quassatam rempublicam exce-  
 pisse] Fuisse quasi portum quen-

dam, quo quassata reipublicae navi  
 exciperetur. CREV.

7 Cum expeditis cohortibus] Pu-  
 non agnoscit praepositionem. Et si  
 saepe amat loqui Livius. CREV. Si-  
 militer Graeci, ut cuius notum est  
 praepositionem *ὅν* omittunt. Bel-  
 kerus codicem Put. sequitur.



obvius ad Venusiam fit consuli Claudio. Ibi ex utroque U. C. 545.  
 exercitu electa peditum quadraginta millia, duo millia et A. C. 207.  
 quingenti equites, quibus consul adversus Hannibalem rem  
 gereret: reliquas copias Hostilius Capuam ducere iussus,  
 ut Q. Fulvio proconsuli traderet.

Hannibal, undique contracto exercitu, quem in hibernis, 41.  
 aut in praesidiis agri Bruttii habuerat, in Lucanos ad Gru-  
 mentum venit, spe recipiendi oppida, quae per metum ad  
 Romanos defecissent. Eodem a Venusia consul Romanus Neronis et  
 exploratis itineribus contendit, et mille fere et quingentos Hannibalis  
 passus castra ab hoste locat. Grumentum moenibus prope castra col-  
 8 iniunctum videbatur Poenorum vallum: quingenti passus lata.  
 intererant. Castra Punica ac Romana interiacebat cam-  
 pus; colles imminebant nudi sinistro lateri Carthaginien-  
 sium, dextro Romanorum, neutris suspecti, quod nihil  
 silvae neque ad insidias latebrarum habebant. In medio  
 campo ab stationibus procursantes certamina, haud satis  
 digna dictu, serebant. Id modo Romanum quaerere appa-  
 rebat, ne abire hostem pateretur. Hannibal, inde evadere  
 cupiens, totis viribus in aciem descendebat. Tum consul, Insidiae  
 9 ingenio hostis usus, quo minus in tam apertis collibus Romano-  
 timeri insidiae poterant, quinque cohortes, additis quinque rum.  
 manipulis, nocte iugum superare, et in aversis vallibus con-  
 siderare iubet. Tempus exsurgendi ex insidiis, et aggre-  
 diendi hostem, Ti. Claudium Asellum tribunum mili-  
 tum et P. Claudium praefectum socium edocet, quos  
 cum iis mittebat. Ipse luce prima copias omnes pe-  
 ditum equitumque in aciem eduxit. Paulo post et ab  
 Hannibale signum pugnae propositum est, clamorque in  
 castris ad arma discurrentium est sublatus. Inde eques  
 pedesque certatim portis ruere, ac palati per campum pro-  
 perare ad hostes. Quos ubi effusos consul videt, tribuno  
 militum tertiae legionis C. Aurunculeio imperat, ut equites  
 legionis, quanto maximo impetu possit, in hostem emittat:  
 1 ita pecorum modo incompositos toto passim campo se fu-  
 2 disse, ut sterni obterique, priusquam instruantur, possint.  
 Nondum Hannibal e castris exierat, quum pugnantium 42.  
 clamorem audivit. Itaque, excitus tumultu, raptim ad Pugna  
 hostem copias agit. Iam primos occupaverat equester committi-  
 terror. Peditum etiam prima legio et dextra ala proelium tur.  
 inibant. Incompositi hostes, ut quemque aut pediti, aut  
 equiti casus obtulit, ita conserunt manus. Crescit pugna

8 *Quingenti passus intererant*] hostis imitatus, et adversus Poenum  
 Vallum Poenorum Romanis ex in-  
 tervallo spectantibus videbatur prope  
 iniunctum moenibus Grumentum. Re-  
 vera quingenti passus intererant. Cr.  
 9 *Ingenio hostis usus*] Ingenium

hostis imitatus, et adversus Poenum  
 arte Punica utens. CREV.

1 *Se fudisse*] Intellige, monens.

2 *Sterni obterique*] *Obterere* pu-  
 gnantes *stratos* dicebantur equi sive  
 elephantum, ut Drak. monet.

U. C. 545. subsidiis, et procurrentium ad certamen numero augetur:  
 A. C. 207. pugnantesque (quod nisi in vetere exercitu, et duci veteri  
 haud facile est) inter tumultum ac terrorem instruxisset  
 Hannibal, ni cohortium ac manipulorum decurrentium per:  
 colles clamor, ab tergo auditus, metum, ne intercluderentur.  
 a castris, iniecisset. Inde pavor incussus, et fuga passim  
 fieri coepta est: minorque caedes fuit, quia propinquitas  
 castrorum brevior fugam percussis fecit. Equites enim  
 tergo inhaerebant: in transversa latera invaserant cohortes,  
 secundis collibus via nuda ac facili decurrentes. Tamen:  
 supra octo millia hominum occisa: supra septingentos  
 capti: signa militaria novem adempta: elephantum etiam,  
 quorum nullus usus in repentina ac tumultuaria pugna  
 fuerat, quattuor occisi, duo capti. Circa quingentos Ro-  
 manorum sociorumque victores ceciderunt. Postero die  
 Poenus quievit. Romanus, in aciem copiis eductis, post-  
 quam neminem signa contra efferre vidit, spolia legi caeso-  
 rum hostium, et suorum corpora collata in unum sepeliri  
 iussit. Inde insequentibus continuis diebus aliquot ita in-  
 stitit portis, ut prope inferre signa videretur: donec Han-  
 nibal tertia vigilia, crebris ignibus tabernaculisque, quae:  
 pars castrorum ad hostes vergebat, et Numidis paucis, qui  
 in vallo portisque se ostenderent, relictis, profectus Apuliam  
 petere intendit. Ubi illuxit, successit vallo Romana acies.  
 Et Numidae ex composito paullisper in portis se valloque  
 ostentavere: frustratique aliquamdiu hostes, citatis equis  
 agmen suorum assequuntur. Consul, ubi silentium in  
 castris, et ne paucos quidem, qui prima luce obambula-  
 verant, parte ulla cernebat, duobus equitibus speculatum in  
 castra praemissis, postquam satis tuta omnia esse explo-  
 ratum est, inferri signa iussit: tantumque ibi moratus, dum  
 milites ad praedam discurrunt, receptui deinde cecinit,  
 multoque ante noctem copias reduxit. Postero die prima  
 luce profectus, magnis itineribus famam et vestigia agminis  
 sequens, haud procul Venusia hostem assequitur. Ibi

3 *Ni cohortium ac manipulorum decurrentium*] Emendationem Gronovii *ni ad cohortium ac manipulorum decursum* reposuit Bekker.

4 *Ne intercluderentur a castris*] Gronovium hic quoque secutus est Bekk., qui *ne intercluderentur castris* scribit. Drakenborchius Livium aliquando praepositionem omisisse, saepius tamen addidisse monet.

5 *Secundis collibus*] Per pronos colles: ut dicitur *secundo flumine delabi*, aut contra, *adversum* subire montem. CREV.

6 *Sociorumque victores ceciderunt*] Crevierio displicet vox *victores*, utpote otiosa, cui vetus lectio *sociorumque ducenti* potior habetur. Huius scio an hunc locum spectaverit Marretus Var. Lect. xvi. 8, ubi pro *victores* in veteribus edd. *victos* legi suspicatur, sed librariorum, qui Romanos ex eo proelio superiores discedere viderent, ex *victis* fecisse *victores*: quum scribendum esset *victos* id est *sexcientos*.

7 *Quae pars*] Nempe ea pars qua.

quoque tumultuaria pugna fuit. Supra duo millia Poenorum caesa. Inde nocturnis montanisque itineribus Poenus, ne locum pugnandi daret, Metapontum petiit. Hanno inde (is enim praesidio eius loci praefuerat) in Bruttios cum paucis ad exercitum novum comparandum missus. Hannibal, copiis eius ad suas additis, Venusiam retro, quibus venerat itineribus, repetit, atque inde Canusium procedit. Nunquam Nero vestigiis hostis abstiterat: et Q. Fulvium, quum Metapontum ipse proficisceretur, in Lucanos, ne regio ea sine praesidio esset, arcessierat.

Inter haec ab Hasdrubale, postquam a Placentiae ob-  
sidione abscessit, quattuor Galli equites, duo Numidae, cum literis ad Hannibalem missi, quum per medios hostes totam ferme longitudinem Italiae emensi essent, dum Metapontum cedentem Hannibalem sequuntur, incertis itineribus Tarentum delati, a vagis per agros pabulatoribus Romanis ad Q. Claudium proprætorem deducuntur. Eum primo incertis implicantes responsis, ut metus tormentorum admotus fateri vera coegit, edocuerunt, literas se ab Hasdrubale ad Hannibalem ferre. Cum iis literis, sicut erant, signatis, L. Virginio tribuno militum ducendi ad Claudium consulem traduntur. Duae simul turmae Samnitium praesidii causa missae. Qui ubi ad consulem pervenerunt, literaeque lectae per interpretem sunt, et ex captivis percunctatio facta; tum Claudius, non id tempus esse reipublicae ratus, quo consiliis ordinariis provinciae suae quisque finibus per exercitus suos cum hoste destinato ab senatu bellum gereret, audendum aliquid improvisum, inopinatum, quod coeptum non minorem apud cives, quam hostes, terrorem faceret, perpetratum in magnam laetitiam ex magno metu verteret; literis Hasdrubalis Romam ad senatum missis, simul et ipse Patres conscriptos, quid pararet, edocet, ut, quum in Umbria se occursum Hasdrubal fratri scribat, legionem a Capua Romam arcessant; delectum Romae habeant; exercitum urbanum ad Narniam hosti opponant. Haec senatui scripta. Praemissi item per agrum Larinatem, Marrucinum, Frentanum, Praetutianum, qua exercitum ducturus erat, ut omnes ex agris urbibusque commeatus paratos militi ad vescendum in viam deferrent, equos iumentaue alia producerent, ut vehiculorum fessis copia esset. Ipse de toto exercitu civium so-

43.

Intercipiuntur  
Hasdrubalis literae.

8 *Bellum gereret*] Non licuisse iniussu senatus de provincia exire, et exercitum educere, allatis plurimis Livii locis docet Duker. cf. supr. x. 37. Id tamen legibus hoc tempore, nondum fuisse prohibitum, quemad-

modum postea factum esse, ut ex Cic. in Pison. 21. liquet, idem monet, eamque sententiam, provocans ad nostrum infr. xxxvi. 39. confirmat Drakenb. Rasch.

U. C. 545. ciorumque, quod roboris erat, delegit, sex millia peditum.  
A. C. 207. mille equites: pronuntiat, occupare se in Lucanis proximam urbem Punicumque in ea praesidium velle; ut ad iter parati omnes essent. Profectus nocte flexit in Picenum.

44. Et consul quidem, quantis maximis itineribus poterat, ad collegam ducebat, relicto Q. Catio legato, qui castris praeesset. Romae haud minus terroris ac tumultus erat, quam fuerat triennio ante, quum castra Punica obiecta Romanis moenibus portisque fuerant. Neque satis constabat animis, tam audax iter consulis laudarent vituperarentne. Apparebat (quo nihil iniquius est) ex eventu famam habiturum. *Metus Romanorum.* 'Castra prope Hannibalem hostem relicta sine duce cum exercitu, cui detractum foret omne, quod roboris, quod floris fuerit; et consulem in Lucanos ostendisse iter, quum Picenum et Galliam peteret, castra relinquentem nulla alia re tutiora, quam errore hostis, qui ducem inde atque exercitus partem abesse ignoraret. Quid futurum, si id palam fiat? et aut insequi Neronem, cum sex millibus armatorum profectum, Hannibal toto exercitu velit, aut castra invadere, praedae relicta, sine viribus, sine imperio, sine auspicio?' Veteres eius belli clades, duo consules proximo anno interfecti terrebant. 'Et ea omnia accidisse, quum unus imperator, unus exercitus hostium in Italia esset: nunc duo bella Punica facta, duos ingentes exercitus, duos prope Hannibales in Italia esse. Quippe et Hasdrubalem, patre eodem Hamilcare genitum, aequae impigrum ducem, per tot in Hispania annos Romano exercitatum bello, gemina victoria insignem, duobus exercitibus cum clarissimis ducibus deletis. Nam itineris quidem celeritate ex Hispania et citatis ad arma Gallicis gentibus multo magis, quam Hannibalem ipsum, gloriari posse. Quippe in iis locis hunc coegisse exercitum, quibus ille maiorem partem militum fame ac frigore, quae miserrima mortis genera sunt, amississet.' Adiciebant etiam periti rerum Hispaniae, 'haud cum ignoto duce C. Nerone congressurum: sed quem in saltu impedito deprehensus forte, haud secus quam puerum, conscribendis fallacibus conditionibus pacis frustratus elusisset.' Omnia maiora etiam vero praesidia hostium, minora sua, metu interprete, semper in deteriora inclinato, ducebant.

9 *Triennio ante*] *Triennio*, si non numerentur extrema; quinquennio, si eorum ratio habeatur. Vulgarem lectionem *biennio* vitium potius esse librorum credit Crevier. quam Livii in re tam clara tamque recenti incuriam.

1 *Sed quem in saltu*] De ea re cf. supr. xxvi. 17.

2 *Omnia maiora*] Quicquid virum haberent hostes, augebant Romani. metu interprete; quicquid haberent ipsi, minuebant. CREV.

Nero, postquam iam tantum intervalli ab hoste fecerat, U. C. 545.  
 ut detegi consilium satis tutum esset, paucis milites allo- A. C. 207.  
 quitur. Negat 'ullius consilium imperatoris in speciem 45.  
 'audacius, re ipsa tutius fuisse, quam suum. Ad certam Nero mili-  
 'eos se victoriam ducere. Quippe ad quod bellum collega tes horta-  
 'non ante, quam ad satietatem ipsius peditum atque equi- tur.

'tum datae ab senatu copiae fuissent maiores instructiores-  
 'que, quam si adversus ipsum Hannibalem iret, profectus  
 'sit, eo ipsos, quantumcunque virium momentum addi-  
 3 'derint, rem omnem inclinatu-ros. Auditum modo in acie  
 '(nam, ne ante audiretur, daturum operam) alterum con-  
 'sulem et alterum exercitum advenisse, haud dubiam vi-  
 'ctoriam facturum. Famam bellum conficere, et parva  
 'momenta in spem metumque impellere animos. Glor-iae  
 'quidem ex re bene gesta partae fructum prope omnem  
 'ipsos laturos. Semper, quod postremum adiectum sit, id  
 'rem totam videri traxisse. Cernere ipsos, quo concursu,  
 'qua admiratione, quo favore hominum iter suum cele-  
 bretur.' Et, hercule, per instructa omnia ordinibus vi-  
 rorum mulierumque, undique ex agris effusorum, inter  
 vota et preces et laudes ibant: illos praesidia reipublicae,  
 vindices urbis Romae imperiique appellabant: in illorum  
 armis dextrisque suam liberumque suorum salutem ac liber-  
 tatem repositam esse. Deos omnes deasque precabantur,  
 ut illis faustum iter, felixque pugna, matura ex hostibus  
 4 victoria esset: damnarenturque ipsi votorum, quae pro iis  
 suscepissent. Ut, quemadmodum nunc solliciti prosequer-  
 entur eos, ita paucos post dies laeti ovantibus victoria  
 obviam irent. Invitare inde pro se quisque, et offerre, et  
 fatigare precibus, ut, quae ipsis iumentisque usui essent, ab  
 se potissimum sumerent. Benigne omnia cumulata dare.  
 Modestia certare milites, ne quid ultra usum necessarium  
 5 sumerent: nihil morari, nec ab signis absistere cibum ca-  
 pientes: diem ac noctem ire: vix, quod satis ad naturale  
 desiderium corporum esset, quieti dare. Et ad collegam  
 praemissi erant, qui nuntiarent adventum, percunctarentur-  
 que, clam an palam, interdiu an noctu, venire sese vellet,  
 iisdem an aliis considerare castris. Nocte clam ingredi  
 melius visum est.

6 Tessera per castra ab Livio consule data erat, ut tri- 46.

3 *Auditum modo in acie*] Eadem plane forma orationis, quam supr. 37. exposuimus in voce *nuntiatum*.

4 *Damnarenturque ipsi votorum*] sc. Votorum compotes fierent, ita ut id, quod diis vovissent, persolvere deberent.

5 *Nec ab signis absistere*] cf. Supr.

xxiv. 17.

6 *Tessera per castra*] *Tesserae* du- plices erant. Alterae erant signa nocturnis excubiis data, alterae erant quibus imperator militibus indicabat, quid fieri vellet. De posterioribus hic agitur. DRAK.

U. C. 545. bunum tribunus, centurio centurionem, eques equitem,  
 A. C. 107. pedes peditem acciperet. Neque enim dilatari castra opus  
 esse, ne hostis adventum alterius consulis sentiret: et coar-  
 tatio plurium in angusto tendentium facilior futura erat,  
 quod Claudianus exercitus nihil ferme, praeter arma, secum  
 in expeditionem tulerat. Ceterum in ipso itinere auctum  
 voluntariis agmen erat; offerentibus sese ultro et veteribus  
 militibus perfunctis iam militia, et iuvenibus, quos certatim  
 nomina dantes, si quorum corporis species roburque virium  
 aptum militiae videbatur, conscripserat. Ad Senam castra  
 alterius consulis erant: et quingentos ferme inde passus  
 Hasdrubal aberat. Itaque quum iam appropinquaret, te-  
 ctus montibus substitit Nero, ne ante noctem castra ingre-  
 deretur. Silentio ingressi, ab sui quisque ordinis hominibus  
 in tentoria abducti, cum summa omnium laetitia hospi-  
 taliter excipiuntur. Postero die consilium habitum, cui et  
 L. Porcius Licinus praetor affuit. Castra iuncta consulum  
 castris habebat: et ante adventum eorum, per loca alta  
 ducendo exercitum, quum modo insideret angustos saltus,  
 ut transitum clauderet, modo ab latere aut ab tergo car-  
 peret agmen, ludificatus hostem omnibus artibus belli  
 fuerat. Is tum in consilio aderat. Multorum eo inclina-  
 bant sententiae, ut, dum fessum via ac vigiliis reficeret  
 militem Nero, simul et ad noscendum hostem paucos sibi  
 sumeret dies, tempus pugnae differretur. Nero non suadere  
 modo, sed summa ope orare institit, 'ne consilium suum,  
 'quod tutum celeritas fecisset, temerarium morando face-  
 'rent. Errore, qui non diuturnus futurus esset, velut tor-  
 'pentem Hannibalem, nec castra sua sine duce relictis  
 'aggredi, nec ad sequendum se iter intendisse. Antequam  
 'se moveat, deleri exercitum Hasdrubalis posse, redireque  
 'in Apuliam. Qui prolatando spatium hosti det, eum et  
 'illa castra prodere Hannibali, et aperire in Galliam iter,  
 'ut per otium, ubi velit, Hasdrubali coniungatur. Ex-  
 'templo signum dandum, et exeundum in aciem: abuten-  
 'dumque errore hostium absentium praesentiumque; dum  
 'neque illi sciant cum paucioribus, nec hi cum pluribus et  
 'validioribus rem esse.' Consilio dimisso, signum pugnae  
 proponitur, confestimque in aciem procedunt.

Clam in-  
 greditur  
 castra Li-  
 vii.

Consilium  
 habitum.

Nero cen-  
 set statim  
 exeundum  
 in aciem.

47.  
 Hasdruba-  
 lis pruden-  
 tia.

Iam hostes ante castra instructi stabant. Moram pugnae  
 attulit, quod Hasdrubal, provectus ante signa cum paucis

7 *Errore, qui non diuturnus . . . esset*] Admiratio movetur Crevierio, quomodo Hannibal eo usque delusus sit, donec Nero victo Hasdrubale in castra sua redierit. Sed haec magis oratorice dicta sunt.

8 *Illa castra*] Castra quae in Apulia sint, relictis a Nerone.

9 *Abutendumque errore*] Verbum *abuti* hic et alibi in bonam partem sumitur.



equitibus, scuta vetera hostium notavit, quae ante non vi- U. C. 545.  
 1 derat, et strigosiores equos. Multitudo quoque maior solita A. C. 207.  
 visa est. Suspiciatus enim id, quod erat, receptui propere  
 cecinit, ac misit ad flumen, unde aquabantur: ubi et ex-  
 cipi aliqui possent, et notari oculis, si qui forte adustioris  
 coloris, ut ex recenti via, essent; simul circumvehi procul  
 castra iubet specularique, num auctum aliqua parte sit val-  
 lum: et ut attendant, semel bisne signum canat in castris.  
 Ea quum ordine omnia relata essent, castra nihil aucta er-  
 rorem faciebant. Bina erant, sicut ante adventum consulis  
 alterius fuerant: una M. Livii, altera L. Porcii: neutris  
 2 quicquam, quo latius tenderetur, ad munimenta adiectum.  
 Illud veterem ducem assuetumque Romano hosti movit,  
 quod semel in praetoriis castris signum, bis in consularibus  
 referebant cecinisse: duos profecto consules esse; et quo-  
 nam modo alter ab Hannibale abcessisset, cura angebat.  
 Minime id, quod erat, suspicari poterat, tantae rei frustra-  
 tione Hannibalem elusum, ut, ubi dux, ubi exercitus esset,  
 3 cum quo castra collata habuerit, ignoraret. Profecto haud  
 mediocri clade absteritum insequi non ausum. Magno-  
 pere vereri, ne perditis rebus serum ipse auxilium venisset:  
 Romanisque eadem iam fortuna in Italia, quae in Hispania,  
 esset. Interdum, literas suas ad eum non pervenisse, cre-  
 dere: interceptisque iis, consulem ad sese opprimendum  
 accelerasse. His anxius curis, extinctis ignibus, vigilia Noctu  
 prima dato signo, ut taciti vasa colligerent, signa ferri ius- castra mo-  
 4 sit. In trepidatione et nocturno tumultu duces parum in- vet.  
 tente asservati, alter in destinatis iam ante animo latebris  
 subsedit, alter per vada nota Metaurum flumen tranavit.  
 Ita desertum a ducibus agmen primo per agrós palatur;  
 fessique aliquot somno ac vigiliis sternunt corpora passim,  
 atque infrequentia relinquunt signa. Hasdrubal, dum lux  
 viam ostenderet, ripa fluminis signa ferri iubet: et per  
 5 tortuosi amnis sinus flexusque errorem volvens haud mul-  
 tum processit, ubi prima lux transitum opportunum osten-  
 6 disset, transiturus. Sed quum, quantum mare abscedebat,

1 *Strigosiores equos*] sc. Quos ma-  
 cies ex itinere attenuaverat. cf. Aul.  
 Gell. iv. 20.

2 *Quo latius tenderetur*] Quo la-  
 tiora castra fierent. *Tendere* verbum  
 proprium est, ubi de castrorum meta-  
 tione agitur. CREV.

3 *Cum quo castra collata habuerit*] Haec scriptura est Put. et Victor. co-  
 dicum. Rhenanus iusserat legi *habe-*  
*ret*: eique paruerunt editores: minus  
 recte. Etenim hoc tempore quum  
 Hasdrubal haec secum volutat, non  
 habebat Hannibal castra collata cum

Nerone, aut cum eo exercitu quem  
 Nero secum abduxerat. CREV. *Ha-*  
*beret* in textum recepit Bekker.

4 *Duces parum intenti*] Intellige  
 binos, quos Hasdrubal habebat, iti-  
 neris duces. RASCH.

5 *Errorum volvens*] Poetica fere  
 loquendi ratio pro "iter erroribus et  
 anfractibus implicitum prosequens."  
 cf. Virg. Aen. ix. 391. DOER.

6 *Quantum mare abscedebat*] Nem-  
 pe quo magis mare iis progredienti-  
 bus recedebat.



U. C. 545. tanto altioribus coercentibus amnem ripis, non iniret  
A. C. 207. vada, diem terendo spatium dedit ad insequendam sese  
hosti.

48. Nero primum cum omni equitatu advenit: Porcius de-  
inde assecutus cum levi armatura. Qui quum fessum  
agmen carperent ab omni parte incursarentque, et iam,  
omisso itinere, quod fugae simile erat, castra metari Poenus  
in tumulo super fluminis ripam vellet; advenit Livius pe-  
ditum omnibus copiis, non itineris modo, sed ad conseren-  
dum extemplo proelium instructis armatisque. Sed ubi  
omnes copias coniunxerunt, directaque acies est, Claudius  
dextro in cornu, Livius ab sinistro pugnam instruit: me-  
dia acies praetori tuenda datur. Hasdrubal, omissa muni-  
tione castrorum, postquam pugnandum vidit, in prima acie  
ante signa elephantos collocat. Circa eos laevo in cornu  
adversus Claudium Gallos opponit, haud tantum iis fidens,  
quantum ab hoste timeri eos credebat. Ipse dextrum cor-  
nu adversus M. Livium sibi atque Hispanis (et ibi maxime  
in vetere milite spem habebat) sumpsit. Ligures in medio  
post elephantos positi; sed longior, quam latior, acies erat.  
Gallos prominens collis tegebat. Ea frons, quam Hispani  
tenebant, cum sinistro Romanorum cornu concurrit. Dex-  
tra omnis acies extra proelium eminens cessabat: collis op-  
positus arcebat, ne aut a fronte, aut ab latere aggrederen-  
tur. Inter Livium Hasdrubalemque ingens contractum  
certamen erat, atroxque caedes utrimque edebatur. Ibi  
duces ambo, ibi pars maior peditum equitumque Roma-  
norum: ibi Hispani, vetus miles peritusque Romanae  
pugnae, et Ligures, durum in armis genus. Eodem versi  
elephanti, qui primo impetu turbaverant antesignanos, et  
iam signa moverant loco: deinde crescente certamine et  
clamore, impotentius iam regi, et inter duas acies versari,  
velut incerti quorum essent: haud dissimiliter navibus sine  
gubernaculo vagis. Claudius, 'Quid ergo praecipiti cursu  
'tam longum iter emensi sumus?' clamitans militibus,  
quum in adversum collem frustra signa erigere conatus es-  
set, postquam ea regione penetrari ad hostem non videbat  
posse; cohortes aliquot subductas e dextro cornu, ubi sta-  
tionem magis segnem, quam pugnam, futuram cernebat,  
post aciem circumducit: et, non hostibus modo, sed etiam  
suis inopinantibus, in sinistrum hostium latus incurrit:  
tantaque celeritas fuit, ut, quum ostendissent se ab latere,  
mox in terga iam pugnarent. Ita ex omnibus partibus, ab

Assequun-  
tur eum  
Romani.

Instruitur  
utrimque  
acies.

Proelium  
initur.

7 *In sinistrum hostium latus*] *Dex-*  
*trum* legendum suadet Perizonius,  
quum Hispani in *dextro* hostium cor-  
nu, instructi essent. Quodsi in si-

nistrum hostium latus incurrisse dici-  
tur, non quod Poenis, sed quod Re-  
manis ad sinistrum erat latus, intelli-  
gendum est. RASCH.

ir-  
 ante, ab latere, ab tergo, trucidantur Hispani Liguresque: U. C. 545.  
 et ad Gallos iam caedes pervenerat. Ibi minimum certa- A. C. 207.  
 minis fuit. Nam et pars magna ab signis aberant, nocte  
 dilapsi, stratique somno passim per agros: et, qui aderant,  
 itinere ac vigiliis fessi, intolerantissima laboris corpora, vix  
 arma humeris gestabant. Et iam diei medium erat, sitis-  
 que et calor hiantes caedendos capiendosque affatim prae-  
 bebat. Elephanti plures ab ipsis rectoribus, quam ab hoste, 49.  
 interfecti. Fabrile scalprum cum malleo habebant: id, Elephanti  
 ubi saevire belluae ac ruere in suos coeperant, magister in- a rectori-  
 ter aures positum, ipso in articulo, quo iungitur capiti cer- bus inter-  
 vix, quanto maximo poterat ictu, adigebat. Ea celerrima fe-  
 8 via mortis in tantae molis bellua inventa erat, ubi regendi  
 spem vicissent: primusque id Hasdrubal instituerat, dux Hasdruba-  
 quum saepe alias memorabilis, tum illa praecipue pugna. lis fortitu-  
 Ille pugnantes hortando, pariterque obeundo pericula, sus- do.  
 tinuit: ille fessos abnuentesque taedio et labore, nunc pre-  
 cando, nunc castigando, accendit: ille fugientes revocavit,  
 omissamque pugnam aliquot locis restituit. Postremo, Egre-  
 quum haud dubie fortuna hostium esset, ne superesset pugnans  
 tanto exercitui suum nomen secuto, concitato equo se in cadit.  
 cohortem Romanam immisit. Ibi, ut patre Hamilcare et  
 Hannibale fratre dignum erat, pugnans cecidit.

Nunquam eo bello una acie tantum hostium interfectum  
 est, redditaque aequa Cannensi clades, vel ducis, vel exer-  
 9 citus interitu, videbatur. Quinquaginta sex millia hostium 56000. e  
 occisa: capta quinque millia et quadringenti: praeda alia Poenis  
 magna tum omnis generis, tum auri etiam argentique. Ci- occisi.  
 vium etiam Romanorum, qui capti apud hostes erant, supra  
 tria millia capitum recepta. Id solatii fuit pro amissis eo  
 proelio militibus. Nam haudquaquam incruenta victoria Romano-  
 fuit: octo ferme millia Romanorum sociorumque occisa. rum 8000.  
 Adeoque etiam victores sanguinis caedisque ceperat satie-  
 1 tas, ut postero die, quum esset nuntiatum Livio consuli,  
 Gallos Cisalpinos Liguresque, qui aut proelio non affuis-  
 sent, aut inter caedem effugissent, uno agmine abire sine  
 certo duce, sine signis, sine ordine ullo, aut imperio;  
 2 posse, si una equitum ala mittatur, omnes deleri; ' Super-

8 *Ubi regendi spem vicissent*] sc. Elusissent et ademissent, ita ut rector de spe regendi quasi victus decederet. RASCH.

9 *Sex millia hostium occisa*] cf. Polyb. xi. 3, qui decem tantum hostium millia, duo Romanorum occisa tradit.

1 *Ut postero die . . . Supersint, inquit*] Particula ut postularet verbum

subiunctivi, ut vocant, modi, quale esset *dixerit, responderit*. At propter interpositam longam periodum, eius rationem non habuit Livius. Simile fere exemplum reperies apud Cic. de Or. ii. 23. CREV.

2 *Una equitum ala*] Ala equitum Romanorum decem turmas habebat; turma, triginta fere homines. CREV.

U. C. 545. 'sint,' inquit, 'aliqui nuntii, et hostium cladis, et nostrae  
A. C. 207. 'virtutis.'

50. Nero ea nocte, quae secuta est pugnam, citatiore, quam  
Nero ad inde venerat, agmine, die sexto ad stativa sua, atque ad  
exercitum hostem pervenit. Iter eius frequentia minore, quia nemo  
redit. praecesserat nuntius, laetitia vero tanta, vix ut compotes  
mentium prae gaudio essent, celebratum est. Nam Romae  
neuter animi habitus satis dici enarrarique potest; nec quo  
incerta expectatione eventus civitas fuerat, nec quo victo-  
riae famam accepit. Nunquam per omnes dies, ex quo  
Claudium consulem profectum fama attulit, ab orto sole ad  
occidentem, aut senator quisquam a curia atque ab magistra-  
tibus abscessit, aut populus e foro. Matronae, quia nihil  
in ipsis opis erat, in preces obtestationesque versae, per  
omnia delubra vagae suppliciis votisque fatigare deos. Tam  
sollicitae ac suspensae civitati fama incerta primo accidit,  
duos Narnienses equites in castra, quae in faucibus Um-  
briae opposita erant, venisse ex proelio, nuntiantes caesos  
hostes. Et primo magis auribus, quam animis, id acce-  
ptum erat, ut maius laetiusque, quam quod mente capere,  
aut satis credere possent: et ipsa celeritas fidem impedia-  
bat, quod biduo ante pugnatum dicebatur. Literae deinde  
ab L. Manlio Acidino missae ex castris afferuntur de Nar-  
niensium equitum adventu. Eae literae, per forum ad tri-  
bunal praetoris latae, senatum curia exciverunt: tantoque  
certamine ac tumultu populi ad fores curiae concursus  
est, ut adire nuntius non posset, trahereturque a percun-  
ctantibus vociferantibusque, ut in Rostris prius, quam in  
senatu, literae recitarentur. Tandem summoti et coerciti  
a magistratibus: dispensarique laetitia inter impotentes eius  
animos potuit. In senatu primum, deinde in concione,  
literae recitatae sunt: et, pro cuiusque ingenio, aliis iam  
certum gaudium, aliis nulla ante futura fides erat, quam  
51. legatos consulumve literas audissent. Ipsos deinde appro-  
pinquare legatos allatum est. Tum enimvero omnis aetas  
currere obvii, primus quisque oculis auribusque haurire  
tantum gaudium cupientes. Ad Mulvium usque pontem  
continens agmen pervenit. Legati (erant L. Veturius  
Gaudium Romano- Philo, P. Licinius Varus, Q. Caecilius Metellus) circum-  
fusi omnis generis hominum frequentia in forum pervene-  
runt; quum alii ipsos, alii comites eorum, quae acta es-  
sent, percunctarentur, et ut quisque audierat, exercitum

3 *Senatum curia exciverunt*] Senatores ad primum nuntium allatarum literarum, e curia ad tribunal praetoris concurrerunt. Sed statim intelligendi sunt rediisse in curiam,

ut ibi literae legerentur. CREV.

4 *Dispensarique laetitia*] Nempe secundum modum et ordinem quendam communicari. DORR.

hostium imperatoremque occisum, legiones Romanas inco- U. C. 545.  
lumes, salvos consules esse, extemplo aliis porro impertie- A. C. 207.  
bant gaudium suum. Quum aegre in curiam perventum  
esset, multo aegrius summoti turba, ne Patribus miscere-  
5 tur, literae in senatu recitatae sunt. Inde producti in con-  
cionem legati. L. Veturius, literis recitatis, ipse planius  
omnia, quae acta erant, exposuit cum ingenti assensu,  
postremo etiam clamore universae concionis, quum vix  
gaudium animis caperent. Discursum inde ab aliis circa  
templa deum, ut grates agerent; ab aliis domos, ut coniu-  
gibus liberisque tam laetum nuntium impertirent. Sena-  
tus, quod M. Livius et C. Claudius consules, incolumi ex-  
ercitu, ducem hostium legionesque occidissent, supplica-  
tionem in triduum decrevit. Eam supplicationem C. Hos-  
tilius praetor pro concione edixit, celebrataque a viris fe-  
minisque est. Omnia templa per totum triduum aequa-  
lem turbam habuere: quum matronae amplissima veste  
cum liberis, perinde ac si debellatum foret, omni solutae  
6 metu, deis immortalibus grates agerent. Statum quoque  
civitatis ea victoria movit: ut iam inde, haud secus quam  
in pace, res inter se contrahere, vendendo, emendo, mu-  
tuum dando, argentum creditum solvendo, auderent.

C. Claudius consul quum in castra redisset, caput Has- Caput  
drubalis, quod servatum cum cura attulerat, proiici ante Hasdruba-  
hostium stationes, captivosque Afros vinctos, ut erant, lis proie-  
ostendi, duos etiam ex iis solutos ire ad Hannibalem, et ctum ante  
expromere, quae acta essent, iussit. Hannibal, tanto si- castra  
mul publico familiarique ictus luctu, 'agnoscere se fortu- Hanniba-  
lia.  
'nam Carthaginis,' fertur dixisse: castrisque inde motis, Hannibal  
ut omnia auxilia, quae diffusa latius tueri non poterat, in in extre-  
extremum Italiae angulum Bruttios contraheret, et Meta- mam Ita-  
pontinos, civitatem universam, excitos sedibus suis, et Lu- liam rece-  
dit.  
canorum qui suae ditionis erant, in Bruttium agrum tra-  
duxit.

5 *Inde producti*] Verbum hic pro-  
prium. *Introducebantur* in senatum  
a magistratibus legati, *producebantur*  
ad populum, sive in concionem. Bene  
igitur Sigonius, quum reperisset in  
scriptis hoc loco *introduci*, effecit  
*inde producti*. CREV.

6 *Statum quoque civitatis ... movit*] Mutavit pecuniariae rei statum in ci-  
vitate. Hoc eodem anno nummus au-  
reus primum Romae percussus est,  
ut colligitur ex Plin. H. N. xxxiii. 3.  
CREV.

## EPITOME LIBRI XXVIII.

---

*RES in Hispania prospere gestae a Silano, Scipionis legato, et ab L. Scipione fratre adversus Poenos, a Sulpicio proconsule et ab Attalo rege Asiae adversus Philipppum regem Macedonum, pro Aetolis, referuntur. Quum M. Livio et Claudio Neroni consulibus triumphus decretus esset, Livius, qui in provincia sua rem gesserat, quadrigis invectus est; Nero, qui in collegae provinciam, ut victoriam eius adiuicaret, venerat, equo est secutus, et in hoc habitu plus gloriae reverentiaeque, habuit: nam et plus in bello, quam collega, fecerat. Ignis in aede Vestae negligentia virginis, quae non custodierat, extinctus est: virgo caesa est flagro. P. Scipio in Hispania cum Poenis debellavit quarto decimo anno eius belli, quinto post anno, quam ierat: exclusisque in totum possessione eius hostibus, Hispaniam recepit: et a Tarracone in Africam ad Syphacem regem Numidarum duobus navigiis transvectus, foedus iunxit. Hasdrubal Gisgonis ibi cum eo in eodem lecto accubuit. Munus gladiatorium in honorem patris patrique Carthagine Nova edidit, non ex gladiatoribus, sed ex iis, qui aut in honorem ducis, aut ex provocatione in certamen descendebant: in quo reguli fratres de regno ferro contendunt. Quum Astapa urbs ab Romanis oppugnaretur, oppidani liberos et coniuges rogo exstructo occiderunt, et se insuper praecipitaverunt. Ipse Scipio, dum gravi morbo implicatus est, seditionem, in parte exercitus motam, confirmatus discussit, rebellantesque Hispaniae populos coegit in deditionem tenere; et, amicitia facta cum Masinissa rege Numidarum, qui illi auxilium, si in Africam traiecisset, pollicebatur, cum Geditanis quoque post discessum inde Magonis, cui ex Carthagine scriptum erat, ut in Italiam traiceret, Romam reversus consulque creatus. Africam provinciam petenti, contradicente Q. Fabio Maximo, Sicilia data est: permissumque, in Africam traiceret, si ex republica esse censeret. Mago, Hamilcaris filius, a minore Baliari insula, ubi hiemarat, in Italiam traiecit.*

# T. LIVII PATAVINI

## LIBER XXVIII.



**Q**UUM transitu Hasdrubalis, quantum in Italiam declina-  
verat belli, tantum levatae Hispaniae viderentur; U. C. 545.  
A. C. 207.  
Res Hispaniae.  
renatum ibi subito par prioris bellum est. Hispanias ea  
tempestate sic habebant Romani Poenique. Hasdrubal,  
Gisgonis filius, ad Oceanum penitus Gadesque concesserat.  
Nostri maris ora omnisque ferme Hispania, qua in orientem  
vergit, Scipionis ac Romanae ditionis erat. Novus impe-  
rator Hanno, in locum Barcini Hasdrubalis novo cum ex-  
ercitu ex Africa transgressus, Magonique iunctus, quum in  
Celtiberia, quae media inter duo maria est, brevi magnum  
hominum numerum armasset; Scipio adversus eum M. Si-  
lanum cum decem haud plus millibus militum, equitibus Contra  
hostes mit-  
tit Silanum  
Scipio.  
quingentis, misit. Silanus, quantis maximis potuit itineri-  
bus, (impediebant autem et asperitates viarum, et angustiae  
saltibus crebris, ut pleraque Hispaniae sunt, inclusae) tamen  
non solum nuntios, sed etiam famam adventus sui praegres-  
sus, ducibus indidem ex Celtiberia transfugis, ad hostem  
pervenit. Iisdem auctoribus compertum est, quum decem  
circiter millia ab hoste abessent, bina castra circa viam, qua  
irent, esse: laeva Celtiberos, novum exercitum, supra Castra Cel-  
tiberorum  
et Poeno-  
rum.  
novem millia hominum, dextra Punica tenere castra. Haec  
stationibus, vigiliis, omni iusta militari custodia tuta et  
firma esse: illa altera soluta neglectaque, ut barbarorum  
et tironum, et minus timentium, quod in sua terra essent.  
Ea prius aggredienda ratus Silanus, signa quam maxime ad  
laevam iubebat ferri, necunde ab stationibus Punicis con-  
spiceretur. Ipse, praemissis speculatoribus, citato agmine  
ad hostem pergit. Tria millia ferme aberat, quum haud-  
dum quisquam hostium senserat. Confragosa loca et obsiti  
virgultis tegebant colles. Ibi in cava valle, atque ob id

2.

<sup>1</sup> *Inter duo maria*] sc. Ibericum et Cantabricum. <sup>2</sup> *Punica tenere castra*] Apud nostrum interdum *tenere* absolute

ponitur pro *tenere locum*. cf. infr. xxxii. 5. CREV.

<sup>3</sup> *Obsiti virgultis tegebant colles*] *Tegebant* pro vulg. *tenebant* Kreys-

U. C. 545. occulta, considerare militem, et cibum capere iubet. Interim  
 A. C. 207. speculatores, transfugarum dicta affirmantes, venerunt.  
 Tum, sarcinis in medium coniectis, arma Romani capiunt,  
 acieque iusta in pugnam vadunt. Mille passuum aberant,  
 quum ab hoste conspecti sunt, trepidarique repente coe-  
 ptum. Et Mago ex castris citato equo ad primum clamorem  
 et tumultum advehitur. Erant autem in Celtibero exercitu  
 quattuor millia scutorum et ducenti equites; hanc iustam  
 legionem (et id ferme roboris erat) in prima acie locat:  
 ceteros, levem armaturam, in subsidiis posuit. Quum ita  
 instructos educeret castris, vixdum in egressos vallo Ro-  
 mani pila coniecerunt. Subsident Hispani adversus emiss-  
 tela ab hoste, inde ad mittenda ipsi consurgunt; quae quum  
 Romani conferti, ut solent, densatis excepissent scutis, tum  
 pes cum pede collatus, et gladiis geri res coepta est. Ce-  
 terum asperitas locorum et Celtiberis, quibus in proelio  
 concursare mos est, velocitatem inutilem faciebat; et haud  
 iniqua eadem erat Romanis stabili pugnae assuetis; nisi  
 quod angustiae et internata virgulta ordines dirimebant, et  
 singuli binique, velut cum paribus, conserere pugnam coge-  
 bantur. Quod ad fugam impedimento hostibus erat, id ad  
 caedem eos, velut vinctos, praebebat. Et iam, ferme om-  
 nibus scutatis Celtiberorum interfectis, levis armatura et  
 Carthaginienses, qui ex alteris castris subsidio venerant,  
 perculsi caedebantur. Duo haud amplius millia peditum  
 et equitatus omnis, vix inito proelio, cum Magone effuge-  
 runt. Hanno, alter imperator, cum iis, qui postremi, iam  
 profligato proelio, advenerant, vivus capitur. Magonem  
 fugientem equitatus ferme omnis, et quod veterum peditum  
 erat, secuti, decimo die in Gaditanam provinciam ad Has-  
 drubalem pervenerunt. Celtiberi, novus miles, in proximae  
 dilapsi silvas, inde domos diffugerunt.

Proelium.

Vincunt  
Romani.In Baeti-  
cam it Sci-  
pio.

Peropportuna victoria nequaquam tantum iam conflatum  
 bellum, quanta futuri materia belli (si licuisset iis, Celtibe-  
 rorum gente excita, et alios ad arma sollicitare populus,  
 oppressa erat. Itaque collaudato benigne Silano, Scipio  
 spem debellandi, si nihil eam ipse cunctando moratus esset.  
 nactus, ad id, quod reliquum belli erat, in ultimam His-  
 paniam adversus Hasdrubalem pergit. Poenus, quum  
 castra tum forte ad sociorum animos in Baetica continendae  
 in fide haberet, signis repente sublatis, fugae magis, quam

sigius emendavit, neque infelicer,  
 quippe sive *obsita* cum Drakenbor-  
 chio, seu *obsiti* cum Crevierio legas,  
 vetus scriptura *tenebant*, sc. regionem,  
 loco parum apte convenit.

4 *Materia belli*] sc. Materia, unde

procul dubio bellum maioris mor-  
 exarsisset, si licuisset eis...

5 *Poenus, quum . . . forte*] Quum  
 forte Hasdrubal castra in Baetica ha-  
 beret ad continendos in fide sociorum  
 animos. CAEV.



itineris modo, penitus ad Oceanum et Gades ducit. Ce- U. C. 545.  
6 terum, quoad continuisset exercitum, propositum bello se A. C. 207.  
fore ratus, antequam freto Gades traiceret, exercitum  
omnem passim in civitates divisit, ut et muris se ipsi, et  
armis muros tutarentur. Scipio ubi animadvertit, dissi- 3.  
patum passim bellum, et circumferre ad singulas urbes  
arma diutini magis, quam magni, esse operis, retro vertit  
iter. Ne tamen hostibus eam relinqueret regionem, L. Sci- Regredi-  
pionem fratrem cum decem millibus peditum, et mille tur, relicto  
equitum ad oppugnandam opulentissimam in iis locis ibi fratre.  
7 urbem, (Oringin barbari appellabant) mittit. Sita in Me-  
8 lessum finibus est Hispanae gentis. Ager frugifer: argen-  
tum etiam incolae fodiunt. Ea arx fuit Hasdrubali ad  
excursiones circa in mediterraneos populos faciendas.  
Scipio, castris prope urbem positis, priusquam circumval-  
laret urbem, misit ad portas, qui ex propinquo alloquio  
animos tentarent, suaderentque, ut amicitiam potius, quam  
vim, experirentur Romanorum. Ubi nihil pacati respon-  
debatur, fossa duplicique vallo circumdata urbe, in tres  
partes exercitum dividit: ut una semper pars, quietis in-  
terim duabus, oppugnaret. Prima pars quum adorta op-  
pugnare est, atrox sane et anceps proelium fuit: non subire,  
non scalas ferre ad muros prae incidentibus telis facile erat.  
9 Et iam, qui erexerant ad murum scalas, alii furcis ad id  
1 ipsum factis detrudebantur, in alios lupi superne ferrei  
iniecti, ut in periculo essent, ne suspensi in murum extra-  
herentur. Quod ubi animadvertit Scipio, nimia paucitate  
suorum exaequatum certamen esse, et iam eo superare  
hostem, quod ex muro pugnaret; duabus simul partibus,  
prima recepta, urbem est aggressus. Quae res tantum pa-  
voris iniecit fessis iam cum primis pugnando, ut et oppidani  
moenia repentina fuga desererent: et Punicum praesidium  
metu, ne prodita urbs esset, relictis stationibus in unum se  
colligeret. Timor inde oppidanos incessit, ne, si hostis  
urbem intrasset, sine discrimine, Poenus an Hispanus esset,  
obvii passim caederentur. Itaque, patefacta repente porta,

6 *Propositum bello*] *Propositum* instar scopi, quem non desinat petere Scipio. GRONOV.

7 *Oringin*] Haec urbs videtur eadem esse quae supr. xxiv. 42. dicta est *Aurinx*, imo idem nomen diversimode scriptum. Non procul afuisse eam a Munda, patet ex loco Livii modo memorato. CREV.

8 *Melessum*] Hoc nomen variat in scriptis. Gronovius, monente Rubenio, legi posse putat *Massiensium*. *Massia* apud Stephanum regio est ad

Tartessios pertinens. CREV.

9 *Alii furcis*] De hoc instrumento bellico ad repellendos eos adhibito, qui urbium muros per scalas transcursuri erant, cf. Lips. Poliorc. v. 1. DORE.

1 *In alios lupi*] *Lupus* instrumentum ferreum in modum forficis dentatum alligatumque funibus, quo aries mordicus, tanquam luporum dentibus, apprehensus avertatur, atque ictus eius eludatur. cf. Lips. Poliorc. v. 8. Turneb. Advers. xi. 28.

U. C. 545. frequentes ex oppido sese eiecerunt, scuta prae se tenentes.  
 A. C. 207. ne tela procul coniicerentur; dextras nudas ostentantes, ut  
 gladios abiiecisse appareret. Id utrum parum ex intervallo  
 sit conspectum, an dolus aliquis suspectus fuerit, incom-

Oringis a pertum est. Impetus hostilis in transfugas factus: nec  
 L. Scipione secus, quam adversa acies, caesi. Eademque porta signa  
 capta. infesta in urbem illata: et aliis partibus securibus dolabris-  
 que caedebantur et refringebantur portae, et, ut quisque  
 intraverat eques, ad forum occupandum (ita enim praecep-  
 tum erat) citato equo pergebat. Additum erat et tri-  
 riorum equiti praesidium. Legionarii ceteras partes per-  
 vadunt: direptione et caede obviorum, nisi qui armis se  
 tuebantur, abstinerunt. Carthaginienses omnes in cus-  
 todiam dati sunt: oppidanorum quoque trecenti ferme, qui  
 clausurant portas. Ceteris traditum oppidum, suae red-  
 ditae res. Cecidere in urbis eius oppugnatione hostium  
 duo millia ferme: Romanorum haud amplius nonaginta.

4. Laeta et ipsis, qui rem gessere, urbis eius oppugnatio  
 fuit, et imperatori ceteroque exercitui; et speciosum ad-  
 ventum suum, ingentem turbam captivorum prae se agen-  
 tes, fecerunt. Scipio, collaudato fratre, quum, quanto  
 poterat verborum honore, Carthagini ab se captae captar.  
 ab eo Oringin aequasset, quia et hiems instabat, ut nec  
 tentare Gades, nec disiectum passim per provinciam exer-  
 citum Hasdrubalis consecrari posset, in citeriorem Hispa-  
 niam omnes suas copias reduxit: dimissisque in hibernas  
 legionibus, L. Scipione fratre Romam misso, et Hannone  
 hostium imperatore, ceterisque nobilibus captivis, ipse Tar-  
 raconem concessit.

Classis Rom. po- pulatur Africam.  
 Eodem anno classis Romana, cum M. Valerio Laevino  
 proconsule ex Sicilia in Africam transmissa, in Uticensi  
 Carthaginensi agro late populationes fecit. Extremis  
 finibus Carthaginensium circa ipsa moenia Uticae praedae  
 actae sunt. Repetentibus Siciliam classis Punica (septu-  
 ginta erant longae naves) occurrit. Decem et septem  
 naves ex iis captae sunt, quattuor in alto mersae: cetera  
 fusa ac fugata classis. Terra marique victor Romanus cum  
 magna omnis generis praeda Libybaeum repetit. Toto  
 inde mari pulsus hostium navibus, magni commeatus fru-  
 menti Romam subvecti.

5. Principio aestatis eius, qua haec sunt gesta, P. Sulpicius  
 proconsul et Attalus rex quum Aeginae, sicut ante dictum  
 est, hibernassent, Lemnum inde, classe iuncta, Romana

2 *Toto inde mari*] *Tuto inde mari* sime in mss. commutantur. cf. *sc*  
 in edd. principibus scriptum habemus. Voces *tutum* et *totum* saepis-  
 xxiv. 32.

quinque et viginti quinqueres, regiae quinque et tri- U. C. 545.  
 ginta, transmiserunt. Et Philippus, ut, seu terra seu mari A. C. 207.  
 obviam eundem hosti foret, paratus ad omnes conatus esset,  
 ipse Demetriadem ad mare descendit: Larissam diem ad  
 conveniendum exercitui edixit. Undique ab sociis lega-  
 tiones Demetriadem ad famam regis convenerunt. Sus-  
 tulerant enim animos Aetoli, quum ab Romana societate,  
 tum post Attali adventum, finitimosque depopulabantur.  
 Nec Acarnanes solum Boeotique, et qui Euboeam incolunt,  
 in magno metu erant: sed Achaei quoque, quos super  
 Aetolicum bellum Machanidas etiam, Lacedaemonius  
 tyrannus, haud procul Argivorum fine positus castris, ter-  
 rebat. Hi omnes suis quisque urbibus, quae pericula terra  
 marique portendebantur, memorantes, auxilia regem ora-  
 bant. Ne ex regno quidem ipsius tranquillae nuntiabantur  
 res: et Scerdilaedum Pleuratumque motos esse, et Thracum  
 maxime Maedos, si quod longinquum bellum regem occu-  
 passet, proxima Macedoniae incursuros. Boeoti quidem et  
 interiores Graeciae populi, Thermopylarum saltum, ubi  
 angustae fauces coartant iter, fossa valloque intercludi ab  
 Aetolis, nuntiabant, ne transitum ad sociorum urbes tuendas  
 Philippo darent. Vel segnem ducem tot excitare tumultus  
 circumfusi poterant. Legationes dimittit, pollicitus, prout  
 tempus ac res se daret, omnibus laturum se auxilium. In  
 praesentia, quae maxime urgebat res, Peparethum prae-  
 sidium urbi mittit; unde allatum erat, Attalum, ab Lemno  
 classe transmissa, omnem circa urbem agrum depopulatum.  
 Polyphantam cum modica manu in Boeotiam, Menippum  
 item quendam ex regiis ducibus cum mille peltastis (pelta  
 caetrae haud dissimilis est) Chalcidem mittit. Additi  
 quingenti Agrianum, ut omnes insulae partes tueri possent.  
 Ipse Scotussam est profectus: eodemque ab Larissa Mace-  
 donum copias traduci iussit. Eo nuntiatum est, concilium  
 Aetolis Heracleam indictum, regemque Attalum, ad con-  
 sultandum de summa belli, venturum. Hunc conventum  
 ut turbaret subito adventu, magnis itineribus Heracleam

Philippus  
 socios hor-  
 tatur ac  
 tuetur.

3 *Peparethum praesidium urbi mittit*] Mittit in insulam Peparethum praesidium urbi, quae cognominis erat ipsi insulae. Ceterum locus hic corruptissimus erat. Emendavere Sigon. et Gron. ex Polybio x. 39. CREV.

4 *Pelta caetrae haud dissimilis est*] Clypeoli fuere leves, brevesque. Caetra e corio fere fuit, quod interdum nervis intertexebatur; at nihil habebat ligni, neque ferri. Idem et de pelta suspicari licet. Quod ad

formam spectat, plura de pelta habent scriptores, neque tamen quicquam satis certum, quia nempe pro diversis gentibus eius forma variavit. Pelta dicitur *lunata* apud Virgilium. Alii eam rotundam, alii vero quadrangulam fuisse volunt. Caetra magis usi Hispani, et Afri: pelta, Graeci, Macedones, Thraces. Interdum haec nomina apud scriptores promiscue usurpantur. CREV.

5 *Insulae partes*] Euboeae, cuius urbs Chalcis erat caput. CREV.

U. C. 545. duxit. Et concilio quidem dimisso iam venit: segetibus  
 A. C. 207. tamen, quae prope maturitatem erant, maxime in sinu  
 Aenianum vastatis, Scotussam copias reducit. Ibi exercitu  
 omni relicto, cum cohorte regia Demetriadem sese recipit.  
 Inde ut ad omnes hostium motus posset occurrere, in Pho-  
 cidem, atque Euboeam, et Peparethum mittit, qui loca alta  
 eligerent, unde editi ignes apparerent. Ipse in Tiseo  
 (mons est in altitudinem ingentem cacuminis editi) spe-  
 culam posuit: ut ignibus procul sublatis signum, ubi qui  
 molirentur hostes, momento temporis acciperet.

6. Romanus imperator et Attalus rex a Peparetho Nicaeam  
 traiecerunt. Inde classem in Euboeam ad urbem Oreum  
 transmittunt: quae ab Demetriaco sinu Chalcidem et Euri-  
 pum petenti ad laevam prima urbium Euboeae posita est.  
 Ita inter Attalum ac Sulpicium convenit, ut Romani a  
 mari, regii a terra oppugnarent. Quatriduo post, quam  
 appulsa classis est, urbem aggressi sunt. Id tempus oc-  
 cultis cum Platore, qui a Philippo praepositus urbi erat,  
 colloquiis absumptum est. Duas arces urbs habet, unam  
 imminem mari, altera urbis media est. Cuniculo inde  
 via ad mare ducit, quam a mari turris quinque tabulatorum,  
 egregium propugnaculum, claudebat. Ibi primo atrocis-  
 simum contractum est certamen, et turre instructa omni  
 genere telorum, et tormentis machinisque ad oppugnandam  
 eam ex navibus expositis. Quum omnium animos oculos-  
 que id certamen avertisset, porta maritimae arcis Plator  
 Romanos accepit, momentoque arx occupata est. Oppidani  
 pulsi inde in mediam urbem, ad alteram tendere arcem.  
 Et ibi positi erant, qui fores portae obicerent. Ita exclusi  
 in medio caeduntur capiunturque. Macedonum praesidium  
 conglobatum sub arcis muro stetit; nec fuga effuse petita,  
 nec pertinaciter proelio inito. Eos Plator, venia a Sulpicio  
 impetrata, in naves impositos ad Demetrium Phthiotidis  
 exposuit: ipse ad Attalum se recepit.

Sulpicius, tam facili ad Oreum successu elatus, Chal-

6 *In sinu Aenianum*] Is est sinus  
*Maliacus*, qui etiam dicitur *Lamiaeus*.  
 Quod ei nomen hic tribuit Livius, id  
 ortum habet ab Aenianum gente vi-  
 cina. Ceterum hic legebatur in editis  
 vulgo *in sinu Aeniano*. At recte ob-  
 servat Gronovius vix Latine dici  
 posse *Aenianus sinus*. Unde repo-  
 suimus, ut scripti habent, *in sinu Ae-  
 nianum*. Sinus autem hic dicitur  
 pro terris circa sinum: ut et supr.  
 xxvii. 30. CREV.

7 *Demetriaco sinu*] Suspectum  
 habet hoc nomen Duker. ut quod

nuspian alibi memoratum invenit;  
 quod si admittatur, *Maliacum* sinus  
 hic intelligi censet. cf. infr. xxxii. 31.  
 Ortellius contra sinum *Pagasetum*  
 innui vult, cui licet melius conte-  
 niret appellatio *Demetriaci* ab urbe  
*Demetriadis*, quae ad sinum illam  
 erat, ducta, cursus tamen quem ter-  
 rant navigantes Attalus et Romani  
 necnon situs Medae, ut Duker o-  
 detur, hoc satis refellunt.

8 *Altera urbis media est*] Simi-  
 liter *medius omnium rex erat* infr.  
 xlii. 58. legi animadvertit Drake.

cidem inde protinus victrici classe petit: ubi haudquaquam U. C. 545.  
 9 ad spem eventus respondit. Ex patenti utrimque coactum A. C. 207.  
 in angustias mare speciem intuenti primo gemini portus in Chalcidem  
 ora duo versi praeberit: sed haud facile alia infestior classi frustra ten-  
 statio est. Nam et venti ab utriusque terrae praealtis mon- Euripus.  
 tibus subiti ac procellosi se deiiciunt, et fretum ipsum Euripi  
 non septies die, sicut fama fert, temporibus statis recipro-  
 1 cat: sed temere in modum venti, nunc huc, nunc illuc  
 verso mari, velut monte praecipiti devolutus torrens rapitur.  
 Ita nec nocte, nec die quies navibus datur. Quum classem  
 tam infesta statio accepit, tum et oppidum, alia parte clau-  
 sum mari, alia ab terra egregie munitum, praesidioque  
 valido firmatum, et praecipue fide praefectorum princi-  
 pumque, quae fluxa et vana apud Oreum fuerat, stabile  
 atque inexpugnabile fuit. Id prudenter, ut in temere sus-  
 cepta re, Romanus fecit, quod, circumspectis difficultatibus,  
 ne frustra tempus tereret, celeriter abstulit incepto, classem-  
 que inde ad Cynum Locridis (emporium id est urbis Opun-  
 2 tiorum mille passuum a mari sitae) traiecit.

Philippum et ignes ab Oreo editi monuerant, sed serius 7.  
 Platoris fraude e specula elati: et impari maritimis viribus  
 haud facilis erat in insulam classi accessus. Ita res per  
 cunctationem omissa. Ad Chalcidis auxilium, ubi signum  
 accepit, impigre est motus. Nam et ipsa Chalcis, quan- Chalcidis  
 quam eiusdem insulae urbs est, tamen adeo arto interscin- situs.  
 ditur freto, ut. ponte continenti iungatur, terraque aditum  
 3 faciliorem, quam mari, habeat. Igitur Philippus, deiecto  
 praesidio, fuisque Aetolis, qui saltum Thermopylarum in-  
 sidebant, quum ab Demetriade Scotussam, inde de tertia  
 vigilia profectus, trepidos hostes Heracleam compulisset,  
 4 ipse uno die Phocidis Elatiam millia amplius sexaginta  
 contendit. Eodem ferme die ab Attalo rege Opuntiorum Opuntio-  
 urbs capta diripiebatur. Concesserat eam praedam regi rum urbs  
 Sulpicius, quia Oreum paucos ante dies ab Romano milite, capta ab  
 expertibus regiis, direptum fuerat. Quum Romana classis Attalo.  
 eo se recepisset, Attalus, ignarus adventus Philippi, pe-  
 cuniis a principibus exigendis terebat tempus. Adeoque

9 *Ex patenti utrimque coactum in angustias mare*] Mare, quod utrinque, ad dextram et ad sinistram, patens et apertum est, eo loco coactum in angustias, speciem gemini portus gemino aditu patens primo aspectu intuentibus praebebat.

1 *In modum venti*] Quemadmodum ventus temere, neque statis recurrens vicibus, flatus immittat vel reprimit.

2 *Mille passuum*] Wesselingius,

ut numerus passuum cum eo, qui apud Strabonem ix. p. 425. est, magis conveniat, M. P. II. h. e. *duo milia* passuum, legendum vult, quippe Strabo quindecim stadia a mari remotam esse urbem scribit.

3 *Deiecto praesidio . . . insidebant*] Haec verba post *vigilia profectus* inserenda censet Crevierius, ut quae ita magis rationi Geographicae convenirent.

4 *Phocidis*] sc. Urbem.

U. C. 545. improvisa res fuit, ut, nisi Cretensium quidam, forte pabu-  
 A. C. 207. latum ab urbe longius progressi, agmen hostium procul  
 Attalus fere a Phi- conspexissent, opprimi potuerit. Attalus inermis atque  
 lippo op- incompositus cursu effuso mare ac naves petit: et molien-  
 pressus. tibus ab terra naves Philippus supervenit, tumultumque  
 etiam ex terra nauticis praebeuit. Inde Opuntem rediit,  
 deos hominesque accusans, quod tantae rei fortunam ex  
 oculis prope raptam amisisset. Opuntii quoque ab eadem  
 ira increpiti, quod, quum trahere obsidionem in adventum  
 suum potuissent, viso statim hoste, prope in voluntariam  
 deditionem concessissent. Compositis circa Opuntem  
 rebus, Toronem est profectus. Et Attalus primo Oreum<sup>5</sup>  
 se recepit. Inde, quum fama accidisset, Prusiam Bithy-  
 niae regem in fines regni sui transgressum, omissis rebus  
 atque Aetolico bello, in Asiam traiecit. Et Sulpicius  
 Aeginam classem recepit, unde initio veris profectus erat.  
 Haud maiore certamine, quam Opuntem Attalus ceperat,  
 Philippus Toronem cepit. Incolebant urbem eam profugi  
 ab Thebis Phthioticis. Urbe sua capta a Philippo, quum<sup>7</sup>  
 in fidem Aetolorum perfugissent, sedem iis Aetoli eam de-<sup>8</sup>  
 derant, urbis vastatae ac desertae priore eiusdem Philippi  
 bello. Tum ab Torone, sicut paullo ante dictum est, re-  
 cepta profectus, Tritonon et Drymas, Doridis parva atque  
 ignobilia oppida, cepit. Inde Elatiam, iussis ibi se oppe-  
 riri Ptolemaei Rhodiorumque legatis, venit. Ubi quum  
 Machani- de finiendo Aetolico bello ageretur, (affuerant enim legati<sup>9</sup>  
 das repres- nuper Heracleae concilio Romanorum Aetolorumque) nun-  
 sua. tius affertur, Machanidam Olympiorum solenne ludicrum  
 parantes Eleos aggredi statuisse. Praevertendum id ratus,  
 legatis cum benigno responso dimissis, 'se neque causam  
 'eius belli fuisse, nec moram (si modo aequa et honesta  
 'conditione liceat) paci facturum,' cum expedito agmine  
 profectus per Boeotiam, Megara, atque inde Corinthum  
 descendit. Unde, commeatibus sumptis, Phliunta Phene-  
 umque petit. Et iam, quum Heraeam venisset, audita,

<sup>5</sup> *Toronem est profectus*] Glareanus, Sigonius, Gronovius merito legi iubent *Thronium*, quod oppidum est Locridis haud procul ab Opunte. At Torone ad Toronaeum sinum sita est, Macedoniam versus. Bis et in iis quae sequuntur idem nomen emendandum occurrit. CREV. *Thronium* hic atque infra, ubi *Torone* apud nostrum legitur, in textum reposuit Bekker.

<sup>6</sup> *Et Attalus primo Oreum se recepit*] Omnes scripti *Oreum est profectus*. Suspiciatur non improbabili-  
 ter Gronovius, utrumque, sive se

*recepit*, sive *est profectus*, spurium esse. Et sane quid desideres in hac oratione? *Et Attalus primo Oreum; inde, quum fama accidisset ... in Asiam traiecit*. CREV. Voces *se recepit* delevit Bekker.

<sup>7</sup> *Thebis Phthioticis*] Novem sunt oppida, quibus nomen Thebarum olim tributum est. RHENANUS. cf. infr. xxxiii. 5.

<sup>8</sup> *Sedem iis*] Nempe urbis.

<sup>9</sup> *Affuerant enim legati*] sc. Ptolemaei et Rhodiorum, qui concilio Romanorum Aetolorumque Heracleae habito affuerant.



Machanidam, fama adventus sui territorium, refugisse Lacedaemonem, Aegium se ad concilium Achaeorum recepit: simul classem Punicam, ut mari quoque aliquid posset, accitam, ibi ratus se inventurum. Paucis ante diebus inde Oxeas traiecerant Poeni: inde portus Acarnanum petierant, quum ab Oreo profectum Attalum Romanosque audissent, veriti ne ad se iretur, et intra Rhium (fauces eae sunt Corinthii sinus) opprimerentur.

Philippus maerebat quidem et angebatur, quum ad omnia ipse raptim isset, nulli tamen se rei in tempore occurrisset, et rapientem omnia ex oculis elusisse celeritatem suam fortunam. In concilio autem, dissimulans aegritudinem, elato animo disseruit: testatus deos hominesque, 'se nullo loco, nec tempore defuisse, quin, ubi hostium arma concrepuissent, eo, quanta maxima posset celeritate, tenderet: sed vix rationem iniri posse, utrum ab se audacius, an fugacius ab hostibus geratur bellum. Sic ab Opunte Attalum, sic Sulpicium a Chalcide, sic iis ipsis diebus Machanidam e manibus suis elapsam. Sed non semper felicem esse fugam: nec pro difficili id bellum habendum, in quo, si modo congressus cum hostibus sis, viceris. Quod primum esset, confessionem se hostium habere, nequaquam pares esse sibi: brevi et victoriam haud dubiam habiturum, nec meliore eventu eos secum, quam spe, pugnatuos.' Laeti regem socii audierunt. Reddidit inde Achaeis Heraeam et Triphyliam. Aliphe-  
ram autem Megalopolitis, quod suorum fuisse finium satis probabant, restituit. Inde, navibus acceptis ab Achaeis, (erant autem tres quadriremes et biremes totidem) Anticyram traiecit. Inde quinquere-  
mibus septem, et lembis viginti amplius, quos, ut adiungeret Carthaginiensium classi, miserat in Corinthium sinum, profectus ad Erythras Aetolorum, quae prope Eupalium sunt, excensionem fecit. Haud fefellit Aetolos: nam, hominum quod aut in agris, aut in propinquis castellis Potidaniae atque Apolloniae fuit, in silvas montesque refugit. Pecora, quae inter festinationem abigi nequierant, sunt direpta et in naves compulsa. Cum his ceteraque praeda, Nicia praetore Achaeorum Aegium misso, quum Corinthum petisset, pedestres inde copias per Boeotiam terra duci iussit. Ipse, ab Cenchreis praeter terram Atticam super Sunium navigans, in-

8.

Philippi  
oratio in  
concilio  
Achaeo-  
rum.

Classe in  
Aetoliam  
contendit.

1 *Inde Oxeas*] Ita Drakenborchius, coniecturam Crevierii secutus, legendum suadet pro vulgari in *Pho-  
ceas*. *Oxeas* ex Echinadarum numero insulas fuisse auctor est Strabo viii. p. 351. Verum in *Echinadas* ex emendatione Gronovii, quae lon-

gius a vulgata lectione abit, reposuit Bekker.

2 *Quod suorum fuisse finium*] Vocem *quod* Gronovio displicet, ut cui pronomen esse videatur, sed Perizonius et Douiatius particulam causalem esse volunt.



U. C. 545. ter medias prope hostium classes, Chalcidem pervenit.  
 A. C. 207. Inde, collaudata fide ac virtute, quod neque timor, neque spes flexissent eorum animos; hortatusque in posterum, ut eadem constantia permanerent in societate, si suam, quam Oritanorum atque Opuntiorum, fortunam mallent; ab Chalcide Oreum navigat, principumque iis, qui fugere capta urbe, quam se Romanis tradere, maluerant, summa rerum et custodia urbis permissa, ipse Demetriadem ab Euboea, unde primo ad opem ferendam sociis profectus erat, traiecit. Cassandreae deinde centum navium longarum carinis positis, contractaque ad effectum eius operis: multitudine fabrorum navalium, quia res in Graecia tranquillitas et profectio Attali fecerat, et in tempore laborantibus sociis latum ab se auxilium, retro in regnum concessit, ut Dardanis bellum inferret.

In regnum  
redit.

9. Extremo aestatis eius, qua haec in Graecia gesta sunt, quum Q. Fabius Maximi filius legatus ab M. Livio consule Romam ad senatum nuntiasset, consulem satis praesidii Galliae provinciae credere L. Porcium cum suis legionibus esse: decedere se inde, ac deduci exercitum consularem posse; Patres non M. Livium tantum redire ad urbem, sed collegam quoque eius C. Claudium iusserunt. Id modo in decreto interfuit, quod M. Livii exercitum reduci, Neronis legiones Hannibali oppositas manere in provincia iusserunt. Inter consules ita per literas convenit, ut, quemadmodum uno animo rempublicam gessissent, ita, quanquam ex diversis regionibus convenirent, uno tempore ad urbem accederent. Praeneste qui prior venisset, collegam ibi opperiri iussus. Forte ita evenit, ut eodem die ambo Praeneste venirent. Inde praemisso edicto, ut triduo post frequens senatus ad aedem Bellonae adesset, omni multitudine obviam effusa, ad urbem accessere. Non salutabant modo universi circumfusi, sed, contingere pro se quisque victrices dextras consulum cupientes, alii gratulabantur, alii gratias agebant, quod eorum opera incolumis respublica esset. In senatu quum more omnium imperatorum, expositis rebus ab se gestis, postulassent, 'ut, pro republica fortiter feliciterque administrata, et diis immortalibus haberetur honos, et ipsis triumphantibus urbem inire liceret; Se vero ea, quae postularent, decernere,' Patres, 'merito deorum pri-

Ambo  
Coss. ve-  
niunt Ro-  
mam.

3 *Carinis positis*] Suscipiebat nimirum aedificandas centum naves longas, sive bellicas. A carina enim necessario sumitur initium struendae navis. CREV.

4 *Fortiter feliciterque*] *Felicitas* eorum est quorum auspicio et ductu,

*fides* eorum quorum opera res geritur. Hinc consules dicunt a se *fortiter feliciterque* administratam esse rempublicam: at in fine huius ipsius capitis commemorant, quam *forti fidelique* duorum legatorum opera essent.

‘mum, dein, secundum deos, consulum,’ responderunt; et U. C. 545.  
 supplicatione amborum nomine, et triumpho utrique de- A. C. 207.  
 creto, inter ipsos, ne, quum bellum communi animo gessis- Consulum  
 5 sent, triumphum separarent, ita convenit: ‘ut, quoniam et triumphus.  
 ‘in provincia M. Livii res gesta esset, et eo die, quo pu-  
 ‘gnatum foret, eius forte auspiciu fuisset, et exercitus  
 ‘Livianus deductus Romam venisset, Neronis deduci non  
 ‘potuisset de provincia, ut M. Livium, quadrigis urbem  
 ‘ineuntem, milites sequerentur; C. Claudius equo sine  
 ‘militibus inveheretur.’ Ita consociatus triumphus, quum  
 utrique, tum magis ei, qui, quantum merito anteibat, tan-  
 6 tum honore collegae cesserat, gloriam auxit: ‘illum equi-  
 ‘tem,’ aiebant, ‘sex dierum spatio transcurrisse longitudi-  
 ‘nem Italiae: et eo die cum Hasdrubale in Gallia signis  
 ‘collatis pugnasse, quo eum castra adversus sese in Apulia  
 ‘posita habere Hannibal credidisset. Ita unum consulem  
 ‘pro utraque parte Italiae adversos duos duces, duos impe-  
 ‘ratores, hinc consilium suum, hinc corpus opposuisse.  
 ‘Nomen Neronis satis fuisse ad continendum castris Han-  
 ‘nibalem: Hasdrubalem vero, qua alia re, quam adventu  
 ‘eius, obrutum atque extinctum esse? Itaque iret alter  
 ‘consul sublimis curru multiiugis, si vellet, equis. Uno  
 ‘equo per urbem verum triumphum vehi: Neronemque,  
 ‘etiam si pedes incedat, vel parta eo bello, vel spreta eo  
 ‘triumpho gloria, memorabilem fore.’ Hi sermones spe-  
 ctantium Neronem usque in Capitolium prosecuti sunt.  
 7 Pecuniam in aerarium tulerunt sestertium tricies, octoginta  
 millia aeris. Militibus M. Livius quinquagenos senos asses  
 divisit. Tantundem C. Claudius absentibus militibus suis  
 est pollicitus, quum ad exercitum redisset. Notatum, eo  
 die plura carmina militaribus iocis in C. Claudium, quam  
 in consulem suum, iactata. Equites L. Veturium et Q.  
 Caecilium legatos magnis tulisse laudibus, hortatosque esse  
 plebem, ut eos consules in proximum annum crearent: ad-

5 *Ut, quoniam . . . ut M. Livium*] Redundat particula *ut*, at non ideo delenda. Simile exemplum observavimus supr. xxii. 11. et reperiemus quoque infr. xxxvi. 1. et 3. CREV. Hanc particulam *ut*, post quaedam interposita repetitam, maximeque in formulis sollennibus geminatam, Livio esse familiarissimam docent Gronov. et Drakenb.

6 *Illum equitem*] Neronem, qui equo vehatur, dum collega eius curru sublimis incedit. CREV.

7 *Sestertium tricies*] Haec forent minus centum viginti sex talenta, at

Polybius ix. 3. plus trecenta, quae plus septagies bis sestertium efficerent, in aerarium illata esse scribit. Unde suspicatur Gronovius excidisse literam L, quum notatum foret LXXX, quod est *octogies*, ea enim talenta paullo amplius trecenta triginta essent. Perizonius in hoc triumpho primum a Livio *sestertios* memorari animadvertit, in eoque multam maiorem argenti, quam aeris, summam nominari, eiusque rei causam esse, quod iam tum usus argenti prae aere in commerciis invalescere coeperat.

U. C. 545. iecisse equitum praerogativae auctoritatem consules, po-  
A. C. 207. stero die in concione, quam forti fidelique duorum praeci-  
pue legatorum opera usi essent, commemorantes.

10. Quum comitiorum tempus appeteret, et per dictatorem comitia haberi placuisset, C. Claudius consul M. Livium collegam dictatorem dixit: Livius Q. Caecilium magistrum equitum. A M. Livio dictatore creati consules L. Veturius, Q. Caecilius; is ipse, qui tum erat magister equitum. Inde praetorum comitia habita. Creati C. Servilius, M. Caecilius Metellus, Ti. Claudius Asellus, Q. Mamilius Turinus, qui tum aedilis plebis erat. Comitiiis perfectis, dictator, magistratu abdicato, dimissoque exercitu, in Etruriam provinciam ex senatusconsulto est profectus ad quaestiones habendas: qui Etruscorum Umbrorumve populi defectionis ab Romanis ad Hasdrubalem sub adventum eius consilia agitassent, quique eum auxiliis, aut commeatu, aut ope aliqua iuvissent. Haec eo anno domi militiaeque gesta. Ludi Romani ter toti instaurati ab aedilibus curulibus, Cn. Servilio Caepione, Ser. Cornelio Lentulo. Item ludi plebei semel toti instaurati ab aedilibus plebis, M. Pomponio Mathone, et Q. Mamilio Turino.

U. C. 546. Tertio decimo anno Punici belli, L. Veturio Philone et  
A. C. 206. Q. Caecilio Metello consulibus, Bruttii ambobus, ut cum  
L. Veturio, Hannibale bellum gererent, provincia decreta. Praetores  
Q. Caecilio exinde sortiti sunt: M. Caecilius Metellus urbanam, Q.  
Coss. Mamilius peregrinam, C. Servilius Siciliam, Ti. Claudius  
Provinciae. Sardiniam. Exercitus ita divisi: consulum alteri, quem C. Claudius prioris anni consul, alteri, quem Q. Claudius propraetor (eae binae legiones erant) habuissent exercitum: in Etruria duas volonum legiones a C. Terentio propraetore M. Livius proconsul, cui prorogatum in annum imperium erat, acciperet. Et Q. Mamilio, ut, collegae iurisdictione tradita, Galliam cum exercitu, cui L. Porcius, praetor praefuerat, obtineret, decretum est: iussusque populari agros Gallorum, qui ad Poenos sub adventum Hasdrubalis defecissent. C. Servilio cum Cannensibus duabus legionibus, sicut C. Mamilius tenuerat, Sicilia tuenda data. Ex Sardinia vetus exercitus, cui A. Hostilius praefuerat, deportatus: novam legionem, quam Ti. Claudius traiceret secum, consules conscripserunt. Q. Claudio, ut Tarentum, C. Hostilio Tubulo, ut Capuam provinciam haberet, proro-

8 *Equitum praerogativae*] sc. Priori equitum sententiae, quae, tanquam praerogativa tribus, populo, quosnam consules facere deberet, praemonstrabat. cf. supr. xxi. 3.

9 *Cui L. Porcius praetor praefuerat*] Imo praetor, ut constat ex xxvii. 35. Ac verisimilius est hoc erratum esse librariorum. CREV.

gatum in annum imperium est. M. Valerius proconsul, U. C. 546.  
 qui tuendae circa Siciliam maritimae orae praefuerat, tri- A. C. 206.  
 ginta navibus C. Servilio praebitis, cum cetera omni classe  
 redire ad urbem iussus.

In civitate tanto discrimine belli sollicita, quum omnium 11.  
 secundorum adversorumque causas in deos verterent, multa  
 prodigia nuntiabantur; Tarracinae Iovis aedem, Satrici  
 Matris Matutae de coelo tactam. Satricanos haud minus  
 terrebant in aedem Iovis foribus ipsis duo perlapsi angues.  
 Ab Antio nuntiatum est, cruentas spicas metentibus visas  
 esse. Caere porcus biceps, et agnus mas idemque femina  
 natus erat. Et Albae duo soles visos referebant: et nocte  
 Fregellis lucem obortam. Et bos in agro Romano locutus,  
 et ara Neptuni multo sudore manasse in circo Flaminio di-  
 cebatur: et aedes Cereris, Salutis, Quirini de coelo tactae.  
 Prodigia consules hostiis maioribus procurare iussi, et sup-  
 plicationem unum diem habere. Ea ex senatusconsulto  
 facta. Plus omnibus aut nuntiatis peregre, aut visis domi  
 prodigiis, terruit animos hominum ignis in aede Vestae  
 extinctus: caesaque flagro est Vestalis, cuius custodia  
 noctis eius fuerat, iussu P. Licinii pontificis. Id quan-  
 quam, nihil portendentibus deis, ceterum negligentia hu-  
 mana acciderat, tamen et hostiis maioribus procurari, et  
 supplicationem ad Vestae haberi placuit.

Ignis in  
 aede Ve-  
 stae ex-  
 stinctus.

Priusquam proficiscerentur consules ad bellum, moniti  
 ab senatu sunt, 'ut in agros reducendae plebis curam ha-  
 'berent. Deum benignitate summotum bellum ab urbe  
 'Romana et Latio esse, et posse sine metu in agris ha-  
 1 'bitari. Minime convenire, Siciliae, quam Italiae, colendae  
 'maiolem curam esse.' Sed res haudquaquam erat populo  
 facilis, et liberis cultoribus bello absumptis, et inopia servi-  
 tiorum, et pecore direpto, villisque dirutis aut incensis.  
 Magna tamen pars auctoritate consulum compulsa in agros  
 remigravit. Moverant autem huiusce rei mentionem Pla-  
 centinorum et Cremonensium legati, querentes, agrum  
 suum ab accolis Gallis incursari ac vastari, magnamque  
 2 partem colonorum suorum dilapsam esse, et infrequentes  
 se urbes, agrum vastum ac desertum habere. Mamilio  
 praetori mandatum, ut colonias ab hoste tueretur. Con-  
 sules ex senatusconsulto edixerunt, ut, qui cives Cremo-

Plebis in  
 agros redu-  
 cendae cu-  
 ra.

<sup>1</sup> *Siciliae, quam Italiae, colendae*] Nimirum Laevinus sedulo operam dederat, ut vastata bellis Sicilia recoleretur, cogerenturque Siculi ad arandum ac serendum animos rursus convertere. cf. supr. xxvi. 41. et

xxvii. 5. Eadem profecto cura debebatur Italiae. CREV.

<sup>2</sup> *Et infrequentes*] Cod. Put. et iam infrequentes, quod Bekker. reposuit.

U. C. 546. nenses atque Placentini essent, ante certam diem in colo-  
A. C. 206. nias reverterentur.

Coss. in  
Bruttios  
eunt.

Principio deinde veris et ipsi ad bellum profecti sunt. Q. Caecilius consul exercitum ab C. Nerone, L. Veturius ab Q. Claudio propaetore accepit, novisque militibus, quos ipse conscripserat, supplevit. In Consentinum agrum consules exercitum duxerunt, passimque depopulati, quum agmen iam grave praeda esset, in saltu angusto a Bruttiis iaculatoribusque Numidis turbati sunt; ita ut non praeda, sed armati quoque in periculo fuerint. Maior tamen tumultus, quam pugna, fuit: et praemissa praeda, incolumes et legiones in loca tuta evasere. Inde in Lucanos profecti. Ea sine certamine tota gens in ditionem populi Romani rediit.

12.  
Laus Han-  
nibalica.

Cum Hannibale nihil eo anno rei gestum est. Nam neque ipse se obtulit in tam recenti vulnere publico privatoque, neque laccessierunt quietum Romani. Tantam inesse vim, etsi omnia alia circa eum ruerent, in uno illo duce censebant. Ac nescio, an mirabilior adversis, quam; secundis rebus, fuerit: quippe qui, quum et in hostium terra per annos tredecim, tam procul ab domo, varia fortuna bellum gereret exercitu non suo civili, sed mixto ex colluvione omnium gentium, quibus non lex, non mos, non lingua communis; alius habitus, alia vestis, alia arma, alii ritus, alia sacra, alii prope dei essent; ita quodam uno vinculo copulaverit eos, ut nulla nec inter ipsos, nec adversus ducem seditio exstiterit; quum et pecunia saepe in stipendium, et commeatus in hostium agro deessent: quorum inopia priore Punico bello multa infanda inter duces militesque commissa fuerant. Post Hasdrubalis vero exercitum cum duce, in quibus spes omnis reposita victoriae fuerat, deletum, cedendoque in angulum Bruttium cetera Italia concessum, cui non videatur mirabile, nullum motum in castris factum? Nam ad cetera id quoque accesserat, ut ne alendi quidem exercitus, nisi ex Bruttio agro, spes esset; qui, ut omnis coleretur, exiguus tamen tanto alendo; exercitui erat: tum magnam partem iuventutis abstractam a cultu agrorum bellum occupaverat, et mos vitio etiam

3 *Nescio, an mirabilior*] Haec e Polybio xi. 17. deprompta sunt, suppresso pro Livii more auctoris nomine.

4 *Post Hasdrubalis . . . exercitum . . . deletum, cedendoque . . . concessum*] Postquam et Hasdrubalis exercitus deletus fuit, et ipse Hannibal cedendo in Bruttium agrum, reliquit Ro-

manis liberam ceterae Italiae possessionem. CREV. *Post concessum* idem est, atque *postquam* cetera Italia concesserat.

5 *Ut omnis coleretur*] h. e. Quamvis. cf. supr. xxii. 25.

6 *Vitio etiam insitus*] sc. Ingenita pravitate, vitio indolis vel ingenii.

insitus genti per latrocinia militiam exercendi. Nec ab U. C. 546.  
 7 domo quicquam mittebatur, de Hispania retinenda sollici- A. C. 206.  
 tis, tanquam omnia prospera in Italia essent.

In Hispania res quadam ex parte eandem fortunam, Res Hispa-  
 quadam longe disparem habebant: eandem, quod proelio <sup>niae.</sup>  
 victi Carthaginienses, duce amisso, in ultimam Hispaniae  
 oram usque ad Oceanum compulsi erant: disparem autem,  
 quod Hispania, non quam Italia modo, sed quam ulla pars  
 terrarum, bello reparando aptior erat, locorum hominum-  
 8 que ingeniis. Itaque ergo prima Romanis inita provincia-  
 9 rum, quae quidem continentis sint, postrema omnium, nos-  
 tra demum aetate, ductu auspicioque Augusti Caesaris,  
 perdomita est. Ibi tum Hasdrubal Gisgonis, maximus Hasdrubal  
 clarissimusque eo bello secundum Barcinos dux, regressus <sup>cum Ma-</sup>  
 ab Gadibus, rebellandi spem adiuvante Magone Hamilcaris <sup>gone bel-</sup>  
 filio, delectibus per ulteriorem Hispaniam habitis, ad quin- <sup>lum in-</sup>  
 quaginta millia peditum et quattuor millia et quingentos <sup>staurat.</sup>  
 equites armavit. De equestribus copiis ferme inter aucto-  
 res convenit: peditum septuaginta millia quidam adducta  
 1 ad Silpiam urbem scribunt. Ibi super campos patentes  
 duo duces Poeni ea mente, ne detrectarent certamen, con-  
 sederunt. Scipio, quum ad eum fama tanti comparati ex- 13.  
 exercitus perlata esset, neque Romanis legionibus tantae se <sup>Scipio aux-</sup>  
 parem fore multitudini ratus, ut non in speciem saltem op- <sup>ilia ab so-</sup>  
 ponerentur barbarorum auxilia, neque in iis tamen tantum <sup>ciis contra-</sup>  
 virium ponendum, ut mutando fidem, quae cladis causa <sup>hit.</sup>  
 fuisset patri patruoque, magnum momentum facerent, prae-  
 misso Silano ad Colcham, duodetriginta oppidis regnantem,  
 ut equites peditesque ab eo, quos se per hiemem conscri-  
 pturum pollicitus erat, acciperet, ipse ab Tarracone pro-  
 fectus, protinus ab sociis, qui accolunt viam, modica con-  
 trahendo auxilia, Castulonem pervenit. Eo adducta ab  
 Silano auxilia, tria millia peditum et quingenti equites.  
 2 Inde ad Baeculam urbem progressus omni exercitu civium,  
 sociorum, peditum equitumque quinque et quadraginta  
 millibus. Castra ponentes eos Mago et Masinissa cum  
 omni equitatu aggressi sunt: turbassentque munientes, ni  
 abditi post tumulum, opportune ad id positum, ab Scipione  
 equites improvise in effusos incurrissent. Hi promptissi-  
 mum quemque, et proxime vallum, atque in ipsos munitores

7 *Sollicitis*] Nempe iis, qui domi  
 erant, h. e. Carthaginiensibus.

8 *Itaque ergo*] Hae particulae  
 saepius a nostro iunguntur. cf. supr.  
 i. 25.

9 *Quae quidem continentis sint*] Hoc ait propter Sardiniam et Siciliam,  
 quae primae provinciae fuerunt, Vel-

leio auctore et ceteris, sed non sunt  
 in continente. SIGON.

1 *Scribunt*] sc. Polybius xi. 18,  
 quem noster secutus est.

2 *Progressus omni exercitu*] In-  
 telligi praepositionem *cum*, quam  
 alibi saepius noster omittit. cf. supr.  
 xxii. 9. *gaudentibus profectus*.

U. C. 546. A. C. 206. primum invectum, vixdum proelio inito, fuderunt: cum ceteris, qui sub signis atque ordine agminis incesserant, longior et diu ambigua pugna fuit. Sed quum ab stationibus primum expeditae cohortes, deinde ex opere deducti milites, atque arma capere iussi plures et integri fessis subirent, magnumque iam agmen armatorum a castris in proelium rueret, terga haud dubie vertunt Poeni Numidaeque. Et primo turmatim abibant, nihil propter pavorem festinationemve confusis ordinibus: dein, postquam acrius ultimis incidebat Romanus, neque sustineri impetus poterat, nihil iam ordinum memores, passim, qua cuique proximum fuit, in fugam effunduntur. Et quanquam eo proelio aliquantum et Romanis aucti et deminuti hostibus animi erant, tamen nunquam aliquot insequentes dies ab excursionibus equitum levisque armaturae cessatum est.

14.  
Pro vallo  
ostentatae  
utrinque  
acies.

Hostes ag-  
greditur  
Scipio.

Ubi satis tentatae per haec levia certamina vires sunt, prior Hasdrubal in aciem copias eduxit: deinde et Romani processere. Sed utraque acies pro vallo stetit instructa: et quum ab neutris pugna coepta esset, iam die ad occasum inclinante, a Poeno prius, deinde ab Romano in castra copiae reductae. Hoc idem per dies aliquot factum. Prior semper Poenus copias castris educebat: prior fessis stando signum receptui dabat. Ab neutra parte procursum, telumve missum, aut vox ulla orta. Mediam aciem hinc Romani, illinc Carthaginienses mixti Afris, cornua socii tenebant: erant autem utrimque Hispani pro cornibus. Ante Punicam aciem elephantum castellorum procul speciem praebebant. Iam hoc in utrisque castris sermonis erat, ita, ut instructi stetissent, pugnatos. Medias acies Romanum Poenumque, quos inter belli causa esset, pari robore animorum armorumque concursuros. Scipio ubi haec obstinate credita animadvertit, omnia de industria in eum diem, quo pugnaturus erat, mutavit. Tesseram vesperi per castra dedit, ut ante lucem viri equique curati et pransi essent: armatus eques frenatos instratosque teneret equos. Vixdum satis certa luce, equitatum omnem cum levi armatura in stationes Punicas immisit: inde confestim ipse cum gravi agmine legionum procedit, praeter opinionem destinatam suorum hostiumque, Romano milite cornibus firmatis, sociis in mediam aciem acceptis. Hasdrubal, clamore equitum excitatus, ut ex tabernaculo prosiluit, tumultum

3 *Atque arma capere iussi plures et integri fessis subirent*] Revocavimus verbum *subirent*, quod Gronovius nimium obsecutus aliquot mss. auctoritati sustulerat, quum sine eo oratio curta et abrupta videatur.

Sensus omnino clarus est. Quumque plures iam, iique integri, arma capere iussi, succederent in eorum locum, qui fessi pugnando erant. CRKV. Gronovio auctore Bekker. vocem *subirent* delevit.



tumque ante vallum et trepidationem suorum, et procul signa legionum fulgentia, plenosque hostium campos vidit, equitatum omnem extemplo in equites emittit. Ipse cum peditum agmine castris egreditur: nec ex ordine solito quicquam acie instruenda mutat. Equitum iam diu anceps pugna erat: nec ipsa per se decerni poterat, quia pulsus (quod prope in vicem fiebat) in aciem peditum tutus receptus erat. Sed ubi iam haud plus quingentos passus acies inter sese aberant, signo receptui dato, Scipio, patefactisque ordinibus, equitatum omnem levemque armaturam, in medium acceptam divisamque in partes duas, in subsidiis post cornua locat. Inde, ubi incipiendae iam pugnae tempus erat, Hispanos (ea media acies fuit) presso gradu incedere iubet. Ipse e dextro cornu (ibi namque praeerat) nuntium ad Silanum et Marcium mittit, ut cornu extenderent in sinistra parte, quemadmodum se tendentem a dextra vidissent: et cum expeditis peditum equitumque prius pugnam consererent cum hoste, quam coire inter se mediae acies possent. Ita diductis cornibus cum ternis peditum cohortibus, ternisque equitum turmis, ad hoc velut citato gradu in hostem ducebant, sequentibus in obliquum aliis. Sinus in medio erat, quia segnius Hispanorum signa incedebant: et iam conflixerant cornua, quum, quod roboris in acie hostium erat, Poeni veterani Afrique nondum ad teli coniectum venissent, neque in cornua, ut adiuverent pugnantes, discurrere auderent, ne aperirent mediam aciem venienti ex adverso hosti. Cornua ancipiti proelio urgebantur: eques, levisque armatura, velites, circumductis alis in latera incurrebant; cohortes a fronte urgebant, ut abrumperent cornua a cetera acie. Et quum ab omni parte haudquaquam par pugna erat, tum quod turba Balarium tironumque Hispanorum Romano Latinoque militi obiecta erat, et, procedente iam die, vires etiam deficere Hasdrubalis exercitum coeperant, oppressos matutino tumultu coactosque, priusquam cibo corpora firmarent, raptim in aciem exire. Ad id sedulo diem extraxerat Scipio, ut sera pugna esset. Nam ab septima demum hora peditum signa cornibus incucurrerunt. Ad medias acies

U. C. 546.  
A. C. 206.

Equitatus  
in subsidiis  
locatus.

Proelium  
initur.

15.

4 *Presso gradu*] sc. Lentiore gradu, quemadmodum *presso pede* incedere dicuntur, qui lentius progrediuntur. Huic *citatus gradus* infr. opponitur.

5 *In sinistra parte*] Ita Rhenanus pro veterum editorum lectione *in sinistram partem*, quam Bekk. reposuit.

6 *A dextra*] Ad dextram reposuit Bekker.

7 *Quia segnius Hispanorum*] *Qua segnius* reposuerunt Crevier. et Bek-

ker., utpote elegantius et codd. Put. et Victor. firmatum.

8 *Et quum ab omni parte*] Et haudquaquam par pugna erat, tum omnibus de causis, tum ideo vel maxime, quod turba incondita Balarium tironumque Hispanorum Romano Latinoque militi obiecta erat, et quod procedente iam die... Ceterum vulgo editi habent *Et tum*; scripti, ut dedimus. CREV.

U. C. 546. aliquanto serius pervenit pugna: ita ut prius aestus a meridiano sole, laborque standi sub armis, et simul fames sitisque corpora afficerent, quam manus cum hoste consererent. Itaque steterunt scutis innisi. Nam super cetera elephantiam, tumultuoso genere pugnae equitum velitumque et levis armaturae consternati, e cornibus in mediam aciem sese intulerant. Fessi igitur corporibus animisque retulere pedem, ordines tamen servantes, haud secus, quam si imperio ducis cederent integra acies. Sed quum eo ipso acrius, ubi inclinatham sentire rem, victores se undique inveherent, nec facile impetus sustineri posset; quanquam retinebat, obsistebatque cedentibus Hasdrubal, 'ab tergo' esse colles tutumque receptum, si modice se reciperent; clamitans, tamen, vincente verecundiam metu, quum proximus quisque hostem cederet, terga extemplo data, atque in fugam sese omnes effuderunt. Ac primo consistere signa in radicibus collium, ac revocare in ordines militem coeperant; cunctantibus in adversum collem erigere aciem Romanis. Inde ut inferri impigre signa viderunt, integrata fuga, in castra pavidi compelluntur. Nec procul vallo Romanus aberat: cepissetque tanto impetu castra, ni se ex vehementi sole, qualis inter graves imbre nubes effulget, tanta vis aquae deiecisset, ut vix in castra sua receperint et victores; quosdam etiam religio ceperit ulterius quicquam eo die conandi. Carthaginienses, quanquam fessos labore ac vulneribus nox imberque ad necessariam quietem vocabat, tamen, quia metus et periculum cessandi non dabat tempus, prima luce oppugnaturis hostibus castra, saxis undique circa ex propinquis vallibus congestis augment vallum, munimento sese, quando in armis parum praesidii foret, defensuri. Sed transitio sociorum, fuga ut tutior mora videretur, fecit. Principium defectionis ab Attane regulo Turdetanorum factum est. Is cum magna popularium manu transfugit. Inde duo munita oppida cum praesidiis tradita a praefectis Romano. Et ne latius, inclinatis semel ad defectionem animis, serperet res, silentio proximae noctis Hasdrubal castra movet.

16. Scipio, ut prima luce, qui in stationibus erant, retulerunt, profectos hostes, praemisso equitatu signa ferri iubet: adeoque citato agmine ducti sunt, ut, si via recta vestigia sequentes issent, haud dubie assecuturi fuerint. Ducibus est creditum, brevius aliud esse iter ad Baetim fluvium, ut transeuntes aggrederentur. Hasdrubal, clauso transitu flu-

Vincuntur  
Poeni.

Et in castra  
compelluntur.

Sequitur  
eos Scipio.

8 Proximus quisque hostem] Proximus quemadmodum prope, propius, iungi animadvertit Drakenb. cf. sup. i. 21. ii. 48.  
proxime passim cum casu quarto

minis, ad Oceanum flectit. Et iam inde fugientium modo U. C. 546.  
effusi abibant; idque ab legionibus Romanis aliquantum A. C. 206.  
intervalli fecit. Eques levisque armatura nunc ab tergo, Et assecu-  
nunc ab lateribus occurrendo, fatigabat morabaturque: sed tus caedit.  
quum ad crebros tumultus signa consisterent, et nunc  
9 equestria, nunc cum velitibus auxiliisque peditum proelia  
consererent, supervenerunt legiones. Inde non iam pugna,  
sed trucidatio velut pecorum fieri; donec ipse dux fugae  
auctor in proximos colles cum sex millibus ferme semier-  
mum evasit. Ceteri caesi captique. Castra tumultuaria  
raptim Poeni tumulto editissimo communierunt: atque  
inde, quum hostis nequicquam subire iniquo ascensu co-  
natus esset, haud difficulter sese tutati sunt. Sed obsidio  
in loco nudo atque inopi vix in paucos dies tolerabilis erat.  
Itaque transitiones ad hostem fiebant. Postremo dux ipse, Hasdrubal  
navibus acceptis, (nec procul inde aberat mare) nocte re- Gades fu-  
lictio exercitu, Gades perfugit. Scipio, fuga ducis hostium git.  
audita, decem millia peditum, mille equites relinquit Silano Scipio Tar-  
1 ad castrorum obsidionem. Ipse cum ceteris copiis, septua- raconem  
2 gesimis castris, protinus causis regulorum civitatumque redit.  
cognoscendis, ut praemia ad veram meritorum aestima-  
tionem tribui possent, Tarraconem rediit. Post profectio- Masinissa  
3 nem eius Masinissa, cum Silano clam congressus, ut ad conciliatur  
nova consilia gentem quoque suam obedientem haberet, Romanis.  
4 cum paucis popularibus in Africam traiecit: non tam evi-  
denti eo tempore subitae mutationis causa, quam docu-  
mento post id tempus constantissimae ad ultimam senectam  
fidei, ne tum quidem eum sine probabili causa fecisse.  
Mago inde, remissis ab Hasdrubale navibus, Gades petit.  
Ceteri, deserti ab ducibus, pars transitione, pars fuga, dis-  
sipati per proximas civitates sunt. Nulla manus numero  
aut viribus insignis.

9 *Auxiliisque peditum*] Hispanis scilicet, qui apud Romanos militabant. Observare non inutile est *auxilia* proprie et signate dici adiunctas Romanis exercitibus copias ex gentibus exteris, non vero ex Italicis populis. CREV.

1 *Septuagesimis castris*] Septuaginta dierum itinere. cf. supr. xxvii. 32. *decimis castris*.

2 *Protinus causis . . . cognoscendis*] Cognoscendo et disceptando causas regulorum civitatumque, prout ad quosque veniebat. CREV.

3 *Ad nova consilia*] Ad consilium suum de mutandis sociis. CREV.

4 *Non tam evidenti*] Non tam evidens fuit eo tempore mutationis Ma-

sinissae causa, quam constantissima post id tempus eius fides docuit, ne tum quidem . . . *Documento fidei*, pro *fide docente*. Ceterum, quod ad rem ipsam attinet, Appianus in libro de bellis Punicis hanc fuisse scribit Masinissae transitionis causam, quod quum ei Hasdrubal Gisgonis Sophonisbam filiam suam despondisset, Carthaginienses eam, inscio utroque, Syphaci elocaverunt, ut pacem ab eo redimerent. Sed iunctas hoc tempore Sophonisbae cum Syphace nuptias refellit iter Scipionis ad Syphacem, de quo infr. 17. et tota sequentis historiae ratio. De causa transitionis Masinissae ad Romanos, vid. infr. xxix. 29. CREV.

U. C. 546.  
A. C. 206.  
Pulsi His-  
pania Poe-  
ni.

17.  
Scipio iam  
Africam et  
Carthagi-  
nem spe-  
ctat.

Syphacem  
sibi con-  
ciliare sta-  
tuit.

In Africam  
traiecit.

Hoc maxime modo, ductu atque auspicio P. Scipionis, pulsi Hispania Carthaginienses sunt: tertio decimo anno: post bellum initum; quinto, quam P. Scipio provinciam et exercitum accepit. Haud multo post Silanus, debellatum referens, Tarraconem ad Scipionem rediit. L. Scipio cum multis nobilibus captivis nuntius receptae Hispaniae Romanam est missus. Et quum ceteri laetitia gloriaque ingentem rem vulgo ferrent, unus, qui gesserat, inexplabilis virtutis veraeque laudis, parvum instar eorum, quae spe ac magnitudine animi concepisset, receptas Hispanias ducebat. Iam Africam magnamque Carthaginem, et in suum decus nomenque velut consummatam eius belli gloriam spectabat. Itaque, praemoliendas sibi ratus iam res conciliandosque regum gentiumque animos, Syphacem primum regem statuit tentare. Masaesylorum is rex erat. Masaesyli, gens affinis Mauris, in regionem Hispaniae, maxime qua sita Nova Carthago est, spectant. Foedus ea tempestate regi cum Carthaginiensibus erat, quod haud gravius ei sanctiusque, quam vulgo barbaris, quibus ex fortuna pendet fides, ratus fore, oratorem ad eum C. Laelium cum donis mittit. Quibus barbarus laetus, et quia res tum prosperae ubique Romanis, Poenis in Italia adversae, in Hispania nullae iam erant, amicitiam se Romanorum accipere annuit: firmandae eius fidem nec dare, nec accipere, nisi cum ipso coram duce Romano. Ita Laelius, in id modo fide ab rege accepta, tutum adventum fore, ad Scipionem rediit. Magnum in omnia momentum Syphax affectanti res Africae erat, opulentissimus eius terrae rex, bello iam expertus ipsos Carthaginienses, finibus etiam regni apte ad Hispaniam, quod freto exiguo dirimuntur, positus. Dignam itaque rem Scipio ratus, quae, quoniam non aliter posset, magno periculo peteretur, L. Marcio Tarracone, M. Silano Carthagine Nova, quo pedibus ab Tarracone itineribus magnis ierat, ad praesidium Hispaniae relictis, ipse cum C. Laelio duabus quinquereimis ab Carthagine profectus

5 *Tertio decimo anno, post bellum initum*] Sic recte Glareanus ex Livio ipso, supr. 10. Olim *quartodecimo*. Ceterum hic annus *sextus*, non *quintus* numerari deberet, ex quo Scipio provinciam et exercitum accepit. Nisi dicamus ideo quintum annum nondum expletum esse, quod Scipio sub finem aetatis primo in Hispaniam venerit; initio aetatis hoc anno pepulerit Hispania Poenos. Porro pro eo quod prius legebatur *quinto postquam*, dedimus *quinto quam*, subnixa auctoritatibus optimorum codicum, Put. Can-

tabrig. aliorumque; et praeterea aliis consimilibus apud nostrum exemplis: ut xxviii. 45. *Dis quadraginta quinto, quam ex sylvis detracta materia erat*: et iii. 33. *Anno trecentesimo altero, quam condita Roma erat*: et alibi saepius. CREV. *Quartodecimo* reposuit Bekker.

6 *Parvum instar*] Parvam imaginem. Ex receptis ac domitis Hispaniis vix parvam speciem capi posse putabat eorum quae animo destitisset. CREV.

tranquillo mari plurimum remis, interdum et leni adiuvante U. C. 546.  
vento, in Africam traiecit. Forte ita incidit, ut eo ipso A. C. 206.  
tempore Hasdrubal pulsus Hispania, septem triremibus  
portum invectus, ancoris positis terrae applicaret naves;  
quum inspectae duae quinqueremes haud cuiquam dubio,  
quin hostium essent, opprimique a pluribus, priusquam  
portum intrarent, possent, nihil aliud, quam tumultum ac  
trepidationem simul militum ac nautarum, nequicquam ar-  
maque et naves expedientium, fecerunt. Percussa enim  
ex alto vela paullo acriori vento prius in portum intulerunt  
quinqueremes, quam Poeni ancoras molirentur. Nec ultra  
tumultum ciere quisquam in regio portu audebat. Itaque  
prior in terram Hasdrubal, mox Scipio et Laelius egressi,  
ad regem pergunt. Magnificumque id Syphaci (nec erat 18.  
aliter) visum, duorum opulentissimorum ea tempestate du- Hasdrubal  
ces populorum uno die suam pacem amicitiamque petentes et Scipio  
venisse. Utrumque in hospitium invitat; et, quoniam fors eodem tec-  
eos sub uno tecto esse, atque ad eosdem penates, voluisset: to recipi-  
contrahere ad colloquium dirimendarum simultatum causa untur.  
est conatus; Scipione abnuente, aut privatim sibi ullum  
cum Poeno odium esse, quod colloquendo finiret, aut de  
republica se cum hoste agere quicquam iniussu senatus  
posse. Illud magno opere tendente rege, ne alter hospi-  
tium exclusus mensa videretur, ut in animum induceret ad  
easdem venire epulas, haud abnuvit. Coenatumque simul  
apud regem est: et eodem etiam lecto Scipio atque Has-  
drubal (quia ita cordi erat regi) accubuerunt. Tanta au- Scipionis  
tem inerat comitas Scipioni, atque ad omnia naturalis in- comitas et  
genii dexteritas, ut non Syphacem modo, barbarum insue- dexteritas.  
tumque moribus Romanis, sed hostem etiam infestissimum,  
facunde alloquendo sibi conciliaret; ‘mirabilioremque sibi  
‘eum virum congresso coram visum’ prae se ferebat, ‘quam  
‘bello rebus gestis: nec dubitare, quin Syphax regnumque Hasdruba-  
‘eius iam in Romanorum essent potestate. Eam artem lis de eo  
‘illi viro ad conciliandos animos esse. Itaque non, quo iudicium.  
‘modo Hispaniae amissae sint, quaerendum magis Cartha-  
‘giniensibus esse, quam, quo modo Africam retineant, co-  
‘gitandum. Non peregrinabundum, neque circa amoenas  
‘oras vagantem tantum ducem Romanum, relictam provincia  
‘novae ditionis, relictis exercitibus, duabus navibus in Afri-  
‘cam traiecissee sese in hostilem terram, regiam in fidem  
7 ‘inexpertam: sed potiundae Africae spem affectantem.  
‘Hoc eum iam pridem volutare in animo, hoc palam fre-

7 Sed potiundae Africae spem af-  
fectantem] Tendentem ad spem po-  
tiundae Africae. Sic Ovid. Metam.

v. 377. nam spes affectat easdem,  
CREV.

U. C. 546. 'mere, quod non, quemadmodum Hannibal in Italia, sic  
A. C. 206. 'Scipio in Africa bellum gereret.' Scipio, foedere icto cum  
Redit in  
Hispa-  
niam. Syphace, profectus ex Africa, dubiisque et plerumque sae-  
vis in alto iactatus ventis, die quarto Novae Carthaginis  
portum tenuit.

19. Hispaniae sicut a bello Punico quietae erant, ita quas-  
dam civitates, propter conscientiam culpaе, metu magis,  
quam fide, quietas esse apparebat: quarum maxime in-  
signes et magnitudine et noxa Illiturgi et Castulo erant.  
Castulo quum prosperis rebus socii fuissent, post caesos  
cum exercitibus Scipiones defecerant ad Poenos. Illitur-  
gitani prodendis, qui ex illa clade ad eos perfugerant, in-  
terficiendisque scelus etiam defectioni addiderant. In eos  
populos primo adventu, quum dubiae Hispaniae essent,  
merito magis, quam utiliter, saevitum foret. Tunc, iam  
tranquillis rebus, quia tempus expetendae poenae videba-  
tur venisse, accitum ab Tarracone L. Marcium cum tertia  
parte copiarum ad Castulonem oppugnandum mittit: ipse  
cum cetero exercitu quintis ferme ad Illiturgin castris per-  
venit. Clausae erant portae, omniaque instructa et parata  
ad oppugnationem arcendam: adeo conscientia, quid se  
meritos scirent, pro indicto iis bello fuerat. Hinc et hor-  
tari milites Scipio orsus est: 'Ipsos claudendis portis indi-  
'casce Hispanos, quid, ut timerent, meriti essent. Itaque  
'multo infestioribus animis cum iis, quam cum Carthagi-  
'niensibus, bellum gerendum esse. Quippe cum illis prope  
'sine ira de imperio et gloria certari; ab his perfidiae et  
'crudelitatis et sceleris poenas expetendas esse. Venisse  
'tempus, quo et nefandam commilitonum necem, et in se-  
'met ipsos, si eodem fuga delati forent, instructam fraudem  
'ulciscerentur: et in omne tempus gravi documento sanc-  
'rent, ne quis unquam Romanum civem militemve in ulla  
'fortuna opportunum iniuriae duceret.' Ab hac cohorta-  
tione ducis incitati, scalas electis per manipulos viris divi-  
dunt: partitoque exercitu, ita ut parti alteri Laelius prae-  
esset legatus, duobus simul locis ancipiti terrore urbem  
aggrediuntur. Non dux unus, aut plures principes oppi-  
danos, sed suus ipsorum ex conscientia culpaе metus ad  
defendendam impigre urbem hortatur. Et meminerant,  
et admonebant alii alios, 'supplicium ex se, non victoriam,  
'peti. Ubi quisque mortem oppeteret, id referre; utrum;

Illiturgin  
oppugnat.

8 *Opportunum iniuriae*] Talem, qui iniuriae obnoxius est, quem impune laedere licet.

9 *Ubi quisque mortem oppeteret, id referre; utrum*] Supra admonuerunt

sese invicem, *supplicium ex se, non victoriam, peti*. Unde sequitur eos qui in acie vitam non amisissent, postea inter supplicia cruciatosque expiratu-  
ros. Quum igitur mors om-



‘in pugna et in acie, ubi Mars communis et victum saepe U. C. 546.  
 ‘erigeret, et affligeret victorem; an postmodo, cremata et A. C. 206.  
 ‘diruta urbe, ante ora captarum coniugum liberorumque,  
 ‘inter verbera et vincula, omnia foeda atque indigna passi,  
 ‘expirarent.’ Igitur non militaris modo aetas, aut viri Oppidani  
 tantum, sed feminae puerique supra animi corporisque acriter re-  
 vires adsunt: propugnantibus tela ministrant, saxa in mu-  
 ros munientibus gerunt. Non libertas solum agebatur,  
 quae virorum fortium tantum pectora acuit; sed ultima  
 omnium supplicia, et foeda mors ob oculos erat. Accen-  
 debantur animi et certamine laboris ac periculi, atque ipso  
 inter se conspectu. Itaque tanto ardore certamen initum  
 est, ut domitor ille totius Hispaniae exercitus, ab unius op-  
 pidi iuventute saepe repulsus a muris, haud satis decoro  
 proelio trepidaret. Id ubi vidit Scipio, veritus, ne vanis  
 conatibus suorum et hostibus cresceret animus, et segnior  
 miles fieret, sibimet conandum ac partem periculi capes-  
 sendam esse ratus, increpita ignavia militum, ferri scalas  
 iubet: se ipsum, si ceteri cunctentur, escensurum minatur.  
 Iam subierat haud mediocri periculo moenia, quum clamor  
 undique ab sollicitis vicem imperatoris militibus sublatus,  
 scalaeque multis simul partibus erigi coeptae. Et ex altera Urbs capi-  
 parte Laelius instat. Tum victa oppidanorum vis: de-  
 iectisque propugnatoribus occupantur muri. Arx etiam 20.  
 ab ea parte, qua inexpugnabilis videbatur, inter tumultum Tum etiam  
 capta est. Transfugae Afri, qui tum inter auxilia Romana arx.  
 erant, et oppidanis in ea tuenda, unde periculum videba-  
 tur, versis, et Romanis subeuntibus, qua adire poterant,  
 conspexerunt editissimam urbis partem, quia rupe praealta  
 tegebatur, neque opere ullo munitam, et ab defensoribus  
 vacuum. Levium corporum homines, et multa exercita-  
 tione perniciousum, clavos secum ferreos portantes, qua per  
 inaequaliter eminentia rupis poterant, scandunt. Sicubi  
 nimis arduum et leve saxum occurrebat, clavos per modica  
 intervalla figentes, quum velut gradus fecissent, primi se-  
 quentes extrahentes manu, postremi sublevantes eos, qui  
 praeirent, in summum evadunt. Inde decurrunt cum cla-  
 more in urbem iam captam ab Romanis. Tum vero appa-  
 ruit, ab ira et ab odio urbem oppugnatam esse. Nemo

Oppidani  
ad interne-  
cionem de-  
lentur.

nibus certa et destinata sit, adiiciunt  
 id unum referre, seu id unum super-  
 esse discrimen, quo quisque loco et  
 modo mortem oppeteret; utrum in  
 pugna et in acie, an postmodo inter  
 verbera et vincula contumeliasque  
 expirarent. CREV.

1 Sed feminas puerique] Cuivis in  
 mentem venerit egregia illa urbis

Caesaris Augustae (hod. Saragossa)  
 contra Gallos defensio, quando “dux  
 femina facti” cives suos fugatos voce  
 et opera sua ad ruinas murorum tu-  
 endas hortata est, et postremo hostem  
 elusum absistere oppugnatione coegit.

2 Sollicitis vicem imperatoris] Sol-  
 licitis de vice, de sorte, de periculo  
 imperatoris. CREV.



U. C. 546. A. C. 206. **capiendi vivos, nemo, patentibus ad direptionem omnibus, praedae memor est. Trucidant inermes iuxta atque armatos, feminas pariter ac viros: usque ad infantium caedem ira crudelis pervenit. Ignem deinde tectis iniiciunt, ac diruunt, quae incendio absumi nequeunt: adeo vestigia quoque urbis extinguere, ac delere memoriam hostium sedis, cordi est.**

Urbs incenditur.

Castulonem deditio-  
nem deditio-  
ne reci-  
pit.

Castulonem inde Scipio exercitum ducit: quam urbem non Hispani modo convenae, sed Punici etiam exercitus ex dissipata passim fuga reliquiae tutabantur. Sed adventum Scipionis praevenerat fama cladis Illiturgitanorum, terrorque inde ac desperatio invaserat; et in diversis causis, quum sibi quisque consultum sine alterius respectu vellet, primo tacita suspicio, deinde aperta discordia secessionem inter Carthaginenses atque Hispanos fecit. His Cerdubellus propalam deditio-  
nis auctor. Himilco Punici auxiliariis praeerat: quos urbemque, clam fide accepta, Cerdubellus Romano prodit. Mitior ea victoria fuit: nec tantundem noxae admissum erat, et aliquantum irae lenierat voluntaria deditio.

21.

Marcius inde in barbaros, si qui nondum perdomiti erant, sub ius ditionemque redigendos missus. Scipio Carthaginem, ad vota solvenda diis, munusque gladiatorium, quod mortis causa patris patruique paraverat, edendum, rediit. Gladiatorium spectaculum fuit non ex eo genere hominum, ex quo lanistis comparare mos est, servorum, quive venalem sanguinem habent. Voluntaria omnis et gratuita opera pugnantium fuit. Nam alii missi ab regulis sunt ad specimen insitae genti virtutis ostendendum: alii ipsi professi, se pugnaturos in gratiam ducis: alios aemulatio et certamen, ut provocarent, provocatique haud abnuerent, traxit. Quidam, quas disceptando controversias finire nequiverant, aut noluerant, pacto inter se, ut victorem res sequeretur, ferro decreverunt. Neque obscuri generis homines, sed clari illustresque, Corbis et Orsua patruales fratres, de principatu civitatis, quam Ibem vocabant, ambigentes, ferro se certaturos professi sunt. Corbis maior erat aetate. Orsuae pater princeps proxime fuerat, a fratre maiore post mortem eius principatu accepto. Quum verbis disceptare Scipio vellet, ac sedare iras; 'negatum id,' ambo dicere,

Gladiato-  
rium spe-  
ctaculum  
edit Scipio.

Corbis et  
Orsua.

3 *In diversis causis*] Alia enim Poenorum, alia oppidanorum reliquorumque Hispanorum qui ibi convenerant, causa erat atque conditio. RASCH.

4 *Servorum, quive venalem sanguinem habent*] Servorum, vel liberiorum hominum qui mercede accepta sanguinem et vitam impendunt spe-

ctantium oblectationi. Secuti sumus cum Clerico certissimam emendationem Gronovii, qui, quum optimi res habeant *servorum qui venalem sanguinem habent*, addita vocula *res* post *qui*, huic loco sanitatem restituit. CREV.

5 *Ut victorem res sequeretur*] Ut res, de qua certaretur, victoris esset.

‘communibus cognatis, nec alium deorum hominumve, U. C. 546.  
 ‘quam Martem, se iudicem habituros esse.’ Robore A. C. 206.

maior, minor flore aetatis ferox, mortem in certamine, quam ut alter alterius imperio subiiceretur, praeoptantes, quum dirimi ab tanta rabie nequirent, insigne spectaculum exercitui praebuere documentumque, quantum cupiditas imperii malum inter mortales esset. Maior usu armorum et astu facile stolidas vires minoris superavit. Huic gladiatorium spectaculo ludi funebres additi pro copia, et provinciali et castrensi apparatu.

Res interim nihilo minus ab legatis gerebantur. Mar- 22.  
 cius, superato Baete amni, quem incolae Certim appellant, Marcus  
 duas opulentas civitates sine certamine in deditionem ac- Astapam  
 cipit. Astapa urbs erat, Carthaginensium semper partis oppugnat.  
 7 neque id tam dignum ira erat, quam quod, extra necessi-  
 tates belli, praecipuum in Romanos gerebant odium. Nec  
 urbem aut situ aut munimento tutam habebant, quae ferociores iis animos faceret: sed ingenia incolarum latrocinio laeta, ut excursions in finitimum agrum sociorum populi Romani facerent, impulerant, et vagos milites Romanos lixasque et mercatores exciperent. Magnum etiam comitatum, quia paucis parum tutum fuerat, transgredientem fines, positis insidiis circumventum, iniquo loco interfece-  
 rant. Ad hanc urbem oppugnandam quum admotus exercitus esset, oppidani conscientia scelerum, quia nec deditio tuta ad tam infestos videbatur, nec spes moenibus aut armis tuendae salutis erat, facinus in se ac suos foedum ac ferum consciscunt. Locum in foro destinant, quo pretiosissima rerum suarum congererent. Super eum cumulum coniuges Astapen-  
 ac liberos considerare quum iussissent, ligna circa exstruunt, sium furor.  
 fascisque virgultorum coniiciunt. Quinquaginta deinde armatis iuvenibus praecipiunt, ‘ut, donec incertus eventus  
 ‘pugnae esset, praesidium eo loco fortunarum suarum cor-  
 ‘porumque, quae cariora fortunis essent, servarent. Si  
 ‘rem inclinatam viderent, atque in eo iam esse, ut urbs ca-  
 ‘peretur; scirent omnes, quos euntes in proelium cernerent,  
 ‘mortem in ipsa pugna obituros. Illos se per deos superos  
 ‘inferosque orare, ut memores libertatis, quae illo die aut  
 ‘morte honesta, aut servitute infami finienda esset, nihil  
 ‘relinquerent, in quod saevire iratus hostis posset. Ferrum  
 ‘ignemque in manibus esse. Amicae ac fideles potius ea,  
 ‘quae peritura essent, absumerent manus, quam insultarent  
 ‘superbo ludibrio hostes.’ His adhortationibus exsecratio

6 *Pro copia*] Pro tempore et rerum modo, apparatu qualis tam in provincia, quam in castris fieri potuit, modico. DOER.

7 *Extra necessitates belli*] Praeter id, quod necessario odium in hostes bellum excitat.

U. C. 546. dira adiecta, si quem a proposito spes mollitiave animi  
A. C. 206. flexisset. Inde concitato agmine patentibus portis ingenti  
tumultu erumpunt. Neque erat ulla satis firma statio op-  
posita; quia nihil minus, quam ut egredi moenibus aude-  
rent, timeri poterat. Perpaucae equitum turmae, levisque  
armatura repente e castris ad id ipsum emissa occurrit.  
Acrior impetu atque animis, quam compositior ullo ordine,  
pugna fuit. Itaque pulsus eques, qui primus hosti se ob-  
tulerat, terrorem intulit levi armaturae: pugnatumque sub  
ipso vallo foret, ni robur legionum, perexiguo ad instruen-  
dum dato tempore, aciem direxisset. Ibi quoque trepidatum  
parumper circa signa est, quum caeci furore in vulnera ac  
ferrum vecordi audacia ruerent. Dein vetus miles, ad-  
versus temerarios impetus pertinax, caede primorum inse-  
quentes suppressit. Conatus paullo post ultro inferre

Ad unum  
occiduntur.

23. occidit. Atque haec tamen hostium iratorum, ac tum  
maxime dimicantium, iure belli in armatos repugnantesque  
edebantur. Foedior alia in urbe trucidatio erat, quum  
turbam feminarum puerorumque imbellem inermemque  
cives sui caederent, et in succensum rogam semianima  
pleraque iniicerent corpora, riviue sanguinis flammam  
orientem restinguerent: postremo ipsi, caede miserranda  
suorum fatigati, cum armis medio se incendio iniecerunt.  
Iam caedi perpetratae victores Romani supervenerunt. Ac  
primo conspectu tam foedae rei mirabundi parumper ob-  
stupuerunt. Dein quum aurum argentumque, cumulo  
rerum aliarum interfulgens, aviditate ingenii humani,  
rapere ex igne vellent, correpti alii flamma sunt, alii an-  
busti afflatu vaporis: quum receptus primis, urgente in-  
genti turba, non esset. Ita Astapa, sine praeda militum,  
ferro ignique absumpta est. Marcius, ceteris eius regionis  
metu in deditionem acceptis, victorem exercitum Cartha-  
ginem ad Scipionem reduxit.

Pueri et fe-  
minae a  
suis in urbe  
trucidati.

Gaditani  
perfugae.

Per eos ipsos dies perfugae a Gadibus venerunt, polli-  
centes, urbem Punicumque praesidium, quod in ea urbe  
esset, et imperatorem praesidii cum classe prodituros esse.  
Mago ibi ex fuga substiterat, navibusque in Oceano col-  
lectis, aliquantum auxiliorum et trans fretum ex Africa  
ora, et ex proximis Hispaniae locis per Hannonem prae-

8 *Ultro inferre pedem*] sc. Impetu  
infestis signis dato eos pellere cona-  
bantur.

9 *Atque haec tamen*] Atque haec

hostium erant iratorum ac tum ma-  
xime dimicantium facta, atrociam qui-  
dem, sed tamen iure belli edita in  
armatos repugnantesque. Cæv.

fectum coegerat. Fide accepta dataque perfugis, et Marcius U. C. 546.  
eo cum expeditis cohortibus, et Laelius cum septem trire- A. C. 206.  
mibus, quinquerei una, est missus, ut terra marique com-  
muni consilio rem gererent.

Scipio ipse gravi morbo implicitus, graviore tamen fama, 24.  
quum ad id quisque, quod audierat, insita hominum libidine Scipionis  
alendi de industria rumores, adiiceret aliquid, provinciam morbus.  
omnem ac maxime longinqua eius turbavit: apparuitque,  
quantam excitatura molem vera fuisset clades, quum vanus  
rumor tantas procellas excivisset. Non socii in fide, non  
exercitus in officio mansit. Mandonius et Indibilis, quibus,  
quia regnum sibi Hispaniae, pulsus inde Carthaginensibus,  
destinarant animis, nihil pro spe contigerat, concitatis po-  
pularibus (Lacetani autem erant) et iuventute Celtiberorum  
excita, agrum Suessetanum Sedetanumque sociorum populi  
Romani hostiliter depopulati sunt. Civilis alius furor in Seditio ex-  
castris ad Sucronem ortus. Octo ibi millia militum erant; exercitus ad  
praesidium gentibus, quae cis Iberum incolunt, impositum. Sucronem.  
Motae autem eorum mentes sunt non tum primum, quum  
de vita imperatoris dubii rumores allati sunt; sed iam ante,  
licentia ex diutino, ut fit, otio collecta, et nonnihil, quod  
in hostico laxius raptu suetis vivere artiores in pace res  
erant. Ac primo sermones tantum occulti serebantur, 'si  
'bellum in provincia esset, quid sese inter pacatos facere?  
'si debellatum iam et confecta provincia esset, cur in  
'Italiam non revehi?' Flagitatum quoque stipendium  
procacius, quam ex more et modestia militari, erat: et ab  
custodibus probra in circumeuntes vigilas tribunos iacta:  
et noctu quidam praedatum in agrum circa pacatum ierant:  
postremo interdiu ac propalam sine commeatu ab signis  
abibant. Omnia libidine ac licentia militum, nihil instituto  
ac disciplina militiae, aut imperio eorum, qui praeerant,  
gerebatur. Forma tamen Romanorum castrorum consta-

1 *Lacetani autem erant*] Mirum quod hic soli Lacetani nominentur tanquam populares Mandonii et Indibilis, quum et supr. xxvi. 49. Indibilis dicatur regulus Ilergetum, et infr. xxix. 2. etiam Ilergetem eum vocet Livius, passim denique Ilergetes videantur proprius fuisse Indibilis et Mandonii miles. Fortasse nominis eorum deformata quaedam remanent vestigia in voce *autem*, quae nullo modo hic necessaria est; ac scripserit Livius *Lacetani et Ilergetes erant*. Certe coniunguntur hi populi, infr. 27. et 34. CREV.

2 *Dubii rumores allati sunt*] Vocem *rumores* libri scripti ignorant.

Hinc Gronovius *dubie allatum est* legendum esse suspicatur, quod Bekkerus reposuit. Verum haec oratio paullum durior esset.

3 *Et nonnihil, quod*] Aliqua etiam ex parte id valuerat ad movendas et deflectendas a sanitate illorum mentes, quod in hostili agro prius assueti laxius et liberius vivere ex iis quae rapiebant, tum, quum in sociorum agro essent, minus commode, minus laxo vivebant. CREV.

4 *Ac primo sermones*] Quisquis hoc dedit, non male consuluit sensui. Sed scripti, *primores*, vel *primo res*. CREV. *Primo rumores* ex emendatione Gronov. recepit Bekker.

U. C. 546. bat una ea spe, quod tribunos ex contagione furoris haud  
 A. C. 206. expertes seditionis defectionisque rati fore, et iura reddere  
 in principiis sinebant, et signum ab iis petebant, et in sta-  
 tiones ac vigilias in ordinem ibant: et, ut vim imperii ab-  
 stulerant, ita speciem dicto parentium, ultro sibi impe-  
 rantes, servabant. Erupit deinde seditio, postquam repre-  
 hendere atque improbare tribunos ea, quae fierent, et  
 conari obviam ire, et propalam abnuere, furoris eorum se  
 futuros socios, senserunt. Fugatis itaque ex principiis, ac  
 post paullo e castris tribunis, ad principes seditionis, grega-  
 rios milites, C. Albius Calenum et C. Atrium Umbro,  
 delatum omnium consensu imperium est. Qui, nequaquam  
 tribuniciis contenti ornamentis, insignia etiam summi im-  
 perii, fasces securesque, attrectare ausi: neque venit in  
 mentem, suis tergis suisque cervicibus virgas illas secures-  
 que imminere, quas ad metum aliorum praeferrent. Mors  
 Scipionis falso credita occaecabat animos: sub cuius vul-  
 gatam mox famam non dubitabant totam Hispaniam arsa-  
 ram bello. In eo tumultu et sociis pecunias imperari, et  
 diripi propinquas urbes posse: et, turbatis rebus, quum  
 omnia omnes auderent, minus insignia fore, quae ipsi fe-  
 cissent. Quum alios subinde recentes nuntios, non mortis  
 modo, sed etiam funeris, exspectarent, neque superveniret  
 quisquam, evanesceretque temere ortus rumor; tum primi  
 auctores requiri coepti: et, subtrahente se quoque, ut cre-  
 didisse potius temere, quam finxisse, rem talem videri pos-  
 set, destituti duces iam sua ipsi insignia, et pro vana  
 imagine imperii, quod gererent, veram iustamque mox in  
 se versuram potestatem horrebant. Stupente ita seditione,  
 quum vivere primo, mox etiam valere Scipionem, certi  
 auctores afferrent, tribuni militum septem ab ipso Scipione  
 missi sunt. Ad quorum primum adventum exasperati  
 animi; mox, ipsis placido sermone permulcentibus notos,  
 cum quibus congressi erant, leniti sunt. Circumeuntes  
 enim tentoria primo, deinde in principiis praetorioque, ubi  
 sermones inter se serentium circulos vidissent, alloqueban-  
 tur, percunctantes magis, quae causa irae consternationisque:  
 subitae foret, quam factum accusantes. Vulgo ‘stipendium  
 ‘non datum ad diem’ iactabatur: ‘et, quum eodem tem-  
 ‘pore, quo scelus Illiturgitanorum exstisset, post duorum  
 ‘imperatorum duorumque exercituum stragem, sua virtute  
 ‘defensum nomen Romanum ac retenta provincia esset:

Tribuni  
 militum a  
 Scipione  
 ad seditio-  
 nes missi.

Permul-  
 cent eos  
 placido  
 sermone.

5 *In principiis*] Principia instar  
 fori castrorum erant. Ibi imperatores,  
 legati, tribuni militum tendebant. Ibi  
 signa militaria reposita, conciones ha-  
 bitae sunt, ibi iudicia exercebantur,

tesserae dabantur. RASCHIG.

6 *In ordinem*] Secundum prae-  
 scriptum cuique ordinem. DOMA.

7 *Consternationisque*] Subiti ta-  
 multus. cf. infr. xxiv. 2.

‘ Illiturgitanos poenam noxae meritam habere ; suis recte  
 ‘ factis gratiam qui exsolvat, non esse. Talia querentes  
 ‘ aequa orare, seque ea relatu-<sup>U. C. 546.</sup>ros ad imperatorem,’ respon-<sup>A. C. 206.</sup>debant. ‘ Laetari, quod nihil tristius, nec insanabilius  
 ‘ esset: et P. Scipionem deum benignitate, et rempublicam  
 8 ‘ esse gratiae referendae.’ Scipionem bellis assuetum, ad  
 seditionum procellas rudem, sollicitum habebat res, ne aut  
 exercitus peccando, aut ipse puniendo, modum excederet.  
 In praesentia, ut coepisset, leniter agi placuit, et, missis  
 circa stipendiarias civitates exactoribus, stipendii spem pro-  
 pinquam facere. Edictum subinde propositum, ut ad sti-<sup>Seditiosi</sup>  
 pendium petendum convenirent Carthaginem; seu carptim<sup>iubentur</sup>  
 partes, seu universi mallent. Tranquillam seditionem, iam<sup>venire Car-</sup>  
 per se languescentem, repentina quies rebellantium Hispa-<sup>thaginem.</sup>  
 norum fecit. Redierant enim in fines, omisso incepto,  
 Mandonius et Indibilis, postquam vivere Scipionem alla-  
 tum est: nec iam erat aut civis, aut externus, cum quo  
 9 furorem suum consociarent. Omnia circumspectantes con-  
 silia nihil reliqui habebant, praeter non tutissimum a malis  
 consiliis receptum, ut imperatoris vel iustae irae, vel non  
 desperandae clementiae sese committerent. Etiam hostibus  
 eum ignovisse, cum quibus ferro dimicasset. Suam sedi-  
 tionem sine vulnere, sine sanguine fuisse: nec ipsam atro-  
 cem, nec atroci poena dignam: ut ingenia humana sunt ad  
 suam cuique levandam culpam nimio plus facunda. Illa  
 dubitatio erat, singulaene cohortes, an universi, ad stipen-  
 dium petendum irent. Inclinavit sententia, quod tutius  
 censebant, universos ire.

Per eosdem dies, quibus haec illi consultabant, consilium 26.  
 de iis Carthagini erat: certabaturque sententiis, utrum in  
 auctores tantum seditionis (erant autem hi numero haud  
 plus, quam quinque et triginta) animadverteretur, an plu-  
 rium supplicio vindicanda tam foedi exempli defectio ma-  
 gis, quam seditio, esset. Vicit sententia lenior, ut, unde  
 orta culpa esset, ibi poena consisteret: ad multitudinem  
 1 castigationem satis esse. Consilio dimisso, ut id actum  
 videretur, expeditio adversus Mandonium Indibilemque<sup>Expeditio</sup>  
 edicitur exercitui, qui Carthagine erat, et cibaria dierum<sup>in Laceta-</sup>  
 aliquot parare iubentur. Tribunis septem, qui et antea<sup>nos edici-</sup>  
 Sucronem ad leniendam seditionem ierant, obviam exer-  
 citui missis, quina nomina principum seditionis edita sunt;

8 *Esse gratias referendas*] *Esse*  
 cum dativo gerundii iunctum passim  
 apud Livium obviam est. cf. supr.  
 iv. 35. *sitne aliquis ferendo honori.*  
 infr. xxx. 9. Cic. ad Diversa. iii. 8.  
 RASCHIG.

9 *Circumspectantes consilia*] *Con-*

*silia*, quam vocem codices habent,  
 auctore Gronovio, delevit Bekker.

1 *Ut id actum videretur, expedi-*  
*tio*] Edicitur expeditio adversus Man-  
 donium et Indibilem, ut de ea re ac-  
 tum esse videretur in consilio, non de  
 seditione Sucronensi. CREV.



U. C. 546. ut eos, per idoneos homines benigno vultu ac sermone in  
 A. C. 206. hospitium invitatos sopitosque vino, vincirent. Haud  
 procul iam Carthagine aberant, quum ex obviis auditum:  
 postero die omnem exercitum cum M. Silano in Lacetanos  
 proficisci, non metu modo omni, qui tacitus insidebat  
 animis, liberavit eos, sed laetitiam ingentem fecit: quod  
 magis habituri solum imperatorem, quam ipsi futuri in  
 potestate eius essent. Sub occasum solis urbem ingressi  
 sunt, exercitumque alterum parantem omnia ad iter vide-  
 runt. Excepti sermonibus de industria compositis, 'lae-  
 'tum opportunumque adventum eorum imperatori esse,  
 'quod sub ipsam profectionem alterius exercitus venissent,  
 corpora curant. A tribunis sine ullo tumultu auctores se-  
 ditionis, per idoneos homines perducti in hospitia, compre-  
 hensi ac vincti sunt. Vigilia quarta impedimenta exerci-  
 tus, cuius simulabatur iter, proficisci coepere. Sub lucem  
 signa mota, et ad portam retentum agmen, custodesque  
 circa omnes portas missi, ne quis urbe egrederetur. Vocati  
 deinde ad concionem, qui pridie venerant, ferociter in fo-  
 rum ad tribunal imperatoris, ut ultro territuri succlamatio-  
 nibus, concurrunt. Simul et imperator in tribunal escen-  
 dit, et reducti armati a portis inermi se concioni ab tergo  
 circumfuderunt. Tum omnis ferocia concidit, et, ut postea  
 fatebantur, nihil aeque eos terruit, quam praeter spem robur  
 et color imperatoris, quem affectum visuros crediderant,  
 vultusque, qualem ne in acie quidem aiebant meminisse.  
 Sedit tacitus paullisper, donec nuntiatum est, deductos in  
 forum auctores seditionis, et parata iam omnia esse. Tum,  
 silentio per praeconem facto, ita coepit: 'Nunquam mihi  
 'defuturam orationem, qua exercitum meum alloquerer.  
 'credidi: non quo verba unquam potius, quam res, exer-  
 'cuerim; sed quia prope a pueritia in castris habitus, assu-  
 'eram militaribus ingeniis. Ad vos quemadmodum loquar,  
 'nec consilium, nec oratio suppeditat: quos ne quo nomine  
 'quidem appellare debeam, scio. Cives? qui a patria res-  
 'tra descistis: an milites? qui imperium auspiciumque  
 'abnuistis, sacramenti religionem rupistis: hostes? cor-  
 'pora, ora, vestitum, habitum civium agnosco: facta, dicta,  
 'consilia, animos hostium video. Quid enim vos, nisi  
 'quod Ilergetes et Lacetani, aut optastis aliud, aut spera-  
 'stis? Et illi tamen Mandonium atque Indibilem, reginae  
 'nobilitatis viros, duces furoris secuti sunt: vos auspicium

Compre-  
henduntur  
seditionis  
auctores.

27.  
Oratio Sci-  
pionis ad  
seditiosos.

2 *Auditum . . . liberavit . . . fecit]*  
*Auditum* est in recto casu, et refertur  
 ad verba sequentia *liberavit . . . fecit*.  
 Nuntius ex obviis acceptus, nempe,  
 exercitum omnem postero die profi-

cisci, non liberavit modo eos omni  
 metu, sed et laetitiam ingentem fecit.  
 Hanc loquendi formam videtur ad-  
 amasse Livius. Vid. supr. i. 53. c.  
 xxvii. 45. CREV.



et imperium ad Umbrum Atrium et Calenum Albium U. C. 546.  
 detulistis. Negate, vos id omnes fecisse, aut factum vo- A. C. 206.  
 luisse, milites: paucorum eum furorem atque amentiam  
 esse, libenter credam negantibus. Nec enim ea sunt  
 commissa, quae vulgata in omnem exercitum sine piaculis  
 ingentibus expiari possint. Invitus ea, tanquam vulnera,  
 attingo: sed nisi tacta tractataque sanari non possunt.  
 Equidem, pulsus Hispania Carthaginiensibus, nullum lo-  
 cum tota provincia, nullos homines credebam esse, ubi  
 vita invisae esset mea. Sic me non solum adversus socios  
 gesseram, sed etiam adversus hostes. In castris eni me  
 (quantum me opinio fefellit!) fama mortis meae non ac-  
 cepta solum, sed etiam expectata est. Non quod ego  
 vulgari facinus per omnes velim. Equidem si totum ex-  
 ercitum meum in mortem mihi optasse crederem, hic statim  
 ante oculos vestros morerer; nec me vita iuvaret, invisae  
 civibus et militibus meis. Sed multitudo omnis, sicut na-  
 tura maris, per se immobilis est, venti et aurae cident; ita  
 aut tranquillum, aut procellae in vobis sunt: et causa  
 atque origo omnis furoris penes auctores est; vos conta-  
 gione insanistis. Qui mihi ne hodie quidem scire vide-  
 mini, quo amentiae progressi sitis; quid facinoris in me,  
 quid in patriam parentesque ac liberos vestros, quid in  
 deos, sacramenti testes, quid adversus auspicia, sub quibus  
 militatis, quid adversus morem militiae disciplinamque  
 maiorum, quid adversus summi imperii maiestatem ausi  
 sitis. De me ipso taceo. Temere potius, quam avide,  
 credideritis. Denique ego sim, cuius imperii taedere ex-  
 ercitum minime mirandum sit. Patria quid de vobis me-  
 ruerat, quam cum Mandonio et Indibili consociando con-  
 silia prodebatis? Quid populus Romanus, quum impe-  
 3 rium, ablatum ab tribunis suffragio populi creatis, ad  
 homines privatos detulistis? quum, eo ipso non contenti,  
 si pro tribunis illos haberetis, fasces imperatoris vestri ad  
 eos, quibus servus, cui imperarent, nunquam fuerat, Ro-  
 manus exercitus detulistis. In praetorio tetenderunt Al-  
 bius et Atrius: classicum apud eos cecinit; signum ab iis  
 4 petatum est: sederunt in tribunali P. Scipionis: lictor  
 5 apparuit: summoto incesserunt: fasces cum securibus

3 *Ab tribunis suffragio populi cre-  
 atis]* Cave inde inferas tribunos mili-  
 tum omnes per haec tempora a po-  
 pulo creatos. Contrarium enim con-  
 stat supr. xxvii. 36. Sed Livius ora-  
 torie rem auget, ut atrocius videatur  
 militum facinus, si tribunis eam po-  
 testatem ademerint, quam populus  
 eis mandaverat. CREV.

4 *Lictor apparuit]* Lictor illis mi-  
 nister imperii fuit. Vid. supr. ii. 55.  
 CREV.

5 *Summoto incesserunt]* *Summoto  
 incedere* dicebantur magistratus Ro-  
 mani, quum inter frequentiam homi-  
 num, lictorum ministerio et animad-  
 versione cedere locumque dare ius-  
 sam, progrediebantur. CREV.

- U. C. 546. 'praelati sunt. Lapides pluere, et fulmina iaci de coelo:  
 A. C. 206. 'et insuetos foetus animalia edere, vos portenta esse puta-  
 'tis: hoc est portentum, quod nullis hostiis, nullis suppli-  
 'cationibus, sine sanguine eorum, qui tantum facinus ausi  
 28. 'sunt, expiari possit. Atque ego, quanquam nullum scelus  
 'rationem habet, tamen, ut in re nefaria, quae mens, quod  
 'consilium vestrum fuerit, scire velim. Rhegium quondam  
 'in praesidium missa legio, interfectis per scelus principi-  
 'bus civitatis, urbem opulentam per decem annos tenuit.  
 'Propter quod facinus tota legio, millia hominum quattuor,  
 'in foro Romae securi percussi sunt. Sed illi primum, non  
 'Atrium Umbrum semilixam, nominis etiam abominandi  
 'ducem, sed Decium Iubellium tribunum militum secuti  
 'sunt: nec cum Pyrrho, nec cum Samnitibus aut Lucanis  
 'hostibus populi Romani, se coniunxerunt. Vos cum  
 'Mandonio et Indibili consilia communicastis, et arma  
 'consociaturi fuistis. Illi, sicut Campani Capuam, Tuscis  
 'veteribus cultoribus ademptam, Mamertini in Sicilia Mes-  
 'sanam, sic Rhegium habituri perpetuam sedem erant:  
 'nec populum Romanum, nec socios populi Romani ultro  
 'laccessituri bello. Sucronemne vos domicilium habituri er-  
 'tis? ubi si vos decedens confecta provincia imperator re-  
 'linquerem, deum hominumque fidem implorare debebatis  
 'quod non rediretis ad coniuges liberosque vestros. Sed  
 'horum quoque memoriam, sicut patriae meique, eieceritis

6 *Fulmina iaci de coelo*] In templa et aedes. Hinc toties in prodigiorum enumeratione mentio fit aedium de coelo tactarum. CREV.

7 *Interfectis per scelus principibus civitatis*] Finxerat enim Decius, praefectus praesidii Rhegio a Fabricio impositus, literas sibi delatas esse, in quibus Rhegini Pyrrho portas se patefacturos sponderent, atque hac ansa captata Rheginorum principes interemerat. cf. Dion. Exc. Vat. xii. 60.

8 *Millia hominum quattuor*] Quattuor millia et quingentos fuisse scribit Dionysius in Exc. Vat. xii. 67. Sed Polybii opinio verisimilior videtur, qui legionis Campanae partem maximam in ipsa Rhegii expugnatione a Romanis caesam narrat, cf. i. 7. amplius autem trecentos milites captos Romanque missos atque ibidem necatos. Sane et eo paene decennio, quod ab occupato per scelus Rhegio ad sontium supplicium effluxit, multi ex illa legione periisse videntur, praesertim quum et Crotonem eo intervallo ceperint, ibique Romanos tru-

cidaverint, teste Zonara viii. 6. 1. MAIUS.

9 *Tribunum militum*] Quem Campanum fuisse scribit Dionysius Exc. Vat. xii. 60. Verum legio haec Campana, quae a Romanis defecerat, Romanis legionibus annumerata erat, et *octava legio*, atque idcirco Decius non praefectus sociorum, quippe milites sui non inter *auxilia* erant, sed tribunus militum appellatur. cf. Orosius iv. 3. Niebhr. ii. n. 112.

1 *Sicut Campani Capuam*] Vid. nostrum, supr. iv. 37.

2 *Mamertini in Sicilia Messan*] Mamertini e Campania oriundi fuer. ab Agathocle Syracusanorum rege in auxilium evocati. Ii quum a Messanensibus pro amicis excepti fuissent, civibus trucidatis aut eiectis, urbem occupaverunt, atque eius postea possessionem semper tenuerunt: nec urbis nomine mutato, quae Messam vocari non desiit, suum et ipsi nomen servaverunt, semperque dicti fuer. Mamertini. cf. Polyb. i. 1. CUVIER.

3 ' ex animis vestris. Viam consilii scelerati, sed non ad ulti- U. C. 546.  
 ' mum dementis, exsequi volo. Mene vivo, et cetero incolumi A. C. 206.  
 ' exercitu, cum quo ego die uno Carthaginem cepi, cum  
 4 ' quo quattuor imperatores, quattuor exercitus Carthagi-  
 ' niensium fudi, fugavi, Hispania expuli, vos octo millia  
 ' hominum, minoris certe omnes pretii, quam Albius et  
 ' Atrius sunt, quibus vos subiecistis, Hispaniam provinciam  
 ' populo Romano erepturi eratis? Amolior et amoveo no-  
 5 ' men meum. Nihil ultra facile creditam mortem meam a  
 ' vobis violatus sim. Quid? si ego morerer, mecum exspi-  
 ' ratura respublica, mecum casurum imperium populi Ro-  
 ' mani erat? ne istuc Iupiter optimus maximus sirit, urbem,  
 ' auspicato diis auctoribus in aeternum conditam, fragili  
 ' huic et mortali corpori aequalem esse. Flamini, Paulo,  
 ' Graccho, Postumio Albino, M. Marcello, T. Quinctio Cris-  
 ' pino, Cn. Fulvio, Scipionibus meis, tot tam praeclaris impe-  
 ' ratoribus uno bello absumptis, superstes est populus Roma-  
 ' nus, eritque, mille aliis nunc ferro, nunc morbo morienti-  
 6 ' bus: meo unius funere elata populi Romani esset respu-  
 ' blica? Vos ipsi hic in Hispania, patre et patruo meo, duobus  
 7 ' imperatoribus, interfectis, Septimum Marcium ducem vo-  
 ' bis adversus exsultantes recenti victoria Poenos delegistis:  
 ' et sic loquor, tanquam sine duce Hispaniae futurae fue-  
 ' rint? M. Silanus, eodem iure, eodem imperio mecum in  
 ' provinciam missus, L. Scipio frater meus, et C. Laelius,  
 ' legati, vindices maiestatis imperii deessent? Utrum ex-  
 ' ercitus exercitui, an duces ducibus, an dignitas, an causa  
 ' comparari poterat? quibus si omnibus superiores essetis,  
 ' arma cum Poenis contra patriam, contra cives vestros fer-  
 ' retis? Africam Italiae, Carthaginem urbi Romanae im-  
 ' perare velletis? Quam ob noxam patriae? Coriolanum  
 ' quondam damnatio iniusta, miserum et indignum exsi-  
 ' lium, ut iret ad oppugnandam patriam, impulit: revoca-  
 8 ' vit tamen a publico parricidio privata pietas. Vos qui  
 ' dolor, quae ira incitavit? Stipendiumne diebus paucis

29.

3 *Viam consilii . . . exsequi*] *Viam exsequi* est rationem expendere. Haec est mens Scipionis. Expendendo consilium vestrum, velim illud reperire eiusmodi, ut, etsi sceleratum et nefarium, non tamen sit ad ultimum demens. CREV.

4 *Quattuor imperatores*] Hasdrubales duos, Hamilcaris et Gisgonis filios, Magonem Hamilcaris, et Hannonem, qui Hasdrubali in Italiam profecto suffectus erat. SIGON.

5 *Nihil ultra facile creditam*] Esto: nulla alia in re a vobis violatus sim, quam quod facile mortem meam

credidistis; nec deliberatum habueritis arma adversus me imperatorem vestrum ferre. CREV.

6 *Meo unius funere elata*] Mecum sepulta. *Efferri* est verbum proprium de funeribus. *Effertur, imus.* apud Ter. in Andr. cf. supr. xxii. 10.

7 *Septimum Marcium*] Nomen integrum huius Marcii occurrit infr. xxxii. 2. ubi vocatur L. Marcus Septimus. Itaque *Septimus* est eius cognomen. CREV.

8 *Privata pietas*] cf. Supr. ii. 39, 40.

U. C. 546. 'imperatore aegro serius numeratum satis digna causa fuit.  
 A. C. 206. 'cur patriae indiceretis bellum? cur ad Ibergetes desciscere-  
 'retis a populo Romano? cur nihil divinarum humana-  
 'rumve rerum inviolatum vobis esset? Insanistis profecto,  
 'milites: nec maior in corpus meum vis morbi, quam in  
 'vestras mentes, invasit. Horret animus referre, quid cre-  
 'diderint homines, quid speraverint, quid optaverint. Au-  
 'ferat omnia irrita oblivio, si potest: si non, utcumque si-  
 'lentium tegat. Non negaverim, tristem atrocemque vobis  
 'visam orationem meam; quanto creditis facta vestra atro-  
 'ciora esse, quam dicta mea? et me ea, quae fecistis, pati  
 'aequum censetis: vos ne dici quidem omnia aequo animo  
 'ferretis? Sed ne ea quidem ipsa ultra exprobrabuntur.  
 'Utinam tam facile vos obliviscamini eorum, quam ego  
 'obliviscar. Itaque, quod ad vos universos attinet, si erroris  
 'poenitet, satis superque poenarum habeo. Albius Cale-  
 'nus, et Atrius UMBER, et ceteri nefariae seditionis aucto-  
 'res, sanguine luent, quod admiserunt. Vobis supplicii  
 'eorum spectaculum non modo non acerbum, sed laetum  
 'etiam, si sana mens rediit, debet esse. De nullis enim,  
 'quam de vobis, infestius aut inimicius consuluerunt.' Vix  
 finem dicendi fecerat, quum ex praeparato simul omnium  
 rerum terror oculis auribusque est offusus. Exercitus, qui  
 corona concionem circumdederat, gladiis ad scuta concre-  
 puit: praeconis audita vox citantis nomina damnatorum  
 in consilio. Nudi in medium protrahebantur: et simul  
 omnis apparatus supplicii expromebatur. Deligati ad pa-  
 lum, virgisque caesi, et securi percussi, adeo torpentibus  
 metu, qui aderant, ut non modo ferocior vox adversus  
 atrocitatem poenae, sed ne gemitus quidem, exaudiretur.  
 Tracti inde de medio omnes, purgatoque loco citati milites:  
 nominatim apud tribunos militum in verba P. Scipionis  
 iurarunt, stipendiumque ad nomen singulis persolutum est.  
 Hunc finem exitumque seditio militum coepta apud Su-  
 cronem habuit.

Duces se-  
 ditionis  
 poenas  
 dant.

30.  
 Hanno  
 praefectus  
 Magonis a  
 Marcio fu-  
 sus.

Per idem tempus ad Baetim fluvium Hanno, praefectus  
 Magonis, missus a Gadibus, cum parva manu Afrorum,  
 mercede Hispanos sollicitando ad quattuor millia iuvenum  
 armavit. Castris deinde exutus ab L. Marcio, maxima  
 parte militum inter tumultum captorum castrorum, qui-  
 busdam etiam in fuga amissis, palatos persequente equite,  
 cum paucis ipse effugit.

Dum haec ad Baetim fluvium geruntur, Laelius interim  
 freto in Oceanum evectus, ad Carteiam classe accessit.  
 Urbs ea in ora Oceani sita est, ubi primum e faucibus an-

9 De medio omnes] Eorum scilicet, cf. Polyb. xi. 28. ubi res totidem fer-  
 qui securi percussi fuerant, corpora, verbis narratur.

gustis panditur mare. Gades, sine certamine, proditiōe U. C. 546.  
 recipiendi, ultro qui eam rem pollicerentur, in castra Ro- A. C. 206.  
 mana venientibus, spes, sicut ante dictum est, fuerat. Pate-  
 facta immatura proditiō est, comprehensosque omnes Mago  
 Adherbali praetori Carthaginem devehendos tradit. Ad-  
 herbal, coniuratis in quinqueremem impositis, praemissaque  
 ea, quia tardior, quam triremis, erat, ipse cum octo trire-  
 mibus modico intervallo sequitur. Iam fretum intrabat Adherbalis  
 quinqueremis, quum Laelius, et ipse in quinqueremi e et Laelii  
 portu Carteiae, sequentibus septem triremibus, evectus, in pugna in  
 Adherbalem ac triremes invehitur, quinqueremem satis cre- ipso freto.  
 dens deprensam rapido in freto, in adversum aestum reci-  
 procari non posse. Poenus in re subita parumper incertus  
 trepidavit, utrum quinqueremem sequeretur, an in hostes  
 rostra converteret. Ipsa cunctatio facultatem detrectandae  
 pugnae ademit. Iam enim sub ictu teli erant, et undique  
 instabant hostes. Aestus quoque arbitrium moderandi  
 naves ademerat. Neque erat navali pugna similis: quippe  
 ubi nihil voluntarium, nihil artis aut consilii esset. Una  
 natura freti, aestusque totius certaminis potens, suis, alienis  
 navibus nequicquam remigio in contrarium tendentes inve-  
 hebat, ut fugientem navem videres retro vortice intortam  
 victoribus illatam; et sequentem, si in contrarium tractum  
 incidisset maris, fugientis modo sese avertentem. Iam in  
 ipsa pugna haec, quum infesto rostro peteret hostium na-  
 vem, obliqua ipsa ictum alterius rostri accipiebat: illa,  
 quum transversa obiiceretur hosti, repente intorta in pro-  
 ram circumagebatur. Quum inter triremes, fortuna re-  
 gente, anceps proelium misceretur, quinqueremis Romana,  
 seu pondere tenacior, seu pluribus remorum ordinibus  
 scindentibus vortices, quum facilius regeretur, duas triremes  
 suppressit, unius praelata impetu lateris alterius remos de-  
 tersit: ceterasque, quas indepta esset, mulcasset, ni cum  
 reliquis quinque navibus Adherbal velis in Africam trans-  
 misisset.

Laelius, victor Carteiam revectus, auditis, quae acta Ga- 31.  
 dibus erant, patefactam proditiōem, coniuratosque missos Laelius et  
 Carthaginem, spem ad irritum redactam, qua venissent, Marcus  
 nuntiis ad L. Marcium missis, nisi si terere frustra tempus redeunt ad  
 Scipionem.

1 *Proditionis recipiendi*] *Per pro-*  
*ditionem*, quod Sigonius veteres libros  
 prae se ferre testatur, reposuit Bek-  
 ker.

2 *In adversum aestum reciprocari*] *Circumagi*, et retro adversus contrarii  
 aestūs vim auxilio ire triremibus so-  
 ciis. CREV.

3 *Unius praelata impetu*] Romana

quinqueremis unius hostilium trire-  
 mium, dum proxime illam impetu  
 praetervehitur, confregit, quotquot ab  
 illo latere habebat, remos. GRONOV.

4 *Nisi si terere*] Vocem *si* omit-  
 tunt aliqui editi, sed perperam, quo-  
 niam saepius particulas *nisi si* con-  
 iunctas apud nostrum videris. cf.  
 supr. vi. 26. xxvi. 3.

U. C. 546. sedendo ad Gades vellent, redeundum ad imperatorem  
 A. C. 206. esse, assentiente Marcio, paucos post dies ambo Carthaginiem rediere. Ad quorum discessum non respiravit modo Mago, quum terra marique ancipiti metu urgeretur; sed etiam, audita rebellione Ilergetum, spem recuperandae Hispaniae nactus, nuntios Carthaginem ad senatum mittit, qui, simul seditionem civilem in castris Romanis, simul defectionem sociorum in maius verbis extollentes, hortarentur, ut auxilia mitterent, quibus traditum a patribus imperium Hispaniae repeti posset.

Mandonius  
 et Indibilis  
 copias contrahunt.

32. Mandonius et Indibilis, in fines regressi, paullisper, dum, quidnam de seditione statueretur, scirent, suspensi quieverunt; si civium errori ignosceretur, non diffidentes sibi quoque ignosci posse. Postquam vulgata est atrocitas supplicii, suam quoque noxam pari poena aestimatam rati, vocatis rursus ad arma popularibus, contractisque, quae ante habuerant, auxiliis, in Sedetanum agrum, ubi principio defectionis stativa habuerant, cum viginti millibus peditum, duobus millibus equitum et quingentis transcederunt. Scipio, quum fide solvendi pariter omnibus noxiis innoxiiisque stipendii, tum vultu ac sermone in omnes placato, facile reconciliatis militum animis, priusquam castra ab Carthagine moveret, concione advocata, multis verbis in perfidiam rebellantium regulorum invectus, ‘nequaquam eodem animo se ire’ professus est ‘ad vindicandum id scelus, quo civilem errorem nuper sanaverit. Tum se, haud secus quam viscera secantem sua, cum gemitu et lacrimis triginta hominum capitibus expiasse octo millium seu imprudentiam, seu noxam: nunc laeto et erecto animo ad caedem Ilergetum ire. Non enim eos, neque natos in eadem terra, nec ulla secum societate iunctos esse: eam, quae sola fuerit, fidei atque amicitiae, ipsos per scelus rupisse. In exercitu suo se, praeterquam quod omnes cives, aut socios Latinique nominis videat, etiam eo moveri, quod nemo fere sit miles, qui non aut a patruo suo Cn. Scipione, qui primus Romani nominis in eam provinciam venerit, aut a patre consule, aut a se sit ex Italia advectus. Scipionum nomini auspiciisque omnes assuetos, quos secum in patriam ad meritum triumphum deducere velit: quos consulatum petenti, velut si omnium communis agatur honos, affuturos speret. Quod ad expeditionem attineat, quae instet, immemorem esse rerum suarum gestarum, qui id bellum ducat. Magonis, hercule,

Oratio Scipionis ad milites.

5 *Suam quoque noxam*] Discrimen inter *noxam* et *noxiam* ita constituit Oudendorp. ad Sueton. Caes. 81. scilicet *noxiam* vere adiectivum, sub.

*culpam* vel *rem*, semper significat culpam, peccatum; *noxam* vero culpae poenam.

6 *Qui id bellum ducat*] Si quis



‘ sibi, qui extra orbem terrarum in circumfusam Oceano U. C. 546.  
 ‘ insulam cum paucis perfugerit navibus, maiorem curam A. C. 206.  
 ‘ esse, quam Ilergetum. Quippe illic et ducem Cartha-  
 ‘ giniensem, et quantumcunque Punicum praesidium esse :  
 ‘ hic latrones, latronumque duces : quibus ut ad popu-  
 ‘ landos finitimorum agros, tectaque urenda, et rapienda  
 ‘ pecora aliqua vis sit, ita in acie ac signis collatis nullam  
 ‘ esse. Magis velocitate ad fugam, quam armis fretos, pu-  
 ‘ gnaturos esse. Itaque non, quod ullum inde periculum,  
 ‘ aut semen maioris belli videat, ideo se, priusquam pro-  
 ‘ vincia decedat, opprimendos Ilergetes duxisse : sed pri-  
 ‘ mum, ne impunita tam scelerata defectio esset : deinde,  
 ‘ ne quis in provincia, simul virtute tanta et felicitate per-  
 ‘ domita, relictus hostis dici posset. Proinde deis bene  
 ‘ iuvantibus sequerentur, non tam ad bellum gerendum,  
 ‘ (neque enim cum pari hoste certamen esse) quam ad ex-  
 ‘ petendas ab hominibus scelestis poenas.’

Ab hac oratione dimissos ad iter se comparare in diem 33.  
 posterum iubet, profectusque decimis castris pervenit ad  
 7 Iberum flumen. Inde, superato amni, die quarto in con-  
 spectu hostium posuit castra. Campus ante montibus circa  
 saeptus erat. In eam vallem Scipio quum pecora, rapta  
 pleraque ex hostium agris, propelli ad irritandam feritatem  
 barbarorum iussisset, velites subsidio misit. A quibus ubi  
 per procursationem commissa pugna esset, Laelium cum  
 equitatu impetum ex occulto facere iubet. Mons oppor-  
 tune prominens equitum insidias texit : nec ulla mora  
 pugnae facta est. Hispani in conspecta procul pecora, ve-  
 lites in Hispanos praeda occupatos incurrere. Primo mis-  
 silibus territavere : deinde, emissis levibus telis, quae irritare  
 magis, quam decernere, pugnam poterant, gladios nudant,  
 et collato pede res coepta geri est : ancepsque pedestre  
 certamen erat, nisi equites supervenissent. Neque ex ad-  
 verso tantum illati obvios obtrivere, sed circumvecti etiam  
 quidam per infima clivi ab tergo se, ut plerosque interclu-  
 derent, obiecerunt : maiorque caedes fuit, quam quantam  
 edere levia per excursiones proelia solent. Ira magis ac-  
 censa adverso proelio barbaris est, quam imminuti animi.  
 Itaque, ne perculsi viderentur, prima luce postero die in  
 aciem processere. Non capiebat omnes copias angusta,  
 sicut ante dictum est, vallis : duae ferme peditum partes,

Hispani  
praeda al-  
lecti cae-  
duntur.

Postero die  
in aciem  
descen-  
dunt.

id bellum esse existimet. Neque enim, ut infra dicitur, *p*ari illud est cum hoste certamen.

7 Inde, superato amni, die quarto] Hinc colligitur Ilergetes ad famam

adventantis Scipionis ex Sedetanorum agro in sua rediisse. Proficienti enim Carthagine Scipioni Sedetani cis Iberum erant, Ilergetes ultra amnem. CREV.



U. C. 546. omnis equitatus in aciem descendit. Quod reliquum pe-  
 A. C. 206. ditum erat, obliquo constituerunt colle. Scipio, pro se esse  
 loci angustias ratus, et quod in arto pugna Romano aptior,  
 quam Hispano militi, futura videbatur, et quod in eum  
 locum detracta hostium acies esset, qui non omnem multi-  
 tudinem eorum caperet, novo etiam consilio adiecit ani-  
 mum: equitem nec se posse circumdare cornibus in tam  
 angusto spatio; et hosti, quem cum pedite eduxisset,  
 inutilem fore. Itaque imperat Laelio, ut per colles quam  
 occultissimo itinere circumducatur equites, segregetque,  
 quantum possit, equestrem a pedestri pugnam. Ipse omnia  
 signa peditum in hostes vertit: quattuor cohortes in fronte  
 statuit, quia latius pandere aciem non poterat. Moram  
 pugnandi nullam fecit, ut ipso certamine averteret ab con-  
 spectu transeuntium per colles equitum. Neque ante cir-  
 cumductos sentire, quam tumultum equestris pugnae ab  
 tergo acceperere. Ita duo proelia erant: duae peditum acies,  
 duo equitatus per longitudinem campi, quia misceri ex ge-  
 nere utroque proelium angustiae non patiebantur, pugna-  
 bant. Hispanorum quum neque pedes equiti, nec eques  
 pediti auxilio esset, pedes fiducia equitis temere commissus  
 campo caederetur, eques circumventus nec peditem a fronte, 8  
 (iam enim stratae pedestres copiae erant) nec ab tergo  
 equitem sustineret, et ipsi, quum diu in orbem sese stan-  
 tibus equis defendissent, ad unum omnes caesi sunt: nec  
 quisquam peditum equitumque superfuit, qui in valle pu-  
 gnaverunt. Tertia pars, quae in colle ad spectaculum  
 magis tutum, quam ad partem pugnae capessendam, ste-  
 terat, et locum et tempus ad fugiendum habuit. Inter eos  
 et reguli ipsi fugerunt; priusquam tota circumveniretur  
 acies, inter tumultum elapsi. Castra eodem die Hispa-  
 norum, praeter reliquam praedam, cum tribus ferme mil-  
 libus hominum capiuntur. Romani sociique ad mille  
 ducenti eo proelio ceciderunt: vulnerata amplius tria millia  
 hominum. Minus cruenta victoria fuisset, si patientiore  
 campo, et ad fugam capessendam facili foret pugnatum.

34. Indibilis, abiectis belli consiliis, nihil tutius in afflictis  
 rebus experta fide et clementia Scipionis ratus, Mandonium  
 fratrem ad eum mittit: qui, advolutus genibus, 'fatalem  
 'rabiem temporis eius' accusat, 'quum velut contagione  
 'quadam pestifera, non Ilergetes modo et Lacetani, sed  
 'castra quoque Romana insanierint. Suam quidem et  
 'fratris et reliquorum popularium eam conditionem esse,

Proelium  
atrox.

Vincuntur  
Hispani.

Mandonius  
ad Scipio-  
nem sup-  
plex venit.

8 *Nec peditem a fronte*] Intellige norum copiis, in equitatum Hispa-  
 peditem Romanum, qui stratis, ut num verterat impetum, et cum ad-  
 mox subiicitur, pedestribus Hispa- versa fronte impugnabat. CREV.

‘ut aut, si ita videatur, reddant spiritum P. Scipioni, ab U. C. 546.  
 9 ‘eodem illo acceptum: aut servati bis uni debitam vitam A. C. 206.  
 ‘pro eo in perpetuum devoveant. Antea in causa sua  
 ‘fiduciam sibi fuisse, nondum experta clementia eius:  
 ‘nunc contra, nullam in causa, omnem in misericordia  
 ‘victoris spem positam habere.’ Mos vetustus erat Ro-  
 1 manis, cum quo nec foedere, nec aequis legibus iungeretur  
 amicitia, non prius imperio in eum tanquam pacatum uti,  
 quam omnia divina humanaque dedidisset, obsides accepti,  
 arma adempta, praesidia urbibus imposita forent. Scipio, Ignoscit ei  
 multis invecus in praesentem Mandonium absentemque et fratri  
 Indibilem verbis, ‘illos quidem merito perisse ipsorum Scipio.  
 ‘maleficio,’ ait: ‘victuros suo atque populi Romani bene-  
 ‘ficio. Ceterum, se neque arma iis adempturum, (quippe  
 ‘ea pignora timentium rebellionem esse) sed libera arma  
 ‘relinquere, solutosque metu animos: neque se in obsides  
 ‘innoxios, sed in ipsos, si defecerint, saevituum: nec ab  
 ‘inermi, sed ab armato hoste, poenas expetiturum. Utram-  
 ‘que fortunam expertis permittere sese, utrum propitios,  
 ‘an iratos, habere Romanos mallent.’ Ita dimissus Man-  
 donius; pecunia tantummodo imperata, ex qua stipendium  
 militi praestari posset. Ipse, Marcio in ulteriorem Hispa-  
 niam praemisso, Silano Tarraconem remisso, paucos mo-  
 ratus dies, dum imperatam pecuniam Ilergetes pernumera-  
 rent, cum expeditis Marcium iam appropinquantem Oceano  
 assequitur.

2 Inchoata res iam ante de Masinissa aliis atque aliis de 35.  
 causis dilata erat, quod Numida cum ipso utique congredi  
 Scipione volebat, atque eius dextra fidem sancire. Ea  
 tum itineris tam longi ac tam devii causa Scipioni fuit.  
 Masinissa quum Gadibus esset, certior adventare eum a Masinissae  
 Marcio factus, causando corrumpi equos inclusos in insula, et Scipionis  
 penuriamque omnium rerum et facere ceteris, et ipsos collo-  
 sentire, ad hoc equitem marcescere desidia, Magonem per-  
 pulit, ut se traicere in continentem ad depopulandos pro-  
 ximos Hispaniae agros pateretur. Transgressus tres prin-  
 cipes Numidarum praemittit, ad tempus locumque colloquio  
 statuendum; duos pro obsidibus retineri a Scipione iubet.  
 Remisso tertio, qui, quo iussus erat, adduceret Masinissam,  
 cum paucis in colloquium venerunt. Ceperat iam ante  
 Numidam ex fama rerum gestarum admiratio viri: substi-

9 Bis] Semel, quum illos a Poe-  
 nis deficientes Scipio in amicitiam re-  
 ceperat supr. xxvii. 17. iterum sc.  
 praesenti in occasione. CREV.

1 Cum quo neo foedere, nec aequis  
 legibus] Qui neque inter socios, ne-  
 que inter municipia annumerabantur,

sed dediticii Romanorum erant. Ce-  
 terum de formula deditiois cf. supr.  
 vii. 31.

2 Inchoata res] Quippe Masinissa  
 fratris Masinissae filius a Romanis  
 remissus erat. cf. supr. xxvii. 19.

U. C. 546. tueratque animo speciem quoque corporis amplam &  
 A. C. 206. magnificam. Ceterum maior praesentis veneratio cepit:  
 et, praeterquam quod suapte natura multa maiestas inerat,  
 adornabat promissa caesaries, habitusque corporis non cultus  
 munditiis, sed virilis vere ac militaris, et aetas in medio  
 virium robore; quod plenius nitidiusque ex morbo vel:  
 renovatus flos iuventae faciebat. Prope attonitus ipso con-  
 gressu Numida, 'gratias de fratris filio remisso agit. Ex:  
 'eo tempore,' affirmat, 'eam se quaesisse occasionem, quam  
 'tandem oblatam deum immortalium beneficio non omise-  
 'rit. Cupere se illi populoque Romano operam navare,  
 'ita ut nemo unus externus magis enixe adiuverit rem Ro-  
 'manam. Id se, etiamsi iam pridem vellet, minus prae-  
 'stare in Hispania, aliena atque ignota terra, potuisse: in  
 'qua autem genitus educatusque in spem paterni regni  
 'esset, facile praestaturum. Siquidem eundem Scipionem  
 'ducem in Africam mittant Romani, satis sperare perbrevis  
 'aevi Carthaginem esse.' Laetus eum Scipio vidit audi-  
 vitque; quum caput rerum in omni hostium equitatu Ma-  
 sinissam fuisse sciret, et ipse iuvenis specimen animi prae-  
 se ferret. Fide data acceptaque, profectus retro Tarraco-  
 nem est. Masinissa permissu Romanorum, ne sine causa  
 traiecisse in continentem videretur, populatus proximos  
 agros Gades rediit.

36.  
 Mago iu-  
 betur in  
 Italiam  
 ire.

Carthagi-  
 nem No-  
 vam frustra  
 tentat,

Magoni, desperatis in Hispania rebus, in quarum spem  
 seditio primum militaris, deinde defectio Indibilis animos  
 eius sustulerant, paranti traicere in Africam, nuntiatum ab  
 Carthagine est, iubere senatum, ut classem, quam Gadibus  
 haberet, in Italiam traiceret: conducta ibi Gallorum ac  
 Ligurum quanta maxima posset iuventute, coniungeret se  
 Hannibali: neu senescere bellum, maximo impetu, maiore  
 fortuna coeptum, sineret. Ad eam rem et a Carthagine  
 pecunia Magoni advecta est: et ipse, quantam potuit, a  
 Gaditanis exegit, non aerario modo eorum, sed etiam  
 templis spoliatis, et privatim omnibus coactis aurum argen-  
 tumque in publicum conferre. Quum praeterveheretur  
 Hispaniae oram, haud procul Carthagine Nova expositis  
 in terram militibus, proximos depopulatus agros, inde ad

3 *De fratris filio remisso*] Hinc  
 patrum Massivae fuisse Masinissam  
 patet, verum supr. xxvii. 19. *avun-  
 culus* dicitur. Quare aut librariorum  
 culpa quaedam exstat, aut cum I.  
 Gronovio censendum est vocem  
 Graecam ἀδελφιδούς, quam in hac  
 historia adhibuerit scriptor Graecus,  
 Livio fraudi fuisse.

4 *Iubere senatum, ut*] Notanda  
 locutio: quae, quoniam quaedam

eius exempla occurrunt, non omnino  
 damnanda est; quoniam illa res  
 sunt, sobrie imitanda. Apud bonos  
 Latinitatis auctores verbo *inde* sem-  
 per fere subiungitur verbum *infans*  
 modi, CREV. cf. infr. xxxii. 16.

5 *Oram*] Retinacula, quibus puppi  
 litori alligabatur. Eadem hac res  
 iam usus est Livius supr. xxi. 19.  
 CREV,

urbem classem appulit. Ibi quum interdiu milites in na- U. C. 546.  
vibus tenuisset, nocte in litus expositos ad partem eam A. C. 206.  
muri, qua capta Carthago ab Romanis fuerat, ducit: nec  
praesidio satis valido urbem teneri ratus, et aliquos oppi-  
danorum ad spem novandi res aliquid moturos. Ceterum  
nuntii ex agris trepidi simul populationem agrestiumque  
fugam et hostium adventum attulerant: et visa interdiu  
classis erat, nec sine causa electam ante urbem stationem  
apparebat. Itaque instructi armatique intra portam, ad  
stagnum ac mare versam, continebantur. Ubi effusi hostes,  
mixta inter milites navalis turba, ad muros tumultu maiore,  
quam vi, subierunt, patefacta repente porta, Romani cum  
clamore erumpunt: turbatosque hostes, et ad primum in-  
cursum coniectumque telorum aversos, usque ad litus cum  
multa caede persequuntur: nec, nisi naves litori appulsae  
trepidatos accepissent, superfuisset pugnae aut fugae quis-  
quam. In ipsis quoque trepidatum navibus est, dum, ne  
hostes cum suis simul irrumperent, trahunt scalas, orasque  
et ancoras, ne in moliendo mora esset, praecidunt: mul-  
tique annantes navibus, incerto prae tenebris, quid aut pe-  
terent aut vitarent, foede interierunt. Postero die quum  
classis inde retro ad Oceanum, unde venerat, fugisset, ad  
octingenti homines caesi inter murum litusque, et ad duo  
millia armorum inventa.

6 Mago, quum Gades repetisset, exclusus inde, ad Cimbim 37.  
(haud procul a Gadibus is locus abest) classe appulsa, mit- Gades re-  
tendis legatis, querendoque, quod portae sibi socio atque petit, unde  
7 amico clausae forent, purgantibus iis, multitudinis concursu excluditur.  
factum, infestae ob direpta quaedam abs conscendentibus  
8 naves militibus, ad colloquium suffetes eorum, qui summus  
Poenis est magistratus, cum quaestore elicuit, laceratosque  
verberibus cruci affigi iussit: inde navibus ad Pityusam  
insulam, centum millia ferme a continenti, (Poeni tum eam  
incolebant) traiecit. Itaque classis bona cum pace accepta  
est, nec commeatus modo benigne praebiti, sed in supple-  
mentum classis iuventus armaque data. Quorum fiducia  
Poenus in Baliares insulas (quingenta inde millia

6 *Ad Cimbim*] Nomen loci parum notum, vel fortasse depravatum. Ca.

7 *Purgantibus iis*] Purgandi seip-  
sos sive excusandi causa dicentibus.

8 *Suffetes eorum*] Nempe et Ga-  
ditani Poeni erant, id est, e Phoenicia  
oriundi. Gades enim colonia Tyri-  
orum erat. Suffetes lingua Punica  
sunt iudices. CAEV. *Sufetes* legen-  
dum censet Sigonius, cuius sententiae  
favent Scaliger ad Festum v. *Sufes*.  
qui eam vocem ab Hebraeo *sophim*

deducit, et Bochart. Canaan. i. 14.  
a voce *sophetim*. Ceterum hi duo  
magistratus annui erant, qui aut  
*reges*, Arist. Pol. ii. 11. Corn. Nep.  
in vita Hannib. 7. aut *consules* infr.  
xxx. 7. aut *iudices* infr. xxxiv. 61.  
vocantur, quemadmodum ap. Cic. de  
Legg. iii. 4. legimus, *Regio imperio*  
*duo sunt: iique praecundo, iudi-*  
*cando, consulendo, praestores, iudices,*  
*consules appellantur.*

U. C. 546. absunt) transmisit. Duae sunt Baliares insulae, maior  
 A. C. 206. altera atque opulentior armis virisque: et portum habet.  
 Transmit- ubi commodè hibernaturum se (et iam extremum auctumni  
 tit in Ba- erat) credebat. Ceterum, haud secus quam si Romani  
 liares insu- eam insulam incolerent, hostiliter classi occursum est.  
 lae.

Minore po-  
 titur.

Fundis ut nunc plurimum, ita tunc solo eo telo utebantur:  
 nec quisquam alterius gentis unus tantum ea arte, quantum  
 inter alios omnes Baliares excellunt. Itaque tanta vis lap-  
 dum creberrimae grandinis modo in propinquantem iam  
 terrae classem effusa est, ut, intrare portum non ausi, aver-  
 terent in altum naves. In minorem inde Baliarium insulam  
 traiecerunt, fertilem agro; viris, armis haud aequè validam.  
 Itaque egressi navibus supra portum loco munito castra  
 locant: ac, sine certamine urbe agroque potiti, duobus  
 millibus auxiliarium inde conscriptis, missisque Carthagi-  
 nem, ad hibernandum naves subduxerunt. Post Magonis  
 ab Oceani ora discessum, Gaditani Romanis deduntur.

38. Haec in Hispania P. Scipionis ductu auspicioque gesta:  
 Scipio Ro- Ipse, L. Lentulo et L. Manlio Acidino provincia tradita:  
 mam redit. decem navibus Romam rediit; et, senatu extra urbem dato  
 in aede Bellonae, quas res in Hispania gessisset, disseruit:  
 quoties signis collatis dimicasset, quot oppida ex hostibus  
 vi cepisset, quas gentes in ditionem populi Romani rede-  
 gisset. 'Adversus quattuor se imperatores, quattuor  
 'victores exercitus in Hispaniam isse: neminem Cartha-  
 'giniensem in iis terris reliquisse.' Ob has res gesta:  
 magis tentata est triumphi spes, quam petita pertinaciter:  
 quia neminem ad eam diem triumphasse, qui sine magi-  
 stratu res gessisset, constabat. Senatu misso, urbem ex-  
 ingressus, argentique prae se in aerarium tulit quattuor-  
 decim millia pondo trecenta quadraginta duo, et signati  
 Comitia. argenti magnum numerum. Comitia inde creandis con-  
 sulibus habuit L. Veturius Philo: centuriaeque omnes  
 ingenti favore P. Scipionem consulem dixerunt. Collega

9 *Inter alios omnes*] *Alias*, sub.  
 gentes, legendum mavult Gronov.

1 *Haec . . . P. Scipionis ductu aus-  
 picioque gesta*] Minus proprie hic lo-  
 quitur Livius. Qui enim propae-  
 tores vel proconsules sine magistratu  
 imperium habebant, nulla habebant  
 auspicia, ut constat ex Cic. de Divin.  
 ii. 76. Vid. Perizonium Animadv.  
 Hist. 7. Semel iam abusus est hac  
 locutione Livius, supr. viii. 31. CREV.

2 *L. Lentulo et L. Manlio Aci-  
 dino*] Qui cum proconsulari imperio  
 in Hispaniam missi fuerant, ut ap-  
 paret infr. xxix. 13. CREV.

3 *Qui sine magistratu res gessisset*]

Scipio proconsul in Hispania rem ge-  
 serat. Proconsulatus autem imperium  
 erat, non magistratus. Magistratus  
 enim erat tantummodo dictatorum.  
 consulum, praetorum, etc. imperium.  
 eius quicumque rei militaris admini-  
 strandae ius a populo accepisset.  
 Porro multi iam imperatores, exem-  
 plo orto a Q. Publilio Philone, de  
 quo vid. nostrum, supr. viii. 26. et  
 res prorogato post exactum magi-  
 stratum imperio gestas triumphave-  
 rant. At nemo ad hanc diem tri-  
 umphi honorem impetraverat, et  
 privatus cum imperio missus esset ad  
 res gerendas. CREV.

additur ei P. Licinius Crassus pontifex maximus. Ceterum, U. C. 546.  
comitia maiore, quam ulla per id bellum, celebrata fre- A. C. 206.  
quentia, proditum memoriae est. Convenerant undique  
non suffragandi modo, sed etiam spectandi causa P. Sci-  
pionis: concurrebantque et domum frequentes, et in Capi-  
tolium ad immolantem eum, quum centum bubus votis in  
Hispania Iovi sacrificaret: spondebantque animis, sicut  
C. Lutatius superius bellum Punicum finisset, ita id, quod  
instaret, P. Cornelium finitum; atque, ut Hispania omni  
Poenos expulisset, sic Italia pulsura esse: Africamque  
ei, perinde ac debellatum in Italia foret, provinciam desti-  
nabant. Praetoria inde comitia habita. Creati duo, qui  
tum aediles plebis erant, Sp. Lucretius et Cn. Octavius, et  
ex privatis Cn. Servilius Caepio et L. Aemilius Papus.

Quarto decimo anno Punici belli P. Cornelius Scipio et U. C. 547.  
P. Licinius Crassus ut consulatum inierunt, nominatae con- A. C. 205.  
sulibus provinciae sunt, Sicilia Scipioni extra sortem, con- P. Corne-  
cedente collega, quia sacrorum cura pontificem maximum lio, P. Li-  
in Italia retinebat; Bruttii Crasso. Tum praetoriae pro- cinio Coss.  
vinciae in sortem coniectae. Urbana Cn. Servilio obtigit, Provincia-  
Ariminum (ita Galliam appellabant) Sp. Lucretio, Sicilia L. rum divi-  
Aemilio, Cn. Octavio Sardinia. sio.

Senatus in Capitolio habitus. Ibi, referente P. Scipione,  
senatusconsultum factum est, ut, quos ludos inter seditio-  
nem militarem in Hispania vovisset, ex ea pecunia, quam  
ipse in aerarium detulisset, faceret. Tum Saguntinorum 39.  
legatos in senatum introduxit. Ex iis maximus natu: Legatorum  
‘Etsi nihil ultra malorum est, Patres conscripti, quam Saguntino-  
‘quod passi sumus, ut ad ultimum fidem vobis praestare- rum in se-  
‘mus; tamen ea vestra merita, imperatorumque vestrorum natu ora-  
‘erga nos fuerunt, ut nos cladium nostrarum non poeniteat. tio.  
‘Bellum propter nos suscepistis: susceptum quartum deci-  
‘mum annum tam pertinaciter geritis, ut saepe ad ulti-  
‘mum discrimen et ipsi veneritis, et populum Cartha-  
‘giniensem adduxeritis. Quum in Italia tam atrox bellum  
4 ‘et Hannibalem hostem haberetis, consulem cum exercitu  
‘in Hispaniam, velut ad colligendas reliquias naufragii  
‘nostri, misistis. P. et Cn. Cornelii, ex quo in provin-  
‘ciam venerunt, nullo tempore destiterunt, quae nobis se-  
‘cunda, quaeque adversa hostibus nostris essent, facere.  
5 ‘Iam omnium primum oppidum nobis restituerunt: per  
‘omnem Hispaniam cives nostros venundatos, dimissis,

4 *Consulem cum exercitu*] P. Sci-  
pionem, cui primo Hispania decreta  
provincia fuerat, infr. xxi. 17. quique,  
ob inexpectatam Hannibalis celerita-  
tem, aversus a cursu Cn. Scipionem

fratrem pro se cum exercitu in His-  
paniam misit. CREV.

5 *Oppidum nobis restituerunt*] cf.  
Supr. xxiv. 42.



U. C. 547. ' qui conquirent, ex servitute in libertatem restituerunt.  
 A. C. 205. ' Quum iam prope esset, ut optabilem ex miserrima fortu-  
 ' nam haberemus; P. et Cn. Cornelii imperatores vestri  
 ' luctuosius nobis quoque, quam vobis, perierunt. Tum<sup>6</sup>  
 ' vero ad hoc retracti ex distantibus locis in sedem anti-  
 ' quam videbamus, ut iterum periremus, et alterum exci-  
 ' dium patriae videremus; nec ad perniciem nostram Car-  
 ' thaginiensi utique aut duce aut exercitu opus esse: ab  
 ' Turdulis nos veterrimis hostibus, qui prioris quoque ex-  
 ' cidii causa nobis fuerant, extinguere posse: quum ex in-  
 ' sperato repente misistis nobis P. hunc Scipionem; quem,  
 ' fortunatissimi omnium Saguntinorum videmur, quia con-  
 ' sulem declaratum videmus, ac vidisse nos civibus nostris  
 ' renuntiaturi sumus, spem omnem salutemque nostram:  
 ' qui, quum plurimas hostium vestrorum cepisset in Hispa-  
 ' nia urbes, ubique ex captorum numero excretos Sagunti-  
 ' nos in patriam remisit; postremo Turdetaniam, adeo in-  
 ' festam nobis, ut illa gente incolumi stare Saguntum non  
 ' posset, ita bello afflixit, ut non modo nobis, (absit verbo;  
 ' invidia) ne posteris quidem timenda nostris esset. Dele-  
 ' tam urbem cernimus eorum, quorum in gratiam Sagun-  
 ' tum deleverat Hannibal: vectigal ex agro eorum capimus,  
 ' quod nobis non fructu iucundius est, quam ultione. Obi  
 ' haec, quibus maiora neque sperare, neque optare ab diis  
 ' immortalibus poteramus, gratias actum nos decem legatos  
 ' Saguntinus senatus populusque ad vos misit: simul gra-  
 ' tulatum, quod ita res hos annos in Hispania atque Italia  
 ' gessistis, ut Hispaniam non Ibero amne tenus, sed qua  
 ' terrarum ultimas finit Oceanus, domitam armis habeatis:  
 ' Italiae, nisi quatenus vallum castrorum cingit, nihil reli-  
 ' queritis Poeno. Iovi optimo maximo, praesidi Capitoli-  
 ' nae arcis, non grates tantum ob haec agere iussi sumus,  
 ' sed donum hoc etiam, si vos permetteretis, coronam au-  
 ' ream in Capitolium victoriae ergo ferre. Id uti permit-  
 ' tatis, quaesumus: utique, si vobis ita videtur, quae nobis  
 ' imperatores vestri commoda tribuerunt, ea rata atque per-  
 ' petua auctoritate vestra faciatis.' Senatus legatis Sagun-  
 ' tinis respondit, ' Et dirutum et restitutum Saguntum fidei

6 *Nobis quoque*] Vocem quoque quam pro vulg. *prope* reponendam suadet Crevier. unciolis inclusit Bekker. Ceterum noster intelligit interitum Scipionum non modo fortunam Saguntinorum praesentiori periculo obnoxiam fecisse, sed luctum illis quoque, ut qui beneficia tanta experti essent, maiorem quam Romanis movisse.

7 *Absit verbo invidia*] Scilicet nobis felicitatem nostram gratulantibus absit tam Deorum, quam hominum invidia.

8 *Quod nobis non fructu*] Codices non tam fructu. Gronovius corrigi non iam fructu, quem auctorem secutus est Bekker. Verum et iam hic supervacaneum esse indicat Crevier.



socialis utrimque servatae documentum omnibus gentibus U. C. 547.  
 fore. Suos imperatores recte, et ordine, et ex voluntate A. C. 205.  
 senatus fecisse, quod Saguntum restituerint, civesque Sa-  
 guntinos servitio exemerint: quaeque alia iis benigne fe-  
 cerint, ea senatum ita voluisse fieri. Donum permittere,

9 'ut in Capitolio ponerent.' Locus inde lautiaque legatis  
 praeberi iussa, et muneris ergo in singulos dari ne minus  
 dena millia aeris. Legationes deinde ceterae in senatum  
 introductae, auditaque. Et petentibus Saguntinis, ut, qua-  
 tenus tuto possent, Italiam spectatum irent, duces dati, lite-  
 raeque per oppida missae, ut Hispanos comiter acciperent.

1 Tum de republica, de exercitibus scribendis, de provin-  
 ciis relatum. Quum Africam novam provinciam extra sor-

tem P. Scipioni destinari homines fama ferrent, et ipse, 40.  
 nulla iam modica gloria contentus, non ad gerendum modo Scipio A-  
 bellum, sed ad finiendum, diceret se consulem declaratum fricam pro-  
 esse: neque aliter id fieri posse, quam si ipse in Africam vinciam  
 exercitum transportaret, et, acturum se id per populum, destinat  
 aperte ferret, si senatus adversaretur; id consilium haud-

2 quaquam primoribus Patrum quum placeret, ceterique per  
 metum aut ambitionem mussarent; Q. Fabius Maximus Adversatur  
 rogatus sententiam, 'Scio,' inquit, 'multis vestrum videri, ei Fabius.

3 'Patres conscripti, rem actam hodierno die agi, et frustra  
 habiturum orationem, qui, tanquam de integra re, de  
 Africa provincia sententiam dixerit. Ego autem primum  
 illud ignoro, quemadmodum iam certa provincia Africa  
 consulis, viri fortis ac strenui, sit, quam nec senatus cen-  
 suit in hunc annum provinciam esse, nec populus iussit.

4 'Deinde, si est, consulem peccare arbitror, qui, de re trans-  
 acta simulando se referre, senatum ludibrio habet, non  
 senatorem modo, qui, de quo consulitur, suo loco dicit  
 sententiam. Atque ego certum habeo, dissentienti mihi  
 ab ista festinatione in Africam traiciendi, duarum rerum  
 subeundam opinionem esse: unius, insitae ingenio meo  
 cunctationis; quam metum pigritiamque homines adoles-  
 centes sane appellent, dum ne poeniteat, adhuc aliorum  
 speciosiora primo aspectu consilia semper visa, mea usu  
 meliora: alterius, obtrectionis atque invidiae adversus

9 *Locus inde lautiaque*] *Locus*, in  
 quo habitarent. *Lautia* sunt ea quae  
 dabantur legatis hospitii gratia, ma-  
 xime ad victum pertinentia. CREV.

1 *Tum de republica*] Hoc loco et  
 in iis quae sequuntur rem de provin-  
 ciis fusius exsequitur noster, quam in  
 cap. praeced. breviter indicaverat.

2 *Per metum aut ambitionem mus-  
 sarent*] Cunctarentur loqui et postu-  
 latis Scipionis adversari, sive per me-

tum, sive etiam per studium captandae  
 consilia, quem clarum et potentem  
 videbant, gratiae. CREV.

3 *Rem actam . . . agi*] Deliberari  
 de eo quod iam certum statutumque  
 sit.

4 *Non senatorem modo*] Particu-  
 lam *modo* ut supervacaneam unciolis  
 inclusit Bekker, neque desiderium no-  
 bis moveret, si eiiceretur, sed in codd.  
 et edd. tantum non omnibus exstat.

U. C. 547. 'crescentem in dies gloriam fortissimi consulis. A qua  
 A. C. 205. 'suspicione si me neque vita acta et mores mei, neque  
 'dictatura cum quinque consulatibus, tantumque gloriae  
 'belli domique partae vindicat, ut propius fastidium eius  
 'sim, quam desiderium; aetas saltem liberet. Quae enim  
 'mihi aemulatio cum eo esse potest, qui ne filio quidem  
 'meo aequalis sit? Me dictatorem, quum vigerem adhuc  
 'viribus, et in cursu maximarum rerum essem, recusantem  
 'nemo aut in senatu, aut ad populum audivit, quo minus  
 'insectanti me magistro equitum, quod fando nunquam  
 'ante auditum erat, imperium mecum aequaretur. Rebus,  
 'quam verbis, assequi malui, ut, qui aliorum iudicio mihi  
 'comparatus erat, sua mox confessione me sibi praeferret:  
 'nedum ego, perfunctus honoribus, certamina mihi atque  
 'aemulationes cum adolescente florentissimo proponam:  
 'videlicet ut mihi iam vivendo, non solum rebus gerendis  
 'fesso, si huic negata fuerit, Africa provincia decernatur.  
 'Cum ea gloria, quae parta est, vivendum atque morien-  
 'dum est. Vincere ego prohibui Hannibalem, ut a vobis,  
 41. 'quorum vigent nunc vires, etiam vinci posset. Illud te  
 'mihi ignoscere, P. Corneli, aequum erit, si, quum in me  
 'ipso nunquam pluris famam hominum, quam rempubli-  
 'cam, fecerim, ne tuam quidem gloriam bono publico prae-  
 'ponam. Quanquam, si aut bellum nullum in Italia, aut  
 'is hostis esset, ex quo victo nihil gloriae quaereretur, qui  
 'te in Italia retineret, etsi id bono publico faceret, simul  
 'cum bello materiam gloriae tuae isse ereptum videri pos-  
 'set. Quum vero Hannibal hostis incolumi exercitu quar-  
 'tum decimum annum Italiam obsideat, poenitebit te, P.  
 'Corneli, gloriae tuae, si hostem eum, qui tot funerum, tot  
 'cladium nobis causa fuit, tu consul Italia expuleris, et  
 'sicut penes C. Lutatium prioris Punici perpetrati belli  
 'titulus fuit, ita penes te huius fuerit? Nisi aut Hamilcar  
 'Hannibali dux est praeferendus, aut illud bellum huic,  
 'aut victoria illa maior clariorque, quam haec, (modo con-  
 'tingat, ut te consule vincamus) futura est. Ab Drepanis  
 'atque Eryce detraxisse Hamilcarem, quam Italia expulisse:  
 'Poenos atque Hannibalem, malis? Ne tu quidem, etsi  
 'magis partam, quam speratam, gloriam amplecteris, His-  
 'pania potius, quam Italia, bello liberata gloriatus fueris.  
 'Nondum is est Hannibal, quem non magis timuisse videat-  
 'ur, quam contempsisse, qui aliud bellum maluerit. Quin

5 *Comparatus erat*] sc. Compar dicaverat.  
 factus, comparatione aequatus.

6 *Hamilcar*] Quo tandem ad de-  
 ditionem pulso, confecti primi Pu-  
 nici belli gloriam sibi Lutatius vin-

7 *Eryce detraxisse*] Quippe in eu-  
 monte vim artesque Romanorum per  
 duos continuos annos eluserat Hamil-  
 car.

igitur ad hoc accingeris, nec per istos circuitus, ut, quum U. C. 547.  
 in Africam traieceris, secuturum te illuc Hannibalem A. C. 205.  
 speres, potius, quam recto hinc itinere, ubi Hannibal est,  
 eo bellum intendis? Egregiam istam palmam belli Pu-  
 nici patrati petis? Hoc et natura prius est, tua quum de-  
 fenderis, aliena ire oppugnatum. Pax ante in Italia,  
 quam bellum in Africa sit: et nobis prius decedat timor,  
 quam ultro aliis inferatur. Si utrumque tuo ductu auspi-  
 cioque fieri potest, Hannibale hic victo, illic Carthaginem  
 expugna. Si altera utra victoria novis consulibus relin-  
 quenda est; prior quum maior clariorque, tum causa  
 etiam insequentis fuerit. Nam nunc quidem, praeter-  
 quam quod et in Italia et in Africa duos diversos exerci-  
 tus alere aerarium non potest; praeterquam quod, unde  
 classes tueamur, unde com meatibus praebendis sufficiamus,  
 nihil reliqui est; quid? periculi tandem quantum  
 adeatur, quem fallit? P. Licinius in Italia, P. Scipio  
 bellum in Africa geret. Quid? si (quod omnes dii omen  
 avertant, et dicere etiam reformidat animus; sed, quae  
 acciderunt, accidere possunt) et victor Hannibal ire ad  
 urbem pergat; tum demum te consulem ex Africa, sicut  
 Q. Fulvium a Capua, arcessemus? Quid? quod in Africa  
 quoque Mars communis belli erit? Domus tibi tua, pater  
 patruusque, intra triginta dies cum exercitibus caesi, docu-  
 mento sint; ubi per aliquot annos, maximis rebus terra  
 marique gerendis, amplissimum nomen apud exteras gentes  
 populi Romani vestraeque familiae fecerant. Dies me  
 deficiat, si reges imperatoresque, temere in hostium terras  
 transgressos cum maximis cladibus suis exercituumque suo-  
 rum, numerare velim. Athenienses, prudentissima civitas,  
 bello domi relicto, auctore aequae impigro ac nobili iuvene,  
 magna classe in Siciliam transmissa, una navali pugna  
 florentem rempublicam suam in perpetuum affligerunt.  
 Externa et nimis antiqua repeto. Africa eadem ista et  
 M. Atilius, insigne utriusque fortunae exemplum, nobis  
 documento sint. Nae tibi, P. Corneli, quum ex alto  
 Africam conspexeris, ludus et iocus fuisse Hispaniae tuae  
 videbuntur. Quid enim simile? pacato mari praeter

42.

8 *Per istos circuitus*] Consiliorum, vel rationis rei gerendae.

9 *Alterutra*] Pro vulg. *alterutra*. Certe sic interdum amarunt loqui veteres. cf. Varro. de L. L. viii. 21. *non cito invenietur quin in alterutra re claudicet*.

1 *Quid? si ... et victor Hannibal*] Et, id est, etiam: nisi forte haec particula recidenda est. Et abesse eam ab suo codice Rhenanus testatur, ab

uno e suis Hearnius. CREV.

2 *Auctore ... nobili iuvene*] Alcibiadem noster intelligit. cf. Thucyd. vi. 15. Ceterum *una navali pugna* oratorice dicitur, quo magis audientibus periculum praesentius sit.

3 *Utriusque fortunae*] Qui post res primum adversus Poenos eventu laetissimo gestas, mox a Xanthippo, duce Lacedaemonio, victus et captus est.

U. C. 547. <sup>6</sup> oram Italiae Galliaeque vectus Emporias, in urbem socio-  
 A. C. 205. <sup>6</sup> rum, classem appulisti: expositos milites, per tutissimis  
<sup>6</sup> omnia, ad socios et amicos populi Romani Tarraconem  
<sup>6</sup> duxisti: ab Tarracone deinde iter per praesidia Romana:  
<sup>6</sup> circa Iberum exercitus patris patruique tui, post amissos  
<sup>6</sup> imperatores ferociore et calamitate ipsa: dux tumultuarius  
<sup>6</sup> quidem ille L. Marcius, et militari suffragio ad tempus  
<sup>6</sup> lectus, ceterum, si nobilitas ac iusti honores adornarent,  
<sup>6</sup> claris imperatoribus qualibet arte belli par: oppugnata per  
<sup>6</sup> summum otium Carthago, nullo trium Punicorum exerci-  
<sup>6</sup> tum socios defendente. Cetera, neque ea elevo, nullo  
<sup>6</sup> tamen modo Africo bello comparanda; ubi non portus  
<sup>6</sup> ullus classi nostrae apertus, non ager pacatus, non civitas  
<sup>6</sup> socia, non rex amicus, non consistendi usquam locus, non  
<sup>6</sup> procedendi. Quacunque circumspexeris, hostilia omnia  
<sup>6</sup> atque infesta. An Syphaci Numidisque credis? satis si  
<sup>6</sup> semel creditum. Non semper temeritas est felix: et fraus  
<sup>6</sup> fidem in parvis sibi praestruit, ut, quum operae pretium  
<sup>6</sup> sit, cum mercede magna fallat. Non hostes patrem pa-  
<sup>6</sup> truumque tuum armis prius, quam Celtiberi socii fraude,  
<sup>6</sup> circumvenerunt: nec tibi ipsi a Magone et Hasdrubale  
<sup>6</sup> hostium ducibus, quantum ab Indibili et Mandonio in  
<sup>6</sup> fidem acceptis, periculi fuit. Numidis tu credere potes,  
<sup>6</sup> defectionem militum tuorum expertus? Et Syphax et  
<sup>6</sup> Masinissa se, quam Carthaginenses, malunt potentes in  
<sup>6</sup> Africa esse: Carthaginenses, quam quemquam alium.  
<sup>6</sup> Nunc illos aemulatio inter sese et omnes causae certami-  
<sup>6</sup> num acuunt, quia procul externus metus est. Ostende  
<sup>6</sup> Romana arma, exercitum alienigenam; velut ad com-  
<sup>6</sup> mune restinguendum incendium concurrent. Aliter iidem  
<sup>6</sup> illi Carthaginenses Hispaniam defenderunt: aliter moe-  
<sup>6</sup> nia patriae, templa deum, aras et focos, defendent; quum  
<sup>6</sup> euntes in proelium pavida prosequetur coniux, et pari  
<sup>6</sup> liberi occursabunt. Quid porro? Si satis confisi Cartha-  
<sup>6</sup> ginenses consensu Africae, fide sociorum regum, moeni-  
<sup>6</sup> bus suis, quum tuo exercitusque tui praesidio nudatam  
<sup>6</sup> Italiam viderint, ipsi ultro novum exercitum in Italiam  
<sup>6</sup> aut ex Africa miserint; aut Magonem, quem, a Bahari-  
<sup>6</sup> bus classe transmissa, iam praeter oram Ligurum Alpino-  
<sup>6</sup> rum vectari constat, Hannibali se coniungere iusserint:  
<sup>6</sup> Nempe in eodem terrore erimus, in quo nuper fuimus,  
<sup>6</sup> quum Hasdrubal in Italiam transcendit: quem tu, qui non  
<sup>6</sup> solum Carthaginem, sed omnem Africam, exercitu tuo es

4 *Iusti honores*] Honores impera-  
 tori convenientes et legitimo modo  
 mandati.

5 *Ad . . . incendium concurrent*]

Eadem sententia occurrit apud (X.  
 Philipp. x. 10, et apud Justin. i. 1  
 v. 1. DRAK.

' clausurus, e manibus tuis in Italiam emisisti. Victum a U. C. 547.  
 ' te dices: eo quidem minus vellem, et id tua, non rei- A. C. 205.  
 ' publicae solum, causa, iter datum victo in Italiam esse.  
 ' Patere, nos omnia, quae prospera tibi ac populi Romani  
 ' imperio evenere, tuo consilio assignare; adversa casibus  
 ' incertis belli et fortunae delegare. Quo melior fortiorque  
 ' es, eo magis talem praesidem sibi patria atque universa  
 ' Italia retinet. Non potes ne ipse quidem dissimulare,  
 ' ubi Hannibal sit, ibi caput atque arcem huius belli esse:  
 ' quippe qui prae te feras, eam tibi causam traiciendi in  
 ' Africam esse, ut Hannibalem eo trahas. Sive igitur hic,  
 ' sive illic, cum Hannibale est tibi futura res. Utrum ergo  
 ' tandem firmior eris in Africa solus, an hic, tuo collegae-  
 ' que tui exercitu coniuncto? ne Claudius quidem et Li-  
 ' vius consules tam recenti exemplo, quantum id intersit,  
 ' documento sunt? Quid? Hannibalem utrum tandem  
 ' extremus angulus agri Bruttii, frustra iam diu poscentem  
 ' ab domo auxilia, an propinqua Carthago et tota socia  
 ' Africa potentiolem armis virisque faciet? Quod istud  
 ' consilium est, ibi malle decernere, ubi tuae dimidio mi-  
 ' nores copiae sint, hostium multo maiores, quam ubi duo-  
 ' bus exercitibus adversus unum, tot proeliis et tam diu-  
 ' turna et gravi militia fessum, pugnandum sit? Quam  
 ' compar consilium tuum parentis tui consilio sit, reputa.  
 ' Ille, consul profectus in Hispaniam, ut Hannibali ab Al-  
 ' pibus descendenti occurreret, in Italiam ex provincia re-  
 ' diit: tu, quum Hannibal in Italia sit, relinquere Italiam  
 ' paras; non quia reipublicae id utile, sed quia tibi amplum  
 ' et gloriosum censes esse: sicut quum, provincia et exer-  
 ' citu relicto, sine lege, sine senatusconsulto, duabus navi-  
 ' bus populi Romani imperator fortunam publicam et ma-  
 ' iestatem imperii, quae tum in tuo capite periclitabantur,  
 ' commisisti. Ego P. Cornelium, Patres conscripti, rei-  
 ' publicae nobisque, non sibi ipsi privatim creatum consu-  
 ' lem existimo: exercitusque ad custodiam urbis atque Ita-  
 ' liae scriptos esse, non quos regio more per superbiam  
 ' consules, quo terrarum velint, traiciant.'

Quum oratione ad tempus parata Fabius, tum auctoritate 43.  
 et inveterata prudentiae fama, magnam partem senatus, et  
 seniores maxime, movisset, pluresque consilium senis, quam  
 animum adolescentis ferocem, laudarent; Scipio ita locutus  
 fertur: ' Et ipse Q. Fabius principio orationis, Patres con- Fabio re-  
 scripti, commemoravit, in sententia sua posse obtrectatio- spondet  
 nem suspectam esse. Cuius ego rei non tam ipse ausim Scipio.

6 *Fortunae delegare*] Ita Gronov. conjunctis res gerantur. cf. supr.  
 pro vulg. *legare* emendavit. xxvii. 49.

7 *Quantum id intersit*] Ut viribus

U. C. 547. ' tantum virum insimulare, quam ea suspicio, vitio orationis.  
 A. C. 205. ' an rei, haud sane purgata est. Sic enim honores suos et  
 ' famam rerum gestarum extulit verbis, ad extinguendum  
 ' invidiae crimen, tanquam mihi ab infimo quoque pericu-  
 ' lum sit, ne mecum aemuletur: et non ab eo, qui, quia  
 ' super ceteros excellat, quo me quoque niti non dissimulo.  
 ' me sibi aequari nolit. Sic senem se perfunctum honori-  
 ' bus, et me infra aetatem filii etiam sui posuit; tanquam  
 ' non longius, quam quantum vitae humanae spatium est.  
 ' cupiditas gloriae extendatur, maximaque pars eius in me-  
 ' moriam ac posteritatem promineat. Maximo cuique id  
 ' accidere animo certum habeo, ut se non cum praesentibus  
 ' modo, sed cum omnis aevi claris viris, comparent. Equi-  
 ' dem haud dissimulo, me tuas, Q. Fabi, laudes non asse-  
 ' qui solum velle, sed, (bona venia tua dixerim) si possim,  
 ' etiam exsuperare. Illud nec tibi in me, neu mihi in mino-  
 ' ribus natu animi sit, ut nolimus, quemquam nostri similem  
 ' evadere civem. Id enim non eorum modo, quibus invi-  
 ' derimus, sed reipublicae, et paene omnis generis humani  
 ' detrimentum sit. Commemoravit, quantum essem periculi  
 ' aditurus, si in Africam traicerem: ut meam quoque, non  
 ' solum reipublicae et exercitus, vicem videretur sollicitus.  
 ' Unde haec repente cura de me exorta? Quum pater pe-  
 ' trusque meus interfecti, quum duo exercitus eorum  
 ' prope occidione occisi essent, quum amissae Hispaniae,  
 ' quum quattuor exercitus Poenorum, quattuorque duces  
 ' omnia metu armisque tenerent, quum quaesitus ad id  
 ' bellum imperator nemo se ostenderet, praeter me, nemo  
 ' profiteri nomen ausus esset, quum mihi quattuor et viginti  
 ' annos nato detulisset imperium populus Romanus; qui  
 ' ita tum nemo aetatem meam, vim hostium, difficultatem  
 ' belli, patris patruisque recentem cladem commemorabat.  
 ' Utrum maior aliqua nunc in Africa calamitas accepta est,  
 ' quam tunc in Hispania erat? An maiores nunc sunt ex-  
 ' citus in Africa, duces plures melioresque, quam tunc in  
 ' Hispania fuerunt? An aetas mea tunc maturior bello ge-  
 ' rendo fuit, quam nunc est? An cum Carthaginensi hoste  
 ' in Hispania, quam in Africa, bellum geri aptius est?  
 ' Facile est, post fusos fugatosque quattuor exercitus Puni-  
 ' cos, post tot urbes vi captas, aut metu subactas in ditionem

8 *Perfunctum honoribus*] Vocem *honoribus* quam Sigonius ex veterum librorum fide restituit, omisit Bekker. Sed *perfunctum* nude et absolute positum vix admittendum esse censet Crevier.

9 *Neu mihi in minoribus natu*] Hoc genus loquendi haud raro apud

nostrum legentibus observatur. *supr.* iii. 17. v. 36. viii. 31. Eodem modo *facere in aliquo* pro in eo statuere, *infr.* xxxiv. 32. *Minor* emendandum censet Crevier. *et Drukenb.* in sententiam eius *minor* accedit.



' post perdomita omnia usque ad Oceanum, tot regulos, tot U. C. 547.  
 ' saevas gentes, post receptam totam Hispaniam, ita ut ve- A. C. 205.  
 ' stigium nullum belli reliquum sit, elevare meas res gestas:  
 ' tam, hercule, quam, si victor ex Africa redierim, ea ipsa  
 ' elevare, quae nunc, retinendi mei causa, ut terribilia  
 ' eadem videantur, verbis extolluntur. Negat aditum esse  
 ' in Africam, negat ullos patere portus. M. Atilium captum  
 ' in Africa commemorat; tanquam M. Atilius primo accessu  
 ' ad Africam offenderit: neque recordatur, illi ipsi tam in-  
 ' felici imperatori patuisse tamen portus Africae, et res  
 ' egregias primo anno gessisse, et, quantum ad Carthagini-  
 ' enses duces attinet, invictum ad ultimum permansisse.  
 ' Nihil igitur me isto tu exemplo, terrueris: si hoc bello,  
 ' non priore, si nuper, et non annis ante quinquaginta, ista  
 ' clades accepta foret, qui ego minus in Africam, Regulo  
 ' capto, quam, Scipionibus occisis, in Hispaniam traicerem?  
 ' Nec felicius Xanthippum Lacedaemonium Carthagini,  
 ' quam me patriae meae sinerem natum esse: cresceretque  
 ' mihi ex eo ipso fiducia, quod possit in hominis unius vir-  
 ' tute tantum momenti esse. At etiam Athenienses audi-  
 ' endi sunt, temere in Siciliam, omisso domi bello, trans-  
 ' gressi. Cur ergo, quoniam Graecas fabulas enarrare va-  
 ' cat, non Agathoclem potius, Syracusanum regem, quum  
 ' diu Sicilia Punico bello ureretur, transgressum in hanc  
 ' eandem Africam, avertisse eo bellum, unde venerat, refers?  
 ' Sed quid, ultro metum inferre hosti, et ab se remoto peri-  
 ' culo alium in discrimen adducere, quale sit, veteribus ex-  
 ' ternisque exemplis admonere opus est? Maius praesenti-  
 ' usve ullum exemplum esse, quam Hannibal, potest?  
 ' Multum interest, alienos populere fines, an tuos uri, ex-  
 ' scindi, videas. Plus animi est inferenti periculum, quam  
 ' propulsanti. Ad hoc maior ignotarum rerum est terror:  
 ' bona malaque hostium ex propinquo ingressus fines aspi-  
 ' cias. Non speraverat Hannibal fore, ut tot in Italia  
 ' populi ad se deficerent, quot defecerunt post Cannensem  
 ' cladem; quanto minus quicquam in Africa Carthaginien-  
 ' sibus firmum ac stabile sit, infidis sociis, gravibus ac  
 ' superbis dominis? Ad hoc nos, etiam deserti ab sociis,  
 ' viribus nostris, milite Romano, stetimus. Carthaginensi  
 ' nihil civilis roboris est: mercede paratos milites habent,  
 ' Afros Numidasque, levissima fidei mutandae ingenia.

44.

1 *Non annis ante quinquaginta]*  
 Ita Perizonius pro vulg. *quadraginta*.  
 Ceterum captum an. U. C. 498. M.  
 Atilium fuisse tradunt historici, unde  
*quadraginta* minime admittendum  
 esse liquet.

2 *Agathoclem ... Syracusanum re-*  
*gem]* Hoc felicissimae audaciae con-  
 silium plenius enarratum reperies  
 apud Iustin. xxii. et imprimis apud  
 Diodor. xx. CREV.



U. C. 547. ' Hic modo nihil morae sit, una et traiecissem me audietis, et  
 A. C. 205. ' ardere bello Africam, et molientem hinc Hannibalem, et  
 ' obsideri Carthaginem. Laetiores et frequentiores ex  
 ' Africa expectate nuntios, quam ex Hispania accipiebatis.  
 ' Has mihi spes subiicit fortuna populi Romani, dii foederis  
 ' ab hoste violati testes, Syphax et Masinissa reges: quo-  
 ' rum ego fidei ita innitar, ut bene tutus a perfidia sim.  
 ' Multa, quae nunc ex intervallo non apparent, bellum  
 ' aperiet: et id est viri et ducis, non deesse fortunae praebenti  
 ' se, et oblata casu flectere ad consilium. Habebo, Q.  
 ' Fabi, parem, quem das, Hannibalem; sed illum potius  
 ' ego traham, quam ille me retineat. In sua terra cogam  
 ' pugnare eum, et Carthago praemium victoriae erit, quam  
 ' semirutae Bruttiorum castella. Ne quid interim, dum  
 ' traicio, dum expono exercitum in Africa, dum castra ad  
 ' Carthaginem promoveo, respublica hic detrimenti capiat,  
 ' quod tu, Q. Fabi, quum victor tota Italia volitaret Han-  
 ' nibal, potuisti praestare, hoc vide ne contumeliosum sit,  
 ' concusso iam et paene fracto Hannibale, negare, posse P.  
 ' Licinium consulem, virum fortissimum, praestare: qui, ne  
 ' a sacris absit pontifex maximus, ideo in sortem tam longin-  
 ' quae provinciae non venit. Si, hercule, nihilo maturius  
 ' hoc, quo ego censeo, modo perficeretur bellum; tamen ad  
 ' dignitatem populi Romani, famamque apud reges gentes-  
 ' que externas pertinebat, non ad defendendam modo Ita-  
 ' liam, sed ad inferenda etiam Africae arma, videri vobis  
 ' animum esse; nec hoc credi vulgarique, quod Hannibal  
 ' ausus sit, neminem ducem Romanorum audere; et priore  
 ' Punico bello, tum quum de Sicilia certaretur, toties Afri-  
 ' cam ab nostris exercitibusque et classibus oppugnatam;  
 ' nunc, quum de Italia certetur, Africam pacatam esse.  
 ' Requiescat aliquando vexata tam diu Italia: uratur evae-  
 ' teturque in vicem Africa. Castra Romana potius Car-  
 ' thaginis portis immineant, quam nos iterum vallum hos-  
 ' tium ex moenibus nostris videamus. Africa sit reliqui  
 ' belli sedes: illuc terror fugaque, populatio agrorum,  
 ' defectio sociorum, ceterae belli clades, quae in nos per  
 ' quattuordecim annos ingruerunt, vertantur. Quae ad  
 ' rempublicam pertinent, et bellum, quod instat, et provin-  
 ' cias, de quibus agitur, dixisse satis est. Illa longa oratio  
 ' nec ad vos pertinens sit, si, quemadmodum Q. Fabius

3 *Quorum ego fidei ita innitar]*  
 sc. Ea cautione.

4 *Qui, ne a sacris absit]* Quia  
 modo arguit Fabium Scipio contu-  
 meliose tractati P. Licinii consulis,  
 ipse, ut se pari crimine liberet, testa-

tur ideo tantum collegam suum non  
 venire in sortem Africae provinciae.  
 quod pontifex maximus sit, non quod  
 illi aut animus desit, aut peritia re-  
 militaris. CREV.

5 ' meas res gestas in Hispania elevavit, sic et ego contra glo- U. C. 547.  
 ' riam eius eludere, et meam verbis extollere velim. Neu- A. C. 205.  
 6 ' trum faciam, Patres conscripti : et si nulla alia re, modes-  
 ' tia certe et temperando linguae adolescens senem vicero.  
 ' Ita et vixi, et res gessi, ut tacitus ea opinione, quam  
 ' vestra sponte conceptam animis haberetis, facile contentus  
 ' essem.'

Minus aequis animis auditus est Scipio, quia vulgatum 45.  
 erat, si apud senatum non obtinuisset, ut provincia Africa  
 sibi decerneretur, ad populum extemplo laturum. Itaque  
 Q. Fulvius, qui consul quater et censor fuerat, postulavit a  
 consule, ut palam in senatu diceret, 'mitteretne Patri-  
 7 ' bus, ut de provinciis decernerent? staturusque eo esset,  
 ' quod censuissent, an ad populum laturus?' Quum Scipio  
 respondisset, se, quod e republica esset, facturum; tum  
 Fulvius, 'Non ego ignarus, quid responsurus facturusive  
 8 ' esses, quaesivi, quippe quum prae te feras, tentare magis,  
 ' quam consulere senatum, et, ni provinciam tibi, quam vo-  
 ' lueris, extemplo decernamus, paratam rogationem habeas.  
 ' Itaque a vobis, tribuni plebis, postulo,' inquit, 'ut senten-  
 ' tiam mihi ideo non dicenti, quod, etsi in meam sententiam  
 ' discedatur, non sit ratum habiturus consul, auxilio sitis.'  
 Inde altercatio orta, quum consul negaret, aequum esse  
 9 tribunos intercedere, quo minus suo quisque loco senator  
 rogatus sententiam diceret. Tribuni ita decreverunt, 'Si  
 ' consul senatui de provinciis permittit, stari eo, quod se-  
 ' natus censuerit, placet; nec de ea re ferri ad populum  
 ' patiemur: si non permittit, qui de ea re sententiam recu-  
 ' sabit dicere, auxilio erimus.' Consul diem ad colloquen-  
 dum cum collega petiit. Postero die permissum senatui  
 est. Provinciae ita decretae: alteri consuli Sicilia et tri- S. C. de  
 ginta rostratae naves, quas C. Servilius superiore anno provinciis.  
 habuisset: permissumque, ut in Africam, si id e republica  
 esse censeret, traiceret: alteri Bruttii et bellum cum Han-  
 1 nibale, cum eo exercitu, quem L. Veturius, aut Q. Caeci-

5 *Et ego contra*] E contraria parte, viciissim.

6 *Et si nulla alia re*] *Ulla alia* emendavit Gronov. et receperunt Crev. et Bekker. ut quae lectio in plerisque mss. exstet. *Nulla* modestioris quidem et tantum non spem abiicientis est.

7 *Staturusque eo esset*] cf. Supr. xxvii. 6. *Ut eo, quod patres censuissent, staretur.*

8 *Tentare magis*] *Tentare te magis* recepit Bekker. sed codices plurimi pronomen ignorant.

9 *Suo quisque loco senator*] Vocem

*senator* auctoritate codd. plurium relegat Gronov. quem auctorem sequitur Bekker. quum in senatum veniebant plures, pluresque sententiam dicebant, quam senatores. cf. infr. xxxvi. 3. *Qui senatores essent, quibusque in senatu sententiam dicere liceret.* Festus v. *Senatores.* A. Gellius iii. 18.

1 *Quem L. Veturius, aut Q. Caecilius*] Supple ex praecedentibus habuisset: nisi malis hoc verbum in contextum admittere, auctore Regio codice. CREV.

U. C. 547. lius. Hi et sortirentur inter se, compararentve, uter in  
A. C. 205. Bruttiiis duabus legionibus, quas consul reliquisset, rem gereret: imperiumque in annum prorogaretur, cui ea provincia evenisset. Et ceteris, praeter consules praetoresque, qui exercitibus provinciisque praefuturi erant, prorogata imperia. Q. Caecilio sorte evenit, ut cum consule in Bruttiiis adversus Hannibalem bellum gereret.

Ludi deinde Scipionis magna frequentia et favore spectantium celebrati. Legati, Delphos ad donum ex praeda Hasdrubalis portandum missi, M. Pomponius Matho et Q. Cadius, tulerunt coronam auream ducentum pondo, et simulacra spoliorum, ex mille pondo argenti facta.

Scipio non impetrat ut delectum sibi habere liceat.

Etruriae populi eum in ornanda classe iuvant.

Scipio, quum, ut delectum haberet, neque impetrasset, neque magnopere tetendisset, ut voluntarios ducere sibi milites liceret, tenuit: et, quia impensae negaverat reipublicae futuram classem, ut, quae ab sociis darentur ad novas fabricandas naves, acciperet. Etruriae primum populi, pro suis quisque facultatibus, consulem adiuturos polliciti. Caerites frumentum sociis navalibus commeatumque omnis generis; Populonienses ferrum; Tarquinienses lintea in vela; Volaterrani interamenta navium et frumentum; Arretini tria millia scutorum, galeas totidem, pila, gaesa, hastas longas, millium quinquaginta summam pari cuiusque generis numero expleturos, secures, rutra, falces, alveolos, molas.

2 *Scipio, quum, ut delectum haberet, neque impetrasset*] Nempe Fabius invidens crescenti in dies gloriae Scipionis, quum obtinere non potuisset, ne permetteretur ei in Africam traicere, vociferando et vanis terroribus animos implendo pervicit, ne aut delectum habere liceret consuli, aut pecunia decerneretur. Vid. Plut. in Fabio.

3 *Etruriae primum populi*] Admiratio Niebuhrio iure movetur, quod Livius in Etruscis populis enumerandis octo tantummodo nomine recitat; quando *duodecim*, sicut antiquitus, requirimus, si modo, ut in Latinis vel Achaeis populis, in locum veterum urbium oppressarum novae quaedam in foedus ascitae fuerint. Ex illis, quae in antiquo Etruscorum foedere iunctae sunt, urbes Veii et Vulsinii a Romanis captae et deletae sunt. Vetulonium quidem, quae ex duodecim vetustioribus urbibus erat, amplius non apparet, sed sedem eius Populonia occupavisse Niebuhrio videtur. Cortona autem, quae a nostro supr. ix. 37. inter capita Etruscorum populorum recensetur, hic silentio praeter-

mittitur. Una igitur tantum desideratur, quae duodecim urbium numerum expleat, neque facile duodecimum est inter Capenam, et Cosa, et Faesulas, quae omnes iure quoddam locum sibi vindicant. cf. Niebh. i. n. 367.

4 *Interamenta navium*] Si haec vox a Livio est, intelligenda videntur ligna ea, quae a carinis utrimque ascendunt efficiunt costas navis, quorum compages a Graecis dicitur *ερεπovela*. At multo magis placet *inceraementa*, quod exhibent duo codices, unus Gronovio, alter nobis inspectus. *Inceramenta* erunt cera et pix qua oblinebantur naves. Utraque vox perrara est, nec fortasse aliud earum exemplum reperiam. Cf.

5 *Rutra*] *Rutrum* a *ruendo*, sive *erundo* dictum est, et instrumentum fuit ferreum ad eruendam terram, sive arenam, quum opus esset, teste Festo. CREV.

6 *Alveolos, molas*] *Alveolos* interpretatur Marcellus Donatus vasa lignea ad asservendam aquam, aliove usus. *Molas* ad frumentum in navibus, ubi opus esset, commolendas

quantum in quadraginta longas naves opus esset, tritici U. C. 547.  
centum et viginti millia modium, et in viaticum decurioni- A. C. 205.  
bus remigibusque collaturos: Perusini, Clusini, Rusellani Paratur  
abietem in fabricandas naves, et frumenti magnum nume- classis.  
rum. Abiete ex publicis silvis est usus. Umbriae populi,  
et praeter hos Nursini, et Reatini, et Amiternini, Sabinus-  
que ager omnis, milites polliciti. Marsi, Peligni, Marruci-  
nique, multi voluntarii nomina in classem dederunt. Ca-  
mertes, quum aequo foedere cum Romanis essent, cohor-  
tem armatam sexcentorum hominum miserunt. Triginta  
navium carinae, viginti quinqueres, decem quadriremes,  
quum essent positae, ipse ita institit operi, ut die quadrage-  
simo quinto, quam ex silvis detracta materia erat, naves in-  
structae armataeque in aquam deductae sint. Profectus in 46.  
Siciliam est triginta navibus longis, voluntariorum septem Profici-  
ferme millibus in naves impositis. Et P. Licinius in Brut- scuntur  
tios ad duos exercitus consulares venit. Ex iis eum sibi Cons.  
sumpsit, quem L. Veturius consul habuerat. Metello, ut,  
quibus praefuisset legionibus, iis praeeset, facilius cum as-  
suetis imperio rem gesturum ratus, permisit. Et praetores  
diversi in provincias profecti. Et, quia pecunia ad bellum  
deerat, agri Campani regionem, a fossa Graeca ad mare  
versam, vendere quaestores iussi; indicio quoque permissio,  
qui ager civis Campani fuisset, ut is publicus populi Ro-  
mani esset. Indici praemium constitutum, quantae pe-  
cuniae ager indicatus esset, pars decima. Et Cn. Servilio  
praetori urbis negotium datum, ut Campani cives, ubi cui-  
que ex senatusconsulto liceret habitare, ibi habitarent;  
animadverteretque in eos, qui alibi habitarent.

Eadem aestate Mago, Hamilcaris filius, ex minore Bali- Mago in  
Liguriam  
appellit.

habuisse veteres hinc apparet, sed  
necessario leviores et minoris solito  
diametri. CREV.

7 *In viaticum*] Hic viaticum in-  
telligi debet de pecunia, quum iam  
tritici mentio facta sit. Si quis tamen  
ita velit exponere ut Arretini, praeter  
modios tritici 120000. etiam id ad-  
iecerint frumenti, quod per viae spa-  
tium opus esset decurionibus remigi-  
busque, suo cuique iudicio uti licet.  
CREV.

8 *Decurionibus remigibusque*] Hi  
decuriones videntur praefuisse remi-  
gibus. DUKER.

9 *Umbriae populi*] Quorum men-  
tio occurrit apud Niebuhrium i. n.  
435.

1 *Camertes, quum aequo foedere*] Suspiciari possis Camertes, quum  
aequo iure ac foedere in amicitiam

Romanorum venissent, non necesse  
habuisse, aut etiam solitos fuisse Ro-  
manis praebere milites. Atque ideo  
observaverit Livius eos id fecisse in  
gratiam Scipionis, quod neque lex,  
neque mos iuberet. CREV. cf. supr.  
ix. 41. infr. xxxi. 2.

2 *Indicio ... permissio*] Memoravit  
Livius supr. xxvi. 16. agrum omnem  
Campanum publicum populi Romani  
factum esse. Hic igitur ne qua pars  
eius agri falleret sub alieno nomine,  
id quod fit, etiamnum ab aliquo cive  
Campano possessa, permittitur ei qui  
talis fraudis aliquam notitiam habe-  
ret, eam indicare, imo et ad indicium  
praemio proposito allicitur, ut is ager  
fiat publicus populi Romani, nec per  
illam fraudem eo populus Romanus  
privetur. CREV.

U. C. 547. arium insula, ubi hibernarat, iuventute lecta in classem im-  
 A. C. 205. posita, in Italiam triginta ferme rostratis navibus et multis  
 onerariis, duodecim millia peditum, duo ferme equitum  
 traiecit: Genuamque, nullis praesidiis maritimam oram tu-  
 tantibus, repentino adventu cepit. Inde ad oram Ligurum  
 Alpinorum, si quos ibi motus facere posset, classem appulit.  
 Ingauni (Ligurum ea gens est) bellum ea tempestate gere-  
 bant cum Epanteriis montanis. Igitur Poenus, Savone  
 oppido Alpino praeda deposita, et decem longis navibus in  
 statione ad praesidium relictis, ceteris Carthaginem missis  
 ad tuendam maritimam oram, quia fama erat Scipionem  
 traiecturum esse, ipse, societate cum Ingaunis, quorum  
 gratiam malebat, composita, montanos instituit oppugnare.  
 Et crescebat exercitus in dies, ad famam nominis eius  
 Gallis undique confluentibus. Ea literis cognita Sp. La-  
 cretii, ne frustra, Hasdrubale cum exercitu deleta biennio  
 ante, forent laetati, si par aliud inde bellum, duce tantum  
 mutato, oriretur, curam ingentem accenderunt Patribus.  
 Itaque et M. Livium proconsulem ex Etruria volonum ex-  
 ercitus admove ad Ariminum iusserunt, et Cn. Servilius  
 praetori negotium datum, ut, si e republica censeret esse,  
 urbanas legiones, imperio, cui videretur, dato, ex urbe duci  
 iuberet. M. Valerius Laevinus Arretium eas legiones  
 duxit.

Iisdem diebus naves onerarias Poenorum ad octoginta  
 circa Sardiniam ab Cn. Octavio, qui provinciae praerat,  
 captas, Coelius frumento misso ad Hannibalem commestru-  
 que onustas, Valerius praedam Etruscam Ligurumque  
 montanorum captivos Carthaginem perportantes, tradit.  
 In Brutiis nihil ferme anno eo memorabile gestum. Pesti-  
 lentia incesserat pari clade in Romanos Poenosque: nisi  
 quod Punicum exercitus super morbum etiam fames  
 affecit. Propter Iunonis Lacinae templum aetatem Han-  
 nibal egit; ibique aram condidit dedicavitque, cum ingenti  
 rerum ab se gestarum titulo, Punicis Graecisque literis  
 insculpto.

3 *Ea literis cognita*] *Ea res literis cognita* ex emendatione Rhenani admisit Bekker.

4 *Naves onerarias Poenorum . . . captas, Coelius*] Naves onerarias Poenorum ad octoginta captas Coelius Valeriusque tradunt; ille frumento

onustas, hic perportantes Carthaginem Etruscam praedam cum Ligurum captivis. Ceterum libri editi ante nomen *Coelius* addunt eam quam vocem resecurit Gronovius. De Coelio vid. supr. xxi. 38. de Valerio iii. 5. CREV.

## EPITOME LIBRI XXIX.

---

*EX Sicilia C. Laelius in Africam a Scipione missus ingentem praedam reportavit, et mandata Masinissae Scipioni exposuit, conquerentis, quod nondum exercitum in Africam traiecisset. Bellum in Hispania finitum, victore Romano, quod Indibilis excitaverat; ipse in acie occisus, Mandonius expositis Romanis a suis deditus est. Magoni, qui in Gallia et Liguribus erat, ex Africa et militum ampla manus missa, et pecuniae, quibus auxilia conduceret: praeceptumque, ut se Hannibali iungeret. Scipio a Syracusis in Bruttios traiecit, et Locros, pulso Punico praesidio, fugatoque Hannibale, recepit. Pax cum Philippo facta est. Idaea mater deportata est Romam a Pessinunte oppido Phrygiae, carmine in libris Sibyllinis invento, pelli Italia alienigenam hostem posse, si mater Idaea deportata Romam esset. Tradita autem est Romanis per Attalum regem Asiae. Lapis erat, quem matrem deum incolae dicebant. Excepit P. Scipio Nasica Cn. filius, eius, qui in Hispania perierat, vir optimus a senatu iudicatus, adolescens nondum quaestorius, quoniam ita responsum iubebat: ut numen id ab optimo viro reciperetur consecrareturque. Locrenses legatos Romam miserunt, qui de impotentia Q. Pleminii legati quererentur, quod pecuniam Proserpinae abstulerat, et liberos eorum ac coniuges stupraverat. Pleminius, in catenis Romam perductus, in carcere mortuus est. Quum falsus rumor de P. Scipione proconsule, qui in Sicilia erat, in urbem perlatus esset, tanquam is luxuriaretur; missis ob hoc legatis a senatu, qui explorarent, an ea vera essent, purgatus infamia Scipio in Africam traiecit, senatus permissu. Syphax, accepta in matrimonium filia Hasdrubalis Gisgonis, amicitiae, quam cum Scipione ipse iunxerat, renuntiavit. Masinissa, rex Massylorum, dum pro Carthaginensibus in Hispania militat, amisso patre Gala, de regno exciderat. Quo per bellum saepe repetito, aliquot proeliis a Syphace rege Numidarum victus, in totum privatus est: et cum ducentis equitibus exsul Scipioni se iunxit: et cum eo primo statim bello Hannonem Hamilcaris filium cum ampla manu interemit. Scipio, adventu Hasdrubalis et Syphacis, qui prope cum centum millibus armatorum venerant, ab obsidione Uticae depulsus, hiberna communivit. Sempronius con-*

*sul in agro Crotoniensi prospere adversus Hannibalem pugnavit. Lustrum a censoribus conditum est : censa sunt civium capita ducenta quattuordecim millia. Inter censores, M. Livium et Claudium Neronem, notabilis discordia fuit. Nam et Claudius Livio collegae equum ademit, quod a populo damnatus actusque in exilium fuerat ; et Livius Claudio, quod falsum in se testimonium dixisset, et quod non bona fide secum in gratiam redisset. Idem omnes tribus, extra unam, aerarias reliquit, quod et innocentem se damnassent, et postea consulem censoremque fecissent.*



# T. LIVII PATAVINI

## LIBER XXIX.

**S**CIPIO, postquam in Siciliam venit, voluntarios milites U. C. 547.  
ordinavit centuriavitque: ex iis trecentos iuvenes, flo- A. C. 205.  
rentes aetate et virium robore, inermes circa se habebat,  
ignorantes, quem ad usum, neque centuriati, neque armati,  
servarentur. Tum ex totius Siciliae iuniorum numero Trecentis  
principes genere et fortuna trecentos equites, qui secum in equitibus  
Africam traicerent, legit: diemque iis, qua equis armisque Siculis Ro-  
instructi atque ornati adessent, edixit. Gravis ea militia, mani equi-  
procul domo, terra marique multos labores, magna pericula tuti.  
allatura videbatur; neque ipsos modo, sed parentes cogna-  
tosque eorum ea cura angebat. Ubi dies, quae dicta erat,  
advenit, arma equosque ostenderunt. Tum Scipio, 're-  
'nuntiari sibi,' dixit, 'quosdam equites Siculorum, tan-  
'quam gravem et duram, horrere eam militiam. Si qui ita  
'animati essent, malle eos sibi iam tum fateri, quam post-  
'modo querentes, segnes atque inutiles milites reipublicae  
'esse. Expromerent, quid sentirent: cum bona venia se  
'auditurum.' Ubi ex his unus ausus est dicere, 'se pror-  
'sus, si sibi, utrum velit, liberum esset, nolle militare;'  
tum Scipio ei, 'Quoniam igitur, adolescens, quid sentires,  
'non dissimulasti, vicarium tibi expediam, cui tu arma  
'equumque et cetera instrumenta militiae tradas, et tecum  
1 'hinc extemplo domum ducas, exerceas, docendum cures  
'equo armisque.' Laeto conditionem accipienti unum ex  
trecentis, quos inermes habebat, tradit. Ubi hoc modo  
2 exauctoratum equitem cum gratia imperatoris ceteri vide-  
runt, se quisque excusare, et vicarium accipere. Ita tre-  
centis Siculis Romani equites substituti, sine publica  
impensa. Docendorum atque exercendorum curam Siculi  
habuerunt: quia edictum imperatoris erat, ipsum milita-  
turum, qui ita non fecisset. Egregiam hanc alam equitum  
evasisse ferunt, multisque proeliis rempublicam adiuvisse.

1 *Docendum cures equo armisque]*  
Similiter *fidibus docere et fidibus di-*  
*scere* apud Ciceronem habemus.

2 *Cum gratia imperatoris]* Ita ut  
nihilominus imperatori gratus esset.  
CREV.

U. C. 547. Legiones inde quum inspiceret, plurimorum stipendio-  
 A. C. 205. rum ex iis milites delegit; maxime qui sub duce Marcello  
 Plurimo- militaverant: quos quum optima disciplina institutos cre-  
 rum sti- debat, tum etiam ab longa Syracusarum obsidione peritis-  
 pendiorum simos esse urbium oppugnandarum. Nihil enim parvum,  
 milites le- git Scipio. sed Carthaginiis iam excidia agitabat animo. Inde exer-  
 citum per oppida dispertit: frumentum Siculorum civita-  
 tibus imperat; ex Italia advecto parcit: veteres naves  
 reficit, et cum iis C. Laelium in Africam praedatum mittit:  
 novas Panormi subducit, quia ex viridi materia raptum  
 factae erant, ut in sicco hibernarent.

Res Sici-  
 liae com-  
 ponit.

Praeparatis omnibus ad bellum, Syracusas, nondum ex  
 magnis belli motibus satis tranquillas, venit. Graeci res a  
 quibusdam Italici generis, eadem vi, qua per bellum cepe-  
 rant, retinentibus, concessas sibi ab senatu, repetebant.  
 Omnium primum ratus tueri publicam fidem, partim edicto,  
 partim iudiciis etiam in pertinaces ad obtinendam iniuriam;  
 redditis, suas res Syracusanis restituit. Non ipsis tantum  
 ea res, sed omnibus Siciliae populis, grata fuit; eoque  
 enixius ad bellum adiuverunt.

Bellum in  
 • Hispania.

Eadem aestate in Hispania coortum ingens bellum, con-  
 ciente Ilergete Indibili, nulla alia de causa, quam per  
 admirationem Scipionis contemptu imperatorum aliorum  
 orto. 'Eum superesse unum ducem Romanis, ceteris ab  
 'Hannibale interfectis,' rebatur. 'Eo nec in Hispania  
 'caesis Scipionibus alium, quem mitterent, habuisse: et,  
 'postquam in Italia gravius bellum urgeret, adversus Han-  
 'nibalem eum arcessitum. Praeterquam quod nomina  
 'tantum ducum in Hispania Romani haberent, exercitum  
 'quoque inde veterem deductum. Trepida omnia, ut in-  
 'conditam turbam tironum, esse: nunquam talem occa-  
 'sionem liberandae Hispaniae fore. Servitum ad eam  
 'diem aut Carthaginensibus, aut Romanis: nec in vicem  
 'his aut illis, sed interdum utrisque simul. Pulsos ab  
 'Romanis Carthaginienses; ab Hispanis, si consentirent,  
 'pelli Romanos posse: ut ab omni externo imperio soluta  
 'in perpetuum Hispania in patrios rediret mores ritusque.'  
 Haec aliaque dicendo non populares modo, sed Ausetanos  
 quoque, vicinam gentem, concitat, et alios finitimos sibi  
 atque illis populos. Itaque intra paucos dies triginta milia  
 peditum, quattuor ferme equitum in Sedetanum agrum,  
 2. quo edictum erat, convenerunt. Romani quoque impera-

3 *Pertinaces ad obtinendam iniu-  
 riam]* sc. Ad ea retinenda, quae per  
 iniuriam sibi arrogaverant. cf. Tac.  
 Hist. ii. 84. *Vespasiano . . . ad ob-  
 tinendas iniquitates haud perinde ob-*

*stinante.*

4 *Postquam in Italia]* Haec ad  
 mentem sensumque Indibilis accom-  
 modata sunt, non ad rei veritatem.  
 CREV.

tores, L. Lentulus et L. Manlius Acidinus, ne glisceret U. C. 547.  
 prima negligendo bellum, iunctis et ipsi exercitibus, per A. C. 205.  
 agrum Ausetanum, hostico, tanquam pacato, clementer  
 ductis militibus, ad sedem hostium pervenere. Trium  
 millium spatio procul a castris eorum posuerunt castra.  
 Primo per legatos nequicquam tentatum, ut discederetur  
 ab armis. Dein, quum in pabulatores Romanos impetus  
 repente ab equitibus Hispanis factus esset, summisso ab  
 statione Romana equitatu, proelium equestre fuit, haud  
 sane memorando in partem ullam eventu. Sole oriente, Acies His-  
 postero die armati instructique omnes mille ferme passus panorum.  
 procul a castris Romanis aciem ostendere. Medii Ausetani  
 erant: cornua dextrum Ilergetes, laevum ignobiles tene-  
 bant Hispani populi. Inter cornua et mediam aciem in-  
 tervalla patentia satis late fecerant: qua equitatum, ubi  
 tempus esset, emitterent. Et Romani, more suo exer-  
 citum quum instruxissent, id modo hostium imitati sunt,  
 ut inter legiones et ipsi patentes equiti relinquerent vias.  
 Ceterum Lentulus, ei parti usum equitis fore ratus, quae Acre proe-  
 prior in dehiscentem intervallis hostium aciem equites lium.  
 emisisset, Ser. Cornelio tribuno militum imperat, equites  
 per patentes in hostium acie vias permittere equos iubeat:  
 ipse, coepta parum prospere pedestri pugna, tantum mo-  
 ratus, dum cedenti duodecimae legioni, quae in laevo  
 cornu adversus Ilergetes locata erat, tertiam decimam  
 legionem ex subsidiis in primam aciem firmamentum  
 ducit; postquam aequata ibi pugna est, ad L. Manlium,  
 inter prima signa hortantem, ac subsidia, quibus res postu-  
 labat locis, inducentem, venit. Indicat tuta ab laevo cornu  
 esse: iam missum ab se Cornelium Servium procella  
 equestri hostes circumfusurum. Vix haec dicta dederat,  
 quum Romani equites, in medios invecti hostes, simul  
 pedestres acies turbarunt, simul equitibus Hispanorum viam  
 immittendi equos clausurunt. Itaque, omissa pugna eques-  
 tri, ad pedestrem Hispani descenderunt. Romani impe-  
 ratores, ut turbatos hostium ordines, et trepidationem  
 pavoremque, et fluctuantia viderunt signa, hortantur, orant  
 milites, 'ut perculos invadant, neu restitui aciem pa-  
 tiantur.' Non sustinuissent tam infestum impetum bar- Vincunt  
 bari, ni regulus ipse Indibilis cum equitibus ad pedes Romani.  
 legressis ante prima signa peditum se obiecisset. Ibi Indibilis  
 aliquamdiu atrox pugna stetit. Tandem postquam ii, qui occisus.  
 circa regem, seminecem restantem, deinde pilo terrae

5 *Ut inter legiones . . . relinque-  
 ent vias*] Hic lineamenta quaedam  
 ernimus illius rationis, qua Scipio  
 d Zamam in legionibus instruendis

prospere usus est. cf. infr. xxx. 33.

6 *Ad pedestrem Hispani descende-  
 runt*] sc. Ex equis descenderunt, ut  
 pedestrem Martem capesserent.

U. C. 547. affixum, pugnabant, obruti telis occubuerunt, tum fuga  
A. C. 205. passim coepta, pluresque caesi, quia equos conscendendi

equitibus spatium non fuerat, et quia perculsis acriter institerunt Romani: nec ante abscessum est, quam castris quoque exuerunt hostem. Tredecim millia Hispanorum caesa eo die, octingenti ferme capti. Romanorum sociorumque paullo amplius ducenti, maxime in laevo cornu, ceciderunt. Pulsi castris Hispani, aut qui ex proelio effugerant, sparsi primo per agros, deinde in suas quisque civitates redierunt. Tum a Mandonio evocati in concilium, conquestique ibi clades suas, increpitis auctoribus belli, legatos mittendos ad arma tradenda deditionemque faciendam censuerunt. Quibus, culpam in auctorem belli Indibilem, ceterosque principes, quorum plerique in acie cecidissent, conferentibus, tradentibusque arma, et deditibus sese, responsum est: 'In deditionem ita accipi eos, 'si Mandonium ceterosque belli concitores tradidissent 'vivos: sin minus, exercitus se in agrum Ilergetum Ausetanorumque, et deinceps aliorum populorum ducturos.' Haec dicta legatis, renuntiataque in concilium. Ibi Mandonius ceterique principes comprehensi et traditi ad supplicium. Hispaniae populis reddita pax: stipendium eius anni duplex et frumentum sex mensium imperatum, sagae et togae exercitui, et obsides ab triginta ferme populis accepti.

Ita Hispaniae rebellantis tumultu, haud magno motu, intra paucos dies concito et compresso, in Africam omnis terror versus. C. Laelius nocte ad Hipponem Regium quum accessisset, luce prima ad populandum agrum sub signis milites sociosque navales duxit. Omnibus, pacis modo incuriose agentibus, magna clades illata: nuntique trepidi Carthaginem terrore ingenti complevere, classem Romanam Scipionemque imperatorem (et fama fuerat iam in Siciliam transgressum) advenisse. Nec quot naves vidissent, nec quanta manus agros popularetur, satis gnari omnia in maius, metu augente, accipiebant. Itaque primo terror pavorque, dein maestitia animos incessit: 'tantum 'fortunam mutasse, ut, qui modo ipsi exercitum ante, 'moenia Romana habuissent victores, stratisque tot hostium 'exercitibus, omnes Italiae populos aut vi aut voluntate in 'deditionem accepissent; ii, verso Marte, Africae popu-

3.  
Dedunt se  
Hispani.

Mandonius  
traditus ad  
supplicium.

Laelius  
classe Afri-  
cam popu-  
latur.

Terror Car-  
thaginien-  
sium.

7 *Frumentum sex mensium*] *Mensum*, quod in codd. Reg. et Put. exstat, reposuit Bekker. In huiusmodi genitivis Livium non semper sibi constare animadvertit Drakenborchius, quoniam *apum* et *apium*, *sedium* et *sodium* pariter usurpat.

8 *Togae*] Togas milites in hibernis et otio castrorum gestasse censet Crevier. cf. supr. xxii. 54. infr. xliv. 16.

9 *Fortunam mutasse*] *Mutare* per *mutari* frequenter a Livio dici supr. iii. 10. ut nihil odor *mutaret*, docet Drakenb.

lationes et obsidionem Carthagini visuri forent, nequa- U. C. 547.  
 quam pari ad patienda ea robore, ac Romani fuissent. A. C. 205.  
 Illis Romanam plebem, illis Latium iuventutem prae-  
 buisse; maiorem semper frequentioreque pro tot caesis  
 exercitibus subolescentem. Suam plebem imbellem in  
 urbe, imbellem in agris esse: mercede parari auxilia ex  
 Afris, gente ad omnem auram spei mobili atque infida.  
 Iam reges, Syphacem post colloquium cum Scipione  
 alienatum; Masinissam aperta defectione infestissimum  
 hostem: nihil usquam spei, nihil auxilii esse. Nec Ma-  
 gonem ex Gallia movere tumultus quicquam, nec coniun-  
 gere sese Hannibali: et Hannibalem ipsum iam et fama  
 senescere, et viribus.' In haec deflenda prolapsos ab re- 4.  
 centi nuntio animos rursus terror instans revocavit ad con-  
 sultandum, quonam modo obviam praesentibus periculis  
 iretur. Delectus raptim in urbe agrisque haberi placet, Apparatus.  
 mittere ad conducenda Afrorum auxilia, munire urbem,  
 frumentum convehere, tela, arma parare, instruere naves  
 ac mittere ad Hipponem adversus Romanam classem. Iam  
 haec agentibus nuntius tandem venit, Laelium, non Sci-  
 pionem, copiasque, quantae ad incursiones agrorum satis  
 sint, transvectas; summae belli molem adhuc in Sicilia  
 esse. Ita respiratum, mittique ad Syphacem legationes,  
 aliosque regulos, firmandae societatis causa, coeptae. Ad  
 Philippum quoque missi, qui ducenta argenti talenta polli-  
 cerentur, ut in Siciliam aut in Italiam traiceret. Missi et  
 ad duos imperatores in Italiam, ut omni terrore Scipionem  
 retinerent: ad Magonem non legati modo, sed viginti  
 quinque naves longae, sex millia peditum, octingenti  
 equites, septem elephanti, ad hoc magna pecunia ad con-  
 ducenda auxilia, quibus fretus propius urbem Romanam  
 exercitum admoveret, coniungeretque se Hannibali. Haec  
 Carthagine parabant agitabantque. Ad Laelium praedas Masinissa  
 ingentes ex agro inermi ac nudo praesidiis agentem Masi- ad Lao-  
 nissa, fama Romanae classis excitus, cum equitibus paucis lium venit.  
 venit. Is 'segniter rem agi ab Scipione' questus, 'quod  
 tum non iam exercitum in Africam traiecisset, percussis  
 Carthaginiensibus, Syphace impedito finitimis bellis,  
 quem incertum haerere; si spatium ad sua, ut velit, com-  
 ponenda detur, nihil sincera fide cum Romanis acturum.  
 Hortaretur, ac stimularet Scipionem, ne cessaret. Se,  
 quanquam regno pulsus esset, cum haud contemnendis  
 copiis affuturum peditum equitumque. Nec ipsi Laelio  
 morandum in Africa esse. Classem credere profectam a

1 Quem incertum haerere] Proba incertum habere. CREV.  
 Gronovii emendatio pro vulg. quem

U. C. 547. 'Carthagine, cum qua, absente Scipione, non satis tutum  
A. C. 205. 'esse contrahi certamen.' Ab hoc sermone dimisso Ma-  
5. sinissa, Laelius postero die naves praeda onustas ab Hip-  
pone solvit, revectusque in Siciliam mandata Masinissae  
Scipioni exposuit.

Oratio Ma-  
gonis ad  
Gallos et  
Ligures.

Respon-  
sum Gallo-  
rum.

Iisdem ferme diebus naves, quae ab Carthagine ad Ma-  
gonem missae erant, inter Albingaunos Ligures Genuamque :  
accesserunt. In iis locis tum forte Mago tenebat classem :  
qui, legatorum auditis verbis, iubentium exercitus quam  
maximos comparare, extemplo Gallorum et Ligurum (nam-  
que utriusque gentis ingens ibi multitudo erat) concilium  
habuit. 'Et missum se ad eos vindicandos in libertatem,'  
ait, 'et, ut ipsi cernant, mitti sibi ab domo praesidia : sed,  
'quantis viribus, quanto exercitu id bellum geratur, in  
'eorum potestate esse. Duos exercitus Romanos, unum  
'in Gallia, alterum in Etruria esse : satis scire, Sp. Lucre-  
'tium se cum M. Livio iuncturum : multa millia ipsis etiam  
'armanda esse, ut duobus ducibus, duobus exercitibus Ro-  
'manis resistatur.' Galli, 'summam ad id suam volun-  
'tatem esse,' dicere : 'sed, quum una castra Romana intra  
'fines, altera in finitima terra Etruria prope in conspectu  
'habeant, si palam fiat, auxiliis adiutum ab sese Poenum,  
'extemplo infestos utrimque exercitus in agrum suum in-  
'cursuros. Ea ab Gallis desideraret, quibus occulte adiuvari  
'posset. Liguribus, quod procul agro urbibusque eorum  
'castra Romana sint, libera consilia esse : illos armare  
'iuventutem, et capessere pro parte bellum, aequum esse.'  
Ligures haud abnuere : tempus modo duorum mensium  
petere ad delectus habendos. Interim Mago milites, Gallis  
dimissis, clam per agros eorum mercede conducere. Com-  
meatus quoque omnis generis occulte ad eum a Gallis po-  
pulis mittebantur. M. Livius exercitum volonum ex  
Etruria in Galliam traducit : iunctusque Lucretio, si  
se Mago ex Liguribus propius urbem moveat, obviam ire  
parat : si Poenus sub angulo Alpium quietus se contineat,  
et ipse in eadem regione circa Ariminum Italiae praesidio  
futurus.

6. Post reditum ex Africa C. Laelii, et Scipione stimulo

2 *Inter Albingaunos Ligures*] In-  
ter *Albium Ingaunum Ligurum* me-  
lius noster dixerit, quoniam gens *In-*  
*gauni* circa haec loco habitabat, quo-  
rum caput *Albium Ingaunum* erat,  
oppidum ad mare Inferum situm,  
hod. *Albenga*.

3 *Gallorum et Ligurum*] Qua ori-  
gine fuerint Ligures prorsus ignoratur,  
hoc tamen constat, eos neque Celtica

neque Iberica stirpe prognatos esse.  
cf. Dion. i. 10. Suspiscatur Nie-  
buhrius cognationem quandam in-  
cum Liburnis fuisse, quae coniectum  
si proba sit, Ligures Pelagico fove-  
derivatos esse verisimile est.

4 *A Gallis populis*] Similiter sup.  
2. *Hispani populi*. Gronovius con-  
iicit *a Galliae populis*, sed *Galli*  
plures codd. firmant.

Masinissae adhortationibus, et militibus, praedam ex hostium terra cernentibus tota classe efferri, accensis ad traiciendum quam primum, intervenit maiori minor cogitatio, Locros urbem recipiendi, quae sub defectionem Italiae desciverat et ipsa ad Poenos. Spes autem affectandae eius rei ex minima re affulsit. Latrociniis magis, quam iusto bello, in Brutiis gerebantur res; principio ab Numidis facto, et Brutiis, non societate magis Punica, quam suo ingenio, congruentibus in eum morem. Postremo Romani quoque, iam contagione quadam rapti gaudentes, quantum per duces licebat, excursions in hostium agros facere. Ab iis egressi quidam urbem Locrenses circumventi, Rhegiumque abstracti fuerant. In eo captivorum numero fabri quidam fuere, assueti forte apud Poenos mercede opus in arce Locrorum facere. Ii, cogniti ab Locrensi principibus, qui pulsati ab adversa factione, quae Hannibali Locros tradiderat, Rhegium se contulerant, quum cetera percunctantibus, (ut mos est, qui diu absunt) quae domi agerentur, exposuissent, spem fecerunt, si redempti ac remissi forent, arcem se iis tradituros. Ibi se habitare, fidemque sibi rerum omnium inter Carthaginenses esse. Itaque, ut qui simul desiderio patriae angerentur, simul cupiditate inimicos ulciscendi arderent, redemptis extemplo iis remisissisque, quum ordinem agenda rei composuissent, signaque, quae procul edita observarent, ipsi ad Scipionem Syracusas profecti, apud quem pars exsulum erat, referentes ibi promissa captivorum, quum spem ab effectu haud abhorrentem consuli fecissent; tribuni militum cum iis M. Sergius et P. Matienus missi, iussique ab Rhegio tria millia militum Locros ducere: et Q. Pleminio propraetori scriptum, ut rei agenda adesset. Profecti ab Rhegio, scalas ad editam altitudinem arcis fabricatas portantes, media ferme nocte ex eo loco, unde convenerat, signum dedere proditoribus arcis. Qui parati intentique, et ipsi scalas ad id ipsum factas quum demisissent, pluribusque simul locis scandentes accepissent, priusquam clamor oriretur, in vigiles Poenorum, ut in nullo tali metu, sopitos impetus est factus. Quorum gemitus primo morientium exauditus; deinde subita consternatio ex somno et tumultus, quum causa ignoraretur; postremo certior res, aliis excitantibus alios. Iamque 'ad arma' pro se quisque vocabat: 'hostes in arce esse, et caedi vigiles:' oppressique forent Romani, nequaquam numero pares, ni clamor, ab iis, qui extra

5 *Affectandae eius rei*] Vocem rei odiose repetitam fuisse censet Gronov. qui post *affectandae eius*, vocem *urbis* subaud. intelligit.

6 *Propraetori*] Hunc, utpote legatum Scipionis, hoc nomine designari censet Duker.

7 *Ni clamor, ab iis*] Ni clamor ab



U. C. 547. arcem erant, sublatus, incertum unde accidisset, omnia vana  
 A. C. 205. augente nocturno tumultu, fecisset. Itaque velut plens  
 iam hostium arce territi Poeni, omisso certamine, in alteram  
 arcem (duae sunt haud multum inter se distantes) confugiunt.  
 Oppidani urbem habebant, victoribus praemium in medio positam.  
 Ex arcibus duabus proeliis quotidie levibus certabatur. Q. Pleminius Romano,  
 Hamilcar Punico praesidio praeerat: arcessentes ex propinquis locis  
 subsidia copias augebant. Ipse postremo veniebat Hannibal:  
 nec sustinuissent Romani, nisi Locrensiarum multitudo, exacerbatam  
 superbia atque avaritia Poenorum, ad Romanos inclinasset.

7. Scipioni ut nuntiatum est, in maiore discrimine Locris rem  
 verti, ipsumque Hannibalem adventare; ne praesidium etiam  
 periclitaretur, haud facili inde receptu, et ipse a Messana, L.  
 Scipione fratre in praesidio ibi relicto, quum primum aestu  
 fretum inclinatum est, naves mari secundo misit. Et Hannibal,  
 a Butroto amni (haud procul is ab urbe Locris abest) nuntio  
 praemisso, ut sui luce prima summa vi proelium cum Romanis  
 ac Locrensibus conserrerent, dum ipse, aversis omnibus in eum  
 tumultum, ab tergo urbem incautam aggrediretur, ubi luce  
 coeptam invenit pugnam, ipse nec in arcem se includere, turba  
 locum artum impediturus, voluit; neque scalas, quibus scanderet  
 muros, attulerat. Sarcinis in acervum coniectis, quum haud  
 procul muris ad terrorem hostium aciem ostendisset, cum  
 equitibus Numidis circumequitabat urbem, dum scalae, quaeque  
 alia ad oppugnandum opus erant, parantur, ad visendum, qua  
 maxime parte aggrediretur. Progressus ad murum, scorpione icto,  
 qui proximus eum forte steterat, teritus inde tam periculoso  
 casu, receptui canere quum iussisset, castra procul ab ictu  
 teli communiit. Classis Romana a Messana Locros, aliquot  
 horis die superante, accessit: expositi omnes e navibus, et  
 ante occasum solis urbem ingressi sunt. Postero die coepta ex  
 arce a Poenis pugna: et Hannibal, iam scalis aliisque omnibus  
 ad oppugnationem paratis, subibat muros: quum repente in eum,

iis sublatus, qui extra arcem erant, fecisset incertum Poenis, unde  
 accidisset; cohibuisset Poenos incertos, utrum ab arce, an ab  
 vicinis arci locis accidisset, nocturno tumultu augente omnia,  
 etiam vana. Similiter fere locutus est Livius, infr. xli. 2. *Et  
 concursatio in obscuro incidentium aliorum in alios incertum  
 fecerat, an hostis intra vallum esset.* CREV.

8 *Quum primum aestu fretum inclinatum est*] Quum primum freti

aquae aestu propelli in eam partem coeptae sunt, versus quam  
 Scipio navigandum erat. CREV.

9 *Naves mari secundo misit*] Naves ferendas permisit mari  
 secundo, id est, motui maris obsecuturas. Et intelligendus est  
 ipse Scipio his navibus vectus fuisse, ut constat ex iis quae  
 sequuntur. CREV.

1 *Scorpione icto, qui . . . forte* Quum is qui forte proximus  
 ei steterat, scorpione ictus esset. CREV.

nihil minus quam tale quicquam timentem, patefacta porta U. C. 547.  
 erumpunt Romani. Ad ducentos, improvidos quum inva- A. C. 205.  
 sissent, occidunt: ceteros Hannibal, ut consulem adesse  
 sensit, in castra recipit; nuntioque misso ad eos, qui in  
 arce erant, ut sibimet ipsi consulerent, nocte motis castris  
 abiit. Et qui in arce erant, igni iniecto tectis, quae tene-  
 bant, ut is tumultus hostem moraretur, agmen suorum  
 fugae simili cursu ante noctem assecuti sunt. Scipio, ut et 8.  
 arcem relictam ab hostibus et vacua vidit castra, vocatos  
 ad concionem Locrenses graviter ob defectionem incusavit:  
 de auctoribus supplicium sumpsit, bonaque eorum alterius  
 factionis principibus, ob egregiam fidem adversus Roma-  
 nos, concessit. 'Publice nec dare, nec eripere se quic-  
 quam Locrensibus,' dixit. 'Romam mitterent legatos:  
 quam senatus aequum censuisset, eam fortunam habituros.  
 Illud satis scire, etsi male de populo Romano meriti es-  
 sent, in meliore statu sub iratis Romanis futuros, quam  
 sub amicis Carthaginiensibus fuerint.' Ipse, Q. Pleminio  
 legato praesidioque, quod arcem ceperat, ad tuendam ur-  
 bem relicto, cum quibus venerat copiis, Messanam tra-  
 iecit.

Ita superbe et crudeliter habiti Locrenses ab Carthagi- Pleminius  
 niensibus post defectionem ab Romanis fuerant, ut modi- Praef. Lo-  
 cas iniurias non aequo modo animo pati, sed prope lubenti cris crude-  
 possent. Verum enim vero tantum Pleminius Hamilca- liter se ge-  
 rem praesidii praefectum, tantum praesidiarii milites Ro- rit.  
 mani Poenos scelere atque avaritia superaverunt, ut non  
 armis, sed vitiis videretur certari. Nihil omnium, quae  
 inopi invisas opes potentioris faciunt, praetermissum in op-  
 pidanos est ab duce, aut a militibus: in corpora ipsorum,  
 in liberos, in coniuges infandae contumeliae editae. Nam Eius avari-  
 avaritia ne sacrorum quidem spoliatione abstinuit: nec alia tia.  
 modo templa violata, sed Proserpinae etiam, intacti omni  
 aetate, thesauri; praeterquam quod a Pyrrho, qui cum  
 magno piaculo sacrilegii sui manubias retulit, spoliati dice-  
 bantur. Ergo sicut ante regiae naves, laceratae naufragiis,  
 nihil in terram integri, praeter sacram pecuniam deae,  
 quam asportabant, extulerant; tum quoque alio genere cla-  
 dis eadem illa pecunia omnibus contactis ea violatione tem-  
 pli furorem obiecit, atque inter se ducem in ducem, mili-  
 tem in militem rabie hostili vertit. Summae rei Pleminius 9.  
 praeerat: militum pars sub eo, quam ipse ab Rhegio ab-  
 duxerat, pars sub tribunis erat. Rapto poculo argenteo ex

Pugna in-  
 ter milites  
 Rom.

2 Cum magno piaculo] De hac  
 sacrilegii expiatione, cf. infr. 18.

3 Pars sub tribunis erat] Nimi-  
 rum verisimile est tribunos a Scipione

ex Sicilia missos esse cum aliquo  
 militum numero, quibus et praesse  
 eos, tanquam proprios duces, consul-  
 voluit. CREV.

U. C. 547. oppidani domo Pleminii miles fugiens, sequentibus, quo-  
 A. C. 205. rum erat, obvius forte Sergio et Matieno tribunis militum  
 fuit. Cui quum iussu tribunorum ademptum poculum es-  
 set, iurgium inde et clamor, pugna postremo orta inter  
 Pleminii milites, tribunorumque; ut suis quisque oppor-  
 tunus advenerat, multitudine simul ac tumultu crescente.  
 Victi Pleminii milites quum ad Pleminium, cruorem ac  
 vulnera ostentantes, non sine vociferatione atque indigna-  
 tione concurrissent, probra in eum ipsum iactata in iurgiis  
 referentes; accensus ira domo sese proripuit, vocatosque  
 tribunos nudari, ac virgas expediri iubet. Dum spoliandis  
 iis (repugnabant enim, militemque implorabant) tempus  
 teritur, repente milites, feroces recenti victoria, ex omnibus  
 locis, velut adversus hostes ad arma conclamatum esset,  
 concurrerunt. Et, quum violata iam virgis corpora tribu-  
 norum vidissent, tum vero in multo impotentiore subito  
 rabiem accensi, sine respectu, non maiestatis modo, sed  
 etiam humanitatis, in legatum impetum, lictoribus prius  
 indignum in modum mulcatis, faciunt: tum ipsum, ab suis  
 interceptum et seclusum, hostiliter lacerant, et prope ex-  
 sanguem, naso auribusque mutilatis, relinquunt. His Mes-  
 sanam nuntiatis, Scipio, post paucos dies Locros hexeri ad-  
 vectus, quum causam Pleminii et tribunorum audisset, Ple-  
 minio noxa liberato, relictoque in eiusdem loci praesidio,  
 tribunis sontibus iudicatis, et in vincula coniectis, ut Ro-  
 mam ad senatum mitterentur, Messanam atque inde Sura-  
 cusas rediit. Pleminius impotens irae, neglectam ab Sci-  
 pione et nimis leviter latam suam iniuriam ratus, nec  
 quemquam aestimare alium eam litem posse, nisi qui atro-  
 citatem eius patiendo sensisset, tribunos attrahi ad se iussit:  
 laceratosque omnibus, quae pati corpus ullum potest, sup-  
 pliciis interfecit: nec satius vivorum poena, insepultos  
 proiecit. Simili crudelitate et in Locrensiu[m] principes es-  
 usus, quos ad conquerendas iniurias ad P. Scipionem pro-  
 fectos audivit: et, quae antea per libidinem atque avari-  
 tiam foeda exempla in socios ediderat, tunc ab ira multi-  
 plicia edere: infamiae atque invidiae non sibi modo, sed  
 etiam imperatori, esse.

Pleminius  
 hostiliter  
 laceratus.  
 A Scipione  
 absolvitur.

Tribunos  
 crudeliter  
 occidit.

10. Iam comitiorum appetebat tempus, quum P. Licinii con-  
 sulis literae Romam allatae, 'Se exercitumque suum gravi  
 morbo affectari: nec sisti potuisse, ni eadem vis mali

Licinii ex-  
 ercitus  
 morbo af-  
 fectus.

4 *Hexeri*] Graece ἐξήρης, quae  
 sex remorum ordinibus ageretur.

5 *Nec quemquam aestimare*] sc.  
 Pretium decernere, quo aut piaculum  
 noxae solveretur, aut damna resarci-  
 rentur.

6 *Gravi morbo affectari*] sc. Affe-  
 quemadmodum apud Plautum Ba-  
 chid. iii. 1. *damna, quibus patra-  
 me, teque, amicosque omnes affe-  
 tuos.* CREV.

‘ aut gravior etiam, in hostes ingruisset. Itaque, quoniam U. C. 547.  
 ‘ ipse venire ad comitia non posset, si ita Patribus videretur, A. C. 205.  
 ‘ se Q. Caecilium Metellum dictatorem comitiorum causa  
 ‘ dicturum: exercitum Q. Caecilii dimitti, e republica esse.  
 ‘ Nam neque usum eius ullum in praesentia esse, quum  
 ‘ Hannibal iam in hiberna suos receperit; et tanta incen-  
 ‘ serit in ea castra vis morbi, ut, nisi mature dimittantur,  
 ‘ nemo omnium superfuturus videatur.’ Ea consuli a  
 Patribus facienda, ut e republica fideque sua duceret, per-  
 missa.

Civitatem eo tempore repens religio invaserat, invento  
 carmine in libris Sibyllinis, propter crebrius eo anno de  
 coelo lapidatum inspectis. ‘ Quandoque hostis alienigena Oraculum  
 ‘ terrae Italiae bellum intulisset, eum pelli Italia vincique Sibylli-  
 7 ‘ posse, si mater Idaea a Pessinunte Romam advecta foret.’ num.  
 Id carmen ab decemviris inventum eo magis Patres movit, Delphi-  
 quod et legati, qui donum Delphos portaverant, referebant: cum.  
 et sacrificantes ipsos Pythio Apollini litavisse, et responsum  
 oraculo editum, maiorem multo victoriam, quam cuius ex  
 8 spoliis dona portarent, adesse populo Romano. In eiusdem  
 spei summam conferebant P. Scipionis velut praesagientem  
 animum de fine belli, quod depoposcisset provinciam Afri-  
 9 cam. Itaque quo maturius fatis, ominibus, oraculisque  
 portendentis sese victoriae compotes fierent, id cogitare,  
 quae ratio transportandae Romam deae esset. Nullas dum 11.  
 in Asia civitates socias habebat populus Romanus. Tamen Mater  
 1 memores, Aesculapium quoque ex Graecia quondam, haud- Idaea ex  
 dum ullo foedere sociata, valetudinis populi causa arcessi- Asia peti-  
 tum, et iam cum Attalo rege, propter commune adversus tur.  
 Philippum bellum, coeptam amicitiam esse, facturum eum,  
 quae possit, populi Romani causa, legatos ad eum decernunt,  
 2 M. Valerium Laevinum, qui bis consul fuerat, ac res in  
 Graecia gesserat, M. Caecilium Metellum praetorium, Ser.  
 Sulpicium Galbam aedilicium, duos quaestorios, Cn. Tre-  
 mellium Flaccum, et M. Valerium Faltonem. His quinque

7 *Mater Idaea*] Quae et Rhea, et  
 Ops, et Mater deum quoque vocaba-  
 tur; *Idaea* dicta ab Ida monte in  
 Phrygia, ubi praecipua quadam ve-  
 neratione colebatur. CREV. Hinc  
 libros Sibyllinos Ionio fonte derivatos  
 esse censet Niebuhrius ii. n. 1122.

8 *In eiusdem spei summam confe-  
 rebant*] Ex carmine invento in libris  
 Sibyllinis, et responso Apollinis Del-  
 phici exsistebat iam quaedam spei  
 velut summa, quam augebant addito  
 et aliquo momento spei ex illa fidu-  
 cia, qua Scipio huius belli victoriam  
 animo praesagiebat sibi ac desponde-

bat. CREV.

9 *Fatis, ominibus, oraculisque*] *Fa-  
 tis* significari carmen librorum Sy-  
 byllinorum, *ominibus* Scipionis ani-  
 mum de fine belli praesagientem,  
*oraculis* responsum Apollinis Del-  
 phici, monet Gronovius.

1 *Aesculapium quoque*] Id impe-  
 ratum atque decretum memorat nos-  
 ter supr. x. 47.

2 *M. Valerium Laevinum, qui bis  
 consul fuerat*] Quo anno primum  
 consul fuerit, incertum est. Hoc  
 bello praetor fuit ann. U.C. 537. con-  
 sul iterum cum Marcello ann. 542.

U. C. 547. naves quinqueremes, ut ex dignitate populi Romani adirent  
 A. C. 205. eas terras, ad quas concilianda maiestas nomini Romano  
 esset, decernunt. Legati Asiam petentes protinus Delphos:  
 quum escendissent, oraculum adierunt, consulentes, ad quod  
 negotium domo missi essent, perficiendi eius quam sibi  
 spem populoque Romano portenderet. Responsum esse  
 ferunt, 'Per Attalum regem compotes eius fore, quod pe-  
 'terent. Quum Romam deam devexissent, tum curarent,  
 'ut eam, qui vir optimus Romae esset, hospitio exciperet.  
 Pergamum ad regem venerunt. Is legatos comiter acce-  
 ptos Pessinuntem in Phrygiam deduxit: sacrumque iis  
 lapidem, quam matrem deum esse incolae dicebant, tradi-  
 dit, ac deportare Romam iussit. Praemissus ab legatis M.  
 Valerius Falto nuntiavit, deam apportari: quaerendum  
 virum optimum in civitate esse, qui eam rite hospitio exci-  
 peret.

Datur le-  
 gatis lapis,  
 quam Ma-  
 trem deum  
 vocabant.

Q. Caecilius Metellus dictator ab consule in Brutiis co-  
 mitiorum causa dictus, exercitusque eius dimissus: magister  
 equitum L. Veturius Philo. Comitiae per dictatorem habita-  
 Consules facti M. Cornelius Cethegus, P. Sempronius Tu-  
 ditanus absens, quum provinciam Graeciam haberet. Prae-  
 tores inde creati, Ti. Claudius Nero, M. Marcius Ralla, L.  
 Scribonius Libo, M. Pomponius Matho. Comitibus peractis,  
 dictator sese magistratu abdicavit.

Comitia.

Ludi Romani ter, plebei septies instaurati. Curules  
 erant aediles Cn. et L. Cornelii Lentuli. Lucius Hispaniam  
 provinciam habebat: absens creatus, absens eum honorem  
 gessit. Ti. Claudius Asellus et M. Iunius Pennus  
 plebei aediles fuerunt. Aedem Virtutis eo anno ad portam  
 Capenam M. Marcellus dedicavit, septimo decimo anno  
 postquam a patre eius primo consulatu vota in Gallia ad  
 Clastidium fuerat. Et flamen Martialis eo anno est mor-  
 tuus M. Aemilius Regillus.

3 *Protinus*] Uno itineris tenore. Asiam petentibus, Delphos adire parum longum aut devium est. CREV.

4 *Lapidem, quam matrem deum*] Hanc loquendi figuram, qua relativum duobus nominibus interpositum sequenti coniungitur, editores corruperant, et dederant *quem*: Iac. Gronovius vindicavit ex aliquot scriptis vel optimis, Put. Cantabrig. aliisque, quibus et regius noster accedit. Sic et supr. xxiv. 42. moniti ab eodem Iac. Gronovio restituimus *oppidum, quas causa belli esset*: quum vulgati haberent *quod*. Sic et illud Ennii apud Festum, et Cic. *Aspice hoc sublimis candens, quem invocant omnes*

*Iovem*. CREV.

5 *Hospitio exciperet*] Non tamen deam Nasica domum suam deportavit, ut apparet infr. 14. huius libri. Itaque, si sibi Livium constare videmus, *hospitio excipere*, interpretabimur obviam ire numini tanquam hospitem, et illud hospitali manu de nave accipere. CREV.

6 *Quum provinciam Graeciam haberet*] Missus P. Sulpicio succedet. ut ex cap. seq. patet.

7 *Flamen Martialis* . . . M. Aemilius Regillus] Supr. xxiv. 7. et 8. appellatus est M. Aemilius Regillus Flamen Quirinalis, spe consulatus deiectus a Fabio. Utrum hic flamen

Neglectae eo biennio res in Graecia erant. Itaque Phi- U. C. 547.  
 8 lippus Aetolos, desertos ab Romano, cui uni fidebant, A. C. 205.  
 auxilio, quibus voluit conditionibus, ad petendam et pacis- 12.  
 cendam subegit pacem. Quod nisi omni vi perficere ma- Aetoli pa-  
 turasset, bellantem eum cum Aetolis P. Sempronius pro- cem cum  
 consul, successor imperii missus Sulpicio, cum decem mil- Philippo  
 libus peditum, et mille equitibus, et triginta quinque rostra- faciunt.  
 tis navibus (haud parvum momentum ad opem ferendam  
 sociis) oppressisset. Vixdum pace facta, nuntius regi venit,  
 Romanos Dyrrhachium venisse: Parthinosque et propin-  
 9 quas alias gentes motas esse ad spem novandi res: Dimal-  
 lumque oppugnari. Eo se verterant Romani ab Aetolorum,  
 quo missi erant, auxilio, irati, quod sine auctoritate sua  
 1 adversus foedus cum rege pacem fecissent. Ea quum au-  
 disset Philippus, ne qui motus maior in finitimis gentibus  
 populisque oriretur, magnis itineribus Apolloniam conten-  
 dit; quo Sempronius se receperat, misso Laetorio legato  
 2 cum parte copiarum et quindecim navibus in Aetoliam, ad  
 visendas res, pacemque, si posset, turbendam. Philippus  
 agros Apolloniatum vastavit, et, ad urbem admotis copiis,  
 potestatem pugnae Romano fecit. Quem postquam quie-  
 tum muros tantummodo tueri vidit, nec satis fidens viribus,  
 ut urbem oppugnaret, et cum Romanis quoque, sicut cum  
 Aetolis, cupiens pacem, si posset, sin minus, indutias facere,  
 nihil ultra irritatis novo certamine odiis, in regnum se re-  
 cepit. Per idem tempus, taedio diutini belli, Epirotae, Itemque  
 tentata prius Romanorum voluntate, legatos de pace com- Romani.  
 muni ad Philippum misere; satis confidere, conventuram  
 eam, affirmantes, si ad colloquium cum P. Sempronio im-  
 3 peratore Romano venisset. Facile impetratum, (neque  
 enim ne ipsius quidem regis abhorrebat animus) ut in Epi-  
 rum transiret. Phoenice urbs est Epiri: ibi prius colloca-  
 4 tus rex cum Aeropos, et Darda, et Philippo Epirotarum  
 praetoribus, postea cum P. Sempronio congredditur. Affuit  
 colloquio et Amynder Athamanum rex, et magistratus  
 alii Epirotarum et Acarnanum. Primus Philippus praetor

Martialis alius ab illo sit, an idem  
 duo habuerit sacerdotia, an memoria  
 Livium fefellerit, incertum relinquere  
 cogimur. CREV.

8 *Desertos ab Romano*] Romanis  
 auctore Rhenano reposuit Bekker.

9 *Ab Aetolorum . . . auxilio*] sc.  
 Ab auxilio Aetolis ferendo.

1 *Adversus foedus*] Foederis leges  
 supr. xxvi. 24. memorantur.

2 *In Aetoliam, ad visendas res*] Copulam et ex ed. prima ante voces  
*ad visendas res* revocavit Gronov.

quem auctorem secutus est Bekker.  
 Noster haud dubie fide plurium codi-  
 cum nixus particulam resecavit.

3 *Neque enim ne ipsius quidem  
 regis*] Etenim duabus huiusmodi  
 particulis negativis, tantum abest ut  
 negatio tollatur, ut Graeco more  
 etiam fortior reddatur. cf. supr. xxviii.  
 27. infr. xxxi. 38.

4 *Et Darda*] *Derda* in vet. lib.  
 legi animadvertit Sigonius. Δέρδου  
 apud Thucyd. i. 59. legitur. sed *Darda*  
 plures codd. exhibent.



U. C. 547. verba fecit, et petiit simul ab rege et ab imperatore Romano,  
 A. C. 205. ut finem belli facerent, darentque eam Epirotis veniam.  
 P. Sempronius conditiones pacis dixit, ut Parthini, et Dimallum, et Bargulum, et Eugenium Romanorum essent. Atintania, si, missis Romam legatis, ab senatu impetrasset; Macedoni accederet. In eas conditiones quum pax conveniret, ab rege foederi ascripti, Prusia Bithyniae rex, Achaei, Boeoti, Thessali, Acarnanes, Epirotae: ab Romanis, Ilienses, Attalus rex, Pleuratus, Nabis Lacedaemoniorum tyrannus, Elei, Messenii, Athenienses. Haec conscripta consignataque sunt, et in duos menses indutiae factae, donec Romam mitterentur legati, ut populus in has conditiones pacem iuberet. Iusseruntque omnes tribus: quia, verso in Africam bello, omnibus aliis in praesentia levare volebant bellis. P. Sempronius, pace facta, ad consulatum Romam decessit.

13. P. Sempronio, M. Cornelio consulibus (quintus decimus  
 U. C. 548. is annus Punici belli erat) provinciae, Cornelio Etruria;  
 A. C. 204. cum vetere exercitu, Sempronio Bruttii, ut novas scriberet  
 M. Cornelio, P. legiones, decretae. Praetoribus, M. Marcio urbana, L.  
 Sempronio Scribonio Liboni peregrina, et eidem Gallia, M. Pomponio  
 Coss. Mathoni Sicilia, Ti. Claudio Neroni Sardinia evenit.  
 Provinciae. P. Scipioni cum eo exercitu, cum ea classe, quam habebat, prorogatum in annum imperium est: item P. Licinio, ut Bruttios cum duabus legionibus obtineret, quoad eum in provincia cum imperio morari consuli e republica visum esset. Et M. Livio, et Sp. Lucretio, cum binis legionibus, quibus adversus Magonem Galliae praesidio fuissent, prorogatum imperium est. Et Cn. Octavio, ut, quum Sardiniam legionemque Ti. Claudio tradidisset, ipse navibus longis quadraginta maritimam oram, quibus finibus senatus censuisset, tutaretur. M. Pomponio praetori in Sicilia Cannensis exercitus duae legiones decretae. T. Quinctius Tarentum, C. Hostilius Tubulus Capuam, propraeiores,

5 Si . . . impetrasset] Nempe Philippus.

6 Ilienses] Haec prima, nisi nos fallit opinio, occurrit apud Livium mentio Iliensium: quos hic Romani socios, alibi, ut infr. xxxvii. 37. xxxviii. 39. etiam originis suae auctores agnoscunt. CREV. cf. Niebhr. i. n. 543.

7 Etruria cum vetere exercitu] Cum eo exercitu quem Arretium duxisse Laevinus memoratur infr. xxviii. 46. CREV.

8 T. Quinctius Tarentum] Hic est T. Quinctius Flaminius, qui postea Philippum regem devicit, ut constat

ex Plut. in eius vita. Ceterum qui dicitur hic *Tarentum*, sicut priore anno, *obtinerere* iussus, nusquam supra memoratus est Tarentum missum esse cum imperio. Quin etiam infr. xxviii. 10. et 45. sequi videtur, ut observat Perizonius Animadv. Hist. 4. Q. Claudium, superiore anno, Tarento praefuisse. Sed fieri potest, ut Claudius, postquam ei prorogatum imperium fuerat, vel mortuus sit, vel aliquo casu aut negotio impeditus e provincia decesserit, eique successerit Quinctius missus fuerit. Itaque tunc nihil aliud obici poterit Livio, nisi quod rem eam, de qua mentionem



sicut priore anno, cum vetere uterque praesidio, obtinerent. U. C. 548.  
De Hispaniae imperio, quos in eam provinciam duos pro- A. C. 204.  
consules mitti placeret, latum ad populum est. Omnes  
tribus eosdem, L. Cornelium Lentulum et L. Manlium  
Acidinum, proconsules, sicut priore anno tenuissent, ob-  
tinere eas provincias iusserunt. Consules delectum habere  
instituerunt, et ad novas scribendas in Bruttios legiones, et  
in ceterorum (ita enim iussi ab senatu erant) exercituum  
supplementum.

Quanquam nondum aperte Africa provincia decreta erat, 14.  
(occultantibus id, credo, Patribus, ne praesciscerent Car-  
thaginienses) tamen in eam spes erecta civitas erat, in  
Africa eo anno debellatum iri, finemque bello Punico  
adesse. Impleverat ea res superstitionum animos, pro-  
prie et ad nuntianda, et ad credenda prodigia erant: eo  
plura vulgabantur. 'Duos soles visos: et nocte interlux- Prodigia.  
isse: et facem Setiae ab ortu solis ad occidentem porrigi  
visam. Tarracinae portam, Anagniae et portam et multis  
locis murum de coelo tactum. In aede Iunonis Sospitae  
Lanuvii cum horrendo fragore strepitum editum.' Eorum  
procurandorum causa diem unum supplicatio fuit: et no-  
vendiale sacrum, quod de coelo lapidatum esset, factum.  
Eo accessit consultatio de matre Idaea accipienda, quam,  
praeterquam quod M. Valerius, unus ex legatis praegressus,  
nuntiatum in Italia fore nuntiaverat, recens nuntius aderat,  
Tarracinae iam esse. Haud parvae rei iudicium senatum  
tenebat, qui vir optimus in civitate esset. Veram certe  
victoriam eius rei sibi quisque mallet, quam ulla imperia  
honoresve, suffragio seu Patrum, seu plebis delatos. P. P. Scipio  
Scipionem, Cn. filium, eius qui in Hispania ceciderat, iudicatus  
adolescentem nondum quaestorium, iudicaverunt in tota vir opti-  
civitate virum bonorum optimum esse. Id quibus virtu- mus.  
tibus inducti ita iudicarint, sicut proditum a proximis me-  
norae temporum illorum scriptoribus libens posteris tra-  
lerem; ita meas opiniones, coniectando rem vetustate

ullam fecerat, hic tanquam supra  
memoratam narret. CREV.

9 *Ne praesciscerent Carthaginien-  
es*] *Ne praescirent* ex vet. libr. re-  
ponendum suadet Sigonius, sed *prae-  
ciscerent* eodem sensu accipi potest,  
quo supr. xxvii. 35.

1 *Et nocte interluxisse*] Eleganter  
pro *inter tenebras luxisse*. GRONOV.

2 *Et facem Setiae*] Plures codd.  
*facem Stellae* exhibent, qualis illa  
Virgilii *Stella facem ducens*. Dra-  
senborchius illam modo ab Setiae in-  
olis animadversam fuisse coniecit.

3 *Virum bonorum optimum*] Bo-

*norum* pro vulg. *bonum* emendavit  
Gronov. cuius coniecturam firmat in-  
scriptio quaedam haud procul sepul-  
cro Scipionum apud Romam reperta,  
in honorem Lucii Scipionis filii Barba-  
ti, literis archaicis scripta. Lapis ille,  
qui *il marmo Barberino* dicitur, hanc  
inscriptionem exhibet, HONC OINO.  
PLOIRUME. COSENTIONT. R. DUONORO.  
OPTUMO. FUISSE. VIRO, scilicet, *huno  
unum plurimi consentiunt Romae bo-  
norum optimum fuisse virum*.

4 *Proditum a proximis*] Si pro-  
ditum fuisset. CREV.

U. C. 548. obrutam, non interponam. P. Cornelius cum omnibus  
 A. C. 204. matronis Ostiam ire iussus obviam deae, isque eam de  
 nave accipere, et in terram elatam tradere ferendam ma-  
 tronis. Postquam navis ad ostium amnis Tiberini acces-  
 sit, sicut erat iussus, in salum nave evectus, ab sacerdotibus  
 Claudia. deam accepit, extulitque in terram. Matronae primores  
 civitatis, inter quas unius Claudiae Quintae insigne est:  
 nomen, accipere: cui dubia, ut traditur, antea fama cla-  
 riorum ad posteros tam religioso ministerio pudicitiam fecit.  
 Eae per manus, succedentes deinceps aliae aliis, omni  
 effusa civitate obviam, turibulis ante ianuas positis, qua  
 praeferebatur, atque accenso ture, precantibus, ut volens  
 propitiaque urbem Romanam iniret, in aedem Victoriae.  
 quae est in Palatio, pertulere deam pridie Idus Apriles;  
 isque dies festus fuit. Populus frequens dona deae in Pa-  
 Megalesia. latium tulit: lectisterniumque et ludi fuere, Megalesia:  
 appellata.

15. Quum de supplemento legionum, quae in provinciis  
 erant, ageretur; 'tempus esse,' a quibusdam senatoribus  
 subiectum est, 'quae dubiis in rebus utcumque tolerata  
 'essent, ea, dempto iam tandem deum benignitate metu,  
 'non ultra pati.' Erectis expectatione Patribus, subiece-  
 runt, 'colonias Latinas duodecim, quae Q. Fabio et Q.  
 'Fulvio consulibus abnuissent milites dare, eas annum iam  
 'ferme sextum vacationem militiae, quasi honoris et bene-  
 'ficii causa, habere: quum interim boni obedientesque  
 'socii, pro fide atque obsequio in populum Romanum.  
 'continuis omnium annorum delectibus exhausti essent.'  
 Sub hanc vocem non memoria magis Patribus renovata rei  
 prope iam oblitteratae, quam ira irritata est. Itaque, nihil  
 prius referre consules passi, decreverunt, 'ut consules ma-  
 S. C. de co- gistratus denosque principes Nepete, Sutrio, Ardea,  
 loniis quae 'Calibus, Alba, Carseolis, Sora, Suessa, Setia, Circeis,  
 dederant. 'Narnia, Interamna,' (eae namque coloniae in ea causa  
 erant) 'Romam excirent: iis imperarent, quantum quae-

5 *Claudia Quintae*] Eam falso  
 virginem Vestalem a multis credi,  
 allatis plurimis argumentis, maxime-  
 que provocans ad Ovid. Fast. iv.  
 313. docet Duker. *Quintae* prono-  
 men, ut *Fabius Quintus* supr. iii. 1.  
 cf. Sueton. Tib. 2. Propert. iv. 12.

6 *Pridie Idus Apriles; isque dies  
 festus fuit*] Ludos tamen Megalenses  
 Fasti dierum antiqui demonstrant a  
 pridie Nonas Aprilis ad V. Idus fu-  
 isse. Itaque vel ii ludi, primo cele-  
 brati pridie Idus Aprilis, in pridie  
 Nonas postea reiecti sunt: vel hic  
 pro *pridie Idus*, legendum est *pridie*

*Nonas*. MANUTIUS.

7 *Megalesia appellata*] A nomine  
 Magnae Matris deum. cf. Cic. de  
 Harusp. 12.

8 *A quibusdam senatoribus sub-  
 iectum est*] Quidam senatores mon-  
 erunt.

9 *Denosque principes*] sc. Decem  
 primos cuiusque coloniae, qui in sa-  
 quisque decuria principes erant. H.  
 in legationes mittebantur. cf. supr.  
 viii. 8. Cic. pro Sex. Rosc. 9. Niebuhr.  
 i. n. 784. ii. n. 42.

1 *Eae namque coloniae*] cf. Sap.  
 xxvii. 9.

‘que earum coloniarum militum plurimum dedisset populo U. C. 548.  
 ‘Romano, ex quo hostes in Italia essent, duplicatum eius A. C. 204.  
 ‘summae numerum peditum daret, et equites centenos  
 ‘vicenos. Si qua eum numerum equitum explere non  
 ‘posset, pro equite uno tres pedites liceret dare: pedites  
 ‘equitesque quam locupletissimi legerentur, mitterentur-  
 ‘que, ubicumque extra Italiam supplemento opus esset.  
 ‘Si qui ex iis recusarent, retineri eius coloniae magistratus  
 ‘legatosque placere: neque, si postularent, senatum dari,  
 ‘priusquam imperata fecissent. Stipendium praeterea iis  
 ‘coloniis in millia aeris asses singulos imperari exigique  
 ‘quotannis: censumque in iis coloniis agi ex formula ab  
 ‘Romanis censoribus data. Dari autem placere eandem,  
 ‘quam populo Romano: deferrique Romam ab iuratis  
 ‘censoribus coloniarum, priusquam magistratu abirent.’  
 Ex hoc senatusconsulto, accitis Romam magistratibus pri-  
 moribusque earum coloniarum, consules quum militem sti-  
 pendiumque imperassent, alii aliis magis recusare ac recla-  
 mare. Negare ‘tantum militum effici posse: vix, si  
 ‘simplum ex formula imperetur, enisuros.’ Orare atque  
 obsecrare, ‘ut sibi senatum adire ac deprecari liceret.  
 ‘Nihil se, quare perire merito deberent, admisisse: sed, si  
 ‘pereundum etiam foret, neque suum delictum, neque  
 ‘iram populi Romani, ut plus militum darent, quam ha-  
 ‘berent, posse efficere.’ Consules obstinati manere legatos  
 Romae iubent; magistratus ire domos ad delectus habenden-  
 dos: nisi summa militum, quae imperata esset, Romam  
 adducta, neminem iis senatum daturum. Ita praecisa spe  
 senatum adeundi deprecandique, delectus in iis duodecim  
 coloniis, per longam vacationem numero iuniorum aucto,  
 haud difficulter est perfectus.

Altera item res, prope aeque longo neglecta silentio, re- 16.  
 lata a M. Valerio Laevino est. Qui, ‘privatis collatas pe- Privatis  
 ‘cunias, se ac M. Claudio consubibus, reddi tandem, aequum iubetur  
 ‘esse’ dixit. ‘Nec mirari quemquam debere, in publica reddi col-  
 ‘obligata fide suam praecipuam curam esse. Nam, prae- lata pecu-  
 ‘terquam quod aliquid proprie ad consulem eius anni, quo nia.  
 ‘collatae pecuniae essent, pertineret, etiam se auctorem ita

2 *In millia aeris*] Censum enim in singula aeris millia semper agebatur. cf. Niebhr. ii. n. 889. infr. xxxix. 7. et 44.

3 *Ex formula ab Romanis censoribus data*] In qua res mancipii, quae censui subiiciebantur, quo pretio singulae aestimandae essent, perscribebantur. Niebhr. i. n. 1044, 1045.

4 *Si simplum ex formula impe-*

*retur*] Intellige consuetam legem, ex qua certus numerus militum cuique coloniae imperabatur. cf. sup. xxii. 57.

5 *Enisuros*] sc. Omni virium nisu id effecturos.

6 *Prope aeque longo*] Imo longiore. Siquidem Marcelli et Laevini consulatus in annum U. C. 542. incidit, Fabii et Fulvii in sequentem. CREV.

U. C. 548. 'conferendi fuisse, inopi aerario, nec plebe ad tributum;  
A. C. 204. 'sufficiente.' Grata ea Patribus admonitio fuit: iussisque  
referre consulibus, decreverunt, 'ut tribus pensionibus ea  
'pecunia solveretur: primam praesentem ii, qui tum essent,  
'duas tertii et quinti consules numerarent.'

Locren-  
sium lega-  
ti.

17.  
Eorum  
oratio de-  
plorantium  
fortunas  
suas.

Omnes deinde alias curas una occupavit, postquam Lo-  
crensium clades, quae ignoratae ad eam diem fuerant, le-  
gatorum adventu vulgatae sunt. Nec tam Q. Pleminiū  
scelus, quam Scipionis in eo aut ambitio aut negligentia  
iras hominum irritavit. Decem legati Locrensiū, obiti  
squalore et sordibus, in comitio sedentibus consulibus vela-  
menta supplicum, ramos oleae (ut Graecis mos est) porri-  
gentes, ante tribunal cum flebili vociferatione humi procu-  
buerunt. Quaerentibus consulibus, 'Locrenses se,' dixerunt.  
'esse, ea passos a Q. Pleminio legato Romanisque militibus,  
'quae pati ne Carthaginienses quidem velit populus Ro-  
'manus. Rogare, uti sibi Patres adeundi, deplorandique  
'aerumnas suas potestatem facerent.' Senatu dato, maximus  
natu ex iis: 'Scio, quanti aestimentur nostrae apud vos  
'querelae, Patres conscripti, plurimum in eo momenti esse.  
'si probe sciatis, et quomodo proditi Locri Hannibali sint.  
'et quomodo, pulso Hannibalis praesidio, restituti in di-  
'tione vestram. Quippe si et culpa defectionis procul a  
'publico consilio absit, et reditum in vestram ditionem  
'appareat, non voluntate solum, sed ope etiam ac virtute  
'nostra; magis indignemini, bonis ac fidelibus sociis tam  
'atroces atque indignas iniurias ab legato vestro militibus-  
'que fieri. Sed ego causam utriusque defectionis nostrae  
'in aliud tempus differendam arbitror esse, duarum rerum  
'gratia: unius, ut coram P. Scipione, qui Locros recepit,  
'omnium nobis recte perperamque factorum testis, agatur:  
'alterius, quod, qualescunque sumus, tamen haec, quae  
'passi sumus, pati non debuimus. Non possumus de-  
'simulare, Patres conscripti, nos, quum praesidium Pu-  
'nicum in arce nostra haberemus, multa foeda et indigna  
'et a praefecto praesidii Hamilcare, et ab Numidis Afrisque  
'passos esse. Sed quid illa sunt, collata cum iis, quae

7 *Inopi aerario*] Proba lectio:  
quam tamen auctoritas mss. destituit.  
Omnes enim *inopias* vel *inopia*  
*aerarii*. CREV.

8 *Ambitio*] Pravum colligendi ex  
nimia indulgentia favoris studium:  
vel propensus in potentiores favor.  
CREV.

9 *Scio, quanti aestimentur*] Scio  
plurimum momenti, ad statuendum  
quanti aestimare debeatis querelas  
nostras, in eo esse, si probe sciatis ...

sive, scio, id velut pretium quod  
dicturi estis querelis nostris, par-  
tum pendere ex eo, si probe sciatis.  
CREV.

1 *Causam ... differendam*] N-  
hodie nos debere dicere de utraque  
defectione nostra, et super hoc re-  
gotio causam civitatis nostrae agere.  
*Causa* non est hic id a quo ab-  
ducitur, sed pro negotio, lite, ac-  
cipi debet. Hinc sequitur max-  
... *agatur*, nempe *causa* illa. CREV.

' hodie patimur? Cum bona venia, quaeso, audiat, Pa- U. C. 548.  
 ' tres conscripti, id, quod invitus dicam. In discrimine est A. C. 204.  
 ' nunc humanum omne genus, utrum vos, an Carthagini-  
 ' enses principes terrarum videat. Si ex iis, quae Locrenses  
 ' aut ab illis passi sumus, aut a vestro praesidio nunc quum  
 ' maxime patimur, aestimandum Romanum ac Punicum  
 ' imperium sit; nemo non illos sibi, quam vos, dominos  
 ' praeoptet. Et tamen videte, quemadmodum Locrenses  
 ' in vos animati sint. Quum a Carthaginiensibus iniurias  
 ' tanto minores acciperemus, ad vestrum imperatorem con-  
 ' fugimus: quum a vestro praesidio plus quam hostilia  
 ' patiamur, nusquam alio, quam ad vos, querelas detulimus.  
 ' Aut vos respicietis perditas res nostras, Patres conscripti,  
 ' aut ne ab diis quidem immortalibus quod precemur, quic-  
 ' quam superest. Q. Pleminius legatus missus est cum  
 ' praesidio ad recipiendos a Carthaginiensibus Locros, et  
 ' cum eodem ibi relictus est praesidio. In hoc legato  
 ' vestro (dant enim animum ad loquendum libere ultimae  
 ' miseriae) nec hominis quicquam est, Patres conscripti,  
 ' praeter figuram et speciem; neque Romani civis, praeter  
 ' habitum, vestitumque, et sonum Latinae linguae. Pestis  
 ' ac bellua immanis, quales fretum quondam, quo ab Sicilia  
 ' dividimur, ad perniciem navigantium circumsedisse fa-  
 ' bulae ferunt. At si scelus, libidinemque, et avaritiam  
 ' solus ipse exercere in socios vestros satis haberet, unam  
 ' profundam quidem voraginem tamen patientia nostra ex-  
 ' pleremus. Nunc omnes centuriones militesque vestros  
 ' (adeo in promiscuo licentiam atque improbitatem esse  
 ' voluit) Pleminius fecit: omnes rapiunt, spoliant, ver-  
 ' berant, vulnerant, occidunt: constuprant matronas, vir-  
 ' gines, ingenuos, raptos ex complexu parentum. Quotidie  
 ' capitur urbs nostra, quotidie diripitur; dies noctesque  
 ' omnia passim mulierum puerorumque, qui rapiuntur  
 ' atque asportantur, ploratibus sonant. Miretur, qui sciat,  
 ' quomodo aut nos ad patiendum sufficiamus, aut illos, qui  
 ' faciunt, nondum tantarum iniuriarum satietas ceperit.  
 ' Neque ego exsequi possum, nec vobis operae est audire  
 ' singula, quae passi sumus. Communiter omnia ample-  
 ' ctar. Nego domum ullam Locris; nego quemquam ho-  
 ' minem expertem iniuriae esse; nego ullum genus sceleris,  
 ' libidinis, avaritiae superesse, quod in ullo, qui pati po-  
 ' tuerit, praetermissum sit. Vix ratio iniri potest, uter  
 ' casus civitatis sit detestabilior, quum hostes bello urbem  
 ' cepere, an quum exitiabilis tyrannus vi atque armis op-  
 ' pressit. Omnia, quae captae urbes patiuntur, passi sumus,

- U. C. 548. 'et quum maxime patimur, Patres conscripti; omnia, quae  
A. C. 204. 'crudelissimi atque importunissimi tyranni scelera in op-  
pressos cives edunt, Pleminius in nos, liberosque nostros,  
18. 'et coniuges, edidit. Unum est, de quo nominatim et nos  
'queri religio infixis animis cogat, et vos audire, et exsolvere  
'republicam vestram religione, si ita vobis videbitur, re-  
'limus, Patres conscripti. Vidimus enim, cum quanta  
'caerimonia non vestros solum colatis deos, sed etiam ex-  
'ternos accipiatis. Fanum est apud nos Proserpinae, de  
'cuius sanctitate templi credo aliquam famam ad vos per-  
'venisse Pyrrhi bello: qui quum, ex Sicilia rediens, Locros  
'classe praeterveheretur, inter alia foeda, quae propter  
'fidem erga vos in civitatem nostram facinora edidit, the-  
'sauros quoque Proserpinae, intactos ad eam diem, spo-  
'liavit: atque ita, pecunia in naves imposita, ipse terra est  
'profectus. Quid ergo evenit, Patres conscripti? Classis  
'postero die foedissima tempestate lacerata, omnesque  
'naves, quae sacram pecuniam habuerunt, in litora nostra  
'eiectae sunt. Qua tanta clade edoctus tandem deos  
'esse superbissimus rex, pecuniam omnem conquistam in  
'thesauros Proserpinae referri iussit. Nec tamen illi  
'unquam postea prosperi quicquam evenit: pulsusque  
'Italia, ignobili atque inhonesta morte, temere nocte in-  
'gressus Argos, occubuit. Haec quum audisset legatus  
'vester, tribunique militum, et mille alia, quae non au-  
'gendae religionis causa, sed praesentis deae numine saepe  
'comperta nobis maioribusque nostris, referebantur; ausi  
'sunt nihilo minus sacrilegas admoveere manus intactis illis  
'thesauris, et nefanda praeda se ipsos ac domos conta-  
'minare suas et milites vestros. Quibus, per vos fidemque  
'vestram, Patres conscripti, priusquam eorum scelus ex-  
'pietis, neque in Italia, neque in Africa quicquam rei ges-

3 *Rempubicam vestram religione]* Peccato contra religionem, piaculo.

4 *Etiam externos accipiatis]* cf. Quae de Idaea matre supr. 14. traduntur.

5 *Per vos fidemque vestram]* Particulam quae eiiciendam censet Gronovius, quem Bekker. secutus est, qui vos in casu quarto accipit, sub. *precamur*, et locum ita refingit. *per, vos, fidem vestram*, sc. per fidem vestram vos obsecramus. Similiter Quint. Curt. v. 8. 16. *Per ego vos decora maiorum*. Crevierius tamen vulgatam lectionem defendit, quam cod. Victorinus exhibet.

6 *Priusquam eorum scelus expietis, neque in Italia, neque in Africa quicquam rei]* Haec omnia solus

codex Victorinus nobis integræ exhibuit. In ceteris codd. nostris, et in Gronoviana, nihil fere horum exstat. Non possumus tamen asserere Gronovio ea recedenti, et horum omnium loco substituenti ne *quam rem*. Si tantum credimus Put. codici, quid fiet his eiusdem orationis locis, quae decurtata et mutila in eodem libro reperiuntur? *Quotique sumus, pati non debemus*. omissis mediis, *tamen haec quae patimur*. Et, *saepe comperta nobis nostris*, pro *nobis maioribusque nostris*. Et, *Has dea poenas a trapi sui violatoribus habet desinet*, omissis *rois nec ante*, quae praefigunt ceteri libri verbo *desinet*, et omnino necessaria sunt ad integrandum sensum



'seritis; ne, quod piaculum commiserunt, non suo solum U. C. 548.  
 'sanguine, sed etiam publica clade luant. Quanquam ne A. C. 204.  
 'nunc quidem, Patres conscripti, aut in ducibus, aut in  
 'militibus vestris cessat ira deae. Aliquoties iam inter se  
 7 'signis collatis concucurrerunt. Dux alterius partis Ple-  
 'minius, alterius duo tribuni militum erant: non acrius  
 'cum Carthaginiensibus, quam inter se ipsi, ferro dimica-  
 'verunt: praebuissentque occasionem furore suo Locros  
 'recipiendi Hannibali, ni accitus ab nobis Scipio interve-  
 'nisset. At, hercule, milites contactos sacrilegio furor  
 'agitat: in ducibus ipsis puniendis nullum deae numen  
 'apparuit? Imo ibi praesens maxime fuit. Virgis caesi  
 'tribuni ab legato sunt. Legatus deinde insidiis tribu-  
 'norum interceptus, praeterquam quod toto corpore lace-  
 'ratus, naso quoque auribusque decisis, exsanguis est re-  
 'lictus: recreatus deinde legatus ex vulneribus, tribunos  
 'militum in vincula coniectos, dein verberatos, servilibus-  
 3 'que omnibus suppliciis cruciatos trucidando occidit;  
 'mortuos deinde prohibuit sepeliri. Has dea poenas a  
 'templi sui spoliatoribus habet: nec ante desinet omnibus  
 'eos agitare furiis, quam reposita sacra pecunia in thesauris  
 'fuerit. Maiores quondam nostri, gravi Crotoniensium  
 'bello, quia extra urbem templum est, transferre in urbem  
 'eam pecuniam voluerunt. Noctu audita ex delubro vox  
 'est,' Abstinerent manus: deam sua templa defensuram.  
 'Quia movendi inde thesauros incussa erat religio, muro  
 1 'circumdare templum voluerunt. Ad aliquantum iam alti-  
 'tudinis excitata erant moenia, quum subito collapsa ruina  
 'sunt. Sed et nunc, et saepe alias dea suam sedem,  
 'suumque templum aut tutata est, aut a violatoribus gravia  
 'piacula exegit. Nostras iniurias nec potest, nec possit  
 'alius ulcisci, quam vos, Patres conscripti. Ad vos ves-  
 'tramque fidem supplices confugimus. Nihil nostra in-  
 'terest, utrum sub illo legato, sub illo praesidio Locros  
 'esse sinatis, an irato Hannibali et Poenis ad supplicium  
 'dedatis. Non postulamus, ut extemplo nobis, ut de ab-  
 'sente, ut indicta causa credatis. Veniat, coram ipse

Multa alia exempla cumulare posse-  
 mus. Sed haec satis sint. Quibus  
 quidem ideo immorati sumus, quia  
 Gronovius eos increpat hoc loco, qui  
 sibi credituri non sint. Rationem  
 igitur reddimus, cur a viro doctissimo,  
 et acutissimo, et de Livii opere tam  
 bene merito, dissentire cogamur.  
 CREV. In Gronovii partes Bekker.  
 se addit.

7 *Concucurrerunt*] Ita Put. codex,  
 quem Iac. Gronovius citat.

8 *Cruciatos trucidando occidit*  
 Omnis scriptorum et vett. editorum  
 manus: *trucidatos cruciando occidit*.  
 Mutavit Gronovius, qui sic exponit.  
 Significat, inquit, non tortos solum,  
 sed omni saevitiae genere truncatis  
 artubus discerptos, tandem mortem in-  
 venisse. cf. supr. xxi. 13. Val. Max.  
 ix. 2. CREV.

9 *Ad aliquantum iam altitudinis*  
 Praepositionem *ad* delet Bekker. sed  
 retinendam censet Crevier.



U. C. 548. 'audiat, ipse diluat. Si quicquam sceleris, quod homo in  
A. C. 204. 'homines edere potest, in nos praetermisit; non recusa-  
'mus, quin et nos omnia eadem iterum, si pati possumus,  
'patiamur, et ille omni divino humanoque liberetur scelere.'

19. Haec quum ab legatis dicta essent, quaesissetque ab iis  
Fabii sen- Q. Fabius, detulissentne eas querelas ad P. Scipionem; re-  
tentia sponderunt, 'missos legatos esse, sed eum belli apparat-  
atrox in 'occupatum esse: et in Africam aut iam traiecisse, aut  
Scipionem. 'intra paucos dies traiecturum. Et, legati gratia quanta  
'esset apud imperatorem, expertos esse: quum, inter eum  
'et tribunos cognita causa, tribunos in vincula coniecerit;  
'legatum aequae sententiae, aut magis etiam, in ea potestate  
'reliquerit.' Iussis excedere e templo legatis, non Plemini-  
nius modo, sed etiam Scipio, principum orationibus lacerari.  
Ante omnes Q. Fabius, natum eum ad corrumpendam dis-  
ciplinam militarem, arguere. 'Sic et in Hispania plus  
'prope per seditionem militum, quam bello, amissum: ex-  
'terno et regio more et indulgere licentiae militum, et  
'saevire in eos.' Sententiam deinde aequae truces orationi  
adiecit. 'Pleminium legatum vinctum Romam deportari  
'placere, et ex vinculis causam dicere: ac, si vera forent.  
'quae Locrenses quererentur, in carcere necari, bonaque  
'eius publicari. P. Scipionem, quod de provincia deces-  
'sisset iniussu senatus, revocari: agique cum tribunis plebis  
'ut de imperio eius abrogando ferrent ad populum. Lo-  
'crensibus coram senatum respondere, Quas iniurias si  
'factas quererentur, eas neque senatum, neque populum  
'Romanum factas velle. Viros bonos, sociosque, et amicos  
'eos appellari: liberos, coniuges, quaeque alia erepta essent.  
'restitui: pecuniam, quanta ex thesauris Proserpinae sub-  
'lata esset, conquiri, duplamque pecuniam in thesauros re-  
'poni: et sacrum piaculare fieri, ita ut prius ad collegium  
'pontificum referretur, quod sacri thesauri moti, violati  
'essent, quae piacula, quibus diis, quibus hostiis, fieri pla-  
'ceret. Milites, qui Locris essent, omnes in Siciliam tran-  
'portari: quattuor cohortes sociorum Latini nominis in  
'praesidium Locros adduci.' Perrogari eo die sententiae:  
accensis studiis pro Scipione et adversus Scipionem, non  
potuere. Praeter Pleminii facinus Locrensiisque cladem  
ipsius etiam imperatoris non Romanus modo, sed ne mili-  
taris quidem cultus iactabatur: 'cum pallio crepidisque'

Obiectus  
Scipioni  
cultus li-  
centior.

1 *Saevire in eos*] Invidiose notat Fabius supplicium sumptum a Scipione de auctoribus seditionis Sucronensis. CREV.

2 *Perrogari eo die sententiae*] Deliberatio ad finem perducere eo die non potuit. CREV.

3 *Cum pallio crepidisque*] Pallium et crepidae Graecorum erant. De pallio, notum est. Crepidas a Graecis maxime gestatas esse suadet ipsa, quae mere Graeca est, test. Gellio, xiii. 20. et discrete Persa *crepidas Graecorum* appellat. Sat. 1.1

4 'inambulare in gymnasio, libellis eum palaestraeque ope- U. C. 548.  
 5 'ram dare: aequae segniter molliterque cohortem totam A. C. 204.  
 'Syracusarum amoenitate frui: Carthaginem atque Hanni-  
 'balem excidisse de memoria: exercitum omnem licentia  
 'corruptum, qualis Sucrone in Hispania fuerit, qualis nunc  
 'Locris, sociis magis, quam hosti, metuendum.' Haec 20.  
 quanquam partim vera, partim mixta, eoque similia veris Metelli  
 iactabantur, vicit tamen Q. Metelli sententia: qui, de ce-  
 teris Maximo assensus, de Scipionis causa dissensit. 'Qui  
 'enim convenire, quem modo civitas iuvenem admodum  
 'recuperandae Hispaniae delegerit ducem, quem, recepta  
 'ab hostibus Hispania, ad imponendum Punico bello finem  
 'creaverit consulem, spe destinaverit Hannibalem ex Italia  
 'detracturum, Africam subacturum, eum repente, tanquam  
 'Q. Pleminium, indicta causa prope damnatum, ex provin-  
 'cia revocari? quum ea, quae in se nefarie facta Locrenses  
 'quererentur, ne praesente quidem Scipione facta dicerent,  
 'neque aliud, quam patientia, aut pudor, quod legato pe-  
 'percisset, insimulari possit? Sibi placere, M. Pomponium  
 'praetorem, cui Sicilia provincia sorte evenisset, triduo  
 6 'proximo in provinciam proficisci: consules decem legatos,  
 'quos iis videretur, ex senatu legere, quos cum praetore  
 7 'mitterent, et duos tribunos plebei, atque aedilem. Cum  
 8 'eo consilio praetorem cognoscere. Si ea, quae Locrenses  
 'facta quererentur, iussu aut voluntate P. Scipionis facta  
 'essent, ut eum de provincia decedere iuberent. Si P.  
 'Scipio iam in Africam traiecisset, tribuni plebis atque  
 'aedilis cum duobus legatis, quos maxime praetor idoneos  
 'censuisset, in Africam proficiscerentur: tribuni atque

127. Iam vero crepidae ipsae, prae-  
 terquam quod non Romanae, non  
 satis ex dignitate imperatoris vide-  
 bantur esse. Idem ferme obiecit  
 Cicero Verri. *Stetit soleatus praetor  
 populi Romani cum pallio purpureo.*  
*Soleae* enim idem fere erant, quod  
*crepidae*. *Iis plantarum calces tan-*  
*tummodo infime tegebantur. Cetera*  
*prope nuda et teretibus habenis*  
*vincta*, ut habet Gell. loco iam me-  
 morato. Germanicum quoque Cae-  
 sarem a Tiberio perstrictum in senatu  
 auctor est Tacitus, Ann. ii. 59. quod  
 in Aegypto *pedibus intectis*, id est  
 soleatus crepidatusve incessisset, et  
 pari cum Graecis amictu. CREV.

4 *Libellis eum palaestraeque*] *Li-*  
*bellos* hic intelligimus a rhetoribus  
 philosophisve conscriptos et propo-  
 sitos auditoribus: quemadmodum  
 apud Cic. de Or. i. 105. atque ex eo,

*qui non in libellis, sed in maximis  
 causis, et in hoc domicilio imperii et  
 gloriae, sit consilio linguaue prin-*  
*ceps.* CREV.

5 *Cohortem totam*] Amicos omnes  
 et ministros proconsulis. *Cohortis*  
 nomine designantur ii qui magistratui  
 in provincia adsunt, consilarii, adiu-  
 tores, administri. Et sic passim Ci-  
 cero hoc nomen usurpat in libris con-  
 tra Verrem. CREV.

6 *Decem legatos*] Numerus hic ad  
*decem primos senatores* haud dubie  
 spectat. cf. Niebhr. i. n. 785. ii. n. 42.

7 *Duos tribunos plebei*] cf. Supr.  
 ix. 9. et 37.

8 *Cum eo consilio praetorem co-*  
*gnoscere*] sc. Assidentibus tribunis  
 plebei, aedili, et decem legatis, quae-  
 stionem de iis, quae Scipioni obiecta  
 erant, habere.

U. C. 548. 'aedilis, qui reducerent inde Scipionem: legati, qui exercitui praeessent, donec novus imperator ad eum exercitum venisset. Sin M. Pomponius et decem legati comperissent, neque iussu, neque voluntate P. Scipionis ea facta esse, ut ad exercitum Scipio maneret, bellumque, ut proposuisset, gereret.' Hoc facto senatusconsulto, cum tribunis plebis actum est, ut compararent inter se, aut sorte legerent, qui duo cum praetore ac legatis irent. Ad collegium pontificum relatum de expiandis, quae Locris in templo Proserpinae tacta, violata, elataque inde essent. Tribuni plebis cum praetore et decem legatis profecti M. Claudius Marcellus et M. Cincius Alimentus: iis aedilis plebis datus, quem, si aut in Sicilia praetori dicto audiens non esset Scipio, aut iam in Africam traiecisset, prendere tribuni iuberent, ac iure sacrosanctae potestatis reducerent. Prius Locros ire, quam Messanam, consilium erat.

Legati Locros mit-  
tuntur.

21.

Pleminius  
in vincula  
coniectus.

Sacra pecunia in  
thesauris  
Proserpinae reponi-  
tur.

Ceterum duplex fama est, quod ad Pleminium attinet. Alii, auditis, quae Romae acta essent, in exilium Neapolim euntem forte in Q. Metellum, unum ex legatis, incidisse, et ab eo Rhegium vi retractum tradunt: alii, ab ipso Scipione legatum cum triginta nobilissimis equitum missum, qui Q. Pleminium in catenas, et cum eo seditionis principes, coniicerent. Ii omnes, seu ante Scipionis, seu tum praetoris iussu, traditi in custodiam Rheginis. Praetor legatique Locros profecti primam, sicuti mandatum erat, religionis curam habuere. Omnem enim sacram pecuniam, quaeque apud Pleminium, quaeque apud milites erat, conquisitam, cum ea, quam ipsi secum attulerant, in thesauris reposuerunt, ac piaculare sacrum fecerunt. Tum vocatos ad concionem milites praetor signa extra urbem effere iubet, castraque in campo locat, cum gravi edicto, 'Si quis miles aut in urbe restitisset, aut secum extulisset, quod suum non esset; Locrensibus se permittere, ut, quod suus quisque cognosset, prehenderet: si quid non compareret, repeteret. Ante omnia, libera corpora placere sine mora Locrensibus restitui: non levi defuncturum poena, qui non restituisset.' Locrensiū deinde concionem habuit,

9 *Ad collegium pontificum*] Scripti *ad concilium*: quod utrum pro vero habere debeat, se non decernere profitetur Crevier. suspicatur tamen Drakenb. id ex librorum incuria natum esse.

1 *In exilium Neapolim*] Neapolim inter urbes fuisse in quibus exulibus Romanis esse licebat, e Polyb. vi. 12. docet Sigon. de Ant. Iur. Italiae ii. 14. DUKER.

2 *Quod suum non esset*] Haec in

solo Victor. cod. reperimus, quae Liviana esse non dubitamus. CREV.

3 *Si quid non compareret, repeteret*] Ultimo verbo carent plerique libri, et eius loco substituant *repetet*. Itaque Gronovius legendum putat: *quid non compareret, vindicaret*, id est, iudicio repeteret. Nos tanta meliori piget, ubi libri certam non praefert faciem. Victor. codex sensum *repetet*. CREV. *Vindicaret* cepit Bekker.

atque, 'iis libertatem legesque suas populum Romanum U. C. 548.  
 4 'senatumque restituere,' dixit. 'Si qui Pleminium aliumve A. C. 204  
 'quem accusare vellet, Rhegium se sequeretur. Si de P.  
 5 'Scipione publice queri vellent, ea, quae Locris nefarie in  
 'deos hominesque facta essent, iussu aut voluntate P. Sci-  
 'pionis facta esse, legatos mitterent Messanam; ibi se cum  
 'consilio cogniturum.' Locrenses praetori legatisque, et Locrenses  
 senatui ac populo Romano gratias egere: 'se ad Pleminium nolunt Sci-  
 'accusandum ituros. Scipionem, quanquam parum iniuriis pionem ac-  
 'civitatis suae doluerit, eum esse virum, quem amicum sibi, cusare.  
 'quam inimicum, malint esse. Pro certo se habere, neque  
 'iussu, neque voluntate P. Scipionis tot tam nefanda com-  
 'missa: aut Pleminio nimium, aut sibi parum creditum.  
 'Natura insitum quibusdam esse, ut magis peccari nolint,  
 'quam satis animi ad vindicanda peccata habeant.' Et  
 praetori et consilio haud mediocre onus demptum erat de  
 Scipione cognoscendi. Pleminium, et ad duo et triginta  
 homines cum eo damnaverunt, atque in catenis Romam  
 miserunt: ipsi ad Scipionem profecti sunt, ut ea quoque,  
 quae vulgata sermonibus erant de cultu ac desidia impera-  
 toris solutaque militiae disciplina, comperta oculis perfer-  
 rent Romam. Venientibus iis Syracusas, Scipio res, non 22.  
 verba, ad purgandum sese paravit. Exercitum omnem eo Scipio res,  
 convenire, classem expediri iussit, tanquam dimicandum eo non verba,  
 die terra marique cum Carthaginiensibus esset. Quo die ad purgan-  
 venerunt, hospitio comiter acceptis postero die terrestrem rat.  
 navalemque exercitus, non instructos modo, sed hos decur-  
 rentes, classem in portu, simulacrum et ipsam edentem  
 navalis pugnae, ostendit: tum circa armamentaria et horrea  
 aliumque belli apparatus visendum praetor legatique ducti.  
 Tantaque admiratio singularum universarumque rerum in-  
 cussa, ut satis crederent, aut illo duce atque exercitu vinci  
 Carthaginiensem populum, aut nullo alio posse: iuberent-  
 que, quod dii bene verterent, traicere, et spei conceptae,  
 6 quo die illum omnes centuriae priorem consulem dixissent,  
 primo quoque tempore compotem populum Romanum  
 facere: adeoque laetis inde animis profecti sunt, tanquam  
 victoriam, non belli magnificum apparatus, nuntiaturi Ro-  
 mam essent.

Pleminius, quique in eadem causa erant, postquam Ro- Pleminius  
 mam est ventum, extemplo in carcerem conditi. Ac primo in vinculis  
 producti ad populum ab tribunis, apud praeoccupatos Lo- moritur.

4 *Si qui*] *Si quis* est, si ex omni-  
 bus hominibus aliquis: *si qui*, si ex  
 quibusdam hominibus, si ex certo  
 hominum numero aliquis. RASCHIG.

5 *Publice*] Nomine civitatis suae.

6 *Priorem consulem*] Eundem,  
 quem *consulem maiorem* veteres ap-  
 pellabant. cf. Festus v. *Maiorem con-*  
*sulem*. Niebhr. i. n. 1143.

U. C. 548. crensum clade animos, nullum misericordiae locum habue-  
 A. C. 204. runt. Postea, quum saepius producerentur, iam senescente  
 invidia, mollebantur irae: et ipsa deformitas Plemirii me-  
 moriaque absentis Scipionis favorem ad vulgum conciliabat.  
 Mortuus tamen prius in vinculis est, quam iudicium de eo  
 populi perficeretur. Hunc Pleminium Clodius Licinius in  
 libro tertio rerum Romanarum refert, ludis votivis, quos  
 Romae Africanus iterum consul faciebat, conatum per  
 quosdam, quos pretio corruerat, aliquot locis urbem incen-  
 dere, ut frangendi carceris fugiendique haberet occasionem:  
 patefacto dein scelere, delegatum in Tullianum ex senatus-  
 consulto. De Scipione nusquam, nisi in senatu, actum:  
 ubi omnes legatique et tribuni, classem eam, exercitum,  
 ducemque verbis extollentes, effecerunt, ut senatus cense-  
 ret, primo quoque tempore in Africam traiciendum: Sci-  
 pionique permetteretur, ut ex iis exercitibus, qui in Sicilia  
 essent, ipse legeret, quos in Africam secum traiceret, quos  
 provinciae relinqueret praesidio.

23. Dum haec apud Romanos geruntur, Carthaginienses  
 quoque, quum, speculis per promontoria omnia positis  
 percunctantes paventesque ad singulos nuntios sollicitam  
 hiemem egissent, haud parvum et ipsi tuendae Africae mo-  
 mentum adiecerunt societatem Syphacis regis, cuius maxime  
 fiducia traiecturum in Africam Romanum crediderunt.  
 Erat Hasdrubali Gisgonis filio non hospitium modo cum  
 rege, de quo ante dictum est, quum ex Hispania forte ir-  
 idem tempus Scipio atque Hasdrubal convenerunt: sed  
 mentio quoque inchoata affinitatis, ut rex duceret filiam  
 Hasdrubalis. Ad eam rem consummandam tempusque  
 nuptiis statuendum (iam enim et nubilus erat virgo) prolec-  
 tus Hasdrubal, ut accensum cupiditate (et sunt ante omnes  
 Numidae barbaros effusi in Venerem) sensit, virginem at  
 Carthagine arcessit, maturatque nuptias: et inter aliam

Hasdruba-  
 lis filiam  
 ducit Sy-  
 phax.

7 *Clodius Licinius*] Meminit Cic.  
 de Legg. i. 6. Clodii, historiarum  
 scriptoris: qui si hic est *Clodius Li-*  
*cinius*, eius aetas certo cognoscetur.  
 Docet enim ibidem Cicero illum, de  
 quo agit, Clodium scripsisse post Coe-  
 lium Antipatrum, ac proinde circa  
 Syllana tempora. CREV.

8 *Tullianum*] *Inferiorem carcerem*  
 vocat ipse Livius infr. xxxiv. 44.  
 Hunc locum sic describit Sall. Cat.  
 55. "Est in carcere locus, quod  
 Tullianum appellatur . . . circiter  
 duodecim pedes humi depressus.  
 Eum muniunt undique parietes, at-  
 que insuper camera lapideis fornicibus  
 vineta: sed incultu, tenebris,  
 odore foeda atque terribilis eius fa-

cies." In eum demittebant sceler-  
 quibus gula laqueo frangenda erat.  
*Tullianum* dicebatur a Ser. Tullio  
 rege, qui eam carceris partem adhi-  
 caverat. Ceterum, quod hic dubi-  
 tanter et adiecto auctoris nomine  
 Pleminio in carcere necato meminit  
 Livius, id tanquam certum, nec  
 ullo modo suspectum, rursus in  
 loco supra allato. CREV. Car-  
 thodie exstat infra ecclesiam S. Iosephi.  
 cf. Nardini di Rom. Ant. ii. p. 281.

9 *Ad eam rem consummandam*  
*Confirmendam* plur. codd. exhibet.  
 An huius aevi verbum sit *consumm-*  
 dubitat Drakenborchius, sed  
 xxviii. 17. id usurpatum habemus

gratulationem, ut publicum quoque foedus privato adiice-  
 retur, societas inter populum Carthaginiensem regemque,  
 data ultro citroque fide, eosdem amicos inimicosque habi-  
 turos, iureiurando affirmatur. Ceterum Hasdrubal, memor  
 et cum Scipione initae regi societatis, et quam vana et  
 mutabilia barbarorum ingenia essent, veritus, ne, si traïce-  
 ret in Africam Scipio, parvum vinculum eae nuptiae essent,  
 dum accensum recenti amore Numidam habet, perpellit,  
 blanditiis quoque puellae adhibitis, ut legatos in Siciliam  
 ad Scipionem mittat, per quos moneat eum, ‘Ne prioribus  
 ‘suis promissis fretus in Africam traïciat. Se et nuptiis  
 ‘civis Carthaginiensis, filiae Hasdrubalis, quem viderit  
 ‘apud se in hospitio, et publico etiam foedere cum populo  
 ‘Carthaginiensi iunctum. Optare primum, ut procul ab  
 ‘Africa, sicut adhuc fecerint, bellum Romani cum Cartha-  
 ‘giniensibus gerant, ne sibi interesse certaminibus eorum,  
 ‘armaque aut haec, aut illa, abnuentem alteram societatem,  
 ‘sequi necesse sit. Si non abstineat Africa Scipio, et Car-  
 ‘thagini exercitum admoveat, sibi necessarium fore, et pro  
 ‘terra Africa, in qua et ipse sit genitus, et pro patria con-  
 ‘iugis suae, proque parente ac penatibus dimicare.’

Scipioni  
amicitiam  
renuntiat.

Cum his mandatis ab rege legati ad Scipionem missi,  
 Syracusis eum convenerunt. Scipio, quanquam magno  
 momento rerum in Africa gerendarum magnaue spe desti-  
 tutus erat, legatis propere, priusquam res vulgaretur, re-  
 missis in Africam, literas dat ad regem, quibus etiam atque  
 etiam monet eum, ‘Ne iura hospitii secum, neu cum  
 ‘populo Romano initae societatis, neu fas, fidem, dextras,  
 ‘deos testes atque arbitros conventorum, fallat.’ Ceterum,  
 quando neque celari adventus Numidarum poterat, (vagati  
 enim in urbe, obversatique praetorio erant) et, si sileretur,  
 quid petentes venissent, periculum erat, ne vera eo ipso,  
 quod celarentur, sua sponte magis emanarent, timorque in  
 exercitum incideret, ne simul cum rege et Carthaginiensi-  
 bus foret bellandum, avertit a vero falsis praeoccupando  
 mentes hominum. Et, vocatis ad concionem militibus,  
 ‘Non ultra esse cunctandum,’ ait. ‘Instare, ut in Africam  
 ‘quam primum traïciat, socios reges. Masinissam prius  
 ‘ipsum ad Laelium venisse, querentem, quod cunctando  
 ‘tempus tereretur. Nunc Syphacem mittere legatos, idem  
 ‘admirantem, quae tam diuturnae morae sit causa: postu-  
 ‘lantemque, ut aut traïciatur tandem in Africam exercitus,  
 ‘aut, si mutata consilia sint, certior fiat, ut et ipse sibi ac  
 ‘regno suo possit consulere. Itaque, paratis iam omnibus  
 ‘instructisque, et re iam non ultra recipiente cunctationem,

24.

Quam rem  
sedulo dis-  
simulat  
apud mili-  
tes Scipio.



U. C. 548. 'in animo sibi esse, Lilybaeum classe traducta, eodemque  
A. C. 204. 'omnibus peditum equitumque copiis contractis, quae prima

It Lily-  
baeum.

'dies cursum navibus daret, deis bene iuvantibus, in Afri-  
'cam traicere.' Literas ad M. Pomponium mittit, ut, si  
ei videretur, Lilybaeum veniret: ut communiter consule-  
rent, quas potissimum legiones, et quantum militum nume-  
rum in Africam traiceret. Item circum oram omnem ma-  
ritimam misit, ut naves onerariae comprehensae Lilybaeum  
omnes contraherentur. Quicquid militum naviumque in  
Sicilia erat, quum Lilybaeum convenissent, et nec urbs  
multitudinem hominum, nec portus naves caperet, tantus  
omnibus ardor erat in Africam traiciendi, ut non ad bellum  
duci viderentur, sed ad certa victoriae praemia. Praecipue,  
qui superabant ex Cannensi exercitu, milites, illo, non alio  
duce, credebant, navata reipublicae opera, finire se militiam  
ignominiosam posse. Et Scipio minime id genus militum  
aspernabatur: ut qui neque ad Cannas ignavia eorum cla-  
dem acceptam sciret, neque ullos aequae veteres milites in  
exercitu Romano esse, expertosque non variis proeliis modo,  
sed urbibus etiam oppugnandis. Quinta et sexta Can-  
nenses erant legiones. Eas se traiecturum in Africam quum  
dixisset, singulos milites inspexit: relictisque, quos non  
idoneos credebat, in locum eorum subiecit, quos secum ex  
Italia adduxerat; supplevitque ita eas legiones, ut singulae  
sena millia et ducenos pedites, trecenos haberent equites:  
sociorum item Latini nominis pedites equitesque de exer-  
citu Cannensi legit.

25. Quantum militum in Africam transportatum sit, non  
parvo numero inter auctores discrepat. Alibi decem millia  
peditum, duo millia et ducentos equites, alibi sexdecim  
millia peditum, mille et sexcentos equites; alibi parte plus  
dimidia rem auctam, quinque et triginta millia peditum  
equitumque in naves imposita invenio. Quidam non  
adiecere numerum: inter quos me ipse in re dubia poni  
malim. Coelius, ut abstinet numero, ita ad immensum  
multitudinis speciem auget. Volucres ad terram delapsae  
clamore militum ait, tantamque multitudinem conscendisse  
naves, ut nemo mortalium, aut in Italia, aut in Sicilia,  
relinqui videretur.

Copiae na-  
ves con-  
scendunt.

Milites ut in naves ordine ac sine tumultu conscenderent,  
ipse eam sibi curam sumpsit. Nauticos C. Laelius, qui  
classis praefectus erat, in navibus, ante conscendere coactos,  
continuit. Commeatus imponendi M. Pomponio praetori  
cura data: quinque et quadraginta dierum cibaria, e quibus  
quindecim dierum cocta, imposita. Ut omnes iam in na-  
vibus erant, scaphas circummisit, ut ex navibus governa-



toresque et magistri navium et bini milites in forum con- U. C. 548.  
venirent ad imperia accipienda. Postquam convenerunt, A. C. 204.  
primum ab iis quaesivit, si aquam hominibus iumentisque  
in totidem dies, quot frumentum, imposuissent. Ubi re-  
sponderunt, aquam dierum quinque et quadraginta in  
navibus esse; tum edixit militibus, ut silentium quieti  
nautis sine certamine ad ministeria exsequenda bene obe-  
dientes praestarent. Cum viginti rostratis se ac L. Scipio- Ordo clas-  
nem ab dextro cornu, laevum, totidem rostratas, et C. Lae- sia.  
lium praefectum classis cum M. Porcio Catone (quaestor is-  
tum erat) onerariis futurum praesidio. Lumina in navibus  
singula rostratae, bina onerariae haberent: in praetoria  
nave insigne nocturnum trium luminum fore. Emporia ut  
peterent, gubernatoribus edixit. Fertilissimus ager, eoque  
abundans omnium copia rerum est regio, et imbelles (quod  
plerumque in uberi agro evenit) barbari sunt: priusque,  
quam Carthagine subveniretur, opprimi videbantur posse.  
Iis editis imperiis, redire ad naves iussi: et postero die,  
deis bene iuvantibus, signo dato solvere naves.

Multae classes Romanae e Sicilia atque ipso illo portu 26.  
profectae erant. Ceterum non eo bello solum, (nec id Classis sol-  
mirum; praedatum enim tantummodo pleraeque classes vit.  
ierant) sed ne priore quidem, ulla profectio tanti spectaculi  
fuit; quanquam si magnitudine classis aestimaretur, et bini  
5 consules cum binis exercitibus ante traiecerant, et prope  
totidem rostratae in illis classibus fuerant, quot onerariis  
Scipio tum traiciebat. Nam, praeter quadraginta longas  
naves, quadringentis ferme onerariis exercitum transvexit.  
7 Sed et bellum bello, secundum priore, ut atrocius Romanis  
videretur, quum quod in Italia bellabatur, tum ingentes  
strages tot exercituum, simul caesis ducibus, effecerant: et

2 *Magistri navium*] Intelligendi videntur magistri, sive praefecti sociorum navalium, de quibus mentionem facit Livius infr. xliii. 8. CREV.

3 *Ut silentium*] Ut quieti ac bene obediens suis ducibus, silentium praestarent nautis ad ministeria nautica exsequenda, abstinentes omni certamine adversus eos, sed sinentes eos sine tumultu id agere quod sui officii esset. CREV.

4 *Cum viginti rostratis*] Se ac L. Scipionem ab dextro cornu cum viginti rostratis; C. Laelium praefectum classis et M. Porcium Catonem cum viginti quoque rostratis futuros onerariis praesidio. Haec erat directa ac simplex loquendi forma. At maluit Livius variare orationem: *laevum cornu, totidem rostratas*, id

est, quod quidem cornu totidem rostratas habiturum erat. CREV.

5 *Emporia ut peterent*] Africae regionem *Emporia* neutro genere, Hispaniae urbem *Emporias* feminino dici monet Duker.

6 *Prope totidem rostratae*] M. Regulus et L. Manlius consules trecentis triginta rostratis navibus e Sicilia solverunt, teste Polyb. i. 25. Aliae quoque classes Romanae illo bello parem, aut etiam maiorem numerum longarum navium habuerunt. CREV.

7 *Sed et bellum bello*] Sed et secundum bellum priore bello atrocius Romanis videbatur, tum quia in Italia bellabatur, tum quia tot exercitus caesi cum ducibus ipsis ab Hannibale fuerant. CREV.

U. C. 548. Scipio dux, partim factis fortibus, partim suapte fortuna  
 A. C. 204. quadam ingentis ad incrementa gloriae celebratus, conver-  
 terat animos: simul et mens ipsa traiciendi, nulli ante eo  
 bello duci tentata, quod ad Hannibalem detrahendum ex  
 Italia, transferendumque et finiendum in Africa bellum, se  
 transire vulgaverat. Concurrerat ad spectaculum in por-  
 tum omnis turba, non habitantium modo Lilybaei, sed  
 legationum omnium ex Sicilia: quae et ad prosequendum  
 Scipionem officii causa convenerant, et praetorem provin-  
 ciae M. Pomponium secutae fuerant. Ad hoc legiones,  
 quae in Sicilia relinquebantur, ad prosequendos commili-  
 tones processerant: nec classis modo prospectantibus e  
 terra, sed terra etiam omnis circa referta turba spectaculo  
 navigantibus erat. Ubi illuxit, Scipio e praetoria nave,  
 silentio per praeconem facto, 'Divi divaeque,' inquit,  
 'maria terrasque qui colitis, vos precor quaesoque, uti,  
 'quae in meo imperio gesta sunt, geruntur, postque ge-  
 'rentur, ea mihi, populo plebique Romanae, sociis nomi-  
 'nique Latino, qui populi Romani, quique meam sectam.  
 'imperium, auspiciūque terra, mari, amnibusque sequun-  
 'tur, bene verruncent: eaque vos omnia bene iuvetis: 8  
 'bonis auctibus auxitis: salvos incolumesque, victis per-  
 'duellibus victores, spoliis decoratos, praeda onustos tri-  
 'umphantesque, mecum domos reduces sistatis: inimi-  
 'corum hostiumque ulciscendorum copiam faxitis: quae-  
 'que populus Carthaginiensis in civitatem nostram facere  
 'molitus est, ea ut mihi populoque Romano in civitatem  
 'Carthaginiensium exempla edendi facultatem detis.' Se-  
 cundum eas preces cruda exta victimae, uti mos est, in  
 mare porricit, tubaque signum dedit proficiscendi. Vento  
 secundo vehementi satis profecti, celeriter e conspectu  
 terrae ablati sunt: et a meridie nebula occepit, ita ut vix  
 concursus navium inter se vitarent. Lenior ventus in alto  
 factus. Noctem insequentem eadem caligo obtinuit: sole  
 orto est discussa, et addita vis vento. Iam terram cerna-  
 bant. Haud ita multo post gubernator Scipioni ait, 'non  
 'plus quinque millia passuum Africam abesse: Mercurii  
 'promontorium se cernere. Si iubeat eo dirigi, iam in  
 'portu fore omnem classem.' Scipio, ut in conspectu terra  
 fuit, precatus, uti bono reipublicae suoque Africam viderit,  
 dare vela, et alium infra navibus accessum petere iubet.  
 Vento eodem ferebantur. Ceterum nebula sub idem ferme

27.  
 Scipionis  
 precatio.

8 *Bene verruncent*] Bene vertant. Quemadmodum *averruncare* antique pro avertere, ita *verruncare* pro *vertere* dici monet Gronovius, qui a Graeco *ἐρύκειν* originem Latini verbi du-

cendam censet.

9 *In mare porricit*] Hoc verbum solenne sacrorum est. cf. Varro, de Re Rust. i. 29. *Extā deīs cum dabant, porricere dicebant.*

tempus, quo pridie, exorta conspectum terrae ademit, et U. C. 548.  
 ventus premente nebula cecidit. Nox deinde incertiora A. C. 204.  
 omnia fecit. Itaque ancoras, ne aut inter se concurrerent  
 naves, aut terrae inferrentur, iecere. Ubi illuxit, ventus  
 idem coortus, nebula disiecta, aperuit omnia Africae litora.  
 Scipio, quod esset proximum promontorium, percunctatus, Ad Pulchri  
 quum Pulchri promontorium id vocari audisset, ‘Placet Prom. ap-  
 ‘omen,’ inquit; ‘huc dirigite naves.’ Eo classis decurrit: pellit.  
 copiaeque omnes in terram expositae sunt.

Prosperam navigationem sine terrore ac tumultu fuisse,  
 permultis Graecis Latinisque auctoribus credidi: Coelius  
 unus, praeterquam quod non mersas fluctibus naves, ce-  
 teros omnes coelestes maritimosque terrores, postremo ab-  
 reptam tempestate ab Africa classem ad insulam Aegi-  
 murum, inde aegre correctum cursum, exponit: et, prope  
 obrutis navibus, iniussu imperatoris, scaphis, haud secus  
 quam naufragos, milites sine armis cum ingenti tumultu in  
 terram evasisse.

Expositis copiis, Romani castra in proximis tumulis me- . 28.  
 tantur. Iam non in maritimos modo agros, conspectu Terror in  
 primum classis, dein tumultu egredientium in terram, Africa.  
 pavor terrorque pervenerat, sed in ipsas urbes. Neque  
 enim hominum modo turba, mulierum puerorumque ag-  
 minibus immixta, omnes passim compleverat vias, sed  
 pecora quoque prae se agrestes agebant; ut relinqui subito  
 Africam diceres. Urbibus vero ipsis maiorem, quam quem  
 secum attulerant, terrorem inferebant. Praecipue Cartha-  
 ginis prope ut captae tumultus fuit. Nam post M. Atilium  
 Regulum et L. Manlium consules, annis prope quinqu-  
 ginta, nullum Romanum exercitum viderant, praeter prae-  
 datorias classes, quibus excensiones in agros maritimos  
 factae erant: raptisque, quae obvia fors fecerat, prius re-  
 cursum semper ad naves, quam clamor agrestes conciret,  
 fuerat. Eo maior tum fuga pavorque in urbe fuit. Et,  
 hercule, neque exercitus domi validus, neque dux, quem  
 opponerent, erat. Hasdrubal, Gisgonis filius, genere, fama,  
 divitiis, regia tum etiam affinitate, longe primus civitatis  
 erat: sed eum ab illo ipso Scipione aliquot proeliis fusum  
 pulsumque in Hispania meminerant: nec magis ducem  
 duci parem, quam tumultuarium exercitum suum Romano  
 exercitui esse. Itaque, velut si urbem extemplo aggres-  
 surus Scipio foret, ita ad arma est conclamatum: portaeque  
 raptim clausae et armati in muris, vigiliae et stationes  
 dispositae, ac nocte insequenti vigilatum est. Postero die

1 *Annis prope quinquaginta*] Imo M. Regulo, L. Manlio consulibus. cf.  
 hic est annus quinquagesimus tertius a supr. xxviii. 43.

U. C. 548. quingenti equites, speculatum ad mare turbandosque egredientes ex navibus missi, in stationes Romanorum inciderunt. Iam enim Scipio, classe Uticam missa, ipse haud ita multum progressus a mari, tumulos proximos ceperat; equites et in stationibus locis idoneis posuerat, et per agros miserat praedatum. **29.** Ii cum Carthaginiensi equitatu proelium quum commisissent, paucos in ipso certamine, plerisque fugientes persecuti (in quibus praefectum quoque Hannonem, nobilem iuvenem) occiderunt. Scipio non agros modo circa vastavit, sed urbem etiam proximam Afrorum: satis opulentam cepit: ubi praeter cetera, quae extemplo in naves onerarias imposita, missaque in Siciliam erant, octo millia liberorum servorumque capitum sunt capta. Laetissimus tamen Romanis in principio rerum gerendarum adventus fuit Masinissae: quem quidam cum ducentis haud amplius equitibus, plerique cum duum millium equitatu tradunt venisse. Ceterum quum longe maximus omnium aetatis suae regum hic fuerit, plurimumque rem Romanam iuverit, operae pretium videtur excedere paululum ad enarrandum, quam varia fortuna usus sit in amittendo recuperandoque paterno regno.

Scipio agros populatur, victo equitatu Carthagin.

Masinissa ad Romanos venit.

Masinissae varia fortuna.

Militanti pro Carthaginiensibus in Hispania pater ei moritur: Galae nomen erat. Regnum ad fratrem regis Oesalcem, pergrandem natu, (mos ita apud Numidas est) pervenit. Haud multo post, Oesalce quoque mortua, maior ex duobus filiis eius Capusa, puero admodum altero, paternum imperium accepit. Ceterum quum magis iure gentis, quam auctoritate inter suos aut viribus, obtineret regnum; exstitit quidam, Mezetulus nomine, non alienus sanguine regibus, familiae semper inimicae, ac de imperio varia fortuna cum iis, qui tum obtinebant, certantis. Is concitatis popularibus, apud quos, invidia regum, magnae auctoritatis erat, castris palam positis, descendere regem in aciem, ac dimicare de regno coegit. In eo proelio Capusa cum multis principum cecidit: gens Massylorum omnis:

<sup>2</sup> *Sed urbem etiam proximam]* Hanc urbem Appianus in Libyco p. 8. vocat Λόχαι. SIGON.

<sup>3</sup> *Excedere]* Deflectere a re proposita, excedere quasi finibus rei propositae. RASCH.

<sup>4</sup> *Regnum ad fratrem regis Oesalcem]* Similem ordinem successionis, ut in demortui regis, sive principis locum non filius subiret, sed frater, in Hispania quoque servatum apparet supr. xxviii. 21. Vide alia exempla apud Grotium de iure belli et pacis ii. 7. 24. CREV.

<sup>5</sup> *Magis iure gentis, quam auctoritate . . . aut viribus]* Ius gentis regem legitimum facit, auctoritas venerabilem, vires potentem. Sic distinguendum debet harum vocum sensus, *iure gentis, auctoritate, viribus.* CREV.

<sup>6</sup> *Invidia regum]* Invidia in regibus concitata.

<sup>7</sup> *Gens Massylorum omnis]* Paternum Masinissae regnum. *Massyli* parebant Syphaci. Utrique populo commune erat *Numidarum* nomen. CREV.

in ditionem imperiumque Mezetuli concessit. Regio U. C. 548.  
 tamen nomine abstinuit: contentusque nomine modico A. C. 204.  
 tutoris, puerum Lacumacen, qui stirpis regiae supererat,  
 regem appellat. Carthaginiensem nobilem feminam, sororis  
 filiam Hannibalis, quae proxime Oesalci regi nupta  
 fuerat, matrimonio sibi iungit, spe Carthaginensium socie-  
 tatis; et cum Syphace hospitium vetustum legatis missis  
 renovat, omnia ea auxilia praeparans adversus Masinissam.  
 Et Masinissa, audita morte patruī, dein nece fratris pa- 30.  
 truelis, ex Hispania in Mauritaniā (Bocchar ea tem-  
 pestate rex Maurorum erat) traiecit. Ab eo supplex infimis  
 precibus auxilium itineri, quoniam bello non poterat, quat-  
 tuor millia Maurorum impetravit. Cum iis, praemisso  
 nuntio ad paternos suosque amicos, quum ad fines regni  
 pervenisset, quingenti ferme Numidae ad eum convenerunt.  
 Igitur Mauris inde, sicut convenerat, retro ad regem re-  
 missis, quanquam aliquanto minor spe multitudo, nec cum  
 qua tantam rem aggredi satis auderet, conveniret; ratus  
 agendo ac moliendo vires quoque ad agendum aliquid col-  
 lecturum, proficiscenti ad Syphacem Lacumaci regulo ad  
 Thapsum occurrit. Trepidum agmen quum in urbem re-  
 tugisset, urbem Masinissa primo impetu capit: ex regiis  
 illos tradentes se recipit, alios vim parantes occidit. Pars  
 maxima cum ipso puero inter tumultum ad Syphacem, quo  
 primum intenderant iter, pervenerunt. Fama huius mo-  
 licae rei, in principio rerum prospere actae, convertit ad  
 Masinissam Numidas: affluebantque undique ex agris  
 vicisque veteres milites Galae, et invitabant iuvenem ad  
 recuperandum paternum regnum. Numero militum ali-  
 quantum Mezetulus superabat. Nam et ipse eum exer-  
 citum, quo Capusam vicerat, et ex receptis post caedem  
 regis aliquot habebat: et puer Lacumaces ab Syphace  
 auxilia ingentia adduxerat. Quindecim millia peditum  
 Mezetulo, decem millia equitum erant. Quibuscum Ma-  
 sinissa, nequaquam tantum peditum equitumve habens,  
 acie conflixit. Vicit tamen et veterum militum virtus et

8 *Spe Carthaginensium societatis*] Ex hoc loco, et iis quae capite sequenti  
 narrantur, patet Carthaginenses La-  
 cumaci et Mezetulo contra Masinis-  
 sam favisse. Atque hac maxime  
 causa suspicari possumus Numidam  
 Carthaginensibus alienatum ad  
 Romanos descisse. Congruunt tem-  
 pora. Etenim Masinissa etiam tum  
 in Hispania erat, quum eius regnum  
 Mezetulus invasit. Postea novas  
 edio eius in Poenos vires addidit pro-  
 lecto tradita Syphaci contra fidem

ipsi datam in matrimonium Sopho-  
 nisba. Vid. nostrum supr. xxviii. 16.  
 et ea quae ibi annotavimus. CREV.

9 *Ad Thapsum*] Mendum in hac  
 voce latere suspicantur plures cri-  
 tici, et urbis clarioris nomen pro-  
 minus cognitae urbis nomine a libra-  
 riis scriptum esse, quod tamen con-  
 iectura assequi difficilior esset.

1 *Et ex receptis*] Et aliquot habe-  
 bat ex iis, quos post caedem Capusae  
 regis ad sua signa revocaverat. CREV.

U. C. 548. prudentia inter Romana et Punica arma exercitati ducis.  
 A. C. 204. Regulus cum tutore et exigua Masaesylorum manu in Carthaginiensium agrum perfugit. Ita recuperato regno paterno, Masinissa, quia sibi adversus Syphacem haud paullo maiorem restare dimicationem cernebat, optimum ratus cum fratre patruele gratiam reconciliare, missis, qui et puero spem facerent, si in fidem Masinissae sese permisisset, futurum in eodem honore, quo apud Galam Oesalces quondam fuisset; et qui Mezetulo, praeter impunitatem, sua omnia cum fide restitui sponderent; ambo praeoptantes exsilio modicam domi fortunam, omnia, ne id fieret, Carthaginiensibus de industria agentibus, ad sese perduxit.

31. Hasdrubal tum forte, quum haec gerebantur, apud Syphacem erat. Qui Numidae, haud sane multum ad se pertinere credenti, utrum penes Lacumacen, an Masinissam regnum Massylorum esset, 'falli eum magnopere,' ait, 'si Masinissam iisdem contentum fore, quibus patrem Galam, aut patrum eius Oesalcem, credat: multo maiorem indolem in eo animi ingenique esse, quam in ullo gentis eius unquam fuisset. Saepe eum in Hispania rarae inter homines virtutis specimen dedisse sociis pariter hostibusque: et Syphacem, et Carthaginienses, nisi orientem illum ignem oppressissent, ingenti mox incendio, quum iam nullam opem ferre possent, arsuros. Adhuc teneras et fragiles eius vires esse, vixdum coalescens foventis regnum.' Instando stimulandoque pervincit, ut exercitum ad fines Massylorum admoveat; atque in agro, de quo saepe cum Gala non verbis modo disceptatum, sed etiam armis certatum fuerat, tanquam haud dubie iuris sui, castra locet. 'Si quis arceat, id quod maxime opus sit, acie dimicaturum: sin per metum agro cedatur, in medium regnum eundum. Aut sine certamine concessuros in ditionem eius Massylos, aut nequaquam pares futuros armis.' His vocibus incitatus Syphax Masinissae bellum infert, et primo certamine Massylos fundit fugatque. Masinissa cum paucis equitibus ex acie in montem (Balbum incolae vocant) perfugit. Familiae aliquot cum mapalibus; pecoribusque suis (ea pecunia illis est) persecuti sunt regem: cetera Massylorum multitudo in ditionem Syphacis concessit. Quem ceperant exsules montem, herbidus aquosusque est; et, quia pecori bonus alendo erat, ho-

Syphacem  
Hasdrubal  
in Masinissam instigat.

Syphax  
vincit Masinissam.

<sup>2</sup> *Et qui Mezetulo*] Gronovius recidit *quod qui*: nec immerito, nisi alios ad Lacumacem, alios ad Mezetulum legavit Masinissa. Tunc enim nihil mutandum foret. CREV.

<sup>3</sup> *Cum mapalibus*] Ergo et Numidae erant in illorum populorum

numero, qui vagas secum circumferbant domos. cf. Plin. H. N. v. 3. Sall. Iugurth. 18.

<sup>4</sup> *Ea pecunia illis est*] Ut quibus nummus non esset, sed in pecoribus omnia bona constarent.



minum quoque, carne ac lacte vescentium, abunde sufficiebat alimentis. Inde nocturnis primo ac furtivis incursionibus, deinde aperto latrocinio, infesta omnia circa esse : maxime uri Carthaginensis ager, quia et plus praedae, quam inter Numidas, et latrocinium tutius erat. Iamque adeo licenter eludebant, ut ad mare devectam praedam venderent mercatoribus, appellentibus naves ad id ipsum ; pluresque, quam iusto saepe in bello, Carthaginensium caderent caperenturque. Deplorabant ea apud Syphacem Carthaginenses, infensumque et ipsum ad reliquias belli persequendas instigabant. Sed vix regium videbatur, latronem vagum in montibus consecrari. Bocchar, ex praefectis regis vir acer et impiger, ad id delectus. Ei data quattuor millia peditum, duo equitum : praemiorumque ingentium spe oneratus, si caput Masinissae retulisset, aut vivum (id vero inaestimabile gaudium fore) cepisset, palatos incurioseque agentes improviso adortus, pecorum hominumque ingenti multitudine a praesidio armatorum exclusa, Masinissam ipsum cum paucis in verticem montis compellit. Inde, prope ut iam debellato, nec praeda modo pecorum hominumque captorum missa ad regem, sed copiis etiam, ut aliquanto maioribus, quam pro reliquiis belli, remissis, cum haud amplius peditibus mille ducentisque equitibus, degressum iugis Masinissam persecutus, in valle arta, faucibus utrimque obsessis, inclusit. Ibi ingens caedes Massylorum facta. Masinissa cum quinquaginta haud amplius equitibus per anfractus montis ignotos sequentibus se eripuit. Tenuit tamen vestigia Bocchar : adeptusque eum patentibus prope Clupeam urbem campis, ita circumvenit, ut, praeter quattuor equites, omnes ad unum interficeret. Cum iis ipsum quoque Masinissam saucium prope e manibus inter tumultum amisit. In conspectu erant fugientes ; ala equitum, dispersa toto campo, quibusdam, ut occurrerent, per obliqua tendentibus, quinque hostes sequebatur. Amnis ingens fugientes accepit, (neque enim cunctanter, ut quos maior metus urgeret, miserant equos) raptique gurgite, et in obliquum praelati. Duobus in conspectu hostium in praerapidum gurgitem haustis, ipse periisse creditus. At duo reliqui equites cum eo inter virgulta ulterioris ripae emergerunt. Is finis Bocchari sequendi fuit, nec ingredi flumen auso, nec habere credenti se iam, quem sequeretur. Inde vanus auctor absumpti Masinissae ad regem rediit ; missique, qui Car-

32.  
Bocchar  
mittitur in  
Masinissam.

Masinissa  
insilit in  
fluvium,  
unde cum  
duobus  
emergit.

5 Cum haud amplius peditibus mille] Ita pro vulg. quingentis haud amplius peditibus Gronovius legendum censet.

6 Inde vanus auctor absumpti] Falso nuntians periisse Masinissam.



U. C. 548. thaginem gaudium ingens nuntiarent: totaque Africa fama:  
A. C. 204. mortis Masinissae repleta varie animos affecit.

In spe-  
lunca la-  
tens, vul-  
nus curat.

33.  
Syphax  
adversus  
eum con-  
tendit.

Masinissa  
cum paucis  
evadit.

Masinissa in spelunca occulta, quum herbis curaret vulnus, duorum equitum latrocinio per dies aliquot vixit. Ubi primum ducta cicatrix, patique posse visa iactationem, audacia ingenti pergit ire ad regnum repetendum: atque, in ipso itinere haud plus quadraginta equitibus collectis, quum in Massylos, palam iam quis esset ferens, venisset, tantum motum quum favore pristino, tum gaudio insperato, quod, quem perisse crediderant, incolumem cernebant, fecit, ut intra paucos dies sex millia peditum armatorum, quattuor equitum, ad eum convenirent: iamque non in possessione modo paterni regni esset, sed etiam socios Carthaginensium populos Masaesylorumque fines (id Syphacis regnum erat) vastaret. Inde, irritato ad bellum Syphace, inter Cirtam Hipponemque in iugis opportunorum ad omnia montium consedit. Maiorem igitur eam rem Syphax ratus, quam ut per praefectum ageret, cum filio iuvene (nomen Verminae erat) parte exercitus missa, imperat, ut, circumducto agmine, in se intentum hostem ab tergo invadat. Nocte profectus Vermina, qui ex occulto aggressurus erat: Syphax autem interdiu aperto itinere, ut qui, signis collatis, acie dimicaturus esset, movit castra. Ubi tempus visum est, quo pervenisse iam circummissi videri poterant, et ipse leni clivo ferente ad hostem, quum multitudine fretus, tum praeparatis ab tergo insidiis, per adversum montem erectam aciem ducit. Masinissa fiducia maxime loci, quo multo aequiore pugnaturus erat, et ipse dirigit suos. Atrox proelium et diu anceps fuit; loco et virtute militum Masinissam, multitudine, quae nimio maior erat, Syphacem iuvante. Ea multitudo divisa, quum pars a fronte urgeret, pars a tergo se circumfudisset, victoriam haud dubiam Syphaci dedit: et ne effugium quidem patebat hinc a fronte, hinc ab tergo inclusis. Itaque ceteri pedites equitesque caesi aut capti. Ducentos ferme equites Masinissa circa se conglobatos, divisosque turmatim in tres partes, erumpere iubet; loco praedicto, in quem ex dissipata convenirent fuga. Ipse, qua intenderat, inter media tela hostium evasit. Duae turmae haesere: altera metu dedita hosti; pertinacior in repugnando telis obruta et confixa est. Verminam prope vestigiis instantem, in alia

7 *Totaque Africa fama mortis*] sc. Quum tota Africa Masinissae mortis fama repleta esset, id varie hominum animos affecit. Sed Crevierius multo concinniores locutionem fore censet, si, resecta voce *repleta*, *totaque Africa* in auferendi casu poni in-

telligamus. Locum vitio laborat Drakenb. existimat. Equidem de industria Graecorum more ita scripsit Livium suspicor.

8 *Pertinacior in repugnando*] Ea scilicet *altera*, quae pertinacior in repugnando erat.

atque alia flectendo itinera eludens, taedio et desperatione tandem fessum, absistere sequendo coegit. Ipse cum sexaginta equitibus ad minorem Syrtim pervenit. Ibi cum conscientia egregia saepe repetiti regni paterni, inter Punica Emporia gentemque Garamantum omne tempus, usque ad C. Laelii classisque Romanae adventum in Africam, consumpsit. Haec animum inclinant, ut cum modico potius, quam cum magno praesidio equitum, ad Scipionem quoque postea venisse Masinissam credam: quippe illa regnantis multitudo, haec paucitas exsulis fortunae conveniens est.

Carthaginenses, ala equitum cum praefecto amissa, alio equitatu per novum delectum comparato, Hannonem Hamilcaris filium praeficiunt. Hasdrubalem subinde ac Syphacem per literas nuntiosque, postremo etiam per legatos, arcessunt: Hasdrubalem opem ferre prope circumsessae patriae iubent: Syphacem orant, ut Carthagini, ut universae Africae subveniat. Ad Uticam tum castra Scipio, ferme mille passus ab urbe, habebat, translata a mari, ubi paucos dies stativa coniuncta classi fuerant. Hanno, nequaquam satis valido, non modo ad lacesendum hostem, sed ne ad tuendos quidem a populationibus agros, equitatu accepto, id omnium primum egit, ut per conquisitionem numerum equitum augeret. Nec aliarum gentium aspernatus, maxime tamen Numidas (id longe primum equitum in Africa est genus) conducit. Iam ad quattuor millia equitum habebat, quum Salecam nomine urbem occupavit; quindecim ferme millia ab Romanis castris. Quod ubi Scipioni relatum est, 'Aestiva sub tectis equitatus!' inquit. 'Sint vel plures; dum talem ducem habeant.' Eoque minus sibi cessandum ratus, quo illi segnius rem agerent,

34.

Carthaginienses novum equitatum sibi comparant.

9 *Flectendo itinera eludens*] *Itinere* coniecit Iac. Gronov. quem secutus est Crevier. sed *itinera* Drak. et Bekker. servant.

1 *Punica Emporia*] Intellige regionem, de qua supr. 25. De ea rursus, xxxiv. 62. sic habet noster: *Emporia vocant eam regionem. Ora est minoris Syrtis, et agri uberis. Una civitas eius, Leptis.* Non ita longe ab ea incolunt Garamantes, meridiem versus. Et meminisse oportet, Masinissam tunc huc illuc vagum errasse, et loca etiam a sese mutuo aliquantum dissita alterno cursu attingere potuisse. CREV.

2 *Garamantum omne tempus, usque*] Haec verba nobis solus exhibuit Victor. codex. Reliqui nostri, ut et ii quos Gronovius excussit, iis carent.

Nihil tamen videmus, quare ea repudiare debeamus. CREV.

3 *Salecam*] Hoc nomen varie in mss. habetur. Put. *Salaecam*: Victor. *Salecam*. Suspiciatur Gronovius, cum quo Crevierius sentit, eandem hanc urbem esse, quae ab Appiano dicitur Λόχα. cf. supr. 29. *Saleram* vulgo legitur, quae Sigonio urbs ea esse videtur, quam Θολούρα Appianus vocat.

4 *Aestiva sub tectis equitatus*] *Supple agit.* Haec verba Scipionis sunt mirantis, quod equites suos Hannibal tam molliter habeat, ut eos sinat aestiva sub tectis agere, non durare sub pellibus cogat. CREV.

5 *Sibi cessandum*] Revocavimus pronomen *sibi*, quod Sigonius eiecerat, sed libri nostri tuentur. CREV.

U. C. 548. Masinissam cum equitatu praemissum portis obequitare,  
 A. C. 204. atque hostem ad pugnam elicere, iubet: ubi omnis multi-  
 tudo se effudisset, graviorque iam in certamine esset, quam  
 ut facile sustineri posset, cederet paullatim; se in tempore  
 pugnae obventurum. Tantum moratus, quantum satis  
 temporis praegresso visum ad eliciendos hostes, cum Ro-  
 mano equitatu secutus, tegentibus tumultis, qui peroppor-  
 tune circa viae flexus oppositi erant, occultus processit.  
 Equestre Masinissa, ex composito, nunc terrentis, nunc timentis  
 proelium. modo, aut ipsis obequitabat portis, aut cedendo, quum  
 timoris simulatio audaciam hosti faceret, ad insequendum  
 temere eliciebat. Nondum omnes egressi erant, varieque  
 dux fatigabatur, alios vino et somno graves arma capere, et  
 frenare equos cogendo, aliis, ne sparsi et inconditi sine  
 ordine, sine signis omnibus portis excurrerent, obsistenda.  
 Primo incaute se evehentes Masinissa excipiebat: mox  
 plures simul conferti porta effusi aequaverant certamen:  
 postremo, iam omnis equitatus proelio quum adesset, sus-  
 tineri ultra nequiere. Non tamen effusa fuga Masinissa,  
 sed cedendo sensim, impetus eorum excipiebat: donec ad  
 tumultos tegentes Romanum equitatum pertraxit. Inde  
 exorti equites, et ipsi integris viribus, et recentibus equis,  
 Hannoni Afrisque pugnando ac sequendo fessis se circum-  
 fudere: et Masinissa, flexis subito equis, in pugnam rediit.  
 Vincuntur Mille ferme, qui primi agminis fuerant, ut quibus haud  
 Carthagi- facilis receptus fuit, cum ipso duce Hannone interclusi  
 nienses. atque interfecti sunt. Ceteros, ducis praecipue terrore  
 caede, effuse fugientes per tria millia passuum victores  
 secuti, ad duo praeterea millia equitum aut ceperunt, aut  
 occiderunt. Inter eos satis constabat, non minus ducentos  
 Carthaginensium equites fuisse, et divitiis quosdam et  
 genere illustres.

35. Eodem forte, quo haec gesta sunt, die naves, quae praedam in Siciliam vexerant, cum commeatu rediere; velut ominatae, ad praedam alteram repetendam sese venisse. Duos eodem nomine Carthaginensium duces duobus equestribus proeliis interfectos, non omnes auctores sunt: veriti, credo, ne falleret bis relata eadem res. Coelius: quidem et Valerius captum etiam Hannonem tradunt.

6 *Quantum satis temporis praegresso visum*] Quantum credidit satis esse temporis, ut Masinissa, qui praegressus fuerat, posset elicere hostes ad pugnam. CREV.

7 *Per tria millia passuum*] Per triginta millia, quae voces in codd. quibusdam leguntur, reposuit Gronovius, quum rem vix memoratu dignam esse censeat, si victor eques hostem fugien-

tem per tria millia passuum insecutus sit. Sed Drakenb. et Crevier. triginta non admittunt, quia numerus credibilem persequendi modum nimis excedat.

8 *Ne falleret*] Ne bis unam rem per imprudentiam narrarent. CREV.

9 *Captum etiam Hannonem*] Nec interfectum, ut supr. memoratum est. CREV.

Scipio praefectos equitesque, prout cuiusque opera U. C. 548.  
 fuerat, ante omnes Masinissam, insignibus donis donat: et, A. C. 204.  
 firmo praesidio Salecae imposito, ipse cum cetero exercitu Scipio po-  
 profectus, non agris modo, quacunque incedebat, populatis, pulatur  
 sed urbibus etiam quibusdam vicisque expugnatis, late fuso Africam.  
 terrore belli, septimo die, quam profectus erat, magnam  
 vim hominum et pecoris et omnis generis praedae trahens,  
 in castra redit; gravesque iterum hostilibus spoliis naves  
 dimittit. Inde, omissis expeditionibus parvis populationi-  
 busque, ad oppugnandam Uticam omnes belli vires con-  
 vertit: eam deinde, si cepisset, sedem ad cetera exsequenda  
 habiturus. Simul et a classe navales socii, qua ex parte Uticam  
 urbs mari alluitur, simul et terrestres exercitus ab immi- oppugnat.  
 nente prope ipsis moenibus tumulto est admotus. Tor-  
 menta machinasque et advexerat secum, et ex Sicilia missa  
 cum commeatibus erant: et nova in armamentario, multis  
 talium operum artificibus de industria inclusis, fiebant.  
 Uticensibus tanta undique mole circumsessis in Cartha-  
 giniensi populo, Carthaginensibus in Hasdrubale ita, si is  
 movisset Syphacem, spes omnis erat: sed desiderio indi-  
 gentium auxilii tardius cuncta movebantur. Hasdrubal, Hasdruba-  
 intentissima conquisitione quum ad triginta millia peditum, lis et Sy-  
 tria equitum confecisset, non tamen ante adventum Sy- phacis in-  
 phacis castra propius hostem movere est ausus. Syphax gentes co-  
 cum quinquaginta millibus peditum, decem equitum ad- piae.  
 venit: confestimque motis ab Carthagine castris, haud  
 procul Utica munitionibusque Romanis consedit. Quorum Scipio re-  
 adventus hoc tamen momenti fecit, ut Scipio, quum quadra- cedit ab  
 ginta ferme dies nequicquam omnia experiens obsedis- Utica.  
 set Uticam, abscederet inde irritum incepto. Et (iam enim  
 hiems instabat) castra hiberna in promontorio, quod tenui  
 iugo continenti adhaerens in aliquantum maris spatium  
 extenditur, communit: uno vallo et navalia castra amplec-  
 titur. Iugo medio legionum castris impositis, litus ad sep-  
 tentrionem versum subductae naves navalesque socii

1 *Navales socii*] Milites classici.  
 cf. supr. xxvi. 28.

2 *Ita, si is*] Modo tamen is Sypha-  
 cem impulisset ad bellum.

3 *Quod tenui iugo*] Adhaerens  
 continenti, sive terrae, per tenue  
 iugum instar isthmi angusti. Hic  
 locus postea a Scipionis hibernis di-  
 ctus est *Corneliana* sive *Cornelia cas-*  
*tra*, quo eum nomine appellant Cae-  
 sar de Bello Civili ii. Plinius H. N.  
 v. 4.

4 *Uno vallo et navalia castra*] *Et*  
*navalia et castra* ex emendatione  
 Gronov. recepit Bekkerus, Draken-

borchio non adversante.

5 *Litus ad septentrionem . . . ad*  
*alterum litus*] Magna codicum Gro-  
 novianorum manus, consentientibus  
 nostris, pro voce *litus* utrobique ex-  
 hibet *latus*: quod fortasse commodius  
 videbitur. Possumus tamen intelli-  
 gere iugum illud ita porrectum esse  
 in altum, ut mari tum a septentrione,  
 tum a meridie cingeretur: sicque ni-  
 hil erit mutatione opus. Cetera hu-  
 ius loci recte se habent, licet varient  
 scripti. CREV. Gronovium secutus  
 est Bekker.

U. C. 548. tenebant: meridianam vallem ad alterum litus devexam  
A. C. 204. equitatus. Haec in Africa usque ad extremum auctumni  
gesta.

36. Praeter convectum undique ex populatis circa agris  
Commeatus ad Scipionem ad-  
vecti. frumentum, commeatusque ex Sicilia atque Italia advectos,  
Cn. Octavius propractor ex Sardinia ab Ti. Claudio praetore, cuius ea provincia erat, ingentem vim frumenti advexit: horreaque non solum, quae iam facta erant, repleta, sed nova aedificata. Vestimenta exercitui deerant. Id mandatum Octavio, ut cum praetore ageret, si quid ex ea provincia comparari ac mitti posset. Ea quoque hand segniter curata res. Mille ducentae togae brevi spatio, et duodecim millia tunicarum missa.

Sempronius Coa.  
cum Hannibale  
male pugnat.  
Aestate ea, qua haec in Africa gesta sunt, P. Sempronius consul, cui Bruttii provincia erat, in agro Crotoniensi cum Hannibale in ipso itinere tumultuario proelio conflixit. Agminibus magis, quam acie, pugnatum est. Romani: pulsi, et tumultu verius, quam pugna, ad mille et ducenti de exercitu consulis interfecti: in castra trepide reditum. Neque oppugnare tamen ea hostes ausi. Ceterum silentio proximae noctis profectus inde consul, praemisso nuntio ad P. Licinium proconsulem, ut suas legiones admoveret, copias coniunxit. Ita duo duces, duo exercitus ad Hannibalem redierunt. Nec mora dimicandi facta est: quum consuli duplicatae vires, Poeno recens victoria animo esset. In primam aciem suas legiones Sempronius induxit: in subsidiis locatae P. Licinii legiones. Consul principio pugnae aedem Fortunae Primigeniae vovit, si eo die hostes fudisset: composque eius voti fuit. Fusi ac fugati Poeni: supra quattuor millia armatorum caesa: paulo minus trecenti vivi capti, et equi quadraginta, et undecim militaria signa. Percussus adverso proelio Hannibal Crotonem exercitum abduxit.

Hannibalem acie vincit.  
Cornelius Coa. Etruriam in officio continet.  
Eodem tempore M. Cornelius consul in altera parte Italiae non tam armis, quam iudiciorum terrore, Etruriam continet, totam ferme ad Magonem, ac per eum ad spem novandi res, versam. Eas quaestiones ex senatusconsulto minime ambiciose habuit: multique nobiles Etrusci, qui

6 *Mille ducentae togae*] cf. Supr. xxii. 54.

7 *Agminibus magis, quam acie*] Legionibus potius itineri, quam pugnae instructis. cf. supr. xxi. 57.

8 *Poeni recens victoria animo esset*] *Animo* casu sexto positum pro *in animo* habet Drakenb. ceterum *animo esse* non *in animo esse*, sc. *animo obversari*, sed *animo sumendo esse*, *animos facere* intelligit Doer.

9 *Fortunae Primigeniae*] *Fortuna Primigenia* dicta videtur ea, quae primum natis adesse crederetur. Hoc templum antiquitus condiderat dicaveratque Servius Tullius, teste Plut. in Qu. Rom. Ceterum dedicatio huius aedis infr. xxxiv. 53. narratur.

1 *Minime ambiciose*] Ita ut neminis gratiam captaret, sed cuiusque meritum tantum spectaret. cf. supr. 16. *Scipionis . . . ambitio*.

aut ipsi ierant, aut miserant ad Magonem de populorum U. C. 548. suorum defectione, primo praesentes erant condemnati; A. C. 204. postea, conscientia sibimet ipsi exsilium consciscientes, quum absentes damnati essent, corporibus subtractis, bona tantum, quae publicari poterant, pignoranda poenae praebebant.

Dum haec consules diversis regionibus agunt, censores 37. interim Romae M. Livius et C. Claudius senatum recita- Livii et Claudii censura. verunt. Princeps iterum lectus Q. Fabius Maximus. Notati septem: nemo tamen, qui sella curuli sedisset. Sarta tecta acriter et cum summa fide exegerunt. Viam e foro Boario ad Veneris, et circa foros publicos, et aedem Matris Magnae in Palatio faciendam locaverunt. Vectigal etiam novum ex salaria annona statuerunt. Sextante sal et Romae et per totam Italiam erat. Romae pretio eodem, pluris in foris et conciliabulis, et alio alibi pretio praebendum locaverunt. Id vectigal commentum alterum ex censoribus satis credebant, populo iratum, quod iniquo iudicio quondam damnatus esset: et in pretio salis maxime oneratas tribus, quarum opera damnatus erat, credebant. Inde Salinatori Livio inditum cognomen. Lustrum conditum serius, quia per provincias dimiserunt censores, ut civium Romanorum in exercitibus, quantus ubique esset, referretur Census. numerus. Censa cum iis ducenta decem quattuor millia hominum: condidit lustrum C. Claudius Nero. Duodecim

2 *Pignoranda poenae*] Tanquam pignus ad poenam a se exsolvendam relictum suppeditabant. DOER.

3 *Sarta tecta*] *Opera publica*, inquit Festus, *quae locantur ut integra praestentur, sarta tecta vocantur. Etenim sarcire est integrum facere.* Exigunt igitur censores sarta tecta, lum cogunt redemptores aedificia publica, quae tuenda conduxerunt, integra praestare. CREV.

4 *Et circa foros publicos*] Et circa riam illam, vel fortasse, circa forum Boarium, foros publicos. *Foros* exponit ipse Livius supr. i. 35. "in Circo oca" unde spectarentur ludi, quae vocat Festus *Circensia spectacula.* Num igitur hic quoque *foros publicos* intelligemus spectacula, sive loca ex quibus spectarentur ludi gladiatorii, qui interdum in foro Boario ederentur? CREV.

5 *Ex salaria annona*] Ex annua alis venditione et quaestu. *Annona* am de eo, quod anno quoque provenit. DOER.

6 *Sextante sal ... erat*] Salis mensura quaedam, (quae quum vulgo

cognita esset, a Livio non exprimitur) ante inventum novum vectigal, veniebat sextante, sive sexta assis parte.

7 *In foris et conciliabulis*] cf. Supr. xxv. 5. Niebhr. ii. n. 886.

8 *Damnatus esset*] cf. Supr. xxvii. 34.

9 *Maxime oneratas tribus*] Quomodo fieri potuerit, ut aliae tribus magis, aliae minus oneratae sint, se non intelligere Dukerus profitetur. Quippe Maecia tribus sola M. Livium non damnaverat, at si qui cives ex aliis tribubus Romae degerent, non magis onerati fuerunt, quam qui ex Maecia; nec qui ex Maecia extra illam in foris et conciliabulis aliisque Italiae locis habitabant, minus quam illi. Nescio an nodus hoc modo expediatur, si pretio maiore censores sal praebendum locaverint in oppidulis iis, in quibus negotiandi et nundinandi causa conveniebant cives ex iis tribubus, quarum maxime opera Livius damnatus erat.

1 *Duodecim deinde coloniarum*] cf. Supr. 15.



U. C. 548. deinde coloniarum, (quod nunquam antea factum erat) de-  
 A. C. 204. ferentibus ipsarum coloniarum censoribus, censum acce-  
 perunt: ut, quantum numero militum, quantum pecunia  
 valerent, in publicis tabulis monumenta exstarent. Equi-  
 tum deinde census agi coeptus est: et ambo forte censores  
 equum publicum habebant. Quum ad tribum Polliam  
 ventum est, in qua M. Livii nomen erat, et praeco cunc-  
 taretur citare ipsum censorem; 'Cita,' inquit Nero, 'M.  
 'Livium:' et, sive ex residua et vetere similitudine, sive  
 intempestiva iactatione severitatis inflatus, M. Livium, quia  
 populi iudicio esset damnatus, equum vendere iussit. Item:  
 M. Livius, quum ad tribum Arniensem et nomen collegae  
 ventum est, vendere equum C. Claudium iussit, duarum  
 rerum causa: unius, quod falsum adversus se testimonium  
 dixisset; alterius, quod non sincera fide secum in gratiam  
 redisset. Itaque ibi foedum certamen inquinandi famam:  
 alterius, cum suae famae damno, factum est. Exitu cen-  
 surae quum in leges iurasset C. Claudius, et in aerarium  
 escendisset, inter nomina eorum, quos aerarios relinquebat:  
 dedit collegae nomen. Deinde M. Livius in aerarium  
 venit, et, praeter Maeciam tribum, quae se nec condem-  
 nasset, neque condemnatum aut consulem aut censorem  
 fecisset, populum Romanum omnem, quattuor et triginta  
 tribus, aerarios reliquit: quod et innocentem se condem-  
 nasset, et condemnatum consulem et censorem fecissent:  
 neque infitiri possent, aut iudicio semel, aut comitiis bis  
 ab se peccatum esse. Inter quattuor et triginta tribus et  
 C. Claudium aerarium fore. Quod si exemplum haberet  
 bis eundem aerarium relinquendi, C. Claudium nominatim  
 se inter aerarios fuisse relicturum. Pravum certamen no-  
 tarum inter censores: castigatio inconstantiae populi cen-  
 soria, et gravitate temporum illorum digna. In invidis  
 censores quum essent, crescendi ex his ratus esse occa-  
 sionem Cn. Baebius tribunus plebis diem ad populum  
 utrique dixit. Ea res consensu Patrum discussa est, ne  
 postea obnoxia populari aerae censura esset.

Certamen  
 notarum  
 inter cen-  
 sores.

2 *Equum vendere*] Equum publi-  
 cum, ad quem emendum alendumque  
 pecunia e publico praebebatur. cf.  
 supr. i. 9. Niebhr. i. n. 1016.

3 *Itaque ibi*] *Aequè* ex coniectura  
 Gronov. reposuit Bekker.

4 *Quum in leges iurasset*] Magi-  
 stratum deponentibus iurare mos erat.  
 Exemplum insigne habes apud Cic.  
 Ep. ad Divers. v. 2. Colligitur autem  
 ex Plinii Panegyrico hanc fuisse hu-  
 ius iurisiurandi formulam, ut iurarent  
 ii, qui abibant magistratu, se nihil  
 contra leges fecisse. Sic enim ille

ad Traianum: *Abiturus cunctas  
 iurasti te nihil contra leges fecisse.*  
 Ideo dicebantur iurare in leges. Cf.

5 *Quos aerarios relinquebat*] Cf.  
 Supr. iv. 24.

6 *Pravum certamen notarum in-  
 ter censores*] Pravum haberi debet  
 certamen illud censorum sese muta-  
 notantium. At castigatio inconstan-  
 tia populi censorem decebat. Cf.

7 *Populari aerae*] Levitati mi-  
 titudinis, quae non minus mobilis est  
 quam aera. Cf. v.



Eadem aestate in Brutiis Clampetia a consule vi capta, U. C. 548.  
 Consentia et Pandosia, et ignobiles aliae civitates, volun- A. C. 204.  
 tate in ditionem venerunt. Et, quum comitiorum iam ap- 38.  
 peteret tempus, Cornelium potius ex Etruria, ubi nihil Comitiae.  
 belli erat, Romam acciri placuit. Is consules Cn. Servi-  
 lium Caepionem et C. Servilium Geminum creavit. Inde  
 praetoria comitia habita. Creati P. Cornelius Lentulus, P.  
 Quinctilius Varus, P. Aelius Paetus, P. Villius Tappulus.  
 Hi duo, quum aediles plebis essent, praetores creati sunt.  
 Consul, comitiis perfectis, ad exercitum in Etruriam re-  
 liit.

Sacerdotes eo anno mortui, atque in locum eorum suf-  
 fecti; Ti. Veturius Philo flamen Martialis, in locum M.  
 Aemilii Regilli, qui priore anno mortuus erat, creatus in-  
 auguratusque: et in M. Pomponii Mathonis auguris et Sacerdotes  
 decemviri locum creati, decemvir M. Aurelius Cotta, augur mortui et  
 Ti. Sempronius Gracchus admodum adolescens, quod tunc suffecti.  
 per rarum in mandandis sacerdotiis erat. Quadrigae au-  
 reae eo anno in Capitolio positae ab aedilibus curulibus,  
 C. Livio et M. Servilio Gemino. Et ludi Romani biduum  
 instaurati. Item per biduum plebeii ab aedilibus P. Aelio,  
 P. Villio: et Iovis epulum fuit ludorum causa.

8 *Auguris et decemviri*] De plu- vide supr. xxvii. 6.  
 ribus sacerdotiis in unum collatis

## EPITOME LIBRI XXX.

---

*IN Africa Scipio Carthaginienses et eundem Syphacem Numidarum regem Hasdrubalemque pluribus proeliis vicit, ad iuvante Masinissa, binaque hostium castra expugnavit: in quibus quadraginta millia hominum ferro ignique consumpta sunt. Syphacem per C. Laelium et Masinissam cepit. Masinissa Syphonisbam, uxorem Syphacis, filiam Hasdrubalis, captam statim adamavit, et, nuptiis factis, uxorem habuit. Castigatus a Scipione venenum ei misit: quo hausto illa decessit. Effectumque est multis Scipionis victoriis, ut Carthaginienses in desperationem acti, in auxilium publicae salutis Hannibalem ex Italia revocarent. Isque, anno sexto decimo Italiae decedens, in Africam traiecit, tentavitque per colloquium pacem cum Scipione componere: et, quum de conditionibus pacis non convenisset, acie victus est. Pax Carthaginiensibus datur est petentibus. Hannibal Gisgonem, pacem dissuadentem manu sua detraxit: excusata deinde temeritate facti, ipse pacem suasit. Mago, qui bello in agro Insubrium cum Romanis conflixerat, vulneratus, dum in Africam per legatos revocatus revertitur, ex vulnere mortuus est. Masinissae regnum restitutum est. Reversus in urbem Scipio amplissimum nobilissimumque egit triumphum, quem Q. Terentius Culleo exactor pileatus secutus est. Scipio Africanus (incertum militum prius favore, an populari aura ita cognominatus) primus certe hic imperator victae a se nomine gentis nobilitatus est.*

# T. LIVII PATAVINI

## LIBER XXX.

**C**N. SERVILIUS CAEPIO et C. Servilius Geminus U. C. 549.  
consules, (sexthus decimus is annus belli Punici erat) A. C. 203.  
quum de republica belloque et provinciis ad senatum retu- Provinciae.  
lissent, censuerunt Patres, ut consules inter se compara-  
rent, sortirenturque, uter Bruttios adversus Hannibalem,  
uter Etruriam ac Ligures provinciam haberet. Cui Brut-  
tii evenissent, exercitum a P. Sempronio acciperet. P. Sem- Laus P. Li-  
pronius (ei quoque enim proconsuli imperium in annum cinii.  
prorogabatur) P. Licinio succederet: is Romam revertere-  
tur, bello quoque bonus habitus ad cetera, quibus nemo ea  
tempestate instructior civis habebatur, congestis omnibus  
humanis a natura fortunaque bonis. Nobilis idem ac dives  
erat: forma viribusque corporis excellebat. Facundissimus  
habebatur, seu causa oranda, seu in senatu, ad populum  
suadendi ac dissuadendi locus esset: iuris pontificii peri-  
tissimus. Super haec, bellicae quoque laudis consulatus  
compotem fecerat. Quod in Brutiis provincia, idem in  
Etruria ac Liguribus decretum. M. Cornelius novo con-  
suli tradere exercitum iussus: ipse, prorogato imperio, Gal-  
liam provinciam obtinere cum legionibus iis, quas praetor  
L. Scribonius priore anno habuisset. Sortiti deinde pro-  
vincias: Caepioni Bruttii, Servilio Gemino Etruria evenit.

1 *Ad cetera*] Praeter ceteras lau-  
des et ornamenta. CREV.

2 *Facundissimus habebatur*] Mi-  
rum quidem, quod Cicero huius P.  
Licinii, cuius tam honorifice Livius  
meminit, nullam mentionem fecerit  
in libro qui inscribitur *Brutus*, sive  
*De claris Oratoribus*. DRAK.

3 *Seu in senatu, ad populum*] Ele-  
gans asyndeton, quod tuentur libri  
nostri cum Gronovianis optimis. Male  
inserta fuerat particula *et* in vulgata.  
CREV. Equidem malim, *seu causa  
oranda ad populum, seu in senatu  
suadendi*, &c.

4 *Iuris pontificii peritissimus*] Pon-  
tifex maximus P. Licinius erat. Ideo

laudatur in eo peritia iuris pontificii.  
CREV.

5 *Bellicae quoque laudis consu-  
latus compotem fecerat*] Haec est  
lectio veterum editorum et scripto-  
rum fere omnium. Gruterus dederat  
*Bellicae quoque laudes consulatus  
compotem fecerant*: eique obsecuti  
fuerant editores. Profecto contra  
Livii mentem. Nihil enim omnino  
ab eo memoratum est ante consu-  
latum Crassi, unde ille bellator ha-  
beretur. Non igitur, ut recte ob-  
servat Gronovius, vult Livius eum  
consulem factum quia bellator erat,  
sed consulatum ei occasionem dedisse  
bellicae sibi parandae laudis. CREV.

U. C. 549. Tum praetorum provinciae in sortem coniectae. Iuris-  
 A. C. 203. dictionem urbanam Paetus Aelius, Sardiniam P. Lentulus,  
 Siciliam P. Villius, Ariminum cum duabus legionibus (sub  
 Lucretio Spurio eae fuerant) Quinctilius Varus est sorti-  
 tus. Et Lucretio prorogatum imperium, ut Genuam op-  
 pidum a Magone Poeno dirutum exaedificaret. P. Sci-  
 pioni, non temporis, sed rei gerendae fine, donec debella-  
 tum in Africa foret, prorogatum imperium est: decretum-  
 que, ut supplicatio fieret, quod is in Africam provinciam  
 traiecisset, ut ea res salutaris populo Romano ipsique duci  
 2. atque exercitui esset. In Siciliam tria millia militum sunt  
 scripta, et quia, quod roboris ea provincia habuerat, in  
 Africam transvectum fuerat; et quia, ne qua classis ex  
 Africa traiceret, quadraginta navibus custodiri placuerat  
 Siciliae maritimam oram. Tredecim novas naves Villius  
 secum in Siciliam duxit: ceterae in Sicilia veteres reffectae.  
 Huic classi M. Pomponius, prioris anni praetor, prorogato  
 imperio praepositus, novos milites ex Italia advectos in  
 naves imposuit. Parem navium numerum Cn. Octavio,  
 praetori item prioris anni, cum pari iure imperii ad tuen-  
 dam Sardiniae oram Patres decreverunt. Lentulus prae-  
 tor duo millia militum dare in naves iussus. Et Italiae  
 ora, quia incertum erat, quo missuri classem Carthaginien-  
 ses forent, (videbantur autem, quicquid nudatum praesidiis  
 esset, petituri) M. Marcio, praetori prioris anni, cum toti-  
 dem navibus tuenda data est. Tria millia militum in eam  
 classem ex decreto Patrum consules scripserunt, et duas  
 legiones urbanas ad incerta belli. Hispaniae cum exerci-  
 tibus imperioque veteribus imperatoribus, L. Lentulo et L.  
 Manlio Acidino, decretae. Viginti omnino legionibus, et  
 centum sexaginta navibus longis res Romana eo anno  
 gesta.

Legiones  
 20. naves  
 160.

Praetores in provincias ire iussi. Consulibus imperatum,  
 priusquam ab urbe proficiscerentur, ludos magnos facerent,  
 quos T. Manlius Torquatus dictator in quintum annum vo-  
 visset, si eodem statu respublica staret. Et novas religiones

6 *Et quia, ne qua classis]* *Et quia*  
 reposuit Crevier. ex codicis Put. lec-  
 tione *et qui ante qua*, docens dupli-  
 cem rationem afferri, cur tria millia  
 militum in Siciliam scripta fuerint;  
 unam, quia insula non satis firmo  
 praesidio teneretur, alteram, ut novi  
 milites imponerentur in naves, quibus  
 ora maritima custodiretur.

7 *Cn. Octavio, praetori item prioris*  
*anni]* Eum biennio ante praetorem  
 fuisse supr. xxviii. 38. et Sardiniam  
 sortitum esse, anno autem priore pro-

rogato imperio cum quadraginta na-  
 vibus maritimam oram, quibus senatus  
 censuisset supr. xxix. 13. re-  
 tari iussum esse monet Perizon.

8 *Ad incerta belli]* Similiter pas-  
 sim apud nostrum *ad subita belli*, sub  
 ministeria.

9 *Ludos magnos facerent, quas T.*  
*Manlius]* cf. Supr. xxvii. 33.

1 *Novas religiones]* Metus per pro-  
 digia, omina, aliaque eiusmodi animi  
 hominum iniectos.

excitabant in animis hominum prodigia, ex pluribus locis nuntiata. Aurum in Capitolio corvi non lacerasse tantum rostris crediti, sed etiam edisse. Mures Antii coronam auream arrosere. Circa Capuam omnem agrum locustarum vis ingens, ita ut, unde advenissent, parum constaret, complevit. Equuleus Reate cum quinque pedibus natus. Anagninae sparsi primum ignes in coelo, dein fax ingens arsit. Frusinone arcus solem tenui linea amplexus est; <sup>2</sup> circulum deinde ipsum maior solis orbis extrinsecus inclusit. Arpini terra campestri agro in ingentem sinum <sup>3</sup> cedit. Consul alteri, primam hostiam immolanti, caput iocinoris defuit. Ea prodigia maioribus hostiis procurata: editi a collegio pontificum dii, quibus sacrificaretur.

U. C. 549.  
A. C. 203.  
Prodigia.

Iis transactis, consules praetoresque in provincias profecti. 3. Omnibus tamen, velut eam sortitis, Africae cura erat; seu quia ibi summam rerum bellicae verti cernebant; seu ut Scipioni gratificarentur, in quem tum omnis versa civitas erat. Itaque non ex Sardinia tantum, sicut ante dictum est, sed ex Sicilia quoque et Hispania vestimenta, frumentumque, et arma etiam ex Sicilia, et omne genus commeatus eo portabantur. Nec Scipio ullo tempore hiemis belli opera remiserat, quae multa simul undique eum circumstant. Uticam obsidebat: castra in conspectu Hasdrubalis erant. Carthaginienses deduxerant naves: classem paratam instructamque ad commeatus intercipiendos habebant. Inter haec ne Syphacis quidem reconciliandi curam ex <sup>4</sup> animo miserat; si forte iam satias amoris in uxore ex multa copia cepisset. Ab Syphace magis pacis cum Carthaginiensibus conditiones, ut Romani Africa, Poeni Italia excederent, quam, si bellaretur, spes ulla desciturum afferebatur. Haec per nuntios magis equidem acta crediderim, (et ita pars maior auctores sunt) quam ipsum Syphacem, ut Antias Valerius prodit, in castra Romana ad colloquium venisse. Primo eas conditiones imperator Romanus vix auribus admisit. Postea, ut causa probabilis suis commeandi foret in castra hostium, mollius eadem illa abnuere, ac spem facere, saepius ultro citroque agitantibus rem conventuram.

Res gestae  
in Africa.

Hibernacula Carthaginiensium, congesta temere ex agris <sup>5</sup> materia exaedificata, lignea ferme tota erant. Numidae praecipue arundine textis, storeaque pars maxima tectis,

Castra  
Hasdrubalis et Syphacis.

<sup>2</sup> *Maiores solis orbis*] Quem Graeca voce (ἄλω) *halo* Anglice dicimus.

<sup>3</sup> *Caput iocinoris*] cf. Supr. viii. 9. xxvii. 26.

<sup>4</sup> *Si forte iam satias amoris in uxore*] *Eum* pro *iam* legendum suadet Gronov. sed quoniam nullius cod. auctoritate firmatur, non restituen-

dum censet Drak. *In uxore* melius haud dubie quam *in uxorem*, quod Sigonio placuit. cf. Ovid. Met. iv. 258. *Venerisque modum sibi fecit in illa.*

<sup>5</sup> *Numidae praecipue*] Paulo intricatior hic est verborum ordo, quae sic digerere videmur posse. Numidae

U. C. 549. passim nullo ordine, quidam, ut sine imperio occupatis  
 A. C. 203. locis, extra fossam etiam vallumque habitabant. Haec re-  
 lata Scipioni spem fecerant castra hostium per occasionem  
 4. incendendi. Cum legatis, quos mitteret ad Syphacem, ca-  
 lonum loco primos ordines spectatae virtutis atque pruden-  
 tia<sup>6</sup> servili habitu mittebat; qui, dum in colloquio legati  
 essent, vagi per castra, alius alia, aditus exitusque omnes,  
 situm formamque et universorum castrorum, et partium,  
 qua Poeni, qua Numidae haberent, quantum intervalli inter;  
 Hasdrubalis ac regia castra esset, specularentur: moremque  
 simul noscerent stationum vigiliarumque: nocte, an inter-  
 diu opportuniore insidianti essent. Et inter crebra collo-  
 quia alii atque alii de industria, quo pluribus omnia nota  
 essent, mittebantur. Quum saepius agitata res certiore  
 spem pacis in dies et Syphaci et Carthaginiensibus per eum  
 faceret; legati Romani 'vetitos se reverti ad imperatorem'  
 aiunt, 'nisi certum responsum detur. Proinde, seu ipsi  
 'staret iam sententia, seu consulendus Hasdrubal et Car-  
 'thaginienses essent, consuleret. Tempus esse, aut pacem  
 'componi, aut bellum naviter geri.' Dum consulitur Has-  
 drubal ab Syphace, ab Hasdrubale Carthaginienses; et spe-  
 culatores omnia visendi, et Scipio ad comparanda ea, quae  
 in rem erant, tempus habuit. Et ex mentione ac spe pacis  
 negligentia, ut fit, apud Poenos Numidamque orta cavendi,  
 ne quid hostile interim paterentur. Tandem relatum re-  
 sponsum, quibusdam, quia nimis cupere Romanus pacem  
 videbatur, iniquis per occasionem adiectis; quae peroppor-  
 tune cupienti tollere indutias Scipioni causam praebuere.  
 Ac nuntio regis, quum relaturum se ad consilium dixisset,  
 postero die respondit, 'Se uno frustra tendente, nulli alii  
 'pacem placuisse. Renuntiaret igitur, nullam aliam spem  
 'pacis, quam relictis Carthaginiensibus, Syphaci cum Ro-  
 'manis esse.' Ita tollit indutias, ut libera fide incepta ex-  
 sequeretur: deductisque navibus (et iam veris principium  
 erat) machinas tormenta<sup>7</sup>que, velut a mari aggressurus Uti-  
 cam, imponit. Et duo millia militum ad capiendum, quem  
 antea tenuerat, tumultum super Uticam mittit: simul ut ab  
 eo, quod parabat, in alterius rei curam converteret hostium

praecipue passim nullo ordine *hiber-  
 naculis* arundine textis, pars maxima,  
 (plerique eorum) storea quoque tec-  
 tis, habitabant; quidam extra fossam  
 etiam vallumque, ut in locis sine im-  
 perio occupatis. *Storea* efficitur e  
 palea, vel ulva texta. CREV.

6 *Primos ordines*] *Primi ordines*  
 vetero militia erant sex primorum or-  
 dinum centuriones: duo primi pili,

duo primi principes, duo primi ha-  
 tati. GRONOV.

7 *Qua Numidae haberent*] *He-  
 bere* pro *habitare* dici animadvert.  
 Drakenb. supr. xxvi. 34. infr. xxxii.  
 14. cf. Cic. Ep. ad Divers. vii. 6.

8 *Seu ipsi staret iam sententia*] *Seu ipsi*  
 Supple, responsum daret.

9 *Iniquis*] sc. Conditionibus, quae  
 vocem quidam male inseruerunt.

animos: simul ne qua, quum ipse ad Syphacem Hasdruba- U. C. 549.  
lemque profectus esset, eruptio ex urbe et impetus in castra A. C. 203.  
sua, relicta cum levi praesidio, fieret.

His praeparatis, advocatoque consilio, edicere explorato- 5.  
ribus iussis, quae comperta afferrent, Masinissaque, cui Incensa a  
omnia hostium nota erant; postremo ipse, quid pararet in Scipione.  
proximam noctem, proponit. Tribunis edicit, ut, ubi,  
1 praetorio dimisso, signa concinuissent, extemplo educerent  
castris legiones. Ita, ut imperaverat, signa sub occasum  
solis efferri sunt coepta. Ad primam ferme vigiliam agmen  
explicaverunt: media nocte (septem enim millia itineris  
erant) modico gradu ad castra hostium perventum. Ibi  
Scipio partem copiarum Laelio, Masinissamque ac Numidas,  
attribuit: et castra Syphacis invadere, ignesque coniicere  
2 iubet. Singulos deinde separatim, Laelium ac Masinissam,  
seductos obtestatur, 'ut, quantum nox providentiae adimat,  
3 'tantum diligentia expleant curaque. Se Hasdrubalem Pu-  
'nicaque castra aggressurum. Ceterum non ante coeptu-  
'rum, quam ignem in regiis castris conspexisset.' Neque  
4 ea res morata diu est. Nam, ut proximis casis iniectus  
ignis haesit, extemplo proxima quaeque, et deinceps con-  
tinua amplexus, totis se passim dissipavit castris. Et trepi-  
5 datio quidem, quantam necesse erat, in nocturno effuso tam  
late incendio, orta est: ceterum, fortuitum, non hostilem ac  
bellicum, ignem rati esse, sine armis ad restinguendum in-  
cendium effusi, in armatos incidere hostes, maxime Numi-  
das, ab Masinissa notitia regionum castrorum ad exitus iti-  
nerum idoneis locis dispositos. Multos in ipsis cubilibus  
semisomnos hausit flamma: multi in praecipiti fuga, ruen-  
tes super alios alii, in angustiis portarum obtriti sunt. Re- 6.  
luentem flammam primo vigiles Carthaginensium, deinde  
excitati alii nocturno tumultu quum conspexissent, ab eo-  
dem errore credere et ipsi sua sponte incendium ortum.  
6 Et clamor inter caedem et vulnera sublatus, an ex trepi-  
datione nocturna esset, confusus, sensum veri adimebat.

1 *Praetorio dimisso*] sc. Consilio, quod in praetorio habebatur. cf. supr. xxi. 54.

2 *Singulos*] *Singulos deinde separatim* a sese invicem, *Laelium*, inquam, *et Masinissam*, *seductos* a vulgo et turba, *obtestatur*. Videtur Livius ideo expressisse nomina Laelii et Masinissae, ut restringeret vocem *singulos*, quae latioris significationis esse poterat. CREV.

3 *Diligentia expleant curaque*] Totum huuc locum e Polyb. xiv. 4. desumptum esse monet Sigonius.

4 *Proximis casis iniectus*] *Primis*

pro *proximis* reponendum suadet Gronov. tum quia voces *proxima quaeque* sequuntur, tum quia Polybius ita scripsit. Emendationem Gronov. in textum recepit Bekker.

5 *Quantam necesse erat*] *Quantam* pro vulg. *quanta* emendavit Gronovius, sed *quanta* servant Crev. et Bekker.

6 *An ex trepidatione nocturna esset, confusus*] Aliquid vitiosum in hoc loco latere putat Gronov. sed Crevier. licet constructio verborum durior sit, ita exponi posse censet, *clamor confusus*, sive incertus, *an*



U. C. 549. Igitur pro se quisque inermes, ut quibus nihil hostile sus-  
 A. C. 203. pectum esset, omnibus portis, qua cuique proximum erat,  
 ea modo, quae restinguendo igni forent, portantes, in  
 agmen Romanum ruebant. Quibus caesis omnibus, prae-  
 terquam hostili odio, etiam ne quis nuntius effugeret, ex-  
 templo Scipio neglectas, ut in tali tumultu, portas invadit:  
 ignibusque in proxima tecta coniectis, effusa flamma primo  
 veluti sparsa pluribus locis reluxit, dein per continua ser-  
 pens, uno repente omnia incendio hausit. Ambusti homi-  
 nes iumentaue foeda primum fuga, dein strage, obruerant  
 itinera portarum. Quos non oppresserat ignis, ferro ab-  
 sumpti: binaque castra clade una deleta. Duces tamen  
 ambo, et ex tot millibus armatorum duo millia peditum et  
 quingenti equites semiermes, magna pars saucii, afflatique;  
 incendio, effugerunt. Caesa aut hausta flammis quadra-  
 ginta millia hominum sunt, capta supra quinque millia;  
 multi Carthaginensium nobiles, undecim senatores: signa  
 militaria centum septuaginta quattuor, equi Numidici supra  
 duo millia septingenti, elephanti sex capti; octo flamma  
 ferroque absumpti, magnaue vis armorum capta. Ea  
 omnia imperator Vulcano sacrata incendit.

7. Hasdrubal ex fuga, cum paucis, Afrorum urbem proxi-  
 mam petierat: eoque omnes, qui supererant, vestigia ducis  
 sequentes, se contulerant. Metu deinde, ne dederetur  
 Scipioni, urbe excessit. Mox eodem patentibus portis Ro-  
 mani accepti: nec quicquam hostile, quia voluntate conces-  
 serant in ditionem, factum. Duae subinde urbes captae  
 direptaeque. Ea praeda, et quae castris ex incensis et  
 igne rapta erat, militi concessa est. Syphax octo millium  
 ferme inde spatio loco communito consedit. Hasdrubal  
 Carthaginem contendit, ne quid per metum ex recenti clade  
 mollius consuleretur. Quo tantus primo terror est allatus,  
 ut, omissa Utica, Carthaginem crederent extemplo Scipio-  
 nem obsessurum. Senatum itaque suffetes (quod velut  
 consulare imperium apud eos erat) vocaverunt. Ibi e tribus  
 (una de pace legatos ad Scipionem decernebat: altera  
 Hannibalem ad tuendam ab exitiabili bello patriam revoca-  
 bat: tertia Romanae in adversis rebus constantiae erat;  
 reparandum exercitum, Syphacemque hortandum, ne bello  
 absisteret, censebat) haec sententia, quia Hasdrubal prae-

*ex trepidatione, quae nocturnum in-  
 cendium comitari solet, ortus esset.  
 Confusis* Rhenanus mavult.

7 *Afflatique incendio*] Similiter  
 supr. xxviii. 23. *ambustique afflatu  
 vaporis.*

8 *Afrorum urbem*] Urbs illa non  
 erat Punicae originis, sed Afri eam

tenebant. Nomen eius, quod Poly-  
 bius praetermisit, apud Appianum  
 Punic. p. 13. exstat, eis 'Αφάρ κερ-  
 έφρυεν.

9 *Senatum itaque suffetes*] cf.  
 Supr. xxviii. 37. *Sufetes* scribendum  
 monet Sigon.

sens Barcinaeque omnes factionis bellum malebant, vicit. U. C. 549.  
 Inde delectus in urbe agrisque haberi coeptus, et ad Sypha- A. C. 203.  
 cem legati missi, summa ope et ipsum reparantem bellum: Carthagi-  
 quum uxor non iam, ut ante, blanditiis, satis potentibus ad nienses  
 animum amantis, sed precibus et misericordia valuisset, bellum re-  
 plena lacrimarum obtestans, ne patrem suum patriamque parant.  
 proderet, iisdemque flammis Carthaginem, quibus castra  
 conflagrassent, absumi sineret. Spem quoque opportune  
 oblatam afferebant legati: quattuor millia Celtiberorum  
 circa urbem nomine Abbam, ab conquisitoribus suis con-  
 ducta in Hispania, egregiae iuventutis, sibi occurrisset: et  
 Hasdrubalem propediem affore cum manu haudquaquam  
 contemnenda. Igitur non benigne modo legatis respondit,  
 sed ostendit etiam multitudinem agrestium Numidarum,  
 quibus per eosdem dies arma equosque dedisset, et omnem  
 iuventutem affirmat exciturum ex regno. 'Scire incendio,  
 'non proelio, cladem acceptam: eum bello inferiorem esse,  
 'qui armis vincatur.' Haec legatis responsa. Et post dies  
 paucos rursus Hasdrubal et Syphax copias iunxerunt. Is  
 omnis exercitus fuit triginta ferme millium armatorum. Copias  
 cum Sy-  
 phace iun-  
 gunt.

8.

Scipionem, velut iam debellato, quod ad Syphacem Car-  
 thaginiensesque attineret, Uticae oppugnandae intentum,  
 iamque machinas admoventem muris, avertit fama redinte-  
 grati belli: modicisque praesidiis ad speciem modo obsidio-  
 nis terra marique relictis, ipse cum robore exercitus ire ad  
 hostes pergit. Primo in tumulto, quattuor ferme millia dis- It ad hos-  
 tante ab castris regiis, consedit: postero die cum equitatu tes Scipio.  
 in Magnos (ita vocant) campos, subiectos ei tumulto, de-  
 gressus, succedendo ad stationes hostium, lacescendoque  
 levibus proeliis, diem absumpsit: et per insequens biduum  
 tumultuosis hinc atque illinc excursionibus in vicem, nihil  
 dictu satis dignum fecerunt. Quarto die utrimque in  
 1 aciem descensum est. Romanus principes post hastatorum  
 2 prima signa, in subsidiis triarios constituit: equitatum Itali-  
 cum ab dextro cornu, ab laevo Numidas Masinissamque  
 opposuit. Syphax Hasdrubalque, Numidicis adversus Ita-  
 licum equitatum, Carthaginiensibus contra Masinissam  
 3 locatis, Celtiberos in mediam aciem in adversa signa legio-

1 *Principes post hastatorum prima signa*] Post signa hastatorum, quae prima erant, id est, ex quibus prima constabat acies. Ceterum hic ante Sigonium legebatur: *post principes hastatorum prima signa*. Correxerit ille, ut postulabat et sollennis mos Romanorum in instruenda acie, a Livio saepius testatus, et Polybius xiv. 8. in huius ipsius proelii narratione. Cr.

2 *In subsidiis triarios constituit*]

Mutationem quandam in legione ordinanda nunc factam fuisse admodum verisimile est. cf. infr. 33. Niebhr. iii. n. 826.

3 *Celtiberos in mediam aciem*] Praepositionem in auctore Gronovio delevit Bekker. volentibus pluribus codd. sed illam servandam censent Crevier. et Drakenb. utpote interceptam a prima litera vocis sequentis.

U. C. 549. num accipere. Ita instructi concurrunt. Primo impetu  
 A. C. 203. simul utraque cornua, et Numidae et Carthaginienses pulsi.  
 Proelium committitur. Nam neque Numidae, maxima pars agrestes, Romanum equitatum, neque Carthaginienses, et ipse novus miles, Masinissam, recenti super cetera victoria terribilem, sustinere. Nudata utrimque cornibus Celtiberum acies stabat: quod nec in fuga salus ulla ostendebatur locis ignotis, neque spes veniae ab Scipione erat; quem, bene meritum de se et gente sua, mercenariis armis in Africam oppugnatum venissent. Igitur, circumfusus undique hostibus, alii super alios cadentes, obstinati moriebantur: omnibusque in eos versis, aliquantum ad fugam temporis Syphax et Hasdrubal praeceperunt. Fatigatos caede diutius, quam pugna, victores nox oppressit.

Vincunt  
Romani.

9. Postero die Scipio Laelium Masinissamque cum omni Romano et Numidico equitatu expeditisque militum, ad persequendos Syphacem atque Hasdrubalem mittit. Ipse, cum robore exercitus, urbes circa, quae omnes Carthaginensium ditionis erant, partim spe, partim metu, partim vi subegit. Carthagini quidem erat ingens terror, et circumferentem arma Scipionem, omnibus finitimis raptim perdomitis, ipsam Carthaginem repente aggressurum credebant. Itaque et muri reficiebantur, propugnaculisque armabantur: et pro se quisque, quae diutinae obsidioni tolerandae sunt, ex agris convehit. Rara mentio est pacis, frequentior legatorum ad Hannibalem arcessendum mittendorum. Pars maxima classem, quae ad commeatus excipiendos parata erat, mittere iubent ad opprimendam stationem navium ad Uticam, incaute agentem: forsitan etiam navalia castra, relicta cum levi praesidio, oppressuros. In hoc consilium maxime inclinant: legatos tamen ad Hannibalem mittendos, censent. Quippe, classi ut felicissime gerantur res, parte aliqua levare Uticae obsidionem: Carthaginem ipsam qui tueatur, neque imperatorem alium, quam Hannibalem, neque exercitum alium, quam Hannibalis, superesse. Deductae ergo postero die naves, simul et legati in Italiam profecti, raptimque omnia, stimulante fortuna, agebantur:

Terror  
Poenorum.

Legati  
missi ad  
revocan-  
dum Han-  
nibalem.

4 *Carthagini*] cf. Supr. xxviii. 26. Ita quoque in columna Rostrata a Duilio consule posita *Carthagini* legitur, et simili modo *Lacedaemoni* pro *Lacedaemone* infr. xxxv. 35. quidam codices exhibent.

5 *Quae diutinae obsidioni tolerandae sunt*] *Diutinae obsidionis* auctoritate plur. codd. reposuit Bekker. assentiente Drakenborchio. Exemplum verbi *esse* cum genitivo supr.

xxvii. 9. et infr. xxxviii. 50. adea.

6 *Ad commeatus excipiendos*] Ad intercipiendos commeatus, qui ad Scipionem mitterentur.

7 *Ut felicissime gerantur*] h. e. Quamvis, etiam si. cf. supr. xxii. 24. *Ut vera omnia essent.*

8 *Parte aliqua*] Id unum ex eo successu commodum percipi, quod aliqua ex parte levaretur Uticae obsidio. CREV.

et, in quo quisque cessasset, prodi ab se salutem omnium rebatur. U. C. 549.  
A. C. 203.

Scipio, gravem iam spoliis multarum urbium exercitum trahens, captivis aliaque praeda in vetera castra ad Uticam missis, iam in Carthaginem intentus, occupat relictum fuga custodum Tuneta. Abest ab Carthagine quindecim millia ferme passuum locus, quum operibus, tum suapte natura tutus, et qui et ab Carthagine conspici et praebere ipse prospectum, quum ad urbem, tum ad circumfusum mare urbi, posset. Inde, quum maxime vallum Romani iacerent, 10. conspecta classis hostium est, Uticam Carthagine petens. Igitur, omisso opere, pronuntiatum iter, signaque raptim ferri sunt coepta: ne navēs, in terram et obsidionem versae, ac minime navali proelio aptae, opprimerentur. Qui enim Classem Romanam invadunt Carthaginenses. restitissent agili et nautico instrumento aptae et armatae classi naves, tormenta machinasque portantes, et aut in onerariarum usum versae, aut ita appulsae ad muros, ut pro aggere ac pontibus praebere ascensus possent? Itaque <sup>1</sup> Scipio, contra quam in navali certamine solet, rostratis, quae praesidio aliis esse poterant, in postremam aciem receptis prope terram, onerariarum quadruplicem ordinem pro muro adversus hostem opposuit: easque ipsas, ne in tumultu pugnae turbari ordines possent, malis antennisque de nave in navem traiectis, ac validis funibus velut uno inter se vinculo illigatis, comprehendit: tabulasque superinstravit, <sup>2</sup> ut pervium ordinem faceret: et sub ipsis pontibus intervalla <sup>3</sup> fecit, qua procurrere speculatoriae naves in hostem, ac tuto <sup>4</sup> recipi possent. His raptim pro tempore instructis, mille ferme delecti propugnatores onerariis imponuntur: telorum maxime missilium, ut, quamvis longo certamine, sufficerent, vis ingens congeritur. Ita parati atque intenti hostium adventum opperiebantur. Carthaginenses, qui, si maturassent, omnia permixta turba trepidantium primo impetu oppresissent, perculsi terrestribus cladibus, atque inde ne in mari quidem, ubi ipsi plus poterant, satis fidentes, die segni navigatione absumpto, sub occasum solis in portum (Ruscinona Afri vocant) classe appulere. Postero die sub ortum solis instruxere ab alto naves, velut ad iustum proelium

<sup>9</sup> *Agili et nautico instrumento aptae ... classi*] Classi agili ad motum, et instructae ornataeque instrumento nautico. CREV.

<sup>1</sup> *Quas praesidio aliis esse poterant*] Quae, si de navali pugna ageretur, potuissent esse aliis praesidio; quarum is vulgo usus est, ut aliis praesidio sint. CREV.

<sup>2</sup> *Ut pervium ordinem faceret*] *Fecisset* Bekker. fide codd. Put. et

Reg. *Ut pervium in totum ordinem esset* probat Crevier. codice Rhenani subnitus, et *pervium* idem esse atque *pervium usum* censet, quemadmodum apud Festum v. *Vici*.

<sup>3</sup> *Sub ipsis pontibus*] Sub tabulis illis, quae e nave in navem transitum dabant. CREV.

<sup>4</sup> *Qua procurrere*] cf. Thucyd. ii. 83. ubi Peloponnesiaca classis simili ratione structa fuisse narratur.

U. C. 549. navale, et tanquam exituris contra Romanis. Quum diu  
 A. C. 203. stetissent, postquam nihil moveri ab hostibus viderunt, tum  
 demum onerarias aggrediuntur. Erat res minime certamini navali similis, proxime speciem muros oppugnantium;  
 navium. Altitudine aliquantum onerariae superabant; ex  
 rostratis Poeni vana pleraque (utpote supino iactu) tela in  
 superiorem locum mittebant: gravior ac pondere ipso libratior  
 superne ex onerariis ictus erat. Speculatoriae naves  
 ac levia ipsa navigia, quae sub constratis pontium per intervalla  
 excurrerant, primo ipso tantum impetu ac magnitudine  
 rostratarum obruebantur: deinde et propugnatoribus  
 quoque incommodae erant, quod permixtae cum hostium  
 navibus inhibere saepe tela cogeant, metu ne ambigno ictu  
 suis inciderent: postremo asseres ferreo unco praefixi (harpagones  
 vocant) ex Punicis navibus iniici in Romanos  
 coepti. Quos quum neque ipsos, neque catenas, quibus  
 suspensi iniiciebantur, incidere possent; ut quaeque retro  
 inhibita rostrata onerariam haerentem unco traheret, scindi  
 videres vincula, quibus alia aliis innexa erat, seriem aliam  
 simul plurium navium trahi. Hoc maxime modo lacerati  
 quidem omnes pontes, et vix transiliendi in secundum  
 Naves sex ordinem navium spatium propugnatoribus datum est. Sex  
 abstrahunt. ferme onerariae puppibus abstractae Carthaginem sunt:  
 maior quam pro re laetitia, sed eo gratior, quod inter assiduas  
 clades ac lacrimas unum quantumcunque ex insperato  
 gaudium affulserat; cum eo, ut appareret, haud procul  
 exitio fuisse Romanam classem, ni cessatum a praefectis  
 suarum navium foret, et Scipio in tempore subvenisset.

11. Per eosdem forte dies, quum Laelius et Masinissa quinto  
 Masinissa regnum recuperat. decimo ferme die in Numidiam pervenissent, Massyli, regnum  
 paternum Masinissae, laeti, ut ad regem diu desideratum,  
 concessere. Syphax, pulsus inde praefectis praesidiisque  
 suis, vetere se continebat regno, nequiquam quieturus.  
 Stimulabant aegrum amore uxor socerque: et ita viris

5 *Proxime speciem*] Proxime accedebat res ad speciem navium muros oppugnantium: ea certaminis species erat, quasi naves oppugnarent muros. CREV.

6 *Sub constratis pontium*] Sic strata viarum apud Virg. Aen. i. 426. legi monet Doer.

7 *Primo ipso tantum impetu*] Primo id tantum afferebant damni Romanis, quod obruerentur ipsae vel solo impetu ac magnitudine Punicarum rostratarum; deinde etiam iis incommodae erant, qui ex onerariis pugnabant adversus Poenos. CREV.

8 *Harpagones vocant*] Inter har-

*pagones* navibus attrahendis adhibitos, et *manus ferreas* supr. xvi. 39. discrepantiam quandam fuisse, colligere licet ex Caes. Bell. Civ. ii. 57. si *manus ferreas atque harpagones* paraverant. DOER.

9 *Seriem aliam*] Crevierio arride: coniectura Gronovii *seriemque nava plurium*.

1 *Cum eo, ut appareret*] sc. Praeterquam quod...

2 *Regnum paternum Masinissae*] Massylis enim Masinissae, Massylis Syphacis regnum continebatur. cf. supr. xxiv. 48.

equisque abundabat, ut subiectae oculis regni per multos U. C. 549.  
 florentis annos vires etiam minus barbaro atque impotenti A. C. 203.  
 animo spiritus possent facere. Igitur omnibus, qui bello Syphax  
 apti erant, in unum coactis equos, arma, tela dividit. bellum re-  
 parat.

<sup>3</sup> Equites in turmas, pedites in cohortes, sicut quondam ab  
 Romanis centurionibus didicerat, distribuit. Exercitu haud  
 minore, quam quem prius habuerat, ceterum omni prope  
 novo atque incondito, ire ad hostes pergit. Et, castris in  
 propinquo positis, primo pauci equites ex tuto speculantes  
 ab stationibus progredi; inde iaculis summoti recurrere ad  
 suos: inde excursions in vicem fieri, et, quum pulsos in-  
 dignatio accenderet, plures subire: quod irritamentum cer-  
 taminum equestrium est, quum aut vincentibus spes, aut  
 pulsus ira aggregat suos. Ita tum a paucis proelio accenso,  
 omnem utrimque postremo equitatum certaminis studium  
<sup>4</sup> effudit. Ac, dum sincerum equestre proelium erat, multi- Vincitur a  
 tudo Masaesylorum, ingentia agmina Syphace emittente, Laelio et  
 sustineri vix poterat: deinde, ut pedes Romanus repentino Masinissa.  
 per turmas suas viam dantes intercursu stabilem aciem  
 fecit, absterruitque effuse invehentem sese hostem, primo  
 barbari segnius permittere equos; deinde stare ac prope  
 turbari novo genere pugnae; postremo, non pediti solum  
 cedere, sed ne equitem quidem sustinere, peditis praesidio  
 audentem. Iam signa quoque legionum appropinquabant.  
 Tum vero Masaesyli non modo primum impetum, sed ne  
 conspectum quidem signorum atque armorum, tulerunt:  
 tantum seu memoria priorum cladum, seu praesens terror  
 valuit. Ibi Syphax, dum obequitat hostium turmis, si 12.  
 pudore, si periculo suo fugam sistere posset, equo graviter Capitur.  
 icto, effusus opprimitur capiturque, et vivus, laetum ante  
 omnes Masinissae praebiturus spectaculum, ad Laelium  
 pertrahitur.

Cirta caput regni Syphacis erat: eo se ingens hominum  
 contulit vis. Caedes in eo proelio minor, quam victoria,  
 fuit, quia equestri tantummodo proelio certatum fuerat.  
 Non plus quinque millia occisa, minus dimidium eius homi-  
 num captum est, impetu in castra facto, quo perculsa rege  
 amisso multitudo se contulerat. Masinissa, 'Sibi quidem,'  
 dicere, 'nihil esse in praesentia pulchrius, quam victorem,  
 'recuperatum tanto post intervallo, patrium invisere reg-  
 'num: sed tam secundis, quam adversis, rebus non dari  
 'spatium ad cessandum. Si se Laelius cum equitatu vin-  
 'ctoque Syphace Cirtam praecedere sinat, trepida omnia  
 'metu se oppressurum: Laelium cum peditibus subsequi

<sup>3</sup> Ab Romanis centurionibus] cf. Supr. xxiv. 48.

<sup>4</sup> Sincerum equestre proelium] So-

lorum equitum proelium, nullis pedi-  
 tibus se ei immiscentibus. CRÆV.



U. C. 549. 'modicis itineribus posse.' Assentiente Laelio, praegressus  
A. C. 203. Cirtam, evocari ad colloquium principes Cirtensium iubet.

Sophonis-  
ba Masi-  
nissae sup-  
plicat.

Sed apud ignaros regis casus, neque quae acta essent promendo, nec minis, nec suadendo, ante valuit, quam rex vinctus in conspectum datus est. Tum ad spectaculum tam foedum comploratio orta: et partim pavore moenia sunt deserta, partim repentino consensu gratiam apud victorem quaerentium patefactae portae. Et Masinissa, praesidio circa portas opportunaque moenium dimisso, ne cui fugae pateret exitus, ad regiam occupandam citato vadit equo. Intranti vestibulum in ipso limine Sophonisba, uxor Syphacis, filia Hasdrubalis Poeni, occurrit: et, quum in medio agmine armatorum Masinissam insignem, quum armis, tum cetero habitu, conspexisset, regem esse (id quod erat) rata, genibus advoluta eius: 'Omnia quidem ut: 'posses in nobis, dii dederunt, virtusque et felicitas tua. 'Sed, si captivae apud dominum vitae necisque suae vocem 'supplicem mittere licet, si genua, si victricem attingere 'dextram, precor quaesoque per maiestatem regiam, in qua 'paullo ante nos quoque fuimus, per gentis Numidarum 'nomen, quod tibi cum Syphace commune fuit, per huiusce 'regiae deos, qui te melioribus ominibus accipiant, quam 'Syphacem hinc miserunt, hanc veniam supplici des, ut 'ipse, quodcunque fert animus, de captiva statuas, neque 'me in cuiusquam Romani superbum ac crudele arbitrium 'venire sinas. Si nihil aliud, quam Syphacis uxor, fuissen, 'tamen Numidae, atque in eadem mecum Africa geniti, 'quam alienigenae et externi, fidem experiri malle. 'Quid Carthaginensi ab Romano, quid filiae Hasdrubalis 'timendum sit, vides. Si nulla alia re potes, morte me ut 'vindices ab Romanorum arbitrio, oro obtestorque.' Formae erat insignis et florentissima aetas. Itaque quum modo, dextram amplexens, in id, ne cui Romano traderetur, fidem exposceret, propiusque blanditias oratio esset, quam preces; non in misericordiam modo prolapsus est animus victoris, sed (ut est genus Numidarum in Venerem praecipue) amore captivae victor captus, data dextra in id, quod<sup>6</sup> petebatur, obligandae fidei, in regiam concedit. Institit deinde reputare secum ipse, quemadmodum promissi fidem praestaret. Quod quum expedire non posset, ab amore te-

5 *Ut posses in nobis*] *In nos* reponendum suadet Crevier. sed exempla plura sexti casus similiter usurpati apud Livium exstant. cf. supr. iii. 17. v. 36. xxviii. 43.

6 *Amore captivae victor captus*] Iam observavimus ex Appiano ad xxviii. 16. Sophonisbam Masinissae

quondam desponsam fuisse. Erravit ille quidem circa tempus nuptiarum Sophonisbae cum Syphace: sed cetera vera esse nihil vetat. Id si admittatur, minus mirum erit nondum fortasse plane extinctam in animae Masinissae flammam in veteres vires subito surrexisse. CREV.



merarium atque impudens mutuatur consilium. Nuptias in U. C. 549.  
 7 eum ipsum diem repente parari iubet, ne quid relinqueret A. C. 203.  
 integri aut Laelio, aut ipsi Scipioni, consulendi velut in Dicit eam  
 captivam, quae Masinissae iam nupta foret. Factis nuptiis uxorem  
 Masinissa.  
 supervenit Laelius: et adeo non dissimulavit improbare se  
 factum, ut primo etiam cum Syphace et ceteris captivis de-  
 tractam eam toro geniali mittere ad Scipionem conatus sit.  
 Victus deinde precibus Masinissae orantis, ut arbitrium,  
 utrius regum duorum fortunae accessio Sophonisba esset,  
 ad Scipionem reiiceret; misso Syphace et captivis, ceteras  
 urbes Numidiae, quae praesidiis regiis tenebantur, adiuvante  
 Masinissa, recipit.

Syphacem in castra adduci, quum esset nuntiatum, omnis 13.  
 velut ad spectaculum triumphi multitudo effusa est. Prae- Syphax in  
 cedebat ipse vinctus; sequebatur grex nobilium Numida- castra Ro-  
 rum. Tum, quantum quisque plurimum posset, magnitu- mana ad-  
 dini Syphacis, famae gentis, victoriam suam augendo, ad- ducitur.  
 debat: 'illum esse regem, cuius tantum maiestati duo po-  
 'tentissimi in terris tribuerint populi, Romanus Carthagini-  
 'ensisque, ut Scipio imperator suus ad amicitiam eius pe-  
 'tendam, relictam provinciam Hispaniam exercituque, duabus  
 'quingentis in Africam navigaverit: Hasdrubal, Poe-  
 'norum imperator, non ipse modo ad eum in regnum ve-  
 'nerit, sed etiam filiam ei nuptum dederit. Habuisse eum  
 'uno tempore in potestate duos imperatores, Poenum Ro-  
 'manumque. Sicut ab diis immortalibus pars utraque  
 'hostiis mactandis pacem petisset, ita ab eo utrimque pari-  
 'ter amicitiam petitam. Iam tantas habuisse opes, ut  
 'Masinissam regno pulsum eo redegerit, ut vita eius fama  
 'mortis et latebris, ferarum modo in silvis rapto viventis,  
 'tegeretur.' His sermonibus circumstantium celebratus rex  
 in praetorium ad Scipionem est perductus. Movit et Sci-  
 pionem quum fortuna pristina viri praesenti fortunae collata,  
 tum recordatio hospitii dextraeque datae, et foederis publice  
 ac privatim iuncti. Eadem haec et Syphaci animum de- Colloqui-  
 derunt in alloquendo victore. Nam quum Scipio, 'quid tur cum  
 'sibi voluisset,' quaereret, 'qui non societatem solum abnu- Scipione.  
 'isset Romanam, sed ultro bellum intulisset;' tum ille,  
 'peccasse quidem sese atque insanisse,' fatebatur; 'sed non  
 'tum demum, quum arma adversus populum Romanum  
 8 'cepisset: exitum sui furoris fuisse, non principium. Tunc  
 'se insanisse, tunc hospitium privata et publica foedera omnia  
 'ex animo eiecisse, quum Carthaginensem matronam do-

7 *Ne quid relinqueret integri*] Ne  
 aut Laelius, aut ipse Scipio possent  
 iam putare sibi integrum esse, sibi  
 liberum esse tractare, ut captivam,

eam, quae Masinissae nupta foret.  
 CREV.

8 *Exitum sui furoris*] Quod arma  
 in Romanos intulerit.

- U. C. 549. 'mum acceperit. Illis nuptialibus facibus regiam confla-  
 A. C. 203. 'grasse suam: illam furiam pestemque omnibus delinimentis  
 'animum suum avertisse atque alienasse: nec conquiesse,  
 'donec ipsa manibus suis nefaria sibi arma adversus hospi-  
 'tem atque amicum induerit. Perdito tamen atque afflicto  
 'sibi hoc in miseriis solatii esse, quod in omnium hominum  
 'inimicissimi sibi domum ac penates eandem pestem ac  
 'furiam transisse videat. Neque prudentiorem, neque con-  
 'stantiorem Masinissam, quam Syphacem, esse, etiam  
 'iuventa incautiorem. Certe stultius illum atque intem-  
 14. 'perantius eam, quam se, duxisse.' Haec non hostili modo  
 odio, sed amoris etiam stimulis, amatam apud aemulum  
 cernens, quum dixisset; non mediocri cura Scipionis ani-  
 mum pepulit. Et fidem criminibus raptae prope inter  
 arma nuptiae, neque consulto, neque expectato Laelio,  
 faciebant; tamque praeceps festinatio, ut, quo die captam  
 hostem vidisset, eodem matrimonio iunctam acciperet, et ad  
 penates hostis sui nuptiale sacrum conficeret. Eo foediora  
 haec videbantur Scipioni, quod ipsum in Hispania iuvenem  
 nullius forma pepulerat captivae. Haec secum volutanti  
 Laelius ac Masinissa supervenerunt. Quos quum pariter  
 ambo et benigno vultu excepisset, et egregiis laudibus fre-  
 quenti praetorio celebrasset; abductum in secretum Masi-  
 nissam sic alloquitur: 'Aliqua te existimo, Masinissa, in-  
 'tuentem in me bona, et principio in Hispania ad iungen-  
 'dam mecum amicitiam venisse, et postea in Africa te  
 'ipsum spesque omnes tuas in fidem meam commisisse.  
 'Atqui nulla earum virtus est, propter quas appetendus  
 'tibi visus sim, qua ego aequae, atque temperantiae et conti-  
 'nentiae libidinum, gloriatus fuerim. Hanc te quoque ad  
 'ceteras tuas eximias virtutes, Masinissa, adiecisse velim.  
 'Non est, non, mihi crede, tantum ab hostibus armatis  
 'aetati nostrae periculum, quantum ab circumfusiis undique  
 'voluptatibus. Qui eas sua temperantia frenavit ac domuit,  
 'multo maius decus maioremque victoriam sibi peperit,  
 'quam nos Syphace victo habemus. Quae, me absente,  
 'strenue ac fortiter fecisti, libenter et commemoravi, et  
 'memini: cetera te ipsum reputare tecum, quam, me  
 'dicente, erubescere malo. Syphax populi Romani auspi-  
 'ciis victus captusque est. Itaque ipse, coniux, regnum,  
 'ager, oppida, homines, qui incolunt, quicquid denique

Masinis-  
sam casti-  
gat Scipio.

9 *Raptae prope*] *Raptum* eleganter dicitur quidvis *raptum* factum. Gronov.

1 *In Hispania*] Ita emendavit Gronov. pro vulg. *in Hispaniam*, quod vitiosum esse, et scripti, et ipsa res

arguit. Neque enim ad iungendam cum Scipione amicitiam venerat in Hispaniam Masinissa, sed ad iuvandos auxilio Carthaginienses. Postea ab iis ad Romanos defecerat. Carv.

‘ Syphacis fuit, praeda populi Romani est : et regem con- U. C. 549.  
 ‘ iugemque eius, etiamsi non civis Carthaginiensis esset, A. C. 203.  
 ‘ etiamsi non patrem eius imperatorem hostium videremus,  
 ‘ Romam oporteret mitti, ac senatus populi Romani de  
 ‘ ea iudicium atque arbitrium esse, quae regem nobis socium  
 ‘ alienasse, atque in arma egisse praecipitem dicatur.  
 ‘ Vince animum. Cave deformes multa bona uno vitio, et  
 ‘ tot meritorum gratiam maiore culpa, quam causa culpa  
 ‘ est, corrumpas.’

Masinissae haec audienti non rubor solum suffusus, sed 15.  
 lacrimae etiam obortae : et, quum ‘ se quidem in potestate  
 ‘ futurum imperatoris’ dixisset, orassetque eum, ‘ ut, quan-  
 ‘ tum res sineret, fidei suae temere obstrictae consuleret ;  
 ‘ promisisse enim, sese in nullius potestatem eam tradi-  
 ‘ turum,’ ex praetorio in tabernaculum suum confusus con-  
 cessit. Ibi, arbitris remotis, quum crebro suspiritu et  
 gemitu, quod facile ab circumstantibus tabernaculum ex-  
 audiri posset, aliquantum temporis consumpsisset ; ingenti  
 ad postremum edito gemitu, fidum e servis vocat, sub  
 cuius custodia regio more ad incerta fortunae venenum  
 erat, et mixtum in poculo ferre ad Sophonisbam iubet, ac  
 simul nuntiare : ‘ Masinissam libenter primam ei fidem Masinissa  
 ‘ praestaturum fuisse, quam vir uxori debuerit. Quoniam venenum  
 ‘ arbitrium eius, qui possint, adimant, secundam fidem mittit ad  
 ‘ praestare, ne viva in potestatem Romanorum veniat. Sophonis-  
 bam.  
 ‘ Memor patris imperatoris, patriaeque, et duorum regum,  
 ‘ quibus nupta fuisset, sibi ipsa consuleret.’ Hunc nuntium  
 ac simul venenum ferens minister quum ad Sophonisbam  
 venisset, ‘ Accipio,’ inquit, ‘ nuptiale munus ; neque in-  
 ‘ gratum, si nihil maius vir uxori praestare potuit. Hoc  
 ‘ tamen nuntia, melius me morituram fuisse, si non in  
 ‘ funere meo nupsissem.’ Non locuta est ferocius, quam  
 acceptum poculum, nullo trepidationis signo dato, impavide  
 hausit. Quod ubi nuntiatum est Scipioni, ne quid aeger  
 animi ferox iuvenis gravius consuleret, accitum eum ex-  
 templo nunc solatur ; nunc, quod temeritatem temeritate  
 alia luerit, tristioreque rem, quam necesse fuerit, fecerit,  
 leniter castigat. Postero die, ut a praesenti motu aver- Scipio Ma-  
 teret animum eius, in tribunal escendit, et concionem ad- sinissam  
 vocari iussit. Ibi Masinissam, primum regem appellatum, amplissi-  
 2 eximiisque ornatum laudibus, aurea corona, aurea patera, mis donis  
 sella curuli, et scipione eburneo, toga picta, et palmata decorat.  
 3 tunica donat. Addit verbis honorem, ‘ Neque magnifi-  
 ‘ centius quicquam triumpho apud Romanos, neque tri-

<sup>2</sup> Aurea patera] Qua nimirum <sup>3</sup> Addit verbis honorem] Munus  
 diis libaret. De toga picta et tunica insuper ornat verbis. CREV.  
 palmata, cf. supr. x. 7. CREV.

U. C. 549. 'umphantibus ampliolem eo ornatu esse; quo unum om-  
 A. C. 203. 'nium externorum dignum Masinissam populus Romanus  
 'ducat.' Laelium deinde, et ipsum collaudatum, aurea  
 corona donat. Et alii militares viri, prout a quoque navata  
 opera erat, donati. His honoribus mollitus regis animus,  
 erectusque in spem propinquam, sublato Syphace, omnis  
 Numidiae potiundae.

16. Scipio, C. Laelio cum Syphace aliisque captivis Romanis  
 misso, cum quibus et Masinissae legati profecti sunt, ipse  
 ad Tuneta rursum castra refert, et, quae munimenta in-  
 choaverat, permunit. Carthaginienses, non brevi solum,  
 sed prope vano gaudio, ab satis prospera in praesens op-  
 pugnacione classis perfusi, post famam capti Syphacis, in  
 quo plus prope, quam in Hasdrubale atque exercitu suo  
 spei reposuerant, perculsi, iam nullo auctore belli ultra  
 audito, oratores ad pacem petendam mittunt triginta se-  
 niorum principes. Id erat sanctius apud illos consilium,  
 maximeque ad ipsum senatum regendum vis. Qui ubi in  
 castra Romana et praetorium pervenerunt, more adulan-  
 tium (accepto, credo, ritu ex ea regione, ex qua oriundi  
 erant) procubuerunt. Conveniens oratio tam humili adu-  
 lationi fuit, non culpam purgantium, sed transferentium  
 initium culpa in Hannibalem impotentiaeque eius fautores.  
 Veniam civitati petebant, civium temeritate bis iam eversae,  
 incolumi futurae iterum hostium beneficio. 'Imperium ex  
 'victis hostibus populum Romanum, non perniciem, petere.  
 'Paratis obedientes servire, quae vellet, imperaret.' Scipio,  
 'et venisse ea spe in Africam se,' ait, 'et spem suam pro-  
 'spero belli eventu auctam, victoriam se, non pacem,  
 'domum reportaturum esse. Tamen, quum victoriam  
 'prope in manibus habeat, pacem non abnuere; ut omnes  
 'gentes sciant, populum Romanum et suscipere iuste bella,  
 'et finire. Leges pacis se has dicere. Captivos, et per-  
 'fugas, et fugitivos restituant: exercitus ex Italia et Gallia

Carthagi-  
 nienses pa-  
 cem pe-  
 tunt.

Leges pa-  
 cis a Sci-  
 pione dic-  
 tae.

4 *Id erat sanctius*] h. e. Seniores.  
 cf. infr. xxxiv. 61. Aristot. Pol. ii. 9.

5 *Maximaeque ad ipsum senatum  
 regendum vis*] Cui quidem consilio  
 maxima inerat auctoritas, qua se regi  
 senatus ipse sineret. CREV.

6 *More adulantium*] More eorum  
 qui proni et humi prostrati reges ado-  
 rant. Sic supr. ix. 18. de Alexandro,  
*desideratas humi iacentium adula-  
 tiones*. Et eodem modo Val. Max.  
 iv. 7. *Hephaestionem . . . more Per-  
 sarum adulata, tanquam Alexandrum  
 salutavit*. Idem vi. 3. *Timagoram  
 inter officium salutationis Darii  
 regem more gentis illius adulatum*.

Ex his exemplis recte videtur col-  
 ligere Gronovius ad Liv. ix. 18. ad-  
 modum verisimile esse adorationem  
 regum κατ' εἶκοις adulationem a La-  
 tinis dictam esse. CREV.

7 *Bis iam eversae*] Quam civis iam  
 sui, quantum in se esset, bis everte-  
 rant. Vocem *ante* quae in plerisque  
 edd. post iam inseritur, merito dele-  
 vit Kreyssigius, faventibus codd. Put.  
 et Reg.

8 *Et fugitivos*] Per *fugitivos* in-  
 telligas servos, qui a dominis Romanis  
 transfugerant ad Carthaginienses; per  
*perfugas* autem, milites, qui Roma-  
 norum signa deseruerant. Doss.

‘deducant: Hispania abstineant: insulis omnibus, quae U. C. 549.  
 ‘inter Italiam et Africam sunt, decedant: naves longas, A. C. 203.  
 ‘praeter viginti, omnes tradant: tritici quingenta, hordei  
 ‘trecenta millia modium.’ Pecuniae summam quantam  
 imperaverit, parum convenit. Alibi quinque millia ta-  
 lentum, alibi quinque millia pondo argenti, alibi duplex  
 stipendium militibus imperatum invenio. ‘His conditioni- Nihil re-  
 ‘bus,’ inquit, ‘placeatne pax, triduum ad consultandum cū-  
 ‘dabitur. Si placuerit, mecum indutias facite, Romam ad Poeni mo-  
 ‘senatum mittite legatos.’ Ita dimissi Carthaginienses, ram quae-  
 rentes.  
 nullas recusandas condiciones pacis quum censuissent,  
 (quippe qui moram temporis quaerere, dum Hannibal in  
 Africam traiceret) legatos alios ad Scipionem, ut indutias  
 facerent, alios Romam ad pacem petendam mittunt, du-  
 centes paucos in speciem captivos, perfugasque, et fugitivos,  
 quo impetrabilior pax esset.

Multis ante diebus Laelius, cum Syphace primoribusque 17.  
 Numidarum captivis, Romam venit, quaeque in Africa Laelius  
 gesta essent, omnia exposuit ordine Patribus, ingenti om- cum capti-  
 nium et in praesens laetitia, et in futurum spe. Consulti vis Roman.  
 inde Patres regem in custodiam Albam mittendum cen- venit.  
 suerunt: Laelium retinendum, donec legati Carthagini-  
 enses venirent. Supplicatio in quatrimum decreta est.  
 P. Aelius praetor, senatu misso, et concione inde advocata,  
 cum C. Laelio in Rostra escendit. Ibi vero audientes,  
 fusos Carthaginiensium exercitus, devictum et captum in-  
 gentis nominis regem, Numidiam omnem egregia victoria  
 peragratam, tacitum continere gaudium non poterant, quin  
 clamoribus, quibusque aliis multitudo solet, laetitiam im-  
 modicam significarent. Itaque praetor extemplo edixit,  
 ‘Uti aeditui aedes sacras omnes tota urbe aperirent, cir-  
 ‘cumeundi, salutandique deos, agendique grates per totum  
 ‘diem populo potestas fieret.’ Postero die legatos Masi- Oratio le-  
 nissae in senatum introduxit. Gratulati primum senatui gatorum  
 sunt, ‘quod P. Scipio prospere res in Africa gessisset:’ Masinissa  
 deinde gratias egerunt, ‘quod Masinissam non appellasset in senatu.  
 ‘modo regem, sed fecisset, restituendo in paternum  
 ‘regnum: in quo post Syphacem sublatum, si ita Patribus  
 ‘visum esset, sine metu et certamine esset regnaturus.’  
 Dein, ‘quod collaudatum pro concione amplissimis deco-  
 ‘rasset donis: quibus ne indignus esset, et dedisse operam  
 ‘Masinissam, et porro daturum esse. Petere, ut regium  
 ‘nomen ceteraque Scipionis beneficia et munera senatus  
 ‘decreto confirmaret: et, nisi molestum esset, illud quoque  
 ‘petere Masinissam, ut Numidas captivos, qui Romae in  
 ‘custodia essent, remitterent. Id sibi amplum apud po-

U. C. 549. 'pulares futurum esse.' Ad ea responsum legatis: 'Rerum  
A. C. 203. 'gestarum in Africa prospere communem sibi cum rege  
'gratulationem esse. Scipionem recte atque ordine videri  
'fecisse, quod eum regem appellaverit: et, quicquid aliud  
'fecerit, quod cordi foret Masinissae, ea Patres comprobare  
'atque laudare.' Munera, quae legati ferrent regi, decre-  
verunt: sagula purpurea duo cum fibulis aureis singulis, et  
lato clavo tunicis: et equos duo phaleratos: bina equestria  
arma cum loriceis: et tabernacula, militaremque supellec-  
tilem, qualem praebere consuli mos esset. Haec regi  
praetor mittere iussus. Legatis in singulos dona ne minus  
quinum millium, comitibus eorum millium aeris: et vesti-  
menta bina legatis, singula comitibus Numidisque, qui ex  
custodia emissi redderentur regi. Ad hoc aedes liberae,<sup>1</sup>  
loca, lautia legatis decreta.

18.  
Proelium  
cum Ma-  
gone.

Eadem aestate, qua haec decreta Romae, et in Africa  
gesta sunt, P. Quinctilius Varus praetor et M. Cornelius  
proconsul in agro Insubrium Gallorum cum Magone Poeno  
signis collatis pugnarunt. Praetoris legiones in prima acie  
fuerunt: Cornelius suas in subsidiis tenuit, ipse ad prima  
signa equo advectus: proque duobus cornibus praetor ac  
proconsul milites ad inferenda in hostes signa summa vi  
hortabantur. Postquam nihil commovebant, tum Cornelio  
Quinctilius: 'Lentior, ut vides, fit pugna: et induratus  
'praeter spem resistendo hostium timor: ac, ne vertat in:  
'audaciam, periculum est. Equestrem procellam excite-  
'mus, oportet, si turbare ac statu movere volumus. Itaque  
'vel tu ad prima signa proelium sustine, ego inducam in  
'pugnam equites: vel ego hic in prima acie rem geram, tu  
'quattuor legionum equites in hostem emitte.' Utram  
vellet praetor, muneris partem proconsule accipiente,  
Quinctilius praetor cum filio, cui Marco praenomen erat,  
impigro iuvene, ad equites pergit: iussosque escendere in  
equos repente in hostem emittit. Tumultum equestrem  
auxit clamor ab legionibus additus: nec stetisset hostium

<sup>9</sup> *Et, quicquid aliud fecerit, . . .*  
*ea]* Pro *ea* ratio grammatica postu-  
laret *id*, sed alibi quoque a consuetis  
grammaticae legibus in hac re noster  
recedit. cf. infr. xxxiii. 24. *quaecun-*  
*que senatus censuisset, id regem fac-*  
*turum esse.*

<sup>1</sup> *Aedes liberae, loca]* *Aedes li-*  
*berae* sc. vacuae et proinde hospitibus  
excipiendis patentes. supr. xxiv. 7.  
Ceterum, quid sint *loca*, quae praeter  
liberas aedes decernuntur legatis, haud  
facile statuere possumus. Tamen in-

telligendum esse aliquid quod ad ha-  
bitationem pertineat, colligere vide-  
mur ex eo, quod infr. xxxiii. 24. legati  
*Macedones* dicuntur *deducti extra*  
*urbem in villam publicam, ibique is*  
*locus et lautia praebita.* *Lautis* sunt  
munera hospitalia, supr. xxviii. 59.  
CREV.

<sup>2</sup> *Hostium timor]* Hostium timor  
praeter opinionem factus est resi-  
stendo durior, h. e. hostes contra ti-  
morem resistendo se obfirmarunt.  
DOER.



acies, ni Mago, ad primum equitum motum, paratos ele- U. C. 549.  
 3 phantos extemplo in proelium induxisset. Ad quorum A. C. 203.  
 stridorem odoremque et aspectum territi equi vanum  
 equestre auxilium fecerunt: et ut permixtus, ubi cuspidē  
 uti et cominus gladio posset, roboris maioris Romanus  
 eques erat; ita in ablatum paventibus procul equis melius  
 ex intervallo Numidae iaculabantur. Simul et peditum  
 legio duodecima, magna ex parte caesa, pudore magis,  
 quam viribus, tenebat locum. Nec diutius tenuisset, ni ex  
 subsidiis tertia decima legio, in primam aciem inducta,  
 proelium dubium excepisset. Mago quoque ex subsidiis  
 Gallos integrae legioni opposuit. Quibus haud magno  
 certamine fuis, hastati legionis undecimae conglobant sese,  
 atque elephantos iam peditum aciem turbantes invadunt.  
 In quos quum pila confertos coniecissent, nullo ferme  
 frustra emisso, omnes retro in aciem suorum averterunt:  
 quattuor gravati vulneribus corruerunt. Tum prima com-  
 4 mota hostium acies, simul omnibus peditibus, ut aversos  
 videre elephantos, ad augendum pavorem ac tumultum  
 effusis. Sed, donec stetit ante signa Mago, gradum sensim  
 referentes ordines, tenorem pugnae servabant; postquam  
 femine transfixo cadentem, auferrique ex proelio prope ex- Vincunt  
 sanguinem videre, extemplo in fugam omnes versi. Ad Romani.  
 quinque millia hostium eo die caesa, et signa militaria duo  
 et viginti capta. Nec Romanis incruenta victoria fuit:  
 duo millia et trecenti de exercitu praetoris, pars multo  
 5 maxima ex legione duodecima, amissi. Inde et tribuni  
 militum duo, M. Cosconius, et M. Maenius: tertiae  
 decimae quoque legionis, quae postremo proelio affu-  
 erat, Cn. Helvius tribunus militum in restituenda pugna  
 cecidit, et duo et viginti ferme equites illustres, obtriti  
 ab elephantis, cum centurionibus aliquot perierunt: et  
 longius certamen fuisset, ni vulnere ducis concessa victoria  
 esset.

Mago, proximae noctis silentio profectus, quantum pati 19.  
 6 viae per vulnus poterat, itineribus extentis, ad mare in Mago ius-  
 Ligures Ingaunos pervenit. Ibi eum legati ab Carthagine, sus in Afri-  
 paucis ante diebus in sinum Gallicum appulsis navibus, cam redire.  
 adierunt, iubentes, primo quoque tempore in Africam  
 traicere. 'Idem et fratrem eius Hannibalem (nam ad eum  
 quoque isse legatos eadem iubentes) facturum. Non in eo

3 *Ad quorum stridorem*] Stridor  
 elephantorum infr. xlv. 5. quoque  
 memoratur.

4 *Simul omnibus peditibus*] sc.  
 Romanis. GRONOV.

5 *Inde*] sc. Ex ea legione. DOER.

6 *Itineribus extentis*] Quum iti-  
 nera extendisset, quum singulis diebus  
 multum itineris confecisset, quantum  
 tamen viae eum pati sinebat vulnus.  
 CREV.



U. C. 549. 'esse Carthaginiensium res, ut Galliam atque Italiam armis  
A. C. 203. 'obtineant.' Mago, non imperio modo senatus periculoque  
patriae motus, sed metuens etiam, ne victor hostis moranti  
instaret, Liguresque ipsi, relinqui Italiam a Poenis cer-  
nentes, ad eos, quorum mox in potestate futuri essent,  
deficerent, simul sperans leniorem in navigatione, quam in  
via, iactationem vulneris fore, et curationi omnia commo-  
diora, impositis copiis in naves profectus, vixdum superata  
Sardinia, ex vulnere moritur: naves quoque aliquot Poe-  
norum disiectae in alto a classe Romana, quae circa Sardi-  
niam erat, capiuntur. Haec terra marique in parte Italiae,  
quae iacet ad Alpes, gesta.

In naviga-  
tione mori-  
tur.

Consul C. Servilius, nulla memorabili re in provincia  
Etruria et Gallia (quoniam eo quoque processerat) gesta,  
patre C. Servilio et C. Lutatio ex servitute post sextum  
decimum annum receptis, qui ad vicum Tanetum a Boiis;  
capti fuerant, hinc patre, hinc Catulo lateri circumdatis,  
privato magis, quam publico decore insignis, Romam rediit.  
Latum ad populum est, 'ne C. Servilio fraudi esset, quod  
'patre, qui sella curuli sedisset, vivo, quum id ignoraret,  
'tribunus plebis atque aedilis plebis fuisset, contra quam  
'sanctum legibus erat.' Hac rogatione perlata, in pro-  
vinciam rediit.

Ad Cn. Servilium consulem, qui in Brutiis erat, Con-  
sentia, Uffugum, Vergae, Besidiae, Hetriculum, Sypheum,  
Argentanum, Clampetia, multique alii ignobiles populi,  
senescere Punicum bellum cernentes, defecere. Idem  
consul cum Hannibale in agro Crotoniensi acie conflixit.  
Obscura eius pugnae fama est. Valerius Antias quinque  
millia hostium caesa ait. Quae tanta res est, ut aut impu-  
denter ficta sit, aut negligenter praetermissa. Nihil certe  
ultra rei in Italia ab Hannibale gestum. Nam ad eum  
quoque legati ab Carthagine, vocantes in Africam, iis forte  
diebus, quibus ad Magonem, venerunt. Frendens gemens-  
que, ac vix lacrimis temperans, dicitur legatorum verba  
audisse. Postquam edita sunt mandata, 'Iam non per-  
'plexe,' inquit, 'sed palam revocant, qui, vetando supple-  
'mentum et pecuniam mitti, iam pridem retrahebant.  
'Vicit ergo Hannibalem non populus Romanus toties  
'caesus fugatusque, sed senatus Carthaginiensis obtrec-  
'tatione atque invidia. Neque hac deformitate reditus  
'mei tam P. Scipio exsultabit atque efferet sese, quam  
'Hanno, qui domum nostram, quando alia re non potuit,

20.  
Hannibalis  
revocati ex  
Italia do-  
lor.

7 Qui ad vicum Tanetum] Rem  
narravit Livius supr. xxi. 25.

8 Ad Cn. Servilium . . . Consentia  
. . . Clampetia . . . defecere] Tamen

Clampetiam superiore anno a P. Sem-  
pronio consule vi captam, Consentiae  
voluntate in deditionem venisse scri-  
psit Livius supr. xxix. 38. CRFV.

‘ruina Carthaginiis oppressit.’ Iam hoc ipsum praesagiens U. C. 549.  
 animo, praeparaverat ante naves. Itaque, inutili militum A. C. 203.  
 turba praesidii specie in oppida Bruttii agri, quae pauca  
 magis metu, quam fide, continebantur, dimissa, quod ro-  
 boris in exercitu erat, in Africam transvexit: multis Italici  
 generis, quia in Africam secuturos abnuentes concesserant  
 in Iunonis Lacinae delubrum, inviolatum ad eam diem, in  
 templo ipso foede interfectis. Raro quemquam alium, pa-  
 9 triam exsilii causa relinquentem, magis maestum abisse  
 ferunt, quam Hannibalem hostium terra excedentem:  
 respexisse saepe Italiae litora, et deos hominesque accu-  
 santem, in se quoque ac suum ipsius caput exsecratum,  
 ‘quod non cruentum ab Cannensi victoria militem Romam  
 ‘duxisset. Scipionem ire ad Carthaginem ausum, qui  
 ‘consul hostem in Italia Poenum non vidisset: se, centum  
 ‘millibus armatorum ad Trasimenum et Cannas caesis,  
 ‘circa Casilinum Cumasque et Nolam consenuisse.’ Haec  
 accusans querensque, ex diutina possessione Italiae est  
 detractus.

Romam per eosdem dies, et Magonem et Hannibalem 21.  
 profectos, allatum est. Cuius duplicis gratulationis minuit  
 laetitiam, et quod parum duces in retinendis iis, quum id  
 mandatum ab senatu esset, aut animi, aut virium habuisse  
 videbantur; et quod solliciti erant, omni belli mole in  
 unum ducem exercitumque inclinata, quo evasura esset  
 res. Per eosdem dies legati Saguntini venerunt, compre-  
 hensos cum pecunia adducentes Carthaginienses, qui ad  
 conducenda auxilia in Hispaniam traiecissent. Ducentum  
 et quinquaginta auri, octingentum pondo argenti in vesti-  
 bulo curiae posuerunt. Hominibus acceptis et in carcerem  
 conditis, auro argentoque reddito, gratiae legatis actae:  
 atque insuper munera data ac naves, quibus in Hispaniam  
 reverterentur. Mentio deinde ab senioribus facta est,  
 ‘Segnius homines bona, quam mala, sentire. Transitu in  
 ‘Italiam Hannibalis, quantum terroris pavorisque, sese  
 ‘meminisse, quas deinde clades, quos luctus incidisse?  
 ‘Visa castra hostium e muris urbis: quae vota singulorum  
 ‘universorumque fuisse? quoties in conciliis voces, manus  
 1 ‘ad coelum porrigentium auditas: En unquam ille dies  
 ‘futurus esset, quo vacuum hostibus Italiam bona pace flo-  
 ‘rentem visuri essent? Dedissem tandem id deos sexto  
 ‘decimo demum anno: nec esse, qui diis grates agendas

9 *Magis maestum*] Nullo in scri-  
 pto, neque Gronovio, neque nobis oc-  
 currit *τὸ magis*. Plerique hanc vocem  
 totam abolent: quidam eius loco ha-  
 bent *tam*. Alterutra ex his particulis

necessaria hic nobis videtur. CREV.  
*Tam* reposuit Bekker.

1 *En unquam*] Nunquamne?  
 cf. supr. xxiv. 14.

U. C. 549. 'censeant. Adeo ne advenientem quidem gratiam ho-  
 A. C. 203. 'mines benigne accipere, nedum ut praeteritae satis me-  
 Supplica- 'mores sint.' Conclamatum deinde ex omni parte curiae  
 tio Romae est, uti referret P. Aelius praetor: decretumque, ut quinque  
 decreta ob dies circa omnia pulvinaria supplicaretur, victimaeque ma-  
 discessum iores immolarentur centum viginti.  
 Hanniba-  
 lia.

22.  
 Legati  
 Carthagi-  
 nienses de  
 pace.

23.

Iam dimisso Laelio legatisque Masinissae, quum Cartha-  
 giniensium legatos de pace ad senatum venientes Puteolis  
 visos, inde terra venturos allatum esset; revocari C. Lae-  
 lium placuit, ut coram eo de pace ageretur. Q. Fulvius  
 Gillo, legatus Scipionis, Carthaginienses Romam adduxit:  
 quibus, vetitis ingredi urbem, hospitium in villa publica,  
 senatus ad aedem Bellonae datus est. Orationem eandem  
 ferme, quam apud Scipionem, habuerunt; culpam omnem  
 belli a publico consilio in Hannibalem vertentes. 'Eum  
 'iniussu senatus non Alpes modo, sed Iberum quoque,  
 'transgressum: nec Romanis solum, sed ante etiam Se-  
 'guntinis, privato consilio bellum intulisse. Senatui ac  
 'populo Carthaginensi, si quis vere aestimet, foedus ad  
 'eam diem inviolatum esse cum Romanis. Itaque nihil  
 'aliud sibi mandatum esse, uti peterent, quam ut in ea  
 'pace, quae postremo cum consule Lutatio facta esset,  
 'manere liceret.' Quum, more tradito, Patribus potesta-  
 tem interrogandi, si quis quid vellet, legatos, praetor fecis-  
 set; senioresque, qui foederibus interfuerant, alia alii in-  
 terrogarent, nec meminisse per aetatem (etenim omnes  
 ferme iuvenes erant) dicerent legati; conclamatum ex  
 omni parte curiae est, 'Punica fraude electos, qui veterem  
 'pacem repeterent, cuius ipsi non meminissent.' Emotis  
 deinde curia legatis, sententiae interrogari coeptae. M.  
 Livius 'C. Servilium consulem, qui propior esset, arces-  
 'sendum, ut coram eo de pace ageretur,' censebat. 'Quum  
 'de re maiore, quam quanta ea esset, consultatio incidere  
 'non posset, non videri sibi, absente consulum altero, am-  
 'bobusve, eam rem agi, satis ex dignitate populi Romani  
 'esse.' Q. Metellus, qui triennio ante consul dictatorque  
 fuerat, 'Quum P. Scipio, caedendo exercitus, agros popu-  
 'lando, in eam necessitatem compulisset hostes, ut sup-

2 *Benigne*] Benigna in auctores beneficii et grata mente. CREV.

3 *Iam dimisso Laelio . . . . quum Carthaginensium legatos*] Tamen supr. 17. memoratum est censuisse Patres *retinendum Laelium, donec legati Carthaginenses venirent*. Sed fortasse, Hannibale profecto ex Italia, nullos iam crediderant venturos a Carthaginensibus legatos. CREV.

4 *Ad aedem Bellonae*] Ut solebat

legatis hostium. cf. infr. xxxiii. 24. Hinc quoque colligunt quidam, aedem Bellonae villae publicae vicinam fuisse. DUKER.

5 *More tradito*] Eius moris exempla exstant supr. viii. 21. infr. xxxv. 1. RASCHIG.

6 *C. Servilium*] Intelligendum esse Caium Servilium Geminum, qui Etruriam sortitus erat supr. i, ad-  
 advertit Drakenb.

‘plices pacem peterent; et nemo omnium verius existi- U. C. 549.  
‘mare posset, qua mente ea pax peteretur, quam is, qui A. C. 203.  
‘ante portas Carthagini bellum gereret; nullius alterius  
‘consilio, quam Scipionis, accipiendam abnuendamve pa-  
7 ‘cem esse.’ M. Valerius Laevinus, qui bis consul fuerat,  
‘Speculatores, non legatos, venisse,’ arguebat: ‘iubendos-  
‘que Italia excedere, et custodes cum iis usque ad naves  
‘mittendos; Scipionique scribendum, ne bellum remit-  
‘teret.’ Laelius Fulviusque adiecerunt: ‘Et Scipionem  
‘in eo positam habuisse spem pacis, si Hannibal et Mago  
‘ex Italia non revocarentur. Omnia simulaturos Cartha-  
‘ginienses, duces eos exercitusque expectantes: deinde,  
‘quamvis recentium foederum et deorum omnium oblitos,  
‘bellum gesturos.’ Eo magis in Laevini sententiam dis-  
cessum. Legati pace infecta, ac prope sine responso, Re infecta  
dimissi.

8 Per eos dies Cn. Servilius consul, haud dubius, quin 24.  
9 pacatae Italiae penes se gloria esset, velut pulsum ab se  
Hannibalem persequens, in Siciliam, inde in Africam  
transiturus, traiecit. Quod ubi Romae vulgatum est, Cn. Servi-  
primo censuerunt Patres, ut praetor scriberet consuli, se- lius ex Si-  
natum aequum censere, in Italiam reverti eum: deinde, cilia revo-  
catur.  
quum praetor, spreturum eum literas suas, diceret, dictator  
ad id ipsum creatus P. Sulpicius, pro iure maioris imperii,  
consulem in Italiam revocavit: reliquum anni, cum M. Ser-  
vilio magistro equitum, circumeundis Italiae urbibus, quae  
1 bello alienatae fuerant, noscendisque singularum causis  
consumpsit.

Per indutiarum tempus et ex Sardinia ab Lentulo prae- Commea-  
tore centum onerariae naves, cum commeatu et viginti tus ex Sar-  
rostratarum praesidio, et ab hoste, et ab tempestatibus mari dinia in  
tuto, in Africam transmiserunt. Cn. Octavio ducentis Africam.  
onerariis, triginta longis navibus ex Sicilia traicienti, Ex Sicilia.  
non eadem fortuna fuit. In conspectum ferme Africae prospero  
2 cursu vectum primo destituit ventus; deinde versus in Classis dis-  
Africum turbavit, ac passim naves disiecit. Ipse cum iecta vento.  
rostratis, per adversos fluctus ingenti remigum labore  
enisus, Apollinis promontorium tenuit: onerariae, pars

7 *M. Valerius Laevinus*] cf. Supr. xxix. 11.

8 *Cn. Servilius consul*] Cui provincia Bruttii evenerant.

9 *Haud dubius, quin*] Sibi haud dubie tribuens pacatae Italiae gloriam, quae tamen tota Scipionis erat, et persequens Hannibalem, tanquam ille a se pulsus esset. CREV.

1 *Noscendisque singularum causis*] Inquirendoque, quam in causa singulae essent, quae magis, quae minus nocentes, quae omnino innoxiae haberi possent. CREV.

2 *Versus in Africum*] *Africus* Romanis ab Africa flabat, ideoque navigantibus ex Sicilia adversus erat; inde paullo post *adversi fluctus*. RAS.

U. C. 549. maxima ad Aegimurum (insula ea sinum ab alto claudit, in  
 A. C. 203. quo sita Carthago est, triginta ferme millia ab urbe) aliae  
 adversus urbem ipsam ad Calidas Aquas delatae sunt. Omnia in conspectu Carthaginiis erant. Itaque ex tota  
 urbe in forum concursus est. Magistratus senatum vocare,  
 populus in curiae vestibulo fremere, ne tanta ex oculis  
 manibusque amitteretur praeda. Quum quidam pacis  
 petitaе, alii indutiarum (necdum enim dies exierat) fidem  
 opponerent, permixto paene senatus populique concilio,  
 Naves onerariae a Carthaginiensibus captae. consensum est, ut classe quinquaginta navium Hasdrubal  
 Aegimurum traiceret: inde per litora portusque dispersas  
 Romanas naves colligeret. Desertae fuga nautarum, pri-  
 mum ab Aegimuro, dein ab Aquis onerariae Carthaginem  
 puppibus tractae sunt.

25. Nondum reverterant ab Roma legati, neque sciebatur,  
 quae senatus Romani de bello aut pace sententia esset;  
 necdum indutiarum dies exierat. Eo indigniorem iniuriam  
 Legati Rom. a Carthaginiensibus prope violati. ratus Scipio, ab iis, qui petiissent pacem et indutias, et  
 spem pacis et fidem indutiarum violatam esse, legatos Car-  
 thaginem, L. Baebium, L. Sergium, L. Fabium extemplo  
 misit. Qui, quum multitudinis concursu prope violati  
 essent, nec reditum tutiorem cernerent futurum, petierunt  
 a magistratibus, quorum auxilio vis prohibita erat, ut naves  
 mitterent, quae se prosequerentur. Datae triremes duae,  
 quum ad Bagradam flumen pervenissent, unde castra Ro-  
 mana conspiciebantur, Carthaginem rediere. Classis Punica  
 ad Uticam stationem habebat. Ex ea tres quadriremes, seu  
 clam misso a Carthagine nuntio, uti fieret, seu Hasdrubale,  
 qui classi praeerat, sine publica fraude auso facinus, quin-  
 queremem Romanam superantem promontorium ex alto;  
 repente aggressae sunt. Sed neque rostro ferire celeritate  
 subterlabentem poterant, neque transilire armati ex hu-  
 milioribus in altiore navem: et defendebatur egregie,  
 quoad tela suppeditarunt. Quis deficientibus, quum iam  
 nulla alia res eam, quam propinquitas terrae, multitudoque  
 a castris in litus effusa, tueri potuisset; concitatam remis,  
 quanto maximo impetu poterant, in terram quum immi-  
 sissent, navis tantum iactura facta, incolumes ipsi evaserunt.  
 Ita alio super aliud scelere quum haud dubie indutiae  
 ruptae essent, Laelius Fulviusque ab Roma cum legatis  
 Carthaginiensibus supervenerunt. Quibus Scipio, 'Etsi  
 'non indutiarum modo fides a Carthaginiensibus, sed ius  
 'etiam gentium in legatis violatum esset; tamen se nihil

3 Superantem promontorium] In-  
 telligendum est, ut constat ex Appi-  
 ano, Apollinis promontorium. SIGON.

4 Quibus Scipio] Legesis Diodor.  
 Excerpt. Vat. xxvi. 5. Polyb. xv. 1.  
 et 4. Appian. Pun. xxxv.

‘nec institutis populi Romani, nec suis moribus indignum, U. C. 549.  
 ‘in iis facturum esse,’ quum dixisset, legatis dimissis, bellum A. C. 203.  
 5 parabat. Hannibali iam terrae appropinquanti iussus e  
 nauticis unus escendere in malum, ut specularetur, quam  
 tenerent regionem, quum dixisset, sepulcrum dirutum pro-  
 ram spectare, abominatus, praetervehi iusso gubernatore, Leptim  
 ad Leptim appulit classem, atque ibi copias exposuit. Hannibal.  
 26.

Haec eo anno in Africa gesta. Insequentia excedunt in  
 eum annum, quo M. Servilius Geminus, qui tum magister  
 equitum erat, et Ti. Claudius Nero consules facti sunt.  
 Ceterum exitu superioris anni quum legati sociarum  
 urbium ex Graecia questi essent, vastatos agros ab regiis  
 praesidiis, profectosque in Macedoniam legatos ad res re-  
 petendas non admissos ad Philippum regem: simul nun-  
 tiassent, quattuor millia militum cum Sopatro duce traiecta  
 in Africam dici, ut essent Carthaginiensibus praesidio, et  
 pecuniae aliquantum una missum; legatos ad regem, qui Legati ad  
 haec adversus foedus facta videri Patribus nuntiarent, mit- Philippum  
 tendos censuit senatus. Missi C. Terentius Varro, C. Ma- missi a  
 milius, M. Aurelius. Iis tres quinqueres datae. Rom.

Annus insignis incendio ingenti, quo clivus Publicius  
 ad solum exustus est, et aquarum magnitudine. Sed an-  
 nonae vilitas fuit, praeterquam quod pace omnis Italia erat  
 aperta, etiam quod magnam vim frumenti, ex Hispania  
 missam, M. Valerius Falto et M. Fabius Buteo aediles  
 6 curules quaternis aeris viciatim populo descripserunt.

7 Eodem anno Q. Fabius Maximus moritur, exactae aeta- Q. Fabii  
 tis; siquidem verum est, augurem duos et sexaginta annos Max. mors  
 fuisse, quod quidam auctores sunt. Vir certe fuit dignus et laudes.  
 8 tanto cognomine, vel si novum ab eo inciperet. Superavit  
 9 paternos honores, avitos aequavit. Pluribus victoriis et  
 maioribus proeliis avus insignis Rullus; sed omnia aequare  
 unus hostis Hannibal potest. Cautior tamen, quam prom-  
 ptior, hic habitus fuit: et, sicut dubites, utrum ingenio  
 cunctator fuerit, an quia ita bello proprie, quod tum gere-

5 *Iussus e nauticis unus*] sc. Quum  
 unus e nauticis, sc. rei navalis peritis,  
 iussus ab Hannibale . . . . dixisset,  
 Hannibal abominatus, sc. omen aver-  
 satus, etc.

6 *Quaternis aeris*] Quaternis assi-  
 bus in modios. Sic enim infr. xxxi.  
 50. dicuntur aediles magnam vim  
 frumenti *binis aeris in modios populo*  
 divisisse. cf. supr. iv. 16. *assibus in*  
*modios aestimatum.*

7 *Viciatim populo descripserunt*] Distribuerunt populo, certum assignando frumenti modum in singulos vicos, pro ratione et numero incolen-

tium. CREV.

8 *Vel si novum ab eo inciperet*] Cognomen *Maximi* avus eius Rullus sibi pepererat, memorante Livio supr. ix. 46. idque posteris haereditarium reliquerat. CREV.

9 *Superavit paternos honores, avitos aequavit*] Honoribus magistratum superavit patrem: avum aequavit. Nempe Q. Fabius Gurges, quem Livius existimavit patrem huiusoe Fabii, ter tantum consul fuit: Rullus quinquies, ut et hic sive nepos, sive pronepos. CREV.



U. C. 549. batur, aptum erat: sic nihil certius est, quam unum ho-  
 A. C. 203. minem nobis cunctando rem restituisse, sicut Ennius ait.  
 Augur in locum eius inauguratus Q. Fabius Maximus,  
 filius: in eiusdem locum pontifex (nam duo sacerdotia  
 habuit) Ser. Sulpicius Galba.

Ludi Romani diem unum, plebei ter toti instaurati ab  
 aedilibus, M. Sextio Sabino et Cn. Tremellio Flacco. Ii  
 ambo praetores facti, et cum iis C. Livius Salinator et C.  
 Aurelius Cotta. Comitia eius anni utrum C. Servilius  
 consul habuerit, an, quia eum res in Etruria tenuerint,  
 quaestiones ex senatusconsulto de coniurationibus prin-  
 cipum habentem, dictator ab eo dictus P. Sulpicius, incer-  
 tum ut sit, diversi auctores faciunt.

27. Principio insequentis anni, M. Servilius et Ti. Claudius,  
 U. C. 550. senatu in Capitolium vocato, de provinciis retulerunt.  
 A. C. 202. Italiam atque Africam in sortem coniici, Africam ambo  
 M. Servilio, Ti. Claudio cupientes, volebant. Ceterum, Q. Metello maxime anni-  
 Coss. tente, neque data, neque negata est Africa. Consules  
 iussi cum tribunis plebis agere, ut, si iis videretur, populum  
 rogarent, quem vellet in Africa bellum gerere. Omnes  
 tribus P. Scipionem iusserunt. Nihilo minus consules pro-  
 vinciam Africam (ita enim senatus decreverat) in sortem  
 Provinciae. coniecerunt. Ti. Claudio Africa evenit, ut quinquaginta  
 navium classem, omnes quinqueres, in Africam traice-  
 ret, parique imperio cum Scipione imperator esset. M.  
 Servilius Etruriam sortitus. In eadem provincia et C. Ser-  
 vilio prorogatum imperium, si consulem manere ad urbem  
 senatui placuisset. Praetores, M. Sextius Galliam est sor-  
 titus, ut duas legiones provinciamque traderet ei P. Quinc-  
 tilius Varus; C. Livius Bruttios cum duabus legionibus,  
 quibus P. Sempronius proconsul priore anno praefuerat;  
 Cn. Tremellius Siciliam, ut ab P. Villio Tappulo praetore  
 prioris anni provinciam et duas legiones acciperet; Villius  
 propraetor viginti navibus longis, militibus mille, oram  
 Siciliae tutaretur: inde M. Pomponius viginti navibus  
 reliquis mille et quingentos milites Romam deportaret.  
 C. Aurelio Cottae urbana evenit. Ceteris, ita uti quisque  
 obtinebant provincias exercitusque, prorogata imperia.  
 Legiones Sexdecim non amplius eo anno legionibus defensum im-  
 16. perium est. Et ut placatis diis omnia inciperent agerent-

1 *Principum habentem*] *Habendas* auctore Gronovio reposuit Bekker.

2 *Provinciam Africam (ita enim senatus decreverat)*] Nimirum intel-  
 ligendum est senatum, instantibus  
 etiam post iudicium populi consuli-  
 bus, hoc temperamento uti tandem  
 coactum esse, ut classis certe in Afri-

cam traicienda, et par cum Scipione  
 imperium alterutri e consulibus de-  
 cerneretur. CREV.

3 *Parique imperio cum Scipione imperator esset*] Vox *imperator* om-  
 nino otiosa videtur, ac proinde able-  
 ganda. CREV.



4 que, ludos, quos, M. Claudio Marcello, T. Quinctio con- U. C. 550.  
sulibus, T. Manlius dictator, quasque hostias maiores A. C. 202.  
voverat, si per quinquennium illud respublica eodem statu  
5 fuisset, ut eos ludos consules, priusquam ad bellum pro-  
ficiscerentur, facerent. Ludi in circo per quatrimum  
facti: hostiaeque, quibus votae erant diis, caesae.

Inter haec simul spes, simul cura in dies crescebat: nec 28.  
satis certum constare apud animum poterat, utrum gaudio  
dignum esset, Hannibalem, post sextum decimum annum  
ex Italia decedentem, vacuum possessionem eius reliquisse  
populo Romano, an magis metuendum, quod incolumi ex-  
ercitu in Africam transisset. 'Locum nimirum, non peri- Anxii Ro-  
'culum, mutatum; cuius tantae dimicationis vatem, qui mani ob  
'nuper decessisset, Q. Fabium haud frustra canere solitum, transitum  
'graviolem in sua terra futurum hostem Hannibalem, quam Hanniba-  
'in aliena fuisset. Nec Scipioni aut cum Syphace, incon-  
6 'ditae barbariae rege, cui Statorius semilix ducere exer-  
'citus solitus sit, aut cum socero eius Hasdrubale, fugacis-  
'simo duce, rem futuram, aut tumultuariis exercitibus, ex  
'agrestium semiermi turba subito collectis; sed cum Han-  
'nibale, prope nato in praetorio patris, fortissimi ducis,  
'alito atque educato inter arma, puero quondam milite,  
7 'vixdum iuvene imperatore: qui senex vincendo factus,  
'Hispanias, Gallias, Italiam ab Alpibus ad fretum monu-  
8 'mentis ingentium rerum complexset. Ducere exercitum  
'aequalem stipendiis suis, duratum omnium rerum pati-  
'entia, quas vix fides fiat homines passos; perfusum millies  
'cruore Romano; exuvias non militum tantum, sed etiam  
'imperatorum, portantem. Multos occursuros Scipioni in  
'acie, qui praetores, qui imperatores, qui consules Roma-  
'nos sua manu occidissent, muralibus vallaribusque in-  
'signes coronis, pervagatos capta castra, captas urbes Ro-  
'manas. Non esse hodie tot fascēs magistratibus populi  
'Romani, quot captos ex caede imperatorum praeferre pos-  
'set Hannibal.' Has formidines agitando animis, ipsi curas  
et metus augebant etiam, quod, quum assuessent per ali-  
quot annos bellum ante oculos aliis atque aliis in Italiae

4 *Ludos, quos . . . T. Manlius dic-  
tator*] Hos ludos iussi fuerant facere  
consules superioris anni, quo reipsa  
quinquennium a Manlio definitum  
claudabatur. Necesse est igitur ali-  
qua intervenerit mora, quae eos in  
hunc annum reiicere coegerit. CREV.

5 *Ut eos ludos*] Ante haec verba  
supple decretum fuit.

6 *Cui Statorius semilix*] De hoc  
Statorio cf. supr. xxiv. 48.

7 *Qui senex vincendo factus*] Ora-

torie fortasse dictum ad rem augen-  
dam. Nisi potius dicendum est Li-  
vium hic ex more Romanorum loqui,  
apud quos initium senectutis ab anno  
aetatis sexto et quadragesimo peteba-  
tur. Id autem aetatis tunc erat Han-  
nibal. Ipse infr. 37. de se ait, *Novem  
annorum a vobis profectus, post tri-  
gesimum sextum annum redii.* CREV.

8 *Ducere exercitum*] *Duceret* ex  
emendatione Gronovii reposuit Bek-  
ker.

U. C. 550. partibus lenta spe, in nullum propinquum debellandi finem  
 A. C. 202. gerere, erexerant omnium animos Scipio et Hannibal, velut ad supremum certamen comparati duces. Ii quoque, quibus ingens erat in Scipione fiducia et victoriae spes, quo magis in propinquam eam imminebant animis, eo curae intentioris erant. Haud dispar habitus animorum Carthaginiensibus erat: quos modo petisse pacem, intuentes Hannibalem ac rerum gestarum eius magnitudinem, poenitebat: modo, quum respicerent, bis sese acie victos, Syphacem captum, pulsos se Hispania, pulsos Italia, atque ea omnia unius virtute et consilio Scipionis facta, velut fatalem eum ducem in exitium suum natum horrebant.

29. Iam Adrumetum venerat Hannibal: unde, ad reficiendum ex iactatione maritima militem paucis diebus sumptis, excitus pavidis nuntiis, omnia circa Carthaginem obtineri armis, afferentium, magnis itineribus Zamam contendit.

Speculatores Hannibalis a Scipione dimissi.

Zama quinque dierum iter ab Carthagine abest. Inde praemissi speculatores quum excepti a custodibus Romanis deducti ad Scipionem essent, traditos eos tribunis militum, iussosque omisso metu visere omnia, per castra, qua velent, circumduci iussit: percunctatusque, satin' per commodum omnia explorassent, datis, qui prosequerentur, retro ad Hannibalem dimisit. Hannibal nihil quidem eorum, quae nuntiabantur, (nam et, Masinissam cum sex millibus peditum, quattuor equitum venisse eo ipso forte die, afferbant) laeto animo audiit, maxime hostis fiducia, quae non de nihilo profecto concepta esset, percussus. Itaque, quamquam et ipse causa belli erat, et adventu suo turbaverat et pactas indutias, et spem foederum; tamen, si integer, quam si victus, peteret pacem, aequiora impetrari posse ratus, nuntium ad Scipionem misit, ut colloquendi secum potestatem faceret. Id utrum sua sponte fecerit, an publico consilio, neutrum cur affirmem, habeo. Valerius Antias, primo proelio victum eum a Scipione, quo duodecim millia armatorum in acie sint caesa, mille et septingenti capti, legatum cum aliis decem legatis tradit in castra ad Scipionem venisse. Ceterum Scipio quum colloquium haud abnuisset, ambo ex composito duces castra protulerunt, ut coire ex propinquo possent. Scipio haud procul Naraggara urbe, tum ad cetera loco opportuno, tum quod aquatio intra teli coniectum erat, consedit. Hannibal tumultum a quattuor millibus inde, tutum commodumque alioquin, nisi quod longinquae aquationis erat, cepit. Ibi in medio lo-

Colloquium ducum de pace.

9 Quo magis] Quo avidiore et spe et voto eam propinquantem iam expectabant et optabant. CREV.

1 Tum quod aquatio] Aqua pete-

batur e flumine vel rivo propriis castris, quam quantus est teli coniectus. CREV.

cus conspectus undique, ne quid insidiarum esset, delectus. U. C. 550.  
 Summotis pari spatio armatis, cum singulis interpretibus A. C. 202.  
 congressi sunt, non suae modo aetatis maximi duces, sed 30.

omnis ante se memoriae, omnium gentium cuilibet regum  
 imperatorumve pares. Paullisper alter alterius conspectu,  
 admiratione mutua prope attoniti conticuere. Tum Han- Hannibal  
 nibal prior, ‘ Si hoc ita fato datum erat, ut, qui primus bel- oratio.

‘ lum intuli populo Romano, quique toties prope in mani-  
 ‘ bus victoriam habui, is ultro ad pacem petendam venirem;  
 ‘ laetor te mihi sorte potissimum datum, a quo peterem.

‘ Tibi quoque inter multa egregia non in ultimis laudum  
 ‘ hoc fuerit, Hannibalem, cui tot de Romanis ducibus victo-  
 ‘ riam dii dedissent, tibi cessisse; teque huic bello, vestris  
 ‘ prius, quam nostris, cladibus insigni, finem imposuisse.

2 ‘ Hoc quoque ludibrium casus ediderit fortuna, ut, quum  
 ‘ patre tuo consule ceperim arma, cum eodem primum Ro-  
 ‘ mano imperatore signa contulerim; ad filium eius inermis  
 ‘ ad pacem petendam veniam. Optimum quidem fuerat,

3 ‘ eam patribus nostris mentem datam ab diis esse, ut et vos

‘ Italiae, et nos Africae imperio contenti essemus: neque

‘ enim ne vobis quidem Sicilia ac Sardinia satis digna pre-

‘ tia sunt pro tot classibus, tot exercitibus, tot tam egregiis

‘ amissis ducibus. Sed praeterita magis reprehendi pos-

‘ sunt, quam corrigi. Ita aliena appetivimus, ut de nostris

‘ dimicaremus, nec in Italia solum vobis bellum, nobis in

‘ Africa esset: sed et vos in portis vestris prope ac moeni-

‘ bus signa armaque hostium vidistis, et nos ab Carthagine

‘ fremitum castrorum Romanorum exaudimus. Quod igi-

‘ tur nos maxime abominaremur, vos ante omnia optaretis,

‘ in meliore vestra fortuna de pace agitur: agimus ii, quo-

‘ rum et maxime interest pacem esse, et qui quodcunque

‘ egerimus, ratum civitates nostrae habiturae sint. Animo

‘ tantum nobis opus est non abhorrente a quietis consiliis.

‘ Quod ad me attinet, iam aetas senem in patriam rever-

‘ tentem, unde puer profectus sum, iam secundae, iam ad-

‘ versae res, ita erudierunt, ut rationem sequi, quam for-

‘ tunam, malim. Tuam et adolescentiam et perpetuam

‘ felicitatem, ferociora utraque, quam quietis opus est con-

4 ‘ siliis, metuo. Non temere incerta casuum reputat, quem

‘ fortuna nunquam decepit. Quod ego fui ad Trasimenum,

‘ ad Cannas, id tu hodie es. Vixdum militari aetate im-

‘ perio accepto, omnia audacissime incipientem nusquam

‘ fefellit fortuna. Patris et patruī persecutus mortem, ab

2 *Hoc quoque ludibrium casus]*  
 Hunc quoque ludicrum casum velut  
 iocata fortuna edidisse videri queat.  
 CREV.

3 *Neque enim ne vobis quidem]* cf.  
 Supr. xxxix. 12. infr. xxxi. 38.  
 4 *Non temere]* Non facile, raro.

U. C. 550. <sup>6</sup> calamitate vestrae domus decus insigne virtutis pietatisque  
 A. C. 202. <sup>6</sup> eximiae cepisti: amissas Hispanias recuperasti, quattuor  
<sup>6</sup> inde Punicis exercitibus pulsas: consul creatus, quum ce-  
<sup>6</sup> teris ad tutandam Italiam parum animi esset, transgressus  
<sup>6</sup> in Africam, duobus hic exercitibus caesis, binis eadem  
<sup>6</sup> hora captis simul incensisque castris, Syphace potentis-  
<sup>6</sup> simo rege capto, tot urbibus regni eius, tot nostri imperii  
<sup>6</sup> ereptis, me sextum decimum iam annum haerentem in  
<sup>6</sup> possessione Italiae detraxisti. Potest victoriam, inquam;  
<sup>6</sup> malle, quam pacem, animus. Novi spiritus magis magnos  
<sup>6</sup> quam utiles: et mihi talis aliquando fortuna affulsit. Quod  
<sup>6</sup> si in secundis rebus bonam quoque mentem darent dñi;  
<sup>6</sup> non ea solum, quae evenissent, sed etiam ea, quae evenire  
<sup>6</sup> possent, reputaremus. Ut omnium obliviscaris aliorum,  
<sup>6</sup> satis ego documenti in omnes casus sum. Quem modo;  
<sup>6</sup> castris inter Anienem atque urbem vestram positis, signa  
<sup>6</sup> inferentem ad moenia Romana; hic cernis, duobus for-  
<sup>6</sup> tissimis viris, fratribus clarissimis imperatoribus, orbatum.  
<sup>6</sup> ante moenia prope obsessae patriae, quibus terrui vestram  
<sup>6</sup> urbem, ea pro mea deprecantem. Maximae cuique for-  
<sup>6</sup> tinae minime credendum est. In bonis tuis rebus, nos-  
<sup>6</sup> tris dubiis, tibi ampla ac speciosa danti est pax: nobis  
<sup>6</sup> petentibus magis necessaria, quam honesta. Melior tuti-  
<sup>6</sup> orque est certa pax, quam sperata victoria. Haec in tua;  
<sup>6</sup> illa in deorum manu est. Ne tot annorum felicitatem in  
<sup>6</sup> unius horae dederis discrimen. Quum tuas vires, tum  
<sup>6</sup> vim fortunae Martemque belli communem, propone ani-  
<sup>6</sup> mo. Utrimque ferrum, corpora humana erunt: nosquam  
<sup>6</sup> minus, quam in bello, eventus respondent. Non tantum  
<sup>6</sup> ad id, quod data pace iam habere potes, si proelio vincas,  
<sup>6</sup> gloriae adieceris; quantum ademeris, si quid adversi ere-  
<sup>6</sup> niat. Simul parta ac sperata decora unius horae fortuna  
<sup>6</sup> evertere potest. Omnia in pace iungenda tuae potestatis  
<sup>6</sup> sunt, P. Corneli: tunc ea habenda fortuna erit, quam dñi  
<sup>6</sup> dederint. Inter pauca felicitatis virtutisque exempla M.  
<sup>6</sup> Atilius quondam in hac eadem terra fuisset, si victor pa-

5 *Victoriam, inquam*] In hac voce *inquam* est quaedam vis affirmandi id, quod iam dictum est, sc. Scipioni non facile futurum esse animum ad quietia consilia proclivem.

6 *Quem modo*] Vocem *videras* quod nonnulli libri post *Romana* addunt, e verbis sequentibus *hic cernis* satis intelligi monet Gronovius.

7 *Duobus fortissimis viris*] Quum tres fratres amisisset Hannibal, sc. Hasdrubalem, Magonem, Hannonem, eum aut Hannonem non commemo-

rasse, quod exercitum non duxisset, sed praefectus tantum equitum fuisset, aut Magonem praeteriisse, quod eius mortis nullam dum famam accepisset, censet Drakenborchius.

8 *Haec in tua*] Pronomen *hic* de quo potissimum agimus, respicit unde fit, ut, si verborum ordinem spectas, *hic* saepius ad remotiora referatur, *ille* ad propiora. cf. supr. xxi 29.

9 *Martemque belli communem*] cf. Supr. xxviii. 40.

'cem petentibus dedisset patribus nostris: non statuendo U. C. 550.  
 'tandem felicitati modum, nec cohibendo efferentem se A. C. 202.  
 'fortunam, quanto altius elatus erat, eo foedius corrui.  
 'Est quidem eius, qui dat, non qui petit, condiciones di-  
 'cere pacis: sed forsitan non indigni simus, qui nobismet  
 'ipsi multam irrogemus. Non recusamus, quin omnia,  
 'propter quae bellum initum est, vestra sint, Sicilia, Sar-  
 'dinia, Hispania, quicquid insularum toto inter Africam  
 'Italiamque continetur mari. Carthaginienses, inclusi Afri-  
 'cae litoribus, vos (quando ita diis placuit) externa etiam  
 'terra marique videamus regentes imperia. Haud nega-  
 'verim, propter non nimis sincere petitam aut exspectatam  
 'nuper pacem, suspectam esse vobis Punicam fidem. Mul-  
 'tum, per quos petita sit, ad fidem tuendae pacis pertinet,  
 'Scipio. Vestri quoque, ut audio, Patres nonnihil etiam  
 'ob hoc, quia parum dignitatis in legatione erat, negave-  
 'runt pacem. Hannibal peto pacem: qui neque peterem,  
 'nisi utilem crederem: et propter eandem utilitatem tue-  
 'bor eam, propter quam petii. Et, quemadmodum, quia  
 'a me bellum coeptum est, ne quem eius poeniteret, quoad  
 'ipsi invidere dei, praestiti; ita annitar, ne quem pacis per  
 'me partae poeniteat.'

Adversus haec imperator Romanus in hanc fere senten- 31.  
 tiam respondit: 'Non me fallebat, Hannibal, adventus tui Responsio  
 'spe Carthaginienses et praesentem indutiarum fidem, et Scipionis.  
 'spem pacis turbasse. Neque tu id sane dissimulas, qui  
 'de conditionibus superioribus pacis omnia subtrahas, prae-  
 'ter ea, quae iam pridem in nostra potestate sunt. Cete-  
 'rum, sicut tibi curae est, sentire cives tuos, quanto per te  
 'onere leventur: sic mihi laborandum est, ne, quae tunc  
 'pepigerunt, hodie subtracta ex conditionibus pacis, prae-  
 'mia perfidiae habeant. Indigni, quibus eadem pateat  
 'conditio, ut etiam prosit vobis fraus, petitis. Neque pa-  
 'tres nostri priores de Sicilia, neque nos de Hispania feci-  
 'mus bellum. Et tunc Mamertinorum sociorum pericu-  
 'lum, et nunc Sagunti excidium nobis pia ac iusta indue-  
 'runt arma. Vos lacessisse, et tu ipse fateris, et dei testes  
 'sunt: qui et illius belli exitum secundum ius fasque de-

1 *Multum, per quos petita sit*] Qua fide pax servetur, id magnopere pendet ex dignitate eorum per quos illa petita sit. CREV.

2 *Ne quem eius poeniteret . . . . praestiti*] Feci, per laetos belli eventus, ut nemo illud susceptum incusare posset. CREV.

3 *Et tunc Mamertinorum*] De ea re cf. Polyb. i. 10. ex quo apparet

Scipionem hic suae Romanorumque causae gratificari. Romana enim arma in Siciliam vocavit magis nimiae iam Carthaginiensium potentiae metus, quam Mamertinorum preces, qui nec vetusta cum iis societate iuncti erant, et ob immanitatem iniustitiamque, qua Messanam veteribus cultoribus ademerant, parum sane digni erant auxilio. CREV.

U. C. 550. 'derunt, et huius dant et dabunt. Quod ad me attinet, et  
 A. C. 202. 'humanae infirmitatis memini, et vim fortunae reputo, et  
 'omnia, quaecunque agimus, subiecta esse mille casibus  
 'scio. Ceterum, quemadmodum superbe et violenter me  
 'faterer facere, si prius, quam in Africam traiecissem, te  
 'tua voluntate cedentem Italia, et, imposito in naves exer-  
 'citu, ipsum venientem ad pacem petendam aspernarer;  
 'sic nunc, quum prope manu conserta restitanti ac tergi-  
 'versanti in Africam attraxerim, nulla sum tibi verecundia  
 'obstrictus. Proinde si quid ad ea, in quae tum pax con-  
 'ventura videbatur, (quae sint, nosti) multae navium cum  
 'commeatu per indutias expugnatarum legatorumque vio-  
 'latorum adiicitur, est, quod referam ad consilium. Sim  
 'illa quoque gravia videntur, bellum parate, quoniam  
 'pacem pati non potuistis.'

Re infecta  
 redeunt.

32.  
 Omnia pa-  
 rantur ad  
 proelium.

Ita infecta pace, ex colloquio ad suos quum se recep-  
 sent, frustra verba iactata renuntiant. Armis decernendum  
 esse, habendamque eam fortunam, quam dii dedissent. In  
 castra ut est ventum, pronuntiant ambo, 'Arma expedirent  
 'milites animosque ad supremum certamen, non in unum  
 'diem, sed in perpetuum, si felicitas adesset, victores  
 'Roma, an Carthago, iura gentibus darent, ante crastinam  
 'noctem scituros. Neque enim Africam, aut Italian, sed  
 'orbem terrarum victoriae praemium fore; par periculum  
 'praemio, quibus adversae pugnae fortuna fuisset.' Nam  
 neque Romanis effugium ullum patebat in aliena ignotaque  
 terra: et Carthagini, supremo auxilio effuso, adesse vide-  
 batur praesens excidium.

Ad hoc discrimen procedunt postero die duorum opulen-  
 tissimorum populorum duo longe clarissimi duces, duo for-  
 tissimi exercitus, multa ante parta decora aut cumulaturi eo  
 die, aut eversuri. Anceps igitur spes et metus miscebant  
 animos: contemplantibusque modo suam, modo hostium  
 aciem, quum oculis magis, quam ratione, pensarent vires,  
 simul laeta, simul tristia obversabantur. Quae ipsis sua  
 sponte non succurrebant, ea duces admonendo atque hor-  
 tando subiiciunt. Poenus sexdecim annorum in terra Italia  
 res gestas, tot duces Romanos, tot exercitus occisione oc-  
 cisos, et sua cuique decora, ubi ad insignem alicuius pugnae  
 memoria militem venerat, referebat. Scipio Hispanias, et  
 recentia in Africa proelia, et confessionem hostium, quod

4 *Ad ea, in quae*] Praepositionem  
*in* omittit Bekker, et post *ad ea*,  
 voces *dico pacem*, aut tale quid intel-  
 ligit.

5 *Iura gentibus darent*] *Daret*  
 quod in quibusdam codd. superest,  
 Crevier. in contextum revocat; sed

*Roma, et Carthago*, pro Romanis et  
 Carthaginensibus, tanquam collec-  
 tivae voces, verbum plurale asciunt.  
 DRAK.

6 *Quibus adversae pugnae*] *Ad-*  
*versa*, quod Perizonius legendum  
 coniecit, reposuit Bekker.



neque non petere pacem propter metum, neque manere in U. C. 550.  
 ea prae insita animis perfidia potuissent. Ad hoc colloquium A. C. 202.  
 7 Hannibalis in secreto habitum, ac liberum fingenti, qua  
 velit, flectit. Ominatur, quibus quondam auspiciis patres  
 eorum pugnaverint ad Aegates insulas, ea illis exeuntibus  
 in aciem portendisse deos. ‘Adesse finem belli ac laboris.  
 ‘In manibus esse praedam Carthaginis, reditum domum in  
 ‘patriam, ad parentes, liberos, coniuges, penatesque deos.’  
 Celsus haec corpore, vultuque ita laeto, ut vicisse iam cre-  
 deres, dicebat. Instruit deinde primos hastatos, post eos  
 8 principes: triariis postremam aciem clausit. Non confertas 33.  
 9 autem cohortes ante sua quamque signa instruebat, sed Acies Sci-  
 manipulos aliquantum inter se distantes, ut esset spatium, pionia.  
 quo elephanti hostium accepti nihil ordines turbarent.  
 Laelium, cuius ante legati, eo anno quaestoris extra sortem  
 ex senatusconsulto opera utebatur, cum Italico equitatu ab  
 sinistro cornu, Masinissam Numidasque ab dextro opposuit.  
 1 Vias patentes inter manipulos antesignanorum velitibus  
 (ea tunc levis armatura erat) complevit; dato praecepto,  
 2 ut, ad impetum elephantorum, aut post rectos refugerent  
 3 ordines, aut, in dextram laevamque discursu applicantes se  
 antesignanis, viam, qua irruerent in ancipitia tela, belluis

7 *Liberum fingenti, qua velit, flectit*] *Flecti*, quod Sigonius mavult, Bekker in textum recepit.

8 *Triariis postremam aciem clausit*] cf. Polyb. vi. 19. Niebhr. iii. n. 825. Mutatae iam armis et numero legionis acies stabant. cf. supr. viii. 8. Quippe *hastatorum* et *principum* acies denos manipulos habebant; manipulus centum viginti homines erant, qui *pila* gererent. *Triarii* autem, qui in subsidiis stabant, *hastas* gerebant, manipuli decem; manipulus vicos milites continebat. *Velites*, qui non sicut antea manipulatim, sed catervatim iam structi erant, leves mille ducentos milites habebant: ita ut legiones quaternis millibus et ducentis militibus essent. Haud scio an haec *tertia* legionis struendae ratio a Scipione profecta sit.

9 *Non confertas autem cohortes*] Non ita instruebat cohortes ante sua quamque signa, ut haerent sibi invicem densati manipuli e quibus constabat cohors, sed ita ut illi manipuli aliquantum inter se distarent. Verum illud est ex more solito militiae Romanae, in qua manipuli distinctim semper locabantur. Polybius xv. 9. unde et ambas fere Hannibalis ac

Scipionis orationes, et totam huius pugnae narrationem exscripsit Livius, clarius indicat, qua in re Scipio a communi more instruendae Romanae aciei recesserit. “Scipio,” inquit, “sic ordines copiarum instruxit. Primum hastatos eorumque manipulos aliquantum inter se distantes; horum a tergo principes locavit, positus eorum manipulis non ex adverso vacui spatii, quo distabant invicem hastatorum manipuli, sicut mos est Romanorum, sed alios post alios in eadem serie, cum aliquo intervallo.” Inde fiebat ut a fronte ad extremam aciem patentes et directae viae panderentur, per quas velites, si ab elephantis nimium urgerentur, pone universam aciem refugere possent. CREV.

1 *Velitibus (ea tunc levis armatura erat)*] cf. Supr. xxvi. 4.

2 *Post rectos . . . ordines*] Post ordines qui in rectum, in lineam, a fronte ad ultimam aciem dispositi erant. CREV.

3 *Applicantes se antesignanis*] Imo, ut Polybius habet, intervallis, quae inter manipulos a dextra laevaue patentium viarum relictæ erant. CR.



U. C. 550. darent. Hannibal ad terrorem primum elephantos (octo-  
 A. C. 202. ginta autem erant, quot nulla unquam in acie ante habu-  
 Acies Han- erat) instruxit: deinde auxilia Ligurum Gallorumque,  
 nibalia. Baliaribus Maurisque admixtis; in secunda acie Carthagi-  
 nienses Afrosque et Macedonum legionem; modico inde  
 intervallo relicto, subsidiariam aciem Italicorum militum  
 (Bruttii plerique erant, vi ac necessitate plures, quam sua  
 voluntate, decedentem ex Italia secuti) instruxit. Equita-  
 tum etiam ipsum circumdedit cornibus: dextrum Cartha-  
 ginienses, sinistrum Numidae tenuerunt. Varia adhortatio  
 erat in exercitu inter tot homines, quibus non lingua, non  
 mos, non lex, non arma, non vestitus habitusque, non causa  
 militandi eadem esset. Auxiliaribus et praesens, et multi-  
 plicata merces ex praeda ostentatur. Galli proprio atque  
 insito in Romanos odio accenduntur. Liguribus campi  
 uberes Italiae, deductis ex asperrimis montibus, in spem  
 victoriae ostentantur. Mauros Numidasque Masinissae  
 impotenti futuro dominatu terret. Aliis aliae spes ac metus  
 iactantur. Carthaginensibus moenia patriae, dii penates,  
 sepulcra maiorum, liberi cum parentibus, coniuges pavidae,  
 aut excidium servitiumque, aut imperium orbis terrarum,  
 nihil aut in metum, aut in spem medium ostentatur.

Quum maxime haec imperator apud Carthaginenses,  
 duces suarum gentium inter populares, plerique per inter-  
 pretes inter immixtos alienigenis, agerent, tubae cornuaque  
 ab Romanis cecinerunt: tantusque clamor ortus, ut ele-  
 phanti in suos, sinistro maxime cornu, verterentur, Mauros  
 ac Numidas. Addidit facile Masinissa percussis terrorem,  
 nudavitque ab ea parte aciem equestri auxilio. Paucae  
 tamen bestiarum, intrepidae in hostem actae, inter velitum  
 ordines cum multis suis vulneribus ingentem stragem ede-  
 bant. Resilientes enim ad manipulos velites, quum viam  
 elephantis, ne obtererentur, fecissent; in ancipites ad ictum;  
 utrimque coniiciebant hastas; nec pila ab antesignanis ces-  
 sabant; donec undique incidentibus telis exacti ex Ro-  
 mana acie, hi quoque in suo dextro cornu ipsos Cartha-  
 giniensium equites in fugam verterunt. Laelius, ut turbatos  
 vidit hostes, addit percussis terrorem.

34. Utrunque equite nudata erat Punica acies, quum pedes

4 *Ad terrorem primum elephantos*] Potius videretur *primos*, quod ex Cantabrigiensi codice affert Iac. Gronovius, et firmat noster Regius. CREV. *Primos* reposuit Bekker.

5 *Duces suarum gentium inter populares*] Intellige *duces suarum* quemque *gentium*, Mauros Mauro-

rum, Hispanos Hispanorum.

6 *Plerique per interpretes*] *Plerique* emendavit Gronov., sed *plerique* Crevier. et Bekker. servant.

7 *In ancipites*] Utrunque expositos et patentes ad telorum ictus elephantos. GRONOV.

concurrit, nec spe, nec viribus iam par. Ad hoc, dictu U. C. 550.  
 8 parva, sed magni eadem in re gerenda momenti res, con- A. C. 202.  
 gruens clamor a Romanis, eoque maior et terribilior; dis-  
 sonae illis, ut gentium multarum discrepantibus linguis,  
 voces. Pugna Romana stabilis, et suo et armorum pondere  
 incumbentium in hostem: concursatio et velocitas illinc  
 maior, quam vis. Igitur primo impetu extemplo movere  
 9 loco hostium aciem Romani. Ala deinde et umbonibus  
 pulsantes, in summos gradu illato, aliquantum spatii,  
 velut nullo resistente, incessere; urgentibus et novissimis  
 primos, ut semel motam aciem sentire; quod ipsum vim  
 magnam ad pellendum hostem addebat. Apud hostes,  
 auxiliares cedentes secunda acies, Afri et Carthaginienses,  
 adeo non sustinebant, ut contra etiam, ne resistentes per-  
 tinaciter primos caedendo ad se perveniret hostis, pedem  
 referrent. Igitur auxiliares terga dant repente: et, in suos  
 versi, partim refugere in secundam aciem, partim non re-  
 cipientes cadere, uti paullo ante non adiuti, et tunc  
 exclusi. Et prope duo iam permixta proelia erant,  
 quum Carthaginienses simul cum hostibus, simul cum  
 suis cogerentur conserere manus. Non tamen ita per-  
 cussos iratosque in aciem acceperere; sed, densatis ordi-  
 nibus, in cornua vacuumque circa campum extra proelium  
 1 eiecere, ne pavido fuga vulneribusque milite sinceram et  
 integram aciem miscerent. Ceterum tanta strages homi-  
 num armorumque locum, in quo steterant paullo ante  
 auxiliares, compleverat, ut prope difficilior transitus esset,  
 quam per confertos hostes fuerat. Itaque, qui primi erant,  
 hastati, per cumulos corporum armorumque et tabem san-  
 guinis, qua quisque poterat, sequentes hostem, et signa et  
 ordines confuderunt. Principum quoque signa fluctuari  
 coeperant, vagam ante se cernendo aciem. Quod Scipio  
 2 ubi vidit, receptui propere canere hastatis iussit: et, sauciis  
 in postremam aciem subductis, principes triariosque in  
 cornua inducit; quo tutior firmiorque media hastatorum  
 acies esset. Ita novum de integro proelium ortum est:  
 quippe ad veros hostes perventum erat, et armorum genere,  
 et usu militiae, et fama rerum gestarum, et magnitudine  
 vel spei vel periculi pares. Sed et numero Romanus su-

8 *In re gerenda momenti res*]

Ultimam vocem *res* Gronov. et Bekker. delent, ut *parva* referatur numero plurali ad omnia quae sequuntur, sed Crevier. servandam censet.

9 *Ala deinde et umbonibus pulsantes*] Incusso lacerto et scutorum umbonibus. Sic supr. ix. 41. *Umbonibus incussa*que ala sternuntur hos-

tes. CREV.

1 *Sinceram et integram aciem*] Intellige aciem non permixtam ex variarum gentium colluvione, nec ulla adhuc clade, ullo damno immutatam aut debilitatam. CREV.

2 *Receptui . . . canere hastatis iussit*] Iussit receptui canere hastatis, id est ad hastatos revocandos. CREV.

U. C. 550. perior erat, et animo: quod iam equites, iam elephantos  
A. C. 202. fuderat: iam, prima acie pulsa, in secundam pugnabat.

35. In tempore Laelius ac Masinissa, pulsos per aliquantum  
spatii secuti equites, revertentes in aversam hostium aciem  
incurrere. Is demum equitum impetus fudit hostem.  
Multi circumventi in acie caesi: multi per patentem circa  
campum fuga sparsi, tenente omnia equitatu, passim in-  
terierunt. Carthaginiensium sociorumque caesa eo die  
supra millia viginti: par ferme numerus captus est, cum  
signis militaribus centum triginta tribus, elephantis unde-  
cim. Victores ad duo millia cecidere.

Vincunt  
Romani.

Hannibal, cum paucis equitibus inter tumultum elapsus,  
Adrumetum perfugit: omnia et ante aciem, et in proelio,  
priusquam excederet pugna, expertus; et confessione etiam  
Scipionis, omniumque peritorum militiae, illam laudem  
adeptus, singulari arte aciem eo die instruxisse. Ele-  
phantos in prima fronte: quorum fortuitus impetus atque  
intolerabilis vis, signa sequi, et servare ordines, in quo  
plurimum spei ponerent, Romanos prohiberet. Deinde  
auxiliares ante Carthaginiensium aciem, ne homines mixti  
ex colluvione omnium gentium, quos non fides teneret, sed  
merces, liberum receptum fugae haberent: simul primum  
ardorem atque impetum hostium excipientes fatigarent;  
ac, si nihil aliud, vulneribus suis ferrum hostile hebetarent.  
Tum, ubi omnis spes esset, milites Carthaginienses Afros-  
que: ut, omnibus rebus aliis pares, eo, quod integri cum  
fessis ac sauciis pugnarent, superiores essent: Italicos, in-  
tervallo quoque diremptos, incertos socii an hostes essent,  
in postremam aciem summos. Hoc edito velut ultimo  
virtutis opere, Hannibal, quum Adrumetum refugisset,  
accitusque inde Carthaginem sexto ac trigesimo post anno,  
quam puer inde profectus erat, redisset, fassus in curia est,  
non proelio modo se, sed bello victum, nec spem salutis  
alibi, quam in pace impetranda esse.

36. Scipio, confestim a proelio expugnatis hostium castris  
direptisque, cum ingenti praeda ad mare ac naves rediit;  
nuntio allato, P. Lentulum cum quinquaginta rostratis,  
centum onerariis, cum omni genere commeatus, ad Uticam  
accessisse. Admovendum igitur undique terrorem per-  
cussae Carthagini ratus, misso Laelio Romam cum victoriae  
nuntio, Cn. Octavium terrestri itinere ducere legiones Car-

3 *Ad duo millia*] Emendatio Si-  
gonii, nisa auctore Polybio. Libri  
*ad decem millia* exhibent. CREV.

4 *Excipientes fatigarent*] *Accipi-*  
*entes* reposuit Bekker.

5 *Incertos socii an hostes essent*]  
sc. De quibus Hannibal incertus

erat. cf. supr. xxvii. 37. infr. xxi.  
12.

6 *Misso Laelio Romam cum victo-*  
*riae nuntio*] Delendum est omnino  
illud *cum*, ut Laelius ipse intelligatur  
fuisse victoriae nuntius. Sic infr.  
xxvi. 51. *Scipio Laelium* ...

thaginem iubet: ipse, ad suam veterem nova Lentuli classe U. C. 550. adiuncta, profectus ab Utica portum Carthaginiis petit. A. C. 202. Haud procul aberat, quum velata infulis ramisque oleae Carthaginiensium occurrit navis. Decem legati erant principes civitatis, auctore Hannibale missi ad petendam pacem. Qui quum ad puppim praetoriae navis accessissent, velamenta supplicum porrigentes, orantes, implorantesque fidem et misericordiam Scipionis; nullum iis aliud responsum datum, quam ut Tunetem veniret: eo se moturum castra. Ipse ab contemplato situ Carthaginiis, non tam noscendi in praesentia, quam deprimendi hostis causa, Uticam, eodem et Octavio revocato, rediit. Inde procedentibus ad Tunetem nuntius allatus, Verminam, Syphacis filium, cum equitibus pluribus, quam peditibus, venire Carthaginiensibus auxilio. Pars exercitus cum Numidae 7 omni equitatu Saturnalibus primis agmen aggressa, Numidas levi certamine fudit. Exitu quoque fugae inter- 8 cluso, a parte omni circumdatis equitibus, quindecim millia hominum caesa; mille et ducenti vivi capti sunt, et equi Numidici mille et quingenti, signa militaria duo et septuaginta. Regulus ipse inter tumultum cum paucis effugit. Tum ad Tunetem eodem, quo antea, loco castra posita, legatique triginta Carthagine ad Scipionem venerunt. Et illi quidem multo miserabilius, quam ante, quo magis co- gebat fortuna, egerunt: sed aliquanto minore cum misericordia ab recenti memoria perfidiae auditi sunt. In consilio quanquam iusta ira omnes ad delendam stimulabat Carthaginem; tamen, quum, et quanta res esset, et quam longi temporis obsidio tam munitae et tam validae urbis, reputarent, et ipsum Scipionem exspectatio successoris, venturi ad paratam alterius labore ac periculo finiti belli famam, sollicitaret, ad pacem omnium animi versi sunt. Postero 37. die, revocatis legatis, et cum multa castigatione perfidiae monitis, ut, tot cladibus edocti, tandem deos et iusiurandum esse crederent; conditiones pacis dictae: ' Ut liberi 9 ' legibus suis viverent. Quas urbes, quosque agros, quibusque finibus ante bellum tenuissent, tenerent, populi landique finem eo die Romanus faceret. Perfugas, fugi-

Carthaginienses pacem petunt.

Numidae fusi.

Legati Carthag. ad Scipionem.

37. Conditiones pacis a Scipione dictae.

tium victoriae Romam mittit. xxviii. 17. L. Scipio cum multis nobilibus captivis nuntius receptas Hispanias Romam est missus. IAC. GRONOV.

7 Saturnalibus primis] Primo die Saturnalium, quae per triduum celebrabantur. Sic apud Cic. ad Att. xiii. 52. appellantur Saturnalia secunda, et Saturnalia tertia. Et noster supr. xlv. 20. Legati ex Ma-

cedonia Quinquatribus ultimis, id est, ultimo die Quinquatruum, venerunt. CREV.

8 A parte omni circumdatis equitibus] Quum equitatus Romanorum sese iis ab omni parte circumfudisset. CREV.

9 Quas urbes, quosque agros] Intellige, in Africa, ut diserte habetur apud Polybium. CREV.

U. C. 550. 'tivosque, et captivos omnes redderent Romanis, et naves  
 A. C. 202. 'rostratas, praeter decem triremes, traderent, elephantos-  
 'que, quos haberent domitos: neque domarent alios. Bel-  
 'lum neve in Africa, neve extra Africam, iniussu populi  
 'Romani gererent. Masinissae res redderent, foedusque  
 'cum eo facerent. Frumentum stipendiumque auxiliis,  
 'donec ab Roma legati redissent, praestarent. Decem  
 'millia talentum argenti, descripta pensionibus aequis in  
 'annos quinquaginta, solverent. Obsides centum arbi-  
 'tratu Scipionis darent: ne minores quattuordecim annis,  
 'neu triginta maiores. Indutias ita se daturum, si per  
 'prioris indutias naves onerariae captae, quaeque fuissent  
 'in navibus, restituerentur. Aliter nec indutias, nec spem  
 'pacis ullam esse.'

Gisgonem  
 contra pa-  
 cem dicere  
 vetat Han-  
 nibal.

Has condiciones legati quum domum referre iussi in  
 concione ederent, et Giso ad dissuadendam pacem pro-  
 cessisset, audireturque a multitudine, inquieta eadem et  
 imbelli: indignatus Hannibal, dici ea in tali tempore audi-  
 rique, arreptum Gisgonem manu sua ex superiore loco  
 detraxit. Quae insueta liberae civitati species quum fre-  
 mitum populi movisset, perturbatus militaris vir urbana  
 libertate, 'Novem,' inquit, 'annorum a vobis profectus,  
 'post sextum et tricesimum annum redii. Militares artes,  
 'quas me a puero fortuna nunc privata, nunc publica;  
 'docuit, probe videor scire. Urbis ac fori iura, leges,  
 'mores, vos me oportet doceatis.' Excusata imprudentia,  
 de pace multis verbis disseruit, quam nec iniqua, et neces-  
 saria esset. Id omnium maxime difficile erat, quod ex  
 navibus per indutias captis nihil, praeter ipsas comparebat  
 naves: neque inquisitio erat facilis, adversantibus paci, qui  
 arguerentur. Placuit naves reddi, et homines utique in-  
 quiri. Cetera, quae abessent, aestimanda Scipioni per-  
 mittere: atque ita pecunia luere Carthaginenses. Sunt qui  
 Hannibalem ex acie ad mare pervenisse, inde praeparata  
 nave ad regem Antiochum extemplo profectum tradant:  
 postulantique ante omnia Scipioni, ut Hannibal sibi tra-  
 deretur, responsum esse, Hannibalem in Africa non esse.

Pacem ac-  
 cipiunt  
 Carthag.

38. Postquam redierunt ad Scipionem legati; quae publica  
 in navibus fuerant, ex publicis descripta rationibus quae-  
 stores: quae privata, profiteri domini iussi; pro ea summa;

1 *Auxiliis*] cf. Supr. xxviii. 16.

2 *Post sextum et tricesimum*] cf. Supr. 30. et 35. Sed haec aegre conciliari posse existimat Crevier. cum eo, quod Carthagini Hannibal esset, quum eum vixdum puberem Hasdrubal literis ad se arcesseret. supr. xxi. 3.

3 *Fortuna nunc privata, nunc*

*publica*] 'Ea vivendi sora, quam mihi nunc privata fortuna mea, nunc publica Carthaginis fortuna dedit. CREV.

4 *Qui arguerentur*] Iis qui res in navibus captas possidere arguerentur.

5 *Proferi*] Hoc verbum ad *dominos* proprie refertur, sed *descripta*

pecuniae viginti quinque millia pondo argenti praesentia U. C. 550.  
 exacta: indutiaeque Carthaginiensibus datae in tres men- A. C. 202.  
 ses. Additum, ne per indutiarum tempus alio usquam, Indutiae in tres men-  
 quam Romam, mitterent legatos: et, quicumque legati sea.  
 Carthaginem venissent, ne ante dimitterent eos, quam  
 Romanum imperatorem, qui, et quae petentes venissent,  
 certiore facerent. Cum legatis Carthaginiensibus Ro-  
 mam missi L. Veturius Philo, et M. Marcius Ralla, et  
 L. Scipio imperatoris frater. Per eos dies commeatus ex  
 Sicilia Sardiniaque tantam vilitatem annonae effecerunt, ut  
 pro vectura frumentum mercator nautis relinqueret.

Romae ad nuntium primum rebellionis Carthaginiensium  
 trepidatum fuerat; iussusque erat Ti. Claudius mature in  
 Siciliam classem ducere, atque inde in Africam traicere,  
 et alter consul M. Servilius ad urbem morari, donec, quo  
 statu res in Africa essent, sciretur. Segniter omnia in  
 comparanda deducendaque classe ab Ti. Claudio consule  
 facta erant; quod Patres de pace Scipionis potius arbi-  
 trium esse, quibus legibus daretur, quam consulis, censue-  
 rant. Prodigia quoque, nuntiata sub ipsam famam rebel- Prodigia.  
 lionis, terrorem attulerant. Cumis solis orbis minui visus,  
 et pluit lapideo imbri, et in Veliterno agro terra ingentibus  
 cavernis consedit, arboresque in profundum haustae. Ari-  
 ciae forum, et circa tabernae, Frusinone murus aliquot  
 locis, et porta, de coelo tacta: et in Palatio lapidibus pluit.  
 Id prodigium more patrio novendiali sacro, cetera hostiis  
 maioribus expiata. Inter quae etiam aquarum insolita  
 magnitudo in religionem versa. Nam ita abundavit Ti-  
 beris, ut ludi Apollinares, circo inundato, extra portam  
 6 Collinam ad aedem Erycinae Veneris parati sint. Ceterum  
 ludorum ipso die, subita serenitate orta, pompa, duci coepta  
 ad portam Collinam, revocata deductaque in circum est,  
 quum decessisse inde aquam nuntiatum esset: laetitiamque  
 populo et ludis celebritatem addidit sedes sua sollenni  
 spectaculo reddita.

Claudium consulem, profectum tandem ab urbe, inter 39.  
 portus Cosanum Lauretanumque atrox vis tempestatis Classis  
 adorta in metum ingentem adduxit. Populonios inde Claudii  
 quum pervenisset, stetissetque ibi, dum reliquum tempe- Cos. tem-  
 tatis exsaeviret, Ilvam insulam, et ab Ilva Corsicam, a Cor- pestata  
 vexata.

*profiteri idem quod describere vult,  
 et quaestoribus accommodatum est.*

6 *Ad aedem Erycinae Veneris]*  
 Aedem Veneris Erycinae quam Fa-  
 bius voverit, supr. xxii. 9. 10. et de-  
 dicaverit, supr. xxiii. 31. hoc loco in-  
 telligi non posse, quippe quae in Ca-  
 pitolio esset; alteram autem extra

vel ad portam Collinam sitam, postea  
 demum a L. Porcio consule votam,  
 et deinde a L. Porcio L. F. Licino  
 duumviro dedicatam fuisse, infr. xl.  
 34. monet Drakenb. ita ut aut erra-  
 verit Livius, aut locum, ubi postea  
 aedes condita est, per prolepsin ita  
 vocaverit.



U. C. 550. **sica** in Sardiniam traiecit. Ibi superantem Insanos montes,  
 A. C. 202. multo et saevior et infestioribus locis tempestas adorta,  
 disiecit classem. Multae quassatae armamentisque spo-  
 liatae naves: quaedam fractae. Ita vexata ac lacerata  
 classis Carales tenuit. Ubi dum subductae reficiuntur  
 naves, hiems oppressit: circumactumque anni tempus, et,  
 nullo prorogante imperium, privatus Ti. Claudius classem  
 Romam reduxit. M. Servilius, ne comitiorum causa ad  
 urbem revocaretur, dictatore dicto C. Servilio Gemino, in  
 provinciam est profectus. Dictator magistrum equitum  
 P. Aelium Paetum dixit. Saepe comitia indicta perfici  
 tempestates prohibuerunt. Itaque, quum pridie Idus  
 Martias veteres magistratu abissent, novi suffecti non  
 essent, respublica sine curulibus magistratibus erat.

T. Manlius Torquatus pontifex eo anno mortuus: in  
 locum eius suffectus C. Sulpicius Galba. Ab L. Licinio  
 Lucullo et Q. Fulvio aedilibus curulibus ludi Romani ter  
 toti instaurati. Pecuniam ex aerario scribae viatoresque  
 aedilicii clam egressisse per indicem comperti, damnati sunt,  
 non sine infamia Luculli aedilis. P. Aelius Tubero et L.  
 Laetorius aediles plebis vitio creati, magistratu se abdic-  
 runt, quum ludos ludorumque causa epulum Iovi fecissent,  
 et signa tria ex multaticio argento facta in Capitolio posu-  
 issent. Cerealia ludos dictator et magister equitum ex  
 senatusconsulto fecerunt.

40. Legati ex Africa Romani simul Carthaginiensesque  
 Legati Car- quum venissent Romam, senatus ad aedem Bellonae ha-  
 thaginien- bitus est. Ubi quum L. Veturius Philo, pugnatum cum  
 ses Romam Hannibale esse suprema Carthaginiensibus pugna, finemque,  
 veniunt. tandem lugubri bello impositum ingenti laetitia Patrum  
 exposuisset; adiecit, Verminam etiam, Syphacis filium,  
 quae parva bene gestae rei accessio erat, devictum. In  
 concionem inde prodire iussus, gaudiumque id populo  
 impartire. Tum patuere, facta gratulatione, omnia in urbe  
 templa, supplicationesque in triduum decretae. Legatis  
 Carthaginiensium et Philippi regis (nam ii quoque vene-  
 rant) petentibus, ut senatus sibi daretur, responsum iussu  
 Patrum ab dictatore est, consules novos iis senatum datu-  
 ros esse. Comitia inde habita. Creati consules Cn. Cornelius  
 U. C. 551. Lentulus, P. Aelius Paetus: praetores, M. Iunius Pennus,  
 A. C. 201. Cui sors urbana evenit; M. Valerius Falto Bruttios, M. Fa-  
 Cn. Cor- bius Buteo Sardiniam, P. Aelius Tubero Siciliam est sor-  
 nelio, P. Aelio Coss.

7 *Dictatore dicto*] Post hunc usque  
 ad Syllam dictatores in republica non  
 fuerunt. Vide Pighium in Ann. ad  
 hunc annum p. 228. DUKER.

8 *Cerealia*] De his ludis cf. Ovid.

Fast. iv. 393. et sqq.

9 *Suprema Carthaginiensibus pu-  
 gna*] Pugna, quae suprema, postrema  
 fuit Carthaginiensibus, bello iam, non  
 solum proelio victis. CREV.



titus. De provinciis consulum nihil ante placebat agi, U.C. 550.  
quam legati Philippi regis et Carthaginiensium auditi A. C. 202.  
essent. Belli finem alterius, principium alterius prospicie-  
bant animis. Cn. Lentulus consul cupiditate flagrabat pro-  
vinciae Africae; seu bellum foret, facilem victoriam, seu  
iam finiretur, finiti tanti belli se consule gloriam petens. Provinciae.  
Negare itaque prius quicquam agi passurum, quam sibi  
Africa decreta esset, concedente collega, moderato viro et  
prudenti; qui gloriae eius certamen cum Scipione, prae-  
terquam quod iniquum esset, etiam impar futurum cer-  
nebat. Q. Minucius Thermus et M'. Acilius Glabrio, tri-  
buni plebis, 'rem, priore anno nequicquam tentatam ab  
'Ti. Claudio consule, Cn. Cornelium tentare' aiebant.  
'Ex auctoritate Patrum latum ad populum esse, cuius vel-  
'lent imperium in Africa esse. Omnes quinque et tri-  
'ginta tribus P. Scipioni id imperium decresce.' Multis  
contentionibus, et in senatu et ad populum, acta res po-  
stremo eo deducta est, ut senatui permitterent. Patres  
igitur iurati (ita enim convenerat) censuerunt, uti consules  
provincias inter se compararent, sortirenturve, uter Italiam,  
uter classem navium quinquaginta haberet. Cui classis  
obvenisset, in Siciliam navigaret: si pax cum Carthagini-  
ensibus componi nequisset, in Africam traiceret. Consul  
mari, Scipio eodem, quo adhuc, iure imperii terra rem  
gereret. Si conditiones convenirent pacis, tribuni plebis  
populum rogarent, utrum consulem, an P. Scipionem,  
iuberent pacem dare; et quem, si deportandus exercitus  
victor ex Africa esset, deportare. Si pacem per P. Sci-  
pionem dari, atque ab eodem exercitum deportari iussis-  
sent, ne consul ex Sicilia in Africam traiceret. Alter  
consul, cui Italia evenisset, duas legiones a M. Sextio prae-  
tore acciperet. P. Scipioni cum exercitibus, quos haberet,  
in provincia Africa prorogatum imperium. Praetori M.  
Valerio Faltoni duae legiones in Brutiis, quibus C. Livius  
priori anno praefuerat, decretae. P. Aelius praetor duas  
legiones in Sicilia ab Cn. Tremellio acciperet. Legio una  
M. Fabio in Sardiniam, quam P. Lentulus pro praetore  
habuisset, decernitur. M. Servilio prioris anni consuli,  
cum suis duabus item legionibus, in Etruria prorogatum  
imperium est. Quod ad Hispanias attineret, aliquot iam  
annos ibi L. Cornelium Lentulum et L. Manlium Acidini-  
um esse. Uti consules cum tribunis agerent, si iis vide-  
retur, ut plebem rogarent, cui iuberent in Hispania im-

41.

1 *Finiti tanti belli se consule]* consule finitum iri, ut revera accidit.  
*Recte videtur Perizonius legere a se* At cupiebat ipse ultimam bello ma-  
*consule. Sane apparebat bellum eo* num imponere. CAEV.

U. C. 551. perium esse. Is ex duobus exercitibus in unam legionem  
 A. C. 201. conscriberet Romanos milites, et in quindecim cohortes  
 socios Latini nominis, quibus provinciam obtineret: veteres  
 milites L. Cornelius et L. Manlius in Italiam deportarent.  
 Cornelio consuli quinquaginta navium classis ex duabus  
 classibus, Cn. Octavii, quae in Africa esset, P. Villii, quae  
 Siciliae oram tuebatur, decreta: ut, quas naves vellet, de-  
 ligeret. P. Scipio quadraginta longas naves haberet, quas  
 habuisset. Quibus si Cn. Octavium, sicut praefuisset,  
 praeesse vellet, Octavio pro praetore in eum annum im-  
 perium esset: si Laelium praeficeret, Octavius Roman  
 decederet: reduceretque naves, quibus consuli usus non  
 esset. Et M. Fabio in Sardiniam decem longae naves de-  
 cretae. Et consules duas legiones urbanas scribere iussi:  
 ut quattuordecim legionibus eo anno, centum navibus lon-  
 gis respublica administraretur.

14. legioni-  
 bus, 100.  
 navibus res  
 gesta.

42.  
 Legati  
 Philippi.

Tum de legatis Philippi et Carthaginiensium actum.  
 Priores Macedonas introduci placuit: quorum varia oratio  
 fuit; partim purgantium, quae questi erant missi ad regem  
 a Roma legati de populatione sociorum; partim ultro ac-  
 cusantium quidem et socios populi Romani, sed multo  
 infestius M. Aurelium; (quem ex tribus ad se missis legatis,  
 delectu habito, substitisse, et se bello lacesse contra  
 foedus, et saepe cum praefectis suis signis collatis pugnasse)  
 partim postulantium, ut Macedones duxque eorum Sopater,  
 qui apud Hannibalem mercede militassent, captique in vin-  
 culis essent, sibi restituerentur. Adversus ea M. Furius,  
 missus ad id ipsum ab Aurelio ex Macedonia, disseruit,  
 'Aurelium relictum, ne socii populi Romani, fessi popula-  
 'tionibus atque iniuria, ad regem deficerent, finibus socio-  
 'rum non excessisse: dedisse operam, ne impune in agros  
 'eorum transcenderent populatores. Sopatrum ex purpu-  
 'ratis et propinquis regis esse: eum cum quattuor millibus  
 'Macedonum et pecunia missum nuper in Africam esse,  
 'Hannibali Carthaginiensibusque auxilio.' De his rebus  
 interrogati Macedones, quum perplexe responderent ipsi,  
 ante responsum tulerunt, 'Bellum quaerere regem, et, si  
 'pergat, propediem inventurum. Dupliciter ab eo foedus

Cum tristi  
 responso  
 dimissi.

2 *Quadraginta longas naves*] Ita pro *quinquaginta* emendavit Drakenb. Tot autem navium classem Scipionem prioribus annis habuisse supr. 2. dictum est: ita quoque numerus navium cum *centum navibus longis* infr. conveniet.

3 *Ex purpuratis*] Purpurati in regum Macedonicorum aulis ii erant, qui, quia dignitate ceteros anteibant, purpurea veste utebantur. Horum

frequens mentio est et in libris sequentibus, et apud Curtium, et alibi passim. CREV.

4 *Responderent ipsi, ante responsum*] Ita emendavit Gronov. pro vulg. *responderent, ipsi ante responsum*, sed veterem lectionem Bekker. revocavit. Perizonius, quem laudat Drakenb. pro *ante* vocem *ante* legendam coniecit.

‘violatum: et quod sociis populi Romani iniurias fecerit, U. C. 551.  
 ‘bello armisque laccessierit: et quod hostes auxiliis et A. C. 201.  
 ‘pecunia iuverit. Et P. Scipionem recte atque ordine  
 ‘videri fecisse et facere, quod eos, qui arma contra populum  
 5 ‘Romanum ferentes capti sunt, hostium numero in vinculis  
 ‘habeat: et M. Aurelium e republica facere, gratumque  
 ‘id senatui esse, quod socios populi Romani, quando iure  
 ‘foederis non posset, armis tueatur.’

Cum hoc tam tristi responso dimissis Macedonibus, Legati Car-  
 legati Carthaginienses vocati. Quorum aetatibus dignita- thaginien-  
 tibusque conspectis, (nam longe primi civitatis erant) tum sium.  
 pro se quisque dicere, vere de pace agi. Insignis tamen  
 inter ceteros Hasdrubal erat, (Haedum populares cogno-  
 mine appellabant) pacis semper auctor, adversus factioni  
 6 Barcinae. Eo tum plus illi auctoritatis fuit, belli culpam  
 in paucorum cupiditatem a republica transferenti. Qui  
 quum varia oratione usus esset, nunc purgando crimina,  
 nunc quaedam fatendo, ne impudenter certa negantibus  
 difficilior venia esset, nunc monendo etiam Patres conscri-  
 ptos, ut rebus secundis modeste ac moderate uterentur;  
 ‘Si se atque Hannonem audissent Carthaginenses, et tem-  
 ‘pore uti voluissent, daturos fuisse pacis condiciones, quas  
 ‘tunc peterent. Raro simul hominibus bonam fortunam  
 ‘bonamque mentem dari. Populum Romanum eo invic-  
 ‘tum esse, quod in secundis rebus sapere et consulere me-  
 ‘minerit: et, hercule, mirandum fuisse, si aliter facerent.  
 7 ‘Ex insolentia, quibus nova bona fortuna sit, impotentes  
 ‘laetitiae insanire. Populo Romano usitata ac prope iam  
 ‘obsoleta ex victoria gaudia esse, ac plus paene parcendo  
 ‘victis, quam vincendo, imperium auxisse:’ ceterorum  
 miserabilior oratio fuit, commemorantium, ‘Ex quantis  
 ‘opibus quo recidissent Carthaginensium res. Nihil iis,  
 ‘qui modo orbem prope terrarum obtinuissent armis, su-  
 ‘peresse, praeter Carthaginis moenia. Iis inclusos, non  
 ‘terra, non mari quicquam sui iuris cernere. Urbem quo-  
 ‘que ipsam ac penates ita habituros, si non in ea quoque,  
 ‘quo nihil ulterius sit, saevire populus Romanus velit.’  
 Quum flecti misericordia Patres appareret, senatorum unum  
 infestum perfidiae Carthaginensium succlamasse ferunt,  
 ‘Per quos deos foedus icturi essent, quum eos, per quos

5 *Capti sunt*] *Sint* ex coniectura Dukeri, utpote in oratione obliqua, reposuit Bekker. assentiente Crevierio.

6 *Eo tum plus illi auctoritatis fuit*] Eo tum et decentior gravique viro dignior eius oratio fuit, et fides

illi facilius haberi poterat. CREV.

7 *Ex insolentia*] Eos quibus nova bona fortuna sit, quia id illis praeter solitum accidat, non capientes animo immodicam laetitiam, ad insanitatem efferri. CREV.

U. C. 551. 'ante ictum esset, fefellissent? Per eosdem,' inquit Has-  
A. C. 201. drubal, 'qui tam infesti sunt foedera violantibus.'

43. Inclinatorum omnium ad pacem animis, Cn. Lentulus consul,  
Plebi- cui classis provincia erat, senatusconsulto intercessit. Tum  
scium de M'. Acilius et Q. Minucius tribuni plebis ad populum tulerunt,  
pace. 'Vellent, iuberentne senatum decernere, ut cum Carthaginiensibus pax fieret; et quem eam pacem dare, quemque ex Africa exercitus deportare iuberent?' De pace, uti rogassent, omnes tribus iusserunt: pacem dare P. Scipionem, eundem exercitus deportare. Ex hac rogatione senatus decrevit, ut P. Scipio ex decem legatorum sententia pacem cum populo Carthaginiensi, quibus legibus ei videretur, faceret. Gratias deinde Patribus egere Carthaginienses, petieruntque, ut sibi in urbem introire, et colloqui cum civibus suis liceret, qui capti in publica custodia essent: esse in iis partim propinquos amicosque suos, nobiles homines; partim ad quos mandata a propinquis haberent. Quibus conventis, quum rursus peterent, ut sibi, quos vellent, ex iis redimendi potestas fieret; iussi nomina edere: et, quum ducentos ferme ederent, senatusconsultum factum est, 'Ut legati Romani ducentos ex captivis, quos Carthaginienses vellent, ad P. Cornelium Scipionem in Africam deportarent: nuntiarentque ei, ut, si pax convenisset, sine pretio eos Carthaginiensibus redderet.' Fetiales quum in Africam ad foedus ferendum ire iuberentur: ipsis postulanti- bus, senatusconsultum in haec verba factum est: 'Ut privos lapides silices, privasque verbenas secum ferrent: uti praetor Romanus his imperaret, ut foedus ferirent, illi praetorem sagmina poscerent.' Herbae id genus ex arce sumptum dari fetialibus solet.

Ita dimissi ab Roma Carthaginienses, quum in Africam venissent ad Scipionem, quibus ante dictum est legibus pacem fecerunt. Naves longas, elephantos, perfugas, fugitivos, captivorum quattuor millia tradiderunt: inter quos Q. Terentius Culleo senator fuit. Naves provectas in altum incendi iussit. Quingentas fuisse omnis generis, quae  
Incensae 500. naves. remis agerentur, quidam tradunt: quarum conspectum repente incendium tam lugubre fuisse Poenis, quam si tum ipsa Carthago arderet. De perfugis gravius, quam de:

8 *Decem legatorum*] Qui veteres illos *decem primos*, seu *principes senatus* referebant. cf. Niebhr. i. n. 784.

9 *Ut privos lapides silices*] Privos idem est ac *singulos*. *Lapides silices* sic dicit hoc loco, ut supr. i. 24. *Saxo silice*.

1 *Verbenas ... sagmina*] cf. Supr. i. 24.

2 *Praetor Romanus*] h. e. *Sar-mus* magistratus ex antiqua formula. cf. supr. vii. 3. *Qui praetor marinus sit*.

3 *De perfugis*] cf. Supr. 16.

fugitivis, consultum; nominis Latini qui erant, securi percussi, Romani in crucem sublatis. U. C. 551.  
A. C. 201.

Annis ante quadraginta pax cum Carthaginiensibus postremo facta erat, Q. Lutatius, A. Manlius consulibus. Bellum initum annis post tribus et viginti, P. Cornelio, Ti. Sempronio consulibus. Finitum est septimo decimo anno, Cn. Cornelio, P. Aelio Paeto consulibus. Saepe postea ferunt Scipionem dixisse, Ti. Claudii primum cupiditatem, deinde Cn. Cornelii, fuisse in mora, quo minus id bellum exitio Carthaginis finiret. 44.

Carthagini quum prima collatio pecuniae diutino bello exhaustis difficilis videretur, maestitiaque et fletus in curia esset, ridentem Hannibalem ferunt conspectum. Cuius quum Hasdrubal Haedus risum increparet in publico fletu, quum ipse lacrimarum causa esset; 'Si, quemadmodum oris habitus cernitur oculis,' inquit, 'sic et animus intus cerni posset, facile vobis appareret, non laeti, sed prope amentis malis cordis hunc, quem increpatis, risum esse. Qui tamen nequaquam adeo est intempestivus, quam vestrae istae absurdae atque abhorrentes lacrimae sunt. Tunc flesse decuit, quum adempta nobis arma, incensae naves, interdictum externis bellis. Illo enim vulnere concidimus. Nec esse in vos odio vestro consultum ab Romanis credatis. Nulla magna civitas diu quiescere potest. Si foris hostem non habet, domi invenit: ut praevalida corpora ab externis causis tuta videntur, sed suis ipsa viribus onerantur. Tantum nimirum ex publicis malis sentimus, quantum ad privatas res pertinet: nec in iis quicquam acrius, quam pecuniae damnum, stimulat. Itaque, quum spolia victae Carthagini detrahebantur, quum inermem iam ac nudam destitui inter tot armatas gentes Africae cerneretis, nemo ingemuit: nunc, quia tributum ex privato conferendum est, tanquam in publico funere, comploratis. Quam vereor, ne propediem sentiat, levissimo in malo vos hodie lacrimasse!' Haec Hannibal apud Carthaginienses.

4 *Finitum est septimo decimo anno*] Intelligendus est septimus decimus annus elapsus, et incipiente decimo octavo finitum bellum. CREV.

5 *Cupiditatem*] Qua Ti. Claudius, supr. 27. et Cn. Cornelius, supr. 40. destinata finiti belli laudem Scipioni quasi praeripere studuerant. RASCH.

6 *Carthaginis*] cf. Supr. xxviii. 26.

7 *Haedus*] cf. Supr. 42. Appianus quoque Hasdrubalem *Ἐπίφορ* appellatum scribit. SIGON.

8 *Abhorrentes*] Ineptae, seu intempestivae.

9 *Nec esse in vos*] Neque existimetis ideo tam acerbe egisse vobiscum Romanos, ut suum in vos odium expleant. Vestrae paci ac tranquillitati consulere. Nulla quippe magna ac valida civitas diu quiescere potest. Ideo vobis vires ademere, ut quiescere cogamini. Ceterum haec defensio Romanae in victos acerbioris fortasse quibusdam videbitur haud satis decere personam Hannibalis. CREV.

U. C. 551.  
A. C. 201.  
Masinissa  
regno Sy-  
phacis do-  
natus.

45.  
Scipio Ro-  
mam rever-  
sus trium-  
phat.

Scipio, concione advocata, Masinissam, ad regnum pater-  
num Cirta oppido et ceteris urbibus agrisque, quae ex  
regno Syphacis in populi Romani potestatem venissent,  
adiectis, donavit. Cn. Octavium classem in Siciliam duc-  
tam Cn. Cornelio consuli tradere iussit: legatos Carthagi-  
niensium Romam proficisci, ut, quae ab se ex decem lega-  
torum sententia acta essent, ea Patrum auctoritate populi-  
que iussu confirmarentur. Pace terra marique parta, exercitu  
in naves imposito, in Siciliam Lilybaeum traiecit. Inde  
magna parte militum in navibus missa, ipse per laetam pace  
non minus, quam victoria, Italiam, effusis non urbibus modo  
ad habendos honores, sed agrestium etiam turba obsidente  
vias, Romam pervenit, triumphoque omnium clarissimo  
urbem est invectus. Argenti tulit in aerarium pondo cen-  
tum millia viginti tria: militibus ex praeda quadragenos  
aeris divisit. Morte subtractus spectaculo magis hominum,  
quam triumphantis gloriae, Syphax est, Tibure haud ita  
multo ante mortuus, quo ab Alba traductus fuerat. Con-  
specta mors tamen eius fuit, quia publico funere est elatus.  
Hunc regem in triumpho ductum Polybius, haudquaquam  
spernendus auctor, tradit. Secutus Scipionem triumphan-  
tem est pileo capiti imposito Q. Terentius Culleo: omnique  
deinde vita, ut dignum erat, libertatis auctorem coluit.  
Africanum cognomen militaris prius favor, an popularis  
aura celebraverit, an, sicuti Felicis Sullae Magnique Pom-  
peii patrum memoria, coeptum ab assentatione familiari sit,  
parum compertum habeo. Primus certe hic imperator no-  
mine victae ab se gentis est nobilitatus. Exemplo deinde  
huius, nequaquam victoria pares, insignes imaginum titulos  
claraque cognomina familiae fecere.

<sup>1</sup> *Polybius*] Quem adeas, xvi. 12.  
cf. infr. xxxiii. 10. Polybium usque  
ad hunc bellum neglexit Livius, ut-  
pote non Romanum, et idcirco Ro-  
manarum rerum non aequae ac Grae-  
carum peritum. Sed Polybium au-  
ctorem vel praecipua fide in rebus Ro-  
manis laudat Cicero de Rep. ii. 14.

<sup>2</sup> *Pileo capiti imposito*] Quippe  
signo receptae libertatis. cf. supr.  
xxiv. 16.

<sup>3</sup> *Victae ab se gentis*] Hinc cogno-  
mina illa, *Regillensem*, *Coriolanum*,

aliaque eiusmodi non victam gentem,  
sed illam, unde originem Postumii,  
et Marcii, alique duxerint, respexisse  
existimat Niebhr. i. n. 1217. Fieri  
tamen potest, ut vox *gens* latius quam  
*oppidum* pateat, et licet Africanus  
primus nomine *gentis* nobilitatus  
fuerit, non ideo tamen capti *oppidi*  
nomine priores nulli sint nobilitati.  
Equidem Niebuhrii coniecturam pro-  
bandam censeo, non tamen hoc loco  
nimium nobis nitendum esse.















JUN 15 1939

